



Comhairle an  
Aontais Eorpaigh

An Bhruiséil, 30 Lúnasa 2023  
(OR. en)

---

---

Comhad Idirinstiúideach:  
2021/0104(COD)

---

---

12481/23  
ADD 1

DRS 44  
EF 262  
ECOFIN 838  
SUSTDEV 114  
COMPET 823  
DELECT 122

## NÓTA CLÚDAIGH

---

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	21 Lúnasa 2023
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	C(2023) 5303 final - IARSCRÍBHINN 1
Ábhar:	IARSCRÍBHINN a ghabhann le Rialachán Tarmligthe (AE) .../... ón gCoimisiún lena bhforlíontar Treoir 2013/34/AE ó Pharlaimint na hEorpa agus ón gComhairle a mhéid a bhaineann le caighdeáin tuairiscithe inbhuanaitheachta

---

Gheobhaidh na toscaireachtaí i gceangal leis seo doiciméad C(2023) 5303 final - IARSCRÍBHINN 1.

---

Faoi iamh: C(2023) 5303 final - IARSCRÍBHINN 1



AN COIMISIÚN  
EORPACH

An Bhruiséil, 31.7.2023  
C(2023) 5303 final

ANNEX 1

## IARSCRÍBHINN

*a ghabhann le*

**Rialachán Tarmligthe (AE) .../... ón gCoimisiún**

**lena bhforlíontar Treoir 2013/34/AE ó Pharlaimint na hEorpa agus ón gComhairle a  
mhéid a bhaineann le caighdeáin tuairiscithe inbhuanaitheachta**

## IARSCRÍBHINN I

### CAIGHDEÁIN EORPACHA MAIDIR LE TUAIRISCIÚ UM INBHUANAITHEACTH (ESRS)

ESRS 1	Ceanglais ghinearálta
ESRS 2	Nochtaí ginearálta
ESRS E1	Athrú aeráide
ESRS E2	Truailliú
ESRS E3	Uisce agus acmhainní muirí
ESRS E4	Bithéagsúlacht agus éiceachórais
ESRS E5	Úsáid acmhainní agus an geilleagar ciorclach
ESRS S1	Lucht saothair dílis
ESRS S2	Oibrithe sa slabhra luacha
ESRS S3	Pobail dá ndéantar dífeair
ESRS S4	Tomhaltóirí agus úsáideoirí deiridh
ESRS G1	Iompar gnó

#### ESRS 1 CEANGLAIS GHINEARÁLTA

#### Clár ábhar

---

##### Cuspóir

1. **Catagóirí Chaighdeáin ESRS, réimsí tuairiscithe agus coinbhinsiúin maidir le dréachtú**
  - 1.1 **Catagóirí Chaighdeáin ESRS**
  - 1.2 **Réimsí tuairiscithe agus íoscheanglais maidir le nochtadh ábhair i dtaca le beartais, gníomhaíochtaí, spriocanna agus méadracht**
  - 1.3 **Coinbhinsiúin maidir le dréachtú**
2. **Saintréithe cáilíochtúla na faisnéise**
3. **Ábharthacht dhúbailte mar bhonn ag nochtaí inbhuanaitheachta**
  - 3.1 **Páirtithe leasmhara agus an bhaint atá acu leis an bpróiseas measúnaithe ábharthachta**
  - 3.2 **Ábhair ábhartha agus ábharthacht na faisnéise**
  - 3.3 **Ábharthacht dhúbailte**
  - 3.4 **Ábharthacht tionchair**
  - 3.5 **Ábharthacht airgeadais**
  - 3.6 **Tionchair nó rioscaí ábhartha a eascraíonn as gníomhaíochtaí chun aghaidh a thabhairt ar ábhair inbhuanaitheachta**
  - 3.7 **Leibhéal an dí- chomhiomlánaithe**
4. **Dícheall cuí**
5. **Slabhra luacha**
  - 5.1 **Gnóthas tuairiscithe agus slabhra luacha**
  - 5.2 **Meastachán ag úsáid meánchostais agus ionadaithe earnála**
6. **Tréimhsí ama**
  - 6.1 **Tréimhse tuairiscithe**
  - 6.2 **An t- am atá thart, an lá atá inniu ann agus an todhchaí a nascadh**
  - 6.3 **Tuairisciú ar dhul chun cinn in aghaidh na bonnbhlíana**
  - 6.4 **Sainmhíniú ar gearrthéarmach, meántéarmach agus fadtéarmach chun críoch tuairiscithe**

- 7 Faisnéis inbhuanaitheachta a ullmhú agus a chur i láthair
  - 7.1 Faisnéis chomparáideach a chur i láthair
  - 7.2 Foinsí neamhchinnteachta meastacháin agus neamhchinnteachta torthaí
  - 7.3 Nochtaí maidir le teagmhais a thabhairt cothrom le dáta tar éis dheireadh na tréimhse tuairiscithe
  - 7.4 Athruithe ar ullmhú agus ar chur i láthair na faisnéise inbhuanaitheachta
  - 7.5 Earráidí i dtréimhsí roimhe sin a thuairisciú
  - 7.6 Tuairisciú comhdhlúite agus díolúine fochuideachta
  - 7.7 Faisnéis rúnaicmithe agus íogair, agus faisnéis faoi mhaoin intleachtúil, saineolas nó torthaí na nuálaíochta
  - 7.8 Tuairisciú ar dheiseanna
8. Struchtúr an ráitis inbhuanaitheachta
  - 8.1 Ceanglas ginearálta maidir le cur i láthair
  - 8.2 Ábhar agus struchtúr an ráitis inbhuanaitheachta
9. Naisc le codanna eile den tuairisciú corparáideach agus faisnéis nasctha
  - 9.1 Cuimsiú de réir tagartha
  - 9.2 Faisnéis nasctha agus nascacht leis na ráitis airgeadais
10. Forálacha idirthréimhseacha
  - 10.1 Foráil idirthréimhseach a bhaineann le nochtaí eintiteas- sonracha
  - 10.2 Foráil idirthréimhseach a bhaineann le caibidil 5 Slabhra luacha
  - 10.3 Foráil idirthréimhseach a bhaineann le roinn 7.1 Faisnéis chomparáideach a chur i láthair
  - 10.4 Foráil idirthréimhseach: Liosta na gCeanglas maidir le Nochtadh atá céimnithe isteach

**Foscúbhinn A: Ceanglais maidir le Cur i bhFeidhm**

- Nochtaí eintiteas- sonracha
- Ábharthacht dhúbailte
- Meastachán ag úsáid meánchostais agus ionadaithe earnála
- Ábhar agus struchtúr an ráitis inbhuanaitheachta

**Foscúbhinn B: Saintréithe cáilíochtúla na faisnéise**

**Foscúbhinn C: Liosta de Cheanglais maidir le Nochtadh atá céimnithe isteach**

**Foscúbhinn D: Struchtúr ráiteas inbhuanaitheachta ESRS**

**Foscúbhinn E: Sreabhchairt chun na nochtaí atá le háireamh a chinneadh**

**Foscúbhinn F: Sampla de struchtúr ráiteas inbhuanaitheachta ESRS**

**Foscúbhinn G: Sampla de chuimsiú de réir tagartha**

## Cuspóir

1. Is é cuspóir na gCaighdeán Eorpach maidir le Tuairisciú um Inbhuanaitheacht (ESRS) an fhaisnéis inbhuanaitheachta a shonrú a nochtfaidh gnóthas i gcomhréir le Treoir 2013/34/AE ó Pharlaimint na hEorpa agus ón gComhairle,<sup>1</sup> arna leasú le Treoir (AE) 2022/2464 ó Pharlaimint na hEorpa agus ón gComhairle.<sup>2</sup> Le tuairisciú i gcomhréir le ESRS, ní dhíolmhaítear gnóthais ó oibleagáidí eile a leagtar síos i ndlí an Aontais.
2. Go sonrach, sonraítear in ESRS an fhaisnéis a nochtfaidh gnóthas faoina **thionchair**, **rioscaí** agus **deiseanna** ábhartha i ndáil le **hábhair inbhuanaitheachta** chomhshaoil, shóisialta agus rialachais. Le ESRS, ní cheanglaítear ar ghnóthais aon fhaisnéis a nochtadh maidir le topaicí comhshaoil, sóisialta agus rialachais a chumhdaítear le ESRS nuair a rinne an gnóthas measúnú ar an topaic i gceist mar neamhábhartha (Féach Foscúbhinn E den Chaighdeán seo

<sup>1</sup> Treoir 2013/34/AE ó Pharlaimint na hEorpa agus ón gComhairle an 26 Meitheamh 2013 maidir le ráitis airgeadais bhliantúla, ráitis airgeadais chomhdhlúite agus tuarascálacha gaolmhara maidir le cineálacha áirithe gnóthas, lena leasaítear Treoir 2006/43/CE ó Pharlaimint na hEorpa agus ón gComhairle agus lena n-aisghairtear Treoir 78/660/CEE agus Treoir 83/349/CEE ón gComhairle (IO L 182, 29.6.2013, lch. 19).

<sup>2</sup> Treoir (AE) 2022/2464 ó Pharlaimint na hEorpa agus ón gComhairle an 14 Nollaig 2022 lena leasaítear Rialachán (AE) Uimh. 537/2014, Treoir 2004/109/CE, Treoir 2006/43/CE agus Treoir 2013/34/AE, a mhéid a bhaineann le tuairisciú inbhuanaitheachta corparáideach (IO L 322, 16.12.2022, lch. 15).

'Sreabhchairt chun na nochtaí atá le háireamh a chinneadh'). Leis an bhfaisnéis a nochtar i gcomhréir le ESRS, cuirtear ar a gcumas d'úsáideoirí an **ráitis inbhuanaitheachta** tionchair ábhartha an ghnóthais ar dhaoine agus ar an gcomhshaol agus éifeachtaí ábhartha ábhar inbhuanaitheachta ar fhorbairt, ar fheidhmíocht agus ar shuíomh an ghnóthais a thuiscint.

3. Is é is cuspóir don Chaighdeán seo (ESRS 1) tuiscint a thabhairt ar ailtireacht ESRS, ar na coinbhinsiúin maidir le dréachtú agus ar na coincheapa bunúsacha a úsáidtear, agus ar na ceanglais ghinearálta maidir le faisnéis inbhuanaitheachta a ullmhú agus a chur i láthair i gcomhréir le Treoir 2013/34, arna leasú le Treoir 2022/2464.

## 1. **Catagóirí Chaighdeáin ESRS, réimsí tuairiscithe agus coinbhinsiúin maidir le dréachtú**

### 1.1 **Catagóirí chaighdeáin ESRS**

---

4. Tá trí chatagóir ESRS ann:

- (a) caighdeáin thrasearnálacha;
- (b) caighdeáin thopaicshonracha (caighdeáin Chomhshaoil, Shóisialta agus Rialachais); agus
- (c) caighdeáin earnáilsonracha.

Tá caighdeáin thrasearnálacha agus caighdeáin thopaicshonracha il-oiriúnach ó thaobh earnála de, rud a chiallaíonn go bhfuil feidhm acu maidir le gach gnóthas gan beann ar an earnáil nó ar na hearnálacha ina bhfuil an gnóthas ag oibriú.

5. Tá feidhm ag caighdeáin thrasearnálacha ESRS 1 *Ceanglais ghinearálta* agus ESRS 2 *Nochtaí ginearálta* maidir leis na **hábhair inbhuanaitheachta** a chumhdaítear le caighdeáin thopaicshonracha agus le caighdeáin earnáilsonracha.
6. Sa chaighdeán seo (ESRS 1), déantar cur síos ar ailtireacht chaighdeáin ESRS, mínítear coinbhinsiúin maidir le dréachtú agus coincheapa bunúsacha, agus leagtar amach ceanglais ghinearálta maidir le faisnéis a bhaineann le hinbhuanaitheacht a ullmhú agus a chur i láthair.
7. Le ESRS 2 bunaítear Ceanglais maidir le Nochtadh i dtaobh na faisnéise a sholáthróidh an gnóthas ar an leibhéal ginearálta thar gach **ábhar inbhuanaitheachta** ábhartha maidir leis na réimsí tuairiscithe rialachas, straitéis, **tionchar**, bainistiú **rioscaí** agus **deiseanna**, agus **méadracht** agus spriocanna.
8. Le ESRS topaicshonracha, cumhdaítear topaic inbhuanaitheachta agus tá siad struchtúrtha i dtopaicí agus i bhfothopaicí, agus, i gcás inar gá, i bhfo-fhothopaicí. Sa tábla i gCeanglas maidir le Cur i bhFeidhm 16 (AR 16) a ghabhann leis an gcaighdeán sin, tugtar forléargas ar na topaicí inbhuanaitheachta, ar na fothopaicí agus ar na fo-fhothopaicí (ar a dtugtar '**ábhair inbhuanaitheachta**' i dteannta a chéile) a chumhdaítear le ESRS topaicshonracha.
9. D'fhéadfadh ceanglais shonracha a chomhlánaíonn na Ceanglais maidir le Nochtadh ar an leibhéal ginearálta a bhaineann le ESRS 2 a bheith san áireamh in ESRS topaicshonracha. Le ESRS 2 Foscríbhinn C *Ceanglais maidir le Nochtadh/Cur i bhFeidhm in ESRS topaicshonracha is infheidhme i gcomhpháirt le ESRS 2 Nochtaí Ginearálta* soláthraítear liosta de na ceanglais bhreise in ESRS topaicshonracha a chuirfidh an gnóthas i bhfeidhm i gcomhar leis na ceanglais ghinearálta maidir le nochtadh in ESRS 2.
10. Tá caighdeáin earnáilsonracha infheidhme maidir le gach gnóthas laistigh d'earnáil. Tugtar aghaidh leo **ar thionchair**, **rioscaí** agus **deiseanna** ar dócha go mbeidh siad ábhartha do gach gnóthas in earnáil shonrach agus nach gcumhdaítear, nó nach gcumhdaítear go leormhaith, le caighdeáin thopaicshonracha. Baineann na caighdeáin earnáilsonracha le hilábhair agus cumhdaítear leo na hábhair is ábhartha don earnáil atá i gceist. Baineann caighdeáin earnáilsonracha leibhéal ard inchoimparáideachta amach.
11. I dteannta na gceanglas maidir le nochtadh a leagtar síos sna trí chatagóir ESRS, i gcás ina gcinneann gnóthas nach bhfuil tionchar, riosca nó deis cumhdaithe ag ESRS nó nach bhfuil sé cumhdaithe le gráinneacht leormhaith ach go bhfuil sé ábhartha mar gheall ar a fhórais agus a chúinsí sonracha, soláthróidh sé nochtaí breise eintiteas-sonracha chun go mbeidh úsáideoirí in ann **tionchair**, **rioscaí** nó **deiseanna** an ghnóthais, ar tionchair, rioscaí nó deiseanna a

bhaineann le hinbhuanaitheacht iad, a thuiscint. Le ceanglais maidir le cur i bhfeidhm AR 1 go AR 5, tugtar treoraíocht bhreise maidir le nochtáí eintiteas-sonracha.

## **1.2 Réimsí tuairiscithe agus íoscheanglais maidir le nochtadh ábhair i dtaca le beartais, gníomhaíochtaí, spriocanna agus méadracht**

---

12. Na Ceanglais maidir le Nochtadh in ESRS 2, in ESRS topaicshonracha agus in ESRS earnáilsonracha, tá siad struchtúrtha sna réimsí tuairiscithe seo a leanas:
- (a) **Rialachas** (GOV): na próisis, rialuithe agus nósanna imeachta rialachais a úsáidtear chun faireachán, bainistiú agus maoirseacht a dhéanamh ar **thionchair, rioscaí** agus **deiseanna** (féach ESRS 2, caibidil 2 *Rialachas*);
  - (b) **Straitéis** (SBM): an dóigh a n-idirghníomhaíonn straitéis agus samhail ghnó an ghnóthais lena thionchair, rioscaí agus deiseanna ábhartha, lena n-áirítear an dóigh a dtugann an gnóthas aghaidh ar na tionchair, rioscaí agus deiseanna sin (féach ESRS 2, caibidil 3 *Straitéis*);
  - (c) **Bainistiú tionchar, rioscaí agus deiseanna** (IRO): an próiseas/na próisis trína ndéanann an gnóthas an méid seo a leanas:
    - i. tionchair, rioscaí agus deiseanna a shainaithint agus measúnú a dhéanamh ar a **n-ábharthacht** (féach IRO-1 i roinn 4.1 de ESRS 2),
    - ii. bainistíonn sé **ábhair inbhuanaitheachta** ábhartha trí **bheartais** agus trí **gníomhaíochtaí** (féach roinn 4.2 de ESRS 2).
  - (d) **Méadracht agus spriocanna** (MT): feidhmíocht an ghnóthais, lena n-áirítear spriocanna atá leagtha síos aige agus dul chun cinn atá déanta i dtreo na spriocanna sin a bhaint amach (féach ESRS 2, caibidil 5 *Méadracht agus spriocanna*).
13. Áirítear le ESRS 2:
- (a) i roinn 4.2 Íoscheanglais maidir le Nochtadh i dtaca le **beartais** (MDR-P) agus **gníomhartha** (MDR-A);
  - (b) i roinn 5 Íoscheanglais maidir le Nochtadh i dtaca le méadracht (MDR-M) agus **spriocanna** (MDR-T).

Cuirfidh an gnóthas na **híoscheanglais maidir le nochtadh i bhfeidhm** i dtaca le beartais, gníomhaíochtaí, méadracht agus spriocanna mar aon leis na Ceanglais maidir le Nochtadh chomhfhreagracha in ESRS topaicshonracha agus earnáilsonracha.

## **1.3 Coinbhinsiúin maidir le dréachtú**

---

14. I ngach ESRS:
- (a) tagraíonn an téarma '**tionchair**' do thionchair dhearfacha agus dhiúltacha a bhaineann le hinbhuanaitheacht atá nasctha le gnó an ghnóthais, arna sainaithint trí mheasúnú ábharthachta tionchair (féach roinn 3.4 *Ábharthacht tionchair*). Tagraíonn sé do thionchair iarbhir agus do thionchair a d'fhéadfadh a bheith ann amach anseo.
  - (b) Tagraíonn an téarma '**rioscaí** agus **deiseanna**' do rioscaí airgeadais agus deiseanna airgeadais an ghnóthais a bhaineann le hinbhuanaitheacht, lena n-áirítear iad siúd a eascraíonn as spleáchais ar acmhainní nádúrtha, daonna agus sóisialta, mar a shainaithnítear trí phróiseas measúnaithe ar **ábharthacht airgeadais** (féach roinn 3.5).
- Tagraítear dóibh sin i gcomhpháirt mar 'tionchair, rioscaí agus deiseanna' (IROanna). Léiríonn siad peirspictíocht **ábharthachta dhúbailte** ESRS a thuairiscítear i roinn 3.
15. Ar fud ESRS, cuirtear na téarmaí a shainmhínítear i ngluais na sainmhínte (Iarscríbhinn II) i **gcló trom iodálach**, ach amháin i gcás ina n-úsáidtear téarma sainmhínte níos mó ná uair amháin san mhír chéanna.
16. Le ESRS déantar an fhaisnéis a struchtúru a bheidh le nochtadh faoi Cheanglais maidir le Nochtadh. Is éard atá i ngach Ceanglas maidir le Nochtadh pointe sonraí ar leith amháin nó

níos mó. Is féidir freisin go dtagraítear leis an téarma ‘pointe sonraí’ d’fho-eilimint insinte de Cheanglas maidir le Nochtadh.

17. Chomh maith leis na Ceanglais maidir le Nochtadh, tá Ceanglais maidir le Cur i bhFeidhm sa chuid is mó de ESRS freisin. Tacaíonn Ceanglais maidir le Cur i bhFeidhm le cur i bhfeidhm na gCeanglas maidir le Nochtadh agus tá an t-údarás céanna acu agus atá ag codanna eile de ESRS.
18. Baineann ESRS úsáid as na téarmaí seo a leanas chun idirdhealú a dhéanamh idir céimeanna éagsúla oibleagáide ar an ngnóthas faisnéis a nochtadh:
  - (a) ‘nochtfaidh sé’ – tugann sé le fios go bhforordaítear an fhoráil le Ceanglas maidir le Nochtadh nó le pointe sonraí;
  - (b) ‘féadfaidh sé a nochtadh’ – tugann sé nochtadh deonach le fios chun dea-chleachtas a spreagadh.

Ina theannta sin, úsáideann ESRS an téarma “breithneoidh” agus tagairt á déanamh do shaincheisteanna, d’acmhainní nó do mhodheolaíochtaí a mheastar a chuirfidh an gnóthas san áireamh nó a úsáidfídh sé agus nochtadh ar leith á ullmhú más infheidhme.

## **2. Saintréithe cáilíochtúla na faisnéise**

19. Le linn dó a ráiteas inbhuanaitheachta a ullmhú, cuirfidh an gnóthas na nithe seo a leanas i bhfeidhm:
  - (a) saintréithe bunúsacha cáilíochtúla na faisnéise, i.e. ábharthacht agus léiriú dílis; agus
  - (b) saintréithe cáilíochtúla feabhsaithe na faisnéise, i.e. inchomparáideacht, infhíoraitheacht agus intuigtheacht.
20. Déantar saintréithe cáilíochtúla sin na faisnéise a shainmhíniú agus a thuairisciú i bhFoscábhinn B den Chaighdeán seo.

## **3. Ábharthacht dhúbailte mar bhonn ag nochtáil inbhuanaitheachta**

21. Tuairisceoidh an gnóthas ar ábhair inbhuanaitheachta bunaithe ar an bprionsabal maidir le hábharthacht dhúbailte mar a shainmhínítear agus mar a mhínítear sa chaibidil seo.

### **3.1 Páirtithe leasmhara agus an bhaint atá acu leis an bpróiseas measúnaithe ábharthachta**

---

22. Is iad na páirtithe leasmhara na páirtithe sin ar féidir leo difear a dhéanamh don ghnóthas nó dá ndéanann an gnóthas difear. Tá dhá phríomhghrúpa páirtithe leasmhara ann:
  - (a) páirtithe leasmhara dá ndéantar difear: daoine aonair nó grúpaí a ndéantar difear dá leasanna nó a bhféadfaí difear a dhéanamh dá leasanna – go dearfach nó go diúltach – de bharr ghníomhaíochtaí an ghnóthais agus a **ghaolmhaireachtaí díreacha nó indíreacha gnó** thar a **shlabhra luacha**; agus
  - (b) úsáideoirí na **ráiteas inbhuanaitheachta**: príomhúsáideoirí an tuairiscithe airgeadais ilchuspóirigh (infheisteoirí reatha agus ionchasacha, iasachtóirí agus creidiúnaithe eile, lena n-áirítear bainisteoirí sócmhainní, institiúidí creidmheasa, gnóthais árachais), agus úsáideoirí eile ráiteas inbhuanaitheachta, lena n-áirítear comhpháirtithe gnó an ghnóthais, ceardchumann agus comhpháirtithe sóisialta, an tsochaí shibhialta agus eagraíochtaí neamhrialtasacha, rialtais, anailíseoirí agus acadóirí.
23. **D’fhéadfadh roinnt páirtithe leasmhara ach ní gach páirtí leasmhar a bheith sa dá ghrúpa dá dtagraítear i mír 22.**
24. Tá rannpháirtíocht le **páirtithe leasmhara** dá ndéantar difear lárnach do phróiseas leanúnach díchill chuí an ghnóthais (féach caibidil 4 *Dícheall cuí*) agus don mheasúnú ar ábharthacht

inbhuanaitheachta. Áirítear leis sin na próisis atá aige chun tionchair dhiúltacha iarbhrí agus ionchasacha a shainaithint agus a mheasúnú, rud a threoraíonn an próiseas measúnaithe chun na tionchair ábhartha chun críoch tuairisciú um inbhuanaitheacht a shainaithint (féach roinn 3.4 den Chaighdeán seo).

### 3.2 **Ábhair ábhartha agus ábharthacht na faisnéise**

---

25. Is gá measúnú **ábharthachta** a dhéanamh (féach ranna 3.4 *Ábharthacht tionchair* agus 3.5 *Ábharthacht airgeadais*) ionas go mbeidh an gnóthas in ann na **tionchair**, **rioscaí** agus **deiseanna** ábhartha a bheidh le tuairisciú a shainaithint.
26. Is é an measúnú **ábharthachta** an túsphointe le haghaidh tuairisciú um inbhuanaitheacht faoi ESRS. Áirítear in IRO-1 i roinn 4.1 de ESRS 2 ceanglais ghinearálta maidir le nochtadh i dtaca le próiseas an ghnóthais chun **tionchair**, **rioscaí** agus **deiseanna** a shainaithint agus chun measúnú a dhéanamh ar a n-ábharthacht. Soláthraíonn SBM-3 de ESRS 2 ceanglais ghinearálta maidir le nochtadh i dtaca leis na tionchair, rioscaí agus deiseanna ábhartha a eascraíonn as measúnú ábharthachta an ghnóthais.
27. Áirítear leis na Ceanglais maidir le Cur i bhFeidhm i bhFoscúbhinn A den Chaighdeán seo liosta **ábhar inbhuanaitheachta** a chumhdaítear in ESRS topaicshonracha, roinnte i gcatagóirí de réir topaicí, fothopaicí agus fo-fhóthopaicí, mar thaca leis an measúnú ábharthachta. Foscúbhinn E *Sreabhchairt chun na nochtaí atá le háireamh a chinneadh* den Chaighdeán seo ina soláthraítear léaráid den mheasúnú ábharthachta ar a dtugtar tuairisc sa roinn seo.
28. Tá ábhar inbhuanaitheachta ‘ábhartha’ nuair a chomhlíonann sé na critéir a shainmhínítear le haghaidh **ábharthacht tionchair** (féach roinn 3.4 den Chaighdeán seo) nó le haghaidh **ábharthacht airgeadais** (féach roinn 3.5 den Chaighdeán seo) nó an dá cheann.
29. Gan beann ar thoradh a mheasúnaithe ábharthachta, nochtfaidh an gnóthas an fhaisnéis seo a leanas i gcónaí a cheanglaítear le: ESRS 2 *Nochtadh Ginearálta* (i.e. na Ceanglais uile maidir le Nochtadh agus na pointí sonraí uile a shonraítear in ESRS 2) agus na Ceanglais maidir le Nochtadh (lena n-áirítear a bpointí sonraí) in ESRS topaicshonracha a bhaineann leis an gCeanglas maidir le Nochtadh IRO-1 *Tuairisc ar an bpróiseas chun tionchair, rioscaí agus deiseanna ábhartha a shainaithint agus a mheasúnú*, mar a liostaítear in ESRS 2 Foscúbhinn C *Ceanglais maidir le Nochtadh/Cur i bhFeidhm in ESRS topaicshonracha is infheidhme go comhpháirteach le ESRS 2 Nochtadh Ginearálta*.
30. I gcás ina dtagann an gnóthas ar an gconclúid go bhfuil ábhar inbhuanaitheachta ábhartha de thoradh a mheasúnaithe **ábharthachta**, ar a leagann ESRS 2 IRO-1, IRO-2 agus SBM-3 síos ceanglais maidir le nochtadh, déanfaidh sé an méid seo a leanas:
  - (a) nochtfaidh sé faisnéis de réir na gCeanglas maidir le Nochtadh (lena n-áirítear Ceanglais maidir le Cur i bhFeidhm) a bhaineann leis an ábhar inbhuanaitheachta sonracha sin san ESRS topaicshonrach earráilsonrach comhfhreagrach; agus
  - (b) nochtfaidh sé nochtaí eintiteas-shonracha breise (féach mír 11 agus AR 1 go AR 5 den Chaighdeán seo) i gcás nach bhfuil an t-ábhar inbhuanaitheachta ábhartha cumhdaithe ag ESRS nó nach bhfuil sé cumhdaithe le gráinneacht leormhaith.
31. An fhaisnéis is infheidhme arna forordú laistigh de Cheanglas maidir le Nochtadh, lena n-áirítear a pointí sonraí, nó laistigh de nochtadh eintiteas-sonrach, nochtfar í nuair a mheasann an gnóthas, mar chuid dá mheasúnú ar fhaisnéis ábhartha, í a bheith ábhartha ó cheann amháin nó níos mó de na peirspictíochtaí seo a leanas:
  - (a) tábhacht na faisnéise i ndáil leis an ábhar a airbheartaíonn sé a léiriú nó a mhíniú; nó
  - (b) cumas na faisnéise sin freastal ar riachtanais chinnteoireachta na n-úsáideoirí, lena n-áirítear riachtanais phríomhúsáideoirí an tuairiscithe airgeadais ilchuspóirigh a thuairiscítear i mír 48 agus/nó riachtanais na n-úsáideoirí arb é a bpríomhleas faisnéis faoi thionchair an ghnóthais.
32. Má chinneann an gnóthas nach bhfuil an t-athrú aeráide ábhartha agus, dá bhrí sin, go

bhfágann sé ar lár na ceanglais uile maidir le nochtadh in ESRS E1 Athrú Aeráide, nochtfaidh sé míniú mionsonraithe ar chonclúidí a mheasúnaithe **ábharthachta** maidir leis an athrú aeráide (féach ESRS 2 IRO-2 *Ceanglais maidir le nochtadh in ESRS atá cumhdaithe ag ráiteas inbhuanaitheachta an ghnóthais*), lena n-áirítear anailís réamhbhreathnaitheach ar na dálaí a d'fhéadfadh a bheith ina gcúis leis an ngnóthas a theacht ar an gconclúid go bhfuil an t-athrú aeráide ábhartha amach anseo. Má thagann an gnóthas ar an gconclúid nach bhfuil topaic ábhartha, topaic seachas an t-athrú aeráide, agus, dá bhrí sin, go bhfágann sé na Ceanglais uile maidir le Nochtadh ar lár san ESRS topaicshonrach comhfhreagrach, féadfaidh sé míniú gairid a thabhairt ar chonclúidí a mheasúnaithe ábharthachta don topaic sin.

33. Le linn don ghnóthas a bheith ag nochtadh faisnéise maidir le **beartais, gníomhaíochtaí** agus **spriocanna** i ndáil le **hábhhar inbhuanaitheachta** a ndearnadh measúnú air mar ábhar ábhartha, cuirfidh an gnóthas san áireamh an fhaisnéis arna forordú leis na Ceanglais uile maidir le Nochtadh agus na pointí sonraí san ESRS topaicshonrach agus earnáilsonrach a bhaineann leis an ábhar sin agus san **Íoscheanglas maidir le Nochtadh** comhfhreagrach i dtaca le beartais, gníomhaíochtaí, agus spriocanna a cheanglaítear faoi ESRS 2. Mura féidir leis an ngnóthas an fhaisnéis a nochtadh arna forordú leis na Ceanglais maidir le Nochtadh agus na pointí sonraí san ESRS topaicshonrach nó earnáilsonrach, nó leis na hÍoscheanglais maidir le Nochtadh in ESRS 2 i dtaca le beartais, gníomhaíochtaí agus spriocanna, toisc nár ghlac sé na beartais faoi seach, nár chuig sé na gníomhaíochtaí faoi seach chun feidhme, agus nár leag sé síos na spriocanna faoi seach, nochtfaidh sé go bhfuil sé sin amhlaidh agus féadfaidh sé tréimhse ama a thuairisciú ina bhfuil sé d'aidhm aige iad sin a bheith i bhfeidhm aige.
34. Nuair a bhíonn faisnéis á nochtadh ag an ngnóthas maidir le **méadracht** le haghaidh **ábhar inbhuanaitheachta** ábhartha de réir na roinne Méadrachta agus Spriocanna den ESRS topaicshonrach ábhartha:
- (a) áireoidh sé an fhaisnéis arna forordú le Ceanglas maidir le Nochtadh, má mheasann sé go bhfuil faisnéis den sórt sin ábhartha; agus
  - (b) féadfaidh sé an fhaisnéis arna forordú le pointe sonraí Ceanglais maidir le Nochtadh a fhágáil ar lár, má mheasann sé nach bhfuil faisnéis den sórt sin ábhartha, agus má bhaineann sé de thátal as nach bhfuil gá le faisnéis den sórt sin chun cuspóir an Cheanglais maidir le Nochtadh a chomhlíonadh.
35. Má fhágann an gnóthas an fhaisnéis arna forordú le pointe sonraí a eascraíonn as reachtaíocht eile de chuid an Aontais a liostaítear i bhFoscúibhinn B de ESRS 2 ar lár, luafaidh sé go sainráite nach bhfuil an fhaisnéis atá i gceist 'ábhartha'.
36. Suífidh an gnóthas conas a chuireann sé critéir i bhfeidhm, lena n-áirítear tairseacha iomchuí, chun na nithe seo a leanas a chinneadh:
- (a) an fhaisnéis a nochtann sé ar **mhéadracht** le haghaidh ábhar inbhuanaitheachta ábhartha de réir na roinne Méadracht agus Spriocanna den ESRS topaicshonrach ábhartha, i gcomhréir le mír 34; agus
  - (b) an fhaisnéis a bheidh le nochtadh mar nochtaí eintiteas- sonracha.

### 3.3 **Ábharthacht dhúbailte**

---

37. Tá dhá ghné ag baint le **hábharthacht dhúbailte**, is iad sin: **ábharthacht tionchair** agus **ábharthacht airgeadais**. Mura sonraítear a mhalairt, úsáidtear na téarmaí 'ábhartha' agus 'ábharthacht' ar fud ESRS chun tagairt a dhéanamh d'ábharthacht dhúbailte.
38. Tá measúnuithe ar **ábharthacht tionchair** agus ar **ábharthacht airgeadais** idirghaolmhar agus breithneofar an chaoi a mbíonn an dá ghné sin ag brath ar a chéile. Go ginearálta, is é an túsphointe an measúnú ar thionchair, cé go bhféadfadh **rioscaí** agus **deiseanna** ábhartha a bheith ann freisin nach mbaineann le **tionchair** an ghnóthais. D'fhéadfadh tionchar inbhuanaitheachta a bheith ábhartha ó thaobh airgeadais de óna thionscnamh nó d'fhéadfadh sé teacht chun bheith ábhartha ó thaobh airgeadais de, nuair a d'fhéadfaí coinne réasúnach a bheith leis go ndéanfadh sé difear do staid airgeadais, d'fheidhmíocht airgeadais, nó do

shreafaí airgid an ghnóthais, dá rochtain ar mhaoiniú nó do chostas caipitil sa ghearrthéarma, sa mheántéarma nó san fhadtéarma. Déantar tionchair a ghabháil leis an bpeirspictíocht ábharthachta tionchair is cuma cé acu atá siad ábhartha ó thaobh airgeadais de nó nach bhfuil.

39. Agus na tionchair, na rioscaí agus na deiseanna i slabhra luacha an ghnóthais á sainaitheint agus á measúnú chun a n-ábharthacht a chinneadh, díreoidh an gnóthas ar réimsí ina meastar gur dóigh go n-eascróidh tionchair, rioscaí agus deiseanna, bunaithe ar chineál na ngníomhaíochtaí, na ngaolmhaireachtaí gnó, na limistéar geografach nó na dtosca eile lena mbaineann.
40. Breithneoidh an gnóthas conas a dhéantar difear dó mar gheall ar a **spleáchais** ar infhaighteacht acmhainní nádúrtha, daonna agus sóisialta ar phraghsanna agus ar cháilíocht iomchuí, gan beann ar na **tionchair** a d'fhéadfadh a bheith aige ar na hacmhainní sin.
41. Tuigtear go bhfuil **príomhthionchair**, **príomhrioscaí** agus **príomhdheiseanna** gnóthais mar an gcéanna leis na tionchair, rioscaí agus deiseanna ábhartha a shainaitheintear faoin bprionsabal maidir le **hábharthacht dhúbailte** agus dá bhrí sin ar a dtuairiscítear ina **ráiteas inbhuanaitheachta**.
42. Cuirfidh an gnóthas na critéir a leagtar síos faoi ranna 3.4 agus 3.5 den Chaighdeán seo i bhfeidhm, agus úsáid á baint as tairseacha cainníochtúla agus/nó cáilíochtúla iomchuí. Tá gá le tairseacha iomchuí chun a chinneadh cé na **tionchair**, **rioscaí** agus **deiseanna** a shainaitheintear an gnóthas agus a dtugann sé aghaidh orthu mar chinn ábhartha agus chun a chinneadh cé na **hábhair inbhuanaitheachta** atá ábhartha chun críoch tuairiscithe. Baineann roinnt caighdeán agus creataí atá ann cheana úsáid as an téarma 'na tionchair is suntasaí' agus tagairt á déanamh don tairseach a úsáidtear chun na tionchair a shainaitheint a ndéantar cur síos orthu in ESRS mar 'thionchair ábhartha'.

### 3.4 **Ábharthacht tionchair**

---

43. Tá **ábhar inbhuanaitheachta** ábhartha ó pheirspictíocht tionchair de i gcás ina bhfuil baint aige le **tionchair** ábhartha iarbhír nó ionchasacha, dhearfacha nó dhiúltacha an ghnóthais ar dhaoine nó ar an gcomhshaol sa ghearrthéarma, sa mheántéarma nó san fhadtéarma. Áirítear le tionchair na cinn sin a bhaineann le hoibríochtaí an ghnóthais féin agus leis an slabhra luacha réamhtheachtach agus iartheachtach, lena n-áirítear trína tháirgí agus trína sheirbhísí, agus trína ghaolmhaireachtaí gnó chomh maith. Áirítear le **gaolmhaireachtaí gnó** na cinn sin atá i **slabhra luacha** réamhtheachtach agus iartheachtach an ghnóthais agus níl siad teoranta do ghaolmhaireachtaí conarthacha díreacha.
44. Sa chomhthéacs sin, áirítear le tionchair ar dhaoine nó ar an gcomhshaol tionchair i ndáil le hábhair chomhshaoil, shóisialta agus rialachais.
45. Tá an measúnú **ábharthachta** ar thionchar diúltach bunaithe ar an bpróiseas díchill chuí a shainmhíneítear in ionstraimí idirnáisiúnta Phrionsabail Threoracha na Náisiún Aontaithe maidir le Gnó agus Cearta an Duine agus i dTreoirínte ECFE maidir le Fiontair Ilnáisiúnta. Maidir le tionchair dhiúltacha iarbhír, tá ábharthacht bunaithe ar dhéine an tionchair, agus i dtaca le tionchair dhiúltacha ionchasacha tá sé bunaithe ar dhéine agus ar dhóchúlacht an tionchair. Tá an déine bunaithe ar na tosca seo a leanas:
  - (a) an scála;
  - (b) raon feidhme; agus
  - (c) carachtar doleigheasta an tionchair.I gcás tionchar diúltach ionchasach ar chearta an duine, bíonn tosaíocht ag déine an tionchair ar a dhóchúlacht.
46. I gcás tionchar dearfach, tá **ábharthacht** bunaithe ar:
  - (a) scála agus raon feidhme an tionchair le haghaidh tionchair iarbhír; agus
  - (b) scála, raon feidhme agus dóchúlacht an tionchair le haghaidh tionchair ionchasacha.

### 3.5 **Ábharthacht airgeadais**

---

47. Is síneadh ar raon feidhme na hábharthachta a úsáideadh sa phróiseas a bhaineann le cinneadh a dhéanamh faoin bhfaisnéis ba cheart a áireamh i ráitis airgeadais an ghnóthais é raon feidhme na **hábharthachta airgeadais** le haghaidh tuairisciú um inbhuanaitheacht.
48. Comhfhreagraíonn an measúnú **ábharthachta airgeadais** do shainaitheint na faisnéise a mheastar a bheith ábhartha do phríomhúsáideoirí an tuairiscithe airgeadais ilchuspóirigh agus cinntí á ndéanamh a bhaineann le hacmhainní a sholáthar don eintiteas. Go háirithe, meastar gur faisnéis ábhartha atá ann do phríomhúsáideoirí an tuairiscithe airgeadais ilchuspóirigh más rud é, mar gheall ar an bhfaisnéis sin a fhágáil ar lár, míráiteas a dhéanamh ina taobh nó í a fholú, go bhféadfadh coinne réasúnach a bheith leis go n- imreofaí tionchar ar na cinntí a dhéanann siad ar bhonn **ráiteas inbhuanaitheachta** an ghnóthais.
49. Tá ábhar inbhuanaitheachta ábhartha ó pheirspictíocht airgeadais de má spreagann sé **éifeachtaí airgeadais** ábhartha ar an ghnóthas nó más rud é go bhféadfadh coinne réasúnach a bheith ann go ndéanfadh sé amhlaidh. Is amhlaidh atá i gcás ina ngineann ábhar inbhuanaitheachta **rioscaí** nó **deiseanna** a bhfuil tionchar ábhartha acu, nó a bhféadfadh coinne réasúnach a bheith leis go mbeadh tionchar ábhartha acu, ar fhorbairt, ar staid airgeadais, ar fheidhmíocht airgeadais, ar shreafaí airgid, ar rochtain ar mhaoiniú nó ar chostas caipitil an ghnóthais sa ghearrthéarma, sa mheántéarma nó san fhadtéarma. D'fhéadfadh rioscaí agus deiseanna eascairt as teagmhais roimhe seo nó teagmhais amach anseo. Níl **ábharthacht airgeadais** ábhair inbhuanaitheachta srianta d'ábhair atá laistigh de smacht an ghnóthais ach áirítear faisnéis ar **rioscaí** agus ar **dheiseanna** ábhartha atá inchurtha i leith **gaolmhaireachtaí gnó** thar raon feidhme an chomhdhlúthaithe arna úsáid in ullmhú na ráiteas airgeadais.
50. Féadfaidh **spleáchais** ar acmhainní nádúrtha, daonna agus sóisialta a bheith ina bhfoinsí rioscaí nó deiseanna airgeadais. D'fhéadfadh spleáchais éifeachtaí a spreagadh ar dhá bhealach fhéideartha:
- (a) d'fhéadfadh tionchar a bheith acu ar chumas an ghnóthais leanúint ag úsáid na n- acmhainní is gá ina phróisis ghnó nó na hacmhainní sin a fháil, chomh maith le cáilíocht agus praghsáil na n- acmhainní sin; agus
  - (b) d'fhéadfaidís difear a dhéanamh do chumas an ghnóthais a bheith ag brath ar ghaolmhaireachtaí a theastaíonn uaidh ina phróisis ghnó ar théarmaí inghlactha.
51. Déantar measúnú ar **ábharthacht rioscaí** agus **deiseanna** bunaithe ar mheascán den dóchúlacht go dtarlóidh siad agus de mhéid fhéideartha na n- éifeachtaí airgeadais.

### 3.6 **Tionchair nó rioscaí ábhartha a eascraíonn as gníomhaíochtaí chun aghaidh a thabhairt ar ábhair inbhuanaitheachta**

---

52. D'fhéadfadh sé go n-eascródh as próiseas measúnaithe **ábharthachta** an ghnóthais cásanna a shainaitheint ina bhféadfadh a chuid **gníomhaíochtaí** chun aghaidh a thabhairt ar **thionchair** nó ar **rioscaí** áirithe, nó chun tairbhiú de **dheiseanna** áirithe i ndáil le hábhar inbhuanaitheachta, tionchair dhiúltacha ábhartha a bheith acu nó a bheith ina gcúis le rioscaí ábhartha i ndáil le hábhar inbhuanaitheachta amháin eile nó níos mó. Mar shampla:
- (a) plean gníomhaíochta chun dícharbónú a dhéanamh ar tháirgeacht a bhaineann le droim a thabhairt do tháirgí áirithe, d'fhéadfadh tionchair dhiúltacha ábhartha a bheith aige ar **lucht saothair dílis** an ghnóthais agus d'fhéadfadh rioscaí ábhartha a bheith ann dá bharr sin i ngeall ar phá téarfa; nó
  - (b) plean gníomhaíochta **soláthróra** mótarfheithiclí chun díriú ar sholáthar ríomhfheithiclí, d'fhéadfadh sócmhainní tréigthe maidir le táirgeadh páirteanna soláthair do ghnáthfheithiclí a bheith mar thoradh air.
53. I gcásanna den sórt sin, déanfaidh an ghnóthas na nithe seo a leanas:

- (a) nochtfaidh sé gur ann do thionchair dhiúltacha ábhartha nó do rioscaí ábhartha in éineacht leis na **gníomhaíochtaí** lena gcruthaítear iad, le crostagairt don topaic lena mbaineann na tionchair nó na rioscaí; agus
- (b) soláthróidh sé tuairisc ar conas a thugtar aghaidh ar na tionchair dhiúltacha ábhartha nó ar na rioscaí ábhartha faoin ábhar lena mbaineann siad.

### 3.7 Leibhéal an dí- chomhiomlánaithe

---

- 54. I gcás inar gá sin chun tuiscint cheart a fháil ar a **thionchair, rioscaí** agus **deiseanna** ábhartha, dí- chomhiomlánóidh an gnóthas an fhaisnéis a thuairisceofar:
  - (a) de réir tíre, i gcás ina bhfuil éagsúlachtaí suntasacha idir tionchair, rioscaí agus deiseanna ábhartha ó thír go tír agus i gcás ina dtarlódh sé nuair a chuirfí an fhaisnéis i láthair ar leibhéal comhiomlánaithe níos airde go bhfolófaí faisnéis ábhartha maidir le tionchair, rioscaí nó deiseanna; nó
  - (b) de réir **láithreán** suntasach nó de réir sócmhainn shuntasach, i gcás ina bhfuil tionchair, rioscaí agus deiseanna ábhartha an-spleách ar shuíomh sonracha nó ar shócmhainn shonrach.
- 55. I gcás ina ndéantar sainmhíniú ar an leibhéal dí- chomhiomlánaithe iomchuí i gcomhair tuairisciú, breithneoidh an gnóthas an dí- chomhiomlánú a glacadh ina mheasúnú ábharthachta. Ag brath ar fhórais agus ar imthosca sonracha an ghnóthais, d'fhéadfadh gá a bheith le dí- chomhiomlánú de réir fochuideachta.
- 56. I gcás ina ndéantar sonraí ó leibhéal éagsúla, nó ó shuíomhanna éagsúla laistigh de leibhéal, a chomhiomlánú, áiríteoidh an gnóthas nach ndéanfaidh an comhiomlánú sin folú ar an tsainiúlacht agus ar an gcomhthéacs is gá chun an fhaisnéis a léirmhíniú. Ní dhéanfaidh an gnóthas comhiomlánú ar mhíreanna ábhartha atá difriúil ina gcineál.
- 57. Nuair a chuireann an gnóthas faisnéis i láthair arna comhiomlánú de réir earnálacha, glacfaidh sé an t-aicmiú earnála ESRS atá le sonrú i ngníomh tarmiligthe arna ghlacadh ag an gCoimisiún de bhun Airteagal 29b(1) an tríú fohír, pointe (ii), de Threoir 2013/34/AE. I gcás ina gceanglaítear le ESRS topaicshonrach nó earnáilsonrach go nglacfar leibhéal sonracha dí- chomhiomlánaithe chun mír shonrach faisnéise a ullmhú, beidh tosaíocht ag an gceanglas san ESRS topaicshonrach nó earnáilsonrach.

### 4. Dícheall cuí

- 58. Le toradh phróiseas dícheall cuí inbhuanaitheachta an ghnóthais (dá dtagraítear mar 'dícheall cuí' sna hionstraimí idirnáisiúnta a luaitear thíos) tugtar treoir do mheasúnú an ghnóthais ar a **thionchair, rioscaí** agus **deiseanna** ábhartha. Ní fhorchuirtear le ESRS aon cheanglas iompair i ndáil le dícheall cuí; ná ní dhéanann siad ról chomhlachtaí riaracháin, bainistíochta nó maoirseachta an ghnóthais maidir le hiompar dícheall cuí a leathnú ná a mhodhnú.
- 59. Is éard is dícheall cuí ann an próiseas faoina ndéanann gnóthais **tionchair** dhiúltacha iarbhír agus ionchasacha ar an gcomhshaol agus ar dhaoine atá nasctha lena ngnó a shainaithint, a chosc agus a mhaolú agus faoina gcoinníonn siad cuntas ar an dóigh a dtugann siad aghaidh ar na tionchair sin. Áirítear leo sin tionchair dhiúltacha a bhaineann le hoibríochtaí an ghnóthais féin agus lena shlabhra luacha réamhtheachtach agus iartheachtach, lena n-áirítear trína tháirgí agus trína sheirbhísí, agus trína ghaolmhaireachtaí gnó chomh maith. Is cleachtas leanúnach é dícheall cuí a fhreagraíonn d'athruithe ar straitéis, samhail ghnó, gníomhaíochtaí, gaolmhaireachtaí gnó, oibriú, foinsíú agus comhthéacsanna díolacháin an ghnóthais, agus a d'fhéadfadh athruithe a spreagadh sna nithe sin. Tugtar tuairisc ar an bpróiseas sin in ionstraimí idirnáisiúnta Phrionsabail Theoracha na Náisiún Aontaithe maidir le Gnó agus Cearta an Duine agus i dTreoirilínte ECFE le haghaidh Fiontair Ilnáisiúnta.
- 60. Sainaithnítear leis na hionstraimí idirnáisiúnta sin roinnt céimeanna sa phróiseas dícheall cuí, lena n-áirítear sainaithint agus measúnú na dtionchar diúltach a bhaineann le hoibríochtaí an ghnóthais féin agus lena shlabhra luacha réamhtheachtach agus iartheachtach, lena n-áirítear trína tháirgí nó trína sheirbhísí, agus trína ghaolmhaireachtaí gnó chomh maith. I gcás nach

féidir leis an ngnóthas aghaidh a thabhairt ar na tionchair uile ag an am céanna, bítear in ann leis an bpróiseas díchill chuí tosaíocht a thabhairt do ghníomhaíocht bunaithe ar dhéine agus ar dhóchúlacht na dtionchar. Is í an ghné sin den phróiseas díchill chuí a threoraíonn an measúnú ar thionchair ábhartha (féach roinn 3.4 den Chaighdeán seo). Trí thionchair ábhartha a shainaithint tacaítear freisin le **rioscaí** agus **deiseanna** inbhuanaitheachta ábhartha a shainaithint, ar rioscaí agus deiseanna iad a tharlaíonn go minic de bharr na dtionchar sin.

61. Léirítear croí- eilimintí an díchill chuí go díreach i gCeanglais maidir le Nochtadh a leagtar amach in ESRS 2 agus san ESRS topaicshonrach, mar a thaispeántar thíos:
- (a) dícheall cuí a leabú i rialachas, straitéis agus samhail ghnó<sup>3</sup>. Tugtar aghaidh air sin faoi:
    - i. ESRS 2 GOV-2: *Faisnéis arna soláthar do chomhlachtaí riaracháin, bainistíochta agus maoirseachta an ghnóthais agus ábhair inbhuanaitheachta a dtugann siad aghaidh orthu;*
    - ii. ESRS 2 GOV-3: *Feidhmíocht a bhaineann le hinbhuanaitheacht a chomhtháthú i scéimeanna dreasachta;* agus
    - iii. ESRS 2 SBM-3: *Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó.*
  - (b) ag obair le **páirtithe leasmhara**<sup>4</sup> dá ndéantar difear. Tugtar aghaidh air sin faoi:
    - i. ESRS 2 GOV-2;
    - ii. ESRS 2 SBM-2: *Leasanna agus tuairimí páirtithe leasmhara;*
    - iii. ESRS 2 IRO-1;
    - iv. ESRS 2 MDR-P; agus
    - v. ESRS topaicshonracha: a léiríonn na céimeanna agus na haidhmeanna difriúla a bhíonn le rannpháirtíocht na bpáirtithe leasmhara i rith an phróisis díchill chuí.
  - (c) tionchair dhiúltacha ar dhaoine agus ar an gcomhshaol a shainaithint agus measúnú a dhéanamh orthu<sup>5</sup>. Tugtar aghaidh air sin faoi:
    - i. ESRS 2 IRO-1 (lena n- áirítear Ceanglais maidir le Cur i bhFeidhm a bhaineann le **hábhair inbhuanaitheachta** shonracha san ESRS ábhartha); agus
    - ii. ESRS 2 SBM-3;
  - (d) gníomhaíocht a ghlacadh chun aghaidh a thabhairt ar thionchair dhiúltacha ar dhaoine agus ar an gcomhshaol<sup>6</sup>. Tugtar aghaidh air sin faoi:
    - i. ESRS 2 MDR-A; agus
    - ii. ESRS topaicshonracha: a léiríonn an raon **gníomhaíochtaí**, lena n- áirítear

<sup>3</sup> Prionsabal Treorach 16 de chuid na Náisiún Aontaithe agus a thráchtareacht; Treoir Léirmhínteach na Náisiún Aontaithe, Ceisteanna 21 agus 25 chomh maith le Treoirlínte ECFE Caibidil II maidir le Beartais Ghinearálta (mír A.10), agus caibidil IV ar Chearta an Duine (mír 4; agus mír 44 den Tráchtareacht); agus Treoraíocht Díchill Chuí ECFE, Roinn II (1.1 agus 1.2) agus larscríbhinn, Ceisteanna 14 agus 15.

<sup>4</sup> Prionsabal Treorach 18 de chuid na Náisiún Aontaithe agus a Thráchtareacht, Prionsabal Treorach 20 de chuid na Náisiún Aontaithe, Tráchtareacht a ghabhann le Prionsabail Threoracha 21 agus 29 de chuid na Náisiún Aontaithe, agus Prionsabal Treorach 31(h) de chuid na Náisiún Aontaithe agus a Thráchtareacht; agus Treoir Léirmhínteach na Náisiún Aontaithe, Ceisteanna 30, 33, 42 agus 76 chomh maith le (b) Treoirlínte ECFE Caibidil II ar Bheartais Ghinearálta (mír A.14 agus mír 25 den Tráchtareacht); agus Treoraíocht Díchill Chuí ECFE, Roinn II (2.1.c, 2.3, 2.4.a, 3.1.b agus 3.1.f) agus larscríbhinn Ceisteanna 8- 11.

<sup>5</sup> Prionsabail Threoracha 17, 18 agus 24 de chuid na Náisiún Aontaithe agus a gcuid Tráchtareachtaí, agus an Tráchtareacht a ghabhann le Prionsabal Treorach 29 de chuid na Náisiún Aontaithe; agus Treoir Léirmhínteach na Náisiún Aontaithe, Ceisteanna 9, 12-13, 27-28, 36-42, agus 85-89 agus (b) Treoirlínte ECFE Caibidil II ar Bheartais Ghinearálta (míreanna A.10-11 agus mír 14 den Tráchtareacht), agus Caibidil IV ar Chearta an Duine (míreanna 1-2 agus míreanna 41-43 den Tráchtareacht); agus Treoraíocht Díchill Chuí ECFE, Roinn II (2.1-2.4) agus larscríbhinn Ceisteanna 3-5, agus 19-31).

<sup>6</sup> Prionsabail Threoracha 19, 22 agus 23 de chuid na Náisiún Aontaithe agus a gcuid Tráchtareachtaí; agus Treoir Léirmhínteach na Náisiún Aontaithe, Ceisteanna 11, 32,46-47, 64-68, agus 82-83 agus (b) Treoirlínte ECFE Caibidil II ar Bheartais Ghinearálta (míreanna A.12 agus míreanna 18-22 den Tráchtareacht), agus Caibidil IV ar Chearta an Duine (míreanna 3 agus 42-43 den Tráchtareacht); agus Treoraíocht Díchill Chuí ECFE, Roinn II (3.1-3.2) agus larscríbhinn Ceisteanna 32-40).

**pleananna aistrithe**, trína dtugtar aghaidh ar thionchair.

- (e) éifeachtacht na n- iarrachtaí sin a rianú<sup>7</sup>. Tugtar aghaidh air sin faoi:
  - i. ESRS 2 MDR-M;
  - ii. ESRS 2 MDR-T; agus
  - iii. ESRS topaicshonracha: maidir le **méadracht** agus **spriocanna**.

## 5. **Slabhra luacha**

### 5.1 **Gnóthas tuairiscithe agus slabhra luacha**

- 
- 62. Is le haghaidh an ghnóthais tuairiscithe chéanna leis na ráitis airgeadais a bheidh an **ráiteas inbhuanaitheachta**. Más máthairchuideachta é an gnóthas tuairiscithe, mar shampla, a gceanglaítear uirthi ráitis airgeadais chomhdhlúite a ullmhú, is don don ghrúpa a bheidh an ráiteas inbhuanaitheachta. Níl feidhm ag an gceanglas sin i gcás nach gceanglaítear ar an ngnóthas tuairiscithe ráitis airgeadais a tharraingt suas nó i gcás ina bhfuil tuairisciú inbhuanaitheachta comhdhlúite á ullmhú ag an ngnóthas tuairiscithe de bhun Airteagal 48i de Threoir 2013/34/AE.
  - 63. Déanfar an fhaisnéis maidir leis an ngnóthas tuairiscithe arna soláthar sa **ráiteas inbhuanaitheachta** a leathnú chun faisnéis a áireamh maidir leis na **tionchair, rioscaí** agus **deiseanna** ábhartha atá nasctha leis an ngnóthas trína **ghaolmhaireachtaí gnó** díreacha agus indíreacha sa **slabhra luacha** réamhtheachtach agus iartheachtach ('faisnéis slabhra luacha'). Agus an fhaisnéis maidir leis an ngnóthas tuairiscithe á leathnú, áireoidh an gnóthas tionchair, rioscaí agus deiseanna ábhartha atá nasctha lena shlabhra luacha réamhtheachtach agus iartheachtach:
    - (a) ag leanúint ó thoradh a phróisis díchill chuí agus a mheasúnaithe **ábharthachta**; agus
    - (b) i gcomhréir le haon cheanglas sonrach a bhaineann leis an slabhra luacha in ESRS eile.
  - 64. Ní cheanglaítear le mír 63 faisnéis faoi gach uile **ghníomhaí sa slabhra luacha**, ach díreach faisnéis ábhartha faoin **slabhra luacha** réamhtheachtach agus iartheachtach a chur san áireamh. Is féidir le **hábhair inbhuanaitheachta** éagsúla a bheith ábhartha i ndáil le codanna éagsúla de shlabhra luacha réamhtheachtach agus iartheachtach an ghnóthais. Leathnófar an fhaisnéis ionas go n-áireofar inti faisnéis maidir leis an slabhra luacha i ndáil leis na codanna den slabhra luacha a bhfuil an t-ábhar ábhartha ina leith agus i ndáil leis na codanna sin amháin.
  - 65. Áireoidh an gnóthas faisnéis **slabhra luacha** ábhartha i gcás inar gá sin chun:
    - (a) ligean d'úsáideoirí **na ráiteas inbhuanaitheachta tionchair, rioscaí** agus **deiseanna** ábhartha an ghnóthais a thuiscint; agus/nó
    - (b) tacar faisnéise a chur le chéile a chomhlíonann saintréithe cáilíochtúla na faisnéise (féach Foscríbhinn B den Chaighdeán seo).
  - 66. I gcás ina mbíonn cinneadh á dhéanamh faoin leibhéal laistigh dá oibríochtaí dílse agus dá shlabhra luacha réamhtheachtach agus iartheachtach ag a n- eascraíonn ábhar inbhuanaitheachta ábhartha, úsáidfidh an gnóthas a mheasúnú ar **thionchair, rioscaí** agus **deiseanna** ag leanúint an phrionsabail maidir le **hábharthacht dhúbailte** (féach caibidil 3 den Chaighdeán seo).
  - 67. I gcás ina bhfuil comhlaigh nó comhfhiontair, ar a bhfuil cuntas faoi mhodh an chothromais nó a chomhdhlúthaítear go comhréireach sna ráitis airgeadais, mar chuid de shlabhra luacha an

---

<sup>7</sup> Prionsabail Threoracha 20 agus 31(g) de chuid na Náisiún Aontaithe agus a gcuid Tráchtairachtaí; agus Treoir Léirmhíneach de chuid na Náisiún Aontaithe, Ceisteanna 49-53 agus 80 agus (b) Treoraíocht Díchill Chuí ECFE, Roinn II (4.1 agus 5.1) agus Iarscríbhinn, Ceisteanna 41-47.

ghnóthais, mar shampla mar sholáthróirí, áireoidh an gnóthas faisnéis a bhaineann leis na comhlaigh nó na comhfhiontair sin, i gcomhréir le mír 63, go comhsheasmhach leis an gcur chuige arna ghlacadh do na **gaolmhaireachtaí gnó** eile sa slabhra luacha. Sa chás sin, agus **méadracht** an tionchair á cinneadh, ní bheidh sonraí an chomhlaigh nó an chomhfhiontair teoranta don sciar cothromais arna shealbhu, ach cuirfear san áireamh iad ar bhonn na dtionchar atá nasctha le táirgí agus seirbhísí an ghnóthais trína ghaolmhaireachtaí gnó.

## 5.2 Meastachán ag úsáid meánchostais agus ionadaithe earnála

---

68. Féadfaidh cumas an ghnóthais an fhaisnéis is gá faoin **slabhra luacha** réamhtheachtach agus iartheachtach a fháil a bheith éagsúil ag brath ar thosca éagsúla, amhail socruithe conarthacha an ghnóthais, an leibhéal rialaithe atá aige ar na hoibríochtaí lasmuigh den raon feidhme comhdhlúthaithe agus a chumhacht cheannaigh. I gcás nach bhfuil sé de chumas ag an ngnóthas gníomhaíochtaí a shlabhra luacha réamhtheachtaigh agus/nó iartheachtaigh agus a ghaolmhaireachtaí gnó a rialú, d'fhéadfadh sé a bheith níos dúshlánaí faisnéis slabhra luacha a fháil.
69. Is ann d'imthosca a fhágann nach féidir leis an ngnóthas an fhaisnéis a bhailiú maidir lena **shlabhra luacha** réamhtheachtach agus iartheachtach mar a cheanglaítear le mír 63 tar éis iarrachtaí réasúnta déanamh amhlaidh. Sna himthosca sin, tabharfaidh an gnóthas meastachán ar an bhfaisnéis a bheidh le tuairisciú maidir lena shlabhra luacha réamhtheachtach agus iartheachtach, trí gach faisnéis réasúnta agus gach faisnéis ar féidir tacú léi a úsáid, amhail meánsonraí earnála agus ionadaithe eile.
70. D'fhéadfadh dúshlán a bheith ag baint le faisnéis **slabhra luacha** a fháil freisin i gcás FBManna agus eintitis eile sa slabhra luacha réamhtheachtach agus/nó iartheachtach nach bhfuil faoi raon feidhme an tuairiscithe um inbhuanaitheacht a cheanglaítear le hAirteagail 19a agus 29a de Threoir 2013/34/AE (féach ESRS 2 BP-2 Nochtaí i ndáil le himthosca sonracha).
71. I dtaca le **beartais, gníomhaíochtaí** agus **spriocanna**, áireofar i dtuairisciú an ghnóthais faisnéis faoin **slabhra luacha** réamhtheachtach agus/nó iartheachtach a mhéid a bhaineann na beartais, gníomhaíochtaí agus spriocanna sin le **gníomhaithe sa slabhra luacha**. I dtaca le **méadracht**, i roinnt mhaith cásanna, go háirithe le haghaidh ábhair chomhshaoil dá bhfuil ionadaithe ar fáil, d'fhéadfadh an gnóthas a bheith in ann na ceanglais maidir le tuairisciú a chomhlíonadh gan sonraí a bhailiú ó na gníomhaithe ina shlabhra luacha réamhtheachtach agus iartheachtach, go háirithe ó FBManna, mar shampla, le linn dó astaíochtaí Scóip 3 GCT de chuid an ghnóthais a ríomh.
72. Ní bheidh faisnéis nach gcomhlíonann saintréithe cáilíochtúla na faisnéise (féach caibidil 2 agus roinn 7.2 *Foinsí neamhchinnteachta meastacháin agus neamhchinnteachta torthaí* an Chaighdeáin seo) mar thoradh ar mheastacháin a chur san áireamh a dhéantar trí úsáid a bhaint as meánsonraí earnála nó ionadaithe eile.

## 6. Tréimhsí ama

### 6.1 Tréimhse tuairiscithe

---

73. Beidh an tréimhse tuairiscithe le haghaidh ráiteas inbhuanaitheachta an ghnóthais comhsheasmhach le tréimhse tuairiscithe a ráiteas airgeadais.

### 6.2 An t- am atá thart, an lá atá inniu ann agus an todhchaí a nascadh

---

74. Bunóidh an gnóthas naisc iomchuí ina **ráiteas inbhuanaitheachta** idir faisnéis chúlghabhálach agus faisnéis réamhbhreathnaitheach, i gcás inarb ábhartha, chun tuiscint shoiléir a chothú ar an mbaint atá ag faisnéis stairiúil le faisnéis atá dírithe ar an todhchaí.

### 6.3 Tuairisciú ar dhul chun cinn in aghaidh na bonnbhlíana

- 
75. Is í an bhonnbhliain an dáta tagartha stairiúil nó an tréimhse dá bhfuil faisnéis ar fáil agus ar féidir faisnéis ina dhiaidh sin a chur i gcomparáid léi le himeacht ama.
76. Cuirfidh an gnóthas faisnéis chomparáideach i láthair i leith na bonnbhliana le haghaidh méideanna arna dtuairisciú sa tréimhse reatha le linn dó tuairisciú ar na forbairtí agus ar dhul chun cinn i dtreo sprice, mura sainmhínítear cheana féin sa Cheanglas ábhartha maidir le Nochtadh conas tuairisciú ar dhul chun cinn. Féadfaidh an gnóthas faisnéis stairiúil a áireamh freisin faoi gharspíocanna a baineadh amach idir an bhonnbhliain agus an tréimhse tuairiscithe nuair is faisnéis ábhartha é sin.

#### **6.4 Sainmhíniú ar gearrthéarmach, meántéarmach agus fadtéarmach chun críocha tuairiscithe**

---

77. Le linn dó a **ráiteas inbhuanaitheachta** a ullmhú, glacfaidh an gnóthas na heatraimh ama seo a leanas ó dheireadh na tréimhse tuairiscithe:
- (a) an tréimhse ama ghearrthéarmach: an tréimhse arna glacadh ag an ngnóthas mar an tréimhse tuairiscithe ina ráitis airgeadais;
  - (b) an tréimhse ama mheántéarmach: ó dheireadh na tréimhse tuairiscithe gearrthearmaí a shainmhínítear in (a) suas le 5 bliana; agus
  - (c) an tréimhse ama fadtéarmach: níos mó ná 5 bliana.
78. Úsáidfidh an gnóthas miondealú breise don tréimhse ama fadtéarmach i gcás ina bhfuil coinne le **tionchair** nó le **gníomhaíochtaí** i dtréimhse is faide ná 5 bliana más gá sin chun faisnéis ábhartha a sholáthar d'úsáideoirí **ráiteas inbhuanaitheachta**.
79. Má cheanglaítear sainmhínithe difriúla ar thréimhsí ama meántéarmacha nó fadtéarmacha le haghaidh míreanna sonracha nochta in ESRS eile, beidh tosaíocht ag na sainmhínithe sna ESRS sin.
80. D'fhéadfadh imthosca a bheith ann ina bhfuil faisnéis neamhabhartha mar thoradh ar úsáid na dtréimhsí ama meántéarmacha nó fadtéarmacha a shainmhínítear i mír 77, toisc go mbaineann an gnóthas úsáid as sainmhíniú difriúil do na nithe seo (i) a phrósís chun **tionchair**, **rioscaí** agus **deiseanna** ábhartha a shainiú agus a bhainistiú nó (ii) an sainmhíniú ar a chuid **gníomhaíochtaí** agus chun **spriocanna** a leagan síos. D'fhéadfadh na himthosca sin a bheith ann mar gheall ar shaintréithe a bhaineann go sonracha leis an tionscal, amhail sreabhadh airgid agus timthriallta gnó, an fad a bhfuil coinne leis i dtaca le hinfheistíochtaí caipitil, na tréimhsí ama ar lena linn a dhéanfaidh úsáideoirí na **ráiteas inbhuanaitheachta** a gcuid measúnuithe nó na tréimhsí ama pleanála a úsáidtear de ghnáth i dtionscal an ghnóthais i gcomhair cinnteoireachta. Sna himthosca sin, féadfaidh an gnóthas sainmhíniú difriúil ar thréimhsí ama meántéarmacha agus fadtéarmacha a ghlacadh (féach ESRS 2 BP–2, mír 9).
81. Tagraíonn tagairtí do 'ghearrthéarmach'/'gearrthearma', 'meántéarmach'/'meántearma' agus 'fadtéarmach'/'fadtearma' in ESRS don tréimhse ama arna cinneadh ag an ngnóthas de réir na bhforálacha i míreanna 77 go 80.

### **7. Faisnéis inbhuanaitheachta a ullmhú agus a chur i láthair**

82. Soláthraítear ceanglais ghinearálta sa chaibidil seo a bheidh le cur i bhfeidhm nuair a bheidh faisnéis inbhuanaitheachta á hullmhú agus á cur i láthair.

#### **7.1 Faisnéis chomparáideach a chur i láthair**

---

83. Nochtfaidh an gnóthas faisnéis chomparáideach maidir leis an tréimhse roimhe sin le

haghaidh na **méadrachta** cainníochtúla agus na méideanna airgeadaíochta uile a nochtadh sa tréimhse reatha. I gcás inarb ábhartha maidir le tuiscint ar **ráiteas inbhuanaitheachta** na tréimhse reatha, nochtfaidh an gnóthas faisnéis chomparáideach freisin le haghaidh nochtáí insinte.

84. I gcás ina dtuairiscíonn an gnóthas faisnéis chomparáideach atá difriúil leis an bhfaisnéis a tuairiscíodh sa tréimhse roimhe sin nochtfaidh sé:
  - (a) an difríocht idir an figiúr a tuairiscíodh sa tréimhse roimhe sin agus an figiúr comparáideach athbhreithnithe; agus
  - (b) na cúiseanna a ndearnadh athbhreithniú ar an bhfigiúr.
85. Bíonn sé dodhéanta uaireanta faisnéis chomparáideach a choigeartú le haghaidh tréimhse amháin nó níos mó roimhe sin chun inchomparáideacht a bhaint amach leis an tréimhse reatha. Mar shampla, d'fhéadfadh sé nár bailíodh sonraí sa tréimhse (sna tréimhsí) roimhe sin ar bhealach lena rabhtas in ann sainmhíniú nua ar mhéadracht nó ar sprioc a chur i bhfeidhm go cúlgabhálach, nó athráiteas cúlgabhálach chun earráid réamhthréimhse a cheartú, agus d'fhéadfadh sé a bheith dodhéanta an fhaisnéis a athchruthú (féach ESRS 2 BP-2). I gcás ina mbíonn sé dodhéanta faisnéis chomparáideach a choigeartú le haghaidh tréimhse amháin nó níos mó roimhe sin, nochtfaidh an gnóthas é sin.
86. I gcás ina gceanglaíonn ESRS ar an ngnóthas níos mó ná tréimhse chomparáideach amháin a chur i láthair le haghaidh méadrachta nó pointe sonraí, beidh tosaíocht ag ceanglais an ESRS sin.

## **7.2 Foinsí neamhchinnteachta meastacháin agus neamhchinnteachta torthaí**

---

87. I gcás nach féidir **méadracht** cainníochtúla agus méideanna airgeadaíochta, lena n-áirítear faisnéis faoin **slabhra luachar** réamhtheachtach agus iarteachtach (féach caibidil 5 den Chaighdeán seo), a thomhas go díreach agus nach féidir ach meastachán a thabhairt maidir leo, d'fhéadfadh neamhchinnteacht tomhais a bheith ann.
88. Nochtfaidh gnóthas faisnéis chun é a chur ar a gcumas d'úsáideoirí na héiginnteachtaí is mó a dhéanann difear do na méadrachtaí cainníochtúla agus do na méideanna airgeadaíochta a thuiriscítear ina ráiteas inbhuanaitheachta a thuiscint.
89. Cuid fhíor-riachtanach d'fhaisnéis a bhaineann le hinbhuanaitheacht a ullmhú is ea toimhdí agus meastacháin réasúnacha a úsáid, lena n-áirítear anailís ar **chásanna** nó anailís fogaireachta, agus ní dhéanann sé dochar d'úsáideacht na faisnéise sin, ar choinníoll go dtugtar tuairisc chuinn ar na toimhdí agus ar na meastacháin agus go mínítear go cruinn iad. Fiú le leibhéal ard neamhchinnteachta tomhais ní gá go gcuirfí cosc ar thoimhde ná ar mheastachán den sórt sin faisnéis úsáideach a sholáthar nó saintréithe cáilíochtúla na faisnéise a chomhlíonadh (féach Foscríbhinn B den Chaighdeán seo).
90. Na sonraí agus na toimhdí a úsáidfeadh chun an ráiteas inbhuanaitheachta a ullmhú, beidh siad comhsheasmhach a mhéid is féidir leis na sonraí agus na toimhdí airgeadais comhfhreagracha a úsáidtear i ráitis airgeadais an ghnóthais.
91. Ceanglaíonn roinnt ESRS go nochtfaí faisnéis amháin mínithe maidir le teagmhais fhéideartha sa todhchaí ag a mbeidh torthaí neamhchinnte. Agus breithiúnas á thabhairt ar cé acu atá nó nach bhfuil faisnéis maidir le teagmhais fhéideartha den sórt sin sa todhchaí ábhartha, tagróidh an gnóthas do na critéir i gCaibidil 3 den Chaighdeán seo agus breithneoidh sé an méid seo a leanas:
  - (a) na **héifeachtaí airgeadais** a d'fhéadfadh a bheith ag na teagmhais (an toradh a d'fhéadfadh a bheith ann);
  - (b) déine agus dóchúlacht na dtionchar ar dhaoine nó ar an gcomhshaol de dheasca na dteagmhais a d'fhéadfadh tarlú, agus na tosca déine a shonraítear i mír 45 á gcur san áireamh; agus
  - (c) an raon iomlán torthaí fhéideartha agus dóchúlacht na dtorthaí fhéideartha laistigh den

raon sin.

92. Nuair a bheidh measúnú á dhéanamh ar na torthaí féideartha, breithneoidh an gnóthas gach fíoras agus toisc ábhartha, lena n-áirítear faisnéis maidir le torthaí lena mbaineann dóchúlacht íseal agus tionchar ard, a d'fhéadfadh a bheith ábhartha, ach iad a bheith comhiomlánaithe. Mar shampla, d'fhéadfadh an gnóthas a bheith neamhchosanta ar roinnt tionchar nó rioscaí, agus d'fhéadfadh gach ceann acu cur isteach air ar an mbealach céanna, mar shampla cur isteach ar **shlabhra soláthair** an ghnóthais. D'fhéadfadh faisnéis faoi fhoinse aonair riosca a bheith neamhábhartha más rud é gur fíor-chaolseans go dtarlódh cur isteach ón bhfoinse sin. D'fhéadfadh faisnéis maidir leis an riosca comhiomlán go gcuirfeadh isteach ar an slabhra soláthair ó gach foinse a bheith ábhartha, áfach (féach ESRS 2 BP-2).

### **7.3 Nochtaí maidir le teagmhais a thabhairt cothrom le dáta tar éis dheireadh na tréimhse tuairiscithe**

---

93. I roinnt cásanna, d'fhéadfadh an gnóthas faisnéis a fháil tar éis na tréimhse tuairiscithe ach sula gceadaítear an tuarascáil bhainistíochta lena heisiúint. Má sholáthraítear fianaise nó léargais i bhfaisnéis den sórt sin maidir leis na dálaí arbh ann dóibh ag deireadh na tréimhse, tabharfaidh an gnóthas, i gcás inarb iomchuí, meastacháin agus nochtaí inbhuanaitheachta cothrom le dáta, i bhfianaise na faisnéise nua.
94. I gcás ina soláthraíonn faisnéis den sórt sin fianaise nó léargais faoi idirbhearta ábhartha, faoi imeachtaí eile agus faoi dhálaí a eascraíonn tar éis dheireadh na tréimhse tuairiscithe, soláthróidh an gnóthas, i gcás inarb iomchuí, faisnéis insinte ina dtabharfaidh sé le fios gurbh ann do na teagmhais sin tar éis dheireadh na bliana, tabharfaidh sé a gcineál le fios agus a n- iarmhairtí féideartha.

### **7.4 Athruithe ar ullmhú agus ar chur i láthair na faisnéise inbhuanaitheachta**

---

95. An sainmhíniú ar **mhéadracht** agus ríomh méadrachta, lena n-áirítear méadracht a úsáidtear chun **spriocanna** a leagan síos agus chun faireachán a dhéanamh ar an dul chun cinn i dtreo na spriocanna sin, beidh siad comhsheasmhach le himeacht ama. Soláthróidh an gnóthas figiúirí comparáideacha athluaite, mura rud é nach bhfuil sé indéanta déanamh amhlaidh (féach ESRS 2 BP-2), i gcás inar fíor an méid seo a leanas:
- (a) rinne sé méadracht nó sprioc a athshainiú nó a ionadú;
  - (b) shainaithin sé faisnéis nua maidir leis na figiúirí measta a nochtadh sa tréimhse roimhe sin agus soláthraítear leis an bhfaisnéis nua fianaise ar imthosca a bhí ann le linn na tréimhse sin.

### **7.5 Earráidí i dtréimhsí roimhe sin a thuairisciú**

---

96. Ceartóidh an gnóthas earráidí réamhthréimhse ábhartha trí na méideanna comparáideacha a athlua don réamhthréimhse / do na réamhthréimhsí a nochtadh, mura bhfuil sé dodhéanta déanamh amhlaidh. Ní bhaineann an ceanglas sin le tréimhsí tuairiscithe roimh an gcéad bhliain de chur i bhfeidhm ESRS ag an gnóthas.
97. Is earráidí réamhthréimhse iad easnaimh agus míráitis i **ráiteas inbhuanaitheachta** an ghnóthais le haghaidh réamhthréimhse amháin nó níos mó. Tarlaíonn earráidí den sórt sin nuair nach n- úsáidtear faisnéis iontaofa, nó nuair a bhaintear mí- úsáid as faisnéis iontaofa:
- (a) a bhí ar fáil nuair a údaraíodh eisiúint na tuarascála bainistíochta ina gcuimsítear an ráiteas inbhuanaitheachta do na tréimhsí sin; agus
  - (b) a bhféadfaí coinne réasúnach a bheith leis go bhfuarthas í agus gur cuireadh san áireamh í nuair a bhí nochtaí inbhuanaitheachta atá cuimsithe sna tuarascálacha sin á n- ullmhú.

98. Cuimsítear le hearráidí den sórt sin: éifeachtaí botúin mhatamaiticiúla, botúin maidir leis na sainmhínithe ar **mhéadracht** nó ar **spriocanna** a chur i bhfeidhm, dearmaid nó míchiolla a bhaint as fíorais, agus calaois.
99. Déantar earráidí ionchasacha sa tréimhse reatha ar thángthas orthu sa tréimhse sin a cheartú sula ndéantar an tuarascáil bhainistíochta a údarú lena heisiúint. Ní thagtar ar earráidí ábhartha uaireanta áfach go dtí tréimhse ina dhiaidh sin.
100. Nuair a bhíonn sé dodhéanta cinneadh a dhéanamh maidir le héifeacht earráide ar gach tréimhse roimhe sin a chuirtear i láthair, athluafaidh an gnóthas an fhaisnéis chomparáideach chun an earráid a cheartú ón dáta is tuisce atá indéanta. Agus nochtaí le haghaidh tréimhse roimhe sin á gceartú, ní bhreathnóidh an gnóthas siar le linn dó toimhdí a dhéanamh faoina mbeadh mar rún ag an mbainistíocht a dhéanamh i dtréimhse roimhe sin nó le linn dó meastachán a thabhairt ar na méideanna arna nochtadh i dtréimhse roimhe sin. Tá feidhm ag an gceanglas sin maidir le nochtaí siarbhreathnaitheacha agus réamhbhreathnaitheacha araon a cheartú.
101. Déantar idirdhealú idir ceartuithe ar earráidí agus athruithe ar mheastacháin. D'fhéadfadh sé gur ghá athbheithniú a dhéanamh ar mheastacháinde réir mar a bheidh faisnéis bhreise ar eolas (féach ESRS 2 BP-2).

## 7.6 Tuairisciú comhdhlúite agus díolúine fochuideachta

---

102. I gcás ina dtuairiscíonn an gnóthas ar leibhéal comhdhlúite, déanfaidh sé a mheasúnú ar **thionchair, rioscaí** agus **deiseanna** ábhartha don ghrúpa comhdhlúite ina iomláine, gan beann ar struchtúr dlíthiúil an ghrúpa. Áiríteoidh sé go mbeidh na fochuideachtaí uile cumhdaithe ar bhealach lena mbeifear in ann tionchair, rioscaí agus deiseanna ábhartha a shainaithint go neamhchlaonta. Déanfar na critéir agus na tairseacha chun tionchair, riosca nó deis a mheasúnú mar cheann ábhartha a chinneadh bunaithe ar chaibidil 3 den Chaighdeán seo.
103. I gcás ina sainaithníonn an gnóthas difríochtaí móra idir **tionchair, rioscaí** nó **deiseanna** ábhartha ar leibhéal grúpa agus tionchair, rioscaí nó deiseanna ábhartha ceann amháin nó níos mó dá chuid fochuideachtaí, soláthróidh an gnóthas tuairisc leormhaith ar thionchair, rioscaí agus deiseanna, de réir mar is iomchuí, na fochuideachta nó na bhfochuideachtaí lena mbaineann.
104. I gcás ina ndéantar measúnú an mór iad na difríochtaí idir **tionchair, rioscaí** nó **deiseanna** ábhartha ar leibhéal grúpa agus tionchair, rioscaí nó deiseanna ceann amháin nó níos mó dá fochuideachtaí, féadfaidh an gnóthas imthosca difriúla a chur san áireamh, amhail cé acu a fheidhmíonn nó nach bhfeidhmíonn an fochuideachta nó na fochuideachtaí in earnáil dhifriúil i gcomparáid leis an gcuid eile den ghrúpa nó na himthosca a léirítear i roinn 3.7 *Leibhéal an dí- chomhiomlánaithe*.

## 7.7 Faisnéis rúnaicmithe agus íogair, agus faisnéis faoi mhaoin intleachtúil, saineolas nó torthaí na nuálaíochta

---

105. Ní cheanglaítear ar an ngnóthas **faisnéis rúnaicmithe** nó **faisnéis íogair** a nochtadh, fiú má mheastar gur faisnéis ábhartha í an fhaisnéis sin.
106. Le linn dó faisnéis a nochtadh maidir lena **straitéis, a phleananna** agus **a ghníomhaíochtaí**, i gcás ina bhfuil píosa sonracha faisnéise a chomhfhreagraíonn do mhaoin intleachtúil, saineolas nó torthaí nuálaíochta ábhartha chun an cuspóir a bhíonn ag Ceanglas maidir le Nochtadh a chomhlíonadh, féadfaidh an gnóthas an píosa sonracha faisnéise sin a fhágáil ar lár mar sin féin i gcás faisnéise:
  - (a) ar rún í sa chiall nach bhfuil daoine laistigh de na ciorcail a dhéileálann de ghnáth leis an gcineál faisnéise i gceist ar an eolas go ginearálta fúithi ná nach bhfuil rochtain acu uirthi, ina hiomláine nó i gcumraíocht agus cóimeáil bheacht a comhpháirteanna;
  - (b) a bhfuil luach tráchtála uirthi toisc gur rún í; agus

- (c) ar ghlac an gnóthas céimeanna réasúnacha ina leith chun í a choimeád faoi rún.
107. Má fhágann an gnóthas **faisnéis rúnaicmithe** nó **faisnéis íogair** ar lár, nó píosa sonrach faisnéise a chomhfhreagraíonn do mhaoin intleachtúil, do shaineolas nó do thorthaí nuálaíochta toisc go gcomhlíonann sé na critéir a bunaíodh sa mhír roimhe seo, comhlíonfaidh sé an ceanglas maidir le nochtadh atá i gceist trí gach faisnéis eile is gá a nochtadh.
108. Déanfaidh an gnóthas gach iarracht réasúnta chun a áirithiú, sa bhreis ar an bh**faisnéis rúnaicmithe** nó **faisnéis íogair** a fhágáil ar lár, nó sa bhreis ar an bpíosa sonrach faisnéise a chomhfhreagraíonn do mhaoin intleachtúil, saineolas nó torthaí nuálaíochta, nach lagófar ábharthacht fhoriomlán an nochta atá i gceist.

## 7.8 Tuairisciú ar dheiseanna

---

109. Agus tuairisciú á dhéanamh ar **dheiseanna**, ba cheart faisnéis thuairisciúil a bheith sa nochtadh lena bhféadfaidh an léitheoir an deis don ghnóthas nó don earnáil ina hiomláine a thuiscint. Agus tuairisciú á dhéanamh ag an ngnóthas ar dheiseanna, cuirfidh sé **ábharthacht** na faisnéise atá le nochtadh san áireamh. Sa chomhthéacs sin, breithneoidh sé, i measc tosa eile:
- (a) cé acu atá nó nach bhfuil an deis á saothrú faoi láthair agus corpraithe ina straitéis ghinearálta, os coinne deis ghinearálta don ghnóthas nó don earnáil; agus
- (b) cé acu an iomchuí nó nach iomchuí bearta cainníochtúla maidir le **héifeachtaí airgeadais a bhfuil coinne leo** a chuimsiú, agus an líon toimhdí a d'fhéadfadh a bheith ag teastáil uaidh agus an éiginnteacht iarmhartach á gcur san áireamh.

## 8. Struchtúr an ráitis inbhuanaitheachta

110. Soláthraítear an bunús sa chaibidil seo do chur i láthair na faisnéise faoi **ábhair inbhuanaitheachta** a ullmhaíodh i gcomhréir le hAirteagail 19a agus 29a de Threoir 2013/34/AE (i.e., an **ráiteas inbhuanaitheachta**) laistigh de thuarascáil bhainistíochta an ghnóthais. Cuirtear faisnéis den sórt sin i láthair i roinn thiomnaithe den tuarascáil bhainistíochta a sainiú mar an ráiteas inbhuanaitheachta. Foscríbhinn F *Sampla de struchtúr ráitis inbhuanaitheachta ESRS* den Chaighdeán seo ina soláthraítear sampla léiritheach de ráiteas inbhuanaitheachta agus é leagtha amach de réir cheanglais na caibidle seo.

### 8.1 Ceanglas ginearálta maidir le cur i láthair

---

111. Cuirfear faisnéis inbhuanaitheachta i láthair:
- (a) ar bhealach lena mbeifear in ann idirdhealú a dhéanamh idir faisnéis a cheanglaítear le nochtaí in ESRS agus faisnéis eile a áirítear sa tuarascáil bhainistíochta; agus
- (b) faoi struchtúr lena n-éascaítear rochtain agus tuiscint ar an **ráiteas inbhuanaitheachta**, i bhformáidí a bheidh inléite ag an duine agus ag meaisín araon.

### 8.2 Ábhar agus struchtúr an ráitis inbhuanaitheachta

---

112. Seachas an fhéidearthacht atá ann faisnéis a chuimsiú de réir tagartha i gcomhréir le roinn 9.1 *Cuimsiú de réir tagartha* den Chaighdeán seo, tuairisceoidh an gnóthas na nochtaí uile is infheidhme a cheanglaítear le ESRS de réir chaibidil 1 den Chaighdeán seo, laistigh de roinn thiomnaithe den tuarascáil bhainistíochta.
113. Áireoidh an gnóthas ina **ráiteas inbhuanaitheachta** na nochtaí de bhun Airteagal 8 de

Rialachán (AE) 2020/852 ó Pharlaimint na hEorpa agus ón gComhairle<sup>8</sup> agus de bhun na Rialachán Tarmlichte ón gCoimisiún lena sonraítear ábhar agus módúlachtaí eile na nochtaí sin. Áiríteoidh an gnóthas go mbeidh na nochtaí sin inaitheanta ar leithligh laistigh den ráiteas inbhuanaitheachta. Déanfar na nochtaí a bhaineann le gach ceann de na cuspóirí comhshaoil a shainítear sa Rialachán maidir le Tacsanomaíocht a chur i láthair le chéile i gcuid atá inaitheanta go soiléir den roinn comhshaoil den ráiteas inbhuanaitheachta. Níl na nochtaí sin faoi réir fhorálacha ESRS, cé is moite den mhír seo agus den chéad abairt de mhír 115 den chaighdeán seo.

114. Nuair a chuireann an gnóthas nochtaí breise san áireamh ina ***ráiteas inbhuanaitheachta*** a eascraíonn as (i) reachtaíocht eile lena gceanglaítear ar an ngnóthas faisnéis inbhuanaitheachta a nochtadh, nó (ii) caighdeán agus creataí tuairiscithe um inbhuanaitheacht a nglactar leo go ginearálta, lena n-áirítear treoraíocht neamhéigeantach agus treoraíocht earnáilsonrach, arna bhfoilsíú ag comhlachtaí socraithe caighdeán eile (amhail ábhar teicniúil arna eisiúint ag Bord na gCaighdeán Idirnáisiúnta Inbhuanaitheachta nó ag an Tionscnamh Tuairiscithe Domhanda), beidh an méid seo a leanas fíor i gcás nochtaí den sórt sin:
- (a) sainaitheofar go soiléir iad le tagairt iomchuí don reachtaíocht, don chaighdeán nó don chreat gaolmhar (féach ESRS 2 BP-2, mír 15);
  - (b) comhlíonfaidh siad na ceanglais maidir le saintréithe cáilíochtúla na faisnéise a shonraítear i gcaibidil 2 agus i bhFoscscríbhinn B den chaighdeán seo.
115. Leagfaidh an gnóthas a ***ráiteas inbhuanaitheachta*** amach i gceithre chuid, san ord seo a leanas: faisnéis ghinearálta, faisnéis chomhshaoil (lena n-áirítear nochtaí de bhun Airteagal 8 de Rialachán (AE) 2020/852), faisnéis shóisialta agus faisnéis rialachais. Ag urramú na forála i roinn 3.6 *Tionchair nó rioscaí ábhartha a eascraíonn as gníomhaíochtaí chun aghaidh a thabhairt ar ábhair inbhuanaitheachta* den Chaighdeán seo, i gcás ina bhfuil san fhaisnéis a sholáthraítear i gcuid amháin faisnéis a bheidh le tuairisciú i gcuid eile, féadfaidh an gnóthas tagairt i gcuid amháin d'fhaisnéis a chuirtear i láthair i gcuid eile, agus dúbailt a sheachaint. Féadfaidh an gnóthas an struchtúr mionsonraithe a thaispeántar i bhFoscscríbhinn F den Chaighdeán seo a chur i bhfeidhm.
116. Déanfar na nochtaí a cheanglaítear le ESRS earnáilsonrach a ghrúpáil de réir an réimse tuairiscithe agus, i gcás inarb infheidhme, de réir topaic inbhuanaitheachta. Cuirfear i láthair iad in éineacht leis na nochtaí a cheanglaítear le ESRS 2 agus an ESRS topaicshonrach comhfhreagrach.
117. I gcás ina bhforbraíonn an gnóthas nochtaí eintiteas- sonracha ábhartha i gcomhréir le mír 11, tuairisceoidh sé na nochtaí sin in éineacht leis na nochtaí earnáil- il- oiriúnacha agus earnáilsonracha is ábhartha.

## **9. Naisc le codanna eile den tuairisciú comparáideach agus faisnéis nasctha**

118. Soláthróidh an gnóthas faisnéis a chuirfidh ar a gcumas d'úsáideoirí a ***ráitis inbhuanaitheachta*** na naisc idir píosaí éagsúla faisnéise sa ráiteas, agus na naisc idir an fhaisnéis sa ráiteas inbhuanaitheachta agus faisnéis eile a nochtann an gnóthas i gcodanna eile dá thuirisciú comparáideach a thuiscint.

### **9.1 Cuimsiú de réir tagartha**

- 
119. Ar choinníoll go gcomhlíontar na coinníollacha i mír 120, féadfar faisnéis arna forordú le Ceanglas maidir le Nochtadh de ESRS, lena n- áirítear pointe sonraí sonracha arna fhorordú ag Ceanglas maidir le Nochtadh, féadfar iad a chuimsiú sa ***ráiteas inbhuanaitheachta*** trí

---

<sup>8</sup> Rialachán (AE) 2020/852 ó Pharlaimint na hEorpa agus ón gComhairle an 18 Meitheamh 2020 maidir le creat a bhunú chun infheistíocht inbhuanaithe a éascú, agus lena leasaítear Rialachán (AE) 2019/2088 (IO L 198, 22.6.2020, lch. 13).

thagairt don mhéid seo a leanas:

- (a) roinn eile den tuarascáil bhainistíochta;
- (b) na ráitis airgeadais;
- (c) an ráiteas rialachais chorparáidigh (mura cuid den tuarascáil bhainistíochta é);
- (d) an tuarascáil luacha saothair a cheanglaítear le Treoir 2007/36/CE ó Pharlaimint na hEorpa agus ón gComhairle <sup>9</sup>;
- (e) an doiciméad clárúcháin uilíoch, dá dtagraítear in Airteagal 9 de Rialachán (AE) 2017/1129<sup>10</sup>; agus
- (f) nochtaí poiblí faoi Rialachán (AE) Uimh. 575/2013 ó Pharlaimint na hEorpa agus ón gComhairle (nochtaí Cholún 3)<sup>11</sup>. Má chuimsíonn an gnóthas de réir tagartha faisnéis ó nochtaí Cholún 3, áiritheoidh sé go bhfuil an fhaisnéis ag teacht le raon feidhme an chomhdhlúthaithe a úsáidtear don **ráiteas inbhuanaitheachta** tríd an bhfaisnéis atá cuimsithe a chomhlánú le heilimintí breise de réir mar is gá.

120. Féadfaidh an gnóthas faisnéis a chuimsiú trí thagairt do na doiciméid, nó do chuid de na doiciméid, arna liostú i mír 119, ar choinníoll gur fíor an méid seo a leanas i dtaca leis na nochtaí arna gcuimsiú de réir tagartha:

- (a) is gné ar leith den fhaisnéis iad agus sainaitnítear go soiléir sa doiciméad lena mbaineann go dtugann siad aghaidh ar an gCeanglas ábhartha maidir le Nochtadh, nó ar an bpointe sonraí sonracha ábhartha a fhorordaítear le Ceanglas maidir le Nochtadh;
- (b) foilsítear iad roimh an tuarascáil bhainistíochta nó an tráth céanna leis an tuarascáil bhainistíochta;
- (c) tá siad sa teanga chéanna leis an **ráiteas inbhuanaitheachta**;
- (d) tá siad faoi réir an leibhéal chéanna dearbhaithe ar a laghad agus atá an ráiteas inbhuanaitheachta; agus
- (e) go gcomhlíonann siad na ceanglais digitithe theicniúla chéanna leis an ráiteas inbhuanaitheachta.

121. Ar choinníoll go gcomhlíontar na coinníollacha a bhunaítear i mír 120, féadfar faisnéis arna forordú le Ceanglas maidir le Nochtadh in ESRS, lena n-áirítear pointe sonraí sonracha arna fhorordú le Ceanglas maidir le Nochtadh, féadfar í a chuimsiú sa **ráiteas inbhuanaitheachta** trí thagairt do tuarascáil an ghnóthais arna hullmhú de réir Scéim um Bainistíocht agus Iniúchadh Comhshaoil an Aontais (EMAS) Rialachán (AE) Uimh. 1221/2009<sup>12</sup>. Sa chás seo, áiritheoidh an gnóthas go dtáirgtear an fhaisnéis arna cuimsiú de réir tagartha ag úsáid an bhunúis chéanna chun faisnéis ESRS a ullmhú, lena n-áirítear raon feidhme chomhdhlúthaithe agus chóireála na faisnéise sa **slabhra luacha**.

122. Agus an **ráiteas inbhuanaitheachta** á ullmhú agus cuimsiú de réir tagartha in úsáid, breithneoidh an gnóthas comhtháiteacht fhoriomlán na faisnéise tuairiscithe agus áiritheoidh sé nach lagaíonn an cuimsiú de réir tagartha inléiteacht an ráitis inbhuanaitheachta. Foscríbhinn G *Sampla de chuimsiú de réir tagartha* den Chaighdeán seo ar sampla léiritheach é de chuimsiú de réir tagartha (Féach ESRS 2 BP-2).

<sup>9</sup> Treoir 2007/36/CE ó Pharlaimint na hEorpa agus ón gComhairle an 11 Iúil 2007 maidir le feidhmiú cearta áirithe scairshealbhóirí i gcuideachtaí liostaithe (IO L 184, 14.7.2007, lch. 17).

<sup>10</sup>Rialachán (AE) 2017/1129 ó Pharlaimint na hEorpa agus ón gComhairle an 14 Meitheamh 2017 maidir leis an réamheolaire atá le foilsiú nuair a thairgtear urnáis don phobal nó nuair a ligtear isteach iad le haghaidh trádála ar mhargadh rialáilte, agus lena n-aisghairtear Treoir 2003/71/CE (IO L 168, 30.6.2017, lch. 12).

<sup>11</sup> Rialachán (AE) Uimh. 575/2013 ó Pharlaimint na hEorpa agus ón gComhairle an 26 Meitheamh 2013 maidir le ceanglais stuamachta i gcomhair institiúidí creidmheasa agus gnólachtaí infheistíochta, agus lena leasaítear Rialachán (AE) Uimh. 648/2012 (IO L 176, 27.6.2013, lch. 1).

<sup>12</sup>Rialachán (CE) Uimh. 1221/2009 ó Pharlaimint na hEorpa agus ón gComhairle an 25 Samhain 2009 maidir le rannpháirtíocht shaorálach eagraíochtaí i scéim Chomhphobail um bainistíocht agus iniúchadh comhshaoil (EMAS), agus lena n-aisghairtear Rialachán (CE) Uimh. 761/2001 agus Cinntí 2001/681/CE agus 2006/193/CE ón gCoimisiún (IO L 342, 22.12.2009, lch. 1).

## 9.2 Faisnéis nasctha agus nascacht le ráitis airgeadais

123. Tabharfaidh an gnóthas tuairisc ar na gaolmhaireachtaí idir píosaí difriúla faisnéise. Chun é sin a dhéanamh, d'fhéadfadh sé gur ghá faisnéis insinte maidir le rialachas, straitéis agus bainistiú riosca a bhaineann le **méadracht** agus **spriocanna** a nascadh. Mar shampla, agus faisnéis nasctha á soláthar aige, d'fhéadfadh sé gur ghá don ghnóthas míniú a thabhairt ar éifeacht nó ar éifeacht dhóchúil a straitéise ar a ráitis airgeadais nó ar a phleananna airgeadais, nó míniú a thabhairt ar an gcaoi a mbaineann a straitéis le méadracht agus le spriocanna a úsáidtear chun dul chun cinn a thomhas in aghaidh feidhmíochta. Thairis sin, d'fhéadfadh sé gur ghá don ghnóthas míniú a thabhairt ar an dóigh a bhféadfadh an úsáid a bhaineann sé as **acmhainní nádúrtha** agus as athruithe laistigh dá **shlabhra soláthair a thionchair, rioscaí** agus **deiseanna** ábhartha a mhéadú, a athrú nó a laghdú. D'fhéadfadh sé gur ghá dó an fhaisnéis sin a nascadh le faisnéis maidir leis na héifeachtaí airgeadais atá ann faoi láthair nó a bhfuil coinne leo ar a chostais táirgthe, lena fhreagairt straitéiseach chun na tionchair nó rioscaí sin a mhaolú, agus lena infheistíocht ghaolmhar i sócmhainní nua. D'fhéadfadh sé gur ghá don ghnóthas freisin faisnéis insinte a nascadh leis na méadrachtaí agus na spriocanna gaolmhara agus leis an bhfaisnéis sna ráitis airgeadais. Beidh an fhaisnéis ina dtugtar tuairisc ar naisc soiléir agus gonta.
124. Nuair a áirítear sa **ráiteas inbhuanaitheachta** méideanna airgeadaíochta nó pointí sonraí cainníochtúla eile a sháraíonn tairseach **ábharthachta** agus a chuirtear i láthair sna ráitis airgeadais (nascacht dhíreach idir faisnéis a nochtar sa ráiteas inbhuanaitheachta agus faisnéis a nochtar i ráitis airgeadais), áireoidh an gnóthas tagairt don mhír ábhartha dá ráitis airgeadais inar féidir teacht ar an bhfaisnéis chomhfhreagrach.
125. Féadfar a áireamh sa **ráiteas inbhuanaitheachta** méideanna airgeadaíochta nó pointí sonraí cainníochtúla eile a sháraíonn tairseach ábharthachta agus ar comhiomlán, nó cuid, iad de mhéideanna airgeadaíochta nó sonraí cainníochtúla a chuirtear i láthair i ráitis airgeadais an ghnóthais (nascacht indíreach idir faisnéis a nochtar i ráiteas inbhuanaitheachta agus faisnéis a nochtar i ráitis airgeadais). Más amhlaidh atá, míneoidh an gnóthas conas a bhaineann na méideanna nó na pointí sonraí sin sa ráiteas inbhuanaitheachta leis na méideanna is ábhartha a chuirtear i láthair sna ráitis airgeadais. Áireofar leis an nochtadh sin tagairt don mhír líne agus/nó do na míreanna ábhartha dá ráitis airgeadais inar féidir teacht ar an bhfaisnéis chomhfhreagrach. I gcás inarb iomchuí, féadfar réiteach a sholáthar, agus féadfar é a chur i láthair i bhfoirm tábla.
126. I gcás faisnéise nach gcumhdaítear le míreanna 124 agus 125, míneoidh an gnóthas, bunaithe ar thairseach ábharthachta, comhsheasmhacht sonraí suntasacha, toimhdí suntasacha agus faisnéis cháilíochtúil shuntasach a áirítear ina **ráiteas inbhuanaitheachta** leis na sonraí comhfhreagracha, na toimhdí comhfhreagracha agus an fhaisnéis cháilíochtúil chomhfhreagrach a áirítear sna ráitis airgeadais. D'fhéadfadh sé sin tarlú i gcás ina gcuimsítear leis an ráiteas inbhuanaitheachta an méid seo a leanas:
- (a) méideanna airgeadaíochta nó sonraí cainníochtúla eile atá nasctha le méideanna airgeadaíochta nó le sonraí cainníochtúla eile a chuirtear i láthair sna ráitis airgeadais; nó
  - (b) faisnéis cháilíochtúil atá nasctha le faisnéis cháilíochtúil a chuirtear i láthair sna ráitis airgeadais.
127. Comhsheasmhacht mar a cheanglaítear le mír 126 beidh sé ar leibhéal pointe sonraí aonair agus áireofar leis tagairt don mhír líne ábhartha nó don mhír de nótaí a ghabhann leis na ráitis airgeadais. I gcás nach bhfuil sonraí suntasacha, toimhdí suntasacha agus faisnéis cháilíochtúil shuntasach comhsheasmhach, luafaidh an gnóthas é sin agus míneoidh sé an chúis atá leis.
128. Seo a leanas samplaí d'ítimí a bhfuil an míniú i mír 126 ag teastáil ina leith:
- (a) i gcás ina gcuirtear an mhéadracht chéanna i láthair ón dáta tuairiscithe i ráitis airgeadais agus mar réamhaisnéis le haghaidh tréimhsí amach anseo sa **ráiteas inbhuanaitheachta**; agus

- (b) i gcás ina n-úsáidtear réamh- mheastacháin mhaicreacnamaíocha nó ghnó chun **méadracht** a fhorbairt sa **ráiteas inbhuanaitheachta** agus i gcás ina bhfuil siad ábhartha freisin chun meastachán a thabhairt ar mhéid in- aisghabhála sócmhainní, méid na ndlíteanas nó na bhforálacha i ráitis airgeadais.
129. Féadfar a áireamh le ESRS topaicshonracha agus earnáilsonracha ceanglais chun réitigh a áireamh nó chun comhsheasmhacht na sonraí agus na dtuairiscí le haghaidh Ceanglais shonracha maidir le Nochtadh a léiriú. Sna cásanna sin, beidh tosaíocht ag na ceanglais sna ESRS sin.

## 10 Forálacha idirthréimhseacha

### 10.1 Foráil idirthréimhseach a bhaineann le nochtaí eintiteas- sonracha

---

130. Tá coinne leis go dtiocfaidh forbairt ar a mhéid a chumhdaítear **ábhair inbhuanaitheachta** le ESRS de réir mar a fhorbraítear tuilleadh Ceanglas maidir le Nochtadh. Dá bhrí sin, is dócha go dtiocfaidh laghdú ar an ngá atá le nochtaí eintiteas- sonracha le himeacht ama, go háirithe mar thoradh ar chaighdeáin earnáilsonracha atá le glacadh amach anseo.
131. Agus a nochtaí eintiteas- sonracha á sainiú aige, féadfaidh an gnóthas bearta idirthréimhseacha a ghlacadh lena n- ullmhú sna chéad trí **ráiteas inbhuanaitheachta** bhliantúla faoina bhféadfaidh sé an méid seo a leanas a dhéanamh mar thosaíocht:
- (a) na nochtaí eintiteas- sonracha sin a thabhairt isteach ina thuairisciú a thuairiscigh sé i dtréimhsí roimhe sin, má chomhlíonann na nochtaí sin na saintréithe cáilíochtúla den fhaisnéis dá dtagraítear faoi chaibidil 2 den Chaighdeán seo nó má oiriúnaítear iad chun na saintréithe cáilíochtúla sin a chomhlíonadh; agus
- (b) a nochtaí a chomhlánú, arna n- ullmhú ar bhonn an ESRS thopaicshonraigh, le tacar iomchuí nochtaí breise chun **ábhair inbhuanaitheachta** a chumhdach atá ábhartha don ghnóthas ina earnáil / earnálacha, agus úsáid á baint as an dea- chleachtas atá ar fáil agus/nó na creataí atá ar fáil nó na caighdeáin tuairiscithe, amhail treoraíocht thionscalbhunaithe IFRS agus Caighdeáin Eanála GRI.

### 10.2 Foráil idirthréimhseach a bhaineann le caibidil 5 Slabhra luacha

---

132. Do na chéad 3 bliana de thuairisciú inbhuanaitheachta an ghnóthais faoi ESRS, i gcás nach bhfuil an fhaisnéis uile is gá maidir lena **shlabhra luacha** réamhtheachtach agus iartheachtach ar fáil, míneoidh an gnóthas na hiarrachtaí a rinneadh chun an fhaisnéis is gá a fháil faoina shlabhra luacha réamhtheachtach agus iartheachtach, na cúiseanna nach bhféadfaí an fhaisnéis uile is gá a fháil, agus a phleananna chun an fhaisnéis is gá a fháil amach anseo.
133. Do na chéad trí bliana dá thuairisciú inbhuanaitheachta faoi ESRS, chun aird a thabhairt ar na deacrachtaí a d'fhéadfadh a bheith ag gnóthais agus faisnéis á bailiú acu ó ghníomhaithe ar fud a **slabhra luacha** agus chun an t-ualach ar FBManna sa slabhra luacha a theorannú:
- (a) agus faisnéis maidir le **beartais, gníomhaíochtaí** agus **spriocanna** á nochtadh ag an ngnóthas i gcomhréir le ESRS2 agus ESRS eile, féadfaidh sé faisnéis faoin slabhra luacha réamhtheachtach agus iartheachtach a theorannú d'fhaisnéis atá ar fáil go himhmeanach, amhail sonraí atá ar fáil cheana féin don ghnóthas agus faisnéis atá ar fáil go poiblí; agus
- (b) agus **méadracht** á nochtadh ag an ngnóthas, ní cheanglaítear air faisnéis faoin slabhra luacha réamhtheachtach agus iartheachtach a áireamh, cé is moite de phointí sonraí a dhíorthaítear ó reachtaíocht eile de chuid an Aontais, mar a liostaítear in ESRS 2 Foscríbhinn B.
134. Beidh feidhm ag míreanna 132 agus 133 gan beann ar cé acu is FBM é **an gníomhaí ábhartha sa slabhra luacha** nó nach ea.

135. Ag tosú ón gceathrú bliain dá thuairisciú faoin ESRS, áireoidh an gnóthas faisnéis **slabhra luacha** réamhtheachtach agus/nó iartheachtach de réir mhír 63. Sa chomhthéacs sin, an fhaisnéis a cheanglaítear le ESRS a fháil ó ghnóthais FBM i slabhra luacha réamhtheachtach agus/nó iartheachtach an ghnóthais, ní bheidh sí níos mó ná ábhar an ESRS sa todhchaí i gcás FBManna liostaithe.

### **10.3 Foráil idirthréimhseach a bhaineann le roinn 7.1 Faisnéis chomparáideach a chur i láthair**

---

136. Chun cur i bhfeidhm céaduaire an Chaighdeáin seo a éascú, ní cheanglaítear ar an ngnóthas an fhaisnéis chomparáideach a cheanglaítear le roinn 7.1 *Faisnéis chomparáideach a chur i láthair* a nochtadh sa chéad bhliain d'ullmhú an **ráitis inbhuanaitheachta** faoin ESRS. I gcás na gceanglas maidir le nochtadh a liostaítear i bhFoscúbhinn C *Liosta de Cheanglais maidir le Nochtadh atá céimnithe isteach*, tá feidhm ag an bhforáil idirthréimhseach seo maidir leis an gcéad bhliain de chur i bhfeidhm sainordaitheach an cheanglais maidir le nochtadh atá céimnithe isteach.

### **10.4 Foráil idirthréimhseach: Liosta na gCeanglas maidir le Nochtadh atá céimnithe isteach**

---

137. Le Foscúbhinn C *Liosta de Cheanglais maidir le Nochtadh atá céimnithe isteach* sa Chaighdeán seo, leagtar síos forálacha céimnithe isteach le haghaidh na gCeanglas maidir le Nochtadh nó pointí sonraí na gCeanglas maidir le Nochtadh in ESRS topaicshonrach a d'fhéadfaí a fhágáil ar lár nó nach bhfuil infheidhme sa chéad bhliain / sna céad bhlianta d'ullmhú an ráitis inbhuanaitheachta faoin ESRS.

## **Foscúbhinn A: Ceanglais maidir le Cur i bhFeidhm**

Is dlúthchuid de ESRS 1 í an fhoscúbhinn seo agus tá an t- údarás céanna aici agus atá ag na codanna eile den Chaighdeán.

### **Nochtaí eintiteas- sonracha**

---

- AR 1. Cuirfidh na nochtaí eintiteas- sonracha ar a gcumas d'**úsáideoirí** tuiscint a fháil ar **tionchair, rioscaí** agus **deiseanna** an ghnóthais i ndáil le hábhair chomhshaoil, shóisialta nó rialachais.
- AR 2. Agus nochtaí eintiteas- sonracha á bhforbairt ag an ngnóthas, áiritheoidh sé an méid seo a leanas:
- (a) go gcomhlíonann na nochtaí saintréithe cáilíochtúla na faisnéise mar a leagtar amach i gcaibidil 2 *Saintréithe cáilíochtúla na faisnéise*; agus
  - (b) go n-áirítear lena nochtaí, i gcás inarb infheidhme, an fhaisnéis ábhartha uile a bhaineann leis na réimsí tuairiscithe rialachais; straitéis; bainistiú **tionchar, rioscaí** agus **deiseanna**; agus **méadracht** agus **spriocanna** (féach ESRS 2 caibidil 2 go 5).
- AR 3. Agus úsáideacht na méadrachta a bheidh le háireamh ina nochtaí eintiteas- sonracha á cinneadh aige, breithneoidh an gnóthas na nithe seo a leanas:
- (a) cé acu a sholáthraíonn nó nach soláthraíonn a mhéadracht feidhmíochta roghnaithe léargas maidir le:
    - i. cé chomh héifeachtach agus atá a chleachtas chun torthaí diúltacha a laghdú agus/nó torthaí dearfacha a mhéadú do dhaoine agus don chomhshaoil (maidir le tionchair); agus/nó

- ii. an dóchúlacht go mbeidh **éifeachtaí airgeadais** ar an ngnóthas mar thoradh ar a chleachtas (maidir le **rioscaí** agus **deiseanna**);
  - (b) cé acu atá nó nach bhfuil na torthaí tomhaiste iontaofa go leor, is é sin, nach mbaineann líon iomarcach toimhdí agus éiginnteachtaí leo a d'fhágfadh go mbeadh an mhéadracht róthreallach chun léiriú dílis a thabhairt; agus
  - (c) cé acu atá nó nach bhfuil faisnéis chomhthéacsúil leormhaith tugtha aige chun méadracht feidhmíochta a léirmhíniú go hiomchuí, agus cé acu a d'fhéadfadh nó nach bhféadfadh tionchar a bheith ag éagsúlachtaí i bhfaisnéis chomhthéacsúil den sórt sin ar inchomparáideacht na méadrachta le himeacht ama.
- AR 4. Agus a nochtaí eintiteas- sonracha á bhforbairt aige, breithneoidh an gnóthas go cúramach:
- (a) inchomparáideacht idir gnóthais, agus ábharthacht na faisnéise arna soláthar á háirithiú fós, ag aithint go bhféadfadh inchomparáideacht a bheith teoranta le haghaidh nochtaí eintiteas- sonracha. Breithneoidh an gnóthas cé acu a sholáthraíonn nó nach soláthraíonn na creataí, na tionscnaimh, na caighdeáin tuairiscithe agus na tagarmharcanna ábhartha atá ar fáil (amhail an t- ábhar teicniúil arna eisiúint ag an mBord um Chaighdeáin Inbhuanaitheachta Idirnáisiúnta nó ag an Tionscnamh Tuairiscithe Domhanda) gnéithe atá in ann tacú le hinchomparáideacht a mhéid is féidir é; agus
  - (b) inchomparáideacht le himeacht ama: príomhthoisic é comhsheasmhacht na modheolaíochtaí agus na nochtaí chun inchomparáideacht a bhaint amach le himeacht ama.
- AR 5. Is féidir treoraíocht bhreise a fháil chun nochtaí eintiteas- sonracha a fhorbairt ach an fhaisnéis a cheanglaítear faoi ERSR topaicshonrach a bhreithniú, faisnéis ina dtugtar aghaidh ar **ábhair inbhuanaitheachta** den chineál céanna.

## Ábharthacht dhúbailte

---

### Páirtithe leasmhara agus an bhaint atá acu leis an bpróiseas measúnaithe ábharthachta

- AR 6. Anuas ar na catagóirí páirtithe leasmhara atá liostaithe i mír 22, is catagóirí comónta **páirtithe leasmhara** iad seo a leanas: **fostaithe** agus oibríthe eile, **soláthróirí**, **tomhaltóirí**, custaiméirí, **úsáideoirí deiridh**, pobail áitiúla agus daoine atá i staideanna leochaileacha, agus údarais phoiblí, lena n-áirítear rialtóirí, maoirseoirí agus bainc cheannais.
- AR 7. Is féidir an dúlra a mheas mar **pháirtí leasmhar** ciúin. Sa chás sin, d'fhéadfadh sonraí éiceolaíochta agus sonraí maidir le caomhnú speiceas tacú le measúnú **ábharthachta** an ghnóthais.
- AR 8. Faigheann measúnú **ábharthachta** treoir ón idirphlé le páirtithe leasmhara dá ndéantar difear. Féadfaidh an gnóthas oibriú le **páirtithe leasmhara** dá ndéantar difear nó lena n- ionadaithe (amhail **fostaithe** nó ceardchumann), mar aon le húsáideoirí an tuairiscithe um inbhuanaitheacht agus le saineolaithe eile, chun ionchuir nó aiseolas a sholáthar ar a chonclúidí maidir lena **thionchair**, **rioscaí** agus **deiseanna** ábhartha.

### Measúnú ar ábharthacht tionchair

- AR 9. Agus measúnú á dhéanamh ar **ábharthacht tionchair** agus cinneadh á dhéanamh faoi na hábhair ábhartha a bheidh le tuairisciú, breithneoidh an gnóthas na trí chéim seo a leanas:
- (a) tuiscint ar an gcomhthéacs i ndáil lena thionchair lena n- áirítear a ghníomhaíochtaí, a ghaolmhaireachtaí gnó, agus **páirtithe leasmhara**;
  - (b) tionchair iarbhír agus ionchasacha a shainiú (idir dhiúltach agus dearfach), trí rannpháirtíocht le **páirtithe leasmhara** agus saineolaithe. Sa chéim sin, féadfaidh an gnóthas a bheith ag brath ar thaighde eolaíoch agus anailíseach maidir leis na tionchair ar **ábhair inbhuanaitheachta**;

- (c) measúnú ar ábharthacht a thionchair iarbhír agus a thionchair fhéideartha agus cinneadh na n-ábhar ábhartha. Sa chéim sin, glacfaidh an gnóthas le tairseacha chun cinneadh a dhéanamh cé na tionchair a chumhdófar ina **ráiteas inbhuanaitheachta**.

## Saintréithe na déine

AR 10. Cinntear an déine leis na tosca seo a leanas:

- (a) scála: cé chomh tromchúiseach agus atá an tionchar diúltach nó cén chomh tairbhiúil agus atá an tionchar dearfach do dhaoine nó don chomhshaoil;
- (b) raon feidhme: cé chomh forleathan agus atá na tionchair dhiúltacha nó dhearfacha. I gcás na dtionchar comhshaoil, féadfar an raon feidhme a thuiscint mar mhéid an damáiste comhshaoil nó an pheiriméadair gheografaigh. I gcás na dtionchar ar dhaoine, féadfar an raon feidhme a thuiscint mar an líon daoine dá ndearnadh difear tromchúiseach; agus
- (c) carachtar doleigheasta: cibé acu agus a mhéid a d'fhéadfaí na tionchair dhiúltacha a leigheas, i.e., an comhshaoil nó na daoine dá ndearnadh difear a chur ar ais go dtí an staid ina raibh siad roimhe sin.

AR 11. Is féidir le haon cheann de na trí shaintréith (scála, raon feidhme, agus carachtar doleigheasta) tionchar diúltach a dhéanamh tromchúiseach. I gcás tionchar diúltach ionchasach ar chearta an duine, bíonn tosaíocht ag déine an tionchair ar a dhóchúlacht.

## Tionchair a bhaineann leis an ngnóthas

AR 12. Mar léiriú:

- (a) má úsáideann an gnóthas cóbalt ina tháirgí a mhianaítear agus saothar leanaí in úsáid, beidh an tionchar diúltach (i.e., saothar leanaí) nasctha le táirgí an ghnóthais trí na sraitheanna de **ghaolmhaireachtaí gnó** ina shlabhra luacha. Áirítear ar na caidrimh sin an bruithneoir agus trádálaí mianraí agus an fiontar mianadóireachta a úsáideann saothar leanaí; agus
- (b) má sholáthraíonn an gnóthas iasachtaí airgeadais d'fhiontar le haghaidh gníomhaíochtaí gnó arb é a bhíonn mar thoradh orthu, de shárú ar chaighdeán chomhaontaithe, go ndéantar éilliú ar uisce agus ar thalamh timpeall ar na hoibríochtaí, beidh an tionchar diúltach sin nasctha leis an ngnóthas trína ghaolmhaireacht leis an bhfiontar a soláthraíonn sé na hiasachtaí dó.

## Measúnú ar ábharthacht airgeadais

AR 13. Is samplaí iad seo a leanas den chaoi ar foinsí **rioscaí** nó **deiseanna** iad tionchair agus **spleáchais**:

- (a) nuair a bhíonn **samhail ghnó** an ghnóthais ag brath ar acmhainn nádúrtha – uisce mar shampla – is dóigh go ndéanfar difear dó de bharr athruithe ar cháilíocht, ar infhaighteacht agus ar phraghsáil na hacmhainne sin;
- (b) nuair a bhíonn tionchair dhiúltacha ann de bharr gníomhaíochtaí an ghnóthais, e.g., ar phobail áitiúla, d'fhéadfadh na gníomhaíochtaí a bheith faoi réir rialacháin rialtais níos déine agus/nó d'fhéadfadh an tionchar iarmhairtí de chineál clú a spreagadh. D'fhéadfadh sé go mbeadh éifeachtaí diúltacha acu sin ar bhranda an ghnóthais agus d'fhéadfadh costais earcaíochta níos airde teacht chun cinn dá mbarr; agus
- (c) nuair a bhíonn rioscaí ábhartha a bhaineann le hinbhuanaitheacht os comhair comhpháirtithe gnó an ghnóthais, d'fhéadfadh an gnóthas a bheith neamhchosanta ar iarmhairtí gaolmhara freisin.

AR 14. Is é túsphointe an mheasúnaithe **ábharthachta airgeadais rioscaí** agus **deiseanna** a shainnithint a dhéanann difear, nó a bhféadfadh coinne réasúnach a bheith leis go ndéanadh sé difear, do riocht airgeadais, feidhmíocht airgeadais, sreafaí airgid, rochtain ar mhaoiniú nó costas caipitil an ghnóthais sa ghearrthearma, sa mheántearma nó san fhadtéarma. Sa

chomhthéacs seo, breithneoidh an gnóthas an méid seo a leanas:

- (a) gur ann do **spleáchais** ar acmhainní nádúrtha agus sóisialta mar fhoinsí **éifeachtaí airgeadais** (féach mír 50);
- (b) a n- aicmiú mar fhoinsí:
  - i. rioscaí (ag rannchuidiú le himeacht diúltach in insreafaí airgid lena bhfuil coinne sa todhchaí nó le méadú ar imeacht in eis- sreafaí airgid lena bhfuil coinne sa todhchaí agus/nó imeacht diúltach ó athrú lena bhfuil coinne i gcaipitil nach n- aithnítear sna ráitis airgeadais); nó
  - ii. deiseanna (ag rannchuidiú le himeacht deimhneach in insreafaí airgid lena bhfuil coinne sa todhchaí nó le laghdú ar imeacht in eis- sreafaí airgid sa todhchaí agus/nó imeacht deimhneach ó athrú lena bhfuil coinne i gcaipitil nach n- aithnítear sna ráitis airgeadais).

AR 15. A luaithe agus a shainaithníonn an gnóthas a chuid **rioscaí** agus **deiseanna**, cinnfidh sé cé acu atá ábhartha i gcomhair tuairisciú. Beidh sé sin bunaithe ar mheascán de (i) an dóchúlacht go dtarlóidh siad agus (ii) méid ionchasach na n- **éifeachtaí airgeadais** a cinneadh ar bhonn tairseacha iomchuí. Sa chéim sin cuirfidh sé rannchuidiú na rioscaí agus na ndeiseanna sin le héifeachtaí airgeadais sa ghearrthearma, sa mheántearma agus san fhadtearma san áireamh bunaithe ar:

- (a) cásanna/réamhaisnéisí a meastar gur dóigh go dtarlóidh siad; agus
- (b) éifeachtaí airgeadais ionchasacha a bhaineann le **hábhair inbhuanaitheachta** a eascraíonn as cásanna atá faoin tairseach 'níos dóchúla ná a mhalairt' nó sócmhainní/dliteanais nach léirítear (nó nach léirítear go fóill) sna ráitis airgeadais. Áirítear leis sin:
  - i. cásanna ionchasacha a d'fhéadfadh difear a dhéanamh d'ionchas giniúna an tsreafa airgid tar éis do theagmhais tarlú sa todhchaí;
  - ii. caipitil nach n- aithnítear mar shócmhainní ó pheirspictíocht cuntasáíochta agus tuairiscithe airgeadais de ach ag a bhfuil tionchar suntasach ar fheidhmíocht airgeadais, amhail caipitil nádúrtha, intleachtúla (eagraíochtúla), dhaonna, shóisialta agus ghaolmhaireachta; agus
  - iii. teagmhais fhéideartha sa todhchaí ag a bhféadfadh tionchar a bheith ar éabhlóid na gcaipiteal sin.

### Ábhair inbhuanaitheachta a bheidh le háireamh sa mheasúnú ábharthachta

AR 16. Le linn don ghnóthas a mheasúnú **ábharthachta** a dhéanamh, breithneoidh sé an liosta seo a leanas d'**ábhair inbhuanaitheachta** a chumhdaítear san ESRS topaicshonrach. I gcás, de thoradh mheasúnú ábharthachta an ghnóthais (féach ESRS 2 IRO-1), go ndéantar measúnú ar ábhar inbhuanaitheachta áirithe sa liosta seo mar ábhar ábhartha, tuairisceoidh an gnóthas de réir na gCeanglas comhfheagrach maidir le Nochtadh san ESRS topaicshonrach ábhartha. Ní úsáidtear an liosta sin in ionad an phróisis maidir le hábhair ábhartha a chinneadh. Is uirlis é an liosta seo chun tacú le measúnú ábharthachta an ghnóthais. Is gá don ghnóthas i gcónaí a imthosca sonracha féin a chur san áireamh le linn dó a ábhair ábhartha a chinneadh. Forbróidh an gnóthas, i gcás inar gá, nochtaí eintiteas- sonracha freisin maidir le **tionchair**, **rioscaí** agus **deiseanna** ábhartha nach gcumhdaítear le ESRS mar a thuairiscítear i mír 11 den Chaighdeán seo.

Topaicshonrach ESRS	Ábhair inbhuanaitheachta a chumhdaítear in ESRS topaicshonracha		
	Topaic	Fothopaic	Fo- fhothopaicí
ESRS E1	Athrú aeráide	<ul style="list-style-type: none"> <li>• Oiriúnú don athrú aeráide</li> <li>• Maolú ar an athrú aeráide</li> <li>• Fuinneamh</li> </ul>	

Topaicshonrach ESRS	Ábhair inbhuanaitheachta a chumhdaítear in ESRS topaicshonracha		
	Topaic	Fothopaic	Fo- fhothopaicí
ESRS E2	Truailliú	<ul style="list-style-type: none"> <li>• Truailliú aeir</li> <li>• Truailliú uisce</li> <li>• Truailliú ithreach</li> <li>• Truailliú orgánach beo agus acmhainní bia</li> <li>• Substaintí ar díol imní iad</li> <li>• Substaintí ar ábhar mór imní iad</li> <li>• Micreaphlaistigh</li> </ul>	
ESRS E3	Uisce agus acmhainní muirí	<ul style="list-style-type: none"> <li>• Uisce</li> <li>• Acmhainní muirí</li> </ul>	<ul style="list-style-type: none"> <li>• Tomhaltas uisce</li> <li>• Asbhaintí uisce</li> <li>• Sceitheadh uisce</li> <li>• Sceitheadh uisce sna haigéin</li> <li>• Acmhainní muirí a bhaint agus a úsáid</li> </ul>
ESRS E4	Bithéagsúlacht agus éiceachórais	<ul style="list-style-type: none"> <li>• Spreagthaí tionchair dhírigh chailliúint na bithéagsúlachta</li> </ul>	<ul style="list-style-type: none"> <li>• Athrú Aeráide</li> <li>• Athrú ar thalamhúsáid, athrú ar úsáid uisce úir agus athrú ar úsáid na farraige</li> <li>• Saothrú díreach</li> <li>• Speicis choimhthíocha ionracha</li> <li>• Truailliú</li> <li>• Eile</li> </ul>
		<ul style="list-style-type: none"> <li>• Tionchair ar staid speiceas</li> </ul>	Samplaí: <ul style="list-style-type: none"> <li>• Méid dhaonra na speiceas</li> <li>• Baol díothaithe domhanda speicis</li> </ul>
		<ul style="list-style-type: none"> <li>• Tionchair ar fhairsinge agus ar riocht na n- éiceachóras</li> </ul>	Samplaí: <ul style="list-style-type: none"> <li>• Díghrádú talún</li> <li>• Fású</li> <li>• Séalú ithreach</li> </ul>
		<ul style="list-style-type: none"> <li>• Tionchair agus spleáchais ar éicisheirbhísí</li> </ul>	
ESRS E5	Geilleag ar ciorclach	<ul style="list-style-type: none"> <li>• Insreafaí acmhainní, lena n- áirítear úsáid acmhainní</li> <li>• Eis- sreafaí acmhainní a bhaineann le táirgí agus seirbhísí</li> <li>• Dramhaíl</li> </ul>	
ESRS S1	Lucht saothair dílis	<ul style="list-style-type: none"> <li>• Coinníollacha oibre</li> </ul>	<ul style="list-style-type: none"> <li>• Fostaíocht shlán</li> <li>• Am oibre</li> <li>• Pá leordhóthanach</li> <li>• Idirphlé sóisialta</li> <li>• Saoirse comhlachais, comhairlí oibreacha a bheith ann agus cearta oibríthe maidir le faisnéis, comhairliúchán agus rannpháirtíocht</li> <li>• Cómhargáil, lena n- áirítear an ráta oibríthe atá cumhdaithe ag comhaontuithe comhchoiteanna</li> <li>• Cothromaíocht oibre is saoil</li> </ul>

Topaicsh onrach ESRS	Ábhair inbhuanaitheachta a chumhdaítear in ESRS topaicshonracha		
	Topaic	Fothopaic	Fo- fhothopaicí
			<ul style="list-style-type: none"> <li>Sláinte agus sábháilteacht</li> </ul>
		<ul style="list-style-type: none"> <li>Cóir chomhionann agus deiseanna comhionanna do chách</li> </ul>	<ul style="list-style-type: none"> <li>Comhionannas inscne agus pá comhionann as obair ar comhionann a luach</li> <li>Oiliúint agus forbairt scileanna</li> <li>Fostaíocht agus cuimsiú daoine faoi mhíchumas</li> <li>Bearta in aghaidh foréigin agus ciapadh i saol na hoibre</li> <li>Éagsúlacht</li> </ul>
		<ul style="list-style-type: none"> <li>Cearta eile a bhaineann le saol na hoibre</li> </ul>	<ul style="list-style-type: none"> <li>Saothar leanaí</li> <li>Obair éigeantais</li> <li>Tithíocht leordhóthanach</li> <li>Príobháideachas</li> </ul>
ESRS S2	Oibrithre sa slabhra luacha	<ul style="list-style-type: none"> <li>Coinníollacha oibre</li> </ul>	<ul style="list-style-type: none"> <li>Fostaíocht shlán</li> <li>Am oibre</li> <li>Pá leordhóthanach</li> <li>Idirphlé sóisialta</li> <li>Saoirse comhlachais, lena n- áirítear comhairlí oibre a bheith ann</li> <li>Cómhargáil</li> <li>Cothromaíocht oibre is saoil</li> <li>Sláinte agus sábháilteacht</li> </ul>
		<ul style="list-style-type: none"> <li>Cóir chomhionann agus deiseanna comhionanna do chách</li> </ul>	<ul style="list-style-type: none"> <li>Comhionannas inscne agus pá comhionann as obair ar comhionann a luach</li> <li>Oiliúint agus forbairt scileanna</li> <li>Fostaíocht agus cuimsiú daoine faoi mhíchumas</li> <li>Bearta in aghaidh foréigin agus ciapadh i saol na hoibre</li> <li>Éagsúlacht</li> </ul>
		<ul style="list-style-type: none"> <li>Cearta eile a bhaineann le saol na hoibre</li> </ul>	<ul style="list-style-type: none"> <li>Saothar leanaí</li> <li>Obair éigeantais</li> <li>Tithíocht leordhóthanach</li> <li>Uisce agus sláintíocht</li> <li>Príobháideachas</li> </ul>
ESRS S3	Pobail dá ndéantar difear	<ul style="list-style-type: none"> <li>Cearta eacnamaíocha, sóisialta agus cultúrtha pobal</li> </ul>	<ul style="list-style-type: none"> <li>Tithíocht leordhóthanach</li> <li>Bia leordhóthanach</li> <li>Uisce agus sláintíocht</li> <li>Tionchair a bhaineann le talamh</li> <li>Tionchair a bhaineann le slándáil</li> </ul>
		<ul style="list-style-type: none"> <li>Cearta sibhialta agus polaitiúla pobal</li> </ul>	<ul style="list-style-type: none"> <li>Saoirse cainte</li> <li>Saoirse comhthionóil</li> <li>Tionchair ar chosantóirí chearta an duine</li> </ul>
		<ul style="list-style-type: none"> <li>Cearta na bpobal dúchasach</li> </ul>	<ul style="list-style-type: none"> <li>Toiliú saor, roimh ré agus eolasach</li> <li>Féinchinntiúchán</li> </ul>

Topaicsh onrach ESRS	Ábhair inbhuanaitheachta a chumhdaítear in ESRS topaicshonracha		
	Topaic	Fothopaic	Fo- fhothopaicí
			<ul style="list-style-type: none"> <li>Ceartha cultúrtha</li> </ul>
ESRS S4	Tomhaltóirí agus úsáid eoirí deiridh	<ul style="list-style-type: none"> <li>Tionchair a bhaineann le faisnéis do thomhaltóirí agus d'úsáideoirí deiridh</li> </ul>	<ul style="list-style-type: none"> <li>Príobháideachas</li> <li>Saoirse cainte</li> <li>Rochtain ar fhaisnéis (cháilíochta)</li> </ul>
		<ul style="list-style-type: none"> <li>Sábháilteacht phearsanta tomhaltóirí agus/nó úsáideoirí deiridh</li> </ul>	<ul style="list-style-type: none"> <li>Sláinte agus sábháilteacht</li> <li>Slándáil duine</li> <li>Cosaint leanaí</li> </ul>
		<ul style="list-style-type: none"> <li>Cuimsiú sóisialta tomhaltóirí agus/nó úsáideoirí deiridh</li> </ul>	<ul style="list-style-type: none"> <li>Neamh- idirdhealú</li> <li>Rochtain ar tháirgí agus seirbhísí</li> <li>Cleachtais margaíochta fhreagracha</li> </ul>
ESRS G1	Iompar gnó	<ul style="list-style-type: none"> <li>Cultúr corparáideach</li> <li>Sceithirí a chosaint</li> <li>Leas ainmhithe</li> <li>Rannpháirtíocht pholaitiúil</li> <li>Bainistiú gaolmhaireachtaí le soláthróirí lena n- áirítear cleachtais íocaíochta</li> </ul>	
		<ul style="list-style-type: none"> <li>Éilliú agus breabaireacht</li> </ul>	<ul style="list-style-type: none"> <li>Cosc agus brath lena n- áirítear oiliúint</li> <li>Teagmhais</li> </ul>

### **Meastachán ag úsáid meánhostais agus ionadaithe earnála**

AR 17. I gcás nach féidir leis an ngnóthas faisnéis maidir leis an **slabhra luacha** réamhtheachtach agus iarteachtach a bhailiú mar a cheanglaítear le mír 63 tar éis dó iarrachtaí réasúnacha a dhéanamh é sin a dhéanamh, déanfaidh sé an fhaisnéis atá le tuairisciú a mheas trí úsáid a bhaint as gach faisnéis réasúnach ar féidir tacú léi atá ar fáil don ghnóthas ar an dáta tuairiscithe gan costas nó iarracht mhíchuí. Áirítear leis sin faisnéis inmheánach agus sheachtrach, ach gan a bheith teoranta dóibh, amhail sonraí ó fhoinsí indíreacha, meánsonraí earnála, anailísí samplacha, sonraí ó ghrúpaí margaidh agus piarghrúpaí, ionadaithe eile nó sonraí atá bunaithe ar chaiteachas.

### **Ábhar agus struchtúr an ráitis inbhuanaitheachta**

AR 18. Mar léiriú le haghaidh mhír 115 i roinn 8.2 **Ábhar agus struchtúr an ráitis inbhuanaitheachta** den Chaighdeán seo, d'fhéadfadh an gnóthas a chumhdaíonn ábhair chomhshaoil agus shóisialta sa **bheartas** céanna crostagairt a dhéanamh. Ciallaíonn sé sin go bhféadfaidh an gnóthas tuairisciú ar an mbeartas ina nochtaí comhshaoil agus crostagairt a dhéanamh dó ó na nochtaí sóisialta ábhartha nó vice versa. Ceadaítear cur i láthair comhdhlúite a dhéanamh ar **bheartais** thar ábhair.

### **Foscibhinn B: Saintréithe cáilíochtúla na faisnéise**

Is dlúthchuid de ESRS 1 í an fhoscúbhinn seo agus tá an t-údarás céanna aici agus atá ag na codanna eile den Chaighdeán. Sainítear san fhoscúbhinn seo na saintréithe cáilíochtúla a chomhlíonfaidh an fhaisnéis a chuirtear i láthair sa **ráiteas inbhuanaitheachta** arna ullmhú de réir ESRS.

## Ábharthacht

- QC 1. Tá faisnéis inbhuanaitheachta ábhartha i gcás ina bhféadfadh sé difríocht a dhéanamh i gcinntí úsáideoirí faoi chur chuige **ábharthachta dúbailte** (féach caibidil 3 den Chaighdeán seo).
- QC 2. D'fhéadfadh faisnéis difríocht a dhéanamh maidir le cinneadh fiú má roghnaíonn roinnt úsáideoirí gan leas a bhaint aisti nó má tá siad ar an eolas maidir léi cheana féin ó fhoinsí eile. D'fhéadfadh tionchar a bheith ag faisnéis inbhuanaitheachta ar chinntí úsáideoirí má tá luach tuarthach, luach deimhniúcháin nó an dá cheann aige. Tá luach tuarthach ag faisnéis más féidir í a úsáid mar ionchur i bpróisis arna gcur in úsáid ag úsáideoirí chun torthaí a thuar sa todhcháí. Ní gá gur tuar nó réamhaisnéis a bheadh i bhfaisnéis inbhuanaitheachta le go mbeadh luach tuarthach aici, ach ina ionad sin beidh luach tuarthach aici má chuireann úsáideoirí in úsáid í chun a dtuartha féin a dhéanamh.
- QC 3. Tá luach deimhniúcháin ag faisnéis má thugtar aiseolas inti (ag deimhniú nó ag athrú) faoi mheastóireachtaí roimhe sin.
- QC 4. Is gné ábharthachta eintiteas-sonrach é an ábharthacht bunaithe ar chineál nó ar mhéid, nó an dá cheann, na míreanna lena mbaineann an fhaisnéis, agus measúnú á dhéanamh i gcomhthéacs thuairisciú um inbhuanaitheacht an ghnóthais (féach caibidil 3 den Chaighdeán seo).

## Léiriú dílis

- QC 5. Le bheith úsáideach, ní hamháin nach mór don fhaisnéis feiniméin ábhartha a léiriú, ní mór di léiriú dílis a thabhairt freisin ar shubstaint an fheiniméin a airbheartaíonn sí a léiriú. Ceanglaítear le léiriú dílis go mbeadh an fhaisnéis (i) comhlánaithe, (ii) neodrach agus (iii) cruinn.
- QC 6. Áirítear le léiriú iomlán ar thionchar, riosca nó deis an fhaisnéis uile is gá do na húsáideoirí chun an tionchar, riosca nó deis sin a thuiscint. Áirítear leis sin an chaoi ar chuir an gnóthas a straitéis, a bhainistíocht riosca agus a rialachas in oiriúint mar fhreagairt ar an tionchar, an riosca nó an deis sin, chomh maith leis an **méadracht** a sainaithníodh chun **spriocanna** a leagan síos agus chun feidhmíocht a thomhas.
- QC 7. Tá léiriú neodrach gan chlaonadh sa roghnú nó sa nochtadh a dhéanann sé ar fhaisnéis. Tá faisnéis neodrach mura bhfuil sí claonta, ualaithe, curtha i dtábhacht, má tá an bhéim bainte de nó má ionramháiltear í ar shlí eile ionas go mbeidh sé níos dóchúlú go bhfaighidh na húsáideoirí an fhaisnéis sin go fabhrach nó go neamhfhabhrach. Beidh sí cothrom, chun gnéithe fabhracha/deimhneacha agus neamhfhabhracha/diúltacha a chumhdach. Tabharfar an aird chéanna ar thionchair ábhartha idir dhiúltach agus dearfach ó pheirspictíocht **ábharthachta tionchair** de chomh maith le **rioscaí** agus **deiseanna** ábhartha ó pheirspictíocht **ábharthachta** airgeadais de. Aon fhaisnéis inbhuanaitheachta mhianaidhme, mar shampla **spriocanna** nó pleananna, cumhdóidh sí mianaidhmeanna agus tosca araon a d'fhéadfadh cosc a chur ar an ngnóthas na mianaidhmeanna sin a bhaint amach chun léiriú neodrach a bheith aige.
- QC 8. Tacaítear leis an neodracht nuair a fheidhmítear stuamacht ar feidhmiú réamhchúraim é nuair a bhíonn breithiúnais á ndéanamh faoi dhálaí neamhchinnteachta. Ní dhéanfar faisnéis a ghlanluacháil ná a chúiteamh le bheith neodrach. Ciallaíonn feidhmiú stuamachta nach ndéantar áibhéil faoi **dheiseanna** agus nach ndéantar beag is fiú de **rioscaí**. Mar an gcéanna, ní cheadaítear le feidhmiú stuamachta go ndéanfaí beag is fiú de dheiseanna ná go ndéanfaí áibhéil faoi rioscaí. Féadfaidh an gnóthas faisnéis ghlan a chur i láthair, mar aon le holl-

luachanna, mura bhfoláíonn cur i láthair den sórt sin faisnéis ábhartha agus má áirítear míniú soiléir léi maidir le héifeachtaí na glanluachála agus na cúiseanna atá leis an nglanluacháil.

- QC 9. Is féidir le faisnéis a bheith cruinn gan a bheith iomlán beacht i ngach cás. Tugann faisnéis chruinn le tuiscint go bhfuil próisis agus rialuithe inmheánacha leormhaithe curtha chun feidhme ag an ngnóthas chun earráidí ábhartha nó míráitis ábhartha a sheachaint. Dá bharr sin, cuirfear meastacháin i láthair le béim shoiléir ar na lochtanna a d'fhéadfadh a bheith ag baint leo agus an neamhchinnteacht a ghabhann leis sin (féach roinn 7.2 den Chaighdeán seo). An méid beachtais a theastóidh agus a bheifear in ann a bhaint amach, agus na tosca a fhágann go mbíonn faisnéis cruinn, beidh siad ag brath ar chineál na faisnéise agus ar chineál na n-ábhar ar a dtugtar aghaidh inti. Ceanglaítear mar shampla le cruinneas:
- (a) tá faisnéis fhíorasach saor ó earráid ábhartha;
  - (b) tá tuairiscí beacht;
  - (c) tá meastacháin, neastacháin agus réamhaisnéisí sainaitheanta go soiléir mar sin;
  - (d) ní dhearnadh aon earráid ábhartha le linn do phróiseas iomchuí chun meastachán, neastachán nó réamhaisnéis a fhorbairt a bheith á roghnú agus á chur i bhfeidhm, agus go bhfuil na hionchuir leis an bpróiseas sin réasúnach agus gur féidir tacú leo;
  - (e) tá na dearbhuithe réasúnach agus bunaithe ar fhaisnéis de cháilíocht agus de chainníocht leordhóthanach; agus
  - (f) tugann faisnéis maidir le breithiúnais faoin todhchaí léiriú dílis ar na breithiúnais agus ar an bhfaisnéis sin araon ar a bhfuil siad bunaithe.

### **Inchomparáideacht**

- QC 10. Tá faisnéis inbhuanaitheachta inchomparáide nuair is féidir í a chur i gcomparáid le faisnéis arna soláthar ag an ngnóthas i dtréimhsí roimhe sin agus, nuair is féidir í a chur i gcomparáid le faisnéis arna soláthar ag gnóthais eile, go háirithe iad sin ag a raibh gníomhaíochtaí den chineál céanna nó a bhí ag feidhmiú laistigh den tionscal céanna. Is féidir sprioc, bonnlíne, tagarmharc tionscail, faisnéis inchomparáide ó ghnóthais eile nó ó eagraíocht ag a bhfuil aitheantas idirnáisiúnta, etc. a úsáid mar phointe tagartha i gcomhair comparáide.
- QC 11. Baineann comhsheasmhacht le hinchomparáideacht, ach ní hionann iad. Tagraíonn comhsheasmhacht don úsáid a bhaintear as na cuir chuige nó na modhanna céanna don ábhar inbhuanaitheachta céanna, ó thréimhse go tréimhse ag an ngnóthas agus gnóthais eile. Cuidíonn comhsheasmhacht chun sprioc na hinchomparáideachta a bhaint amach.
- QC 12. Ní rud uilíoch í inchomparáideacht. Ionas go mbeidh faisnéis inchomparáide, beidh comhpháirteanna comhchosúla cosúil lena chéile agus beidh cuma dhifriúil ar chomhpháirteanna difriúla. Ní fheabhsaítear inchomparáideacht na faisnéise inbhuanaitheachta trí rudaí nach bhfuil cosúil lena chéile a dhéanamh cosúil lena chéile aon ní ná mar a fheabhsaítear í trí chuma dhifriúil a chur ar rudaí.

### **Infhíoraitheacht**

- QC 13. Cuidíonn infhíoraitheacht chun muinín a thabhairt d'úsáideoirí go bhfuil faisnéis iomlán, neodrach agus cruinn. Tá faisnéis inbhuanaitheachta infhíoraithe más féidir comhthacú leis an bhfaisnéis inti féin nó leis na hionchuir a úsáideadh chun í a dhíorthú.
- QC 14. Ciallaíonn infhíoraitheacht go bhféadfadh breathnóirí eolasacha agus neamhspleácha éagsúla teacht ar chomhthoil, cé nach gá go mbeidís go hiomlán ar aon intinn, gur léiriú dílis é léiriú áirithe. Soláthrófar faisnéis inbhuanaitheachta ar bhealach lena bhfeabhsaítear a hinfhíoraitheacht, mar shampla:
- (a) faisnéis a chur san áireamh ar féidir comhthacú léi trína cur i gcomparáid le faisnéis eile atá ar fáil d'úsáideoirí maidir le gnó an ghnóthais, gnóthaí eile nó maidir leis an timpeallacht sheachtrach;
  - (b) faisnéis a sholáthar faoi ionchuir agus modhanna ríomha a úsáideadh chun

meastacháin nó neastacháin a chur le chéile; agus

- (c) faisnéis a sholáthar arna hathbhreithniú agus arna comhaontú ag **comhlachtaí riaracháin, bainistíochta agus maoirseachta** nó ag a gcoistí.

QC 15. Beidh roinnt faisnéise inbhuanaitheachta i bhfoirm mínithe nó faisnéise réamhbhreathnaithí. Is féidir tacú leis na nochtaí sin trí léiriú dílis a dhéanamh ar bhonn fíorasach mar shampla ar straitéisí, pleananna agus anailísí riosca an ghnóthais. Chun cuidiú le húsáideoirí cinneadh a dhéanamh cé acu faisnéis den sórt sin a úsáid nó gan a úsáid, tabharfaidh an gnóthas tuairisc ar na toimhdí agus na modhanna bunúsacha trínar cuireadh an fhaisnéis le chéile, chomh maith le tosca eile a sholáthraíonn fianaise go léiríonn sé na pleananna nó na cinntí iarbhir a rinne an gnóthas.

## Sothuigtheacht

QC 16. Tá faisnéis inbhuanaitheachta sothuigthe nuair atá sí soiléir agus gonta. Cuireann faisnéis intuigthe ar a chumas d'aon úsáideoir réasúnta eolasach an fhaisnéis atá á cur in iúl a thuiscint go héasca.

QC 17. Chun go mbeidh nochtaí inbhuanaitheachta gonta, ní mór dóibh (a) faisnéis chineálach ina bhfuil 'téacs réamhshocraithe' a sheachaint, faisnéis nach mbaineann go sonrach leis an ngnóthas; (b) dúbailt gan ghá na faisnéise a sheachaint, lena n-áirítear faisnéis a sholáthraítear freisin i ráitis airgeadais; agus (c) teanga shoiléir agus abairtí agus míreanna dea- struchtúrtha a úsáid. Ní áireofar ach faisnéis ábhartha amháin le nochtaí gonta. Déanfar faisnéis chomhlántach a chuirtear i láthair de bhun mhír 113 a sholáthar ar bhealach a sheachnaíonn folú faisnéise ábhartha.

QC 18. D'fhéadfaí soiléireacht a fheabhsú trí fhaisnéis maidir le forbairtí sa tréimhse tuairiscithe a idirdhealú ó fhaisnéis 'sheasta' ar beag athrú a ndéantar uirthi, ó thréimhse go chéile. Is féidir é sin a dhéanamh, mar shampla, trí thuairisc ar leith a thabhairt ar ghnéithe de rialachas an ghnóthais a bhaineann le hinbhuanaitheacht agus próisis bainistithe riosca ar tháinig athrú orthu ón tréimhse tuairiscithe roimhe sin i gcomparáid leo siúd nár tháinig aon athrú orthu.

QC 19. Bíonn iomláine, soiléireacht agus inchomparáideacht na nochtaí inbhuanaitheachta uile ag brath ar fhaisnéis a bheith á cur i láthair mar fhaisnéis iomlán comhleanúnach. Ionas go mbeidh nochtaí inbhuanaitheachta comhleanúnach, cuirfead i láthair iad ar bhealach a mhíníonn an comhthéacs agus na naisc idir an fhaisnéis ghaolmhar. Le comhleanúnachas, ceanglaítear ar an ngnóthas freisin faisnéis a sholáthar ar bhealach a ligeann d'úsáideoirí faisnéis maidir lena **thionchair, rioscaí** agus **deiseanna** a bhaineann le hinbhuanaitheacht a cheangal le faisnéis i ráitis airgeadais an ghnóthais.

QC 20. Má bhíonn impleachtaí ag **rioscaí** agus **deiseanna** a bhaineann le hinbhuanaitheacht a pléadh sna ráitis airgeadais do thuairisciú um inbhuanaitheacht, áireoidh an gnóthas sa **ráiteas inbhuanaitheachta** an fhaisnéis a theastaíonn ó úsáideoirí chun measúnú a dhéanamh ar na himpleachtaí sin agus cuirfidh sé naisc iomchuí i láthair chuig na ráitis airgeadais (féach caibidil 9 den Chaighdeán seo). Beidh an leibhéal faisnéise, gráinneachta agus teicniúlachta ailínithe le riachtanais agus le hionchais úsáideoirí. Seachnófar giorrúcháin agus saineofar agus nochtfar na haonaid tomhais.

## **Foscraibhinn C: Liosta de Cheanglais maidir le Nochtadh atá céimnithe isteach**

Is dlúthchuid de ESRS 1 í an foscraibhinn seo agus tá an t- údarás céanna aici agus atá ag na codanna eile den Chaighdeán.

ESRS	Ceanglas maidir le Nochtadh	Ainm iomlán an Cheanglais maidir le Nochtadh	Dáta céimnithe isteach nó dáta éifeachtach (lena n- áirítear an chéad bhliain)
------	-----------------------------	--	--

<b>ESRS</b>	<b>Ceanglas maidir le Nochtadh</b>	<b>Ainm iomlán an Cheanglais maidir le Nochtadh</b>	<b>Dáta céimnithe isteach nó dáta éifeachtach (lena n- áirítear an chéad bhliain)</b>
ESRS 2	SBM-1	Straitéis, samhail ghnó agus slabhra luacha	Tuairisceoidh an gnóthas an fhaisnéis a fhorordaítear le ESRS 2 SBM-1 mír 40 (b) (miondealú ar ioncam iomlán de réir earnáil shuntasach ESRS) agus 40(c) (liosta de na hearnálacha móra breise ESRS) ag tosú ón dáta cur i bhfeidhm a shonraítear i nGníomh Tarmlichte ón gCoimisiún atá le glacadh de bhun Airteagal 29b(1) tríú fohír, pointe (ii), de Threoir 2013/34/AE.
ESRS 2	SBM-3	Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó	Féadfaidh an gnóthas an fhaisnéis arna forordú le ESRS 2 SBM-3, mír 48 (e), (éifeachtaí airgeadais a bhfuil coinne leo) a fhágáil ar lár don chéad bhliain d'ullmhú a ráitis inbhuanaitheachta. Féadfaidh an gnóthas ESRS 2 SBM-3, mír 48 (e), a chomhlíonadh trí nochtáí cáilíochtúla a thuairisciú, agus iad sin amháin, ar feadh na chéad 3 bliana d'ullmhú a ráitis inbhuanaitheachta, má bhíonn sé dodhéanta nochtáí cainníochtúla a ullmhú.
ESRS E1	E1-6	Oll-astaíochtaí Scóip 1, 2, 3 agus Iomlán na n-astaíochtaí GCT	Gnóthais nó grúpaí nach sáraíonn ar a ndátaí dúnta cuntais an meánlíon 750 fostaí le linn na bliana airgeadais (ar bhonn comhdhlúite i gcás inarb infheidhme), féadfaidh siad na pointí sonraí a fhágáil ar lár maidir le hastaíochtaí scóip 3 agus iomlán na n-astaíochtaí GCT don chéad bhliain d'ullmhú a ráitis inbhuanaitheachta.
ESRS E1	E1-9	Éifeachtaí airgeadais a bhfuil coinne leo ó rioscaí fisiceacha ábhartha agus rioscaí aistrithe ábhartha agus deiseanna ionchasacha a bhaineann leis an aeráid	Féadfaidh an gnóthas an fhaisnéis arna forordú le ESRS E1-9 a fhágáil ar lár don chéad bhliain d'ullmhú a ráitis inbhuanaitheachta. Féadfaidh an gnóthas ESRS E1-9 a chomhlíonadh trí nochtáí cáilíochtúla a thuairisciú, agus iad sin amháin, ar feadh na chéad 3 bliana d'ullmhú a ráitis inbhuanaitheachta, má bhíonn sé dodhéanta nochtáí cainníochtúla a ullmhú.
ESRS E2	E2-6	Éifeachtaí airgeadais a bhfuil coinne leo ó thionchair, rioscaí agus deiseanna a bhaineann le truailliú	Féadfaidh an gnóthas an fhaisnéis arna forordú le ESRS E2-6 a fhágáil ar lár don chéad bhliain d'ullmhú a ráitis inbhuanaitheachta. Seachas an fhaisnéis arna forordú le mír 40(b) maidir leis an gcaiteachas oibriúcháin agus caiteachas caipitiúil a rinneadh sa tréimhse tuairiscithe i gcomhar le mórtheagmhais agus taiscí, féadfaidh an gnóthas ESRS E2-6 a chomhlíonadh agus gan a thuairisciú ach nochtáí cáilíochtúla, ar feadh na chéad 3 bliana d'ullmhú a ráitis inbhuanaitheachta.
ESRS E3	E3-5	Éifeachtaí airgeadais a bhfuil coinne leo ó thionchair, rioscaí agus deiseanna a bhaineann le huisce agus acmhainní muirí	Féadfaidh an gnóthas an fhaisnéis arna forordú le ESRS E3-5 a fhágáil ar lár don chéad bhliain d'ullmhú a ráitis inbhuanaitheachta. Féadfaidh an gnóthas ESRS E3-5 a chomhlíonadh trí nochtáí cáilíochtúla a thuairisciú, agus iad sin amháin, ar feadh na chéad 3 bliana d'ullmhú

ESRS	Ceanglas maidir le Nochtadh	Ainm iomlán an Cheanglais maidir le Nochtadh	Dáta céimnithe isteach nó dáta éifeachtach (lena n- áirítear an chéad bhliain)
			a ráitis inbhuanaitheachta.
ESRS E4	Gach ceanglas maidir le nochtadh	Gach ceanglas maidir le nochtadh	Gnóthais nó grúpaí nach sáraíonn ar a ndátaí dúnta cuntais an meánlíon 750 fostaí le linn na bliana airgeadais (ar bhonn comhdhlúite i gcás inarb infheidhme), féadfaidh siad an fhaisnéis a shainaithnítear sna ceanglais maidir le nochtadh in ESRS E4 a fhágáil ar lár don chéad 2 bhliain d'ullmhú a ráitis inbhuanaitheachta.
ESRS E4	E4-6	Éifeachtaí airgeadais a bhfuil coinne leo ó thionchair, rioscaí agus deiseanna a bhaineann le bithéagsúlacht agus éiceachóras	Féadfaidh an gnóthas an fhaisnéis arna forordú le ESRS E4-6 a fhágáil ar lár don chéad bhliain d'ullmhú a ráitis inbhuanaitheachta. Féadfaidh an gnóthas ESRS E4-6 a chomhlíonadh trí nochtáí cáilíochtúla a thuairisciú, agus iad sin amháin, ar feadh na chéad 3 bliana d'ullmhú a ráitis inbhuanaitheachta.
ESRS E5	E5-6	Éifeachtaí airgeadais a bhfuil coinne leo ó thionchair, rioscaí agus deiseanna a bhaineann le húsáid acmhainní agus an geilleagar ciorclach	Féadfaidh an gnóthas an fhaisnéis arna forordú le ESRS E5-6 a fhágáil ar lár don chéad bhliain d'ullmhú a ráitis inbhuanaitheachta. Féadfaidh an gnóthas ESRS E5-6 a chomhlíonadh trí nochtáí cáilíochtúla a thuairisciú, agus iad sin amháin, ar feadh na chéad 3 bliana d'ullmhú a ráitis inbhuanaitheachta.
ESRS S1	Gach ceanglas maidir le nochtadh	Gach ceanglas maidir le nochtadh	Gnóthais nó grúpaí nach sáraíonn ar a ndátaí dúnta cuntais an meánlíon 750 fostaí le linn na bliana airgeadais (ar bhonn comhdhlúite i gcás inarb infheidhme), féadfaidh siad an fhaisnéis a shainaithnítear sna ceanglais maidir le nochtadh in ESRS S1 a fhágáil ar lár don chéad bhliain d'ullmhú a ráitis inbhuanaitheachta.
ESRS S1	S1-7	Saintréithe oibríthe neamhfhostaithe i lucht saothair dílis an ghnóthais	Féadfaidh an gnóthas tuairisciú a fhágáil ar lár le haghaidh na bpointí sonraí uile sa Cheanglas maidir le Nochtadh sin don chéad bhliain d'ullmhú a ráiteas inbhuanaitheachta.
ESRS S1	S1-8	Cumhdach na cómhargála agus idirphlé sóisialta	Féadfaidh an gnóthas an Ceanglas sin maidir le Nochtadh a fhágáil ar lár maidir lena fhostaithe féin i dtíortha nach tíortha LEE iad don chéad bhliain d'ullmhú a ráitis inbhuanaitheachta.
ESRS S1	S1-11	Cosaint shóisialta	Féadfaidh an gnóthas an fhaisnéis arna forordú le ESRS S1-11 a fhágáil ar lár don chéad bhliain d'ullmhú a ráitis inbhuanaitheachta.
ESRS S1	S1-12	Céatadán na bhfostaithe faoi mhíchumas	Féadfaidh an gnóthas an fhaisnéis arna forordú le ESRS S1-12 a fhágáil ar lár don chéad bhliain d'ullmhú a ráitis inbhuanaitheachta.
ESRS S1	S1-13	Oiliúint agus forbairt scileanna	Féadfaidh an gnóthas an fhaisnéis arna forordú le ESRS S1-13 a fhágáil ar lár don chéad bhliain d'ullmhú a ráitis inbhuanaitheachta.

ESRS	Ceanglas maidir le Nochtadh	Ainm iomlán an Cheanglais maidir le Nochtadh	Dáta céimnithe isteach nó dáta éifeachtach (lena n- áirítear an chéad bhliain)
ESRS S1	S1-14	Sláinte agus sábháilteacht	Féadfaidh an gnóthas na pointí sonraí a fhágáil ar lár maidir le cásanna drochshláinte a bhaineann leis an obair agus maidir leis an líon laethanta a cailleadh de dheasca gortuithe, timpistí, básanna agus drochshláinte a bhaineann leis an obair don chéad bhliain d'ullmhú a ráitis inbhuanaitheachta.
ESRS S1	S1-14	Sláinte agus sábháilteacht	Féadfaidh an gnóthas tuairisciú ar dhaoine nach fosaithe iad a fhágáil ar lár don chéad bhliain d'ullmhú a ráitis inbhuanaitheachta.
ESRS S1	S1-15	Cothromaíocht oibre is saoil	Féadfaidh an gnóthas an fhaisnéis arna forordú le ESRS S1-15 a fhágáil ar lár don chéad bhliain d'ullmhú a ráitis inbhuanaitheachta.
ESRS S2	Gach ceanglas maidir le nochtadh	Gach ceanglas maidir le nochtadh	Gnóthais nó grúpaí nach sáraíonn ar a ndátaí dúnta cuntais an meánlíon 750 fostaí le linn na bliana airgeadais (ar bhonn comhdhlúite i gcás inarb infheidhme), féadfaidh siad an fhaisnéis a shainaithnítear sna ceanglais maidir le nochtadh in ESRS S2 a fhágáil ar lár don chéad 2 bhliain d'ullmhú a ráitis inbhuanaitheachta.
ESRS S3	Gach ceanglas maidir le nochtadh	Gach ceanglas maidir le nochtadh	Gnóthais nó grúpaí nach sáraíonn ar a ndátaí dúnta cuntais an meánlíon 750 fostaí le linn na bliana airgeadais (ar bhonn comhdhlúite i gcás inarb infheidhme), féadfaidh siad an fhaisnéis a shainaithnítear sna ceanglais maidir le nochtadh in ESRS S3 a fhágáil ar lár don chéad 2 bhliain d'ullmhú a ráitis inbhuanaitheachta.
ESRS S4	Gach ceanglas maidir le nochtadh	Gach ceanglas maidir le nochtadh	Gnóthais nó grúpaí nach sáraíonn ar a ndátaí dúnta cuntais an meánlíon 750 fostaí le linn na bliana airgeadais (ar bhonn comhdhlúite i gcás inarb infheidhme), féadfaidh siad an fhaisnéis a shainaithnítear sna ceanglais maidir le nochtadh in ESRS S4 a fhágáil ar lár don chéad 2 bhliain d'ullmhú a ráitis inbhuanaitheachta.

## **Foscú D: Struchtúr ráiteas inbhuanaitheachta ESRS**


Is dlúthchuid de ESRS 1 í an foscú seo agus tá an t- údarás céanna aici agus atá ag na codanna eile den Chaighdeán i ndáil le tuairisciú i gceithre chuid mar a leagtar amach i mír 115.

Cuid den tuarascáil bhainistíochta	Códú ESRS	Teideal
1. Faisnéis ghinearálta	ESRS 2	<i>Nochtaí ginearálta</i> , lena n-áirítear faisnéis arna soláthar faoi Cheanglais maidir le Cur i BhFeidhm ESRS topaicshonracha a liostaítear in ESRS 2 Foscú D.
2. Faisnéis chomhshaoil	<i>Ní bhaineann le hábhar</i>	<i>Nochtaí de bhun Airteagal 8 de Rialachán (AE) 2020/852 (an Rialachán maidir le Tacsanomaíocht)</i>

	ESRS E1	<i>Athrú aeráide</i>
	ESRS E2	<i>Truailliú</i>
	ESRS E3	<i>Uisce agus acmhainní muirí</i>
	ESRS E4	<i>Bithéagsúlacht agus éiceachórais</i>
	ESRS E5	<i>Úsáid acmhainní agus an geilleagar ciorclach</i>
3. Faisnéis shóisialta	ESRS S1	<i>Lucht saothair dílis</i>
	ESRS S2	<i>Oibríthe sa slabhra luacha</i>
	ESRS S3	<i>Pobail dá ndéantar difear</i>
	ESRS S4	<i>Tomhaltóirí agus úsáideoirí deiridh</i>
4. Faisnéis rialachais	ESRS G1	<i>Iompar gnó</i>

## Foscúríbhinn E: Sreabhchairt chun na nochtáí a chinneadh faoi ESRS

Is é an **measúnú ábharthachta** an túsphointe le haghaidh tuairisciú um inbhuanaitheacht faoi ESRS. Tugann an foscúríbhinn seo léiriú neamhcheangailteach ar an measúnú ar ábharthacht tionchair agus ar ábharthacht airgeadais a leagtar amach i gcaibidil 3. Áirítear in IRO-1 i roinn 4.1 de ESRS 2 ceanglais ghinearálta maidir le nochtadh i dtaca le próiseas an ghnóthais chun tionchair, rioscaí agus deiseanna a shainaithint agus chun measúnú a dhéanamh ar a n-ábharthacht. Soláthraíonn SBM-3 de ESRS 2 ceanglais ghinearálta maidir le nochtadh leis an tionchar, na rioscaí agus na deiseanna ábhartha a eascraíonn as measúnú ábharthachta an ghnóthais. Is féidir leis an ngnóthas na ceanglais uile maidir le nochtadh a fhágáil ar lár i gcaighdeán topaicshonrach má mheas sé nach bhfuil an topaic atá i gceist ábhartha. Sa chás sin, féadfaidh sé míniú gearr a nochtadh ar chonclúidí an mheasúnaithe ábharthachta maidir leis an topaic sin, ach **nochtfaidh** sé míniú mionsonraithe i gcás ESRS E1 athrú aeráide (IRO-2 ESRS 2). Ceanglais maidir le nochtadh a leagtar síos le ESRS, seachas ceanglais iompraíochta. Tá na ceanglais maidir le nochtadh i ndáil le **pleananna gníomhaíochta, spriocanna, beartais, anailís ar chásanna** agus **pleananna aistrithe** comhréireach toisc go bhfuil siad ag brath ar an ngnóthas iad sin a bheith acu, rud a d'fhéadfadh a bheith ag brath ar mhéid, ar acmhainneacht, ar acmhainní, agus ar scileanna an ghnóthais. *Tugtar an méid seo a leanas faoi deara: Ní chumhdaítear leis an sreabhchairt thíos an cás ina ndéanann an gnóthas measúnú ar ábhar inbhuanaitheachta mar ábhartha ach nach gcomhdaítear é le caighdeán topaicshonrach, agus sa chás sin déanfaidh an gnóthas nochtáí breise eintiteas- sonracha (ESRS 1 (30 (b))).*




## Foscúbhinn F: Sampla de struchtúr ráiteas inbhuanaitheachta ESRS

Comhlánaíonn an fhoscúbhinn seo ESRS 1. Tugann sé léiriú neamhcheangailteacha de struchtúr an **ráitis inbhuanaitheachta** a leagtar amach i roinn 8.2 den Chaighdeán seo. Sa léiriú sin, tháinig an gnóthas ar an gconclúid nach ábhar iad an bhithéagsúlacht agus na héiceachórais, an truailliú agus na pobail dá ndéantar difear.



## Foscraibhinn G: Sampla de chuimsiú de réir tagartha

Comhlánaíonn an fhoscraibhinn seo ESRS 1. Tugann sé léirithe neamhcheangailteacha ar chuimsiú de réir tagartha de roinn eile den tuarascáil bhainistíochta sa **ráiteas inbhuanaitheachta** mar a leagtar amach i roinn 9.1 den Chaighdeán seo.



## ESRS 2 NOCHTAÍ GINEARÁLTA

### Clár ábhar

---

#### Cuspóir

##### 1. An bonn leis an ullmhúchán

- Ceanglas maidir le Nochtadh BP-1 – Bonn ginearálta le ráitis inbhuanaitheachta a

- ullmhú
  - Ceanglas maidir le Nochtadh BP-2 – Nochtaí i ndáil le himthosca sonracha
- 2. Rialachas**
- Ceanglas maidir le Nochtadh GOV-1 – Ról na gcomhlachtaí riaracháin, bainistíochta agus maoirseachta
  - Ceanglas maidir le Nochtadh GOV-2 – Faisnéis arna soláthar do chomhlachtaí riaracháin, bainistíochta agus maoirseachta an ghnóthais agus ábhair inbhuanaitheachta a dtugann siad aghaidh orthu
  - Ceanglas maidir le Nochtadh GOV-3 – Feidhmíocht a bhaineann le hinbhuanaitheacht a chomhtháthú i scéimeanna dreasachta
  - Ceanglas maidir le Nochtadh GOV-4 – Ráiteas maidir le dícheall cuí
  - Ceanglas maidir le Nochtadh GOV-5 – Bainistiú riosca agus rialuithe inmheánacha ar thuarisciú inbhuanaitheachta
- 3. Straitéis**
- Ceanglas maidir le Nochtadh SBM-1 – Straitéis, samhail ghnó agus slabhra luacha
  - Ceanglas maidir le Nochtadh SBM-2 – Leasanna agus tuairimí páirtithe leasmhara
  - Ceanglas maidir le Nochtadh SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó
- 4. Bainistiú tionchar, rioscaí agus deiseanna**
- 4.1 Nochtaí maidir leis an bpróiseas measúnaithe ábharthachta**
- Ceanglas maidir le Nochtadh IRO-1 – Tuairisc ar na próisis chun tionchair, rioscaí agus deiseanna ábhartha a shainaithint agus a mheasúnú
  - Ceanglas maidir le Nochtadh IRO-2 – Ceanglais maidir le nochtadh in ESRS atá cumhdaithe ag ráiteas inbhuanaitheachta an ghnóthais
- 4.2 Íoscheanglas maidir le nochtadh i ndáil le beartais agus gníomhaíochtaí**
- Íoscheanglas maidir le nochtadh – Beartais MDR-P – Beartais arna nglacadh chun ábhair inbhuanaitheachta ábhartha a bhainistiú
  - Íoscheanglas maidir le nochtadh – Gníomhaíochtaí MDR-A – Gníomhaíochtaí agus acmhainní i ndáil le hábhair inbhuanaitheachta ábhartha
- 5. Méadracht agus spriocanna**
- Íoscheanglas maidir le nochtadh – Méadracht MDR-M – Méadracht i ndáil le hábhair inbhuanaitheachta ábhartha
  - Íoscheanglas maidir le nochtadh – Spriocanna MDR-T – Éifeachtacht beartas agus gníomhaíochtaí a rianú trí spriocanna
- Foscraibhinn A: Ceanglais maidir le Cur i bhFeidhm**
- 1. An bonn leis an ullmhúchán**
- Ceanglas maidir le Nochtadh BP-1 – Bonn ginearálta le ráiteas inbhuanaitheachta a ullmhú
- 2. Rialachas**
- Ceanglas maidir le Nochtadh GOV-1 – Ról na gcomhlachtaí riaracháin, bainistíochta agus maoirseachta
  - Ceanglas maidir le Nochtadh GOV-2 – Faisnéis arna soláthar do chomhlachtaí riaracháin, bainistíochta agus maoirseachta an ghnóthais agus ábhair inbhuanaitheachta a dtugann siad aghaidh orthu
  - Ceanglas maidir le Nochtadh GOV-3 – Feidhmíocht a bhaineann le hinbhuanaitheacht a chomhtháthú i scéimeanna dreasachta
  - Ceanglas maidir le Nochtadh GOV-4 – Ráiteas maidir le dícheall cuí
  - Ceanglas maidir le Nochtadh GOV-5 – Bainistiú riosca agus rialuithe inmheánacha ar thuarisciú inbhuanaitheachta
- 3. Straitéis**
- Ceanglas maidir le Nochtadh SBM-1 – Straitéis, samhail ghnó agus slabhra luacha
  - Ceanglas maidir le Nochtadh SBM-2 – Leasanna agus tuairimí páirtithe leasmhara
  - Ceanglas maidir le Nochtadh SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó
- 4. Bainistiú tionchar, rioscaí agus deiseanna**
- Ceanglas maidir le Nochtadh IRO-2 – Ceanglais maidir le nochtadh in ESRS atá

- cumhdaithe ag ráiteas inbhuanaitheachta an ghnóthais
  - Íoscheanglas maidir le Nochtadh – Beartais MDR-P – Beartais arna nglacadh chun ábhair inbhuanaitheachta ábhartha a bhainistiú
  - Íoscheanglas maidir le Nochtadh – Gníomhaíochtaí MDR-A – Gníomhaíochtaí agus acmhainní i ndáil le hábhair inbhuanaitheachta ábhartha
5. Méadracht agus spriocanna
- Íoscheanglas maidir le nochtadh – Spriocanna MDR-T – Éifeachtacht beartas agus gníomhaíochtaí a rianú trí spriocanna

**Foscibhinn B:** Liosta na bpointí sonraí i gcaighdeáin thrasearnálacha agus i gcaighdeáin thopaicshonracha a eascraíonn as reachtaíocht eile an Aontais

**Foscibhinn C:** Ceanglais maidir le Nochtadh/Cur i bhFeidhm in ESRS topaicshonracha is infheidhme go comhpháirteach le ESRS 2 Nochtaí Ginearálta

## Cuspóir

1. Leagtar amach in ESRS na ceanglais maidir le nochtadh a bhfuil feidhm acu maidir le gach gnóthas gan beann ar a n-earnáil gníomhaíochta (i.e. an earnáil il-oiriúnach) agus a bhfuil feidhm acu ar fud na dtopaicí inbhuanaitheachta (i.e., trasearnálach). Cumhdaítear leis an ESRS seo na réimsí tuairiscithe a shainítear in ESRS 1 *Ceanglais ghinearálta* roinn 1.2 *Caighdeáin Thrasearnálacha agus réimsí tuairiscithe*.
2. Agus nochtaí á n-ullmhú faoin gCaighdeán seo, cuirfidh an gnóthas i bhfeidhm na Ceanglais maidir le Nochtadh (lena n-áirítear a bpointí sonraí) a leagtar amach in ESRS topaicshonracha, mar a liostaítear i bhFoscibhinn C den Chaighdeán seo *Ceanglais maidir le Nochtadh/Cur i bhFeidhm in ESRS topaicshonracha is infheidhme go comhpháirteach le ESRS 2 Nochtadh Ginearálta*. Cuirfidh an gnóthas na ceanglais a liostaítear i bhFoscibhinn C i bhfeidhm:
  - (a) i ngach cás, maidir leis na ceanglais i gcaighdeáin thopaicshonracha a bhaineann le Ceanglais maidir le Nochtadh IRO-1 *Tuairisc ar na próisis chun tionchair, rioscaí agus deiseanna ábhartha a shainaithint agus a mheasúnú*; agus
  - (b) maidir le gach ceanglas eile a liostaítear i bhFoscibhinn C, má tá an topaic inbhuanaitheachta ábhartha bunaithe ar mheasúnú **ábharthachta** an ghnóthais (féach ESRS 1 caibidil 3 *Ábharthacht dhúbailte mar bhonn le nochtaí inbhuanaitheachta*), agus sa chás sin amháin.

## 1. An bonn leis an ullmhúchán

### ***Ceanglas maidir le Nochtadh BP-1 – Bonn ginearálta le ráiteas inbhuanaitheachta a ullmhú***

3. **Nochtfaidh an gnóthas an bonn ginearálta chun a ráiteas inbhuanaitheachta a ullmhú.**
4. Is é cuspóir an Cheanglais seo maidir le Nochtadh tuiscint a thabhairt ar an gcaoi a n-ullmhaíonn an gnóthas a **ráiteas inbhuanaitheachta**, lena n-áirítear raon feidhme an chomhdhlúthaithe, faisnéis faoin **slabhra luacha** réamhtheachtach agus iartheachtach agus, i gcás inarb ábhartha, cé acu a d'úsáid nó nár úsáid an gnóthas aon cheann de na roghanna chun an fhaisnéis dá dtagraítear i bpointí d) agus e) a fhágáil ar lár sa mhír seo a leanas.
5. Nochtfaidh an gnóthas an fhaisnéis seo a leanas:
  - (a) cé acu a ullmhaíodh an **ráiteas inbhuanaitheachta** ar bhonn comhdhlúite nó ar bhonn aonair;
  - (b) maidir le ráitis inbhuanaitheachta chomhdhlúite:
    - i. deimhniú gurb ionann raon feidhme an chomhdhlúthaithe agus raon feidhme na ráiteas airgeadais, nó, i gcás inarb infheidhme, dearbhú nach gceanglaítear ar an ngnóthas tuairiscithe ráitis airgeadais a tharraingt suas nó go bhfuil tuairisciú

inbhuanaitheachta comhdhlúite á ullmhú ag an ngnóthas tuairiscithe de bhun Airteagal 48i de Threoir 2013/34/AE. agus

- ii. i gcás inarb infheidhme, tásc maidir le cé na foghnóthais a áirítear sa chomhdhlúthú atá díolmhaithe ó thuairisciú inbhuanaitheachta aonair nó comhdhlúite de bhun Airteagal 19a(9) nó Airteagal 29a(8) de Threoir 2013/34/AE;
- (c) a mhéid a chumhdaítear **slabhra luacha** réamhtheachtach agus iartheachtach an ghnóthais leis an ráiteas inbhuanaitheachta (féach ESRS 1 roinn 5.1 *Gnóthas tuairiscithe agus slabhra luacha*);
- (d) cé acu a d'úsáid nó nár úsáid an gnóthas an rogha píosa sonracha faisnéise a fhágáil ar lár a chomhfhreagraíonn do mhaoin intleachtúil, saineolas nó torthaí na nuálaíochta (féach ESRS 1 roinn 7.7 *Faisnéis rúnaicmithe agus íogair agus faisnéis maidir le maoin intleachtúil, saineolas nó torthaí na nuálaíochta*); agus
- (e) i gcás gnóthais atá bunaithe i mBallstát den Aontas Eorpach lena gceadaítear díolúine ó nochtadh i gcás forbairtí atá ag teacht chun cinn nó ábhair a bhfuil idirbheartaíocht ar siúl ina dtaobh, dá bhforáiltear in Airteagail 19a(3) agus 29a (3) de Threoir 2013/34/AE, gan beann ar cé acu a d'úsáid nó nár úsáid an gnóthas an díolúine sin.

### **Ceanglas maidir le Nochtadh BP-2 – Nochtaí i ndáil le himthosca sonracha**

---

6. **Nochtfaidh an gnóthas nochtaí i ndáil le himthosca sonracha.**
7. Is é cuspóir an Cheanglais seo maidir le Nochtadh tuiscint a thabhairt ar éifeacht na n-imthosca sonracha sin ar ullmhú an **ráitis inbhuanaitheachta**.
8. Féadfaidh an gnóthas an fhaisnéis sin a thuairisciú in éineacht leis na nochtaí dá dtagraíonn siad.

#### **Tréimhsí ama**

9. I gcás inar imigh an gnóthas ó na tréimhsí ama meántéarmacha nó fadtéarmacha arna sainiú ag ESRS 1 roinn 6.4 *Sainmhíniú ar gearrthéarmach, meántéarmach agus fadtéarmach chun críocha tuairiscithe*, tabharfaidh sé tuairisc ar an méid seo a leanas:
  - (a) a chuid sainmhínithe ar thréimhsí ama meántéarmacha nó fadtéarmacha; agus
  - (b) na cúiseanna ar cuireadh na sainmhínithe sin i bhfeidhm.

#### **Meastachán slabhra luacha**

10. I gcás ina n-áirítear i **méadracht** sonraí maidir leis an **slabhra luacha** réamhtheachtach agus iartheachtach a mheastar agus úsáid á baint as foinsí indíreacha, amhail meánsónraí earála nó ionadaithe eile, déanfaidh an gnóthas an méid seo a leanas:
  - (a) sainaitheoidh sé an mhéadracht;
  - (b) tabharfaidh sé tuairisc ar an mbonn atá leis an ullmhúchán;
  - (c) tabharfaidh sé tuairisc ar an leibhéal cruinnis a eascraíonn as sin; agus
  - (d) i gcás inarb infheidhme, tabharfaidh sé tuairisc ar na **gníomhaíochtaí** atá beartaithe chun cruinneas a fheabhsú amach anseo (féach ESRS 1 caibidil 5 *Slabhra luacha*).

#### **Foinsí neamhchinnteachta meastacháin agus neamhchinnteachta torthaí**

11. I gcomhréir le ESRS 1 roinn 7.2 *Foinsí neamhchinnteachta meastacháin agus neamhchinnteachta torthaí*, déanfaidh an gnóthas an méid seo a leanas:
  - (a) sainaitheoidh sé na **méadrachtaí** cainníochtúla agus na méideanna airgeadaíochta atá nochta aige atá faoi réir ardleibhéal neamhchinnteachta tomhais;

- (b) i ndáil le gach méadracht chainníochtúil agus gach méid airgeadaíochta a shainaithneofar:
    - i. nochtfaidh sé faisnéis faoi fhoinsí neamhchinnteachta tomhais (mar shampla, spleáchas an mhéid ar thoradh teagmhais amach anseo, ar theicníc tomhais nó ar infhaighteacht agus ar cháilíocht sonraí ó shlabhra luacha réamhtheachtach agus/nó iarteachtach an eintitis); agus
    - ii. nochtfaidh sé na toimhdí, na neastacháin agus na breithiúnais a rinne an t-eintiteas agus é á thomhas.
12. Agus faisnéis réamhbhreathnaitheach á nochtadh aige, féadfaidh an gnóthas a chur in iúl go measann sé go bhfuil an fhaisnéis sin neamhchinnte.

#### **Athruithe ar ullmhú agus ar chur i láthair na faisnéise inbhuanaitheachta**

13. I gcás ina dtarlaíonn athruithe ar ullmhú agus ar chur i láthair na faisnéise inbhuanaitheachta i gcomparáid leis an tréimhse tuairiscithe nó na tréimhsí tuairiscithe roimhe sin, (féach ESRS 1 roinn 7.4 *Athruithe ar ullmhú agus ar chur i láthair na faisnéise inbhuanaitheachta*), déanfaidh an gnóthas an méid seo a leanas:
- (a) míneoidh sé na hathruithe agus na cúiseanna atá leo, lena n-áirítear an fáth a gcuirtear faisnéis níos úsáidí ar fáil leis an méadracht a cuireadh in ionad na méadrachta roimhe sin;
  - (b) nochtfaidh sé figiúirí comparáideacha athbhreithnithe, mura bhfuil sé dodhéanta déanamh amhlaidh. I gcás ina bhfuil sé dodhéanta faisnéis chomparáideach a choigeartú le haghaidh tréimhse amháin nó níos mó roimhe sin, nochtfaidh an gnóthas é sin. agus
  - (c) nochtfaidh sé an difríocht idir an figiúr a nochtadh sa tréimhse roimhe sin agus an figiúr comparáideach athbhreithnithe;

#### **Earráidí i dtréimhsí roimhe sin a thuairisciú**

14. I gcás ina sainaithníonn an gnóthas earráidí réamhthréimhse ábhartha (féach ESRS 1 roinn 7.5 *Earráidí i dtréimhsí roimhe sin a thuairisciú*), nochtfaidh sé an méid seo a leanas:
- (a) cineál na hearráide réamhthréimhse ábhartha;
  - (b) a mhéid is indéanta, an ceartúchán maidir le gach tréimhse roimhe sin a áirítear sa ráiteas inbhuanaitheachta; agus
  - (c) mura bhfuil sé indéanta an earráid a cheartú, na himthosca ba chúis leis an riocht sin a bheith ann.

#### **Nochtaí a eascraíonn as reachtaíocht eile nó as fógraí tuairiscithe inbhuanaitheachta a nglactar leo go ginearálta**

15. I gcás ina n-áiríonn an gnóthas ina ***ráiteas inbhuanaitheachta*** faisnéis a eascraíonn as reachtaíocht eile lena gceanglaítear ar an ngnóthas faisnéis inbhuanaitheachta a nochtadh nó as caighdeáin agus creataí tuairiscithe inbhuanaitheachta a nglactar leo go ginearálta (féach roinn ESRS 1 roinn 8.2 *Ábhar agus struchtúr an ráitis inbhuanaitheachta*), chomh maith leis an bhfaisnéis a fhorordaíonn ESRS, nochtfaidh sé an fíoras sin. I gcás ina gcuirtear caighdeáin nó creataí tuairiscithe eile i bhfeidhm go páirteach, soláthróidh an gnóthas tagairt bheacht do mhíreanna an chaighdeáin nó an chreata a chuirtear i bhfeidhm.

#### **Cuimsiú de réir tagartha**

16. I gcás ina gcuimsíonn an gnóthas faisnéis de réir tagartha (féach ESRS 1 roinn 9.1 *Cuimsiú de réir tagartha*), nochtfaidh sé liosta de cheanglais maidir le nochtadh ESRS, nó na pointí sonraí sonracha a shainordáitear le Ceanglas maidir le Nochtadh, a ionchorpraíodh de réir tagartha.

## Forálacha céimnithe isteach a úsáid i gcomhréir le Foscríbhinn C de ESRS 1

17. Gnóthas nó grúpa nach sáraíonn ar a dháta dúnta cuntais an meánlíon 750 fostaí le linn na bliana airgeadais, má chinneann sé an fhaisnéis a cheanglaítear le ESRS E4, ESRS S1, ESRS S2, ESRS S3 nó ESRS S4 a fhágáil ar lár i gcomhréir le Foscríbhinn C de ESRS 1, nochtfaidh sé mar sin féin cé acu a rinneadh nó nach ndearnadh measúnú ar na topaicí inbhuanaitheachta a chumhdaítear le ESRS E4, ESRS S1, ESRS S2, ESRS S3 agus ESRS S4 faoi seach mar thopaicí ábhartha, mar thoradh ar mheasúnú ábharthachta an ghnóthais. Ina theannta sin, má tá measúnú déanta ar cheann amháin nó níos mó de na topaicí sin a bheith ábhartha, déanfaidh an gnóthas an méid seo a leanas, i gcás gach topaice ábhartha:
- (a) nochtfaidh sé an liosta ábhar (i.e. topaic, fothopaic nó fo-fhothopaic) in AR 16 ESRS 1 Foscríbhinn A a mheastar a bheith ábhartha agus tuairisc ghairid a thabhairt maidir le conas a chuirtear tionchair an ghnóthais a bhaineann leis na hábhair sin san áireamh i **samhail ghnó** agus i straitéis ghnó an ghnóthais. Féadfaidh an gnóthas an t-ábhar a shainiú ar leibhéal na topaice, na fothopaice nó na fo-fhothopaice;
  - (b) tuairisc ghairid a thabhairt ar aon **spríoc** faoi cheangal ama atá leagtha síos aige a bhaineann leis na hábhair atá i gceist, ar an dul chun cinn atá déanta aige i dtreo na spriocanna sin a bhaint amach, agus ar cé acu atá nó nach bhfuil na spriocanna a bhaineann leis an **mbithéagsúlacht** agus le **héiceachórais** bunaithe ar fhianaise eolaíoch dhochloíte;
  - (c) tuairisc ghairid a thabhairt ar a chuid beartas i ndáil leis na hábhair atá i gceist;
  - (d) tuairisc ghairid a thabhairt ar ghníomhaíochtaí atá déanta aige chun drochthionchair iarbhir nó fhéideartha a bhaineann leis na hábhair atá i gceist a shainiú, faireachán a dhéanamh orthu, iad a chosc, a mhaolú, a leigheas nó deireadh a chur leo, agus ar thoradh na ngníomhaíochtaí sin; agus
  - (e) méadracht a bhaineann leis na nithe atá i gceist a nochtadh.

## 2. Rialachas

---

18. Is é cuspóir na caibidle seo ceanglais maidir le nochtadh a shocrú lena gcumasófar tuiscint ar na próisis rialachais, na rialuithe agus na nósanna imeachta a cuireadh i bhfeidhm chun faireachán, bainistiú agus maoirseacht a dhéanamh ar **ábhair inbhuanaitheachta**.

### **Ceanglas maidir le Nochtadh GOV-1 – Ról na gcomhlachtaí riaracháin, bainistíochta agus maoirseachta**

---

19. **Nochtfaidh an gnóthas comhdhéanamh na gcomhlachtaí riaracháin, bainistíochta agus maoirseachta, a róil agus a bhfreagrachtaí agus rochtain ar shaineolas agus ar scileanna maidir le cúrsaí inbhuanaitheachta.**
20. Is é cuspóir an Cheanglais seo maidir le Nochtadh ná tuiscint a thabhairt ar na nithe seo a leanas:
- (a) comhdhéanamh agus éagsúlacht na **gcomhlachtaí riaracháin, bainistíochta agus maoirseachta**;
  - (b) róil agus freagrachtaí na **gcomhlachtaí riaracháin, bainistíochta agus maoirseachta** ó thaobh formhaoirseacht a dhéanamh ar an bpróiseas chun **tionchair, rioscaí** agus **deiseanna** ábhartha a bhainistiú, lena n-áirítear ról na bainistíochta sna próisis sin; agus
  - (c) saineolas agus scileanna a chomhlachtaí riaracháin, bainistíochta agus maoirseachta maidir le **ábhair inbhuanaitheachta** nó rochtain ar an saineolas agus ar na scileanna sin.
21. Nochtfaidh an gnóthas an fhaisnéis a leanas maidir le comhdhéanamh agus éagsúlacht chomhaltaí chomhlachtaí riaracháin, bainistíochta agus maoirseachta an ghnóthais:

- (a) an líon comhaltaí feidhmiúcháin agus neamhfheidhmiúcháin;
  - (b) ionadaíocht **fostaithe** agus oibríthe eile;
  - (c) taithe atá ábhartha do na hearnálacha, táirgí agus suíomhanna geografacha an ghnóthais;
  - (d) an céatadán de réir inscne agus gnéithe eile den éagsúlacht arna bhreithniú ag an ngnóthas. Déanfar éagsúlacht inscne<sup>13</sup> an bhoird a ríomh mar mheánchóimheas idir comhaltaí boird baineanna agus comhaltaí boird fireanna; agus
  - (e) an céatadán **comhaltaí neamhspleácha boird**<sup>14</sup>. I gcás gnóthais a bhfuil bord aonadach acu, comhfhreagraíonn sé don chéatadán de chomhaltaí boird neamhfheidhmiúcháin neamhspleácha. I gcás gnóthais a bhfuil bord déach acu, comhfhreagraíonn sé don chéatadán de chomhaltaí neamhspleácha den chomhlacht maoirseachta.
22. Nochtfaidh an gnóthas an fhaisnéis seo a leanas maidir le ról agus freagrachtaí na **gcomhlachtaí riaracháin, bainistíochta agus maoirseachta**:
- (a) céannacht na **gcomhlachtaí riaracháin, bainistíochta agus maoirseachta** ( amhail coiste boird nó a leithéid) nó duine aonair laistigh de chomhlacht atá freagrach as maoirseacht a dhéanamh ar **thionchair, rioscaí agus deiseanna**;
  - (b) an chaoi a léirítear freagrachtaí gach comhlachta nó gach duine aonair maidir le tionchair, rioscaí agus deiseanna i dtéarmaí tagartha an ghnóthais, i sainorduithe an bhoird agus i m**beartais** ghaolmhara eile;
  - (c) tuairisc ar ról na bainistíochta sna próisis rialachais, sna rialuithe agus sna nósanna imeachta a úsáidtear chun faireachán, bainistiú agus maoirseacht a dhéanamh ar tionchair, rioscaí agus deiseanna, lena n-áirítear:
    - i. cé acu a dhéantar nó nach ndéantar an ról sin a tharmligean chuig post nó coiste sonracha ar leibhéal na bainistíochta agus conas a dhéantar formhaoirseacht ar an bpost nó ar an gcoiste sin;
    - ii. faisnéis faoi na línte tuairiscithe chuig na comhlachtaí riaracháin, bainistíochta agus maoirseachta;
    - iii. cé acu a chuirtear nó nach gcuirtear rialuithe agus nósanna imeachta tiomnaithe i bhfeidhm maidir le bainistiú tionchar, rioscaí agus deiseanna agus, má chuirtear, an chaoi a ndéantar iad a chomhtháthú le feidhmeanna inmheánacha eile; agus
  - (d) an chaoi a ndéanann na comhlachtaí riaracháin, bainistíochta agus maoirseachta agus an bhainistíocht shinsearach feidhmiúcháin maoirseacht ar **spriocanna** a leagan síos a bhaineann le tionchair, rioscaí agus deiseanna ábhartha, agus an chaoi a ndéanann siad faireachán ar an dul chun cinn i dtreo na spriocanna sin.
23. Áireofar sa nochtadh tuairisc ar an gcaoi a ndéanann na **comhlachtaí riaracháin, bainistíochta agus maoirseachta** cinneadh maidir le cé acu atá nó nach bhfuil na scileanna agus an saineolas iomchuí ar fáil nó maidir le cé acu a dhéanfar nó nach ndéanfar iad a fhorbairt chun maoirseacht a dhéanamh ar **ábhair inbhuanaitheachta**, lena n-áirítear:
- (a) an saineolas a bhaineann le hinbhuanaitheacht atá ag na comhlachtaí, ina n- iomláine, go díreach nó is féidir leo a bhaint amach, mar shampla trí rochtain ar shaineolaithe nó ar oiliúint; agus

<sup>13</sup>Tacaíonn an fhaisnéis seo le riachtanais faisnéise na nithe seo a leanas: rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire breise a bhaineann le drochthionchair phríomha a leagtar amach le táscaire #13 i dTábla I d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún an 6 Aibreán 2022 lena bhforlíontar Rialachán (AE) 2019/2088 ó Pharlaimint na hEorpa agus ón gComhairle a mhéid a bhaineann le rialacha maidir le nochtadh i dtaca le hinfheistíochtaí inbhuanaithe ('Éagsúlacht inscne an bhoird') agus riarthóirí tagarmharcanna chun tosca ESG a nochtadh faoi réir Rialachán Tarmiligthe (AE) 2020/1816 ón gCoimisiún an 17 Iúil 2020 lena bhforlíontar Rialachán (AE) 2016/1011 ó Pharlaimint na hEorpa agus ón gComhairle mar a leagtar amach le táscaire 'Meánchóimheas ualaithe idir comhaltaí boird baineanna agus fireanna' i roinn 1 agus 2 d'Iarscríbhinn II.

<sup>14</sup>Tacaíonn an fhaisnéis sin le riachtanais faisnéise riarthóirí tagarmharcanna tosca ESG a nochtadh faoi réir Rialachán (AE) 2020/1816 mar a leagtar amach sa táscaire 'Meánchéatadán ualaithe comhaltaí boird atá neamhspleách' i roinn I d'Iarscríbhinn II.

- (b) an chaoi a mbaineann na scileanna agus an saineolas sin le tionchair, rioscaí agus deiseanna ábhartha an ghnóthais.

**Ceanglas maidir le Nochtadh GOV-2 – Faisnéis arna soláthar do chomhlachtaí riaracháin, bainistíochta agus maoirseachta an ghnóthais agus ábhair inbhuanaitheachta a dtugann siad aghaidh orthu**

---

24. Nochtfaidh an gnóthas conas a chuirtear na comhlachtaí riaracháin, bainistíochta agus maoirseachta ar an eolas faoi ábhair inbhuanaitheachta agus conas a tugadh aghaidh ar na hábhair sin le linn na tréimhse tuairiscithe.
25. Is é is cuspóir don Cheanglas seo maidir le Nochtadh tuiscint a thabhairt ar an gcaoi a gcuirtear **comhlachtaí riaracháin, bainistíochta agus maoirseachta** ar an eolas faoi **ábhair inbhuanaitheachta**, chomh maith leis an bhfaisnéis agus na hábhair ar thug siad aghaidh orthu le linn na tréimhse tuairiscithe. Leis sin ansin bítear in ann tuiscint a fháil ar cé acu ar cuireadh nó nár cuireadh comhaltaí na gcomhlachtaí sin ar an eolas go leordhóthanach agus cibé acu a bhí siad in ann a gcuid róil a chomhlíonadh.
26. Nochtfaidh an gnóthas an fhaisnéis seo a leanas:
- (a) cé acu a chuirtear nó nach gcuirtear na **comhlachtaí riaracháin, bainistíochta agus maoirseachta**, lena n-áirítear a gcoistí ábhartha, ar an eolas faoi **thionchair, rioscaí agus deiseanna** ábhartha, cé a chuireann ar an eolas iad, agus a mhinice a chuirtear ar an eolas iad (féach Ceanglas maidir le Nochtadh IRO-1 - *Tuairisc ar na próisis chun tionchair, rioscaí agus deiseanna ábhartha a shainaithint agus a mheasúnú* den Chaighdeán seo), cur chun feidhme díchill chuí, agus torthaí agus éifeachtacht **na mbeartas, na ngníomhaíochtaí, na méadrachta** agus **na spriocanna** arna nglacadh chun aghaidh a thabhairt orthu;
- (b) an chaoi a ndéanann na **comhlachtaí riaracháin, bainistíochta agus maoirseachta** tionchair, rioscaí agus deiseanna a mheas agus maoirseacht á déanamh acu ar straitéis an ghnóthais, ar a chinntí maidir le mór-idirbhearta, agus ar a bheartais bainistithe riosca, lena n-áirítear cé acu a bhreithnigh nó nár bhreithnigh siad comhbhabhtálacha a bhaineann leis na tionchair, na rioscaí agus na deiseanna sin; agus
- (c) liosta de na tionchair, rioscaí agus deiseanna ábhartha ar thug na comhlachtaí riaracháin, bainistíochta agus maoirseachta, nó a gcoistí ábhartha, aghaidh orthu le linn na tréimhse tuairiscithe.

**Ceanglas maidir le Nochtadh GOV-3 – Feidhmíocht a bhaineann le hinbhuanaitheacht a chomhtháthú i scéimeanna dreasachta**

---

27. Nochtfaidh an gnóthas faisnéis maidir le comhtháthú a chuid feidhmíochta a bhaineann le hinbhuanaitheacht i scéimeanna dreasachta.
28. Is é cuspóir an Cheanglais seo maidir le Nochtadh tuiscint a thabhairt ar cé acu a thairgtear nó nach dtairgtear scéimeanna dreasachta do chomhaltaí na **gcomhlachtaí riaracháin, bainistíochta agus maoirseachta** atá nasctha le **hábhair inbhuanaitheachta**.
29. Nochtfaidh an gnóthas an fhaisnéis seo a leanas faoi na scéimeanna dreasachta agus na **beartais** luacha saothair a bhaineann le **hábhair inbhuanaitheachta** do chomhaltaí **comhlachtaí riaracháin, bainistíochta agus maoirseachta** an ghnóthais, i gcás inar ann dóibh:
- (a) tuairisc ar phríomh-shaintréithe na scéimeanna dreasachta;
- (b) cé acu atá nó nach bhfuil feidhmíocht á measúnú in aghaidh **spriocanna** agus/nó tionchair shonracha a bhaineann leis an inbhuanaitheacht, agus má tá, cé na spriocanna agus/nó tionchair sin;
- (c) cé acu atá nó nach bhfuil **méadracht** feidhmíochta a bhaineann le hinbhuanaitheacht á meas mar thagarmharcanna feidhmíochta nó á háireamh i mbeartais luacha saothair

- agus conas a dhéantar iad a mheas nó a áireamh;
- (d) cion an luacha saothair inathraithe atá ag brath ar spriocanna agus/nó tionchair a bhaineann leis an inbhuanaitheacht; agus
  - (e) an leibhéal sa ghnóthas ag a ndéantar téarmaí na scéimeanna dreasachta a fhorpheas agus a thabhairt cothrom le dáta.

### ***Ceanglas maidir le Nochtadh GOV-4 – Ráiteas maidir le dícheall cuí***

---

- 30. **Nochtfaidh an gnóthas mapáil ar an bhfaisnéis a sholáthraítear ina ráiteas inbhuanaitheachta faoin bpróiseas díchill chuí.**
- 31. Is é cuspóir an Cheanglais seo maidir le Nochtadh tuiscint a éascú ar phróiseas díchill chuí an ghnóthais maidir le ***hábhair inbhuanaitheachta***.
- 32. Baineann príomhghnéithe agus príomhchéimeanna an díchill chuí dá dtagraítear faoi ESRS 1 caibidil 4 ***Dícheall cuí*** roinnt Ceanglas um Nochtadh trasearnálacha agus topaicshonracha faoi ESRS. Soláthróidh an gnóthas mapáil ina míneofar conas agus cá háit a léirítear cur i bhfeidhm phríomhghnéithe agus príomhchéimeanna phróiseas an díchill chuí ina ráiteas inbhuanaitheachta, chun gur féidir léiriú a dhéanamh ar chleachtais iarbhir an ghnóthais maidir le dícheall cuí<sup>15</sup>.
- 33. Leis an gceanglas sin maidir le nochtadh, ní shainordaítear aon cheanglas iompraíochta sonrach maidir le ***gníomhaíochtaí*** díchill chuí agus ní leathnaítear ná ní mhodhnaítear ról na ***gcomhlachtaí riaracháin, bainistíochta agus maoirseachta*** mar atá sainordaítear i reachtaíocht nó i rialachán eile.

### ***Ceanglas maidir le Nochtadh GOV-5 – Bainistiú riosca agus rialuithe inmheánacha ar thuirisciú inbhuanaitheachta***

---

- 34. **Nochtfaidh an gnóthas príomhghnéithe a bhainistíochta riosca agus a chórais rialaithe inmheánaigh i ndáil leis an bpróiseas (na próisis) tuairiscithe um inbhuanaitheacht.**
- 35. Is é is cuspóir don Cheanglas seo maidir le Nochtadh tuiscint a thabhairt ar phróisis bhainistithe riosca agus rialaithe inmheánaigh an ghnóthais i ndáil le tuairisciú inbhuanaitheachta.
- 36. Nochtfaidh an gnóthas an fhaisnéis seo a leanas:
  - (a) raon feidhme, príomhghnéithe agus comhpháirteanna na bpróiseas agus na gcóras bainistíochta riosca agus rialaithe inmheánaigh i ndáil le tuairisciú um inbhuanaitheacht;
  - (b) an cur chuige measúnaithe riosca a leanadh, lena n-áirítear an mhodheolaíocht tosaíochta riosca;
  - (c) na príomhrioscaí a sainaitníodh agus a gcuid straitéisí maolaithe lena n-áirítear rialuithe gaolmhara;
  - (d) tuairisc ar conas a dhéanann an gnóthas comhtháthú ar thorthaí a mheasúnaithe riosca agus ar a rialuithe inmheánacha a mhéid a bhaineann leis an bpróiseas tuairiscithe um inbhuanaitheacht maidir le feidhmeanna agus próisis inmheánacha ábhartha; agus
  - (e) tuairisc ar thuirisciú tréimhsiúil na dtorthaí dá dtagraítear i bpointe (d) do na ***comhlachtaí riaracháin, bainistíochta agus maoirseachta***.

## **3. Straitéis**

---

<sup>15</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire breise a bhaineann le drochthionchair phríomha mar a leagtar amach le táscaire #10 i dTábla III d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('An easpa díchill chuí').

---

37. Leagtar síos sa chaibidil seo ceanglais maidir le nochtadh lenar féidir an méid seo a leanas a thuiscint:

- (a) na heilimintí de straitéis an ghnóthais a bhaineann le **hábhair inbhuanaitheachta**, lena **shamhail ghnó** agus lena **shlabhra luacha**, nó a dhéanann difear dóibh;
- (b) an chaoi a gcuirtear leasanna agus tuairimí **pháiritithe leasmhara** an ghnóthais san áireamh le straitéis agus samhail ghnó an ghnóthais; agus
- (c) toradh mheasúnú an ghnóthais ar **thionchair, rioscaí** agus **deiseanna** ábhartha, lena n-áirítear an chaoi a gcuireann siad bonn eolais faoina straitéis agus faoina samhail ghnó.

### **Ceanglas maidir le Nochtadh SBM-1 – Straitéis, samhail ghnó agus slabhra luacha**

---

38. **Nochtfaidh an gnóthas na heilimintí dá straitéis a bhaineann le hábhair inbhuanaitheachta, lena samhail ghnó agus lena shlabhra luacha, nó a bhfuil tionchar acu orthu.**

39. Is é is cuspóir don Cheanglas seo maidir le Nochtadh tuairisc a thabhairt ar phríomheilimintí straitéis ghinearálta an ghnóthais a bhaineann le **hábhair inbhuanaitheachta** nó a dhéanann difear dóibh, agus ar phríomheilimintí **shamhail ghnó** agus **shlabhra luacha** an ghnóthais, chun tuiscint a thabhairt ar a neamhchosaint ar **thionchair, rioscaí** agus **deiseanna** agus ar an áit as a dtagann siad.

40. Nochtfaidh an gnóthas an fhaisnéis seo a leanas faoi phríomheilimintí a straitéise ginearálta a bhaineann le **hábhair inbhuanaitheachta** nó a dhéanann difear dóibh:

- (a) tuairisc ar an méid seo a leanas:
  - i. grúpaí suntasacha táirgí agus/nó seirbhísí a thairgtear, lena n- áirítear athruithe ar an tréimhse tuairiscithe (táirgí agus/nó seirbhísí nua/bainte);
  - ii. margaí suntasacha agus/nó grúpaí custaiméirí ar a bhfreastalaítear, lena n- áirítear athruithe ar an tréimhse tuairiscithe (margaí nua/bainte agus/nó grúpaí custaiméirí);
  - iii. an líon **fostaithe** de réir limistéir gheografacha; agus
  - iv. i gcás inarb infheidhme agus inarb ábhartha, táirgí agus seirbhísí a bhfuil toirmeasc orthu i margaí áirithe;
- (b) miondealú ar an ioncam iomlán, mar a áirítear ina ráiteas airgeadais, de réir earnálacha móra ESRS. Nuair a sholáthraíonn an gnóthas tuairiscíu deighleoise mar a cheanglaítear le IFRS 8 *Deighleoga oibriúcháin* ina ráiteas airgeadais, déanfar an fhaisnéis ioncaim earnála sin a réiteach, a mhéid is féidir, le faisnéis IFRS 8;
- (c) liosta de na hearnálacha móra breise ESRS anuas ar na hearnálacha a léirítear faoi mhír 40(b), amhail gníomhaíochtaí as a n-eascaíonn ioncam idirchuideachtaí, ina bhforbraíonn an gnóthas gníomhaíochtaí móra, nó ina bhfuil sé nó ina bhféadfadh sé a bheith nasctha le tionchair ábhartha. Beidh sainaitheint na n-earnálacha ESRS breise sin comhsheasmhach leis an gcaoi a ndearna an gnóthas iad a mheas agus a mheasúnú **ábharthachta** á dhéanamh aige agus leis an gcaoi a nochtann sé faisnéis earnáilsonrach ábhartha;
- (d) i gcás inarb infheidhme, ráiteas ina dtugtar le fios, in éineacht leis na hioncaim ghaolmhara, go bhfuil an gnóthas gníomhach in:
  - i. earnáil na **mbreoslaí iontaise** <sup>16</sup>(gual, ola agus gás), (i.e., faigheann sí ioncam ó

---

<sup>16</sup> Tacaíonn an fhaisnéis sin le riachtanais faisnéise rannpháiritithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire breise a bhaineann le drochthionchair príomha mar a leagtar amach le

- thaiscéalaíocht, mianadóireacht, eastóscadh, táirgeadh, próiseáil, stóráil, scagadh nó dáileadh, lena n-áirítear iompar, stóráil agus trádáil, breoslaí iontaise mar a shainmhínítear in Airteagal 2, pointe (62), de Rialachán (AE) 2018/1999 ó Pharlaimint na hEorpa agus ón gComhairle<sup>17</sup>), lena n-áirítear dí-chomhiomlánú ioncaim a dhíorthaítear ó ghual, ó ola agus ó ghás, chomh maith leis an ioncam a dhíorthaítear ó ghníomhaíochtaí eacnamaíocha atá ailínithe le Tacsanomaíocht a bhaineann le gás iontaise mar a cheanglaítear faoi Airteagal 8(7)(a) de Rialachán Tarmligthe 2021/2178 ón gCoimisiún<sup>18</sup>;
- ii. táirgeadh ceimiceán<sup>19</sup>, i.e., tagann a ghníomhaíochtaí faoi Rannán 20.2 d'Iarscríbhinn I a ghabhann le Rialachán (CE) Uimh. 1893/2006;
  - iii. airm chonspóideacha<sup>20</sup> (mianaigh frithphearsanra, cnuasmhuinisin, airm cheimiceacha agus airm bhitholaíochta); agus/nó
  - iv. saothrú agus táirgeadh tobac<sup>21</sup>;
- (e) a spriocanna a bhaineann leis an inbhuanaitheacht i dtéarmaí grúpaí móra táirgí agus seirbhísí, catagóirí custaiméirí, limistéir gheografacha agus caidrimh le **páirtithe leasmhara**;
  - (f) measúnú ar na táirgí agus/nó na seirbhísí móra atá aige faoi láthair, agus ar mhargaí móra agus grúpaí móra custaiméirí, i ndáil lena spriocanna a bhaineann leis an inbhuanaitheacht; agus
  - (g) na heilimintí de straitéis an ghnóthais a bhaineann le hábhair inbhuanaitheachta nó a mbíonn tionchar acu orthu, lena n-áirítear na príomhdhúshláin atá romhainn, réitigh nó tionscadail chriticiúla atá le cur i bhfeidhm, i gcás inarb ábhartha le haghaidh tuairisciú inbhuanaitheachta.
41. Má tá an gnóthas bunaithe i mBallstát den Aontas Eorpach lena gceadaítear díolúine ó nochtadh na faisnéise dá dtagraítear in Airteagal 18, mír 1, fophointe (a) de Threoir 2013/34/AE<sup>22</sup>, agus má bhain an gnóthas úsáid as an díolúine sin, féadfaidh sé an miondealú ar ioncam de réir earnáil shuntasach ESRS a cheanglaítear le mír 40(b) a fhágáil ar lár. Sa chás sin, nochtfaidh an gnóthas mar sin féin liosta na n-earnálacha ESRS atá suntasach don ghnóthas.
42. Nochtfaidh an gnóthas tuairisc ar a **shamhail ghnó** agus ar a **shlabhra luacha**, lena n-áirítear:

---

táscaire #4 i dTábla I d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Neamhchosaint ar chuideachtaí atá gníomhach in earnáil na mbreoslaí iontaise').

<sup>17</sup>Rialachán (AE) 2018/1999 ó Pharlaimint na hEorpa agus ón gComhairle an 11 Nollaig 2018 maidir le Rialachas an Aontais Fuinnimh agus na Gníomhaíochta Aeráide, lena leasaítear Rialachán (CE) Uimh. 663/2009 agus Rialachán (CE) Uimh. 715/2009 ó Pharlaimint na hEorpa agus ón gComhairle, Treoracha 94/22/CE, 98/70/CE, 2009/31/CE, 2009/73/CE, 2010/31/AE, 2012/27/AE agus 2013/30/AE ó Pharlaimint na hEorpa agus ón gComhairle, Treoir 2009/119/CE agus Treoir (AE) 2015/652 ón gComhairle agus lena n-aisghairtear Rialachán (AE) Uimh. 525/2013 ó Pharlaimint na hEorpa agus ón gComhairle (IO L 328, 21.12.2018, lch. 1).

<sup>18</sup>Rialachán Tarmligthe (AE) 2021/2178 ón gCoimisiún an 6 Iúil 2021 lena bhforlíontar Rialachán (AE) 2020/852 ó Pharlaimint na hEorpa agus ón gComhairle trí ábhar agus cur i láthair na faisnéise le nochtadh ag gnóthais faoi réir Airteagail 19a nó Airteagal 29a de Threoir 2013/34/AE a bhaineann le gníomhaíochtaí eacnamaíocha atá inbhuanaithe ó thaobh an chomhshaoil de a shonrú, agus ina sonraítear an mhodheolaíocht chun an oibleagáid nochtá sin a chomhlíonadh (IO L 443, 10.12.2021, lch. 9).

<sup>19</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire breise a bhaineann le drochthionchair phríomha mar a leagtar amach le táscaire #9 i dTábla II d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Infheistíochtaí i gcuideachtaí a tháirgeann ceimiceáin').

<sup>20</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire breise a bhaineann le drochthionchair phríomha mar a leagtar amach le táscaire #14 i dTábla I d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Neamhchosaint ar airm chonspóideacha (mianaigh frithphearsanra, cnuasmhuinisin, airm cheimiceacha agus airm bhitholaíochta)').

<sup>21</sup> Tacaíonn an fhaisnéis sin le riachtanais riarthóirí tagarmharcanna tosca ESG a nochtadh faoi réir Rialachán (AE) 2020/1818 mar a leagtar amach i mír b) d'Airteagal 12.1.

<sup>22</sup> Airteagal 18, mír 1, fophointe (a) de Threoir 2013/34/AE: 'an glanlámhdeachas arna mhiondealú de réir catagóirí gníomhaíochta agus ina margaí geografacha, a mhéid atá difríocht shubstaintiúil idir na catagóirí agus na margaí sin, agus an chaoi a n-eagraítear díol táirgí agus soláthar seirbhísí á cur san áireamh.'

- (a) a ionchuir agus a chur chuige maidir leis na hionchuir sin a bhailiú, a fhorbairt agus a shlánú;
- (b) a aschur agus a thorthaí i dtéarmaí na sochar atá ann faoi láthair agus na sochar a bhfuiltear ag súil leo do chustaiméirí, d'infheisteoirí agus do **pháirtithe leasmhara** eile; agus
- (c) príomhghnéithe a **shlabhra luacha** réamhtheachtaigh agus iartheachtaigh agus suíomh an ghnóthais ina shlabhra luacha, lena n-áirítear tuairisc ar na príomhghníomhaithe gnó (amhail na **príomhsholáthraithe**, na príomhchustaiméirí, na príomhbhealaí dáileacháin agus **na príomhúsáideoirí deiridh**) agus ar a gcaidreamh leis an ngnóthas. I gcás ina bhfuil roinnt slabhraí luacha ag an ngnóthas, cumhdóidh an nochtadh na príomhshlabhraí luacha.

### **Ceanglas maidir le Nochtadh SBM-2 – Leasanna agus tuairimí páirtithe leasmhara**

---

- 43. **Nochtfaidh an ghnóthas an chaoi a gcuirtear leasanna agus tuairimí a pháirtithe leasmhara san áireamh le straitéis agus samhail ghnó an ghnóthais.**
- 44. Is é is cuspóir don Cheanglas seo maidir le Nochtadh tuiscint a thabhairt ar an gcaoi a gcuireann leasanna agus tuairimí na **bpáirtithe leasmhara** bonn eolais faoi straitéis agus samhail ghnó an ghnóthais.
- 45. Nochtfaidh an ghnóthas tuairisc achomair ar na nithe a leanas:
  - (a) rannpháirtíocht na bpáirtithe leasmhara, lena n-áirítear:
    - i. **príomhpháirtithe leasmhara** an ghnóthais;
    - ii. cé acu a tharlaíonn nó nach dtarlaíonn rannpháirtíocht leo agus cé na catagóirí páirtithe leasmhara lena mbaineann;
    - iii. an chaoi a n-eagraítear í;
    - iv. a cuspóir; agus
    - v. an chaoi a gcuireann an ghnóthas an toradh san áireamh;
  - (b) tuiscint an ghnóthais ar leasanna agus ar thuairimí a **phríomhpháirtithe leasmhara** mar a bhaineann siad le straitéis agus samhail ghnó an ghnóthais, a mhéid a rinneadh anailís orthu sin le linn phróiseas díchill chuí agus/nó phróiseas measúnaithe **ábharthachta** an ghnóthais (féach Ceanglas maidir le Nochtadh IRO-1 den Chaighdeán seo);
  - (c) i gcás inarb infheidhme, leasuithe ar a straitéis agus/nó ar a shamhail ghnó, lena n-áirítear:
    - i. an chaoi ar leasaigh an ghnóthas a straitéis agus/nó a shamhail ghnó, nó an chaoi a bhfuil coinne leis go leasóidh sé í, chun aghaidh a thabhairt ar leasanna agus tuairimí a pháirtithe leasmhara;
    - ii. aon chéim eile atá á pleanáil agus an amlíne a bhaineann leis sin; agus
    - iii. cé acu is dócha nó nach dócha go n-athróidh na céimeanna sin an caidreamh le páirtithe leasmhara agus tuairimí na bpáirtithe leasmhara; agus
  - (d) cé acu a chuirtear nó nach gcuirtear na **comhlachtaí riaracháin, bainistíochta agus maoirseachta** ar an eolas faoi thuairimí agus leasanna na **bpáirtithe leasmhara** a ndéantar difear dóibh maidir le tionchair an ghnóthais a bhaineann le hinbhuanaitheacht agus an dóigh a gcuirtear ar an eolas iad.

### **Ceanglas maidir le Nochtadh SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó**

---

46. **Nochtfaidh an gnóthas a thionchair, rioscaí agus deiseanna ábhartha agus an chaoi a n-dirghníomhaíonn siad lena straitéis agus lena shamhail ghnó.**
47. Is é cuspóir an Cheanglais seo maidir le Nochtadh tuiscint a thabhairt ar na **tionchair, rioscaí** agus **deiseanna** ábhartha de réir mar a eascraíonn siad as measúnú ábharthachta an ghnóthais agus ar an gcaoi a dtagann siad as straitéis agus **samhail ghnó** an ghnóthais, lena n-áirítear a leithdháileadh acmhainní, agus ar an gcaoi a spreagann siad oiriúnú na straitéise agus na samhla sin. Déantar an fhaisnéis atá le nochtadh faoi bhainistiú tionchair, rioscaí agus deiseanna ábhartha an ghnóthais a fhorordú in ESRS topaicshonracha agus i gcaighdeáin earnáilsonracha, a chuirfear i bhfeidhm i gcomhar leis na **híoscheanglais maidir le Nochtadh** i dtaca le **beartais, gníomhaíochtaí** agus **spriocanna** a bhunaítear sa Chaighdeán seo.
48. Nochtfaidh an gnóthas:
- (a) tuairisc ghairid ar na **tionchair, rioscaí** agus **deiseanna** a eascraíonn as a mheasúnú ábharthachta (féach Ceanglas maidir le Nochtadh IRO-1 den chaighdeán seo), lena n-áirítear tuairisc ar an áit ina **shamhail ghnó**, ina chuid oibríochtaí féin agus ina **shlabhra luacha** réamhtheachtach agus iarteachtach ina bhfuil na tionchair, rioscaí agus deiseanna ábhartha comhchruinnithe;
  - (b) na héifeachtaí atá ann faoi láthair nó a bhfuil coinne leo ó thionchair, rioscaí agus deiseanna ábhartha ar a shamhail ghnó, ar a slabhra luacha, ar a straitéis agus ar a chinnteoireacht, agus an chaoi ar fhreagair sé nó a bhfuil sé beartaithe aige freagairt do na héifeachtaí sin, lena n-áirítear aon athrú atá déanta aige nó a bhfuil sé beartaithe aige a dhéanamh ar a straitéis nó ar a shamhail ghnó mar chuid dá **ghníomhaíochtaí** chun aghaidh a thabhairt ar thionchair nó ar rioscaí ábhartha ar leith, nó chun deiseanna ábhartha ar leith a shaothrú;
  - (c) i dtaca le **tionchair** ábhartha an ghnóthais:
    - i. an chaoi a ndéanann tionchair dhiúltacha agus dhearfacha ábhartha an ghnóthais difear (nó, i gcás tionchair fhéideartha, an difear is dócha a dhéanfaidh siad) do dhaoine nó don chomhshaol;
    - ii. cé acu a thagann na tionchair ó straitéis agus samhail ghnó an ghnóthais nó atá siad nasctha leo, agus cén chaoi a dtagann siad ón straitéis agus ón tsamhail sin nó a nasctar leo iad;
    - iii. na tréimhsí ama a bhfuil coinne réasúnach leo maidir leis na tionchair; agus
    - iv. cé acu atá baint ag an ngnóthas leis na tionchair ábhartha trína ghníomhaíochtaí nó mar gheall ar a **chaidrimh ghnó**, lena dtugtar tuairisc ar chineál na gníomhaíochtaí nó na gcaidreamh gnó lena mbaineann;
  - (d) na **héifeachtaí airgeadais atá ann faoi láthair** ó rioscaí agus deiseanna ábhartha an ghnóthais ar a riocht airgeadais, ar a fheidhmíocht airgeadais agus ar a shreafaí airgid agus na rioscaí agus na deiseanna ábhartha a bhfuil riosca mór ann ina leith go ndéanfaí coigeartú ábhartha laistigh den chéad tréimhse tuairiscithe bhliantúil eile ar shuimeanna glanluacha na sócmhainní agus na ndlíteanas arna dtuairisciú sna ráitis airgeadais ghaolmhara;
  - (e) na héifeachtaí airgeadais a bhfuil coinne leo ó rioscaí agus deiseanna ábhartha an ghnóthais ar a riocht airgeadais, ar a fheidhmíocht airgeadais agus ar a shreafaí airgid sa ghearrthéarma, sa mheántéarma nó san fhadtéarma, lena n-áirítear na tréimhsí ama a bhfuil coinne réasúnach leo maidir leis na tionchair sin. Áireofar leis sin an chaoi a bhfuil coinne ag an ngnóthas leis go n-athróidh a staid airgeadais, a fheidhmíocht airgeadais agus a shreafaí airgid sa ghearrthéarma, sa mheántéarma agus san fhadtéarma, i bhfianaise a straitéise chun rioscaí agus deiseanna a bhainistiú, agus an méid seo a leanas á chur san áireamh:
    - i. a phleananna infheistíochta agus diúscartha (mar shampla, caiteachas caipitiúil, éadálacha agus difheistithe móra, comhfhiontair, claochlú gnó, nuálaíocht, réimsí nua gnó agus aistarraingtí sócmhainní), lena n-áirítear pleananna nach bhfuil an

gnóthas faoi ghealltanais conarthach ina leith; agus

- ii. na foinsí cistiúcháin atá beartaithe aige chun a straitéis a chur chun feidhme.
- (f) faisnéis faoi athléimneacht straitéis agus shamhail ghnó an ghnóthais maidir lena chumas aghaidh a thabhairt ar na tionchair agus rioscaí ábhartha atá aige agus leas a bhaint as na deiseanna ábhartha atá aige. Nochtfaidh an gnóthas anailís cháilíochtúil agus, i gcás inarb infheidhme, anailís chainníochtúil ar an athléimneacht, lena n-áirítear an chaoi a ndearnadh an anailís agus na tréimhsí ama a cuireadh i bhfeidhm mar a shainmhínítear in ESRS 1 (féach ESRS 1 caibidil 6 *Tréimhsí ama*). Le linn dó faisnéis chainníochtúil a sholáthar, féadfaidh an gnóthas méideanna aonair nó raonta a nochtadh;
  - (g) athruithe ar na tionchair, rioscaí agus deiseanna ábhartha i gcomparáid leis an tréimhse tuairiscithe roimhe sin; agus
  - (h) sonrú na dtionchar, na rioscaí agus na ndeiseanna sin a chumhdaítear le Ceanglais maidir le Nochtadh ESRS seachas iad siúd a chumhdaítear trí nochtadh breise eintiteas-sonrach a bheith in úsáid ag an ngnóthas.
49. Féadfaidh an gnóthas an fhaisnéis thuairisciúil a cheanglaítear i mír 46 a nochtadh in éineacht leis na noхтаí a sholáthraítear faoin ESRS topaicshonrach comhfhreagrach, agus sa chás sin cuirfidh sé ráiteas i láthair fós ar a **tionchair, rioscaí** agus **deiseanna** ábhartha in éineacht lena noхтаí arna n-ullmhú faoin gcaibidil seo de ESRS 2.

#### **4. Bainistiú tionchar, rioscaí agus deiseanna**

---

##### **4.1 Noхтаí maidir leis an bpróiseas measúnaithe ábharthachta**

50. Leagtar síos sa chaibidil seo ceanglais maidir le nochtadh lena féidir an méid seo a leanas a thuiscint:
- (a) an próiseas chun **tionchair, rioscaí** agus **deiseanna** ábhartha a shainaithint; agus
  - (b) an fhaisnéis a chuir an gnóthas san áireamh ina **ráiteas inbhuanaitheachta** mar thoradh ar a mheasúnú **ábharthachta**.

##### **Ceanglas maidir le Nochtadh IRO-1 – Tuairisc ar an bpróiseas chun tionchair, rioscaí agus deiseanna ábhartha a shainaithint agus a mheasúnú**

---

51. **Nochtfaidh an gnóthas a phróiseas chun a tionchair, rioscaí agus deiseanna a shainaithint agus chun measúnú a dhéanamh cé na cinn atá ábhartha.**
52. Is é is cuspóir don Cheanglas maidir le Nochtadh seo tuiscint a thabhairt ar an bpróiseas trína sainaitheann an gnóthas **tionchair, rioscaí** agus **deiseanna** agus lena ndéantar measúnú ar a n-**ábharthacht**, mar bhonn chun na noхтаí ina **ráiteas inbhuanaitheachta** a chinneadh (féach ESRS 1 caibidil 3 agus a Cheanglais ghaolmhara maidir le Cur i bhFeidhm, lena leagtar amach ceanglais agus prionsabail maidir leis an bpróiseas chun tionchair, rioscaí agus deiseanna ábhartha a shainaithint agus a mheasúnú bunaithe ar phrionsabal na hábharthachta dúbailte).
53. Nochtfaidh an gnóthas an fhaisnéis seo a leanas:
- (a) tuairisc ar na modheolaíochtaí agus ar na toimhdí a cuireadh i bhfeidhm sa phróiseas a thuairiscítear;
  - (b) forléargas ar an bpróiseas chun **tionchair** fhéideartha agus iarbhir an ghnóthais ar dhaoine agus ar an gcomhshaol a shainaithint, a chur in ord tosaíochta agus a mheasúnú, bunaithe ar phróiseas díchill chuí an ghnóthais, lena n-áirítear míniú an fíor an méid seo a leanas maidir leis an bpróiseas, agus an chaoi a ndéanann sé é sin:
    - i. díríonn sé ar ghníomhaíochtaí sonracha, caidrimh ghnó, geografaíocht nó tosca eile as a n-eascraíonn an riosca méadaithe go mbeidh drochthionchair ann;
    - ii. measann sé na tionchair a bhfuil baint ag an ngnóthas leo trína oibríochtaí féin nó

- mar thoradh ar a chaidrimh ghnó;
- iii. cuireann sé san áireamh comhairliúchán le **páirtithe leasmhara** a ndéantar difear dóibh chun tuiscint a fháil ar an tionchar a d'fhéadfadh a bheith orthu agus comhairliúchán le saineolaithe seachtracha;
  - iv. tugann sé tús áite do thionchair dhiúltacha bunaithe ar dhéine agus dóchúlacht choibhneasta na dtionchar sin, (féach ESRS 1 roinn 3.4 **Ábharthacht tionchair**) agus – más infheidhme – tionchair dhearfacha ar a scála, raon feidhme agus dóchúlacht choibhneasta, agus cinneann sé cé na hábhair inbhuanaitheachta atá ábhartha chun críoch tuairiscithe (lena n-áirítear na tairseacha cáilíochtúla nó cainníochtúla agus critéir eile a úsáidtear mar a fhorordaítear le ESRS 1 roinn 3.4 **Ábharthacht tionchair**);
- (c) forléargas ar an bpróiseas a úsáidtear chun **rioscaí** agus **deiseanna** a bhfuil éifeachtaí airgeadais acu nó a bhféadfadh **éifeachtaí airgeadais** a bheith acu a shainiú, a chur in ord tosaíochta agus a mheasúnú. Áireofar an méid seo a leanas sa nochtadh:
- i. an chaoi a ndearna an gnóthas breithniú ar naisc a thionchair agus a spleáchais leis na rioscaí agus na deiseanna a d'fhéadfadh eascairt as na tionchair agus na spleáchais sin;
  - ii. an chaoi a ndéanann an gnóthas measúnú ar dhóchúlacht, méid, agus cineál éifeachtaí an riosca agus na ndeiseanna sainaitheanta (amhail na tairseacha cáilíochtúla nó cainníochtúla agus critéir eile a úsáidtear arna bhforordú ag ESRS 1 roinn 3.3 **Ábharthacht airgeadais**);
  - iii. an chaoi a dtugann an gnóthas tosaíocht do na rioscaí a bhaineann le hinbhuanaitheacht i gcoibhneas le cineálacha eile rioscaí, lena n-áirítear an úsáid a bhaineann sé as uirlisí measúnaithe riosca;
- (d) tuairisc ar an bpróiseas cinnteoireachta agus ar na nósanna imeachta rialaithe inmheánaigh gaolmhara;
- (e) a mhéid a dhéantar agus an chaoi a ndéantar an próiseas chun tionchair agus rioscaí a shainiú, a mheasúnú agus a bhainistiú a chomhtháthú i bpróiseas foriomlán bainistithe riosca an ghnóthais agus a mhéid a úsáidtear agus an chaoi a n-úsáidtear é chun meastóireacht a dhéanamh ar phróifíl riosca fhoriomlán agus ar phróisis bainistithe riosca an ghnóthais;
- (f) a mhéid a dhéantar agus an chaoi a ndéantar an próiseas chun deiseanna a shainiú, a mheasúnú agus a bhainistiú a chomhtháthú i bpróiseas bainistíochta foriomlán an ghnóthais i gcás inarb infheidhme;
- (g) na paraiméadair ionchuir a úsáideann sé (mar shampla, foinsí sonraí, raon feidhme na n-oibríochtaí a chumhdaítear agus na mionsonraí a úsáidtear i dtoimhdí); agus
- (h) cé acu atá nó nach bhfuil athrú tagtha ar an bpróiseas agus an chaoi ar athraíodh é i gcomparáid leis an tréimhse tuairiscithe roimhe sin, cathain a rinneadh an próiseas a mhodhnú go deireanach agus dátaí athbhreithnithe an mheasúnaithe **ábharthachta** amach anseo.

### **Ceanglas maidir le Nochtadh IRO-2 – Ceanglais maidir le nochtadh in ESRS atá cumhdaithe ag ráiteas inbhuanaitheachta an ghnóthais**

---

54. **Tabharfaidh an gnóthas tuairisc ar na Ceanglais maidir le Nochtadh a comhlíonadh ina ráitis inbhuanaitheachta.**
55. Is é cuspóir an Cheanglais seo maidir le Nochtadh tuiscint a thabhairt ar na Ceanglais maidir le Nochtadh a áirítear i ráiteas inbhuanaitheachta an ghnóthais agus ar na topaicí a fágadh ar lár mar toisc nach topaicí ábhartha iad, mar thoradh ar an measúnú **ábharthachta**.
56. Áireoidh an gnóthas liosta de na Ceanglais maidir le Nochtadh a comhlíonadh agus an **ráiteas inbhuanaitheachta** á ullmhú, tar éis thoradh an mheasúnaithe **ábharthachta** (féach ESRS 1

caibidil 3), lena n-áirítear uimhreacha na leathanach ar a bhfuil na nochtaí gaolmhara agus/nó na míreanna ina bhfuil na nochtaí gaolmhara sa ráiteas inbhuanaitheachta. Féadfar iad sin a chur i láthair mar innéacs ábhair. Áireoidh an gnóthas freisin tábla de na pointí sonraí uile a dhíorthaíonn ó reachtaíocht eile de chuid an Aontais a liostaítear i bhFoscscríbhinn B den chaighdeán seo, ina léireofar an áit ar féidir teacht orthu sa ráiteas inbhuanaitheachta agus lena n-áirítear na pointí sin a mheas an gnóthas nach pointí ábhartha iad, agus sa chás sin léireoidh an gnóthas “Neamhábhhartha” sa tábla i gcomhréir le ESRS 1, mír 35.

57. Má chinneann an gnóthas nach bhfuil an t-athrú aeráide ábhartha agus, dá bhrí sin, go bhfágann sé ar lár na ceanglais uile maidir le nochtadh in ESRS E1 Athrú Aeráide, nochtfaidh sé míniú mionsonraithe ar chonclúidí a mheasúnaithe **ábharthachta** maidir leis an athrú aeráide (féach ESRS 2 IRO-2 *Ceanglais maidir le nochtadh in ESRS atá cumhdaithe ag ráiteas inbhuanaitheachta an ghnóthais*), lena n-áirítear anailís réamhbhreathnaitheach ar na dálaí a d’fhéadfadh a bheith ina gcúis leis an ngnóthas a theacht ar an gconclúid go bhfuil an t-athrú aeráide ábhartha amach anseo.
58. Má thagann an gnóthas ar an gconclúid nach bhfuil topaic ábhartha, topaic seachas an t-athrú aeráide, agus, dá bhrí sin, go bhfágann sé na Ceanglais uile maidir le Nochtadh ar lár san ESRS topaicshonrach comhfhreagrach, féadfaidh sé míniú gairid a thabhairt ar chonclúidí a mheasúnaithe **ábharthachta** don topaic sin.
59. Soláthróidh an gnóthas míniú ar an gcaoi ar chinn sé an fhaisnéis ábhartha atá le nochtadh maidir leis na **tionchair**, **rioscaí** agus **deiseanna** a ndearna sé measúnú orthu mar chinn ábhartha, lena n-áirítear úsáid tairseach agus/nó an chaoi ar chuir sé na critéir in ESRS 1 roinn 3.2 *Ábhair ábhartha agus ábharthacht na faisnéise* chun feidhme

#### **4.2 Íoscheanglais maidir le nochtadh i ndáil le beartais agus gníomhaíochtaí**

60. Leagtar amach sa roinn seo na **híoscheanglais maidir le nochtadh** atá le cur san áireamh nuair a nochtann an gnóthas faisnéis faoina **bheartais** agus faoina **gníomhaíochtaí** chun **tionchair** ábhartha iarbhír agus ionchasacha a chosc, a mhaolú agus a leigheas, chun aghaidh a thabhairt ar **rioscaí** agus/nó chun **deiseanna** ábhartha a shaothrú (i dteannta a chéile, chun **ábhair inbhuanaitheachta** ábhartha a bhainistiú). Cuirfear i bhfeidhm iad in éineacht leis na Ceanglais maidir le Nochtadh, lena n-áirítear Ceanglais maidir le Cur i bhFeidhm, dá bhforáiltear in ESRS ábhartha topaicshonracha agus/nó earnáilsonracha. Cuirfear i bhfeidhm iad freisin nuair a ullmhóidh an gnóthas nochtaí eintiteas-sonracha.
61. Beidh na nochtaí comhfhreagracha taobh le nochtaí arna bhforordú ag an ESRS ábhartha. Nuair a thugann **beartais** aonair nó na **gníomhaíochtaí** céanna aghaidh ar roinnt **ábhar inbhuanaitheachta** idirnasctha, féadfaidh an gnóthas an fhaisnéis is gá a nochtadh ina thuairisciú faoi ESRS topaicshonrach amháin agus crostagairt a dhéanamh dó ina thuairisciú faoi ESRS topaicshonracha eile.
62. Mura féidir leis an ngnóthas an fhaisnéis maidir le **beartais** agus **gníomhaíochtaí** a cheanglaítear faoi ESRS ábhartha a nochtadh, toisc nár ghlac sé beartais agus/nó gníomhaíochtaí faoi threoir an **ábhair inbhuanaitheachta** shonraigh lena mbaineann, nochtfaidh sé go bhfuil sé sin amhlaidh, agus tabharfaidh sé cúiseanna nár ghlac sé beartais agus/nó gníomhaíochtaí. Féadfaidh an gnóthas tráthchlár a nochtadh ina mbeidh sé d’aidhm aige iad a ghlacadh.

#### **Íoscheanglas maidir le Nochtadh – Beartais MDR-P – Beartais arna nglacadh chun ábhair inbhuanaitheachta ábhartha a bhainistiú**

63. Cuirfidh an gnóthas na **híoscheanglais maidir le nochtadh** a shainítear san fhoráil seo i bhfeidhm nuair a nochtfaidh sé na **beartais** atá i bhfeidhm aige maidir le gach **ábhar inbhuanaitheachta** a shainiú mar ábhar ábhartha.
64. Is é cuspóir an **Íoscheanglais seo maidir le Nochtadh** tuiscint a thabhairt ar na **beartais** atá i bhfeidhm ag an ngnóthas chun **tionchair** iarbhír agus fhéideartha a chosc, a mhaolú agus a leigheas, chun aghaidh a thabhairt ar **rioscaí** agus chun **deiseanna** a shaothrú.
65. Nochtfaidh an gnóthas faisnéis faoi **bheartais** arna nglacadh chun **ábhair inbhuanaitheachta**

ábhartha a bhainistiú. Áireofar an fhaisnéis seo a leanas sa nochtadh:

- (a) tuairisc ar príomhábhar an **bheartais**, lena n-áirítear a chuspóirí ginearálta agus na **tionchair, rioscaí** nó **deiseanna** ábhartha lena mbaineann an beartas agus an próiseas chun faireachán a dhéanamh;
- (b) tuairisc ar raon feidhme an bheartais, nó ar a eisiámh, ó thaobh gníomhaíochtaí, **slabhra luacha** réamhtheachtacha agus/nó iarthachtacha, limistéir gheografacha agus más ábhartha, grúpaí **páirtithe leasmhara** dá ndéantar difear;
- (c) an leibhéal is sinsearaí in eagraíocht an ghnóthais atá freagrach as an mbeartas a chur chun feidhme;
- (d) tagairt, más ábhartha, do na caighdeáin tríú páirtí nó na tionscnaimh a gheallann an gnóthas a urramú trí chur chun feidhme an bheartais;
- (e) más ábhartha, tuairisc ar an mbreithniú a rinneadh ar leasanna na **bpríomhpháirtithe leasmhara** agus an beartas á shocrú; agus
- (f) más ábhartha, cibé acu a chuireann nó nach gcuireann an gnóthas an beartas ar fáil do pháirtithe leasmhara dá bhféadfaí difear a dhéanamh, agus páirtithe leasmhara a dteastaíonn cúnamh uathu chun é a chur chun feidhme, agus conas a dhéantar é sin.

### **Íoscheanglas maidir le nochtadh – Gníomhaíochtaí MDR-A – Gníomhaíochtaí agus acmhainní i ndáil le hábhair inbhuanaitheachta ábhartha**

---

- 66. Cuirfidh an gnóthas i bhfeidhm na ceanglais maidir le hábhar na nochtaí san fhoráil seo le linn dó tuairisc a thabhairt ar na **gníomhaíochtaí** trína mbainistíonn sé gach **ábhar inbhuanaitheachta** ábhartha lena n-áirítear pleananna gníomhaíochta agus acmhainní atá leithdháilte agus/nó beartaithe.
- 67. Is é is cuspóir don **Íoscheanglas seo maidir le Nochtadh** tuiscint a thabhairt ar na **príomhghníomhaíochtaí** a rinneadh agus/nó atá beartaithe chun **tionchair** iarbhir agus fhéideartha a chosc, a mhaolú agus a **leigheas**, agus chun aghaidh a thabhairt ar **rioscaí** agus **deiseanna**, agus i gcás inarb infheidhme cuspóirí agus **spríocanna** na **mbeartas** gaolmhar a bhaint amach.
- 68. I gcás ina n-éilíonn cur chun feidhme **beartais gníomhaíochtaí**, nó plean gníomhaíochta cuimsitheach, chun a chuspóirí a bhaint amach, agus nuair a chuirtear gníomhaíochtaí chun feidhme gan beartas sonracha, nochtfaidh an gnóthas an fhaisnéis seo a leanas:
  - (a) liosta de na príomhghníomhaíochtaí a rinneadh sa bhliain tuairiscithe agus atá beartaithe don todhchaí, na torthaí a bhfuil coinne leo agus, i gcás inarb ábhartha, an chaoi a gcuireann a gcur chun feidhme le cuspóirí agus **spríocanna** beartais a bhaint amach;
  - (b) raon feidhme na bpríomhghníomhaíochtaí (i.e. cumhdach i dtéarmaí gníomhaíochtaí, **slabhra luacha** réamhtheachtach agus iarthachtach, limistéir gheografacha agus, i gcás inarb infheidhme, grúpaí **páirtithe leasmhara** dá ndéantar difear);
  - (c) na tréimhsí ama faoina bhfuil sé beartaithe ag an ngnóthas gach príomhghníomhaíocht a chomhlánú;
  - (d) más infheidhme, príomhghníomhaíochtaí a rinneadh (mar aon le torthaí) chun foráil a dhéanamh maidir le **leigheas** a sholáthar dóibh siúd a ndearnadh díobháil dóibh de dheasca tionchair ábhartha iarbhir agus chun comhoibriú i soláthar an leighis sin nó chun tacú lena sholáthar;
  - (e) más infheidhme, faisnéis chainníochtúil agus cháilíochtúil maidir le dul chun cinn gníomhaíochtaí nó pleananna gníomhaíochta a nochtadh i dtréimhsí roimhe sin.
- 69. I gcás ina bhfuil gá le caiteachas mór oibriúcháin (Opex) agus/nó caiteachas mór caipitiúil (Capex) chun plean gníomhaíochta a chur chun feidhme, déanfaidh an gnóthas na nithe seo a leanas:

- (a) tuairisc a thabhairt ar an gcineál acmhainní airgeadais agus acmhainní eile atá ann faoi láthair agus a bheidh ann amach anseo arna leithdháileadh ar an bplean gníomhaíochta, lena n-áirítear, más infheidhme, téarmaí ábhartha na n-ionstraimí airgeadais inbhuanaithe, amhail bannaí glasa, bannaí sóisialta agus iasachtaí glasa, na cuspóirí comhshaoil nó sóisialta, agus cé acu atá nó nach bhfuil an cumas na gníomhaíochtaí nó an plean gníomhaíochta a chur chun feidhme ag brath ar réamhchoinníollacha sonracha, e.g. tacaíocht airgeadais a dheonú nó forbairtí beartais phoiblí agus forbairtí margaidh;
- (b) méid na n-acmhainní airgeadais atá ann faoi láthair a sholáthar agus míniú a thabhairt ar an gcaoi a mbaineann siad leis na méideanna is ábhartha a chuirtear i láthair sna ráitis airgeadais; agus
- (c) méid na n-acmhainní airgeadais a bheidh ann amach anseo a sholáthar.

## 5. Méadracht agus spriocanna

---

- 70. Leagtar amach sa chaibidil seo na **híoscheanglais maidir le Nochtadh** a chuirfeadh san áireamh nuair a nochtfaidh an gnóthas faisnéis maidir lena **mhéadracht** agus a **spriocanna** a bhaineann le gach ábhar inbhuanaitheachta ábhartha. Cuirfeadh i bhfeidhm iad in éineacht leis na Ceanglais maidir le Nochtadh, lena n-áirítear Ceanglais maidir le Cur i bhFeidhm, dá bhforáiltear san ESRS ábhartha topaicshonrach. Cuirfeadh i bhfeidhm iad freisin nuair a ullmhóidh an gnóthas nochtáí eintiteas-sonracha.
- 71. Beidh na nochtáí comhfhreagracha taobh le nochtáí arna bhforordú ag an ESRS topaicshonrach.
- 72. Mura féidir leis an ngnóthas an fhaisnéis maidir le **spriocanna** a nochtadh a éilítear faoin ESRS topaicshonrach ábhartha, toisc nár ghlac sé spriocanna faoi threoir an ábhair inbhuanaitheachta shonraigh lena mbaineann, nochtfaidh sé go bhfuil sé sin amhlaidh, agus tabharfaidh sé cúiseanna nár ghlac sé spriocanna. Féadfaidh an gnóthas tráthchlár a nochtadh ina mbeidh sé d'aidhm aige iad a ghlacadh.

### **Íoscheanglas maidir le nochtadh – Méadracht MDR-M – Méadracht i ndáil le hábhair inbhuanaitheachta ábhartha**

---

- 73. Cuirfidh an gnóthas na ceanglais le haghaidh ábhar na nochtáí san fhoráil seo i bhfeidhm le linn dó nochtadh a dhéanamh maidir leis an **méadracht** atá i bhfeidhm aige i ndáil le gach **ábhar inbhuanaitheachta** ábhartha.
- 74. Is é is cuspóir don Íoscheanglas seo maidir le Nochtadh tuiscint a thabhairt ar an **méadracht** a úsáideann an gnóthas chun éifeachtacht a chuid **gníomhaíochtaí** a rianú chun **ábhair inbhuanaitheachta** ábhartha a bhainistiú.
- 75. Nochtfaidh an gnóthas aon **mhéadracht** a úsáideann sé chun meastóireacht a dhéanamh ar fheidhmíocht agus ar éifeachtacht, i ndáil le **tionchar**, **riosca** nó **deis** ábhartha.
- 76. Áireofar i **méadracht** an mhéadracht sin a shainítear in ESRS, chomh maith le méadracht a shainaithnítear ar bhonn eintiteas-sonrach, gan beann ar cé acu a tógadh ó fhoinsí eile iad nó a d'fhorbair an gnóthas féin iad.
- 77. Maidir le gach méadracht, déanfaidh an gnóthas na nithe seo a leanas:
  - (a) nochtfaidh sé na modheolaíochtaí agus na toimhdí suntasacha atá taobh thiar den mhéadracht, lena n-áirítear teorainneacha na modheolaíochtaí a úsáideadh;
  - (b) nochtfaidh sé cé acu a bhailíochtaíonn comhlacht seachtrach seachas an soláthraí dearbhúcháin an tomhas ar an méadracht agus má dhéanann, cén comhlacht a dhéanann é;
  - (c) cuirfidh sé lipéad ar an méadracht agus saineoidh sé í agus úsáid á baint as ainmneacha agus tuairiscí atá ciallmhar, soiléir agus beacht;

- (d) i gcás ina sonraítear airgeadra mar aonad tomhais, úsáidfidh sé airgeadra tuairiscithe a ráiteas airgeadais.

### **Íoscheanglas maidir le nochtadh – Spriocanna MDR-T – Éifeachtacht beartas agus gníomhaíochtaí a rianú trí spriocanna**

---

78. Cuirfidh an gnóthas na ceanglais le haghaidh ábhar na noхтаí san fhoráil seo i bhfeidhm le linn dó faisnéis a nochtadh maidir leis na **spriocanna** atá leagtha síos aige i ndáil le gach **ábhar inbhuanaitheachta** ábhartha.
79. Is é cuspóir an **Íoscheanglais seo maidir le Nochtadh** tuiscint a thabhairt ar na nithe seo a leanas i gcás gach **ábhair inbhuanaitheachta** ábhartha:
- (a) cé acu a rianaíonn nó nach rianaíonn an gnóthas éifeachtacht a **ghníomhaíochtaí** chun aghaidh a thabhairt ar **thionchair, rioscaí** agus **deiseanna** ábhartha, lena n-áirítear an **mhéadracht** a úsáideann sé chun é sin a dhéanamh, agus an chaoi a rianaíonn sé an éifeachtacht sin;
  - (b) **spriocanna** intomhaiste atá faoi cheangal ama agus atá dírithe ar thorthaí arna leagan síos ag an ngnóthas chun cuspóirí an **bheartaisa** bhaint amach, arna sainiú i dtéarmaí na dtorthaí a bhfuiltear ag súil leo do dhaoine, don chomhshaol nó don ghnóthas maidir le tionchair, rioscaí agus deiseanna ábhartha;
  - (c) an dul chun cinn foriomlán i dtreo na spriocanna a glacadh le himeacht ama;
  - (d) i gcás nach bhfuil spriocanna intomhaiste atá faoi cheangal ama agus atá dírithe ar thorthaí leagtha síos ag an ngnóthas, cé acu a rianaíonn nó nach rianaíonn sé, mar sin féin, éifeachtacht a ghníomhaíochtaí chun aghaidh a thabhairt ar thionchair, rioscaí agus deiseanna ábhartha agus cé acu a dhéanann nó nach ndéanann sé an dul chun cinn a thomhas maidir lena chuspóirí **beartais** a bhaint amach, agus an chaoi a rianaíonn sé an éifeachtacht sin agus a ndéanann sé an dul chun cinn a thomhas; agus
  - (e) cé acu a bhí nó nach raibh **páirtithe leasmhara** páirteach i socrú spriocanna do gach ábhar inbhuanaitheachta ábhartha agus an chaoi a raibh siad páirteach ann.
80. Nochtfaidh an gnóthas na **spriocanna** intomhaiste atá dírithe ar thorthaí agus atá faoi cheangal ama maidir le **hábhair inbhuanaitheachta** ábhartha atá leagtha síos aige chun measúnú a dhéanamh ar an dul chun cinn. Áireofar an fhaisnéis seo a leanas sa nochtadh i gcás gach sprice:
- (a) tuairisc ar an ngaol idir an sprioc agus na cuspóirí **beartais**;
  - (b) an leibhéal sprice sainithe atá le baint amach, lena n-áirítear, i gcás inarb infheidhme, cé acu an dearbh- sprioc nó sprioc choibhneasta é agus cén t- aonad ina dtomhaistear é;
  - (c) raon feidhme na sprice, lena n-áirítear gníomhaíochtaí an ghnóthais agus/nó a **shlabhra luacha** réamhtheachtach agus iartheachtach i gcás inarb infheidhme agus teorainneacha geografacha;
  - (d) an luach bonnlíne agus an bhonnbhliain óna dtomhaistear dul chun cinn;
  - (e) an tréimhse lena mbaineann an sprioc agus más infheidhme, aon gharsprioc nó aon sprioc idirthréimhseach;
  - (f) na modheolaíochtaí agus na toimhdí suntasacha a úsáidtear chun spriocanna a shainiú, lena n-áirítear, i gcás inarb infheidhme, an **cás** roghnaithe, foinsí sonraí, ailíniú le spriocanna beartais náisiúnta, AE nó idirnáisiúnta agus an chaoi a gcuirtear comhthéacs níos leithne na forbartha inbhuanaithe agus/nó na staide áitiúla ina dtarlaíonn tionchair san áireamh sna spriocanna;
  - (g) cé acu atá nó nach bhfuil spriocanna an ghnóthais a bhaineann le cúrsaí comhshaoil bunaithe ar fhianaise eolaíoch dhochloíte;
  - (h) cé acu a bhí nó nach raibh **páirtithe leasmhara** páirteach i socrú spriocanna do gach

- ábhar inbhuanaitheachta ábhartha agus an chaoi a raibh siad páirteach ann;
- (i) aon athrú ar spriocanna agus ar **mhéadracht** chomhfhreagrach nó ar bhun-mhodheolaíochtaí tomhais, toimhdí suntasacha, teorainneacha, foinsí agus próisis chun sonraí arna nglacadh laistigh den tréimhse ama shainithe a bhailiú. Áirítear leis sin míniú ar an réasúnaíocht atá leis na hathruithe sin agus ar a n-éifeacht ar inchomparáideacht (féach Ceanglas maidir le Nochtadh BP-2 *Nochtaí maidir le cúinsí sonracha an Chaighdeáin seo*); agus
  - (j) an fheidhmíocht i gcomparáid lena spriocanna nochta, lena n-áirítear faisnéis faoin gcaoi a ndéantar faireachán agus athbhreithniú ar an sprioc agus an mhéadracht a úsáidtear, cé acu atá nó nach bhfuil an dul chun cinn i gcomhréir leis an méid a bhí beartaithe ar dtús, agus anailís ar threochtaí nó athruithe móra ar fheidhmíocht an ghnóthais i dtreo an sprioc a bhaint amach.

81. Mura bhfuil aon **sprioc** intomhaiste atá dírithe ar thorthaí leagtha síos ag an ngnóthas:

- (a) féadfaidh sé a nochtadh cé acu a leagfar síos nó nach leagfar síos na spriocanna sin agus an tréimhse ama chun iad a leagan síos, nó na cúiseanna nach bhfuil sé beartaithe ag an ngnóthas na spriocanna sin a leagan síos;
- (b) nochtfaidh sé cé acu a rianaíonn nó nach rianaíonn sé, mar sin féin, éifeachtacht a chuid **beartas** agus a chuid **gníomhaíochtaí** i ndáil leis an **tionchar**, **riosca** agus **deis** ábhartha a bhaineann le hinbhuanaitheacht, agus má rianaíonn sé amhlaidh, nochtfaidh sé an méid seo a leanas:
  - i. aon phróiseas trína ndéanann sé é sin;
  - ii. an leibhéal sainithe uailmhéine atá le baint amach agus aon táscaire cáilíochtúil nó cainníochtúil a úsáideann sé chun meastóireacht a dhéanamh ar dhul chun cinn, lena n-áirítear an bhonntréimhse óna ndéantar dul chun cinn a thomhas.

## **Foscúibhinn A: Ceanglais maidir le Cur i bhFeidhm**

Is dlúthchuid de ESRS 2 í an fhoscúibhinn seo agus tá an t-údarás céanna aici agus atá ag na codanna eile den Chaighdeán.

### **1. An bonn leis an ullmhúchán**

#### **Ceanglas maidir le Nochtadh BP-1 – Bonn ginearálta le ráitis inbhuanaitheachta a ullmhú**

- AR 1. Agus tuairisc á tabhairt ar a mhéid a chumhdaítear **slabhra luacha** réamhtheachtach agus iartheachtach an ghnóthais leis an **ráiteas inbhuanaitheachta** (féach ESRS 1 roinn 5.1 *Gnóthas tuairiscithe agus slabhra luacha*), féadfaidh an gnóthas idirdhealú a dhéanamh idir:
- (a) a mhéid a leathnaítear a mheasúnú **ábharthachta** ar **thionchair**, **rioscaí** agus **deiseanna** chun a shlabhra luacha réamhtheachtach agus iartheachtach a chumhdach;
  - (b) a mhéid a leathnaítear a **bheartais**, **gníomhaíochtaí** agus **spriocanna** chun a shlabhra luacha a chumhdach; agus
  - (c) a mhéid a áiríonn sé sonraí maidir leis an slabhra luacha réamhtheachtach agus/nó iartheachtach nuair a bhíonn **méadracht** á nochtadh aige.

#### **Ceanglas maidir le Nochtadh BP-2 – Nochtaí i ndáil le himthosca sonracha**

AR 2. Féadfaidh an gnóthas a nochtadh cé acu atá nó nach bhfuil sé ag brath ar aon chaighdeán Eorpach arna bhformheas ag an gCóras Eorpach um Chaighdeánú (caighdeáin ISO/IEC nó CEN/CENELEC), chomh maith lena mhéid atá na sonraí agus na próisis a úsáidtear chun críoch tuairiscithe inbhuanaitheachta fíoraithe ag soláthraí dearbhúcháin seachtrach agus ar cinneadh ina leith go gcomhlíonann siad an caighdeán comhfhreagrach ISO/IEC nó CEN/CENELEC.

## 2. Rialachas

---

### ***Ceanglas maidir le Nochtadh GOV-1 – Ról na gcomhlachtaí riaracháin, bainistíochta agus maoirseachta***

---

AR 3. Agus cur síos á dhéanamh ar ról agus ar fhreagrachtaí na **gcomhlachtaí riaracháin, bainistíochta agus maoirseachta** maidir le **hábhair inbhuanaitheachta**, féadfaidh an gnóthas an méid seo a leanas a shonrú:

- (a) na gnéithe den inbhuanaitheacht ar a ndéantar maoirseacht, i dtaca leis na hábhair chomhshaoil, shóisialta agus rialachais a d'fhéadfadh a bheith roimh an ngnóthas, lena n-áirítear:
  - i. aon mheasúnú ar ghnéithe de straitéis agus de **shamhail ghnó** an ghnóthais a bhaineann le hinbhuanaitheacht agus aon athrú orthu;
  - ii. **rioscaí, deiseanna** agus **tionchair** ábhartha a shainaitheant agus a mheasúnú;
  - iii. **beartais** agus **spríocanna** gaolmhara, pleananna gníomhaíochta agus acmhainní tiomnaithe; agus
  - iv. tuairisciú um inbhuanaitheacht;
- (b) an fhoirm arna glacadh ag maoirseacht den sórt sin le haghaidh gach ceann de na gnéithe thuas: i.e., faisnéis, comhairliúchán nó cinnteoireacht; agus
- (c) an bealach a eagraítear agus a dhéantar foirmiú ar mhaoirseacht den sórt sin, i.e., próisis faoina n-oibríonn comhlachtaí riaracháin, bainistíochta agus maoirseachta leis na gnéithe sin den inbhuanaitheacht.

AR 4. Agus tuairisc á tabhairt ar eagrú rialachais an ghnóthais maidir le **hábhair inbhuanaitheachta**, féadfar cur síos ar struchtúr casta rialachais a chomhlánú lena gcur i láthair i bhfoirm léaráide.

AR 5. Féadfar bunús a thabhairt leis an tuairisc ar leibhéal saineolais nó rochtain ar shaineolas na **gcomhlachtaí riaracháin, bainistíochta agus maoirseachta** trí chomhdhéanamh na gcomhlachtaí a léiriú, lena n-áirítear comhaltaí ar a mbraitheann na comhlachtaí sin le haghaidh saineolais chun maoirseacht a dhéanamh ar **ábhair inbhuanaitheachta**, agus an chaoi a gcuireann siad le tionchar an tsaineolais sin mar chomhlacht. Sa tuairisc, breithneoidh an gnóthas an chaoi a bhfuil an saineolas agus na scileanna ábhartha maidir le **tionchair, rioscaí** agus **deiseanna** ábhartha an ghnóthais agus cé acu atá nó nach bhfuil rochtain ag na comhlachtaí agus/nó ag a chomhaltaí ar fhoinsí eile saineolais, amhail saineolaithe sonracha agus **oiliúint** shonrach agus tionscnaimh oideachais eile chun saineolas a bhaineann le hinbhuanaitheacht a thabhairt cothrom le dáta agus a fhorbairt laistigh de na comhlachtaí sin.

---

### ***Ceanglas maidir le Nochtadh GOV-2 – Faisnéis arna soláthar do chomhlachtaí riaracháin, bainistíochta agus maoirseachta an ghnóthais agus ábhair inbhuanaitheachta a dtugann siad aghaidh orthu***

---

AR 6. Ag brath ar struchtúr an ghnóthais, féadfaidh na **comhlachtaí riaracháin, bainistíochta agus maoirseachta** díriú ar **spríocanna** uileghabhálacha, agus díriú an bhainistíocht ar na spríocanna níos mionsonraithe. Sa chás sin, féadfaidh an gnóthas a nochtadh an chaoi a

n-áiríthíonn na comhlachtaí rialachais go bhfuil sásra iomchuí i bhfeidhm chun faireachán a dhéanamh ar fheidhmíocht.

### **Ceanglas maidir le Nochtadh GOV-3 – Feidhmíocht a bhaineann le hinbhuanaitheacht a chomhtháthú i scéimeanna dreasachta**

AR 7. I gcás gnóthais liostaithe, ba cheart don Cheanglas maidir le Nochtadh seo a bheith comhsheasmhach leis an tuarascáil luach saothair arna forordú in airteagail 9a agus 9b de Threoir 2007/36/CE maidir le cearta áirithe scairshealbhóirí a fheidhmiú i gcuideachtaí liostaithe. Faoi réir fhorálacha ESRS 1, míreanna 119, 120 agus 122, féadfaidh gnóthas liostaithe tagairt a dhéanamh dá thuarascáil luach saothair.

### **Ceanglas maidir le Nochtadh GOV-4 – Ráiteas maidir le dícheall cuí**

AR 8. Féadfar an mhapáil a cheanglaítear le mír 30 a chur i láthair i bhfoirm tábla, agus crostagairt a dhéanamh idir croí-eilimintí an díchill chuí, maidir le tionchair ar dhaoine agus ar an gcomhshaol, agus na nochtaí ábhartha i **ráiteas inbhuanaitheachta** an ghnóthais, mar a leagtar amach thíos.

AR 9. Féadfaidh an gnóthas colúin bhreise a chur leis an tábla thíos chun na nochtaí sin a bhaineann le tionchair ar dhaoine agus/nó ar an gcomhshaol a shainaithint go soiléir ag glacadh leis, i roinnt cásanna, go bhféadfadh níos mó ná nochtadh amháin faisnéis a sholáthar maidir leis an gcéim díchill chuí chéanna.

AR 10. Tá na príomhthagairtí in ionstraimí idirnáisiúnta Phrionsabail Threoracha na Náisiún Aontaithe maidir le Gnó agus Cearta an Duine agus i dTreoirínte ECFE le haghaidh Fiontair Ilnáisiúnta maidir le croí- eilimintí an phróisis díchill chuí liostaithe in ESRS 1 caibidil 4.

<b>CROÍ- EILIMINTÍ AN DÍCHILL CHUÍ</b>	<b>MÍREANNA SA RÁITEAS INBHUANAITHEACHTA</b>
a) An dícheall cuí a leabú i rialachas, straitéis agus samhail ghnó	
b) Oibriú le páirtithe leasmhara dá ndéantar difear i ngach príomhchéim den dícheall cuí	
c) Drochthionchair a shainaithint agus measúnú a dhéanamh orthu	
d) Gníomhaíochtaí a dhéanamh chun aghaidh a thabhairt ar na drochthionchair sin	
e) Éifeachtacht na n- iarrachtaí sin a rianú agus cumarsáid a dhéanamh	

### **Ceanglas maidir le Nochtadh GOV-5 – Bainistiú riosca agus rialuithe inmheánacha ar thuairisciú inbhuanaitheachta**

AR 11. Díríonn an Ceanglas maidir le Nochtadh seo ar na próisis rialaithe inmheánaigh ar an bpróiseas tuairiscithe um inbhuanaitheacht agus orthu sin amháin. Féadfaidh an gnóthas rioscaí a chur san áireamh amháin iomláine agus sláine na sonraí, cruinneas na dtorthaí meastacháin, infhaighteacht shonraí an **tslabhra luacha** réamhtheachtaigh agus iartheachtaigh, agus uainiú infhaighteacht na faisnéise.

### 3. Straitéis

---

#### ***Ceanglas maidir le Nochtadh SBM-1 – Straitéis, samhail ghnó agus slabhra luacha***

---

- AR 12. Chun an fhaisnéis faoi earnálacha a cheanglaítear le mír 40 a sholáthar, déanfaidh an gnóthas a ghníomhaíochtaí suntasacha a mhapáil i gcomhréir le hearnálacha ESRS. Murab ann do chód le haghaidh fo-earnála, úsáidfear an teideal 'eile'.
- AR 13. Chun críocha na noхтаí a cheanglaítear i mír 40, tá grúpa táirgí agus/nó seirbhísí a thairgtear, grúpa margaí agus/nó grúpaí custaiméirí ar a bhfreastalaítear, nó earnáil ESRS, suntasach don ghnóthas má chomhlíonann sé ceann amháin nó an dá cheann de na critéir seo a leanas:
- (a) is é a ghineann níos mó ná 10 faoin gcéad d'ioncam an ghnóthais;
  - (b) tá baint aige le tionchair iarbhir ábhartha nó le tionchair dhiúltacha ábhartha a d'fhéadfadh a bheith ag an ghnóthas.
- AR 14. Agus noхтаí a bhaineann lena shamhail ghnó agus lena **slabhra luacha** á n-ullmhú ag an gnóthas, déanfaidh sé an méid seo a leanas a mheas:
- (a) a phríomhghníomhaíochtaí, a acmhainní, a bhealaí dáileacháin agus a chatagóirí custaiméirí;
  - (b) a **phríomhchaidrimh ghnó** agus a bpríomhthréithe siúd, lena n-áirítear caidreamh le custaiméirí agus le **soláthróirí**;
  - (c) struchtúr costais agus ioncam a dheighleoga gnólachta, i gcomhréir le ceanglais noхта IFRS 8 sa ráiteas airgeadais, i gcás inarb infheidhme;
  - (d) na **tionchair, rioscaí** agus **deiseanna** a d'fhéadfadh a bheith ann ina earnáil nó ina earnálacha suntasacha agus an gaol a d'fhéadfadh a bheith acu lena **shamhail ghnó** féin nó lena **shlabhra luacha** féin.
- AR 15. Féadfaidh faisnéis chomhthéacsúil a bheith ábhartha go háirithe d'úsáideoirí ráiteas inbhuanaitheachta an ghnóthais, chun tuiscint a fháil ar a mhéid a áirítear faisnéis faoin **slabhra luacha** réamhtheachtach agus/nó iartheachtach sna noхтаí tuairiscithe. Ba cheart go dtacódh an tuairisc ar phríomhghnéithe den slabhra luacha réamhtheachtach agus/nó iartheachtach agus i gcás inarb infheidhme sainaitint príomhshlabhraí luacha le tuiscint ar an gcaoi a gcuireann an gnóthas i bhfeidhm ceanglais ESRS 1 caibidil 5 agus an measúnú **ábharthachta** a rinne an gnóthas i gcomhréir le ESRS 1 caibidil 3. Féadfar forléargas ardleibhéil a thabhairt sa tuairisc ar phríomhghnéithe na n-eintiteas sa slabhra luacha réamhtheachtach agus/nó iartheachtach lena léirítear a rannchuidiú coibhneasta le feidhmíocht agus seasamh an ghnóthais agus lena mínítear an chaoi a gcuireann siad le cruthú luacha eacnamaíoch an ghnóthais.

#### ***Ceanglas maidir le Nochtadh SBM-2 – Leasanna agus tuairimí páirtithe leasmhara***

---

- AR 16. D'fhéadfadh tuairimí agus leasanna na **bpáirtithe leasmhara** a chuirtear in iúl mar chuid de rannpháirtíocht an ghnóthais le páirtithe leasmhara trína phróiseas díchill chuí nó trína phróiseas/phróisis díchill chuí a bheith ábhartha do ghné amháin nó níos mó dá straitéis nó dá shamhail ghnó. Dá réir sin, d'fhéadfaidís difear a dhéanamh do chinntí an ghnóthais maidir le treo na straitéise nó na samhla ghnó amach anseo.

#### ***Ceanglas maidir le Nochtadh SBM-3 – Tionchair, rioscaí agus deiseanna ábhartha agus a n-idirghníomhaíocht le straitéis agus samhail ghnó***

---

- AR 17. Agus tuairisc á tabhairt aige ar an áit ina **shlabhra luacha** réamhtheachtach agus iartheachtach ina bhfuil **tionchair, rioscaí** agus **deiseanna** ábhartha comhchruinnithe, déanfaidh an gnóthas an méid seo a leanas a mheas: limistéir gheografacha, saoráidí nó

cineálacha sócmhainní, ionchuir, aschuir agus cainéil dáilte.

AR 18. Féadfar an nochtadh sin a shloinneadh i dtéarmaí tionchair amháin, riosca amháin nó deis amháin nó trí ghrúpaí de **thionchair**, **rioscaí** agus **deiseanna** ábhartha a chomhiomlánú, nuair a sholáthraíonn sé sin faisnéis níos ábhartha agus nuair nach ndéanann sé faisnéis ábhartha a fholú.

#### **4. Bainistiú tionchar, rioscaí agus deiseanna**

---

##### ***Ceanglas maidir le Nochtadh IRO-2 – Ceanglais maidir le Nochtadh in ESRS atá cumhdaithe ag ráiteas inbhuanaitheachta an ghnóthais***

---

AR 19. D'ainneoin an bhoinn le haghaidh chur i láthair na faisnéise faoi **ábhair inbhuanaitheachta** a áirítear in ESRS 1 caibidil 8 *Struchtúr an ráitis inbhuanaitheachta*, féadfaidh an gnóthas an liosta a nochtadh de na Ceanglais maidir le Nochtadh a comhlíonadh agus an **ráiteas inbhuanaitheachta** á ullmhú (féach mír 54) sa chuid den ráiteas inbhuanaitheachta a bhaineann le faisnéis ghinearálta nó i gcodanna eile den ráiteas inbhuanaitheachta de réir mar a mheasann sé a bheith iomchuí. Féadfaidh an gnóthas innéacs ábhair a úsáid, i.e., liosta i bhfoirm tábla de na Ceanglais maidir le Nochtadh a áirítear sa ráiteas inbhuanaitheachta, mar aon leis an táscair ar an áit a bhfuil siad (leathanach/míreanna).

##### ***Íoscheanglas maidir le Nochtadh – Beartais MDR-P – Beartais arna nglacadh chun ábhair inbhuanaitheachta ábhartha a bhainistiú***

---

AR 20. Mar gheall ar an idirspleáchas idir tionchair ar dhaoine agus ar an gcomhshaol, **rioscaí** agus **deiseanna**, féadfaidh feidhm a bheith ag **beartas** aonair maidir le roinnt **ábhar inbhuanaitheachta** ábhartha, lena n-áirítear ábhair a dtugann níos mó ná ESRS topaicshonrach amháin aghaidh orthu. Mar shampla, má chumhdaíonn beartas aonair ábhar comhshaoil agus ábhar sóisialta araon, féadfaidh an gnóthas tuairisciú ar an mbeartas sa chuid den **ráiteas inbhuanaitheachta** a bhaineann leis an gcomhshaol. Sa chás sin, ba chóir go mbeadh crostagairt sa roinn shóisialta don roinn chomhshaoil ina dtuairiscítear an beartas. Ar an gcuma chéanna, féadfar beartas a thuairisciú sa roinn shóisialta agus crostagairt a bheith ann dó sa roinn chomhshaoil.

AR 21. Sa tuairisc ar raon feidhme an **bheartais**, féadfar a mhíniú cé na gníomhaíochtaí agus/nó na codanna d'oibríochtaí an ghnóthais féin nó den **slabhra luacha** réamhtheachtach agus iartheachach lena mbaineann an beartas. Féadfar míniú a thabhairt freisin sa tuairisc ar na teorainneacha breise atá ábhartha don topaic shonrach nó d'imthosca an ghnóthais, mar shampla limistéir gheografacha, saolréanna, etc. I gcásanna áirithe, cuir i gcás mura gcumhdaíonn an beartas an slabhra luacha iomlán, féadfaidh an gnóthas faisnéis shoiléir a sholáthar maidir le méid an tslabhra luacha a chumhdaítear leis an mbeartas.

##### ***Íoscheanglas maidir le nochtadh – Gníomhaíochtaí MDR-A – Gníomhaíochtaí agus acmhainní i ndáil le hábhair inbhuanaitheachta ábhartha***

---

AR 22. Is iad na **príomhghníomhaíochtaí** i gcomhthéacs an **íoscheanglais seo maidir le Nochtadh** na gníomhaíochtaí sin a rannchuidíonn go hábhartha le cuspóirí an ghnóthais a bhaint amach maidir le dul i ngleic le **tionchair**, **rioscaí** agus **deiseanna** ábhartha. Ar chúiseanna sothuigtheachta, d'fhéadfaí príomhghníomhaíochtaí a chomhiomlánú i gcás inarb iomchuí.

AR 23. Féadfar faisnéis maidir le leithdháileadh acmhainní a chur i láthair i bhfoirm tábla agus í a mhiondealú idir caiteachas caipitiúil agus caiteachas oibriúcháin, agus thar na tréimhsí ama ábhartha, agus idir acmhainní arna gcur i bhfeidhm sa bhliain tuairiscithe reatha agus an leithdháileadh beartaithe acmhainní thar thréimhsí ama sonracha.

## 5. Méadracht agus spriocanna

### ***Íoscheanglas maidir le nochtadh – Spriocanna MDR-T – Éifeachtacht beartas agus gníomhaíochtaí a rianú trí spriocanna***

- AR 24. Agus **spriocanna** a bhaineann le tionchair ar an gcomhshaol a chosc nó a mhaolú á nochtadh ag an ngnóthas, tabharfaidh sé tús áite do spriocanna a bhaineann leis na tionchair a laghdú i ndearbhthéarmaí seachas i dtéarmaí coibhneasta. Nuair a thugann spriocanna aghaidh ar thionchair shóisialta a chosc nó a mhaolú, féadfar iad a shonrú i dtéarmaí na n-éifeachtaí ar chearta an duine, ar leas an duine nó ar thorthaí dearfacha do **pháirtithe leasmhara** dá ndéantar difear.
- AR 25. Féadfar an fhaisnéis faoin dul chun cinn atá déanta i dtreo na **spriocanna** a bhaint amach a chur i láthair i dtábla cuimsitheach, lena n-áirítear faisnéis faoin luach bonnlíne agus faoin spriocluach, faoi na garspriocanna, agus faoin bhfeidhmíocht a baineadh amach sna tréimhsí roimhe sin.
- AR 26. I gcás ina ndéanfaidh an gnóthas cur síos ar an dul chun cinn atá déanta maidir le cuspóirí **beartais** a bhaint amach in éagmais sprioc intomhaiste, féadfaidh sé bonnlíne a shonrú a ndéanfar an dul chun cinn a mheas ina leith. Mar shampla, féadfaidh an gnóthas measúnú a dhéanamh ar mhéadú **pá** faoi chéatadán áirithe dóibh siúd atá faoi bhun pá cóir; nó féadfaidh sé measúnú a dhéanamh ar cháilíocht a ghaolmhaireachtaí le pobail áitiúla trí thagairt do chion na saincheisteanna a tharraing pobail anuas agus a réitíodh chun sástachta dóibh. Bainfidh an bhonnlíne agus an measúnú ar an dul chun cinn leis na **tionchair, rioscaí** agus **deiseanna** atá mar bhonn taca le **hábharthacht** an ábhair a dtugtar aghaidh air sa bheartas.

### **Foscú B: Liosta na bpointí sonraí i gcaighdeáin thrasearnálacha agus i gcaighdeáin thopaicshonracha a eascraíonn as reachtaíocht eile an Aontais**

Is dlúthchuid de ESRS 2 í an fhoscú seo. Léirítear sa tábla thíos na pointí sonraí in ESRS 2 agus ESRS topaicshonrach a eascraíonn as reachtaíocht eile de chuid an Aontais.

<b>Ceanglas maidir le Nochtadh agus pointe sonraí gaolmhar</b>	<b>Tagairt<sup>23</sup> RIAI</b>	<b>Tagairt<sup>24</sup> Cholún 3</b>	<b>Tagairt don Rialachán tagarmhairc<sup>25</sup></b>	<b>Tagairt do Dhlí Aeráide an Aontais<sup>26</sup></b>
--	----------------------------------	--------------------------------------	---	--

<sup>23</sup>Rialachán (AE) 2019/2088 ó Pharlaimint na hEorpa agus ón gComhairle an 27 Samhain 2019 maidir le nochtaí ó thaobh na hinbhuanaitheachta de san earnáil airgeadais (an Rialachán maidir le Nochtaí um Airgeadas Inbhuanaithe) (IO L 317, 9.12.2019, Ich. 1)

<sup>24</sup>Rialachán (AE) Uimh. 575/2013 ó Pharlaimint na hEorpa agus ón gComhairle an 26 Meitheamh 2013 maidir le ceanglais stuamachta i gcomhair institiúidí creidmheasa agus gnólachtaí infheistíochta, agus lena leasaítear Rialachán (AE) Uimh. 648/2012 (an Rialachán maidir le Ceanglais Chaipitil 'CRR') (IO L 176, 27.6.2013, Ich. 1).

<sup>25</sup>Rialachán (AE) 2016/1011 ó Pharlaimint na hEorpa agus ón gComhairle an 8 Meitheamh 2016 maidir le hinnéacsanna a úsáidtear mar thagarmharcanna in ionstraimí airgeadais agus i gconarthaí airgeadais nó chun feidhmíocht cistí infheistíochta a thomhas agus lena leasaítear Treoir 2008/48/CE agus Treoir 2014/17/AE agus Rialachán (AE) Uimh. 596/2014 (IO L 171, 29.6.2016, Ich. 1).

<sup>26</sup>Rialachán (AE) 2021/1119 ó Pharlaimint na hEorpa agus ón gComhairle an 30 Meitheamh 2021 lena mbunaítear an creat chun aeráidneodracht a bhaint amach agus lena leasaítear Rialachán (CE) Uimh. 401/2009 agus (AE) 2018/1999 ('An Dlí Aeráide Eorpach') (IO L 243, 9.7.2021, Ich. 1).

<b>Ceanglas maidir le Nochtadh agus pointe sonraí gaolmhar</b>	<b>Tagairt<sup>23</sup> RNAI</b>	<b>Tagairt<sup>24</sup> Cholún 3</b>	<b>Tagairt don Rialachán tagarmhairc<sup>25</sup></b>	<b>Tagairt do Dhlí Aeráide an Aontais<sup>26</sup></b>
ESRS 2 GOV-1 Éagsúlacht inscne an Bhoird mír 21 (d)	Táscaire uimhir 13 Tábla #1 d'larscríbhinn 1		Rialachán Tarmligthe (AE) 2020/1816 ón gCoimisiún <sup>27</sup> , larscríbhinn II	
ESRS 2 GOV-1 An céatadán de chomhaltaí an bhoird atá neamhspleách mír 21 (e)			Rialachán Tarmligthe (AE) 2020/1816 ón gCoimisiún, larscríbhinn II	
ESRS 2 GOV-4 Ráiteas maidir le dícheall cúí mír 30	Táscaire uimhir 10 Tábla #3 d'larscríbhinn 1			
ESRS 2 SBM-1 Rannpháirtíocht i ngníomhaíochtaí a bhaineann le gníomhaíochtaí breoslaí iontaise fuinneamh mír 40 (d) i	Táscairí uimhir 4 Tábla #1 d'larscríbhinn 1	Airteagal 449 a de Rialachán (AE) Uimh. 575/2013 Rialachán Cur Chun Feidhme (AE) 2022/2453 ón gCoimisiún <sup>28</sup> Tábla 1: Faisnéis cháilíochtúil maidir le riosca Comhshaoil agus Tábla 2: Faisnéis cháilíochtúil maidir le riosca Sóisialta	Rialachán Tarmligthe (AE) 2020/1816 ón gCoimisiún, larscríbhinn II	
ESRS 2 SBM-1 Rannpháirtíocht i ngníomhaíochtaí a bhaineann le táirgeadh ceimiceach mír 40 (d) ii	Táscaire uimhir 9 Tábla #2 d'larscríbhinn 1		Rialachán Tarmligthe (AE) 2020/1816 ón gCoimisiún, larscríbhinn II	

<sup>27</sup>Rialachán Tarmligthe (AE) 2020/1816 ón gCoimisiún an 17 Iúil 2020 lena bhforlíontar Rialachán (AE) 2016/1011 ó Pharlaimint na hEorpa agus ón gComhairle a mhéid a bhaineann leis an míniú sa ráiteas tagarmhairc ar an gcaoi a léirítear fachtóirí comhshaoil, sóisialta agus rialachais i ngach tagarmhairc a sholáthraítear agus a fhoilsítear (IO L 406, 3.12.2020, lch. 1).

<sup>28</sup>Rialachán Cur Chun Feidhme (AE) 2022/2453 ón gCoimisiún an 30 Samhain 2022 lena leasaítear na caighdeáin theicniúla cur chun feidhme a leagtar síos i Rialachán Cur Chun Feidhme (AE) 2021/637 a mhéid a bhaineann le rioscaí comhshaoil, sóisialta agus rialachais a nochtadh (IO L 324, 19.12.2022, lch. 1.).

<b>Ceanglas maidir le Nochtadh agus pointe sonraí gaolmhar</b>	<b>Tagairt<sup>23</sup> RNAI</b>	<b>Tagairt<sup>24</sup> Cholún 3</b>	<b>Tagairt don Rialachán tagarmhairc<sup>25</sup></b>	<b>Tagairt do Dhlí Aeráide an Aontais<sup>26</sup></b>
ESRS 2 SBM-1 Rannpháirtíocht i ngníomhaíochtaí a bhaineann le hairm chonspóideacha  mír 40 (d) iii	Táscaire uimhir 14 Tábla #1 d'larscríbhinn 1		Rialachán Tarmligthe (AE) 2020/1818 ón gCoimisiún <sup>29</sup> , Airteagal 12(1) de Rialachán Tarmligthe (AE) 2020/1816 ón gCoimisiún, larscríbhinn II	
ESRS 2 SBM-1 Rannpháirtíocht i ngníomhaíochtaí a bhaineann le saothrú agus táirgeadh tobac mír 40 (d) iv			Rialachán Tarmligthe (AE) 2020/1818 ón gCoimisiún, Airteagal 12(1) de Rialachán Tarmligthe (AE) 2020/1816 ón gCoimisiún, larscríbhinn II	
ESRS E1-1 Plean aistrithe chun aeráidneodracht a bhaint amach faoi 2050 mír 14				Rialachán (AE) 2021/1119, Airteagal 2(1)
ESRS E1-1 Gnóthais eisiata ó Thagarmharcanna atá ailínithe le Comhaontú Pháras mír 16 (g)		Airteagal 449a Rialachán (AE) Uimh. 575/2013 ; Rialachán Cur Chun Feidhme (AE) 2022/2453 ón gCoimisiún Teimpléad 1: Leabhar baincéireachta — Riosca aistrithe maidir leis an Athrú Aeráide: Cáilíocht chreidmheasa na neamhchosaintí de réir na hearnála, astaíochtaí agus aibíocht iarmharach	Rialachán Tarmligthe (AE) 2020/1818 ón gCoimisiún, Airteagal 12.1 (d) go (g) agus Airteagal 12.2.	
ESRS E1-4 Astaíocht GCT spriocanna laghdaithe mír 34	Táscaire uimhir 4 Tábla #2 d'larscríbhinn 1	Airteagal 449a Rialachán (AE) Uimh. 575/2013; Rialachán Cur Chun Feidhme (AE)	Rialachán Tarmligthe (AE) 2020/1818 ón gCoimisiún, Airteagal 6	

<sup>29</sup>Rialachán Tarmligthe (AE) 2020/1818 ón gCoimisiún an 17 Iúil 2020 lena bhforlíontar Rialachán (AE) 2016/1011 ó Pharlaimint na hEorpa agus ón gComhairle a mhéid a bhaineann le híoschaighdeán i gcomhair Thagarmharcanna Aistrithe Aeráide AE agus Thagarmharcanna AE atá ailínithe le Comhaontú Pháras (IO L 406, 3.12.2020, lch. 17).

Ceanglas maidir le Nochtadh agus pointe sonraí gaolmhar	Tagairt <sup>23</sup> RNAI	Tagairt <sup>24</sup> Cholún 3	Tagairt don Rialachán tagarmhairc <sup>25</sup>	Tagairt do Dhlí Aeráide an Aontais <sup>26</sup>
		2022/2453 ón gCoimisiún Teimpléad 3: Leabhar baincéireachta — Riosca aistrithe maidir leis an athrú aeráide: méadrachtaí um ailíniú		
ESRS E1-5 Ídiú fuinnimh ó fhoinsí iontaise dí- chomhiomlánaithe de réir foinsí (earnálacha aeráide ardtionchair amháin) mír 38	Táscaire uimhir 5 Tábla #1 agus Táscaire uimhir 5 Tábla #2 d'larscríbhinn 1			
ESRS E1-5 Tomhaltas fuinnimh agus meascán fuinnimh mír 37	Táscaire uimhir 5 Tábla #1 d'larscríbhinn 1			
ESRS E1-5 Déine fuinnimh bainteach le gníomhaíochtaí in earnálacha aeráide ardtionchair míreanna 40 go 43	Táscaire uimhir 6 Tábla #1 d'larscríbhinn 1			
ESRS E1-6 Oll- astaíochtaí GCT Scóipeanna 1, 2, 3 agus astaíochtaí GCT iomlána mír 44	Táscairí uimhir 1 agus uimhir 2 Tábla #1 d'larscríbhinn 1	Airteagal 449 a; Rialachán (AE) Uimh. 575/2013; Rialachán Cur Chun Feidhme (AE) 2022/2453 ón gCoimisiún Teimpléad 1: Leabhar baincéireachta — Riosca aistrithe maidir leis an athrú aeráide: Cáilíocht chreidmheasa na neamhchosaint í de réir na hearnála, astaíochtaí agus aibíocht iarmharach	Rialachán Tarmligthe (AE) 2020/1818 ón gCoimisiún, Airteagail 5(1), 6 agus 8(1)	
ESRS E1-6 Déine astaíochtaí comhlána	Táscairí uimhir 3 Tábla #1 d'larscríbhinn 1	Airteagal 449 a de Rialachán (AE)	Rialachán Tarmligthe (AE) 2020/1818 ón	

Ceanglas maidir le Nochtadh agus pointe sonraí gaolmhar	Tagairt <sup>23</sup> RNAI	Tagairt <sup>24</sup> Cholún 3	Tagairt don Rialachán tagarmhairc <sup>25</sup>	Tagairt do Dhlí Aeráide an Aontais <sup>26</sup>
GCT míreanna 53 go 55		Uimh. 575/2013 Rialachán Cur Chun Feidhme (AE) 2022/2453 ón gCoimisiún Teimpléad 3: Leabhar baincéireachta — Riosca aistrithe maidir leis an athrú aeráide: méadrachtaí um ailíniú	gCoimisiún, Airteagal 8(1)	
ESRS E1-7 Aistrithe GCT agus creidmheasanna carbóin mír 56				Rialachán (AE) 2021/1119, Airteagal 2(1)
ESRS E1-9 Neamhchosaint na punainne tagarmhairc do rioscaí fisiceacha a bhaineann leis an aeráid mír 66			Rialachán Tarmligthe (AE) 2020/1818 ón gCoimisiún, larscríbhinn II a ghabhann le Rialachán Tarmligthe (AE) 2020/1816 ón gCoimisiún, larscríbhinn II	
ESRS E1-9 Méideanna airgeadaíochta a dhí-chomhiomlánú de réir rioscaí fisiceacha géara agus ainsealacha mír 66 (a)  ESRS E1-9 Suíomh na sócmhainní suntasacha atá faoi riosca fisiceach ábhartha mír 66 (c).		Airteagal 449 a de Rialachán (AE) Uimh. 575/2013 Rialachán Cur Chun Feidhme (AE) 2022/2453 ón gCoimisiún míreanna 46 agus 47: Teimpléad 5: Leabhar baincéireachta — Riosca fisiceach maidir leis an athrú aeráide: Neamhchosaintí faoi réir riosca fisiceach.		
ESRS E1-9 Miondealú de shuim ghlanluacha a shócmhainní eastáit réadaigh de réir aicmí éifeachtúlachta		Airteagal 449 a de Rialachán (AE) Uimh. 575/2013 Rialachán Cur		

<b>Ceanglas maidir le Nochtadh agus pointe sonraí gaolmhar</b>	<b>Tagairt<sup>23</sup> RNAI</b>	<b>Tagairt<sup>24</sup> Cholún 3</b>	<b>Tagairt don Rialachán tagarmhairc<sup>25</sup></b>	<b>Tagairt do Dhlí Aeráide an Aontais<sup>26</sup></b>
fuinnimh mír 67 (c).		Chun Feidhme (AE) 2022/2453 ón gCoimisiún mír 34; Teimpléad 2: Leabhar baincéireachta — Riosca aistrithe maidir leis an athrú aeráide: lasachtaí atá comhthaobhait he le maoin dhochorraithe – Éifeachtúlacht fuinnimh na comhthaobhachta		
ESRS E1-9 Méid neamhchosaint na punainne do dheiseanna a bhaineann leis an aeráid mír 69			Rialachán Tarmligthe (AE) 2020/1818 ón gCoimisiún, larscríbhinn II	
ESRS E2-4 An méid truaileán a liostaítear in larscríbhinn II den Rialachán E-PRTR (an Clár Eorpach um Scaoileadh Amach agus Aistriú Truaileán) a astaítear san aer, san uisce agus san ithir, mír 28	Táscaire uimhir 8 Tábla #1 d'larscríbhinn 1 Táscaire uimhir 2 Tábla #2 d'larscríbhinn 1 Táscaire uimhir 1 Tábla #2 d'larscríbhinn 1 Táscaire uimhir 3 Tábla #2 d'larscríbhinn 1			
ESRS E3-1 Uisce agus acmhainní muirí mír 9	Táscaire uimhir 7 Tábla #2 d'larscríbhinn 1			
ESRS E3-1 Beartas tiomnaithe mír 13	Táscaire uimhir 8 Tábla 2 d'larscríbhinn 1			
ESRS E3-1 Aigéin agus farraigí inbhuanaithe mír 14	Táscaire uimhir 12 Tábla #2 d'larscríbhinn 1			
ESRS E3-4 An t-uisce iomlán a athchúrsáiltear agus a athúsáidtear mír 28 (c)	Táscaire uimhir 6.2 Tábla #2 d'larscríbhinn 1			
ESRS E3-4 An tomhaltas iomlán uisce in m <sup>3</sup> in aghaidh an ghlanioncaim ó oibríochtaí dílse mír 29	Táscaire uimhir 6.1 Tábla #2 d'larscríbhinn 1			

<b>Ceanglas maidir le Nochtadh agus pointe sonraí gaolmhar</b>	<b>Tagairt<sup>23</sup> RNAI</b>	<b>Tagairt<sup>24</sup> Cholún 3</b>	<b>Tagairt don Rialachán tagarmhairc<sup>25</sup></b>	<b>Tagairt do Dhlí Aeráide an Aontais<sup>26</sup></b>
ESRS 2- IRO 1 - E4 mír 16 (a) i	Táscaire uimhir 7 Tábla #1 d'larscríbhinn 1			
ESRS 2- IRO 1 - E4 mír 16 (b)	Táscaire uimhir 10 Tábla #2 d'larscríbhinn 1			
ESRS 2- IRO 1 - E4 mír 16 (c)	Táscaire uimhir 14 Tábla #2 d'larscríbhinn 1			
ESRS E4-2 Cleachtais nó beartais talún / talmhaíochta inbhuanaithe mír 24 (b)	Táscaire uimhir 11 Tábla #2 d'larscríbhinn 1			
ESRS E4-2 Cleachtais nó beartais aigéan / farraigí inbhuanaithe mír 24 (c)	Táscaire uimhir 12 Tábla #2 d'larscríbhinn 1			
ESRS E4-2 Beartais chun aghaidh a thabhairt ar an dífhoraoisiú mír 24 (d)	Táscaire uimhir 15 Tábla #2 d'larscríbhinn 1			
ESRS E5-5 Dramhaíl neamh-athchúrsáilte mír 37 (d)	Táscaire uimhir 13 Tábla #2 d'larscríbhinn 1			
ESRS E5-5 Dramhaíl ghuaiseach agus dramhaíl radaighníomhach mír 39	Táscaire uimhir 9 Tábla #1 d'larscríbhinn 1			
ESRS 2- SBM3 - S1 Riosca i leith teagmhais saothair éignithe mír 14 (f)	Táscaire uimhir 13 Tábla #3 d'larscríbhinn I			
ESRS 2- SBM3 - S1 Riosca i leith teagmhais saothair leanaí mír 14 (g)	Táscaire uimhir 12 Tábla #3 d'larscríbhinn I			
ESRS S1-1 Tiomantais sa bheartas maidir le cearta an duine mír 20	Táscaire uimhir 9 Tábla #3 agus Táscaire uimhir 11 Tábla #1 d'larscríbhinn I			
ESRS S1-1 Beartais díchill chuí maidir le saincheisteanna ar a dtugtar aghaidh le Coinbhinsiún bhunúsacha na hEagraíochta Idirnáisiúnta			Rialachán Tarmligthe (AE) 2020/1816 ón gCoimisiún, larscríbhinn II	

<b>Ceanglas maidir le Nochtadh agus pointe sonraí gaolmhar</b>	<b>Tagairt<sup>23</sup> RNAI</b>	<b>Tagairt<sup>24</sup> Cholún 3</b>	<b>Tagairt don Rialachán tagarmhairc<sup>25</sup></b>	<b>Tagairt do Dhlí Aeráide an Aontais<sup>26</sup></b>
Saothair, 1 go 8, mír 21				
ESRS S1-1 próisis agus bearta chun gáinneáil ar dhaoine a chosc mír 22	Táscaire uimhir 11 Tábla #3 d'larscríbhinn I			
ESRS S1-1 beartas nó córas bainistíochta chun tionóiscí tionsclaíocha a chosc mír 23	Táscaire uimhir 1 Tábla #3 d'larscríbhinn I			
ESRS S1-3 sásraí láimhseála casaoidí/gearán mír 32 (c)	Táscaire uimhir 5 Tábla #3 d'larscríbhinn I			
ESRS S1-14 An líon básanna agus líon agus ráta na dtionóiscí a bhaineann leis an obair mír 88 (b) agus (c)	Táscaire uimhir 2 Tábla #3 d'larscríbhinn I		Rialachán Tarmligthe (AE) 2020/1816 ón gCoimisiún, larscríbhinn II	
ESRS S1-14 An líon laethanta a cailleadh de dheasca díobhálacha, timpistí, básanna nó tinnis mír 88 (e)	Táscaire uimhir 3 Tábla #3 d'larscríbhinn I			
ESRS S1-16 Bearna phá neamhchoigeartaithe idir na hinscní mír 97 (a)	Táscaire uimhir 12 Tábla #1 d'larscríbhinn I		Rialachán Tarmligthe (AE) 2020/1816 ón gCoimisiún, larscríbhinn II	
ESRS S1-16 Cóimheas pá POF iomarcach mír 97 (b)	Táscaire uimhir 8 Tábla #3 d'larscríbhinn I			
ESRS S1-17 Teagmhais idirdhealaithe, mír 103 (a)	Táscaire uimhir 7 Tábla #3 d'larscríbhinn I			
ESRS S1-17 Neamh-urraim do Phrionsabail Threoracha na Náisiún Aontaithe maidir le Gnó agus Cearta an Duine agus ECFE mír 104 (a)	Táscaire uimhir 10 Tábla #1 agus Táscaire uimhir 14 Tábla #3 d'larscríbhinn I		Rialachán Tarmligthe (AE) 2020/1816 ón gCoimisiún, larscríbhinn II a ghabhann le Rialachán Tarmligthe (AE) 2020/1818 ón gCoimisiún, Airteagal 12 (1)	
ESRS 2- SBM3 – S2 Riosca suntasach de shaothar leanáí nó	Táscairí uimhir 12 agus uimhir 13 Tábla #3			

<b>Ceanglas maidir le Nochtadh agus pointe sonraí gaolmhar</b>	<b>Tagairt<sup>23</sup> RNAI</b>	<b>Tagairt<sup>24</sup> Cholún 3</b>	<b>Tagairt don Rialachán tagarmhairc<sup>25</sup></b>	<b>Tagairt do Dhlí Aeráide an Aontais<sup>26</sup></b>
saothar éignithe sa slabhra luacha mír 11 (b)	d'larscríbhinn 1			
ESRS S2-1 Tiomantais sa bheartas maidir le cearta an duine mír 17	Táscaire uimhir 9 Tábla #3 agus Táscaire uimhir 11 Tábla #1 d'larscríbhinn 1			
ESRS S2-1 – Beartais a bhaineann le hoidirthe slabhra luacha mír 18	Táscaire uimhir 11 agus uimhir 4 Tábla #3 d'larscríbhinn 1			
ESRS S2-1 Neamh-urraim do Phrionsabail Threoracha na Náisiún Aontaithe maidir le Gnó agus Cearta an Duine agus do threoirlínte ECFE mír 19	Táscaire uimhir 10 Tábla #1 d'larscríbhinn 1		Rialachán Tarmligthe (AE) 2020/1816 ón gCoimisiún, larscríbhinn II a ghabhann le Rialachán Tarmligthe (AE) 2020/1818 ón gCoimisiún, Airteagal 12 (1)	
ESRS S2-1 Beartais díchill chuí maidir le saincheisteanna ar a dtugtar aghaidh le Coinbhinsiún bhunúsacha na hEagraíochta Idirnáisiúnta Saothair, 1 go 8, mír 19			Rialachán Tarmligthe (AE) 2020/1816 ón gCoimisiún, larscríbhinn II	
ESRS S2-4 Saincheisteanna agus teagmhais maidir le cearta an duine atá nasctha lena shlabhra luacha réamhtheachtach agus iartheachtach mír 36	Táscaire uimhir 14 Tábla #3 d'larscríbhinn 1			
ESRS S3-1 Tiomantais i mbeartas chearta an duine mír 16	Táscaire uimhir 9 Tábla #3 d'larscríbhinn 1 agus Táscaire uimhir 11 Tábla #1 d'larscríbhinn 1			
ESRS S3-1 neamh-urraim do Phrionsabail Threoracha na Náisiún	Táscaire uimhir 10 Tábla #1 d'larscríbhinn 1		Rialachán Tarmligthe (AE) 2020/1816 ón gCoimisiún,	

<b>Ceanglas maidir le Nochtadh agus pointe sonraí gaolmhar</b>	<b>Tagairt<sup>23</sup> RNAI</b>	<b>Tagairt<sup>24</sup> Cholún 3</b>	<b>Tagairt don Rialachán tagarmhairc<sup>25</sup></b>	<b>Tagairt do Dhlí Aeráide an Aontais<sup>26</sup></b>
Aontaithe maidir le Gnó agus Cearta an Duine, do phrionsabail EIS nó agus do threoirlínte ECFE mír 17			larscríbhinn II a ghabhann le Rialachán Tarmligthe (AE) 2020/1818 ón gCoimisiún, Airteagal 12 (1)	
ESRS S3-4 Saincheisteanna agus teagmhais maidir le cearta an duine mír 36	Táscaire uimhir 14 Tábla #3 d'larscríbhinn 1			
ESRS S4-1 Beartais a bhaineann le tomhaltóirí agus úsáideoirí deiridh mír 16	Táscaire uimhir 9 Tábla #3 agus Táscaire uimhir 11 Tábla #1 d'larscríbhinn 1			
ESRS S4-1 Neamh-urraim do Phrionsabail Threoracha na Náisiún Aontaithe maidir le Gnó agus Cearta an Duine agus do threoirlínte ECFE mír 17	Táscaire uimhir 10 Tábla #1 d'larscríbhinn 1		Rialachán Tarmligthe (AE) 2020/1816 ón gCoimisiún, larscríbhinn II a ghabhann le Rialachán Tarmligthe (AE) 2020/1818 ón gCoimisiún, Airteagal 12 (1)	
ESRS S4-4 Saincheisteanna agus teagmhais maidir le cearta an duine mír 35	Táscaire uimhir 14 Tábla #3 d'larscríbhinn 1			
ESRS G1-1 Coinbhinsiún na Náisiún Aontaithe in aghaidh an Éillithe mír 10 (b)	Táscaire uimhir 15 Tábla #3 d'larscríbhinn 1			
ESRS G1-1 Sceithirí a chosaint mír 10 (d)	Táscaire uimhir 6 Tábla #3 d'larscríbhinn 1			
ESRS G1-4 Fíneálacha i leith sárú ar dhlíthe frithéillithe agus frithbhreabaireachta mír 24 (a)	Táscaire uimhir 17 Tábla #3 d'larscríbhinn 1		Rialachán Tarmligthe (AE) 2020/1816 ón gCoimisiún, larscríbhinn II)	
ESRS G1-4 Caighdeán frithéillithe agus frithbhreabaireachta mír 24 (b)	Táscaire uimhir 16 Tábla #3 d'larscríbhinn 1			

## **Foscraibhinn C: Ceanglais maidir le Nochtadh agus Ceanglais maidir le Cur i bhFeidhm in ESRS topaicshonracha is infheidhme i gcomhar le ESRS 2 Nochtaí ginearálta**

Is dlúthchuid de ESRS 2 í an fhoscraibhinn seo agus tá an t-údarás céanna aici agus atá ag na codanna eile den Chaighdeán. Leagtar amach sa tábla seo a leanas na ceanglais in ESRS topaicshonracha nach mór a chur san áireamh agus tuairisciú á dhéanamh in aghaidh na gCeanglas maidir le Nochtadh in ESRS 2.

<b>ESRS 2 Nochtadh Ceanglas</b>	<b>An mhír ghaolmhar de ESRS</b>
<b>GOV-1 – Ról na gcomhlachtaí riaracháin, bainistíochta agus maoirseachta</b>	ESRS G1 <i>Iompar gnó</i> (mír 5)
<b>GOV-3 Feidhmíocht a bhaineann le hinbhuanaitheacht a chomhtháthú i scéimeanna dreasachta</b>	ESRS E1 <i>Athrú aeráide</i> (mír 13)
<b>SMB –2 Leasanna agus tuairimí páirtithe leasmhara</b>	ESRS S1 <i>Lucht saothair dílis</i> (mír 12) ESRS S2 <i>Oibríthe sa slabhra luacha</i> (mír 9) ESRS S3 <i>Pobail dá ndéantar difear</i> (mír 7) ESRS S4 <i>Tomhaltóirí agus úsáideoirí deiridh</i> (mír 8)
<b>SBM-3 Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó</b>	ESRS E1 <i>Athrú Aeráide</i> (míreanna 18 go 19) ESRS E4 <i>Bithéagsúlacht agus éiceachórais</i> (mír 16) ESRS S1 <i>Lucht saothair dílis</i> (míreanna 13 go 16) ESRS S2 <i>Oibríthe sa slabhra luacha</i> (míreanna 10 go 13) ESRS S3 <i>Pobail dá ndéantar difear</i> (míreanna 8 go 11) ESRS S4 <i>Tomhaltóirí agus úsáideoirí deiridh</i> (míreanna 9 go 12)
<b>IRO-1 – Tuairisc ar na próisis chun tionchair, rioscaí agus deiseanna ábhartha a shainaithint agus a mheasúnú</b>	ESRS E1 <i>Athrú aeráide</i> (míreanna 20 go 21) ESRS E2 <i>Truailliú</i> (mír 11) ESRS E3 <i>Uisce agus acmhainní mairí</i> (mír 8) ESRS E4 <i>Bithéagsúlacht agus éiceachórais</i> (míreanna 17 go 19) ESRS E5 <i>Úsáid acmhainní agus an geilleagar ciorclach</i> (mír 11) ESRS G1 <i>Iompar gnó</i> (mír 6)

### **ESRS E1** **ATHRÚ AERÁIDE**

#### **Clár ábhar**

##### **Cuspóir**

**Idirghníomhaíochtaí le ESRS eile**  
**Ceanglais maidir le Nochtadh**

- **ESRS 2 Nochtaí ginearálta**

##### **Rialachas**

- **Ceanglas maidir le Nochtadh a bhaineann le ESRS 2 GOV-3 – Feidhmíocht a**

bhaineann le hinbhuanaitheacht a chomhtháthú i scéimeanna dreasachta

#### Straitéis

- Ceanglas maidir le Nochtadh E1-1 – Plean aistrithe maidir le maolú ar an athrú aeráide
- Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó

#### Bainistiú tionchar, rioscaí agus deiseanna

- Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann leis an aeráid a shainaithint agus a mheasúnú
- Ceanglas maidir le Nochtadh E1-2 – Beartais a bhaineann le maolú ar an athrú aeráide agus le hoiriúnú don athrú aeráide
- Ceanglas maidir le Nochtadh E1-3 – Gníomhaíochtaí agus acmhainní i ndáil le beartais don athrú aeráide

#### Méadracht agus spriocanna

- Ceanglas maidir le Nochtadh E1-4 – Spriocanna a bhaineann le maolú ar an athrú aeráide agus le hoiriúnú don athrú aeráide
- Ceanglas maidir le Nochtadh E1-5 – Tomhaltas fuinnimh agus meascán fuinnimh
- Ceanglas maidir le Nochtadh E1-6 – Oll-astaíochtaí Scóip 1, 2, 3 agus lomlán na n-astaíochtaí GCT
- Ceanglas maidir le Nochtadh E1-7 – Aistrithe GCT agus tionscadail maolaithe GCT arna maoiniú trí chreidmheasanna carbóin
- Ceanglas maidir le Nochtadh E1-8 – Praghsáil inmheánach carbóin
- Ceanglas maidir le Nochtadh E1-9 – Éifeachtaí airgeadais a bhfuil coinne leo ó rioscaí fisiceacha ábhartha agus rioscaí aistrithe ábhartha agus deiseanna ionchasacha a bhaineann leis an aeráid

Foscraibhinn A: Ceanglais maidir le Cur i bhFeidhm

- ESRS 2 Nochtaí ginearálta

#### Straitéis

- Ceanglas maidir le Nochtadh E1-1 – Plean aistrithe maidir le maolú ar an athrú aeráide

#### Bainistiú tionchar, rioscaí agus deiseanna

- Ceanglas maidir le Nochtadh E1-2 – Beartais a bhaineann le maolú ar an athrú aeráide agus le hoiriúnú don athrú aeráide
- Ceanglais maidir le Nochtadh E1-3 – Gníomhaíochtaí agus acmhainní i ndáil le beartais don athrú aeráide

#### Méadracht agus spriocanna

- Ceanglas maidir le Nochtadh E1-4 – Spriocanna a bhaineann le maolú ar an athrú aeráide agus le hoiriúnú don athrú aeráide
- Ceanglas maidir le Nochtadh E1-5 – Tomhaltas fuinnimh agus meascán fuinnimh
- Ceanglais maidir le Nochtadh E1-6 – Oll-astaíochtaí Scóip 1, 2, 3 agus lomlán na n-astaíochtaí GCT
- Ceanglas maidir le Nochtadh E1-7 – Aistrithe GCT agus tionscadail maolaithe GCT arna maoiniú trí chreidmheasanna carbóin
- Ceanglas maidir le Nochtadh E1-8 – Praghsáil inmheánach carbóin
- Ceanglas maidir le Nochtadh E1-9 – Éifeachtaí airgeadais a bhfuil coinne leo ó rioscaí fisiceacha ábhartha agus rioscaí aistrithe ábhartha agus deiseanna ionchasacha a bhaineann leis an aeráid

## Cuspóir

---

1. Is é cuspóir an Chaighdeáin seo na Ceanglais maidir le Nochtadh a shonrú a chuirfidh ar a gcumas d'úsáideoirí ***ráiteas inbhuanaitheachta*** na nithe seo a leanas a thuiscint:

- (a) an dóigh a ndéanann an gnóthas difear don athrú aeráide, i dtéarmaí na dtionchar ábhartha – idir dhearfach agus diúltach, idir iarbhir agus ionchasach;
- (b) iarrachtaí maolaithe an ghnóthais san am a chuaigh thart, atá ann faoi láthair agus a bheidh ann amach anseo i gcomhréir le Comhaontú Pháras (nó comhaontú idirnáisiúnta nuashonraithe maidir leis an athrú aeráide) agus atá comhoiriúnach leis an téamh domhanda a theorannú go 1.5 °C;
- (c) pleananna agus acmhainneacht an ghnóthais a straitéis agus a shamhail ghnó a oiriúnú, i gcomhréir leis an aistriú chuig geilleagar inbhuanaithe agus rannchuidiú leis an téamh domhanda a theorannú go 1.5 °C;
- (d) aon **ghníomhaíocht** eile a dhéanann an gnóthas, agus toradh na ngníomhaíochtaí sin chun tionchair dhiúltacha iarbhir nó fhéideartha a chosc, a mhaolú nó a leigheas, agus chun aghaidh a thabhairt ar **rioscaí** agus **deiseanna**;
- (e) nádúr, cineál agus méid rioscaí agus deiseanna ábhartha an ghnóthais a eascraíonn as tionchair agus as **spleáchais** an ghnóthais ar an athrú aeráide, agus an dóigh a mbainistíonn an gnóthas iad; agus
- (f) na **héifeachtaí airgeadais** ar an gnóthas sa ghearrthéarma, sa mheántéarma nó san fhadtéarma a bhaineann leis na rioscaí agus na deiseanna a eascraíonn as tionchair agus as spleáchais an ghnóthais ar an athrú aeráide.
2. Cuirtear san áireamh sna Ceanglais maidir le Nochtadh den Chaighdeán seo ceanglais reachtaíocht agus rialachán gaolmhar an Aontais (i.e., an Rialachán maidir leis an Dlí Aeráide Eorpach<sup>30</sup>, an Rialachán maidir le Caighdeáin Tagarmhairc Aeráide<sup>31</sup>, an Rialachán maidir le Nochtaí um Airgeadas Inbhuanaithe (RNAI)<sup>32</sup>, Tacsanomaíocht AE<sup>33</sup>, agus ceanglais maidir le nochtadh i gColún 3 ÚBE<sup>34</sup>).
3. Cumhdaítear leis an gCaighdeán seo na Ceanglais maidir le Nochtadh a bhaineann leis na **hábhair inbhuanaitheachta seo a leanas: ‘Maolú ar an athrú aeráide’** agus **‘Oiriúnú don athrú aeráide’**. Cumhdaítear ann freisin ábhair a bhaineann le fuinneamh, a mhéid atá siad ábhartha don athrú aeráide.
4. Baineann **maolú ar an athrú aeráide** le hiarrachtaí an ghnóthais maidir leis an bpróiseas ginearálta chun an méadú ar an meánteocht dhomhanda a theorannú go 1.5 °C os cionn na leibhéal réamhthionsclaíoch i gcomhréir le Comhaontú Pháras. Cumhdaítear leis an gCaighdeán seo ceanglais maidir le nochtadh a bhaineann leis na seacht **ngás ceaptha teasa (GCT)**, dé-ocsaíd charbóin (CO<sub>2</sub>), meatán (CH<sub>4</sub>), ocsaíd nítríúil (N<sub>2</sub>O), hidreafluaracarbóin (HFCanna), sárfluoracarbóin (PCFanna), heicseafluairíd sulfair (SF<sub>6</sub>) agus trífluairíd nítrigine (NF<sub>3</sub>) ach gan a bheith teoranta dóibh. Cumhdaítear leis freisin Ceanglais maidir le Nochtadh i dtaca leis an gcaoi a dtugann an gnóthas aghaidh ar a **astaíochtaí** gás ceaptha teasa chomh maith leis na **rioscaí aistrithe** gaolmhara.
5. Baineann **oiriúnú don athrú aeráide** le próiseas coigeartaithe an ghnóthais don athrú aeráide iarbhir agus don athrú aeráide a mheastar a bheidh ann.
6. Cumhdaítear leis an gCaighdeán seo Ceanglais maidir le Nochtadh i dtaca le guaiseacha a bhaineann leis an aeráid a bhféadfadh rioscaí fisiceacha aeráide a bheith mar thoradh orthu

<sup>30</sup>Rialachán (AE) 2021/1119 ó Pharlaimint na hEorpa agus ón gComhairle an 30 Meitheamh 2021 lena mbunaítear an creat chun aeráidneodracht a bhaint amach agus lena leasaítear Rialachán (CE) Uimh. 401/2009 agus (AE) 2018/1999 ('An Dlí Aeráide Eorpach') (IO L 243, 9.7.2021, lch. 1).

<sup>31</sup>Rialachán Tarmilgthe (AE) 2020/1818 ón gCoimisiún an 17 Iúil 2020 lena bhforlíontar Rialachán (AE) 2016/1011 ó Pharlaimint na hEorpa agus ón gComhairle a mhéid a bhaineann le híoschaighdeáin i gcomhair Thagamharcanna Aistrithe Aeráide AE agus Thagamharcanna AE atá ailínithe le Comhaontú Pháras (IO L 406, 3.12.2020, lch. 17).

<sup>32</sup>Rialachán (AE) 2019/2088 ó Pharlaimint na hEorpa agus ón gComhairle an 27 Samhain 2019 maidir le nochtaí ó thaobh na hinbhuanaitheachta de san earnáil airgeadais (an Rialachán maidir le Nochtaí um Airgeadas Inbhuanaithe) (IO L 317, 9.12.2019, lch. 1)

<sup>33</sup>Rialachán (AE) 2020/852 ó Pharlaimint na hEorpa agus ón gComhairle an 18 Meitheamh 2020 maidir le creat a bhunú chun infheistíocht inbhuanaithe a éascú, agus lena leasaítear Rialachán (AE) 2019/2088 (IO L 198, 22.6.2020, lch. 13).

<sup>34</sup>Rialachán Cur Chun Feidhme (AE) 2022/2453 ón gCoimisiún an 30 Samhain 2022 lena leasaítear na caighdeáin theicniúla cur chun feidhme a leagtar síos i Rialachán Cur Chun Feidhme (AE) 2021/637 a mhéid a bhaineann le rioscaí comhshaoil, sóisialta agus rialachais a nochtadh (IO L 324, 19.12.2022, lch. 1.).

don ghnóthas agus dá réitigh oiriúnaithe chun na rioscaí sin a laghdú. Cumhdaítear leis freisin **rioscaí aistrithe** a eascraíonn as an oiriúnú is gá do ghuaiseacha a bhaineann leis an aeráid.

7. Leis na Ceanglais maidir le Nochtadh a bhaineann le 'Fuinneamh', cumhdaítear gach cineál táirgthe agus tomhaltais fuinnimh.

## **Idirghníomhaíochtaí le ESRS eile**

---

8. Tá **substaintí ídithe ózóin** (ODS), ocsaídí nítrigine (NOX) agus ocsaídí sulfair (SOX), i measc astaíochtaí aeir eile, nasctha leis an athrú aeráide ach cumhdaítear iad faoi na ceanglais tuairiscithe in ESRS E2.
9. Na tionchair ar dhaoine a d'fhéadfadh eascirt as an aistriú chuig geilleagar atá aeráidneodrach, cumhdaítear iad faoi ESRS S1 Lucht saothair dílis, ESRS S2 Oibrithe sa slabhra luacha, ESRS S3 Pobail dá ndéantar difear agus ESRS S4 Tomhaltóirí agus úsáideoirí deiridh.
10. Baineann **maolú ar an athrú aeráide** agus **oiriúnú don athrú aeráide** go dlúth le topaicí a dtugtar aghaidh orthu go háirithe in ESRS E3 *Uisce agus acmhainní uisce* agus in ESRS E4 *Bithéagsúlacht agus éiceachórais*. Maidir le huisce agus mar a léirítear i dtábla na nguaiseacha a bhaineann leis an aeráid in AR 11, tugann an caighdeán seo aghaidh ar **rioscaí fisiceacha** géara agus ainsealacha a eascraíonn as guaiseacha a bhaineann le huisce agus leis na haigéin. Tugtar aghaidh **archailiúint na bithéagsúlachta** agus ar an **díghrádú** éiceachóras a d'fhéadfadh a bheith ann de dheasca an athraithe aeráide in ESRS E4 *Bithéagsúlacht agus éiceachórais*.
11. Ba cheart an Caighdeán sin a léamh agus a chur i bhfeidhm i gcomhar le ESRS 1 *Ceanglais ghinearálta* agus ESRS 2 *Nochtaí ginearálta*.

## **Ceanglais maidir le Nochtadh**

---

### ***ESRS 2 Nochtaí ginearálta***

12. Ba cheart ceanglais na roinne seo a léamh agus a chur i bhfeidhm i gcomhar leis na nochtuithe a éilítear le ESRS 2 maidir le Caibidil 2 *Rialachas*, Caibidil 3 *Straitéis* agus Caibidil 4 *Bainistiú tionchar, rioscaí agus deiseanna*. Cuirfear na nochtaí a eascraíonn as sin i láthair sa **ráiteas inbhuanaitheachta** in éineacht leis na nochtaí a cheanglaítear le ESRS 2, cé is moite de ESRS 2 SBM-3 *Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó*, ar ina leith a fhéadfaidh an gnóthas, i gcomhréir le ESRS2 mír 46, na nochtaí a chur i láthair in éineacht leis na nochtaí eile a cheanglaítear sa chaighdeán topaicshonrach seo.

### **Rialachas**

### ***Ceanglas maidir le Nochtadh a bhaineann le ESRS 2 GOV-3 – Feidhmíocht a bhaineann le hinbhuanaitheacht a chomhtháthú i scéimeanna dreasachta***

---

13. Nochtfaidh an gnóthas cé acu a chuirtear nó nach gcuirtear breithnithe a bhaineann leis an aeráid san áireamh i luach saothair chomhaltaí na **gcomhlachtaí riaracháin, bainistíochta agus maoirseachta** agus an chaoi a gcuirtear san áireamh iad, lena n-áirítear an ndearnadh measúnú ar a bhfeidhmíocht in aghaidh na **spriocanna laghdaithe astaíochtaí GCT** a tuairiscíodh faoi Cheanglas maidir le Nochtadh E1-4 agus an céatadán den luach saothair a aithnítear sa tréimhse reatha atá nasctha le breithnithe a bhaineann leis an aeráid, mar aon le míniú ar cad iad na breithnithe aeráide.

### **Straitéis**

### ***Ceanglas maidir le Nochtadh E1-1 – Plean aistrithe maidir le maolú ar an athrú***

---

## **aeráide**

14. **Nochtfaidh an gnóthas a *phlean aistrithe* maidir le *maolú ar an athrú aeráide***<sup>35</sup>.
15. Is é is cuspóir don Cheanglas seo maidir le Nochtadh tuiscint a chumasú ar iarrachtaí maolaithe an ghnóthais san am a chuaigh thart, atá ann faoi láthair agus a bheidh ann amach anseo chun a áirithiú go mbeidh a straitéis agus a ***shamhail ghnó*** comhoiriúnach leis an aistriú chuig geilleagar inbhuanaithe, agus leis an téamh domhanda a theorannú go 1.5 °C i gcomhréir le Comhaontú Pháras agus leis an gcuspóir aeráidneodracht a bhaint amach faoi 2050 agus, i gcás inarb ábhartha, leis an neamhchosaint atá ag an ngnóthas ar ghníomhaíochtaí a bhaineann le gual, ola agus gás.
16. Áireofar an méid seo a leanas san fhaisnéis a cheanglaítear le mír 14:
  - (a) trí thagairt do ***spríocanna laghdaithe astaíochtaí GCT*** (mar a cheanglaítear le Ceanglas maidir le Nochtadh E1-4), míniú ar an gcaoi a bhfuil spríocanna an ghnóthais comhoiriúnach leis an téamh domhanda a theorannú go 1.5 °C i gcomhréir le Comhaontú Pháras;
  - (b) trí thagairt do spríocanna laghdaithe astaíochtaí GCT (mar a cheanglaítear le Ceanglas maidir le Nochtadh E1-4), agus do na ***gníomhaíochtaí um maolú ar an athrú aeráide*** (mar a cheanglaítear le Ceanglas maidir le Nochtadh E1-3), míniú ar na ***luamháin dícharbónaithe*** a sainiú, agus ar na príomhghníomhaíochtaí atá beartaithe, lena n-áirítear athruithe ar phunann táirgí agus seirbhísí an ghnóthais agus glacadh teicneolaíochtaí nua ina chuid oibríochtaí féin, nó an slabhra luacha réamhtheachtach agus/nó iartheachtach;
  - (c) trí thagairt do na ***gníomhaíochtaí um maolú ar an athrú aeráide*** (mar a cheanglaítear le Ceanglas maidir le Nochtadh E1-3), míniú agus cainníochtú ar infheistíochtaí agus cistiú an ghnóthais lena dtacaítear le cur chun feidhme a ***phlean aistrithe***, lena ngabhann tagairt do phríomhtháscairí feidhmíochta CapEx atá ailínithe leis an tacsanomaíocht, agus i gcás inarb ábhartha, pleananna CapEx, a nochtann an gnóthas i gcomhréir le Rialachán Tarmiligthe (AE) 2021/2178 ón gCoimisiún;
  - (d) measúnú cáilíochtúil ar na ***hastáíochtaí GCT a d'fhéadfadh a bheith gaibhnithe*** ó phríomhshócmhainní agus ó phríomhtháirgí an ghnóthais. Áireofar leis sin míniú ar cé acu a fhéadfaidh nó nach bhféadfaidh agus ar conas a fhéadfaidh na ***hastáíochtaí*** sin baint amach ***spríocanna laghdaithe astaíochtaí GCT*** an ghnóthais a chur i mbaol agus ***riosca aistrithe*** a spreagadh, agus más infheidhme, míniú ar phleananna an ghnóthais a shócmhainní agus a tháirgí atá dian ar GCT agus dian ar fhuinneamh a bhainistiú;
  - (e) i gcás gnóthais ag a bhfuil gníomhaíochtaí eacnamaíocha a chumhdaítear le rialacháin tharmiligthe i dtaca le hoiriúnú don athrú aeráide nó maolú ar an athrú aeráide faoin Rialachán maidir le Tacsanomaíocht, míniú ar aon chuspóir nó ar aon phlean (CapEX, pleananna CapEX, OpEX) atá ag an ngnóthas chun a ghníomhaíochtaí eacnamaíocha (ioncam, CapEX, OpEX) a ailíniú leis na critéir a bhunaítear i Rialachán Tarmiligthe 2021/2139 ón gCoimisiún<sup>36</sup>;
  - (f) más infheidhme, nochtadh méideanna móra CapEX a infheistíodh le linn na tréimhse tuairiscithe a bhaineann le gníomhaíochtaí eacnamaíocha a bhaineann le gual, ola agus gás<sup>37</sup>;

<sup>35</sup> Tá an fhaisnéis sin ailínithe le Rialachán (AE) 2021/1119 ó Pharlaimint na hEorpa agus ón gComhairle (an Dlí Aeráide Eorpach), Airteagal 2(1); agus le Rialachán Tarmiligthe (AE) 2020/1818 ón gCoimisiún (Rialachán maidir le Tagarmharc Aeráide), Airteagal 2.

<sup>36</sup>Rialachán Tarmiligthe (AE) 2021/2139 ón gCoimisiún an 4 Meitheamh 2021 lena bhforlíontar Rialachán (AE) 2020/852 ó Pharlaimint na hEorpa agus ón gComhairle trí na critéir scagtha theicniúla a bhunú chun na coinníollacha a chinneadh faoina bhfuil gníomhaíocht eacnamaíoch cáilíthe mar rannchuidiú substaintiúil le maolú ar an athrú aeráide nó le hoiriúnú don athrú aeráide agus chun a chinneadh cé acu a dhéantar nó nach ndéantar dochar suntasach leis an ngníomhaíocht eacnamaíoch sin d'aon cheann de na cuspóirí comshaoil eile (IO L 442, 9.12.2021, Ich. 1).

<sup>37</sup>Na méideanna CapEX atá á mbreithniú, baineann siad leis na cóid NACE seo a leanas:

(a) B.05 Mianadóireacht guail agus lignite, B.06 Eastóscadh peitriiliam amh agus gáis nádúrtha (teoranta do pheitriiliam amh), B.09.1 Gníomhaíochtaí tacaíochta le haghaidh eastóscadh peitriiliam agus gáis nádúrtha (teoranta do pheitriiliam

- (g) nochtadh maidir le cé acu atá nó nach bhfuil an gnóthas eisiata ó Thagarmharcanna AE atá ailínithe le Comhaontú Pháras<sup>38</sup>;
  - (h) míniú ar an gcaoi a bhfuil **an plean aistrithe** leabaithe i straitéis ghnó fhoriomlán agus pleanáil airgeadais an ghnóthais agus ailínithe leo;
  - (i) cé acu atá nó nach bhfuil an plean aistrithe formheasta ag na **comhlachtaí riaracháin, bainistíochta agus maoirseachta**; agus
  - (j) míniú ar dhul chun cinn an ghnóthais maidir leis an bplean aistrithe a chur chun feidhme.
17. Sa chás nach mbeidh plean aistrithe i bhfeidhm ag an ggnóthas, tabharfaidh sé le fios cé acu a ghlacfaidh sé plean aistrithe agus, má ghlacann, cén uair a ghlacfaidh sé é.

**Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó**

---

18. I dtaca le gach riosca ábhartha a bhaineann leis an aeráid a shainaithin an gnóthas, míneoidh sé cé acu a mheasann an t-eintiteas gur **riosca fisiceach a bhaineann leis an aeráid** nó gur **riosca aistrithe a bhaineann leis an aeráid** é an riosca.
19. Tabharfaidh an gnóthas tuairisc ar athléimneacht a straitéise agus a **shamhla gnó** i ndáil leis an athrú aeráide. Beidh na nithe seo a leanas sa tuairisc:
- (a) raon feidhme na hanailíse athléimneachta;
  - (b) conas agus an uair a rinneadh an anailís athléimneachta, lena n-áirítear an úsáid a bhaintear as **anailís ar chásanna** aeráide mar a thagraítear di sa Cheanglas maidir le Nochtadh a bhaineann le ESRS 2 IRO-1 agus sna míreanna gaolmhara den cheanglas maidir le cur i bhfeidhm; agus
  - (c) torthaí na hanailíse athléimneachta lena n- áirítear na torthaí ó úsáid na hanailíse ar chásanna.

**Bainistiú tionchar, rioscaí agus deiseanna**

**Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann leis an aeráid a shainaithint agus a mheasúnú**

---

20. Tabharfaidh an gnóthas tuairisc ar an bpróiseas chun **tionchair, rioscaí** agus **deiseanna** a bhaineann leis an aeráid a shainaithint agus a mheasúnú. Áireofar sa tuairisc sin a phróiseas i ndáil leis an méid seo a leanas:
- (a) tionchair ar an athrú aeráide, go háirithe, **astaíochtaí GCT** an ghnóthais (mar a

- amh),
- (b) C.19 Monarú táirgí cóic agus peitriam scagtha,
- (c) D.35.1 - Giniúint, tarchur agus dáileadh cumhachta,
- (d) D.35.3 - Soláthar gaile agus aerchóirithe (teoranta do chumhacht agus/nó giniúint teasa gualadhainte agus ola- adhainte),
- (e) G.46.71 - Mórdhíol breoslaí soladacha, leachtacha agus gásacha agus táirgí gaolmhara (teoranta do bhreoslaí soladacha agus leachtacha).

Le haghaidh gníomhaíochtaí a bhaineann le gás, tugann an sainmhíniú ar chód NACE aghaidh ar ghníomhaíochtaí le hastaíochtaí GCT díreacha atá níos airde ná 270 gCO<sub>2</sub>/KWh.

<sup>38</sup>Áirítear an ceanglas seo maidir le nochtadh i gcomhréir leis na ceanglais i Rialachán Cur Chun Feidhme (AE) 2022/2453 ón gCoimisiún, teimpléad I, an riosca aistrithe maidir leis an athrú aeráide; agus tá sé ailínithe le Rialachán Tarmilgthe (AE) 2020/1818 ón gCoimisiún (Rialachán Tagarmhairc Aeráide), Airteagal 12.1 (d) go (g) agus Airteagal 12.2.

cheanglaítear leis an gCeanglas maidir le Nochtadh ESRS E1-6);

- (b) **rioscaí fisiceacha a bhaineann leis an aeráid** ina chuid oibríochtaí féin agus feadh an **tslabhra luacha** réamhtheachtaigh agus iartheachtach, go háirithe:
- guaiseacha a bhaineann leis an aeráid a shainaithint, agus cásanna aeráide d'astaíochtaí arda ar a laghad á gcur san áireamh; agus
  - measúnú ar conas a d'fhéadfadh a shócmhainní agus a ghníomhaíochtaí gnó a bheith neamhchosanta agus leochaileach i leith na nguaiseacha sin a bhaineann leis an aeráid, rud a chruthaíonn **ollrioscaí fisiceacha** don ghnóthas.
- (c) **rioscaí aistrithe a bhaineann leis an aeráid** agus deiseanna ina chuid oibríochtaí féin agus feadh an **tslabhra luacha** réamhtheachtaigh agus iartheachtach, go háirithe:
- teagmhais aistrithe a bhaineann leis an aeráid a shainaithint, agus cás aeráide ar a laghad á bhreithniú i gcomhréir le téamh domhanda a theorannú go 1,5 °C gan aon sárú nó lena mbaineann sárú teoranta; agus
  - measúnú ar conas a d'fhéadfadh a shócmhainní agus a ghníomhaíochtaí gnó a bheith neamhchosanta ar na teagmhais aistrithe sin a bhaineann leis an aeráid, rud a chruthaíonn **ollrioscaí aistrithe** nó **deiseanna** don ghnóthas.
21. Agus an fhaisnéis a cheanglaítear faoi mhíreanna 20(b) agus 20(c) á nochtadh aige, míneoidh an gnóthas conas a d'úsáid sé **anailís ar chásanna a bhaineann leis an aeráid**, lena n-áirítear raon cásanna aeráide, chun bonn eolais a chur faoi **rioscaí fisiceacha** agus **rioscaí aistrithe** agus deiseanna a shainaithint agus a mheasúnú sa ghearrthéarma, sa mheántéarma nó san fhadtéarma, lena n-áirítear:

### **Ceanglas maidir le Nochtadh E1-2 – Beartais a bhaineann le maolú ar an athrú aeráide agus le hoiriúnú don athrú aeráide**

---

22. Tabharfaidh an gnóthas tuairisc ar a **bheartais** arna nglacadh chun bainistiú a dhéanamh ar a **thionchair**, a **rioscaí** agus a **dheiseanna** ábhartha a bhaineann le **maolú ar an athrú aeráide** agus **oiriúnú don athrú sin**.
23. Is é cuspóir an Cheanglais maidir le Nochtadh seo tuiscint a chumasú ar a mhéid atá **bheartais** ag an ngnóthas a thugann aghaidh ar shainaithint, measúnú, bainistiú agus/nó **leasú** a thionchair, rioscaí agus deiseanna ábhartha maidir le **maolú ar an athrú aeráide** agus **oiriúnú don athrú sin**.
24. Beidh sa nochtadh a cheanglaítear le mír 22 an fhaisnéis faoi na **bheartais** atá i bhfeidhm ag an ngnóthas chun a **thionchair**, a **rioscaí** agus a **dheiseanna** ábhartha a bhainistiú a bhaineann le **maolú ar an athrú aeráide** agus **oiriúnú don athrú sin** i gcomhréir le ESRS 2 MDR-P **Beartais arna nglacadh chun ábhair inbhuanaitheachta ábhartha a bhainistiú**.
25. Cuirfidh an gnóthas in iúl cé acu a thugann nó nach dtugann a **bheartais** aghaidh ar na réimsí seo a leanas, agus an chaoi a dtugann siad aghaidh orthu:
- maolú ar an athrú aeráide**;
  - oiriúnú don athrú aeráide**;
  - éifeachtúlacht fuinnimh;
  - imscaradh an fhuinnimh in-athnuaite; agus
  - eile

### **Ceanglas maidir le Nochtadh E1-3 – Gníomhaíochtaí agus acmhainní i ndáil le beartais don athrú aeráide**

---

1. Nochtfaidh an gnóthas na gníomhaíochtaí a dhéanann sé maidir le **maolú ar an athrú aeráide** agus **oiriúnú don athrú sin** agus na hacmhainní a leithdháiltear ar a gcur chun

**feidhme.**

2. Is é is cuspóir don Cheanglas seo maidir le Nochtadh tuiscint a thabhairt ar na **príomhghníomhaíochtaí** a rinneadh agus atá beartaithe chun **cuspóirí** agus **spríocanna** beartais a bhaineann leis an aeráid a bhaint amach.
3. Leanfaidh an tuairisc ar na **gníomhaíochtaí** agus ar na hacmhainní a bhaineann le **maolú ar an athrú aeráide** agus oiriúnú don athrú sin na príonsabail a luaitear in ESRS 2 MDR-A **Gníomhaíochtaí agus acmhainní i ndáil le hábhair inbhuanaitheachta ábhartha**.
4. De bhreis ar ESRS 2 MDR-A, déanfaidh an gnóthas an méid seo a leanas:
  - (a) agus liostú á dhéanamh ar na **príomhghníomhaíochtaí** a rinneadh sa bhliain tuairiscithe agus atá beartaithe don todhchaí, cuirfidh sé na gníomhaíochtaí maidir le maolú ar an athrú aeráide i láthair trí luamhán dícharbónaithe lena n-áirítear na réitigh dhúlrabhunaithe;
  - (b) agus tuairisc á tabhairt ar thoradh na ngníomhaíochtaí maidir le maolú ar an athrú aeráide, áireoidh sé na **laghdaithe astaíochtaí GCT** a baineadh amach agus a mheastar a bheidh ann; agus
  - (c) méideanna móra airgeadaíochta de CapEx agus OpEx a theastaíonn chun na gníomhaíochtaí a rinneadh nó atá beartaithe a chur chun feidhme, iad a nascadh leis an méid seo a leanas:
    - i. na míreanna líne nó na nótaí ábhartha sna ráitis airgeadais;
    - ii. na príomhtháscairí feidhmíochta a cheanglaítear faoi Rialachán Tarmligthe (AE) 2021/2178 ón gCoimisiún; agus
    - iii. más infheidhme, an plean CapEx a cheanglaítear le rialachán tarmligthe (AE) 2021/2178 ón gCoimisiún.

**Méadracht agus spríocanna**

**Ceanglas maidir le Nochtadh E1-4 – Spríocanna a bhaineann le maolú ar an athrú aeráide agus le hoiriúnú don athrú aeráide**

---

5. **Nochtfaidh an gnóthas na spríocanna a bhaineann leis an aeráid atá leagtha síos aige.**
6. Is é is cuspóir don Cheanglas maidir le Nochtadh seo tuiscint a fháil ar na **spríocanna** atá leagtha síos ag an ngnóthas chun tacú lena **bheartais maolaithe agus oiriúnaithe don athrú aeráide** agus chun aghaidh a thabhairt ar na **tionchair, na rioscaí** agus na **deiseanna ábhartha a bhaineann leis an aeráid**.
7. Cuimseofar i nochtadh na **spríocanna** a cheanglaítear i mír 30 an fhaisnéis a cheanglaítear in ESRS 2 MDR-T **Éifeachtacht beartas agus gníomhaíochtaí a rianú trí spríocanna**.
8. Maidir leis an nochtadh a cheanglaítear le mír 30, nochtfaidh an gnóthas cé acu atá nó nach bhfuil agus conas atá **spríocanna laghdaithe astaíochtaí GCT** leagtha síos aige agus/nó aon spríocanna eile chun **tionchair, rioscaí** agus **deiseanna** ábhartha a bhaineann leis an aeráid a bhainistiú, mar shampla, cur in úsáid **fuinnimh in-athnuaite**, éifeachtúlacht fuinnimh, oiriúnú don athrú aeráide, agus maolú **riosca** fisiceach nó aistrithe.
9. **Má tá spríocanna laghdaithe astaíochtaí GCT<sup>39</sup>** leagtha síos ag an ngnóthas, beidh feidhm

---

<sup>39</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 (RNAI) ós rud é go ndírthaítear é ó tháscaire breise a bhaineann le drochthionchair phríomha a leagtar amach le táscaire #4 i dTábla II d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Infheistíochtaí i gcuideachtaí nach bhfuil tionscnaimh laghdaithe astaíochtaí carbóin acu'). agus tá sé ailínithe le Rialachán Tarmligthe (AE) 2020/1818 ón gCoimisiún (Rialachán Tagarmhairc Aeráide), Airteagal 6.

ag ESRS 2 MDR-T agus ag na ceanglais seo a leanas:

- (a) Nochtfar spriocanna laghdaithe astaíochtaí GCT i ndearbhluach (i dtonaí CO<sub>2</sub>eq nó mar chéatadán d'**astaíochtaí** bonnbhliana) agus, i gcás inarb ábhartha, i luach déine;
- (b) Nochtfar spriocanna laghdaithe astaíochtaí GCT le haghaidh **astaíochtaí GCT Scóip 1, 2, 3**, ar leithligh nó comhcheangailte. Sonróidh an gnóthas, i gcás **spriocanna laghdaithe astaíochtaí GCT** comhcheangailte, an Scóip astaíochtaí GCT (1, 2 agus/nó 3) a chumhdaítear leis an sprioc, an sciar a bhaineann le gach Scóip astaíochtaí GCT faoi seach agus cé na GCTanna a chumhdaítear. Míneoidh an gnóthas an chaoi a n-áiríthítear comhsheasmhacht na spriocanna sin lena teorainneacha fardail GCT (mar a cheanglaítear leis an gCeanglas maidir le Nochtadh ESRS E1-6). Spriocanna comhlána a bheidh sna spriocanna laghdaithe astaíochtaí GCT, rud a chiallaíonn nach n-áireoidh an gnóthas aistrithe GCT, **creidmheasanna carbóin** ná astaíochtaí seachanta mar bhealach chun na spriocanna laghdaithe astaíochtaí GCT a bhaint amach;
- (c) nochtfaidh an gnóthas a luach reatha bonnbhliana agus bonnlíne, agus ó 2030 amach, tabharfaidh sé an bhonnbhliain le haghaidh a spriocanna laghdaithe astaíochtaí GCT cothrom le dáta tar éis gach tréimhse 5 bliana ina dhiaidh sin. Féadfaidh an gnóthas an dul chun cinn a rinne sé roimhe seo maidir lena spriocanna a bhaint amach roimh a bhonnbhliain reatha a nochtadh ar choinníoll go bhfuil an fhaisnéis sin comhsheasmhach le ceanglais an Chaighdeáin seo;
- (d) Áireofar le spriocanna laghdaithe astaíochtaí GCT ar a laghad spriocluachanna don bhliain 2030 agus, más infhaighte, don bhliain 2050. Ó 2030 ar aghaidh, socrófar spriocluachanna tar éis gach tréimhse 5 bliana ina dhiaidh sin;
- (e) luafaidh an gnóthas cé acu atá nó nach bhfuil na spriocanna laghdaithe astaíochtaí GCT bunaithe ar eolaíocht agus comhoiriúnach leis an téamh domhanda a theorannú go 1.5 °C. Sonróidh an gnóthas an creat agus an mhodheolaíocht a úsáideadh chun na **spriocanna** sin a chinneadh, lena n-áirítear cé acu a dhíorthaítear nó nach ndíorthaítear iad agus úsáid á baint as conair dícharbónaithe earnála agus cad iad na **cásanna** foluiteacha aeráide agus **beartaís** agus cé acu a deimhníodh nó nár deimhníodh na spriocanna go seachtrach. Mar chuid de na toimhdí criticiúla chun spriocanna laghdaithe astaíochtaí GCT a leagan síos, tabharfaidh an gnóthas míniú gairid ar conas a bhreithnigh sé forbairtí todhchaí (e.g., athruithe ar an líon díolachán, athruithe ar shainroghanna agus ar éileamh custaiméirí, tosca rialála, agus teicneolaíochtaí nua) agus an chaoi a bhféadfadh tionchar a bheith acu sin ar a astaíochtaí GCT agus ar a laghdaithe astaíochtaí araon; agus
- (f) tabharfaidh an gnóthas tuairisc ar na **luamháin dícharbónaithe** a mheastar a bheidh ann agus ar a rannchuidiú cainníochtúil foriomlán chun na spriocanna laghdaithe astaíochtaí GCT a bhaint amach (e.g., éifeachtúlacht fuinnimh nó ábhartha agus laghdú tomhaltais, malartú breosla, úsáid **fuinnimh in-athnuaite**, deireadh a chur le táirge agus próiseas de réir a chéile nó ionadú an táirge agus an phróisis).

### **Ceanglas maidir le Nochtadh E1-5 – Tomhaltas fuinnimh agus meascán fuinnimh**

---

- 10. **Soláthróidh an gnóthas faisnéis maidir lena ídiú fuinnimh agus a mheascán fuinnimh.**
- 11. Is é is cuspóir don Cheanglas seo maidir le Nochtadh tuiscint a thabhairt ar thomhaltas iomlán fuinnimh an ghnóthais i ndearbhluach, feabhas a chur ar éifeachtúlacht fuinnimh, ar an neamhchosaint ar ghníomhaíochtaí a bhaineann le gual, ola agus gás, agus ar sciar an **fuinnimh in-athnuaite** ina mheascán fuinnimh foriomlán.
- 12. Áireofar sa nochtadh a cheanglaítear le mír 35 an tomhaltas fuinnimh iomlán in MWh a bhaineann le hoibríochtaí dílse arna ndí-chomhiomlánú de réir na nithe seo a leanas:

- (a) tomhaltas fuinnimh iomlán ó fhoinsí iontaise<sup>40</sup>;
  - (b) tomhaltas fuinnimh iomlán ó fhoinsí núicléacha ;
  - (c) ídiú fuinnimh ó fhoinsí neamh- inathnuaite arna ndí-chomhiomlánú de réir:
    - i. ídiú breosla le haghaidh foinsí in-athnuaite lena n-áirítear bithmhais (lena gcuimsítear freisin **dramhail** thionsclaíoch agus chathrach de thionscnamh bitheolaíoch), bithbhreoslaí, bithghás, hidrigin ó fhoinsí in-athnuaite<sup>41</sup>, etc.;
    - ii. ídiú an leictreachais, an teasa, na gaile agus an fhuaraithe a cheannaítear nó a fhaightear ó fhoinsí inathnuaite; agus
    - iii. ídiú fuinnimh inathnuaite neamhbhreosla féinghinte.
13. An gnóthas a bhfuil oibríochtaí aige in earnálacha ag a bhfuil **tionchar mór ar an aeráid**<sup>42</sup>, déanfaidh sé a thomhaltas fuinnimh iomlán ó fhoinsí iontaise a dhí-chomhiomlánú a thuilleadh tríd an méid seo a leanas a dhéanamh:
- (a) ídiú breosla ó ghual agus ó tháirgí guail;
  - (b) ídiú breosla ó amhola agus ó tháirgí peitriiliam;
  - (c) ídiú breosla ó ghás nádúrtha;
  - (d) ídiú breosla ó fhoinsí iontaise eile;
  - (e) ídiú **an leictreachais, an teasa, na gaile agus an fhuaraithe a cheannaítear nó a fhaightear** ó fhoinsí breoslaí iontaise;
14. Ina theannta sin, i gcás inarb infheidhme, déanfaidh an gnóthas a tháirgeadh **fuinnimh neamh-inathnuaite** agus a tháirgeadh **fuinnimh in-athnuaite** in MWh a dhí-chomhiomlánú agus a nochtadh ar leithligh<sup>43</sup>.

#### **Déine fuinnimh bunaithe ar ghlanioncam**<sup>44</sup>

15. Soláthróidh an gnóthas faisnéis maidir leis an déine fuinnimh (tomhaltas iomlán fuinnimh in aghaidh an ghlanioncaim) a bhaineann le gníomhaíochtaí in **earnálacha ag a bhfuil tionchar mór ar an aeráid**.

<sup>40</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire sainordaitheach a bhaineann le drochthionchair phríomha mar a leagtar amach le táscaire #5 i dTábla I d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('An sciar de thomhaltas agus táirgeadh fuinnimh neamh-inathnuaite'). Tá an míondealú ina thagairt do tháscaire breise a bhaineann le drochthionchair phríomha mar a leagtar amach i dtáscaire #5 i dTábla II den Iarscríbhinn chéanna ('Míondealú an tomhaltais fuinnimh de réir chineál na bhfoinsí neamh-inathnuaite fuinnimh').

<sup>41</sup> Comhlíontach leis na ceanglais i ngníomhartha tarmligthe maidir le hidrigin ó fhoinsí in-athnuaite: Rialachán tarmligthe ón gCoimisiún an 10 Feabhra 2023 lena bhforlíontar Treoir (AE) 2018/2001 ó Pharlaimint na hEorpa agus ón gComhairle trí mhodheolaíocht de chuid an Aontais a bhunú ina leagtar amach rialacha mionsonraithe maidir le táirgeadh breoslaí inathnuaite iompair leachtacha agus gásacha de thionscnamh neamh-bhitheolaíoch; agus rialachán tarmligthe ón gCoimisiún an 10 Feabhra 2023 lena bhforlíontar Treoir (AE) 2018/2001 ó Pharlaimint na hEorpa agus ón gComhairle trí íostairseach i gcomhair laghduithe ar astaíochtaí gás ceaptha teasa ó bhreoslaí carbóin athchúrsáilte a bhunú agus trí mhodheolaíocht a shonrú chun measúnú a dhéanamh ar na laghduithe ar astaíochtaí gás ceaptha teasa ó bhreoslaí inathnuaite iompair leachtacha agus gásacha de thionscnamh neamh-bhitheolaíoch agus ó bhreosla carbóin athchúrsáilte.

<sup>42</sup> Is iad na hearnálacha ag a bhfuil tionchar ard ar an aeráid na hearnálacha a liostaítear i Ranna A go H de NACE agus i Roinn L (mar a shainmhínítear i Rialachán Tarmligthe (AE) 2022/1288 ón gCoimisiún).

<sup>43</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire sainordaitheach a bhaineann le drochthionchair phríomha mar a leagtar amach le táscaire #5 i dTábla I d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('An sciar de thomhaltas agus táirgeadh fuinnimh neamh-inathnuaite').

<sup>44</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire sainordaitheach a bhaineann le drochthionchair phríomha mar a leagtar amach le táscaire #6 i dTábla I d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Déine tomhaltais fuinnimh de réir earnáil ardthionchair aeráide').

16. Ní dhíorthófar an nochtadh maidir le déine fuinnimh a cheanglaítear le mír 40 ach amháin ón tomhaltas fuinnimh iomlán agus ón nglanioncam ó ghníomhaíochtaí in **earnálacha ag a bhfuil tionchar mór ar an aeráid**.
17. Sonróidh an gnóthas na **hearnálacha ag a bhfuil tionchar mór ar an aeráid**, ar earnálacha iad a úsáidtear chun an déine fuinnimh a cheanglaítear le mír 40 a chinneadh.
18. Nochtfaidh an gnóthas an réiteach leis an mír líne ábhartha nó leis na nótaí ábhartha sna ráitis airgeadais maidir le méid an ghlanioncaim ó ghníomhaíochtaí in **earnálacha ag a bhfuil tionchar mór ar an aeráid** (an t-ainmneoir i ríomh na déine fuinnimh a cheanglaítear le mír 40).

### **Ceanglas maidir le Nochtadh E1-6 – Oll-astaíochtaí Scóip 1, 2, 3 agus Iomlán na n-astaíochtaí GCT**

---

19. **Nochtfaidh an gnóthas i dtioncháin méadracha CO<sub>2</sub>eq an méid seo a leanas<sup>45</sup>:**
  - (a) **oll- astaíochtaí GCT Scóip 1;**
  - (b) **oll- astaíochtaí GCT Scóip 2;**
  - (c) **oll- astaíochtaí GCT Scóip 3; agus**
  - (d) **astaíochtaí GCT iomlána.**
20. Cuspóir an Cheanglais seo maidir le Nochtadh i mír 44 i leith:
  - (a) **oll- astaíochtaí GCT Scóip 1** mar a cheanglaítear le mír 44 (a), tuiscint a thabhairt ar thionchair dhíreacha an ghnóthais ar an athrú aeráide agus ar chion iomlán a astaíochtaí GCT a rialaítear faoi scéimeanna trádála astaíochtaí.
  - (b) **oll- astaíochtaí GCT Scóip 2** mar a cheanglaítear le mír 44 (b), tuiscint a thabhairt ar na tionchair indíreacha ar an athrú aeráide arb é fuinneamh ídithe an ghnóthais is cúis leo, cibé acu a cheannaítear nó a fhaightear go seachtrach é.
  - (c) **oll- astaíochtaí GCT Scóip 3** mar a cheanglaítear le mír 44 (c), tuiscint a thabhairt ar na hastaíochtaí GCT a tharlaíonn i slabhra luacha réamhtheachtach agus iartheachtach an ghnóthais thar a astaíochtaí GCT Scóip 1 agus 2. I gcás roinnt mhaith gnóthas, d'fhéadfadh astaíochtaí GCT Scóip 3 a bheith ina bpríomhghné dá bhfardal GCT agus is spreagadh tábhachtach iad do **rioscaí aistrithe** an ghnóthais.
  - (d) **iomlán n-astaíochtaí GCT** mar a cheanglaítear le mír 44 (d), tuiscint fhoriomlán a thabhairt ar astaíochtaí GCT an ghnóthais agus ar cibé acu a tharlaíonn siad óna chuid oibríochtaí féin nó ón slabhra luacha réamhtheachtach agus iartheachtach. Is réamhriachtanas é an nochtadh sin chun dul chun cinn a thomhas i dtreo astaíochtaí GCT a laghdú i gcomhréir le **spríocanna** an ghnóthais a bhaineann leis an aeráid agus le spríocanna **beartais** an Aontais.

Tá an fhaisnéis ón gCeanglais seo maidir le Nochtadh ag teastáil freisin chun tuiscint a fháil ar **rioscaí aistrithe** an ghnóthais a bhaineann leis an aeráid.
21. Agus an fhaisnéis faoi astaíochtaí GCT a cheanglaítear faoi mhír 44 á nochtadh, déanfaidh an gnóthas tagairt do ESRS 1 míreanna 62 go 67. I bprionsabal, i dtaca leis na sonraí maidir le hastaíochtaí GCT a ghnólachtaí comhlachaithe nó a chomhfhiontar atá mar chuid de shlabhra luacha réamhtheachtach agus iartheachtach an ghnóthais (SCR 1 Mír 67), níl siad teoranta don sciar cothromais arna shealbhú. Dá ghnólachtaí comhlachaithe, dá

<sup>45</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire sainordaitheach a bhaineann le drochthionchair phríomha mar a leagtar amach le táscairí #1 agus #2 i dTábla I d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Astaíochtaí gás ceaptha teasa' agus 'Lorg carbóin'). Tá an fhaisnéis sin ailínithe le Rialachán Tarmiligthe (AE) 2020/1818 ón gCoimisiún (Rialachán Tagarmhairc Aeráide), Airteagal 5 (1), Airteagal 6 agus Airteagal 8 (1).

chomhfhiontair, dá fhochuideachtaí neamh-chomhdhlúite (eintitis infheistiúchta) agus dá shocruithe conarthacha ar comhshocruithe iad nach bhfuil struchtúraithe trí eintiteas (i.e., oibríochtaí agus sócmhainní a rialaítear go comhpháirteach), áireoidh an gnóthas na hastaíochtaí GCT i gcomhréir le méid **rialú oibríúcháin** an ghnóthais orthu.

22. I gcás athruithe móra ar an sainmhíniú ar a bhfuil i gceist leis an ngnóthas tuairiscithe agus ar a **shlabhra luacha** réamhtheachtach agus iartheachtach, nochtfaidh an gnóthas na hathruithe sin agus míneoidh sé a n-éifeacht ar inchomparáideacht a **astaíochtaí** GCT tuairiscithe ó bhliain go bliain (i.e., an éifeacht ar an inchomparáideacht idir astaíochtaí GCT na tréimhse tuairiscithe atá ann faoi láthair agus astaíochtaí GCT na tréimhse tuairiscithe a bhí ann roimhe seo).
23. Áireofar an méid seo a leanas sa nochtadh maidir le **hollastaíochtaí GCT Scóip 1** a cheanglaítear le mír 44 (a):
  - (a) oll- astaíochtaí GCT Scóip 2 i dtónaí méadracha CO<sub>2</sub>eq; agus
  - (b) an céatadán d'astaíochtaí GCT Scóip 1 ó scéimeanna rialaithe trádála astaíochtaí.
24. Áireofar an méid seo a leanas sa nochtadh maidir le **hollastaíochtaí GCT Scóip 2** a cheanglaítear le mír 44 (b):
  - (a) oll- astaíochtaí GCT Scóip 2 suíomhbhunaithe i dtónaí méadracha CO<sub>2</sub>eq; agus
  - (b) oll- astaíochtaí GCT Scóip 2 margadhbhunaithe i dtónaí méadracha CO<sub>2</sub>eq.
25. I gcás astaíochtaí Scóip 1 agus Scóip 2 a nochtar mar a cheanglaítear le míreanna 44 (a) agus (b), déanfaidh an gnóthas an fhaisnéis a dhí-chomhiomlánú, agus astaíochtaí á nochtadh ar leithligh acu:
  - (a) ón ggrúpa cuntasáíochta comhdhlúite (an mháthairchuideachta agus na fochuideachtaí); agus
  - (b) ó institiúidí infheistiúcháin amhail gnólachtaí comhlachaithe, comhfhiontair, nó fochuideachtaí neamh-chomhdhlúite nach bhfuil comhdhlúite go hiomlán i ráitis airgeadais an ghrúpa cuntasáíochta comhdhlúite, chomh maith le socruithe conarthacha ar socruithe comhpháirteacha iad nach bhfuil struchtúraithe trí eintiteas (i.e. oibríochtaí agus sócmhainní a rialaítear go comhpháirteach), a bhfuil rialú oibríúcháin aige ina leith.
26. Áireofar le nochtadh **oll-astaíochtaí GCT Scóip 3** a cheanglaítear le mír 44 (c) astaíochtaí GCT i dtónaí méadracha CO<sub>2</sub>eq ó gach **catagóir shuntasach de Scóip 3** (i.e. gach catagóir de Scóip 3 atá ina tosaíocht don ghnóthas).
27. Is éard a bheidh i nochtadh na **n-astaíochtaí GCT** iomlána a cheanglaítear le mír 44 (d) suim **astaíochtaí GCT Scóip 1, 2 agus 3** a cheanglaítear le míreanna 44 (a) go (c). Nochtfar iomlán na n-astaíochtaí GCT le dí-chomhiomlánú lena ndéantar idirdhealú ar na nithe seo a leanas:
  - (a) na hastaíochtaí GCT iomlána a dhíorthaítear ó astaíochtaí GCT bunúsacha Scóip 2 arna dtomhas ag úsáid an mhodha shuíomhbhunaithe; agus
  - (b) na hastaíochtaí GCT iomlána a dhíorthaítear ó astaíochtaí GCT bunúsacha Scóip 2 arna dtomhas ag úsáid an mhodha margadhbhunaithe.

### **Déine astaíochtaí gás ceaptha teasa bunaithe ar ghlanioncam<sup>46</sup>**

<sup>46</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire sainordaitheach a bhaineann le drochthionchair phríomha mar a leagtar amach le táscaire #3 i dTábla I d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistiúchtaí inbhuanaithe ('Déine astaíochtaí gás ceaptha teasa institiúidí infheistiúcháin'). Tá an fhaisnéis sin ailínithe le Rialachán Tarmiligthe (AE) 2020/1818 ón gCoimisiún (Rialachán Tagarmhairc Aeráide), Airteagal 8 (1).

28. Nochtfaidh an gnóthas a dhéine **astaíochtaí** GCT (iomlán na n-astaíochtaí GCT in aghaidh an ghlanioncaim).
29. Soláthrófar leis an nochtadh maidir le déine GCT a cheanglaítear le mír 53 na **hastaíochtaí** GCT iomlána i dtónaí méadracha CO<sub>2</sub>eq (a cheanglaítear le mír 44 (d)) in aghaidh an ghlanioncaim.
30. Nochtfaidh an gnóthas an réiteach leis an mír líne ábhartha nó leis na nótaí ábhartha sna ráitis airgeadais maidir le méideanna an ghlanioncaim (an t-ainmneoir i ríomh dhéine na n-**astaíochtaí** GCT a cheanglaítear le mír 53).

### **Ceanglas maidir le Nochtadh E1-7 – Aistrithe GCT agus tionscadail maolaithe GCT arna maoiniú trí chreidmheasanna carbóin**

---

31. **Nochtfaidh an gnóthas:**
- (a) **Aistrithe agus stóráil GCT i dtónaí méadracha CO<sub>2</sub>eq mar thoradh ar thionscadail a d'fhéadfadh a bheith forbartha aige ina oibríochtaí féin, nó a rannchuidigh leis ina shlabhra luacha réamhtheachtach agus iartheachtach; agus**
  - (b) **méid na laghduithe nó na n-aistrithe astaíochtaí GCT ó thionscadail um maolú ar an athrú aeráide lasmuigh dá shlabhra luacha atá maoinithe aige nó atá beartaithe aige a mhaoiniú trí chreidmheasanna carbóin a cheannach.**
32. Seo a leanas cuspóir an Cheanglais maidir le Nochtadh:
- (a) tuiscint a thabhairt ar **ghníomhaíochtaí** an ghnóthais chun GCT a bhaint den atmaisféar go buan nó chun tacú go gníomhach leis sin, rud a d'fhéadfadh **spriocanna glan-nialasachta** a bhaint amach (mar a luaitear i mír 60).
  - (b) chun tuiscint a thabhairt ar mhéid agus ar cháilíocht na **gcreidmheasanna carbóin** atá ceannaithe ag an ngnóthas nó a bhfuil sé beartaithe aige iad a cheannach ón margadh deonach, rud a d'fhéadfadh tacú lena éilimh neodrachta GCT (mar a luaitear i mír 61).
33. Áireofar sa nochtadh maidir le **haistrithe agus stóráil GCT** a cheanglaítear le mír 56 (a) an méid seo a leanas, más infheidhme:
- (a) an méid iomlán aistrithe agus stóráil GCT i dtónaí méadracha de CO<sub>2</sub>eq arna dhí- chomhiomlánú agus arna nochtadh ar leithligh le haghaidh na méide a bhaineann le hoibríochtaí dílse an ghnóthais agus lena shlabhra luacha réamhtheachtach agus iartheachtach, agus arna mhiondealú de réir gníomhaíocht aistrithe; agus
  - (b) na toimhdí, modheolaíochtaí agus creataí ríomha arna gcur i bhfeidhm ag an ngnóthas.
34. Áireofar sa nochtadh maidir le **hcreidmheasanna carbóin** a cheanglaítear le mír 56 (b) an méid seo a leanas, más infheidhme:
- (a) méid iomlán na gcreidmheasanna carbóin lasmuigh de **shlabhra luacha** an ghnóthais i dtónaí méadracha CO<sub>2</sub>eq a fhíoraítear in aghaidh caighdeáin cháilíochta aitheanta agus a chuirtear ar ceal le linn na tréimhse tuairiscithe; agus
  - (b) méid iomlán na gcreidmheasanna carbóin lasmuigh de shlabhra luacha an ghnóthais i dtónaí méadracha CO<sub>2</sub>eq atá beartaithe a chur ar ceal amach anseo agus cibé acu atá siad bunaithe ar chomhaontuithe conarthacha atá ann cheana nó nach bhfuil.
35. I gcás ina nochtann an gnóthas **sprioc glan-nialasachta** sa bhreis ar na spriocanna laghdaithe oil-astaíochtaí GCT i gcomhréir leis an gCeanglas maidir le Nochtadh E1-4, mír 30, míneoidh sé an raon feidhme, na modheolaíochtaí agus na creataí a chuirtear i bhfeidhm agus an chaoi a bhfuil sé beartaithe na **hastaíochtaí** GCT iarmharacha (tar éis thart ar 90-

95 % de laghdú astaíochtaí GCT leis an bhféidearthacht go mbeadh éagsúlachtaí eárnálacha a bhfuil údar leo i gcomhréir le conair aitheanta eárnálach dhícharbónaithe) a neodrú trí, mar shampla, aistrithe GCT ina chuid oibríochtaí féin agus slabhra luacha réamhtheachtach agus iarteachtach.

36. I gcás ina bhféadfadh sé go ndearna an gnóthas éilimh phoiblí maidir le neodracht GCT a bhaineann le **creidmheasanna carbóin** a úsáid, míneoidh sé an méid seo a leanas:
- (a) cé acu atá nó nach bhfuil agus an chaoi a bhfuil **spríocanna laghdaithe astaíochtaí** GCT ag gabháil leis na héilimh sin, mar a cheanglaítear leis an gceanglas maidir le Nochtadh ESRS E1-4;
  - (b) cé acu a chuireann nó nach gcuireann agus an chaoi nach gcuireann na héilimh sin agus an spleáchas ar chreidmheasanna carbóin bac ná laghdú ar bhaint amach a spríocanna laghdaithe astaíochtaí GCT, nó<sup>47</sup>, más infheidhme, a sprice glan-nialasachta; agus
  - (c) inchreidteacht agus sláine na gcreidmheasanna carbóin a úsáidtear, lena n-áirítear trí thagairt a dhéanamh do chaighdeáin cháilíochta aitheanta.

### **Ceanglas maidir le Nochtadh E1-8 – Praghsáil inmheánach carbóin**

---

37. **Nochtfaidh an gnóthas an gcuireann sé scéimeanna inmheánacha praghsála carbóin i bhfeidhm, agus má chuireann, conas a thacaíonn siad lena chinnteoireacht agus conas a dhreasóidh siad cur chun feidhme beartas agus spríocanna a bhaineann leis an aeráid.**
38. Áireofar an méid seo a leanas san fhaisnéis a cheanglaítear i mír 62:
- (a) an cineál scéim praghsála carbóin inmheánaigh, mar shampla, na scáthphraghsanna a cuireadh i bhfeidhm le haghaidh CapEx nó cinnteoireacht infheistíochta taighde agus forbartha, táillí carbóin inmheánacha nó cistí carbóin inmheánacha;
  - (b) raon feidhme sonracha chur i bhfeidhm na scéimeanna praghsála carbóin (gníomhaíochtaí, limistéir gheografacha, eintitis, etc.);
  - (c) na praghsanna carbóin a cuireadh i bhfeidhm de réir an chineáil scéime agus na toimhdí criticiúla a rinneadh chun na praghsanna a chinneadh, lena n-áirítear foinse na bpraghsanna carbóin a cuireadh i bhfeidhm agus cén fáth a meastar go bhfuil siad ábhartha dá gcur i bhfeidhm roghnaithe. Féadfaidh an gnóthas modheolaíocht ríomha na bpraghsanna carbóin a nochtadh lena n-áirítear a mhéid a socraíodh iad sin ag úsáid treoraíocht eolaíoch agus conas a bhaineann a bhforbairt sa todhchaí le conairí praghsála carbóin eolaíocht- bhunaithe; agus
  - (d) ollmhéideanna na n-astaíochtaí GCT atá ann faoi láthair de réir Scóip 1, 2 agus, i gcás inarb infheidhme, Scóip 3 i dtionála méadracha CO<sub>2</sub>eq a chumhdaítear leis na scéimeanna sin, chomh maith lena sciar d'**astaíochtaí** GCT foriomlána an ghnóthais le haghaidh gach Scóipe faoi seach.

### **Ceanglas maidir le Nochtadh E1-9 – Éifeachtaí airgeadais a bhfuil coinne leo ó rioscaí fisiceacha ábhartha agus rioscaí aistrithe ábhartha agus deiseanna ionchasacha a bhaineann leis an aeráid**

---

39. **Nochtfaidh an gnóthas an méid seo a leanas:**
- (a) **éifeachtaí airgeadais a bhfuil coinne leo ó rioscaí fisiceacha ábhartha**
  - (b) **éifeachtaí airgeadais a bhfuil coinne leo ó rioscaí aistrithe ábhartha agus**

<sup>47</sup> Tá an fhaisnéis sin ailínithe le Rialachán (AE) 2021/1119 ó Pharlaimint na hEorpa agus ón gComhairle (an Dlí Aeráide Eorpach), Airteagal 2(1);

- (c) **an cumas tairbhiú de dheiseanna ábhartha a bhaineann leis an aeráid.**
40. Tá an fhaisnéis a cheanglaítear le mír 64 sa bhreis ar an bhfaisnéis maidir leis na héifeachtaí airgeadais atá ann faoi láthair a cheanglaítear faoi ESRS 2 SBM-3 mír 48 (d). Is é is cuspóir don Cheanglas seo maidir le Nochtadh:
- (a) a bhaineann le **héifeachtaí airgeadais a bhfuil coinne leo** i ngeall ar **rioscaí fisiceacha** ábhartha agus **rioscaí aistrithe**, tuiscint a thabhairt ar an gcaoi a bhfuil tionchar ábhartha ag na rioscaí sin (nó ar an tionchar a bhféadfaí coinne réasúnach a bheith leis) ar riocht airgeadais, ar fheidhmíocht airgeadais agus ar shreafaí airgid an ghnóthais, sa ghearrthearma, sa mheántearma agus san fhadtearma. Ba cheart torthaí na **hanailíse ar chásanna** a úsáidtear chun anailís athléimneachta a dhéanamh mar a cheanglaítear faoi mhíreanna AR 10 go AR 13 a bheith mar bhonn eolais don mheasúnú ar na héifeachtaí airgeadais a bhfuil coinne leo ó rioscaí ábhartha fisiceacha agus aistrithe.
- (b) an cumas **deiseanna** ábhartha a bhaineann leis an aeráid a shaothrú chun tuiscint a chumasú ar conas a d'fhéadfadh an gnóthas tairbhe airgeadais a bhaint as deiseanna ábhartha a bhaineann leis an aeráid. Tá an nochtadh sin comhlántach leis na príomhtháscairí feidhmíochta atá le nochtadh i gcomhréir le Rialachán Tarmligthe (AE) 2021/2178 ón gCoimisiún.
41. Le nochtadh na n-**éifeachtaí airgeadais a bhfuil coinne leo** ó **rioscaí fisiceacha** ábhartha a cheanglaítear le mír 64 (a), áireofar an méid seo a leanas<sup>48</sup>:
- (a) méid airgeadaíochta agus cion (céatadán) na sócmhainní lena ngabhann riosca fisiceach ábhartha sa ghearrthearma, sa mheántearma agus san fhadtearma sula ndéantar **gníomhaíochtaí um oiriúnú don athrú aeráide** a mheas; le méideanna airgeadaíochta na sócmhainní sin arna ndí-chomhiomlánú de réir rioscaí fisiceacha géara agus ainsealacha<sup>49</sup>;
- (b) cion na sócmhainní lena ngabhann riosca fisiceach ábhartha ar a dtugtar aghaidh leis na **gníomhaíochtaí um oiriúnú don athrú aeráide**;
- (c) suíomh sócmhainní suntasacha lena ngabhann riosca fisiceach ábhartha<sup>50</sup>; agus
- (d) méid airgeadaíochta agus cion (céatadán) an ghlanioncaim óna ghníomhaíochtaí gnó lena ngabhann riosca fisiceach ábhartha sa ghearrthearma, sa mheántearma agus san fhadtearma.
42. Le nochtadh na n-**éifeachtaí airgeadais a bhfuil coinne leo** ó rioscaí aistrithe ábhartha a cheanglaítear le mír 64 (b), áireofar an méid seo a leanas:
- (a) méid airgeadaíochta agus cion (céatadán) na sócmhainní lena ngabhann riosca aistrithe ábhartha sa ghearrthearma, sa mheántearma agus san fhadtearma sula ndéantar **gníomhaíochtaí um maolú ar an athrú aeráide** a mheas;
- (b) cion na sócmhainní lena ngabhann riosca aistrithe ábhartha ar a dtugtar aghaidh leis na **gníomhaíochtaí um maolú ar an athrú aeráide**;
- (c) miondealú ar an luach iomlán de réir leabhar ar shócmhainní eastáit réadaigh an ghnóthais de réir aicmí éifeachtúlachta fuinnimh<sup>51</sup>;
- (d) dliteanais a bhféadfadh gá a bheith lena n- aithint i ráitis airgeadais sa ghearrthearma,

<sup>48</sup> Tá an fhaisnéis sin ailínithe le Rialachán Tarmligthe (AE) 2020/1818 ón gCoimisiún (Rialachán Tagarmhairc Aeráide).

<sup>49</sup>Tá an ceanglas sin maidir le nochtadh comhsheasmhach leis na ceanglais a áirítear i Rialachán Cur Chun Feidhme (AE) 2022/2453 ón gCoimisiún - Teimpléad 5: Leabhar baincúireachta — Riosca fisiceach maidir leis an athrú aeráide: Neamhchosaintí faoi réir riosca fisiceach.

<sup>50</sup>Tá an ceanglas sin maidir le nochtadh comhsheasmhach leis na ceanglais a áirítear i Rialachán Cur Chun Feidhme (AE) 2022/2453 ón gCoimisiún - Teimpléad 5: Leabhar baincúireachta — Riosca fisiceach maidir leis an athrú aeráide: Neamhchosaintí faoi réir riosca fisiceach.

<sup>51</sup>Tá an ceanglas sin maidir le nochtadh comhsheasmhach leis na ceanglais a áirítear i Rialachán Cur Chun Feidhme (AE) 2022/2453 ón gCoimisiún - Teimpléad 2: Leabhar baincúireachta — Riosca aistrithe maidir leis an athrú aeráide: Iasachtaí atá comhthaobhaithe le réadmhaoin – Éifeachtúlacht fuinnimh na comhthaobhachta.

sa mheántearma agus san fhadtearma; agus

- (e) an méid airgeadaíochta agus an cion (céatadán) de ghlanioncam óna ghníomhaíochtaí gnó faoi riosca ábhartha aistrithe sa ghearrthearma, sa mheántearma agus san fhadtearma, lena n-áirítear, i gcás inarb ábhartha, an glanioncam ó chustaiméirí an ghnóthais a fheidhmíonn i ngníomhaíochtaí a bhaineann le gual, ola agus gás.
43. Nochtfaidh an gnóthas réitigh a ghabhann le míreanna líne nó nótaí ábhartha sna ráitis airgeadais díobh seo a leanas:
- (a) méideanna móra na sócmhainní agus an ghlanioncaim lena ngabhann riosca fisiceach ábhartha (mar a cheanglaítear le mír 66);
  - (b) méideanna móra na sócmhainní, na ndlíteanas, agus an ghlanioncaim lena ngabhann riosca aistrithe ábhartha (mar a cheanglaítear le mír 67).
44. Maidir le nochtadh na hacmhainneachta chun **deiseanna** a bhaineann leis an aeráid a shaothrú a cheanglaítear le mír 64 (c), déanfaidh an gnóthas an méid seo a leanas a mheas<sup>52</sup>:
- (a) an coigilteas costais a mheastar a thiocfaidh as gníomhaíochtaí um **maolú ar an athrú aeráide** agus um **oiriúnú** don athrú sin; agus
  - (b) méid ionchasach an mhargaidh nó na hathruithe a bhfuil coinne leo ar ghlanioncam ó tháirgí agus seirbhísí ísealcharbóin nó réitigh oiriúnúcháin ag a bhfuil rochtain ag an ngnóthas nó a bhféadfadh rochtain a bheith aige orthu.
45. Ní gá cainníochtú a dhéanamh ar na **héifeachtaí airgeadais** a eascraíonn as **deiseanna** mura gcomhlíonann nochtadh den sórt sin saintréithe cáilíochtúla na faisnéise úsáidí a áirítear faoi ESRS 1 Foscríbhinn B *Saintréithe cáilíochtúla na faisnéise*.

## **Foscríbhinn A: Ceanglais maidir le Cur i bhFeidhm**

Is dlúthchuid de ESRS E1 í an Fhoscríbhinn seo. Tacaíonn sí le cur i bhfeidhm na gceanglas maidir le nochtadh a leagtar amach sa chaighdeán seo agus tá an t-údarás céanna aici agus atá ag na codanna eile den Chaighdeán.

### **Straitéis**

#### ***Ceanglas maidir le Nochtadh E1-1 – Plean aistrithe maidir le maolú ar an athrú aeráide***

- AR 1. Baineann **plean aistrithe** le hiarrachtaí an ghnóthais maidir leis an **athrú aeráide a mhaolú**. Agus a phlean aistrithe á nochtadh aige, meastar go dtabharfaidh an gnóthas míniú ardleibhéal ar an gcaoi a ndéanfaidh sé a straitéis agus a **shamhail ghnó** a choigeartú chun comhoiriúnacht leis an aistriú chuig geilleagar inbhuanaithe a áirithiú agus leis an téamh domhanda a theorannú go 1.5 °C i gcomhréir le Comhaontú Pháras (nó comhaontú idirnáisiúnta nuashonraithe maidir leis an athrú aeráide) agus maidir leis an gcuspóir aeráidneodracht a bhaint amach faoi 2050 gan aon sárú nó lena mbaineann sárú teoranta mar a bhunaítear i Rialachán (AE) 2021/1119 (an Dlí Aeráide Eorpach), agus i gcás inarb infheidhme, conas a dhéanfaidh sé a neamhchosaint ar ghual, agus ar ghníomhaíochtaí a bhaineann le hola agus gás a choigeartú.
- AR 2. Níor sainíodh conairí earnála leis na **beartais** phoiblí do gach earnáil go fóill. Dá bhrí sin, an nochtadh faoi mhír 16 (a) maidir le comhoiriúnacht an **phlean aistrithe** leis an gcuspóir an téamh domhanda a theorannú go 1.5 °C, ba cheart é a thuiscint mar nochtadh **sprioc**

<sup>52</sup> Tá an fhaisnéis sin ailínithe le Rialachán Tarmilgthe (AE) 2020/1818 ón gCoimisiún (Rialachán Tagarmhairc Aeráide).

**laghdaithe astaíochtaí** GCT an ghnóthais. Déanfar an nochtadh faoi mhír 16 (a) a thagarmharcáil i ndáil le conair go 1.5 °C. Ba cheart an tagarmharc sin a bheith bunaithe ar chonair dícharbónaithe eárnála má tá sé ar fáil d'earnáil an ghnóthais nó ar chás uilegheilleagair agus aird á tabhairt ar na teorainneacha a bhaineann leis (i.e., is aistriú simplí é ar chuspóirí **laghdaithe astaíochtaí** ón stát go leibhéal an ghnóthais). Ba cheart an AR seo a léamh freisin i gcomhar le AR 26 agus AR 27 agus leis na conairí dícharbónaithe eárnála dá dtagraíonn siad.

AR 3. Agus an fhaisnéis a cheanglaítear faoi mhír 16(d) á nochtadh aige, féadfaidh an gnóthas an méid seo a leanas a bhreithniú:

- (a) na **hastáíochtaí GCT gaibhnithe** carnacha a bhaineann le príomhshócmhainní ón mbliain tuairiscithe go dtí 2030 agus 2050 in tCO<sub>2</sub>eq. Déanfar measúnú air sin mar shuim astaíochtaí GCT Scóip 1 agus 2 a mheastar a bheidh ann thar shaolré oibriúcháin na bpríomhshócmhainní gníomhacha atá pleanáilte go daingean. Is iad na príomhshócmhainní na príomhshócmhainní sin atá faoi úinéireacht nó faoi rialú an ghnóthais, agus is éard atá iontu sócmhainní atá ann cheana nó atá beartaithe (amhail **suíteálacha**, saoráidí agus trealamh do-aistrithe nó soghluaiste) ar foinsí iad d'astaíochtaí GCT móra díreacha nó indíreacha ó fhuinneamh. Is iad na príomhshócmhainní atá pleanáilte go daingean na sócmhainní ar dóchúla go n-úsáidfidh an gnóthas iad sna 5 bliana amach romhainn.
- (b) na **hastáíochtaí GCT gaibhnithe** carnacha a bhaineann le **hastáíochtaí GCT táirgí** díolta in tCO<sub>2</sub>eq i gcéim na húsáide dírfí, arna mheas mar an méid díolachán táirgí sa bhliain tuairiscithe arna iolrú faoi shuim na n-astaíochtaí GCT measta i gcéim na húsáide dírfí le linn a saolré ionchasaí. Ní bheidh feidhm ag an gceanglas seo ach amháin má tá **catagóir de Scóip 3** 'úsáid táirgí díolta' sainaitheanta ag an ngnóthas mar chatagóir suntasach faoin gCeanglas maidir le Nochtadh E1-6 mír 51; agus
- (c) míniú ar na pleananna chun bainistíocht a dhéanamh, i.e., a shócmhainní agus táirgí atá dian ar GCT agus dian ar fhuinneamh a athrú ó bhonn, a dhíchoimisiúnú nó deireadh a chur leo de réir a chéile.

AR 4. Agus an fhaisnéis a cheanglaítear faoi mhír 16 (e) á nochtadh ag an ngnóthas, míneoidh sé conas a mheastar go dtiocfaidh forbairt ar ailíniú a ghníomhaíochtaí eacnamaíocha le forálacha Rialachán Tarmligthe (AE) 2021/2139 ón gCoimisiún le himeacht ama chun tacú lena aistriú chuig geilleagar inbhuanaithe. Agus an méid sin á dhéanamh aige, cuirfidh an gnóthas san áireamh na príomhtháscairí feidhmíochta is gá a nochtadh faoi Airteagal 8 de Rialachán (AE) 2020/852 (go háirithe ioncam atá ailínithe le tacsanomaíocht agus CapEx agus, más infheidhme, pleananna CapEx).

AR 5. Agus an fhaisnéis a cheanglaítear faoi mhír 16 (f) á nochtadh aige, luafaidh an gnóthas cé acu atá nó nach bhfuil sí eisiata ó Thagarmharcanna AE atá ailínithe le Comhaontú Pháras i gcomhréir leis na critéir eisiaimh a luaitear in Airteagal 12.1 (d) go (g)<sup>53</sup> agus Airteagal 12.2 de Rialachán Tarmligthe (AE) 2020/1818 ón gCoimisiún (an Rialachán maidir le Caighdeáin Tagarmhairc Aeráide)<sup>54</sup>.

<sup>53</sup>Luaitear in Airteagal 12.1 den Rialachán maidir le Caighdeáin Tagarmhairc Aeráide 'go n-eisiafaidh Riarthóirí Tagarmharcanna AE atá ailínithe le Comhaontú Pháras na cuideachtaí seo a leanas:

- a) cuideachtaí a dhíorthaíonn 1 % nó níos mó dá n- ioncam ó ghual crua agus lignít a thaiscéaladh, mianadóireacht a dhéanamh orthu, iad a eastóscadh, a dháileadh nó a scagadh; nó
- b) cuideachtaí a dhíorthaíonn 10 % nó níos mó dá n- ioncam ó bhreoslaí ola a thaiscéaladh, iad a eastóscadh, a dháileadh nó a scagadh; nó
- c) cuideachtaí a dhíorthaíonn 50 % nó níos mó dá n- ioncam ó bhreoslaí gásacha a thaiscéaladh, iad a eastóscadh, a mhonarú nó a dháileadh; nó
- d) cuideachtaí a dhíorthaíonn 50 % nó níos mó dá n- ioncam ó ghiniúint leictreachais lena ngabhann déine GCT de níos mó ná 100 g CO<sub>2</sub> e/KWh.'

Luaitear in Airteagal 12.2 maidir le 'Riarthóirí Thagarmharcanna an Aontais atá ailínithe le Comhaontú Pháras, déanfaidh siad a eisiáimh ó na tagarmharcanna sin aon chuideachta a fhaigheann siad nó a mheasann siad nó a fhaigheann nó a mheasann soláthraithe sonraí seachtracha a bheith i mbun díobháil shuntasach do cheann amháin nó níos mó de na cuspóirí comhshaoil dá dtagraítear in Airteagal 9 de Rialachán (AE) 2020/852 ó Pharlaimint na hEorpa agus ón gComhairle, i gcomhréir leis na rialacha maidir le meastacháin a leagtar síos in Airteagal 13(2) den Rialachán seo.'

<sup>54</sup>Tá an ceanglas seo maidir le nochtadh comhsheasmhach leis na ceanglais i Rialachán Cur Chun Feidhme (AE) 2022/2453 ón gCoimisiún, teimpléad 1, an riosca aistrithe maidir leis an athrú aeráide.

## **Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó**

---

- AR 6. Agus an fhaisnéis maidir le raon feidhme na hanailíse athléimneachta á nochtadh ag an ngnóthas mar a cheanglaítear faoi mhír 19(a), míneoidh sé cén chuid dá oibríochtaí féin agus dá **shlabhra luacha** réamhtheachtach agus iartheachtach féin mar aon le cé na **rioscaí fisiceacha** agus na **rioscaí aistriithe** ábhartha a d'fhéadfadh a bheith eisiata ón anailís.
- AR 7. Agus an fhaisnéis á nochtadh maidir leis an gcaoi a ndearnadh an anailís athléimneachta mar a cheanglaítear faoi mhír 19(b), míneoidh an gnóthas an méid seo a leanas:
- (a) na toimhdí criticiúla faoin gcaoi a ndéanfaidh an t-aistriú chuig geilleagar ísealcharbóin athléimneach difear dá threochtaí maicreacnamaíocha mórthimpeall, tomhaltas fuinnimh agus meascán fuinnimh, agus toimhdí maidir le cur in úsáid na teicneolaíochta;
  - (b) na tréimhsí ama a chuirtear i bhfeidhm agus a n-aillíniú leis na **cásanna** aeráide agus gnó a breithníodh chun **rioscaí fisiceacha agus aistriithe** ábhartha a chinneadh (míreanna AR 11 go AR 12) agus **spríocanna laghdaithe astaíochtaí GCT** a shocrú (a thuairiscítear faoi Cheanglas maidir le Nochtadh E1-4); agus
  - (c) conas a breithníodh na **héifeachtaí airgeadais measta** a bhfuil coinne leo ó **rioscaí fisiceacha** agus **aistriithe** ábhartha (mar a cheanglaítear le Ceanglas maidir le Nochtadh E1-9) chomh maith leis na **gníomhaíochtaí** maolaithe agus na hacmhainní (a nochtadh faoi Cheanglas maidir le Nochtadh E1-3).
- AR 8. Agus an fhaisnéis á nochtadh maidir torthaí na hanailíse athléimneachta mar a cheanglaítear faoi mhír 19(c), míneoidh an gnóthas an méid seo a leanas:
- (a) réimsí neamhchinnteachtaí na hanailíse athléimneachta agus a mhéid a dhéantar na sócmhainní agus na gníomhaíochtaí gnó atá i mbaol a mheas laistigh de shainmhíniú straitéis an ghnóthais, na gcinntí infheistíochta, agus na **gníomhaíochtaí** maolaithe atá ann faoi láthair agus atá beartaithe;
  - (b) cumas an ghnóthais a straitéis agus a **shamhail ghnó** a choigeartú nó a oiriúnú don athrú aeráide sa ghearrthéarma, sa mheántéarma agus san fhadtéarma, lena n-áirítear rochtain leanúnach ar mhaoiniú a fháil ar chostas inacmhainne caipitil, an cumas sócmhainní atá ann cheana a ath-ímlonnú, a uasghrádú nó a dhíchoimisiúnú, a phunann táirgí agus seirbhísí a aistriú, nó a lucht saothair a athsciliú.

### **Bainistiú tionchar, rioscaí agus deiseanna**

## **Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann leis an aeráid a shainaithint agus a mheasúnú**

---

- AR 9. Agus an fhaisnéis maidir leis na próisis chun tionchar chomhshaoil a shainaithint agus a mheasúnú á nochtadh aige, mar a cheanglaítear faoi mhír 20(a), míneoidh an gnóthas an chaoi a ndearna sé an méid seo a leanas:
- (a) scagadh a dhéanamh ar a gníomhaíochtaí agus ar a phleananna chun foinsí astaíochtaí GCT iarbhir agus féideartha amach anseo a shainaithint agus, más infheidhme, spreagthaí le tionchair eile a bhaineann leis an aeráid a shainaithint (e.g. **astaíochtaí** carbóin dhubh nó ózón trópaisféarach nó **athrú ar thalamhúsáid**) ina chuid oibríochtaí féin agus feadh an tslabhra luacha; agus
  - (b) measúnú a dhéanamh ar an tionchar iarbhir agus ar an tionchar a d'fhéadfadh a bheith aige ar an athrú aeráide (i.e., iomlán na n-astaíochtaí GCT).
- AR 10. Féadfaidh an gnóthas an fhaisnéis a nochtar faoi mhíreanna 20 (a) agus AR 9 a nascadh leis an bhfaisnéis a nochtar faoi na Ceanglais maidir le Nochtadh seo a leanas: An Ceanglas

maidir le Nochtadh E1-1, mír 16 (d) maidir le hastaíochtaí GCT gaibhnithe; Ceanglas maidir le Nochtadh E1-4 agus Ceanglas maidir le Nochtadh E1-6.

AR 11. Agus an fhaisnéis maidir leis na próisis chun **rioscaí fisiceacha** a shainaithint agus a mheasúnú á nochtadh aige mar a cheanglaítear faoi mhír 20(b), míneoidh an gnóthas cé acu a rinne nó nach ndearna sé an méid seo a leanas agus an chaoi a ndearna sé é:

- (a) guaiseacha a bhaineann leis an aeráid a shainaithint (féach an tábla thíos) sa ghearrthéarma, sa mheántéarma nó san fhadtéarma agus scagadh a dhéanamh ar cé acu an bhféadfaí nó nach bhféadfaí a ghníomhaíochtaí sócmhainní agus gnó a nochtadh do na guaiseacha sin;
- (b) tréimhsí gearrthéarmacha, meántéarmacha agus fadtéarmacha a shainiú agus an bealach a bhfuil na sainithe sin nasctha le saolré ionchais shócmhainní an ghnóthais, a thréimhsí ionchasacha i ndáil leis an bpleanáil straitéiseach agus pleananna um leithdháileadh caipitil;
- (c) measúnú a dhéanamh ar a mhéid a fhéadfaidh a shócmhainní agus a ghníomhaíochtaí gnó a bheith neamhchosanta agus leochaileach i leith na nguaiseacha sainaitheanta a bhaineann leis an aeráid, agus dóchúlacht, méid agus fad na nguaiseacha á gcur san áireamh chomh maith leis na comhordanáidí geospásúla (Aicmiú Comhchoiteann na n-Aonad Críche maidir le Staidreamh le haghaidh chríoch an Aontais) a bhaineann go sonrach le suíomhanna agus **slabhraí soláthair** an ghnóthais; agus
- (d) tá sainiú na nguaiseacha a bhaineann leis an aeráid agus an measúnú ar nochtadh agus ar íogaireacht bunaithe ar **chásanna** aeráide d'**astaíochtaí** arda, a d'fhéadfadh, mar shampla, a bheith bunaithe ar IPCC SSP5-8.5, réamh-mheastacháin aeráide réigiúnacha ábhartha bunaithe ar na cásanna astaíochtaí sin, nó cásanna aeráide NGFS (an Líonra um Ghlasú an Chórais Airgeadais) lena ngabhann riosca ard fisiceach amhail 'Domhan róthe' nó 'Ní leor é agus tá sé rómhall'. Le haghaidh ceanglais ghinearálta maidir le **hanailís ar chásanna** a bhaineann leis an aeráid, féach míreanna 18, 19, AR 13 go AR 15.

Guaiseacha a bhaineann leis an aeráid a aicmiú (Foinse: Rialachán tarmligthe (AE) 2021/2139 ón gCoimisiún)				
	Rioscaí a bhaineann le teocht	Rioscaí a bhaineann le gaoth	Rioscaí a bhaineann le huisce	Guaiseacha a bhaineann le mais sholadach
Ainsealach	Athrú teochta (aer, fionnuisce, uisce mara)	Athrú i bpatrúin ghaoithe	Athrú i bpatrúin agus i gcineálacha frasaíochta (báisteach, clocha sneachta, sneachta/leac oighir)	Creimeadh cósta
	Strus teirmeach		Inathraitheacht frasaíochta nó hidreolaíoch	Díghrádú ithreach
	Inathraitheacht teochta		Aigéadú na n- aigéan	Creimeadh ithreach
	Talamh síorshiochta ag leá		Ionsá salanda	Sreabhadh ithreach
			Ardú ar leibhéal na farraige	
			Strus maidir le huisce	
Géar	Tonn teasa	Cioclóin, spéirlingí, tíofúin	Triomach	Maidhm shneachta
	Tonn fuachta/sioc	Stoirmeacha (lena n- áirítear síobadh sneachta, deannach	Frasaíocht throm (báisteach, clocha sneachta, sneachta/leac oighir)	Maidhm shléibhe

		agus stoirmeacha gainimh)		
	Falscaí	Tornádó	Tuile (chósta, srutha, bháistiúil, screamhuisce)	Turnamh
			Ráig locha oighrigh	

AR 12. Agus an fhaisnéis maidir leis na próisis chun **rioscaí aistrithe** agus **deiseanna** a shainathint agus a mheasúnú á nochtadh aige, mar a cheanglaítear faoi mhír 20 (c), míneoidh an gnóthas cé acu a rinne nó nach ndearna sé an méid seo a leanas agus an chaoi a ndearna sé é:

- teagmhais aistrithe a shainathint (féach an tábla le samplaí thíos) sa ghearrthéarma, sa mheántéarma nó san fhadtéarma agus scagadh a dhéanamh le fáil amach cé acu a d'fhéadfadh nó nach bhféadfadh a shócmhainní agus a ghníomhaíochtaí gnó a bheith neamhchosanta ar na teagmhais sin. I gcás rioscaí agus deiseanna aistrithe, an rud a mheastar a bheith fadtéarmach, féadfaidh sé níos mó ná 10 mbliana a chumhdach agus féadfar é a ailíniú le spriocanna **beartais** phoiblí a bhaineann leis an aeráid;
- measúnú a dhéanamh ar a mhéid a d'fhéadfadh a shócmhainní agus a ghníomhaíochtaí gnó a bheith neamhchosanta agus leochaileach do na teagmhais aistrithe shainitheanta, agus dóchúlacht, méid agus fad na dteagmhais aistrithe á gcur san áireamh;
- bonn eolais a chur faoi shainathint imeachtaí aistrithe agus faoin measúnú ar neamhchosaint trí **anailís ar chásanna** a bhaineann leis an aeráid, agus cás a bheadh comhsheasmhach ar a laghad le Comhaontú Pháras á mheas agus an t-athrú aeráide á theorannú go 1.5 °C, mar shampla, bunaithe ar chásanna na Gníomhaireachta Idimáisiúnta Fuinnimh (Astaíochtaí Glan-Nialasachta faoi 2050, Cás na Forbartha Inbhuanaithe, etc) nó cásanna aeráide NGFS (an Líonra um Ghlasú an Chórais Airgeadais). Maidir leis na ceanglais ghinearálta a bhaineann le hanailís ar chásanna a bhaineann leis an aeráid, féach míreanna 18, 19, AR 13 go AR 15; agus
- sócmhainní sainitheanta agus gníomhaíochtaí gnó nach bhfuil comhoiriúnach leis an aistriú chuig geilleagar aeráidneodrach nó a dteastaíonn iarrachtaí suntasacha uathu chun a bheith comhoiriúnach leis an aistriú chuig geilleagar aeráidneodrach (mar shampla, mar gheall ar **astaíochtaí GCT atá gaibhnithe** go suntasach nó neamh-chomhoiriúnach leis na ceanglais maidir le hailíniú le Tacsanomaíocht faoi Rialachán Tarmilgthe (AE) 2021/2139 ón gCoimisiún).

#### Samplaí de theagmhais aistrithe a bhaineann leis an aeráid (samplaí bunaithe ar aicmiú TCFD)

Beartas agus dlíthiúil	Teicneolaíocht	Margadh	Ciú
Praghsáil mhéadaithe ar astaíochtaí GCT	Táirgí agus seirbhísí reatha a ionadú le roghanna lena ngabhann astaíochtaí níos ísle	Iompar custaiméirí a athrú	Athruithe ar thosaíochtaí tomhaltóirí
Astaíochtaí feabhsaithe - oibleagáidí tuairiscithe	nfheistíocht neamhrathúil i dteicneolaíochtaí nua	Neamhchinnteacht i gcomharthaí margaí	Stigmatú na hearnála
Sainorduithe maidir le táirgí agus seirbhísí atá ann cheana agus rialú na dtáirgí agus na seirbhísí sin	Costais an aistrithe chuig teicneolaíochtaí lena ngabhann astaíochtaí níos ísle	Costas méadaithe amhábhbar	Méadú ar abhar imní páirtithe leasmhara

### *Anailís ar chás an athraithe aeráide*

- AR 13. Agus an fhaisnéis a cheanglaítear faoi mhíreanna 19, 20, 21, AR 10 agus AR 11 á nochtadh ag an ngnóthas, míneoidh sé conas a d'úsáid sé **anailís ar chásanna** a bhaineann leis an aeráid atá i gcomhréir lena imthosca chun bonn eolais a chur faoi **rioscaí agus deiseanna fisiceacha agus aistrithe** a shainaithint agus a mheasúnú sa ghearrthéarma, sa mheántéarma nó san fhadtéarma, lena n-áirítear:
- cé na **cásanna** a úsáideadh, a bhfoinsí agus a n-ailíniú le heolaíocht úrscothach;
  - insintí, tréimhsí ama, agus críochphointí a úsáideadh le plé ar cén fáth a gcreideann sé go gcumhdaíonn an raon cásanna a úsáideadh a rioscaí agus a neamhchinnteachtaí sochreidte;
  - na príomhfhórsaí agus na príomhspreagthóirí a chuirtear san áireamh i ngach cás agus an fáth a bhfuil siad ábhartha don ghnóthas, mar shampla toimhdí **beartais**, treochtaí maicreacnamaíocha, úsáid fuinnimh agus meascán fuinnimh, agus toimhdí teicneolaíochta; agus
  - príomh- ionchuir agus príomh- bhacainní na gcásanna, lena n- áirítear a leibhéal mionsonraí (e.g., cé acu atá an anailís ar rioscaí fisiceacha a bhaineann leis an aeráid bunaithe ar chomhordanáidí geospásúla atá sonrach do shuíomhanna an ghnóthais nó sonraí leathana ar leibhéal náisiúnta nó réigiúnach).
- AR 14. Agus **anailís ar chásanna** á déanamh ag an ngnóthas, féadfaidh sé an treoraíocht seo a leanas a chur san áireamh: Forlónadh Teicniúil TCFD maidir le 'Úsáid na hAnailíse ar Chásanna chun Rioscaí agus Deiseanna a Bhaineann leis an Aeráid a Nochtadh' (2017); TFCS 'Treoraíocht maidir le hAnailís ar Chásanna do Chuideachtaí Neamhairgeadais' (2020); ISO 14091:2021 'Oiriúnú don athrú aeráide — Treoirlínte maidir le leochaileacht, tionchair agus measúnú riosca'; aon chaighdeáin tionscail aitheanta eile amhail an Líonra um Ghlasú an Chórais Airgeadais (NGFS); agus rialacháin an Aontais, rialacháin náisiúnta, rialacháin réigiúnacha agus rialacháin áitiúla.
- AR 15. Míneoidh an gnóthas go hachomair conas atá na **cásanna** aeráide a úsáidtear comhoiriúnach leis na toimhdí criticiúla a bhaineann leis an aeráid a dhéantar sna ráitis airgeadais.

### **Ceanglas maidir le Nochtadh E1-2 – Beartais a bhaineann le maolú ar an athrú aeráide agus le hoiriúnú don athrú aeráide**

- AR 16. Féadfar **beartais** a bhaineann le **maolú ar an athrú aeráide** nó **oiriúnú don athrú aeráide** a nochtadh ar leithligh toisc nach ionann na cuspóirí atá leo, na daoine lena mbaineann, na **gníomhaíochtaí** agus na hacmhainní is gá chun iad a chur chun feidhme.
- AR 17. Tugann **beartais** a bhaineann le **maolú ar an athrú aeráide** aghaidh ar bhainistiú **astaíochtaí gás ceaptha teasa**, aistrithe gás ceaptha teasa agus **rioscaí aistrithe** an ghnóthais thar thréimhsí ama éagsúla, ina oibríochtaí féin agus/nó sa **slabhra luacha** réamhtheachtach agus iartheachtach. Féadfaidh baint a bheith ag an gceanglas faoi mhír 14 le beartais neamhspleácha maidir le maolú ar an athrú aeráide chomh maith le beartais ábhartha maidir le hábhair eile a thacaíonn go hindíreach le maolú ar an athrú aeráide lena n-áirítear beartais **oilúna**, beartais soláthair nó **slabhra soláthair**, beartais infheistíochta nó beartais forbartha táirgí.
- AR 18. Tugann **beartais** a bhaineann le **hoiriúnú don athrú aeráide** aghaidh ar bhainistiú rioscaí fisiceacha aeráide an ghnóthais agus ar na **rioscaí aistrithe** a bhaineann leis an oiriúnú don

athrú aeráide. Féadfaidh baint a bheith ag an gceanglas faoi mhíreanna 22 agus 25 le beartais neamhspleácha oiriúnaithe don athrú aeráide chomh maith le beartais ábhartha maidir le hábhair eile a thacaíonn go hindíreach le hoiriúnú don athrú aeráide, lena n-áirítear beartais **oiliúna**, agus beartais éigeandála nó beartais sláinte agus sábháilteachta.

### **Ceanglais maidir le Nochtadh E1-3 – Gníomhaíochtaí agus acmhainní i ndáil le beartais don athrú aeráide**

---

AR 19. Agus an fhaisnéis faoi **ghníomhaíochtaí** á nochtadh aige mar a cheanglaítear faoi mhíreanna 29 (a) agus 29 (b), féadfaidh an gnóthas:

- (a) a phríomhghníomhaíochtaí a rinneadh agus/nó a phleananna chun beartais maidir le **maolú ar an athrú aeráide** agus **oiriúnú don athrú sin** a chur chun feidhme a nochtadh ina ghníomhaíochtaí aonair nó ina ghníomhaíochtaí ar leithligh;
- (b) cineálacha comhiomlána gníomhaíochtaí maolaithe (luamhain dhícharbónaithe) amhail éifeachtúlacht fuinnimh, leictiríú, malartú breosla, úsáid **fuinnimh in-athnuaite**, athrú táirgí, agus dícharbónú an tslabhra soláthair a oireann do ghníomhaíochtaí sonracha na ngnóthas;
- (c) an liosta de na príomhghníomhaíochtaí maolúcháin a nochtadh in éineacht leis na **spriocanna** intomhaiste (mar a cheanglaítear le Ceanglas maidir le Nochtadh E1-4), le dí-chomhiomlánú trí luamhain dícharbónaithe; agus
- (d) na gníomhaíochtaí **oiriúnaithe don athrú aeráide** a nochtadh de réir chineál an réitigh oiriúnaithe amhail oiriúnú dúlrabhunaithe, innealtóireacht nó réitigh theicneolaíocha.

AR 20. Agus an fhaisnéis faoi acmhainní á nochtadh mar a cheanglaítear faoi mhír 29 (c), ní nochtfaidh an gnóthas ach na méideanna suntasacha OpEx agus CapEx is gá chun na **ghníomhaíochtaí** a chur chun feidhme toisc gurb é cuspóir na faisnéise sin inchreidteacht a ghníomhaíochtaí a léiriú seachas na méideanna nochtta a réiteach leis na ráitis airgeadais. Is éard a bheidh sna méideanna nochtta CapEx agus OpEx na suimiúcháin a dhéantar le sócmhainní inláimhsithe agus sócmhainní doláimhsithe le linn na bliana airgeadais reatha chomh maith leis na suimiúcháin atá beartaithe le haghaidh na dtréimhsí amach anseo ina gcuirfear na gníomhaíochtaí chun feidhme. Ní bheidh sna méideanna nochtta ach na hinfheistíochtaí airgeadais incriminteacha a rannchuidíonn go díreach le **spriocanna** an ghnóthais a bhaint amach.

AR 21. I gcomhréir le ceanglais ESRS 2 MDR-A, míneoidh an gnóthas an mbraitheann a chumas na **ghníomhaíochtaí** a chur chun feidhme agus a mhéid a bhraitheann sé ar infhaighteacht agus leithdháileadh acmhainní. Féadann rochtain leanúnach ar chostas inacmhainne caipitil a bheith criticiúil i ndáil le cur chun feidhme ghníomhaíochtaí an ghnóthais, lena n-áirítear a choigeartuithe ar athruithe soláthair/éilimh nó a éadálacha gaolmhara agus infheistíochtaí suntasacha i dtaighde agus forbairt.

AR 22. Beidh méideanna OpEx agus CapEx a cheanglaítear chun na **ghníomhaíochtaí** a nochtar faoi mhír 29 (c) a chur chun feidhme comhsheasmhach leis na príomhtháscairí feidhmíochta (eochairtháscairí feidhmíochta CapEx agus OpEx) agus, más infheidhme, leis an bplean CapEx a cheanglaítear le Rialachán Tarmligthe (AE) 2021/2178 ón gCoimisiún. Míneoidh an gnóthas aon difríochtaí a d'fhéadfadh a bheith ann idir méideanna móra OpEx agus CapEx a nochtar faoin gCaighdeán seo agus na príomhtháscairí feidhmíochta a nochtar faoi Rialachán Tarmligthe (AE) 2021/2178 ón gCoimisiún mar gheall, mar shampla, ar nochtadh gníomhaíochtaí eacnamaíocha neamh-incháilithe mar a shainmhínítear sa rialachán tarmligthe sin. Féadfaidh an gnóthas a ghníomhaíochtaí a struchtúrú de réir gníomhaíochta eacnamaíche chun comparáid a dhéanamh idir OpEx agus CapEx, agus más infheidhme a phleananna OpEx agus/nó CapEx lena phríomhtháscairí feidhmíochta ailínithe le Tacsanomaíocht.

### **Méadracht agus spriocanna**

## **Ceanglas maidir le Nochtadh E1-4 – Spriocanna a bhaineann le maolú ar an athrú aeráide agus le hoiriúnú don athrú aeráide**

---

- AR 23. Faoi mhír 34 (a), féadfaidh an gnóthas spriocanna **laghdaithe astaíochtaí GCT** a nochtadh i luach déine. Déantar spriocanna déine a fhoirmiú mar chóimheasa d'**astaíochtaí gás ceaptha teasa** i gcoibhneas le haonad gníomhaíochta fisicí nó aschuir eacnamaíoch. Déantar tagairt d'aonaid gníomhaíochta nó aschuir ábhartha i gcaighdeáin earnáilsonracha ESRS. I gcásanna nach bhfuil ach sprioc laghdaithe déine GCT socráithe ag an ngnóthas, nochtfaidh sé mar sin féin na dearbhluachanna gaolmhara don spriocbhliain agus don spriocbhliain eatramhach nó do na spriocbhlianta eatramhacha. Mar thoradh air sin, d'fhéadfadh sé go mbeadh ar ghnóthas méadú ar dhearbhastáíochtaí gás ceaptha teasa a nochtadh don spriocbhliain agus don spriocbhliain eatramhach nó do na spriocbhlianta eatramhacha, mar shampla toisc go bhfuil sé ag súil le fás orgánach a ghnó.
- AR 24. Agus an fhaisnéis a cheanglaítear faoi mhír 34 (b) á nochtadh aige, sonródh an gnóthas sciar na sprice a bhaineann le gach **Scóip astaíochtaí GCT (1, 2 nó 3)** faoi seach. Luafaidh an gnóthas an modh a úsáidtear chun **astaíochtaí GCT** Scóip 2 a áirítear sa sprioc a ríomh (i.e., an modh suíomhbhunaithe nó modh margadhbhunaithe). Má tá teorainn na sprice maidir le **laghdú astaíochtaí GCT** éagsúil ó theorainn na n-astaíochtaí GCT a tuairiscíodh faoin gCeanglas maidir le Nochtadh E1-6, nochtfaidh an gnóthas cé na gáis a chumhdaítear, an céatadán faoi seach de Scóip 1, 2, 3 agus iomlán na n-astaíochtaí GCT a chumhdaítear leis an sprioc. I gcás **spriocanna** laghdaithe astaíochtaí GCT a fhochuideachtaí, cuirfidh an gnóthas na ceanglais sin i bhfeidhm ar an gcaoi chéanna ar leibhéal na fochuideachta.
- AR 25. Agus an fhaisnéis a cheanglaítear faoi mhír 34 (c) á nochtadh maidir le bonnbhliain agus luach bonnlíne:
- míneoidh an gnóthas go gairid conas a d'áirithigh sé go bhfuil an luach bonnlíne, a ndéantar an dul chun cinn i dtreo na sprice a thomhas ina aghaidh, ionadaíoch i dtéarmaí na ngníomhaíochtaí a chumhdaítear agus thionchair na dtosca seachtracha (e.g., aimhrialtachtaí teochta i mbliain faoi leith a imríonn tionchar ar an méid tomhaltais fuinnimh agus astaíochtaí GCT gaolmhara). Is féidir déanamh amhlaidh le normalú an luacha bonnlíne nó trí luach bonnlíne, a dhíorthaítear ó mheán 3 bliana, a úsáid má mhéadaítear leis sin an t-ionadaíochas agus má fhágtar leis sin go dtugtar léiriú níos dílse;
  - ní athrófar an luach bonnlíne ná an bhonnbhliain mura dtarlaíonn athruithe suntasacha ar an teorainn sprice ná ar an teorainn tuairiscithe. Sa chás sin, míneoidh an gnóthas conas a dhéanann an luach bonnlíne nua difear don sprioc nua, a baint amach agus staid an dul chun cinn le himeacht ama. Chun inchomparáideacht a chothú, agus **spriocanna** nua á socrú aige, roghnóidh an gnóthas an bhonnbhliain is déanaí nach dtagann roimh an gcéad bhliain tuairiscithe den spriocthréimhse nua ar feadh tréimhse níos faide ná 3 bliana. Mar shampla, i gcás 2030 mar spriocbhliain agus spriocthréimhse idir 2025 agus 2030, roghnófar an bhonnbhliain ón tréimhse idir 2022 agus 2025;
  - tabharfaidh an gnóthas a bhonnbhliain cothrom le dáta ó 2030 ar aghaidh agus i ngach tréimhse 5 bliana ina dhiaidh sin. Ciallaíonn sé sin, roimh 2030, go bhféadfaidh gurb iad na bonnbhlianta arna roghnú ag gnóthais an bhonnbhliain a chuirtear i bhfeidhm faoi láthair le haghaidh spriocanna atá ann cheana nó an chéad bhliain de chur i bhfeidhm cheanglais an tuairiscithe inbhuanaitheachta mar a leagtar amach in Airteagal 5(2) de Threoir (AE) 2022/2464 (2024, 2025 nó 2026) agus, tar éis 2030, gach 5 bliana (2030, 2035, etc); agus
  - nuair a chuireann sé spriocanna a bhaineann leis an aeráid i láthair, féadfaidh an gnóthas an dul chun cinn maidir le baint amach na spriocanna sin roimh a bhonnbhliain reatha. Agus é sin á dhéanamh aige, áiritheoidh an gnóthas, a mhéid is féidir, go bhfuil an fhaisnéis faoin dul chun cinn a rinneadh san am atá thart

comhsheasmhach le ceanglais an Chaighdeáin seo. I gcás difríochtaí modheolaíochta, mar shampla, maidir le teorannacha sprice, soláthróidh an gnóthas míniú gairid ar na difríochtaí sin.

- AR 26. Agus an fhaisnéis a cheanglaítear faoi mhíreanna 34 (d) agus 34 (e) á nochtadh aige, cuirfidh an gnóthas an fhaisnéis i láthair le linn na spriocthréimhse ag tagairt do chonair astaíochtaí a bhaineann go sonrach le hearnáil, má tá sí ar fáil, nó do chonair astaíochtaí trasearnála atá comhoiriúnach leis an téamh domhanda a theorannú go 1.5 °C. Chun na críche sin, ríomhfaidh an gnóthas spriocluach tagartha ailínithe 1.5 °C do Scóip 1 agus 2 (agus, más infheidhme, conair ar leithligh le haghaidh Scóip 3) ar féidir a **spriocanna laghdaithe astaíochtaí** GCT féin nó a spriocanna eatramhacha féin sna Scóip faoi seach a chur i gcomparáid leis.
- AR 27. Féadfar an spriocluach tagartha a ríomh trí na **hastaíochtaí** GCT sa bhonnbhliain a iolrú faoi fhachtóir laghdaithe astaíochtaí earnáilsonrach (modheolaíocht dícharbónaithe earnála) nó faoi fhachtóir **laghdaithe astaíochtaí** trasearnála (modheolaíocht chraptha). Is féidir na fachtóirí laghdaithe astaíochtaí sin a dhíorthú ó fhoinsí éagsúla. Ba cheart don gnóthas a áirithiú go bhfuil an fhoinsé a úsáidtear bunaithe ar chonair laghdaithe astaíochtaí atá comhoiriúnach leis an téamh domhanda a theorannú go 1.5 °C.
- AR 28. Tá na fachtóirí **laghdaithe astaíochtaí** faoi réir tuilleadh forbartha. Dá dhroim sin, moltar do gnóthais gan ach faisnéis atá cothrom le dáta agus ar fáil go poiblí a úsáid.


	2030	2050
Conair laghdaithe trasearnála (ACA) bunaithe ar an mbliain 2020 mar an bhliain tagartha	-42 %	-90 %

Foinse: bunaithe ar Pathways to Net-zero – SBTi Technical Summary [Conairí chuig Neodracht Charbóin – Achoimre Theicniúil SBTi] (Leagan 1.0, Deireadh Fómhair 2021)

- AR 29. Tá an spriocluach tagartha ag brath ar an mbonnbhliain agus ar **astaíochtaí** bonnlíne sprioc **laghdaithe astaíochtaí** GCT an ghnóthais. Mar thoradh air sin, d'fhéadfadh sé nach mbeadh an spriocluach tagartha do ghnóthais ag a bhfuil bonnbhliain le déanaí nó ó astaíochtaí bonnlíne níos airde chomh dúshlánach céanna leis an spriocluach tagartha do ghnóthais a bhfuil **gníomhaíochtaí** uaillmhianacha déanta acu cheana féin chun astaíochtaí gás ceaptha teasa a laghdú. Dá bhrí sin, gnóthais a bhfuil laghdaithe astaíochtaí gás ceaptha teasa bainte amach acu san am a chuaigh thart, ar laghdaithe iad atá comhoiriúnach leis an gconair trasearnála nó earnáilsonrach atá ailínithe le 1.5 C, féadfaidh siad a n-astaíochtaí bonnlíne a choigeartú dá réir chun an spriocluach tagartha a chinneadh. Dá réir sin, má tá na hastaíochtaí bonnlíne á gcoigeartú ag an ngnóthas chun an spriocluach tagartha a chinneadh, ní bhreithneoidh sé laghdaithe ar astaíochtaí GCT a tháinig roimh 2020 agus cuirfidh sé fianaise iomchuí ar fáil maidir leis an laghdú ar astaíochtaí GCT a baineadh amach roimhe seo.
- AR 30. Agus an fhaisnéis a cheanglaítear faoi mhír 34 (f) á nochtadh aige, míneoidh an gnóthas:
- trí thagairt dá **gníomhaíochtaí** chun an **t-athrú aeráide a mhaolú**, na **luamháin dícharbónaithe** agus a rannchuidiú cainníochtúil measta le baint amach a **spriocanna laghdaithe astaíochtaí** GCT arna miondealú de réir gach Scóip (1, 2 agus 3);
  - cé acu atá nó nach bhfuil sé beartaithe aige teicneolaíochtaí nua a ghlacadh agus ról na dteicneolaíochtaí sin chun a spriocanna laghdaithe astaíochtaí GCT a bhaint amach; agus
  - ar mheas sé réimse éagsúil **cásanna** aeráide, lena n-áirítear ar a laghad **cás aeráide** atá comhoiriúnach le téamh domhanda a theorannú go 1.5 °C agus conas a mheas sé é, chun forbairtí ábhartha comhshaoil, sochaíocha, teicneolaíochta, margaidh

agus **beartais** a bhrath agus chun a luamháin dícharbónaithe a chinneadh.

AR 31. Féadfaidh an gnóthas a **spríocanna laghdaithe astaíochtaí gás ceaptha teasa** a chur i láthair mar aon lena ghníomhaíochtaí chun an **t-athrú aeráide a mhaolú** (féach mír AR 19) mar thábla nó mar chonair ghrafach ina léirítear forbairtí le himeacht ama. Soláthraítear samplaí de chomhcheangal spríocanna agus seifteanna dícharbónaithe san fhigiúr agus sa tábla a leanas:



	Bonnbhliain (e.g., 2025)	Spríoc 2030	Spríoc 2035	...	Suas chuig spríoc 2050
Astaíochtaí GCT (ktCO <sub>2</sub> eq)	100	60	40		
Éifeachtúlacht fuinnimh agus laghdú ídiúcháin	-	-10	-4		
Éifeachtúlacht ábhair agus laghdú ídiúcháin	-	-5	-		
Malartú breosla	-	-2	-		
Leictriú	-	-	-10		
Úsáid fuinnimh inathnuaite	-	-10	-3		
Táirge a chéimniú amach, a ionadú nó a mhodhnú	-	-8	-		
Próiseas a chéimniú amach, a ionadú nó a mhodhnú	-	-5	-3		
Eile	-	-			

**Ceanglas maidir le Nochtadh E1-5 – Tomhaltas fuinnimh agus meascán fuinnimh**

---

### Treoraíocht maidir le ríomh

AR 32. Agus an fhaisnéis maidir le tomhaltas fuinnimh a cheanglaítear faoi mhír 35 á hullmhú, déanfaidh an gnóthas an méid seo a leanas:

- (a) ní thuairisceoidh sé ach an fuinneamh a ídeofar ó phróisis faoi úinéireacht nó faoi rialú an ghnóthais a chuireann i bhfeidhm an peiriméadar céanna a chuirtear i bhfeidhm chun astaíochtaí GCT Scóipeanna 1 agus 2 a thuairisciú;
- (b) fágfaidh sé amhábhair agus breoslaí nach ndóitear chun críocha fuinnimh ar lár. Is féidir leis an ngnóthas a ídionn fuinneamh mar amhábhair faisnéis maidir leis an ídiú sin a nochtadh ar leithligh ó na nochtaí a cheanglaítear;
- (c) áiritheoidh sé go dtuairisceofar an fhaisnéis chainníochtúil uile a bhaineann le fuinneamh i meigeavatuairéanta (MWh) i Luach Calrach Íochtarach nó glanluach calrach. Mura bhfuil sonraí amha faisnéise a bhaineann le fuinneamh ar fáil ach amháin in aonaid fuinnimh seachas MWh (amhail Giga-Joules (GJ) nó teas-aonaid Bhriotanacha (Btu)), in aonaid toirte (amhail troithe ciúbacha nó galún) nó in aonaid mhaise (amhail cileagram nó punt), déanfar iad a thiontú go MWh trí fhachtóirí tiontaithe oiriúnacha a úsáid (féach mar shampla larscríbhinn II de thuarascáil IPCC Measúnaithe a Cúigiú). Beidh fachtóirí coinbhéartachta le haghaidh breoslaí trédhearcach agus cuirfear i bhfeidhm iad ar bhealach comhsheasmhach;
- (d) a áirithiú go ndéanfar an fhaisnéis chainníochtúil uile a bhaineann le fuinneamh a thuairisciú mar thomhaltas fuinnimh deiridh, ag tagairt don mhéid fuinnimh a ídionn an gnóthas go hiarbhír agus úsáid á baint, mar shampla, as an tábla in larscríbhinn IV de Threoir 2012/27 ó Pharlaimint na hEorpa agus ón gComhairle<sup>55</sup> maidir le héifeachtúlacht fuinnimh;
- (e) seachnóidh sé comhaireamh dúbailte an ídithe fuinnimh agus é ag nochtadh ídiú fuinnimh féinghinte. Má ghineann an gnóthas leictreachas ó fhoinsé breosla neamh- inathnuaite nó inathnuaite agus má ídionn sé an leictreachas ginte ansin, ní dhéanfar an t- ídiú fuinnimh a chomhaireamh ach uair amháin faoin ídiú breosla;
- (f) gan tomhaltas fuinnimh a fhritháireamh fiú má dhíoltar le tríú páirtí fuinneamh a ghintear ar an **láthair** agus má úsáideann tríú páirtí é;
- (g) ní dhéanfaidh sé fuinneamh a fhaightear ó fhoinsé laistigh den teorainn eagraíochtúil a chomhaireamh faoi fhuinneamh 'a cheannaítear nó a fhaightear';
- (h) coinneoidh sé cuntas ar ghal, teas nó fuarú a fhaightear mar 'dhrámhfhuinneamh' ó phróisis thionsclaíocha tríú páirtí faoi fhuinneamh 'a cheannaítear nó a fhaightear';
- (i) aird a thabhairt ar hidrigin in-athnuaite<sup>56</sup> mar bhreosla in-athnuaite. Áireofar hidrigin nach ndíorthaítear ina hiomláine ó fhoinsí inathnuaite faoi 'ídiú fuinnimh ó fhoinsí neamh- inathnuaite eile'; agus
- (j) glacfaidh sé cur chuige coimeádach agus an leictreachas, gal, teas nó fuarú á roinnt idir foinsí inathnuaite agus neamh- inathnuaite bunaithe ar an gcur chuige a chuirfear i bhfeidhm chun astaíochtaí GCT Scóip 2 margadhbhunaithe a ríomh. Ní mheasfaidh an gnóthas gur ó fhoinsí inathnuaite a eascraíonn na tomhaltí fuinnimh sin ach amháin má shainítear tionscnamh an fhuinnimh a cheannaítear go soiléir sna

---

<sup>55</sup>Treoir 2012/27/AE ó Pharlaimint na hEorpa agus ón gComhairle an 25 Deireadh Fómhair 2012 maidir le héifeachtúlacht fuinnimh, lena leasaítear Treoracha 2009/125/CE agus 2010/30/AE agus lena n-aisghairtear Treoracha 2004/8/CE agus 2006/32/CE (IO L 315, 14.11.2012, lch. 1).

<sup>56</sup>Comhlíontach leis na ceanglais i ngníomhartha tarmilgthe maidir le hidrigin ó fhoinsí in-athnuaite: Rialachán tarmilgthe ón gCoimisiún an 10 Feabhra 2023 lena bhforlíontar Treoir (AE) 2018/2001 ó Pharlaimint na hEorpa agus ón gComhairle trí mhodheolaíocht de chuid an Aontais a bhunú ina leagtar amach rialacha mionsonraithe maidir le táirgeadh breoslaí inathnuaite iompair leachtacha agus gásacha de thionscnamh neamh-bhitheolaíoch; agus rialachán tarmilgthe ón gCoimisiún an 10 Feabhra 2023 lena bhforlíontar Treoir (AE) 2018/2001 ó Pharlaimint na hEorpa agus ón gComhairle trí íostairseach i gcomhair laghdúithe ar astaíochtaí gás ceaptha teasa ó bhreoslaí carbóin athchúrsáilte a bhunú agus trí mhodheolaíocht a shonrú chun measúnú a dhéanamh ar na laghdúithe ar astaíochtaí gás ceaptha teasa ó bhreoslaí inathnuaite iompair leachtacha agus gásacha de thionscnamh neamh-bhitheolaíoch agus ó bhreosla carbóin athchúrsáilte.

socruithe conarthacha lena **sholáthróirí** (comhaontú ceannaigh cumhachta in-athnuaite, taraif chaighdeánaithe don leictreachas glas, ionstraimí margaidh amhail Rátháíocht Tionscnaimh ó fhoinsí inathnuaite san Eoraip<sup>57</sup> nó ionstraimí comhchosúla amhail Deimhniú Fuinnimh In-athnuaite sna Stáit Aontaithe agus i gCeanada, etc.).

AR 33. Tá an fhaisnéis a cheanglaítear faoi mhír 37 (a) infheidhme má tá an gnóthas ag oibriú in aon earnáil amháin ar a laghad **a bhfuil tionchar ard aige** ar an aeráid. Áireofar freisin san fhaisnéis a cheanglaítear faoi mhír 38 (a) go (e). fuinneamh ó fhoinsí iontaise arna thomhailt in oibríochtaí nach bhfuil in earnálacha a bhfuil tionchar mór acu ar an aeráid.

AR 34. Féadfar an fhaisnéis maidir le tomhaltas agus meascán fuinnimh a chur i láthair trí úsáid a bhaint as an bhformáid tháblach seo a leanas d'earnálacha **ardtionchair ar an aeráid** agus do gach earnáil eile trí rónna (1) go (5) a fhágáil ar lár.

Ídiú fuinnimh agus meascán	Bliain chomparáide ach	Bliain N
(1) Ídiú breosla ó ghual agus táirgí guail (MWh)		
(2) Ídiú breosla ó amhola agus táirgí peitriam (MWh)		
(3) Ídiú breosla ó ghás nádúrtha (MWh)		
(4) Ídiú breosla ó fhoinsí iontaise eile (MWh)		
(5) Ídiú an leictreachais, an teasa, na gaile agus an fhuaraithe a cheannaítear nó a fhaightear ó fhoinsí breoslaí iontaise (MWh)		
<b>(6) Tomhaltas iomlán fuinnimh iontaise (MWh) (arna ríomh mar shuim línte 1 go 5)</b>		
<b>Sciar na bhfoinsí iontaise i dtomhaltas fuinnimh iomlán (%)</b>		
<b>Tomhaltas ó fhoinsí núicléacha (MWh)</b>		
<b>An sciar den tomhaltas ó fhoinsí núicléacha i dtomhaltas fuinnimh iomlán (%)</b>		
(8) Ídiú breosla le haghaidh foinsí in-athnuaite, lena n-áirítear bithmhais (lena gcuimsítear freisin dramhaíl thionsclaíoch agus chathrach de thionscnamh bitheolaíoch, bithghás, hidrigin in-athnuaite, etc.) (MWh)		
(9) Ídiú an leictreachais, an teasa, na gaile agus an fhuaraithe a cheannaítear nó a fhaightear ó fhoinsí inathnuaite (MWh)		
(10) Ídiú fuinnimh inathnuaite neamhbhreosla féinghinte (MWh)		
<b>(11) Tomhaltas iomlán fuinnimh in-athnuaite (MWh) (arna ríomh mar shuim línte 8 go 10)</b>		
<b>Sciar na bhfoinsí inathnuaite i dtomhaltas fuinnimh iomlán (%)</b>		

<sup>57</sup> Bunaithe ar Threoir (AE) 2018/2001 ó Pharlaimint na hEorpa agus ón gComhairle an 11 Nollaig 2018 maidir le húsáid fuinnimh ó fhoinsí inathnuaite a chur chun cinn.

Tomhaltas iomlán fuinnimh (MWh) (arna ríomh mar shuim línte 6, agus 11)		
---	--	--

AR 35. Féadfar an tomhaltas fuinnimh iomlán le hidirdhealú idir tomhaltas fuinnimh iontaise, núicléach agus in-athnuaite a chur i láthair go grafach sa **ráiteas inbhuanaitheachta** ina léirítear forbairtí le himeacht ama (e.g., trí phíthchairt nó trí bharrchairt).

## Déine fuinnimh bunaithe ar ghlanioncam

### Treoraíocht maidir le ríomh

AR 36. Agus an fhaisnéis maidir le déine fuinnimh a cheanglaítear faoi mhír 40 á hullmhú, déanfaidh an gnóthas an méid seo a leanas:

- (a) ríomhfaidh sé an cóimheas déine fuinnimh ag úsáid na foirmle a leanas:

Tomhaltas fuinnimh iomlán ó ghníomhaíochtaí in earnálacha a bhfuil tionchar ard acu ar an aeráid (MWh)

Glanioncam ó ghníomhaíochtaí in earnálacha a bhfuil tionchar ard acu ar an aeráid (Aonad airgeadaíochta)

- (b) sloinnfidh sé an t- ídiú fuinnimh iomlán in MWh agus an glanioncam in aonaid airgeadaíochta (e.g., Euro);
- (c) ní bheidh san uimhreoír agus san ainmneoir ach an cion den tomhaltas fuinnimh deiridh iomlán (san uimhreoír) agus den ghlanioncam (san ainmneoir) atá inchurtha i leith gníomhaíochtaí in **earnálacha a bhfuil tionchar mór acu ar an aeráid**. I ndáiríre, ba cheart comhsheasmhacht a bheith ann i raon feidhme an uimhreoira agus an ainmneora araon;
- (d) ríomhfaidh sé an t- ídiú fuinnimh iomlán i gcomhréir leis an gceanglas i mír 37;
- (e) ríomhfaidh sé an glanioncam i gcomhréir leis na ceanglais maidir le caighdeáin chuntasaíochta is infheidhme maidir leis na ráitis airgeadais, i.e., IFRS 15 *Ioncam ó Chonarthaí le Custaiméirí* nó ceanglais áitiúla GAAP.

AR 37. Féadfar an fhaisnéis chainníochtúil a chur i láthair sa tábla a leanas.

Déine fuinnimh in aghaidh an ghlanioncaim	Bliain chomparáideach	N	% N / N- 1
Ídiú fuinnimh iomlán ó ghníomhaíochtaí in earnálacha aeráide ardtionchair in aghaidh an ghlanioncaim ó ghníomhaíochtaí in earnálacha aeráide ardtionchair (MWh/Aonad airgeadaíochta)			

### Nascacht déine fuinnimh bunaithe ar ghlanioncam le faisnéis tuairiscithe airgeadais

AR 38. Féadfar réiteach an ghlanioncaim ó ghníomhaíochtaí in **earnálacha a bhfuil tionchar ard acu ar an aeráid** leis an ítim ábhartha do líne na ráiteas airgeadais nó nochtadh (mar a cheanglaítear le mír 43) a chur i láthair:

- (a) le crostagairt don mhír líne ghaolmhar nó nochtadh gaolmhar sna ráitis airgeadais; nó
- (b) Le réiteach cainníochtúil ag úsáid na formáide tábla thíos, murar féidir crostagairt

dhíreach a dhéanamh idir an glanioncam agus mír líne nó nochtadh sna ráitis airgeadais.

Glanioncam ó ghníomhaíochtaí in earnálacha aeráide ardtionchair chun déine fuinnimh a ríomh	
Glanioncam (eile)	
Glanioncam iomlán (Ráitis airgeadais)	

### **Ceanglais maidir le Nochtadh E1-6 – Oll-astaíochtaí Scóip 1, 2, 3 agus Iomlán na n-astaíochtaí GCT**

#### *Treoraíocht maidir le ríomh*

AR 39. Agus an fhaisnéis maidir le tuairisciú **astaíochtaí** GCT a cheanglaítear faoi mhír 44 á hullmhú, déanfaidh an gnóthas an méid seo a leanas:

- na prionsabail, na ceanglais agus an treoir a chuirtear ar fáil le Caighdeán Corparáideach Phrótaicail GCT (leagan 2004) a bhreithniú. Féadfaidh an gnóthas Moladh (AE) 2021/2279 ón gCoimisiún<sup>58</sup> nó na ceanglais a shonraítear in EN ISO 14064-1:2018 a mheas. Má chuireann an gnóthas modheolaíocht chuntasaíochta GCT ISO 14064- 1: 2018 i bhfeidhm cheana féin, comhlíonfaidh sé ceanglais an chaighdeáin seo mar sin féin (e.g. maidir le teorainneacha tuairisciúcháin agus nochtadh astaíochtaí GCT Scóip 2 margadhbhunaithe);
- nochtfaidh siad na modheolaíochtaí, na toimhí suntasacha agus na fachtóirí astaíochtaí a úsáideadh chun astaíochtaí GCT a ríomh nó a thomhas, maille leis na cúiseanna ar roghnaíodh iad, agus soláthróidh siad tagairt nó nasc d'aon uirlisí ríofa a úsáideadh;
- cuirfidh sé san áireamh astaíochtaí CO<sub>2</sub>, CH<sub>4</sub>, N<sub>2</sub>O, HFCs, PFCs, SF<sub>6</sub>, agus NF<sub>3</sub>. Féadfar GCT breise a mheas nuair atá siad suntasach; agus
- úsáid a bhaint as na luachanna is déanaí ón bPoitéinseal Téimh Dhomhanda (GWP) arna bhfoilsíú ag IPCC bunaithe ar thréimhse ama 100 bliain chun astaíochtaí CO<sub>2</sub>eq gás neamh-CO<sub>2</sub> a ríomh.

AR 40. Agus an fhaisnéis á hullmhú chun tuairisciú a dhéanamh ar astaíochtaí GCT óna ghnólachtaí comhlachaithe, ó chomhfhiontair, ó fhochuideachtaí neamh-chomhdhlúite (eintitis infheistíochta) agus ó shocrúithe conarthacha mar a cheanglaítear le mír 50, déanfaidh an gnóthas 100 % d'astaíochtaí GCT na n-eintiteas a rialaíonn sé go hoibríochtúil a chomhdhlúthú. Sa chleachtas, tarlaíonn sé sin nuair a shealbhaíonn na gnóthais an ceadúnas — nó nuair a cheadaíonn siad — na sócmhainní ó na gnólachtaí comhlachaithe, ó na comhfhiontair, ó fochuideachtaí neamh-chomhdhlúite (eintitis infheistíochta) agus ó shocrúithe conarthacha a oibríú. I gcás ina bhfuil rialú oibríochtúil páirtaimseartha atá sainithe go conarthach ag an ngnóthas, comhdhlúthóidh sé 100 % den GCT a astaítear le linn a rialaithe oibríochtúil.

AR 41. I gcomhréir le ESRS 1, caibidil 3.7, déanfaidh an gnóthas faisnéis maidir lena astaíochtaí gás ceaptha teasa a dhí-chomhiomlánú de réir mar is iomchuí. Mar shampla, féadfaidh an gnóthas a **astaíochtaí** GCT Scóip 1, 2, 3 nó iomlána a dhí-chomhiomlánú de réir tíre, deighleoga oibríocháin, gníomhaíochta eacnamaíche, fochuideachta, catagóir GCT (CO<sub>2</sub>, CH<sub>4</sub>, N<sub>2</sub>O, HFCanna, PFCanna, SF<sub>6</sub>, NF<sub>3</sub>, agus GCT eile arna meas ag an ngnóthas) nó cineál foinse (dóchán do-aistrithe, dóchán soghluaiste, astaíochtaí próisis agus astaíochtaí éalaitheacha).

AR 42. D'fhéadfadh sé go mbeadh tréimhse tuairiscithe éagsúil ag gnóthas ó chuid de na heintitis nó ó na heintitis uile ina shlabhra luacha. Sna himthosca sin, ceadaítear don ghnóthas a

<sup>58</sup>Moladh ón gCoimisiún (AE) 2021/2279 an 15 Nollaig 2021 maidir le modhanna an Loirg Comhshaoil a úsáid chun feidhmíocht chomhshaoil táirgí agus eagraíochtaí ar feadh a saolré a thomhas agus a chur in iúl (IO L 471, 30.12.2021, lch. 1).

astaíochtaí GCT a thomhas i gcomhréir le mír 44 agus úsáid á baint as faisnéis le haghaidh tréimhsí tuairiscithe atá éagsúil óna thréimhse tuairiscithe féin má fhaightear an fhaisnéis sin ó eintitis ina shlabhra luacha le tréimhsí tuairiscithe atá éagsúil le tréimhse tuairiscithe an ghnóthais, ar choinníoll:

- (a) úsáideann an gnóthas na sonraí is déanaí atá ar fáil ó na heintitis sin ina shlabhra luacha chun a astaíochtaí gás ceaptha teasa a thomhas agus a nochtadh;
- (b) is ionann fad na dtréimhsí tuairiscithe; agus
- (c) nochtann an gnóthas na héifeachtaí a bhíonn ag teagmhais shuntasacha agus ag athruithe ar imthosca (a bhaineann lena astaíochtaí gás ceaptha teasa) a tharlaíonn idir dátaí tuairiscithe na n-eintiteas ina shlabhra luacha agus dáta ráitis airgeadais cuspóra ghinearálta an ghnóthais.

AR 43. Agus an fhaisnéis maidir le **holl- astaíochtaí GCT Scóip 1** a cheanglaítear faoi mhír 48 (a) á hullmhú, déanfaidh an gnóthas an méid seo a leanas:

- (a) ríomhfaidh sé nó tomhaisfidh sé astaíochtaí GCT ó dhó gan ghluaiseacht, dó móibíleach, astaíochtaí próisis agus astaíochtaí éalaitheacha; agus úsáidfídh sé sonraí gníomhaíochta oiriúnacha ina n- áirítear an t- ídiú breosla neamh- inathnuaite;
- (b) úsáidfídh sé fachtóirí astaíochta oiriúnacha agus comhsheasmhacha;
- (c) astaíochtaí bithghineacha CO<sub>2</sub> a nochtadh ó dhóchán nó bith-dhíghrádú bithmhaise ar leithligh ó astaíochtaí GCT Scóip 1, ach astaíochtaí cineálacha eile GCT a chur san áireamh (go háirithe CH<sub>4</sub> agus N<sub>2</sub>O);
- (d) ní áireofar aon aistriú, ná aon **chreidmheas carbóin** ná lamháltas GCT a ceannaíodh, a díoladh nó a aistríodh, i ríomh astaíochtaí GCT Scóip 1; agus
- (e) i gcás gníomhaíochtaí a thuairiscítear faoi CTA AE, tuairisceoidh sé maidir le hastaíochtaí Scóip 1 agus é ag leanúint mhodheolaíocht CTA AE. Féadfar modheolaíocht EU ETS a chur i bhfeidhm freisin maidir le gníomhaíochtaí i ngeograif agus in earnálacha nach gcmhdaítear le CTA AE.

AR 44. Agus an fhaisnéis maidir leis an gcéatadán d'**astaíochtaí** GCT Scóip 1 ó scéimeanna trádála astaíochtaí rialáilte a cheanglaítear faoi mhír 48 (b) á hullmhú, déanfaidh an gnóthas an méid seo a leanas:

- (a) breithniú a dhéanamh ar astaíochtaí GCT ó na **suíteálacha** a oibríonn sé atá faoi réir Scéimeanna Trádála Astaíochtaí rialáilte (CTA), lena n-áirítear CTA-AE, CTA náisiúnta agus CTA neamh-AE, más infheidhme;
- (b) ní chuirfidh sé san áireamh ach astaíochtaí CO<sub>2</sub>, CH<sub>4</sub>, N<sub>2</sub>O, HFCs, PFCs, SF<sub>6</sub>, agus NF<sub>3</sub>;
- (c) áiritheoidh sé an tréimhse chuntasaíochta chéanna le haghaidh oll- astaíochtaí GCT Scóip 1 agus astaíochtaí GCT a rialaítear faoi CTA; agus
- (d) déanfaidh sé an sciar a ríomh ag úsáid na foirmle seo a leanas:

Astaíochtaí GCT e GCT in (t CO<sub>2</sub>eq) ó shuiteálacha CTA AE + suiteálacha náisiúnta CTA + suiteálacha neamh-AE CTA  
Astaíochtaí GCT Scóip 1 (t CO<sub>2</sub>eq)

AR 45. Agus an fhaisnéis maidir le **holl- astaíochtaí** GCT Scóip 2 a cheanglaítear faoi mhír 49 á hullmhú, déanfaidh an gnóthas an méid seo a leanas:

- (a) breithniú a dhéanamh ar phrionsabail agus ar cheanglais Threoir Scóip 2 de Phrótacal GCT (leagan 2015, go háirithe critéir cháilíochta Scóip 2 i gcaibidil 7.1 a bhaineann le hionstraimí conarthacha); féadfaidh sé freisin Moladh (AE) 2021/2279 ón gCoimisiún nó na ceanglais ábhartha maidir le cainníochtú **astaíochtaí indíreacha GCT** ó fhuinneamh allmhairithe a mheas in EN ISO 14064-1:2018;
- (b) folaíonn sé **leictreachas, gal, teas agus fuarú** arna gceannach nó arna bhfáil arna thomhailt ag an gnóthas;
- (c) seachnóidh sé comhaireamh dúbailte astaíochtaí GCT a thuairiscítear faoi Scóip 1 nó 3;

- (d) na modhanna suíomhbhunaithe agus margadhbhunaithe a chur i bhfeidhm chun astaíochtaí GCT Scóip 2 a ríomh agus faisnéis a sholáthar maidir le sciar agus cineálacha na n-ionstraimí conarthacha. Cainníochtaítear leis an modh suíomhbhunaithe astaíochtaí GCT Scóip 2 bunaithe ar mheánfhachtóirí astaíochtaí maidir le giniúint fuinnimh le haghaidh suíomhanna sonraithe, lena n-áirítear teorainneacha áitiúla, fonáisiúnta nó náisiúnta (Prótacal GCT, ‘Scope 2 Guidance’, Glossary, 2015). Cainníochtaítear leis an modh margadhbhunaithe astaíochtaí GCT Scóip 2 bunaithe ar astaíochtaí GCT a astaítear ó ghineadóirí, óna gceannaíonn an t-eintiteas tuairiscithe leictreachas go conarthach atá cuachta le hionstraimí, nó ionstraimí díchuachta ina n-aonar (Prótacal GCT, ‘Scope 2 Guidance’, Glossary, 2015); sa chás sin, féadfaidh an gnóthas an sciar d’astaíochtaí GCT Scóip 2 a nochtadh atá margadhbhunaithe agus atá nasctha le leictreachas a chuachtar le hionstraimí, amhail Ráthaíocht Tionscnaimh nó Teastais Fuinnimh Inathnuaite. Cuirfidh an gnóthas faisnéis ar fáil maidir leis an sciar agus na cineálacha ionstraimí conarthacha a úsáidtear chun fuinneamh cuachta a dhíol agus a cheannach agus a bhfuil airíonna aige maidir le giniúint fuinnimh nó maidir le héilimh i leith aitreabúideachta fuinnimh díchuachta.
- (e) nochtfaidh sé astaíochtaí bithghineacha carbóin CO<sub>2</sub> ó dhóchán nó bith-dhíghrádú bithmhaise ar leithligh ó astaíochtaí GCT Scóip 2 ach áirítear astaíochtaí cineálacha eile GCT (C<sub>4</sub> agus N<sub>2</sub>O go háirithe). I gcás nach scarann na fachtóirí astaíochta a chuirtear i bhfeidhm an céatadán de bhithmhais nó de CO<sub>2</sub> bithghineach, nochtfaidh an gnóthas é sin. I gcás nach bhfuil astaíochtaí GCT seachas CO<sub>2</sub> (C<sub>4</sub> agus N<sub>2</sub>O go háirithe) ar fáil le haghaidh meánfhachtóirí astaíochtaí eangaí suíomhbhunaithe nó nach bhfuil siad eisiata uathu nó i gcás ina bhfuil faisnéis ón modh margadhbhunaithe ar fáil, nochtfaidh an gnóthas an méid sin.
- (f) ní áireofar aon aistriú, ná aon **chreidmheas carbóin** ná lamháltas GCT a ceannaíodh, a díoladh nó a aistriódh, i ríomh astaíochtaí GCT Scóip 2;

AR 46. Agus an faisnéis maidir le **holl- astaíochtaí** GCT Scóip 3 a cheanglaítear faoi mhír 51 á hullmhú, déanfaidh an gnóthas an méid seo a leanas:

- (a) prionsabail agus forálacha Phrótacal GCT an tSlabhra Luacha Chorporáidigh (Scóip 3) Caighdeán Cuntasaíochta agus Tuairiscithe (Leagan 2011) a bhreithniú; agus féadfaidh sé breithniú a dhéanamh ar Mholadh (AE) 2021/2279 ón gCoimisiún nó ar na ceanglais ábhartha maidir le **hastáíochtaí GCT indíreacha** ó EN ISO 14064-1:2018 a chainníochtú;
- (b) más institiúid airgeadais í, breathnaigh ar Chaighdeán Cuntasaíochta agus Tuairiscithe GCT don Tionscal Airgeadais ón gComhpháirtíocht um Chuntasaíocht Charbóin Airgeadais (PCAF), go sonrath cuid A “Astaíochtaí Íochta” (leagan Nollaig 2022);
- (c) déanfaidh sé astaíochtaí iomlána GCT Scóip 3 a scagadh bunaithe ar 15 chatagóir de Scóip 3 a shonraítear i bPrótacal GCT Corporate Standard agus Prótacal GCT Corporate Value Chain (Scope 3) Accounting and Reporting Standard (leagan 2011) ag úsáid meastacháin iomchuí. De rogha air sin, féadfaidh sé a chuid **astaíochtaí GCT indíreacha** a scagadh bunaithe ar na catagóirí dá bhforáiltear in EN ISO 14064-1:2018, clásal 5.2.4 (gan astaíochtaí GCT indíreacha ó fhuinneamh allmhairithe a áireamh);
- (d) a chatagóirí suntasacha Scóip 3 a shainaithint agus a nochtadh bunaithe ar mhéid a n-astaíochtaí gás ceaptha teasa measta agus ar chritéir eile arna soláthar ag Slabhra Luacha Corparáideach Phrótacal GCT (Scóip 3) Caighdeán Cuntasaíochta agus Tuairiscithe (Leagan 2011, lgh. 61 agus 65-68) nó EN ISO 14064-1:2018 larscríbhinn H.3.2, amhail caiteachas airgeadais, tionchar, **rioscaí** agus **deiseanna aistrithe** gaolmhara nó tuairimí **páirtithe leasmhara**;
- (e) astaíochtaí GCT a ríomh nó a mheas i 3 chatagóirí Scóipe suntasacha ag baint úsáide as fachtóirí oiriúnacha astaíochtaí;
- (f) nuashonrú a dhéanamh ar astaíochtaí GCT Scóip 3 i ngach catagóir shuntasach gach bliain ar bhonn sonraí gníomhaíochta reatha; fardal iomlán GCT Scóip 3 a thabhairt cothrom le dáta gach 3 bliana ar a laghad nó maidir le tarlú teagmhais shuntasach nó

athrú suntasach ar imthosca (d'fhéadfadh teagmhas suntasach nó athrú suntasach ar imthosca baint a bheith aige, mar shampla, le hathruithe ar ghníomhaíochtaí nó ar struchtúr an ghnóthais, le hathruithe ar ghníomhaíochtaí nó ar struchtúr a shlabhraí luacha réamhtheachtacha agus iartheachtacha, le hathrú ar an modheolaíocht ríofa nó le hearráidí a aimsiú);”);

- (g) a mhéid a thomhaistear astaíochtaí GCT Scóip 3 an ghnóthais a nochtadh trí úsáid a bhaint as ionchuir ó ghníomhaíochtaí sonracha laistigh de shlabhra luacha réamhtheachtach agus iartheachtach an eintitis, agus nochtfaidh sé céatadán na n-astaíochtaí a ríomhtar trí úsáid a bhaint as sonraí príomhúla arna bhfáil ó **sholáthróirí** nó ó chomhpháirtithe eile sa **slabhra luacha**.
- (h) i gcás gach catagóire GCT Scóip 3 suntasach, nochtfar na teorainneacha tuairiscithe a breithníodh, na modhanna ríofa chun meastachán a dhéanamh ar na hastaíochtaí gás ceaptha teasa chomh maith le cé acu a cuireadh agus cé na huirlisí ríofa a cuireadh i bhfeidhm. Ba cheart do chatagóirí Scóip 3 a bheith i gcomhréir le Prótacal GCT agus ba cheart a áireamh iontu:
  - i. astaíochtaí GCT indíreacha Scóip 2 ón ngrúpa comhdhlúite cuntasaíochta (an mháthairchuideachta agus a fochuideachtaí),
  - ii. astaíochtaí GCT indíreacha Scóip 3 ó ghnólachtaí comhlachaithe, comhfhiontair agus fochuideachtaí neamhdhlúite ar féidir leis an ngnóthas a ngníomhaíochtaí oibriúcháin agus caidrimh a rialú (i.e., rialú oibriúcháin),
  - iii. Astaíochtaí GCT Scóip 1, 2 agus 3 ó chomhlaigh, ó chomhfhiontair, ó fhochuideachtaí neamh-chomhdhlúite (eintitis infheistíochta) agus ó shocruithe comhpháirteacha nach bhfuil **rialú oibríochtúil** ag an ngnóthas ina leith agus nuair atá na heintitis sin mar chuid de shlabhra luacha réamhtheachtach agus dopónaithe an ghnóthais.
- (i) nochtfaidh sé liosta catagóirí d'astaíochtaí GCT Scóip 3 a áirítear san fhardal, agus a fhágtar ar lár, in éineacht le réasúnú le haghaidh chatagóirí Scóip 3 a fhágtar ar lár;
- (j) astaíochtaí bithghineacha CO<sub>2</sub> a nochtadh ó dhóchán nó bith-dhíghrádú bithmhaise a tharlaíonn ina **shlabhra luacha** réamhtheachtach agus iartheachtach ar leithligh ó ollastaíochtaí GCT Scóip 3, agus lena n-áirítear astaíochtaí cineálacha eile GCT (amhail CH<sub>4</sub> agus N<sub>2</sub>O), agus astaíochtaí CO<sub>2</sub> a tharlaíonn i saolré bithmhaise seachas ó dhóchán nó ó bhith-dhíghrádú (amhail astaíochtaí GCT ó bhithmhais a phróiseáil nó a iompar) i ríomh astaíochtaí GCT Scóip 3;
- (k) ní áireofar aon aistriú, ná aon **chreidmheas carbóin** ná lamháltas GCT a ceannaíodh, a díoladh nó a aistríodh, i ríomh astaíochtaí GCT Scóip 3;

AR 47. Agus an fhaisnéis faoi iomlán na n- **astaíochtaí** GCT a cheanglaítear faoi mhír 52 á hullmhú, déanfaidh an gnóthas an méid seo a leanas:

- (a) cuirfidh sé na foirmlí a leanas i bhfeidhm chun iomlán na n- astaíochtaí GCT a ríomh:

Iomlán na n-astaíochtaí GCT<sub>suíomhbhunaithe</sub> (t CO<sub>2</sub>eq)

$$= \text{Scóip 1 comhlán} + \text{Scóip 1 comhlán}_{\text{suíomhbhunaithe}} + \text{Iomlán Scóip 3 comhlán}$$

Astaíochtaí GCT<sub>margadhbhunaithe</sub> (t CO<sub>2</sub>eq)

$$= \text{Scóip 1 comhlán} + \text{Scóip 1 comhlán}_{\text{margadhbhunaithe}} + \text{Scóip 3 comhlán}$$

- (b) nochtfaidh sé na n- astaíochtaí GCT iomlána agus déanfaidh sé idirdhealú idir astaíochtaí a thagann as modhanna suíomhbhunaithe agus margadhbhunaithe a chuirtear i bhfeidhm agus astaíochtaí GCT foluiteacha Scóip 2 á dtomhas.

AR 48. Nochtfaidh an gnóthas a **astaíochtaí** GCT iomlána arna ndí-chomhiomlánú de réir Scóip 1 agus 2 agus Scóip 3 suntasach i gcomhréir leis an tábla thíos.

	Siarghabhálach				Garspriocanna agus spriocbhlianta			
	Bonn bliain	Bliain chomparáid each	N	% N/ N-1	2025	2030	(2050)	Spriocbhliain / Bonnblíain / % Bhliantúil
<b>Astaíochtaí GCT Scóip 1</b>								
Oll- astaíochtaí GCT astaíochtaí CO2eq (tCO2eq)								
Céatadán astaíochtaí GCT Scóip 1 ó scéimeanna rialaithe trádála astaíochtaí (%)								
<b>Astaíochtaí GCT Scóip 2</b>								
Oll- astaíochtaí GCT suíomhbhunaithe Scóip 2 (tCO2eq)								
Oll- astaíochtaí GCT margadhbhunaithe 2 Astaíochtaí gás ceaptha teasa (tCO2eq)								
<b>Astaíochtaí móra GCT Scóip 3</b>								
Iomlán na n- oll- astaíochtaí GCT indíreacha 3) astaíochtaí GCT (tCO2eq)								
1 Earraí ceannaithe agus ceannaithe								
[Fo- chatagóir roghnach: Néalríomhaireacht agus seirbhísí ionaid sonraí								
2 Earraí caipitiúla								
3 Breosla agus Gníomhaíochtaí a bhaineann le fuinneamh (nach n-áirítear i Scóip ná i Scóip 2)								
4 Iompar agus dáileadh réamhtheachtach								
5 Dramhaíl a ghintear in oibríochtaí								
6 Taisteal gnó								
7 Comaitéireacht fostaithe								
8 Sócmhainní léasaithe réamhtheachtacha								
9 Iompar iartheachtach								
10 Próiseáil táirgí díolta								
11 Úsáid táirgí díolta								
12 Cóireáil deiridh ré táirgí díolta								
13 Sócmhainní léasaithe iartheachtacha								
14 Saincheadúnais								
15 Infheistíochtaí								

Astaíochtaí GCT iomlána							
Astaíochtaí GCT iomlána (suíomhbhunaithe) (tCO <sub>2</sub> eq)							
Astaíochtaí GCT iomlána (margadhbhunaithe) (tCO <sub>2</sub> eq)							

- AR 49. Chun aird a tharraingt ar **rioscaí aistrithe** a d'fhéadfadh a bheith ann, féadfaidh an gnóthas a **astaíochtaí** GCT iomlána arna n-imdhealú de réir mórtíortha agus, más infheidhme, de réir deighleoga oibriúcháin a nochtadh (agus na deighleoga céanna á gcur i bhfeidhm le haghaidh na ráiteas airgeadais mar a cheanglaítear leis na caighdeáin chuntasaíochta, i.e. IFRS 8 *Deighleoga oibriúcháin* nó GAAP áitiúil). Féadfar astaíochtaí GCT Scóip 3 a fhágáil ar lár ó na miondealuithe sin de réir tíre mura bhfuil na sonraí gaolmhara ar fáil go héasca.
- AR 50. Féadfar **astaíochtaí** GCT Scóip 3 a thíolacadh freisin de réir na gcatagóirí astaíochtaí indíreacha a shainítear in EN ISO 14064-1:2018.
- AR 51. Más ábhar é d'**astaíochtaí** Scóip 3 an ghnóthais, nochtfaidh sé na hastaíochtaí GCT ó sheirbhísí néalríomhaireachta agus lárionaid sonraí ceannaithe mar fhothacar de chatagóir uileghabhálach **Scóip 3** "earraí agus seirbhísí a ceannaíodh go réamhtheachtach".
- AR 52. Féadfar iomlán na n-**astaíochtaí** gás ceaptha teasa arna n-imdhealú de réir Scóip 1, 2 agus 3 a chur i láthair go grafach sa **ráiteas inbhuanaitheachta** (e.g., mar bharrachairt nó mar phíchairt) ina léirítear deighilt na n-astaíochtaí gás ceaptha teasa thar an **slabhra luacha** (réamhtheachtach, féinoibriúcháin, lompár, Downstream).

## Déine astaíochtaí gás ceaptha teasa bunaithe ar ghlanioncam

### Treoraíocht maidir le ríomh

- AR 53. Agus an fhaisnéis maidir le déine GCT bunaithe ar ghlanioncam a cheanglaítear faoi mhír 53 á nochtadh, déanfaidh an gnóthas an méid seo a leanas:
- ríomhfaidh sé an cóimheas déine GCT leis an bhfoirmle a leanas:
 

Iomlán na n-astaíochtaí GCT (t CO<sub>2</sub>eq);  
Glanioncam (Aonad airgeadaíochta)
  - na **hastaíochtaí** gás ceaptha teasa iomlána a shloinneadh i dtionáí méadracha CO<sub>2</sub>eq agus an glanioncam in aonaid airgeadaíochta (e.g. Euro) agus na torthaí don mhodh margadhbhunaithe agus suíomhbhunaithe a chur i láthair;
  - áireoidh sé iomlán na n- astaíochtaí GCT san uimhreoir agus an glanioncam foriomlán san ainmneoir;
  - ríomhfaidh sé na hastaíochtaí GCT iomlána mar a cheanglaítear le míreanna 44 (d) agus 52; agus
  - ríomhfaidh sé an glanioncam i gcomhréir leis na ceanglais sna caighdeáin chuntasaíochta a chuirtear i bhfeidhm i gcás ráiteas airgeadais, i.e., IFRS 15 nó GAAP áitiúil.

- AR 54. Féadfar an fhaisnéis chainníochtúil a chur i láthair san fhormáid tábla seo a leanas.

Déine GCT in aghaidh an ghlanioncaim	Bliain chomparáideach	N	% N / N- 1
--------------------------------------	-----------------------	---	------------

lomlán na n- astaíochtaí GCT (suíomhbhunaithe) in aghaidh an ghlanioncaim (tCO <sub>2</sub> eq/Aonad airgeadaíochta)			
lomlán na n- astaíochtaí GCT (margadhbhunaithe) in aghaidh an ghlanioncaim (tCO <sub>2</sub> eq/Aonad airgeadaíochta)			

*Nascacht déine GCT bunaithe ar ioncam le faisnéis tuairiscithe airgeadais*

AR 55. Féadfaidh ceachtar díobh seo a leanas réiteach a dhéanamh ar an nglanioncam a úsáidtear chun déine GCT a ríomh leis an ítim líne ábhartha nó leis na nótaí ábhartha sna ráitis airgeadais (mar a cheanglaítear le mír 55):

- (a) le crostagairt don mhír líne ghaolmhar nó nochtadh gaolmhar sna ráitis airgeadais; nó
- (b) Le réiteach cainníochtúil ag úsáid na formáide tábla thíos, murar féidir crostagairt dhíreach a dhéanamh idir an glanioncam agus mír líne nó nochtadh sna ráitis airgeadais.

Glanioncam a úsáidtear chun déine GCT a ríomh	
Glanioncam (eile)	
Glanioncam iomlán (ráitis airgeadais)	

***Ceanglas maidir le Nochtadh E1-7 – Aistrithe GCT agus tionscadail maolaithe GCT arna maoiniú trí chreidmheasanna carbóin***

***GCT a bhaint agus a stóráil ina n-oibríochtaí féin agus sa slabhra luacha réamhtheachtach agus iartheachtach***

AR 56. Anuas ar a bhfardail astaíochtaí GCT, soláthróidh na gnóthais trédhearcacht maidir le conas, agus a mhéid, a fheabhsaíonn siad linnte nádúrtha nó a chuireann siad réitigh theicniúla i bhfeidhm chun GCTanna a bhaint as an atmaisféar ina n- oibríochtaí féin agus sa slabhra luacha réamhtheachtach agus iartheachtach. Cé nach bhfuil aon choincheapa ná modheolaíochtaí ann a nglactar leo go ginearálta chun cuntas a thabhairt ar aistrithe gás ceaptha teasa, tá sé mar aidhm ag an gCaighdeán seo trédhearcacht a mhéadú maidir le hiarrachtaí an ghnóthais GCTanna a bhaint den atmaisféar (mír 56 (a) agus mír 58). Déanfar aistrithe gás ceaptha teasa lasmuigh den **slabhra luacha** a dtacaíonn an gnóthas leo trí **chreidmheasanna carbóin** a cheannach a nochtadh ar leithligh mar a cheanglaítear le míreanna 56 (b) agus 59.

AR 57. Agus an fhaisnéis faoi **aistrithe agus stóráil GCT** ó oibríochtaí an ghnóthais féin agus a **shlabhra luacha** réamhtheachtach agus srutha a cheanglaítear faoi mhíreanna 56 (a) agus 58 á nochtadh, faisnéis maidir le gach gníomhaíocht aistrithe agus stórála, tabharfaidh an gnóthas tuairisc ar an méid seo a leanas:

- (a) na GCTanna lena mbaineann;
- (b) cibé acu aistriú agus stóráil bithghineach nó ó **athrú ar thalamhúsáid** (e.g. foraoisiú, athfhoraoisiú, athchóiriú foraoise, plandáil crann uirbeach, agraforaoiseacht, carbón **ithreach** tógála, etc.), teicneolaíocht (e.g. gabháil dhíreach aeir), nó hibrideach (e.g. bithfhuinneamh lena ngabhann gabháil agus stóráil CO<sub>2</sub>), agus sonraí teicneolaíochta maidir leis an aistriú, cineál na stórála agus, más infheidhme, iompar GCTanna aistrithe;
- (c) más infheidhme, míniú gairid ar cé a cháilíonn nó nach gcáilíonn an gníomhaíocht mar réiteach dúlrbhunaithe; agus
- (d) an bealach a mbainistítear an riosca a bhaineann le neamhbhuaine, lena n- áirítear

teagmhais sceite agus aisiompaithe a aimsiú agus faireachán a dhéanamh orthu, de réir mar is iomchuí.

*Treoraíocht maidir le ríomh*

AR 58. Agus an fhaisnéis faoi **aistriú agus stóráil GCT** ó oibríochtaí an ghnóthais féin agus a **shlabhra luacha** réamhtheachtach agus iartheachtach a cheanglaítear faoi mhíreanna 56 (a) agus 58 á n-ullmhú, déanfaidh an gnóthas an méid seo a leanas:

- (a) cuirfidh sé san áireamh, a mhéid is infheidhme, Prótacal GCT Corporate Standard (leagan 2004), Product Standard (leagan 2011), Agriculture Guidance (leagan 2014), Land use, **land-use change**, and forestry Guidance for GHG project accounting (leagan 2006);
- (b) cuirfidh sé i bhfeidhm modhanna comhthuisceana i ndáil le cuntas a choinneáil ar aistrithe GCT a luaithe a bhíonn siad ar fáil, go háirithe creat rialála an Aontais le haghaidh aistrithe CO<sub>2</sub> a dheimhniú;
- (c) más infheidhme, mínigh ról na n-aistrithe dá **bheartas maidir le maolú ar an athrú aeráide**;
- (d) áireofar baint ó oibríochtaí ar leis í, a rialaíonn sí nó a rannchuidíonn sé leo agus nár díoladh le páirtí eile trí chreidmheasanna carbóin;
- (e) más infheidhme, na gníomhaíochtaí sin chun GCT a bhaint in oibríochtaí dílse nó sa slabhra luacha a mharcáil, ar gníomhaíochtaí iad a tiontaíodh ina gcreidmheasanna carbóin agus a díoladh le páirtithe eile ar an margadh deonach;
- (f) tabhair cuntas ar na **hastáíochtaí** GCT a bhaineann le gníomhaíocht aistrithe, lena n-áirítear iompar agus stóráil, faoi Cheanglas Nochtta E1-6 (Scóip 1, 2 nó 3). Chun trédhearcacht a mhéadú maidir le héifeachtúlacht gníomhaíochta aistrithe, lena n-áirítear iompar agus stóráil, féadfaidh an gnóthas na hastaíochtaí GCT a bhaineann leis an ngníomhaíocht sin a nochtadh (e.g. astaíochtaí GCT ó thomhaltas leictreachais na dteicneolaíochtaí gabhála aeir dhírigh) in éineacht le méid na n-astaíochtaí GCT a baineadh, ach ar leithligh ón méid sin;
- (g) i gcás aisiompaithe, coinneoidh sé cuntas ar na hastaíochtaí GCT faoi seach mar fhritháireamh le haghaidh na n- aisiompaithe sa tréimhse tuairiscithe;
- (h) úsáid a bhaint as na luachanna **GWP** is déanaí arna bhfoilsíú ag IPCC bunaithe ar thréimhse ama 100 bliain chun astaíochtaí CO<sub>2</sub>eq gás neamh-CO<sub>2</sub> a ríomh agus tuairisc a thabhairt ar na toimhdí a rinneadh, ar na modheolaíochtaí agus ar na creataí a cuireadh i bhfeidhm chun méid aistrithe gás ceaptha teasa a ríomh; agus
- (i) smaoinigh ar **réitigh dhúlra bhunaithe**.

AR 59. Imdhealóidh an gnóthas na haistrithe GCT a tharlaíonn ina oibríochtaí féin agus iad siúd a tharlaíonn sa slabhra luacha réamhtheachtach agus iartheachtach agus nochtfaidh sé ar leithligh iad. Áireofar ar ghníomhaíochtaí aistrithe gás ceaptha teasa sa **shlabhra luacha** réamhtheachtach agus iartheachtach na gníomhaíochtaí sin a bhfuil an gnóthas ag tacú go gníomhach leo, mar shampla, trí thionscadal comhair le **soláthróir**. Níl ar an ngnóthas aon aistriú GCT a d'fhéadfadh tarlú ina shlabhra luacha réamhtheachtach agus iartheachtach, nach bhfuil sé ar an eolas faoi, a chur san áireamh.

AR 60. Féadfar an fhaisnéis chainníochtúil maidir le haistrithe GCT a chur i láthair ag úsáid na formáide tábla a leanas.

Aistrithe	Bliain chomparáideach	N	% N / N- 1
Gníomhaíocht aistrithe GCT 1 (e.g., athbhunú foraoise)	-		
Gníomhaíocht aistrithe GCT 2 (e.g., gabháil ón aer)	-		

**Tion  
sca  
dail  
mao  
laith  
e**

...	-		
<b>Iomlán na n- astaíochtaí GCT óna oibríochtaí féin (tCO<sub>2</sub>eq)</b>			
<i>Gníomhaíocht aistrithe GCT 1 (e.g., athbhunú foraoise)</i>	-		
<i>Gníomhaíocht aistrithe GCT 2 (e.g., gabháil ón aer)</i>	-		
...	-		
<b>Iomlán na n- aistrithe GCT sa slabhra luacha réamhtheachtach agus iartheachtach (tCO<sub>2</sub>eq)</b>			
<b>Aisiompuithe (tCO<sub>2</sub>eq)</b>			

### **GCT a mhaoinítear trí chreidmheasanna carbóin**

AR 61. D'fhéadfadh maoiniú tionscadal **laghdaithe astaíochtaí** GCT lasmuigh de **shlabhra luacha** an ghnóthais trí **chreidmheasanna carbóin** a cheannach a chomhlíonann caighdeáin ardcháilíochta a bheith ina rannchuidiú úsáideach chun an t-athrú aeráide a mhaolú. Leis an gCaighdeán seo ceanglaítear ar an ngnóthas a nochtadh an n-úsáideann sé **creidmheasanna carbóin** ar leithligh ó na **hastáíochtaí** GCT (míreanna 56 (b) agus 59) agus **spriocanna laghdaithe astaíochtaí** GCT (Ceanglas Nochtá E1-4). Ceanglaítear ar an ngnóthas freisin a mhéid a úsáideann sé na critéir cháilíochta a thaispeáint agus cé acu critéir cháilíochta a úsáideann sé do na creidmheasanna carbóin sin.

AR 62. Agus an fhaisnéis maidir le **creidmheasanna carbóin** a cheanglaítear faoi mhíreanna 56 (b) agus 59 á nochtadh aige, nochtfaidh an gnóthas an dí-chomhmiólánú seo a leanas de réir mar is infheidhme:

- sciar (céatadán toirte) na dtionscadal laghdaithe agus tionscadal aistrithe;
- maidir le creidmheasanna carbóin ó thionscadail aistrithe, míniú ar cé acu ó linnte bithghineacha nó ó linnte teicneolaíochta atá siad;
- sciar (céatadán toirte) gach caighdeáin cáilíochta aitheanta;
- an sciar (céatadán toirte) a eisítear ó thionscadail san Aontas; agus
- an sciar (céatadán toirte) a cháilíonn mar choigeartú comhfhreagrach faoi Airteagal 6 de Chomhaontú Pháras.

### **Treoraíocht maidir le ríomh**

AR 63. Agus an fhaisnéis faoi **chreidmheasanna carbóin** a cheanglaítear faoi mhír 56 (b) agus faoi mhír 59 á hullmhú aige, déanfaidh an gnóthas an méid seo a leanas:

- Breithniú a dhéanamh ar **chaighdeáin cháilíochta aitheanta**;
- más infheidhme, mínigh ról na gcreidmheasanna carbóin ina **bheartas maolaithe don athrú aeráide**;
- gan creidmheasanna carbóin arna n-eisiúint ó thionscadail **laghdaithe astaíochtaí** gás ceaptha teasa laistigh dá **shlabhra luacha** a áireamh mar go nochtfar na laghduithe ar astaíochtaí GCT faoi seach cheana féin faoi Cheanglas maidir le Nochtadh E1-6 (Scóip 2 nó Scóip 3) tráth a dtarlaíonn siad (i.e., seachnaítear comhaireamh dúbailte);
- ní chuirfidh sé creidmheasanna carbóin ó thionscadail aistrithe GCT san áireamh ina shlabhra luacha toisc go bhféadfadh na haistrithe GCT faoi seach a bheith san

áireamh cheana féin faoi Cheanglas maidir le Nochtadh E1- 7 an tráth a tharlóidh siad (i.e., seachnaítear comhaireamh dúbailte);

- (e) gan creidmheasanna carbóin a nochtadh mar fhritháireamh dá **astaíochtaí** gás ceaptha teasa faoin gCeanglas maidir le Nochtadh E1-6 maidir le hastaíochtaí gás ceaptha teasa;
- (f) ní nochtfaidh sé creidmheasanna carbóin mar bhealach chun na spriocanna laghdaithe astaíochtaí GCT a nochtar faoi Cheanglas maidir le Nochtadh E1- 4 a bhaint amach; agus
- (g) ríomhfaidh sé an méid creidmheasanna carbóin atá le cealú sa todhchaí, mar shuim na gcreidmheasanna carbóin i dtonnaí méadracha CO<sub>2</sub>eq thar fhad na gcomhaontuithe conarthacha atá ann cheana.

AR 64. Féadfar an fhaisnéis ar **chreidmheasanna carbóin** a cealaíodh sa bhliain tuairiscithe agus a bheartaítear a chur ar ceal amach anseo a chur i láthair trí úsáid a bhaint as na formáidí tábla seo a leanas.

Creidmheasanna carbóin a chealaítear sa bhliain tuairiscithe	Bliain chomparáideach	N
Iomlán (tCO <sub>2</sub> eq)		
Sciar ó thionscadail aistrithe (%)		
Sciar ó thionscadail laghdaithe (%)		
Caighdeán cáilíochta aitheanta 1 (%)		
Caighdeán cáilíochta aitheanta 2 (%)		
Caighdeán cáilíochta aitheanta 3 (%)		
...		
Sciar ó thionscadail laistigh den Aontas (%)		
Sciar de chreidmheasanna carbóin a cháilíonn mar choigeartuithe comhfhreagracha (%)		

Creidmheasanna carbóin a bhfuil sé beartaithe iad a chealú sa todhchaí	Méid go dtí [tréimhse]
Iomlán (tCO <sub>2</sub> eq)	

### Ceanglas maidir le Nochtadh E1-8 – Praghsáil inmheánach carbóin

AR 65. Agus an fhaisnéis a cheanglaítear faoi mhíreanna 62 agus 63 á nochtadh aige, más infheidhme, míneoidh an gnóthas go hachomair an bhfuil na praghsanna carbóin a úsáidtear

i scéimeanna praghsála carbóin inmheánacha comhsheasmhach leis na cinn a úsáidtear i ráitis airgeadais agus an chaoi a bhfuil siad comhsheasmhach leo sin a úsáidtear i ráitis airgeadais. Déanfar é sin i gcás praghsanna carbóin inmheánacha a úsáidtear le haghaidh na nithe a leanas:

- (a) measúnú ar shaolré úsáide agus luach iarmharach a shócmhainní (sócmhainní doláimhsithe, réadmhaoin, gléasra agus trealamh);
- (b) lagú sócmhainní; agus
- (c) luach cóir sócmhainní arna bhfáil trí éadálacha gnó a thomhas.

AR 66. Féadfar an fhaisnéis a chur i láthair tríd an tábla seo a leanas a úsáid:

Cineálacha praghsanna carbóin inmheánacha	Méid i gceist (tCO <sub>2</sub> eq)	Praghsanna a chuirtear i bhfeidhm (€/tCO <sub>2</sub> eq)	Tuairisc ar pheiriméadar
Scáthphraghas CapEx			
Scáthphraghas infheistíochta i dTaighde agus Forbairt			
Táille nó ciste carbóin inmheánach			
Praghsanna carbóin le haghaidh tástáil lagaithe			
Etc.			

### **Ceanglas maidir le Nochtadh E1-9 – Éifeachtaí airgeadais a bhfuil coinne leo ó rioscaí fisiceacha ábhartha agus rioscaí aistrithe ábhartha agus deiseanna ionchasacha a bhaineann leis an aeráid**

#### **Éifeachtaí airgeadais a bhfuil coinne leo ó rioscaí fisiceacha ábhartha agus rioscaí aistrithe ábhartha**

AR 67. D'fhéadfadh **rioscaí fisiceacha** ábhartha a bhaineann leis an aeráid agus **rioscaí aistrithe** difear a dhéanamh do staid airgeadais an ghnóthais (e.g., sócmhainní faoi úinéireacht, sócmhainní faoi rialú airgeadais, agus dliteanais), feidhmíocht (e.g., méadú/laghdú a d'fhéadfadh a bheith ann amach anseo ar ghlanioncam agus costais i ngeall ar bhriseadh gnó, praghsanna soláthair méadaithe a bhféadfadh creimeadh corrlaigh a bheith mar thoradh orthu), agus sreafaí airgid. Fágann dóchúlacht íseal, déine ard agus tréimhsí ama fadtéarmacha roinnt neamhchosaintí fisiceacha ar riosca a bhaineann leis an aeráid agus de bharr na héiginnteachta a eascraíonn as an aistriú chuig geilleagar inbhuanaithe go mbeidh **éifeachtaí airgeadais ábhartha réamh-mheasta** bainteacha atá lasmuigh de raon feidhme cheanglais na gcaighdeán cuntasaióchta is infheidhme.

AR 68. Faoi láthair, níl aon mhodheolaíocht ann a nglactar go coitianta léi chun measúnú nó tomhas a dhéanamh ar an gcaoi a bhféadfadh **rioscaí fisiceacha** ábhartha agus **rioscaí aistrithe** difear a dhéanamh do staid airgeadais, do shreafaí airgeadais, feidhmíochta agus airgid an ghnóthais amach anseo. Dá bhrí sin, beidh nochtadh na n-éifeachtaí airgeadais (mar a cheanglaítear le mír 64, le mír 66 agus le mír 67) ag brath ar mhodheolaíocht inmheánach an ghnóthais agus ar fheidhmiú breithiúnais shuntasaigh agus na hionchuir á gcinneadh, agus ar thiomhdí is gá chun na **héifeachtaí airgeadais a bhfuiltear ag súil leo** a chainníochtú.

#### **Treoir maidir le ríomh — Éifeachtaí airgeadais réamh-mheasta ó rioscaí fisiceacha ábhartha**

AR 69. Agus an fhaisnéis a cheanglaítear faoi mhíreanna 64 (a) agus 66 á nochtadh aige, míneoidh an gnóthas an méid seo a leanas agus conas:

- (a) rinneadh measúnú ann ar na **héifeachtaí airgeadais a bhfuiltear ag súil leo** ar shócmhainní agus ar ghníomhaíochtaí gnó lena mbaineann riosca fisiciúil ábhartha, lena n-áirítear raon feidhme an chur i bhfeidhm, tréimhsí ama, modheolaíocht ríofa, toimhdí criticiúla agus paraiméadair chriticiúla agus teorainneacha an mheasúnaithe; agus
- (b) braitheann an measúnú ar shócmhainní agus ar ghníomhaíochtaí gnó a mheastar a bheith faoi **riosca fisiceach** ábhartha ar an bpróiseas nó is cuid den phróiseas é chun riosca fisiceach ábhartha a chinneadh mar a cheanglaítear faoi mhíreanna 20 (b) agus AR 11 agus chun **casanna** aeráide a chinneadh mar a cheanglaítear faoi mhíreanna 19 agus AR 13 go AR 14. Go háirithe, míneoidh sé an dóigh a ndearna sé tréimhsí ama gearrthéarmacha, meántéarmacha agus fadtéarmacha a shainiú agus an bealach a bhfuil na sainithe sin nasctha le saolré ionchasach shócmhainní an ghnóthais, a thréimhsí ama i ndáil leis an bpleanáil straitéiseach agus pleananna um leithdháileadh caipitil.

AR 70. Agus an fhaisnéis faoi shócmhainní ar riosca fisiciúil ábhartha á hullmhú aige, ar faisnéis í a cheanglaítear a nochtadh faoi mhír 66 (a), déanfaidh an gnóthas an méid seo a leanas:

- (a) Ríomhfaidh sé na sócmhainní faoi riosca fisiceach ábhartha i dtéarmaí méid airgeadaíochta agus mar chion (céatadán) d'iomlán na sócmhainní ar an dáta tuairiscithe (i.e., is éard atá sa chion meastachán ar luach na sócmhainní de réir na leabhar faoi riosca fisiceach ábhartha arna roinnt ar an luach iomlán de réir na leabhar mar a luaitear sa ráiteas maidir le riocht airgeadais nó sa chlár comhardaithe). Díorthófar an meastachán de shócmhainní lena mbaineann riosca fisiceach ábhartha ó thús na sócmhainní a aithnítear sna ráitis airgeadais. Féadfar an meastachán de mhéideanna airgeadaíochta agus an sciar de shócmhainní lena ngabhann riosca ábhartha fisiceach a chur i láthair mar mhéid amháin nó raon méideanna.
- (b) Cuirfear na cineálacha uile sócmhainní san áireamh, lena n-áirítear sócmhainní léasa airgeadais / sócmhainní ceart úsáide nuair a chinnfear na sócmhainní lena ngabhann riosca fisiceach ábhartha.
- (c) Chun comhthéacs a thabhairt don fhaisnéis sin, déanfaidh an gnóthas an méid a leanas:
  - i. nochtfaidh sé suíomh a shócmhainní suntasacha lena ngabhann riosca fisiceach ábhartha. Déanfar sócmhainní móra atá lonnaithe<sup>59</sup> i gcríoch an Aontais a chomhiomlánú le cóid NUTS leibhéal 3 dhigit (Aicmiú Comhchoiteann na n-Aonad Críche maidir le Staidreamh). I gcás sócmhainní suntasacha atá suite lasmuigh de chríoch an Aontais, ní sholáthrófar an miondealú de réir chód NUTS ach amháin i gcás inarb infheidhme.
  - ii. méideanna airgeadaíochta na sócmhainní atá i mbaol a dhí-chomhiomlánú trí ghéarriosca fisiceach agus trí riosca ainsealach fisiceach<sup>60</sup>.
- (d) an sciar de na sócmhainní faoi phriacal fisiceach ábhartha a eascraíonn as mír 66 (a) a ríomh, ar sócmhainní iad a dtugtar aghaidh air leis na **gníomhaíochtaí oiriúnaithe don athrú aeráide** bunaithe ar an bhfaisnéis a nochtar faoi Cheanglas maidir le Nochtadh E1-3. Is é is aidhm dó sin glanrioscaí a neasú.

AR 71. Le linn don ghnóthas an fhaisnéis a cheanglaítear faoi mhír 64 (a) agus 66 (d) a ullmhú, féadfaidh sé an sciar den ghlanioncam ó ghníomhaíochtaí gnó atá i mbaol fisiciúil a mheasúnú agus a nochtadh. Maidir leis an nochtadh sin:

- (a) beidh sé bunaithe ar an nglanioncam i gcomhréir leis na ceanglais sna caighdeáin chuntasaíochta a chuirtear i bhfeidhm i gcás ráiteas airgeadais, i.e., IFRS 15 nó GAAP áitiúil.

<sup>59</sup>Tá an ceanglas sin maidir le nochtadh comhsheasmhach le ceanglais Rialachán Cur Chun Feidhme (AE) 2022/2453 ón gCoimisiún — Teimpléad 5 neamhchosaintí faoi réir riosca fisiceach.

<sup>60</sup>Tá an ceanglas sin maidir le nochtadh comhsheasmhach le ceanglais Rialachán Cur Chun Feidhme (AE) 2022/2453 ón gCoimisiún — Teimpléad 5 neamhchosaintí faoi réir riosca fisiceach.

- (b) féadfar miondealú ar ghníomhaíochtaí gnó an ghnóthais a áireamh leis na sonraí comhfhreagracha maidir leis an gcéatadán gaolmhar den ghlanioncam iomlán, na fachtóirí riosca (guaiseacha, neamhchosaint agus íogaireacht) agus, más féidir, méid na n-**éifeachtaí airgeadais a bhfuiltear ag súil leo** i dtéarmaí creimeadh corrlaigh thar na tréimhsí ama gearrthéarmacha, meántéarmacha agus fadtéarmacha. Chomh maith leis sin, féadfaidh cineál na ngníomhaíochtaí gnó a imdhealú de réir deighleoga oibriúcháin má tá ranníocaíocht corrlach de réir deighleoga oibriúcháin nochta ag an ngnóthas ina thuiriscíú teascán sna ráitis airgeadais.

*Treoraíocht maidir le ríomh — Éifeachtaí airgeadais a bhfuil coinne leo ó riosca aistrithe*

AR 72. Agus an fhaisnéis a cheanglaítear faoi mhíreanna 64 (b) agus 67 (a) á nochtadh aige, míneoidh an gnóthas an méid seo a leanas agus conas:

- (a) cé acu agus conas a rinne nó nach ndearna sé measúnú ar na héifeachtaí féideartha ar an bhfeidhmíocht agus an staid airgeadais sa todhchaí i ndáil le sócmhainní agus gníomhaíochtaí lena ngabhann riosca aistrithe ábhartha, lena n-áirítear raon feidhme an chur chun feidhme, modheolaíocht ríofa, toimhdí criticiúla agus imlínte agus teorainneacha an mheasúnúcháin; agus
- (b) an measúnú ar shócmhainní agus ar ghníomhaíochtaí gnó a mheastar a bheith ag riosca aistrithe ábhartha ar an bpróiseas, nó cé acu atá nó nach bhfuil sé mar cuid den phróiseas, chun **rioscaí aistrithe ábhartha** a chinneadh mar a thuairiscítear faoi mhíreanna 20 (c) agus AR 11 agus chun **cásanna** a chinneadh mar a cheanglaítear faoi mhíreanna AR 12 go AR 13. Go háirithe, míneoidh sé an dóigh a ndearna sé tréimhsí ama gearrthéarmacha, meántéarmacha agus fadtéarmacha a shainiú agus an bealach a bhfuil na sainithe sin nasctha le saolré ionchasach shócmhainní an ghnóthais, a thréimhsí ama i ndáil leis an bpleanáil straitéiseach agus pleananna um leithdháileadh caipitil.

AR 73. Agus an fhaisnéis faoi shócmhainní faoi riosca trasdula ábhartha á nochtadh mar a cheanglaítear faoi mhíreanna 67 (a) agus (b):

- (a) áireoidh an gnóthas meastachán ar an méid sócmhainní tréigthe féideartha (i méideanna airgeadaíochta agus mar sciar/céatadán) ón mbliain tuairiscithe go dtí 2030 agus idir 2030 agus 2050 ar a laghad. Tuigtear gurb é atá i sócmhainní tréigthe príomhshócmhainní gníomhacha nó atá pleanáilte go daingean de chuid an ghnóthais ag a bhfuil **astaíochtaí GCT gaibhnithe** suntasacha le linn a saolré oibriúcháin. Is iad na príomhshócmhainní atá pleanáilte go daingean na sócmhainní ar dóchúlacha go n-úsáidfidh an gnóthas iad sna 5 bliana amach romhainn. Féadfar an méid a shloinneadh mar raon luachanna sócmhainní bunaithe ar **chásanna** éagsúla aeráide agus **beartais**, lena n-áirítear cás atá ailínithe le hathrú aeráide a theorannú go 1.5 °C.
- (b) nochtfaidh an gnóthas miondealú ar luach glanluacha a shócmhainní eastáit réadaigh, lena n-áirítear sócmhainní cearta úsáide, de réir aicmí éifeachtúlachta fuinnimh. Déanfar an éifeachtúlacht fuinnimh a léiriú i dtéarmaí raonta an ídithe fuinnimh in kWh/m<sup>2</sup> nó aicme lipéid EPC (Deimhniú Feidhmíochta Fuinnimh)<sup>6162</sup>. Mura féidir leis an ngnóthas an fhaisnéis sin a fháil ar bhonn iarrachta is fearr, nochtfaidh sé suim ghlanluacha iomlán na sócmhainní eastáit réadaigh a bhfuil an tomhaltas fuinnimh bunaithe ina leith ar mheastacháin inmheánacha.
- (c) ríomhfaidh an gnóthas cion (céatadán) na sócmhainní iomlána (lena n-áirítear léas airgeadais/sócmhainní ceart úsáide) ag riosca aistrithe ábhartha a dtugtar aghaidh air leis na **gníomhaíochtaí** um **maolú ar an athrú aeráide** bunaithe ar an bhfaisnéis a nochtar faoi Cheanglas maidir le Nochtadh E1-3. Is é méid iomlán na sócmhainní an tsuim ghlanluacha ar an gclár comhardaithe ar an dáta tuairiscithe.

AR 74. Agus an fhaisnéis faoi dhliteanais ionchasacha ó **rioscaí aistrithe** ábhartha a

<sup>61</sup> Treoir 2010/31/AE ó Pharlaimint na hEorpa agus ón gComhairle an 19 Bealtaine 2010 maidir le feidhmíocht fuinnimh foirgneamh (IO L 153, 18.6.2010, lch. 13).

<sup>62</sup>Tá an ceanglas nochta sin comhsheasmhach le ceanglais Rialachán Cur Chun Feidhme (AE) 2022/2453 ón gCoimisiún — Teimpléad 2 réadmhaoin dhochorraithe, éifeachtúlacht fuinnimh na comhthaobhachta.

cheanglaítear faoi mhír 67(d) á nochtadh:

- (a) gnóthais a oibríonn **suiteálacha** a rialaítear faoi scéim trádála astaíochtaí, féadfaidh siad raon dliteanas a d'fhéadfadh a bheith ann amach anseo de thionscnamh na scéimeanna sin a áireamh;
- (b) féadfaidh gnóthais, atá faoi réir CTA AE, na dliteanas fhéideartha sa todhchaí a bhaineann lena bpleananna leithdháilte don tréimhse roimh 2030 agus go dtí 2030 a nochtadh. Féadfaidh an dliteanas féideartha a mheas:
- ar bhonn an lín liúntas i seilbh an ghnóthais ag tús na tréimhse tuairiscithe;
  - ar bhonn an lín liúntas atá le ceannach sa mhargadh go bliantúil, i.e., roimh 2030 agus go dtí 2030;
  - an bhearna idir **astaíochtaí** measta sa todhchaí faoi **chásanna** aistrithe éagsúla agus leithdháiltí saor in aisce lamháltas is eol don tréimhse go dtí 2030, agus
  - an costas bliantúil measta in aghaidh an tona CO<sub>2</sub> ar gá liúntas a cheannach ina leith;
- (c) Agus measúnú á dhéanamh aige ar a dhliteanas a d'fhéadfadh a bheith ann amach anseo, féadfaidh an gnóthas líon na lamháltas astaíochtaí GCT faoi raon 1 laistigh de scéimeanna trádála astaíochtaí rialáilte agus líon carnach na lamháltas astaíochtaí a stóráiltear (ó lamháltas roimhe sin) ag tús na tréimhse tuairiscithe a mheas agus a nochtadh;
- (d) gnóthais a nochtann méideanna na **gcreidmheasanna carbóin** a bhfuil sé beartaithe iad a chealú go luath amach anseo (Ceanglas Nochta E1-7) féadfaidh siad na dliteanas a d'fhéadfadh a bheith ann amach anseo a nochtadh a bhaineann leo siúd atá bunaithe ar chomhaontuithe conarthacha atá ann cheana;
- (e) féadfaidh an gnóthas a oll-**astaíochtaí** GCT Scóip 1, 2 agus iomlána (in aonaid airgeadaíochta) a áireamh freisin, arna ríomh mar seo a leanas:
- astaíochtaí GCT Scóip 1 agus 2, a bhfuil luach airgid curtha orthu, sa bhliain tuairiscithe de réir na foirmle a leanas:
    - $$\text{Oll-astaíochtaí GCT Scóip 1 (t CO}_{2eq}) + \text{oll-astaíochtaí GCT Scóip 2 (t CO}_{2eq}) \times \text{Ráta costais astaíochtaí GCT (} \frac{\text{€}}{\text{t CO}_{2eq}} \text{)}$$
  - astaíochtaí GCT iomlána, a bhfuil luach airgid curtha orthu, sa bhliain tuairiscithe de réir na foirmle a leanas:
    - $$\text{Iomlán na n-astaíochtaí GCT (t CO}_{2eq}); \text{Ráta costais astaíochtaí GCT (} \frac{\text{€}}{\text{t CO}_{2eq}} \text{)}$$
  - trí ráta íseal, meánchostais agus ardchostais a úsáid<sup>63</sup> d'astaíochtaí gás ceaptha teasa (e.g. praghas carbóin an mhargaidh agus meastacháin éagsúla do chostais shochoíocha carbóin) agus na cúiseanna lena roghnú.

AR 75. Féadfar cineálacha cur chuige agus modheolaíochtaí eile a chur i bhfeidhm chun measúnú a dhéanamh ar an gcaoi a bhféadfadh **rioscaí aistrithe** difear a dhéanamh do staid airgeadais an ghnóthais amach anseo. In aon chás, áireofar le nochtadh na **n-éifeachtaí airgeadais a bhfuiltear ag súil leo** tuairisc ar na modheolaíochtaí agus na sainmhínithe arna n-úsáid ag an ngnóthas.

AR 76. Agus an fhaisnéis a cheanglaítear faoi mhír 67 (e) á hullmhú aige, féadfaidh an gnóthas

<sup>63</sup>Is é an ráta costais an fachtóir a úsáidtear chun tionchair neamhairgeadaíochta amhail tonáil, heicteáir, m<sup>3</sup> etc. a thiontú ina n-aonaid airgeadaíochta. Ba cheart rátaí costais a bheith bunaithe ar staidéir luachála airgeadaíochta, ní mór dóibh a bheith bunaithe ar an eolaíocht agus ní mór do na modhanna a úsáidtear chun na rátaí a fháil a bheith trédhearcach. Is féidir treoir maidir leis na modhanna sin a fháil, e.g., ón tionscadal TRÉDHEARCACH arna chistiú ag AE-LIFE.

measúnú agus nochtadh a dhéanamh ar sciar an ghlanioncaim ó ghníomhaíochtaí gnó atá faoi **riosca aistrithe**. Maidir leis an nochtadh sin:

- (a) beidh sé bunaithe ar an nglanioncam i gcomhréir leis na ceanglais sna caighdeáin chuntasaíochta a chuirtear i bhfeidhm i gcás ráiteas airgeadais, i.e., IFRS 15 nó GAAP áitiúil.
- (b) féadfar miondealú ar ghníomhaíochtaí gnó an ghnóthais a áireamh leis na sonraí comhfhreagracha maidir leis an gcéatadán gaolmhar den ghlanioncam reatha, fachtóirí riosca (imeachtaí agus neamhchosaint), agus nuair is féidir, na **héifeachtaí airgeadais a bhfuiltear ag súil leo** a bhaineann le creimeadh corrlaigh thar an gcreimeadh corrlaigh sa ghearrthéarma, sa mheántéarma agus san fhadtéarma. Chomh maith leis sin, féadfar cineál na ngníomhaíochtaí gnó a dhí-chomhiomlánú de réir deighleoga oibriúcháin má tá ranníocaíocht corrlach de réir deighleoga oibriúcháin nochta ag an ngnóthas ina thuairisciú teascán sna ráitis airgeadais.

### *Nascacht le faisnéis tuairiscithe airgeadais*

AR 77. Féadfaidh an gnóthas réiteach an mhéid shuntasaigh sócmhainní, dliteanas agus glanioncaim (atá leochaileach do **rioscaí fisiceacha** ábhartha nó do **rioscaí aistrithe**) chuig an ítim líne ábhartha nó nochtadh (e.g. tuairisciú deighleoge) sna ráitis airgeadais (mar a cheanglaítear le mír 68) a thíolacadh mar seo a leanas:

- (a) le crostagairt don mhír líne ghaolmhar nó nochtadh gaolmhar sna ráitis airgeadais más féidir na méideanna sin a shainaithint sna ráitis airgeadais; nó
- (b) Mar réiteach cainníochtúil leis an mír líne nó nochtadh sa ráiteas airgeadais ag úsáid na formáide tábla thíos murar féidir crostagairt dhíreach a dhéanamh dóibh seo:

Suim ghlanluacha sócmhainní nó dliteanas nó glanioncaim atá leochaileach do rioscaí fisiceacha ábhartha nó rioscaí aistrithe ábhartha	
Míreanna coigeartúcháin	
Sócmhainní nó dliteanais nó glanioncam sna ráitis airgeadais	

AR 78. Áiritheoidh an gnóthas comhsheasmhacht na sonraí agus na dtoimhdí chun measúnú agus tuairisciú a dhéanamh ar na **héifeachtaí airgeadais a bhfuiltear ag súil leo** ó **rioscaí fisiceacha** ábhartha agus **rioscaí aistrithe** sa ráiteas inbhuanaitheachta leis na sonraí agus na toimhdí comhfhreagracha a úsáidtear le haghaidh na ráiteas airgeadais (e.g., praghsanna carbóin a úsáidtear chun measúnú a dhéanamh ar bhearnú sócmhainní, saolré úsáideach sócmhainní, meastacháin agus forálacha). Míneoidh an gnóthas na cúiseanna a bhaineann le haon neamhréir (e.g., i gcás ina mbíonn impleachtaí airgeadais iomlána rioscaí a bhaineann leis an aeráid á measúnú fós nó i gcás nach meastar iad a bheith ábhartha sna ráitis airgeadais).

AR 79. Maidir le héifeachtaí a d'fhéadfadh a bheith ann amach anseo ar dhliteanais (mar a cheanglaítear le mír 67 (d)), más infheidhme, déanfaidh an gnóthas crostagairt don tuairisc ar na scéimeanna trádála astaíochtaí sna ráitis airgeadais.

### ***Deiseanna a bhaineann leis an aeráid***

AR 80. Agus an fhaisnéis faoi mhír 69 (a) á nochtadh aige, míneoidh an gnóthas cineál an choigiltis ar chostais (e.g., ó thomhaltas fuinnimh laghdaithe), na tréimhsí ama agus an mhodheolaíocht a úsáideadh, lena n-áirítear raon feidhme an mheasúnaithe, toimhdí criticiúla, agus teorainneacha, agus cibé acu ar cuireadh **anailís ar chásanna** i bhfeidhm nó nár cuireadh.

AR 81. Agus an fhaisnéis a cheanglaítear faoi mhír 69 (b) á nochtadh aige, míneoidh an gnóthas conas a rinne sé measúnú ar mhéid an mhargaidh nó ar aon athruithe a bhfuiltear ag súil leo ar ghlanioncam ó tháirgí agus seirbhísí ísealcharbóin nó réitigh oiriúnaithe lena

n-áirítear raon feidhme an mheasúnaithe, an tréimhse ama, na toimhdí criticiúla, agus na teorainneacha agus a mhéid atá an margadh sin inrochtana don ghnóthas. Féadfar an fhaisnéis maidir le méid an mhargaidh a chur i bpeirspictíocht i ndáil leis an ioncam atá ann faoi láthair atá ailínithe le tacsanomaíocht a nochtar faoi fhorálacha Rialachán (AE) 2020/852. Féadfaidh an t-eintiteas míniú a thabhairt freisin ar an gcaoi a saothróidh sé a **dheiseanna** a bhaineann leis an aeráid agus, i gcás inar féidir, ba cheart é sin a nascadh leis na nochtuithe maidir le **beartais**, **spríocanna** agus **gníomhaíochtaí** faoi Cheanglais maidir le Nochtadh E1-2, E1-3 agus E1-4.

## **ESRS E2** **TRUAILLIÚ**

### **Clár ábhar**

---

#### **Cuspóir**

**Idirghníomhaíocht le ESRS eile**

**Ceanglais maidir le Nochtadh**

- **ESRS 2** Nochtaí ginearálta

#### **Bainistiú tionchar, rioscaí agus deiseanna**

- Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann le truailliú a shainaithint agus a mheasúnú
- Ceanglas maidir le Nochtadh E2- 1 – Beartais a bhaineann leis an truailliú
- Ceanglas maidir le Nochtadh E2-2 – Gníomhaíochtaí agus acmhainní a bhaineann le truailliú

#### **Méadracht agus spríocanna**

- Ceanglas maidir le Nochtadh E2- 3 – Spríocanna a bhaineann leis an truailliú
- Ceanglas maidir le Nochtadh E2-4 — Truailliú aeir, uisce agus ithreach
- Ceanglas maidir le Nochtadh E2- 5 – Substaintí ar díol imní iad agus substaintí ar díol mór imní iad
- Ceanglas maidir le Nochtadh E2-6 – Éifeachtaí airgeadais a bhfuil coinne leo ó thionchair, rioscaí agus deiseanna a bhaineann le truailliú

**Foscibhinn A: Ceanglais maidir le Cur i bhFeidhm**

- **ESRS 2** Nochtaí ginearálta

#### **Bainistiú tionchar, rioscaí agus deiseanna**

- Ceanglas maidir le Nochtadh E2- 1 – Beartais a bhaineann leis an truailliú
- Ceanglas maidir le Nochtadh E2-2 – Gníomhaíochtaí agus acmhainní a bhaineann le truailliú

#### **Méadracht agus spríocanna**

- Ceanglas maidir le Nochtadh E2- 3 – Spríocanna a bhaineann leis an truailliú
- Ceanglas maidir le Nochtadh E2-4 — Truailliú aeir, uisce agus ithreach
- Ceanglas maidir le Nochtadh E2- 5 – Substaintí ar díol imní iad agus substaintí ar díol mór imní iad
- Ceanglas maidir le Nochtadh E2-6 – Éifeachtaí airgeadais a bhfuil coinne leo ó rioscaí agus deiseanna a bhaineann le truailliú

### **Cuspóir**

---

1. Is é cuspóir an Chaighdeáin seo na Ceanglais maidir le Nochtadh a shonrú a chuirfidh ar a gcumas d'úsáideoirí an **ráitis inbhuanaitheachta** na nithe seo a leanas a thuiscint:

- (a) an tionchar a bhíonn ag an ngnóthas ar **thruailliú** aeir, uisce agus **ithreach**, i dtéarmaí **tionchair** ábhartha dhearfacha agus dhiúltacha iarbhír nó fhéideartha;
  - (b) aon **ghníomhaíochtaí** a rinneadh, agus toradh na ngníomhaíochtaí sin, chun tionchair dhiúltacha iarbhír nó fhéideartha a chosc nó a mhaolú, agus chun aghaidh a thabhairt ar **rioscaí** agus **deiseanna**;
  - (c) pleananna agus cumas an ghnóthais a **straitéis** agus a **shamhail ghnó** a oiriúnú i gcomhréir leis an aistriú chuig geilleagar inbhuanaithe agus leis an ngá atá ann truailliú a chosc, a rialú agus a dhíothú. Is é is aidhm dó sin timpeallacht atá saor ó thocsainí a chruthú le truailliú nialasach freisin chun tacú le Plean Gníomhaíochta an Aontais “I dtreo Truailliú Nialasach le haghaidh Aer, Uisce agus Ithreach”;
  - (d) nádúr, cineál agus méid na rioscaí agus na ndeiseanna ábhartha atá ag an ngnóthas a bhaineann le tionchair agus **spleáchais** truaillithe an ghnóthais, chomh maith le truailliú a chosc, a rialú, a dhíothú nó a laghdú, lena n-áirítear nuair is toradh é sin ar chur i bhfeidhm rialachán, agus conas a bhainistíonn an gnóthas é sin; agus
  - (e) na **héifeachtaí airgeadais** ar an ngnóthas thar na rioscaí agus na deiseanna ábhartha sa ghearrthéarma, sa mheántéarma agus san fhadtéarma a eascraíonn as tionchair agus spleáchais an ghnóthais a bhaineann le truailliú.
2. Leagtar amach sa Chaighdeán seo na Ceanglais maidir le Nochtadh a bhaineann leis na **hábhair inbhuanaitheachta** seo a leanas: truailliú aeir, uisce, ithreach, substaintí ar údar imní iad, lena n-áirítear substaintí arb údar mór imní iad.
  3. Tagraíonn “truailliú aeir” d’astaíochtaí an ghnóthais san aer (laistigh agus lasmuigh araon), agus d’astaíochtaí den sórt sin a chosc, a rialú agus a laghdú.
  4. Tagraíonn “truailliú uisce” d’astaíochtaí an ghnóthais san uisce, agus d’astaíochtaí den sórt sin a chosc, a rialú agus a laghdú.
  5. Tagraíonn “truailliú ithreach” d’astaíochtaí an ghnóthais san ithir agus d’astaíochtaí den sórt sin a chosc, a rialú agus a laghdú.
  6. Maidir le “substaintí ar údar imní iad”, cumhdaítear leis an gcaighdeán seo táirgeadh, úsáid agus/nó dáileadh agus tráchtálú substaintí ar údar imní iad ag an ngnóthas, lena n-áirítear substaintí arb údar mór imní iad. Is é is aidhm do cheanglais maidir le substaintí ar údar imní iad tuiscint a thabhairt d’úsáideoirí ar thionchair iarbhír nó ar thionchair fhéideartha a bhaineann le substaintí den sórt sin, agus srianta a d’fhéadfadh a bheith ar a n-úsáid agus/nó ar a ndáileadh agus ar thráchtálú á gcur san áireamh freisin.

## Idirghníomhaíocht le ESRS eile

---

7. Tá dlúthnasc idir topaic an truaillithe agus fothopaicí comhshaoil eile amhail an t-athrú aeráide, uisce agus acmhainní muirí, an bhithéagsúlacht agus an geilleagar ciorclach. Dá bhrí sin, chun forbheathnú cuimsitheach a sholáthar ar an méid a d’fhéadfadh a bheith ina ábhar do thruailliú, cumhdaítear na Ceanglais maidir le Nochtadh ábhartha i gCaighdeán chomhshaoil eile mar seo a leanas:
  - (a) ESRS E1 Athrú aeráide lena dtugtar aghaidh ar na seacht ngás ceaptha teasa seo a leanas atá nasctha le truailliú aeir: Dé-ocsaíd charbóin (CO<sub>2</sub>), meatán (CH<sub>4</sub>), ocsaíd nítriúil (N<sub>2</sub>O), hidreafluoracarbóin (HFCanna), sárfluoracarbóin (PFCanna), heicseafluairíd sulfair (SF<sub>6</sub>) agus trifluairíd nítrigine (NF<sub>3</sub>).
  - (b) ESRS E3 Uisce agus acmhainní muirí lena dtugtar aghaidh ar thomhaltas uisce, go háirithe i limistéir atá i mbaol uisce, athchúrsáil agus stóráil uisce. Áirítear leis sin freisin bainistiú freagrach acmhainní muirí, lena n-áirítear cineál agus cainníocht na dtráchtearraí a bhaineann le hacmhainní muirí (amhail uaigheanna, mianraí domhainfharraige, bia mara) a úsáideann an gnóthas. Cumhdaítear leis an gCaighdeán seo na tionchair dhiúltacha, i dtéarmaí truailliú uisce agus acmhainní muirí, lena n-áirítear micreaphlaistigh, arna nginiúint ag gníomhaíochtaí den sórt sin.

- (c) ESRS E4 Bithéagsúlacht agus éiceachórais a thugann aghaidh ar éiceachórais agus ar speicis. Tugtar aghaidh leis an gCaighdeán seo ar thruailliú mar spreagthóir díreach chailliúint na bithéagsúlachta.
  - (d) ESRS E5 Úsáid acmhainní agus geilleagar ciorclach lena dtugtar aghaidh, go háirithe, ar an aistriú ó acmhainní neamh-inathnuaite a eastóscadh agus ó chur chun feidhme cleachtas lena gcuirtear cosc ar ghiniúint dramhaíola, lena n-áirítear truailliú a ghintear le dramhaíl.
8. D'fhéadfadh tionchar a bheith ag iarmhairtí truailithe an ghnóthais ar dhaoine agus ar phobail. Cumhdaítear tionchair dhiúltacha ábhartha ar phobail a ndéantar difear dóibh ó thionchair a bhaineann le truailliú atá inchurtha i leith an ghnóthais i bpobail a bhfuil éifeacht acu ar ESRS S3.
  9. Ba cheart an Caighdeán sin a léamh i gcomhar le ESRS 1 *Ceanglais ghinearálta* agus ESRS 2 *Nochtaí Ginearálta*.

## Ceanglais maidir le Nochtadh

---

### **ESRS 2 Nochtaí ginearálta**

10. Ba cheart ceanglais na roinne seo a léamh i gcomhar leis na nochtaí a cheanglaítear le ESRS 2 caibidil 4 *Bainistiú tionchar, rioscaí agus deiseanna* agus ba cheart iad a thuairisciú ina dteannta.

### **Bainistiú tionchar, rioscaí agus deiseanna**

#### ***Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann le truailliú a shainaithint agus a mheasúnú***

---

11. Tabharfaidh an gnóthas tuairisc ar an bpróiseas chun **tionchair, rioscaí** agus **deiseanna** ábhartha a shainaithint agus soláthróidh sé faisnéis maidir leis an méid seo a leanas:
  - (a) cibé acu a rinne nó nach ndearna an gnóthas scagadh ar a shuíomhanna agus ar a ghníomhaíochtaí gnó chun a thionchair, rioscaí agus deiseanna iarbhír agus ionchasacha a bhaineann le truailliú a shainaithint ina oibríochtaí féin agus ina shlabhra luacha réamhtheachtach agus iartheachtach, agus más amhlaidh atá, na modheolaíochtaí, na toimhdí agus na huirlisí a úsáideadh sa scagadh;
  - (b) an ndearna an gnóthas comhairliúcháin, go háirithe leis na pobail a ndearnadh difear dóibh, agus conas a rinne sé amhlaidh.

#### ***Ceanglas maidir le Nochtadh E2- 1 – Beartais a bhaineann leis an truailliú***

---

12. Tabharfaidh an gnóthas tuairisc ar a bheartais arna nglacadh chun bainistiú a dhéanamh ar a thionchair, a rioscaí agus a dheiseanna ábhartha a bhaineann le cosc agus rialú ar thruailliú.
13. Is é cuspóir an Cheanglais seo maidir le Nochtadh tuiscint a chumasú ar a mhéid atá **beartais** ag an ngnóthas a thugann aghaidh ar shainaithint, ar mheasúnú, ar bhainistiú agus/nó ar **leasú** na **dtionchar**, na rioscaí agus na **ndeiseanna** a bhaineann le truailliú ábhartha.
14. Beidh sa nochtheadh a cheanglaítear le mír 12 an fhaisnéis faoi na beartais atá i bhfeidhm ag an ngnóthas chun a thionchair ábhartha, a rioscaí agus a dheiseanna a bhaineann le truailliú a bhainistiú i gcomhréir le Beartais MDR-P ESRS 2 arna nglacadh chun ábhair inbhuanaitheachta ábhair a bhainistiú.
15. Léireoidh an gnóthas, maidir lena oibríochtaí féin agus maidir lena shlabhra luacha réamhtheachtach agus iartheachtach, cibé acu a théann nó nach dtugann a bheartais aghaidh ar na réimsí seo a leanas ina bhfuil ábhar agus conas a théann siad i ngleic leo:

- (a) tionchair dhiúltacha a bhaineann le truailliú aeir, uisce agus ithreach a mhaolú, lena n-áirítear cosc agus rialú;
- (b) substaintí ar údar imní iad a ionadú agus a íoslaghdú, agus deireadh a chur de réir a chéile le substaintí arb údar mór imní iad, go háirithe i gcás úsáid neamhriachtanach na sochaí agus i dtáirgí tomhaltais; agus
- (c) teagmhais agus cásanna éigeandála a sheachaint, agus má tharlaíonn agus nuair a tharlaíonn siad, a dtionchar ar dhaoine agus ar an gcomhshaol a rialú agus a theorannú.

### ***Ceanglas maidir le Nochtadh E2-2 – Gníomhaíochtaí agus acmhainní a bhaineann le truailliú***

---

- 16. Nochtfaidh an gnóthas na gníomhaíochtaí a dhéanann sé a bhaineann leis an truailliú agus na hacmhainní a leithdháiltear ar a gcur chun feidhme.
- 17. Is é cuspóir an Cheanglais seo maidir le Nochtadh tuiscint a chumasú ar na príomhghníomhaíochtaí a rinneadh agus atá beartaithe chun na **cuspoirí** agus na **spriocanna** beartais a bhaineann le truailliú a bhaint amach.
- 18. Beidh an fhaisnéis a fhorordaítear in ESRS 2 MDR-A Gníomhaíochtaí agus acmhainní i ndáil le hábhair inbhuanaitheachta ábhartha sa tuairisc ar na pleananna gníomhaíochta agus na hacmhainní a bhaineann le truailliú.
- 19. I dteannta ESRS 2 MDR-A, féadfaidh an gnóthas a shonrú cén tsraith san ordlathas maolaithe seo a leanas ar féidir gníomhaíocht agus acmhainní a leithdháileadh air:
  - (a) **truailliú** a sheachaint, lena n-áirítear aon ábhar nó comhdhúile a bhfuil tionchar diúltach acu a chéimniú amach (truailliú ag an bhfoinse a chosc);
  - (b) truailliú a laghdú, lena n-áirítear: aon chéimniú amach ábhar nó comhdhúl; ceanglais forfheidhmithe a chomhlíonadh amhail ceanglais maidir leis na **Teicnící is Fearr atá ar Fáil (BAT)**; nó na critéir **‘gan dochar suntasach a dhéanamh’** maidir le cosc agus rialú ar thruailliú a chomhlíonadh de réir Rialachán an Aontais maidir le Tacsanomaíocht agus a Ghníomhartha Tarmligthe (truailliú a íoslaghdú); agus
  - (c) **éiceachórais** inar tharla truailliú a athbhunú, a athghiniúint agus a chlaochlú (na tionchair a rialú ó ghníomhaíochtaí agus ó **theagmhais** rialta araon).

### **Méadracht agus spriocanna**

### ***Ceanglas maidir le Nochtadh E2- 3 – Spriocanna a bhaineann leis an truailliú***

---

- 20. Nochtfaidh an gnóthas na spriocanna a bhaineann le truailliú atá leagtha síos aige.
- 21. Is é cuspóir an Riachtanais Nochta seo tuiscint a chumasú ar na **spriocanna** atá leagtha síos ag an ngnóthas chun tacú lena **bheartais** a bhaineann le **truailliú** agus chun aghaidh a thabhairt ar **na tionchair, na rioscaí** agus na **deiseanna** a bhaineann le truailliú ábhartha.
- 22. Beidh na ceanglais faisnéise a shainítear in ESRS 2 MDR-T **Éifeachtacht beartas agus gníomhaíochtaí a rianú trí spriocanna** sa tuairisc ar **spriocanna**.
- 23. Léireofar sa nochtadh a cheanglaítear le mír 20 cibé acu a bhaineann nó nach mbaineann a **spriocanna** le cosc agus rialú na nithe seo a leanas agus conas a bhaineann siad leis na nithe seo a leanas a chosc agus a rialú:
  - (a) truailleáin aeir agus **ualaí sonracha** faoi seach;
  - (b) **astaíochtaí** chuig uisce agus ualaí sonracha faoi seach;
  - (c) **truailliú d’ithir** agus ualaí sonracha faoi seach; agus
  - (d) **substaintí ar údar imní iad** agus **substaintí ar údar mór imní iad**.

24. Chomh maith le ESRS 2 MDR-T, féadfaidh an gnóthas a shonrú ar cuireadh **tairseacha éiceolaíocha** (e.g., **sláine an bhithsféir**, ídiú ózóin strataisféarach, luchtú aerasóil atmaisféaraigh, ídiú ithreach, aigéadú aigéin) agus leithdháiltí eintiteasshonracha san áireamh agus spriocanna á socrú. Má tá, féadfaidh an gnóthas an méid seo a leanas a shonrú:
- (a) na **tairseacha éiceolaíocha** a sainaitníodh, agus an mhodheolaíocht a úsáideadh chun na tairseacha sin a shainaitint;
  - (b) cé acu atá nó nach bhfuil na tairseacha eintiteas-sonrach agus má tá, conas a cinneadh iad; agus
  - (c) an dóigh a leithdháiltear sa ghnóthas an fhreagracht as tairseacha éiceolaíocha sainaitheanta a urramú.
25. Sonróidh an gnóthas mar chuid den fhaisnéis chomhthéacsúil cé acu atá nó nach bhfuil na **spriocanna** atá leagtha síos agus curtha i láthair aige sainordaitheach (a cheanglaítear leis an reachtaíocht) nó deonach.

### **Ceanglas maidir le Nochtadh E2-4 — Truailleú aeir, uisce agus ithreach**

26. **Nochtfaidh an gnóthas na truailleáin a astaíonn sé trína oibríochtaí féin, chomh maith leis na micreaphlaistigh a ghineann sé nó a úsáideann sé.**
27. Is é cuspóir an cheanglais seo maidir le Nochtadh tuiscint a thabhairt ar na **hastáochtaí** a ghineann an gnóthas san aer, san uisce agus san **ithir** ina oibríochtaí féin, agus ar ghiniúint agus úsáid micreaphlaisteach.
28. Nochtfaidh an gnóthas méideanna na nithe seo a leanas:
- (a) gach truailleán a liostaítear in Iarscríbhinn II a ghabhann le Rialachán (CE) Uimh. 166/2006 ó Pharlaimint na hEorpa agus ón gComhairle<sup>64</sup> (Clár Eorpach ar Scaoileadh agus Aistriú Truailleán “Rialachán E-PRTR”) a astaítear san aer, san uisce agus san ithir, cé is moite d’astaíochtaí **GCT** a nochtar i gcomhréir le ESRS E1 *Athrú Aeráide*<sup>65</sup>;
  - (b) micreaphlaistigh arna nginiúint nó arna n-úsáid ag an ngnóthas.
29. Is éard a bheidh sna méideanna dá dtagraítear i mír 28 méideanna comhdhlúite lena n-áirítear na hastaíochtaí ó na saoráidí sin a bhfuil rialú airgeadais ag an ngnóthas orthu agus na hastaíochtaí a bhfuil rialú oibríochtúil aige orthu. Ní áireofar sa chomhdhlúthú ach na hastaíochtaí ó shaoráidí a bhfuil an luach tairsí is infheidhme a shonraítear in Iarscríbhinn II de Rialachán (CE) Uimh. 166/2006 sáraithe ina leith.
30. Tabharfaidh an gnóthas comhthéacs maidir lena nochtadh agus tabharfaidh sé tuairisc ar an méid a leanas:
- (a) na hathruithe le himeacht ama,
  - (b) na modheolaíochtaí tomhais; agus
  - (c) an próiseas/na próisis chun sonraí a bhailiú le haghaidh cuntasáíocht agus tuairisciú a bhaineann le **truailleú**, lena n-áirítear na cineálacha sonraí is gá agus na foinsí faisnéise.

<sup>64</sup> Rialachán (CE) Uimh. 166/2006 ó Pharlaimint na hEorpa agus ón gComhairle an 18 Eanáir 2006 maidir le bunú Clár Eorpach um Scaoileadh Amach agus Aistriú Truailleán agus lena leasaítear Treoir 91/689/CEE agus Treoir 96/61/CE ón gComhairle (IO L 033, 4.2.2006, lch. 1);

<sup>65</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 go ndíorthaítear é ó: (a) táscaire breise a bhaineann le drochthionchair phríomha mar a leagtar amach le táscaire #2 i dTábla II d’Iarscríbhinn I a ghabhann le Rialachán Tarmilgthe (AE) 2022/1288 ón gCoimisiún a mhéid a bhaineann le rialacha maidir le nochtadh i ndáil le hinfeistíochtaí inbhuanaithe (“Astaíochtaí truailleán aeir”); (b) táscaire #8 i dTábla I d’Iarscríbhinn I (“Astaíochtaí chun uisce”); (c) táscaire #1 i dTábla II d’Iarscríbhinn I (“Astaíochtaí truailleán neamhorgánach”); agus (d) táscaire #3 i dTábla II d’Iarscríbhinn I (“Astaíochtaí substaintí ídithe ózóin”).

31. Nuair a roghnaítear modheolaíocht níos ísle i gcomparáid le tomhas díreach **astaíochtaí** chun astaíochtaí a chainníochtú, leagfaidh an gnóthas amach na cúiseanna leis an modheolaíocht níos ísle sin a roghnú. Má bhaineann an gnóthas úsáid as meastacháin, nochtfaidh sé an caighdeán, an staidéar earnálach nó na foinsí is bunús do na meastacháin, chomh maith le leibhéal féideartha éiginnteachta agus an raon meastachán lena léirítear an éiginnteacht tomhais.

### **Ceanglas maidir le Nochtadh E2- 5 – Substaintí ar díol imní iad agus substaintí ar díol mór imní iad**

---

32. **Nochtfaidh an gnóthas faisnéis maidir le táirgeadh, úsáid, dáileadh, tráchtálú agus allmhairiú/onnmhairiú substaintí ar údar imní iad agus substaintí arb údar mór imní iad, astu féin, i meascáin nó in earraí.**
33. Is é cuspóir an Riachtanais Nochta seo tuiscint a chumasú ar thionchar an ghnóthais ar shláinte agus ar an gcomhshaol trí **shubstaintí ar údar imní iad** agus trí **shubstaintí ar údar mór imní iad** ina n-aonar. Chomh maith leis sin, beifear in ann tuiscint a fháil ar rioscaí agus **deiseanna** ábhartha an ghnóthais, lena n-áirítear nochtadh do na substaintí sin agus na rioscaí a eascraíonn as athruithe ar rialacháin.
34. Áireofar sa nochtadh a cheanglaítear le mír 32 méideanna iomlána na **substaintí ar údar imní iad** a ghintear nó a úsáidtear le linn an táirgthe nó a fhaightear, agus méideanna iomlána na substaintí ar údar imní iad agus a fhágann a shaoráidí mar astaíochtaí, mar tháirgí, nó mar chuid de tháirgí nó de sheirbhísí agus iad roinnte ina bpríomhaicmí guaise substaintí ar údar imní iad.
35. Cuirfidh an gnóthas an fhaisnéis maidir le **substaintí ar údar mór imní iad** i láthair ar leithligh.

### **Ceanglas maidir le Nochtadh E2-6 – Éifeachtaí airgeadais a bhfuil coinne leo ó rioscaí agus deiseanna ábhartha a bhaineann le truailliú**

---

36. **Nochtfaidh an gnóthas na héifeachtaí airgeadais a mheastar a bheidh ag rioscaí agus deiseanna a bhaineann le truailliú ábhartha.**
37. Tá an fhaisnéis a cheanglaítear le mír 36 sa bhreis ar an bhfaisnéis maidir leis na héifeachtaí airgeadais reatha ar shreabha an ghnóthais, ar staid airgeadais, ar fheidhmíocht airgeadais agus ar airgead tirim don tréimhse tuairiscithe a cheanglaítear faoi ESRS 2 SBM-3 mír 48 (d).
38. Is é cuspóir an Cheanglais seo maidir le Nochtadh ná tuiscint a thabhairt ar na nithe seo a leanas:
- (a) **éifeachtaí airgeadais a bhfuiltear ag súil leo** i ngeall ar rioscaí ábhartha a eascraíonn as tionchair agus **spleáchais** a bhaineann le **truailliú** agus an tionchar ábhartha atá ag na rioscaí sin (nó a bhféadfaí a bheith ag súil leis go réasúnach go mbeadh tionchar ábhartha acu) ar fheidhmíocht airgeadais an ghnóthais, ar fheidhmíocht airgeadais agus ar shreafaí airgid thirim, sa ghearrthéarma, sa mheántéarma agus san fhadtéarma.
- (b) **éifeachtaí airgeadais a bhfuiltear ag súil leo** mar gheall ar **dheiseanna** ábhartha a bhaineann le cosc agus rialú ar **thruailliú**.
39. Áireofar an méid seo a leanas sa nochtadh:
- (a) cainníochtú ar na **héifeachtaí airgeadais a bhfuiltear ag súil leo** i dtéarmaí airgeadaíochta sula ndéanfar gníomhaíochtaí a bhaineann le truailliú a mheas, nó i gcás nach féidir é sin a dhéanamh gan costas míchuí ná iarracht mhíchuí, faisnéis cháilíochtúil. Maidir le **héifeachtaí airgeadais** a eascraíonn as **deiseanna**, ní éilítear cainníochtú más é an toradh a bheadh air nochtadh nach gcomhlíonann saintréithe cáilíochtúla na faisnéise (féach ESRS 1 Foscríbhinn B Saintréithe cáilíochtúla na faisnéise);

- (b) tuairisc ar na héifeachtaí a breithníodh, na tionchair ghaolmhara agus na tréimhsí ama is dócha a thiocfaidh siad chun cinn; agus
  - (c) na toimhdí criticiúla a úsáidtear chun na **héifeachtaí airgeadais a bhfuiltear ag súil leo** a chainníochtú, chomh maith le foinsí agus leibhéal éiginnteachta na dtoimhdí sin.
40. Áireofar an méid seo a leanas san fhaisnéis a sholáthrófar faoi mhír 38(a):
- (a) an sciar den ghlanioncam a dhéantar le táirgí agus seirbhísí atá ina substaintí ar údar imní iad nó ina bhfuil **substaintí ar údar imní iad**, agus an sciar den ghlanioncam a dhéantar le táirgí agus seirbhísí atá nó ina bhfuil **substaintí ar údar mór imní iad**;
  - (b) an caiteachas oibríochtúil agus caipitiúil arna dtabhú sa tréimhse tuairiscithe i gcomhcheangal le **mórtheagmhais** agus **taiscí**;
  - (c) na forálacha maidir le costais a bhaineann le cosaint an chomhshaoil agus le **feabhsúchán**, e.g., maidir le **láithreáin** éillithe a athshlánú, láithreáin líonta talún a athshaothrú, éilliú comhshaoil a bhaint ag láithreáin táirgthe nó stórála atá ann cheana agus bearta comhchosúla.
41. Nochtfaidh an gnóthas aon fhaisnéis chomhthéacsúil ábhartha lena n-áirítear tuairisc ar **theagmhais** ábhartha agus ar **fhosuithe** lena raibh tionchair dhiúltacha ag **truailiú** ar an gcomhshaol agus/nó lena bhfuiltear ag súil go mbeidh éifeachtaí diúltacha ag an truailiú ar shreafaí airgid airgeadais, ar staid airgeadais agus ar fheidhmíocht airgeadais an ghnóthais le tréimhsí ama gearrthéarmacha, meántéarmacha agus fadtéarmacha.

## Foscraibhinn A: Ceanglais maidir le Cur i bhFeidhm

---

Is dlúthchuid de ESRS E2 í an Foscraibhinn seo. Tacaíonn sí le cur i bhfeidhm na gceanglas maidir le nochtadh a leagtar amach sa chaighdeán seo agus tá an t-údarás céanna aici agus atá ag na codanna eile den chaighdeán.

### ESRS 2 Nochtaí ginearálta

#### **Bainistiú tionchar, rioscaí agus deiseanna**

#### ***Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann le truailiú a shainaithint agus a mheasúnú***

---

- AR 1. Agus measúnú **ábharthachta** á dhéanamh ar fhothopaicí comhshaoil, déanfaidh an gnóthas measúnú ar ábharthacht an truailithe ina oibríochtaí féin agus ina **shlabhra luacha** réamhtheachtach agus iarteachtach, agus féadfaidh sé na ceithre chéim thíos a mheas, ar a dtugtar cur chuige LEAP freisin:
- (a) Céim 1: an áit ina dtarlaíonn an comhéadan leis an dúlra a aimsiú ina oibríochtaí féin agus ina **slabhra luacha** réamhtheachtach agus iarteachtach;
  - (b) Céim 2: meastóireacht a dhéanamh ar na **spleáchais** agus na **tionchair** a bhaineann le truailiú;
  - (c) Céim 3: measúnú a dhéanamh ar na **rioscaí** agus na **deiseanna** ábhartha; agus
  - (d) Céim 4: torthaí an mheasúnaithe ábharthachta a ullmhú agus a thuairisciú.
- AR 2. Freagraíonn an measúnú **ábharthachta** do ESRS E2 do na chéad trí chéim de chur chuige seo LEAP. Tugann an ceathrú céim aghaidh ar thoradh an phróisis.
- AR 3. Sa phróiseas chun measúnú a dhéanamh ar **ábharthacht** na **dtionchar**, na **spleáchas**, na **rioscaí** agus na **ndeiseanna**, breithneofar na forálacha in ESRS 2 IRO-1 *Tuairisc ar na próisis chun tionchair, rioscaí agus deiseanna ábhartha a shainaithint agus a mheasúnú*, agus IRO-2 *Ceanglais maidir le Nochtadh in ESRS a chumhdaítear le ráiteas inbhuanaitheachta an ghnóthais*.

- AR 4. Áirítear an méid seo a leanas ar na fothopaicí a chumhdaítear leis an measúnú **ábharthachta** faoi ESRS E2:
- (a) **truailiú** aeir, uisce agus **ithreach** (seachas **astaíochtaí** agus **dramhaíl** GCT), micreaphlaistigh, agus **substaintí ar údar imní iad**;
  - (b) **spleáchais** ar **sheirbhísí éiceachórais** a chuidíonn le tionchair a bhaineann le truailiú a mhaolú.
- AR 5. I gCéim 1, chun a aimsiú cén áit ina dtarlaíonn an comhéadan leis an dúlra ina oibríochtaí féin agus ina **slabhra luacha** réamhtheachtach agus iartheachtach, féadfaidh an gnóthas an méid seo a leanas a mheas:
- (a) suíomhanna **suíomhanna** na sócmhainní díreacha agus na n-oibríochtaí díreacha agus na ngníomhaíochtaí réamhtheachtacha agus iartheachacha gaolmhara ar fud an tslabhra luacha;
  - (b) na suíomhanna suímh ina dtarlaíonn **astaíochtaí** uisce, **ithreach** agus truailleán aeir; agus
  - (c) na hearnálacha nó na haonaid ghnó a bhaineann leis na hastaíochtaí sin nó le táirgeadh, úsáid, dáileadh, tráchtálú agus allmhairiú/onnmhairiú micreaphlaistigh, **substaintí ar údar imní iad**, agus **substaintí ar údar mór imní iad**, astu féin, i meascáin nó in earraí.
- AR 6. Baineann Céim 2 leis an meastóireacht ar thionchair agus ar **spleáchais** an ghnóthais ar gach **láithreán** ábhartha nó ar gach earnáil/aonad gnó, lena n-áirítear trí mheasúnú a dhéanamh ar dhéine agus ar dhóchúlacht na dtionchar ar an gcomhshaol agus ar shláinte an duine.
- AR 7. I gCéim 3, chun na **rioscaí** agus na **deiseanna** ábhartha a bhaineann leis a mheasúnú bunaithe ar thorthaí Chéim 1 agus Chéim 2, féadfaidh an gnóthas:
- (a) **rioscaí** agus **deiseanna aistrithe** ina oibríochtaí féin agus ina **slabhra luacha** réamhtheachtach agus iartheachtach a shainnithint de réir na gcatagóirí seo a leanas:
    - i. **beartas** agus dlíthiúil: e.g., rialáil a thabhairt isteach, neamhchosaint ar smachtbhannaí agus dlíthíocht (e.g. faillí i dtreo **éiceachóras**), oibleagáidí tuairiscithe feabhsaithe;
    - ii. teicneolaíocht: e.g. táirgí nó seirbhísí ar lú a dtionchar a ionadú, táirgí nó seirbhísí a ionadú, aistriú ó **shubstaintí ar údar imní iad**;
    - iii. margadh: e.g. soláthar, éileamh agus maoiniú athraitheach, luaineacht nó costais mhéadaithe ar roinnt substaintí; agus
    - iv. clú: e.g. braistintí athraitheacha sa tsochaí, sa chustaiméir nó sa phobal mar thoradh ar ról eagraíochta maidir le **truailiú** a chosc agus a rialú;
  - (b) rioscaí fisiciúla a shainnithint, e.g., cur isteach go tobann ar rochtain ar uisce glan, ar bháisteach aigéadach, nó ar **theagmhais** truailithe eile ar dócha go dtiocfadh truailiú astu nó go raibh truailiú mar thoradh orthu agus go mbeadh tionchar aige sin ar an gcomhshaol agus ar an tsochaí ina dhiaidh sin;
  - (c) deiseanna a shainnithint a bhaineann le cosc agus rialú ar thruailiú, arna n-aicmiú mar seo a leanas:
    - i. éifeachtúlacht acmhainne: cainníochtaí substaintí a úsáidtear a laghdú nó éifeachtúlacht próisis táirgthe a fheabhsú chun tionchair a íoslaghdú;
    - ii. margaf: e.g., gníomhaíochtaí gnó a éagsúlú;
    - iii. maoiniú: e.g. rochtain ar chistí, bannaí nó iasachtaí glasa;
    - iv. athléimneacht: e.g., na substaintí a úsáidtear a éagsúlú agus astaíochtaí a rialú leis an nuálaíocht nó teicneolaíocht; agus
    - v. clú: caidreamh dearfach le **páirtithe leasmhara** mar thoradh ar sheasamh réamhghníomhach maidir le rioscaí a bhainistiú.

- AR 8. Chun measúnú a dhéanamh ar **ábharthacht**, féadfaidh an gnóthas breithniú a dhéanamh ar Mholadh (AE) 2021/2279 ón gCoimisiún maidir le húsáid modhanna Lorg Comhshaoil chun feidhmíocht chomhshaoil saolré táirgí agus eagraíochtaí a thomhas agus a chur in iúl.
- AR 9. Agus faisnéis á soláthar aige maidir le toradh a mheasúnaithe **ábharthachta**, déanfaidh an gnóthas an méid seo a leanas a mheas:
- (a) liosta de na **láithreacha** inar saincheist ábhartha é **truailiú** d'oibríochtaí an ghnóthais féin agus dá shlabhra luacha réamhtheachtach agus iartheachach; agus
  - (b) liosta de ghníomhaíochtaí gnó a bhaineann le tionchair, rioscaí agus deiseanna ábhar truailithe.

### ***Ceanglas maidir le Nochtadh E2- 1 – Beartais a bhaineann leis an truailiú***

---

- AR 10. Féadfar na **beartais** a dtugtar tuairisc orthu faoin gCeanglas maidir le Nochtadh seo a chomhtháthú i mbeartais chomhshaoil nó inbhuanaitheachta níos leithne lena gcumhdaítear fothopaicí éagsúla.
- AR 11. Áireofar sa tuairisc ar na beartais faisnéis faoin truailleán/faoi na truailleáin nó faoi na substaintí a chumhdaítear.
- AR 12. Agus faisnéis á nochtadh faoi mhír 11, féadfaidh an gnóthas faisnéis chomhthéacsúil a chur san áireamh maidir leis an gcaidreamh idir a bheartais a chuirfear chun feidhme agus maidir leis an gcaoi a bhféadfaidh siad rannchuidiú le Plean Gníomhaíochta an Aontais “I dTreo Truailithe Nialais don Aer, don Uisce agus don Ithir” ina mbeidh gnéithe, mar shampla, maidir leis an méid seo a leanas:
- (a) an chaoi a ndéanann **spriocanna** agus bearta Phlean Gníomhaíochta an Aontais agus an t-athbhreithniú ar na teoracha atá ann cheana (e.g. an Treoir maidir le hAstaíochtaí Tionsclaíocha) difear dó nó dóibh;
  - (b) an chaoi a bhfuil sé i gceist aige a lorg **truailiúcháin** a laghdú chun cur leis na spriocanna sin.

### ***Ceanglas maidir le Nochtadh E2-2 – Gníomhaíochtaí agus acmhainní a bhaineann le truailiú***

---

- AR 13. I gcás ina sínfidh **gníomhaíochtaí** chuig gealltanais réamhtheachtacha nó iartheachacha sa **slabhra luacha**, cuirfidh an gnóthas faisnéis ar fáil maidir leis na cineálacha gníomhaíochtaí a léiríonn na gealltanais sin.
- AR 14. Agus acmhainní á mbreithniú, d'fhéadfadh sé gur samplaí de chaiteachas oibríochtúil iad infheistíochtaí i dtaighde agus i bhforbairt chun roghanna malartacha sábháilte agus inbhuanaithe a fhorbairt ar úsáid substaintí ar údar imní iad nó chun **astaíochtaí** a laghdú i bpróiseas táirgthe.
- AR 15. I gcás inarb ábhartha chun a **chuspóirí** agus a **spriocanna** beartais a bhaineann le **truailiú** a bhaint amach, féadfaidh an gnóthas faisnéis a sholáthar ar phleananna gníomhaíochta ar leibhéal an **láithreáin**.

### **Méadracht agus spriocanna**

### ***Ceanglas maidir le Nochtadh E2- 3 – Spriocanna a bhaineann leis an truailiú***

---

- AR 16. Má thagraíonn an gnóthas do **thairseacha éiceolaíocha** agus **spriocanna** á leagan síos aige, féadfaidh sé tagairt a dhéanamh don treoir arna soláthar ag an Tionscnamh um Spriocanna Eolaíochabhunaithe don Dúlra (SBTN) ina threoir eatramhach (Treoir Tosaigh do Ghnó, Meán Fómhair 2020), nó d'aon treoir eile le modheolaíocht a aithnítear go heolaíoch lena féidir spriocanna eolaíochabhunaithe a leagan síos trí thairseacha éiceolaíocha agus, más infheidhme, leithdháiltí eintiteasshonracha a shainithint. Féadfaidh tairseacha éiceolaíocha a bheith áitiúil, náisiúnta agus/nó domhanda.

- AR 17. Féadfaidh an gnóthas a shonrú an dtugtar aghaidh sa **sprioc** ar easnaimh a bhaineann leis na critéir rannchuidithe shubstaintiúla maidir le cosc agus rialú ar thruailliú mar a shainmhínítear i ngníomhartha tarmilgthe arna nglacadh de bhun Airteagal 14(2) de Rialachán (AE) 2020/852. I gcás nach gcomhlíontar na critéir ‘gan dochar suntasacha a dhéanamh’ a Chosc agus a Rialú (DNSH) maidir le truailliú a chosc agus a rialú mar a shainmhínítear i ngníomhartha tarmilgthe arna nglacadh de bhun Airteagal 10(3), Airteagal 11(3), Airteagal 12(2), Airteagal 13(2), agus Airteagal 15(2) de Rialachán (AE) 2020/852, féadfaidh an gnóthas a shonrú an dtugtar aghaidh ar easnaimh a bhaineann leis an DNSH critera sin sa sprioc.
- AR 18. I gcás inarb ábhartha chun tacú leis na **beartais** atá glactha aige, féadfaidh an gnóthas faisnéis a sholáthar maidir leis na **spriocanna** a shocraítear ar leibhéal an **láithreáin**.
- AR 19. Féadfaidh na **spriocanna** oibríochtaí an ghnóthais féin agus/nó an slabhra luacha a chumhdach.

### **Ceanglas maidir le Nochtadh E2-4 — Truailliú aeir, uisce agus ithreach**

- AR 20. Áireofar san fhaisnéis atá le soláthar maidir le micreaphlaistigh faoi mhír 28(b) micreaphlaistigh a gineadh nó a úsáideadh le linn próisis táirgthe nó a fuarthas amach, agus a fhágann saoráidí an ghnóthais mar astaíochtaí, mar tháirgí, nó mar chuid de tháirgí nó de sheirbhísí. Féadfar micreaphlaistigh a tháirgeadh go neamhbheartaithe i gcás ina gcaitheann píosaí móra plaistigh amhail boinn ghluasteáin nó teicstílí sintéiseacha nó nuair is féidir iad a mhonarú d’aon ghnó agus a chur le táirgí chun críocha sonracha (e.g. coirminí exfoliating i scrobarnaí aghaidhe nó cabhlach).
- AR 21. Cuirfear toirt na **dtruaileán** i láthair in aonaid mhaise iomchuí, mar shampla i dtónaí nó i gcileagram.
- AR 22. Déanfar an fhaisnéis a cheanglaítear faoin gCeanglas seo maidir le Nochtadh a sholáthar ar leibhéal an ghnóthais tuairiscithe. Féadfaidh an gnóthas miondealú breise a nochtadh, áfach, lena n-áirítear faisnéis ar leibhéal an **tsuímh** nó miondealú ar a **astaíochtaí** de réir an chineáil foinse, de réir earnála nó de réir limistéir gheografaigh.
- AR 23. Agus faisnéis chomhthéacsúil faoi na hastaíochtaí á soláthar, féadfaidh an gnóthas an méid seo a leanas a mheas:
- innéacsanna áitiúla cháilíocht an aeir (AQI) don limistéar ina dtarlaíonn **truailliú** aeir an ghnóthais;
  - an méid uirbithe (DEGURBA)<sup>66</sup> don limistéar ina dtarlaíonn truailliú aeir; agus
  - céatadán an ghnóthais d’**astaíochtaí** iomlána na **dtruaileán** san uisce agus san **ithir** a tharlaíonn i limistéir atá i mbaol uisce, lena n-áirítear limistéir ina bhfuil strus arduisce.
- AR 24. Féadfaidh an fhaisnéis a sholáthraítear faoin gCeanglas maidir le Nochtadh seo a bheith ag tagairt don fhaisnéis a gceanglaítear ar an ngnóthas í a thuairisciú faoi reachtaíocht eile atá ann cheana (i.e., IED, E- PRTR, etc.).
- AR 25. I gcás ina bhfuil gníomhaíochtaí an ghnóthais faoi réir Threoir 2010/75/AE ó Pharlaimint na hEorpa agus ón gComhairle maidir le hastaíochtaí tionsclaíocha (IED)<sup>67</sup> agus na Doiciméid Tagartha ábhartha maidir leis na Teicnící is Fearr atá ar Fáil (**BREFanna**), is cuma cé acu laistigh den Aontas Eorpach a dhéantar an ghníomhaíocht nó nach ndéantar, féadfaidh an gnóthas an fhaisnéis bhreise seo a leanas a nochtadh:
- liosta **suiteálacha** arna n-oibriú ag an ngnóthas a thagann faoi Chonclúidí IED agus

<sup>66</sup>De réir Eurostat, is aicmiú é Céim an uirbithe (DEGURBA) a léiríonn carachtar limistéir. Bunaithe ar an sciar den daonra áitiúil a bhfuil cónaí orthu i gcnuasaigh uirbeacha agus i lárionaid uirbeacha, aicmítear Aonaid Riaracháin Áitiúla (LAU nó pobail) ina dtrí chineál ceantair: i) Cathracha (ceantair dhlúthdhaonra), ii) Bailte agus bruachbhailte (ceantracha meán dlúis), agus iii) Ceantair thuaithe (ceantair ina bhfuil daonra mór).

<sup>67</sup>Treoir 2010/75/AE ó Pharlaimint na hEorpa agus ón gComhairle an 24 Samhain 2010 maidir le hastaíochtaí tionsclaíocha (cosc agus rialú comhtháite ar thruailliú) (IO L 334, 17.12.2010, lch. 17).

***an Aontais faoi na teicnící is fearr atá ar fáil;***

- (b) liosta de **theagmhais** neamhchomhlíonta nó de **ghníomhaíochtaí** forfheidhmiúcháin ar bith is gá chun comhlíonadh a áirithiú i gcás sáruithe ar choinníollacha ceada;
- (c) an fheidhmíocht iarbhír, mar a shonraítear i **gconclúidí** AE-BAT maidir le **suíteálacha** tionsclaíocha, agus comparáid idir feidhmíocht chomhshaoil an ghnóthais i gcoinne 'leibhéil astaíochtaí a bhaineann leis na teicnící is fearr atá ar fáil' (**BAT-AEL**) mar a thuairiscítear i gconclúidí AE-BAT;
- (d) feidhmíocht iarbhír an ghnóthais i gcoinne na 'leibhéal feidhmíochta comhshaoil a bhaineann leis na **teicnící is fearr atá ar fáil**' (**BAT-AEPLanna**) ar choinníoll go bhfuil siad infheidhme maidir leis an earnáil agus leis an **tsuiteáil**; agus
- (e) liosta d'aon sceidil nó maoluithe comhlíontachta arna ndeonú ag údaráis inniúla i gcomhréir le hAirteagal 15(4) de Threoir 2010/75/AE a bhaineann le cur chun feidhme **BAT-AELanna**.

***Modheolaíochtaí***

AR 26. Agus faisnéis faoi **thruailleáin** á soláthar, breithneoidh an gnóthas cuir chuige maidir le cainníochtú san ord tosaíochta seo a leanas:

- (a) astaíochtaí, eisiltigh nó **truailliú** eile a thomhas go díreach trí úsáid a bhaint as córais faireacháin leanúnaigh aitheanta (e.g. Córais Uaththomhas Tomhas AMS);
- (b) tomhais thréimhsiúla;
- (c) ríomh bunaithe ar shonraí a bhaineann go sonrach leis an **suíomh**;
- (d) ríomh bunaithe ar fhachtóirí truailliúcháin foilsithe; agus
- (e) meastachán.

AR 27. Maidir le nochtadh modheolaíochtaí a cheanglaítear le mír 30, déanfaidh an gnóthas an méid seo a leanas a mheas:

- (a) cibé acu a dhéantar nó nach ndéantar faireachán air i gcomhréir le Caighdeán **BREF** AE nó le tagarmharc ábhartha eile; agus
- (b) cé acu agus conas a rinneadh nó nach ndearnadh tástálacha calabrucháin na gCóras Tomhais Uathoibríthe agus cé acu agus conas a áirithíodh nó nár áirithíodh deimhniú an tomhais thréimhsiúil ag saotharlanna neamhspleácha.

***Ceanglas maidir le Nochtadh E2- 5 – Substaintí ar díol imní iad agus substaintí ar díol mór imní iad***

---

***An liosta substaintí atá le cur san áireamh***

AR 28. Ionas go mbeidh an fhaisnéis iomlán, áireofar **substaintí** in oibríochtaí an ghnóthais féin agus na substaintí sin a sholáthraítear (e.g., leabaithe i gcomhábhair, i dtáirgí leathchríochnaithe, nó sa táirge deiridh).

AR 29. Cuirfear toirt na **dtruailleán** i láthair in aonaid mhaise, mar shampla i dtónaí nó i gcileagraim nó in aonaid mhaise eile atá oiriúnach do thoirteanna agus do chineál na dtruailleán atá á scaoileadh.

***Faisnéis chomhthéacsúil***

AR 30. Féadfaidh an fhaisnéis a sholáthraítear faoin gCeanglas seo maidir le Nochtadh tagairt a dhéanamh d'fhaisnéis a cheanglaítear ar an ngnóthas cheana féin a thuairisciú faoi reachtaíocht eile atá ann cheana (i.e., Treoir 2010/75/AE, Rialachán (CE) Uimh. 166/2006

“E-PRTR”, etc.).

### **Ceanglas maidir le Nochtadh E2-6 – Éifeachtaí airgeadais a bhfuil coinne leo ó rioscaí agus deiseanna ábhartha a bhaineann le truailliú**

---

- AR 31. D’fhéadfadh an méid seo a leanas a bheith san áireamh sa chaiteachas oibriúcháin agus caipitil a bhaineann le **teagmhais** agus **taiscí**, mar shampla:
- (a) costas chun truailliú aeir, uisce agus ithreach faoi seach, lena n-áirítear cosaint an chomhshaoil, a dhíothú agus a leigheas;
  - (b) costais a bhaineann le cúiteamh damáiste, lena n-áirítear íocaíocht fineálacha agus pionóis a ghearrann rialtóirí nó údarais rialtais.
- AR 32. D’fhéadfadh go n-áireofaí ar theagmhais, mar shampla, briseadh sa táirgeadh, cibé acu a eascraíonn siad as an slabhra soláthair agus/nó as a n-oibríochtaí féin, a raibh truailliú mar thoradh orthu.
- AR 33. Féadfaidh an gnóthas measúnú a chur san áireamh ar a tháirgí agus a sheirbhísí gaolmhara atá i mbaol sa ghearrthéarma, sa mheántéarma agus san fhadtéarma, ina míneofar an dóigh a sainítear iad, an dóigh a ndéantar meastachán ar mhéideanna airgeadais, agus cé na toimhdí criticiúla a dhéantar.
- AR 34. Féadfaidh méid aonair nó raon a bheith i gcainníochtú na **n-éifeachtaí airgeadais a bhfuil coinne leo** i dtéarmaí airgeadaíochta faoi mhír 38(a).

## **ESRS E3** **UISCE AGUS ACMHAINNÍ MUIRÍ**

### **Clár ábhar**

---

#### **Cuspóir**

**Idirghníomhaíocht le ESRS eile**

**Ceanglais maidir le nochtadh**

- **ESRS 2** Nochtaí ginearálta

#### **Bainistiú tionchar, rioscaí agus deiseanna**

- **Ceanglas maidir le Nochtadh a bhaineann le ESRS 2 IRO-1 – Tuirisc ar na próisis chun tionchair, rioscaí agus deiseanna ábhartha a bhaineann le huisce agus acmhainní mairí a shainaithint agus a mheasúnú**
- **Ceanglas maidir le Nochtadh E3- 1 – Beartais a bhaineann le huisce agus acmhainní mairí**
- **Ceanglas maidir le Nochtadh E3-2 – Gníomhaíochtaí agus acmhainní a bhaineann le huisce agus acmhainní mairí**

#### **Méadracht agus spriocanna**

- **Ceanglas maidir le Nochtadh E3- 3 – Spriocanna a bhaineann le huisce agus acmhainní mairí**
- **Ceanglas maidir le Nochtadh E3-4 – Tomhaltas uisce**
- **Ceanglas maidir le Nochtadh E3-5 – Éifeachtaí airgeadais a bhfuil coinne leo ó thionchair, rioscaí agus deiseanna a bhaineann le huisce agus acmhainní mairí**

**Foscraibhinn A: Ceanglais maidir le Cur i bhFeidhm**

- **ESRS 2** Nochtaí ginearálta

#### **Bainistiú tionchar, rioscaí agus deiseanna**

- **Ceanglas maidir le Nochtadh a bhaineann le ESRS 2 IRO-1 – Tuirisc ar na próisis chun tionchair, rioscaí agus deiseanna ábhartha a bhaineann le huisce agus acmhainní mairí a shainaithint agus a mheasúnú**
- **Ceanglas maidir le Nochtadh E3- 1 – Beartais a bhaineann le huisce agus**

- o acmhainní muirí
- o Ceanglas maidir le Nochtadh E3-2 – Gníomhaíochtaí agus acmhainní a bhaineann le beartais uisce agus acmhainní muirí

**Méadracht agus spriocanna**

- o Ceanglas maidir le Nochtadh E3- 3 – Spriocanna a bhaineann le huisce agus acmhainní muirí
- o Ceanglas maidir le Nochtadh E3-4 – Tomhaltas uisce
- o Ceanglas maidir le Nochtadh E3-5 – Éifeachtaí airgeadais a bhfuil coinne leo ó rioscaí agus deiseanna a bhaineann le huisce agus acmhainní muirí

## Cuspóir

1. Is é cuspóir an Chaighdeán seo na Ceanglais maidir le Nochtadh a shonrú a chuirfidh ar a gcumas d'úsáideoirí an ***ráitis inbhuanaitheachta*** na nithe seo a leanas a thuiscint:
  - (a) an chaoi a ndéanann an gnóthas difear d'uisce agus d'acmhainní muirí, i dtéarmaí iarmhairtí ábhartha deimhneacha agus diúltacha iarbhrí nó féideartha;
  - (b) aon ghníomhaíochtaí a rinneadh, agus toradh na ngníomhaíochtaí sin chun tionchair dhiúltacha ábhartha iarbhrí nó féideartha a chosc nó a mhaolú, chun uisce agus acmhainní muirí a chosaint, agus maidir le tomhaltas uisce a laghdú, agus chun aghaidh a thabhairt ar rioscaí agus deiseanna;
  - (c) an gcuireann an gnóthas le huailmhianta an Chomhaontaithe Ghlais don Eoraip maidir le haer úr, uisce glan, ithir shláintiúil agus bithéagsúlacht, agus conas a rannchuidíonn sé agus a mhéid a rannchuidíonn sé, chomh maith le hinbhuanaitheacht an gheilleagair ghoirm agus earnálacha an iascaigh, agus an méid seo a leanas á chur san áireamh: Treoir 2000/60/CE ó Pharlaimint na hEorpa agus ón gComhairle<sup>68</sup> (Treoir Réime Uisce AE), Treoir 2008/56/CE ó Pharlaimint na hEorpa agus ón gComhairle<sup>69</sup> (an Treoir Réime um Straitéis Mhuirí), Treoir 2014/89/AE ó Pharlaimint na hEorpa agus ón gComhairle<sup>70</sup> (Treoir AE maidir le Pleanáil Spásúil Mhuirí), na Spriocanna Forbartha Inbhuanaithe (go háirithe SDG 6 Uisce glan agus sláintiúcht agus 14 Saol faoi uisce), agus urraim do theorainneacha comhshaoil domhanda (e.g. sláine bithsféar, aigéadú aigéin, úsáid fionnuisce, agus sreafaí bithgheoicimiceacha ***teorainneacha pláinéadacha***);
  - (d) pleananna agus cumas an ghnóthais a straitéis agus a shamhail ghnó a oiriúnú i gcomhréir le húsáid inbhuanaithe uisce a chur chun cinn bunaithe ar chosaint fhadtéarmach na n-acmhainní uisce atá ar fáil; éiceachórais uisceacha a chosaint agus gnáthóga fionnuisce agus muirí a athbhunú;
  - (e) nádúr, cineál agus méid ***rioscaí*** agus ***deiseanna*** ábhartha an ghnóthais a eascraíonn as ***tionchair*** agus as ***spleáchais*** an ghnóthais ar uisce agus ***acmhainní muirí***, agus an dóigh a mbainistíonn an gnóthas iad; agus
  - (f) na héifeachtaí airgeadais ar an gnóthas thar na rioscaí agus na deiseanna ábhartha sa ghearrthéarma, sa mheántéarma agus san fhadtéarma a eascraíonn as tionchair agus as spleáchais an ghnóthais ar uisce agus ar acmhainní muirí.
2. Leagtar amach sa Chaighdeán seo na Ceanglais maidir le Nochtadh a bhaineann le huisce agus acmhainní mara. Maidir le “uisce”, clúdaíonn an caighdeán seo uisce dromchla agus screamhuisce. Áirítear ann ceanglais noхта maidir le tomhaltas uisce i ngníomhaíochtaí, táirgí agus seirbhísí an ghnóthais, chomh maith le faisnéis ghaolmhar maidir le haistarraingtí uisce agus doirteadh uisce.

<sup>68</sup>Treoir 2000/60/CE ó Pharlaimint na hEorpa agus ón gComhairle an 23 Deireadh Fómhair 2000 lena mbunaítear creat do ghníomhaíocht Chomhphobail i réimse an bheartais uisce (an Treoir Réime maidir le hUisce) (IO L 327, 22.12.2000, Ich. 1).

<sup>69</sup>Treoir 2008/56/CE ó Pharlaimint na hEorpa agus ón gComhairle an 17 Meitheamh 2008 lena mbunaítear creat do ghníomhaíocht Chomhphobail i réimse an bheartais chomhshaoil mhuirí (An Treoir Réime um Straitéis Mhuirí) (IO L 164, 25.6.2008, Ich. 19).

<sup>70</sup> Treoir 2014/89/AE ó Pharlaimint na hEorpa agus ón gComhairle an 23 Iúil 2014 lena mbunaítear creat do phleanáil spásúil mhuirí (IO L 257, 28.8.2014, Ich. 135).

3. Maidir le “hacmhainní muirí”, cumhdaítear leis an gcaighdeán seo eastóscadh agus úsáid na n-acmhainní sin, agus gníomhaíochtaí eacnamaíocha gaolmhara.

### **Idirghníomhaíocht le ESRS eile**

---

4. Tá dlúthnasc idir ábhar an uisce agus na **n-acmhainní muirí** agus fo-ábhair chomhshaoil eile amhail an t-athrú aeráide, an truailliú, an bhithéagsúlacht agus an geilleagar ciorclach. Dá bhrí sin, chun forléargas cuimsitheach a sholáthar ar an méid a d’fhéadfadh a bheith ábhartha d’acmhainní uisce agus mara, cumhdaítear na Ceanglais maidir le Nochtadh ábhartha in ESRS comhshaoil eile mar seo a leanas:
  - (a) ESRS E1 Athrú aeráide, lena dtugtar aghaidh, go háirithe, ar rioscaí géara agus ainsealacha fisiciúla a eascraíonn as guaiseacha a bhaineann le huisce agus leis na haigéin arb é an t-athrú aeráide is cúis leo nó atá níos measa, lena n-áirítear teocht an uisce a mhéadú, patrúin agus cineálacha frasaíochta atá ag athrú (báisteach, clocha sneachta, sneachta/oighear), frasaíocht nó inathraitheacht hidreolaíoch, aigéadú na n-aigéan, ionradh saland, ardú ar leibhéal na farraige, triomach, strus ard uisce, frasaíocht throm, tuile agus eisíocaíochtaí loch oighreacha;
  - (b) ESRS E2 Truailliú, lena dtugtar aghaidh, go háirithe, ar na hastaíochtaí chuig uisce, lena n-áirítear astaíochtaí chuig na haigéin, agus úsáid agus giniúint micreaphlaisteach;
  - (c) ESRS E4 Bithéagsúlacht agus éiceachórais, lena dtugtar aghaidh, go háirithe, ar chaomhnú agus ar úsáid inbhuanaithe éiceachóras fionnuisce uisceach chomh maith leis na haigéin agus na farraigí; agus
  - (d) ESRS E5 Úsáid acmhainní agus geilleagar ciorclach lena dtugtar aghaidh go háirithe ar bhainistiú dramhaíola lena n-áirítear plaisteach, agus ar an aistriú chuig eastóscadh acmhainní fuíolluisce neamh-inathnuaite; úsáid laghdaithe plaisteach; agus **athchúrsáil** fuíolluisce.
5. Bíonn tionchar ag tionchair an ghnóthais ar uisce agus ar **acmhainní muirí** ar dhaoine agus ar phobail. Cumhdaítear tionchair dhiúltacha ábhartha ar **phobail dá ndéantar difear** ó thionchair a bhaineann le huisce agus le **hacmhainní muirí** atá inchurtha i leith an ghnóthais in ESRS S3 Pobail dá ndéantar difear.
6. Ba cheart an Caighdeán sin a léamh i gcomhar le ESRS 1 *Ceanglais ghinearálta* agus ESRS 2 *Nochtaí Ginearálta*.

### **Ceanglais maidir le nochtadh**

---

#### ***ESRS 2 Nochtaí ginearálta***

7. Ba cheart ceanglais na roinne seo a léamh i gcomhar leis na nochtaí a cheanglaítear le ESRS 2 caibidil 4 *Bainistiú tionchar, rioscaí agus deiseanna* agus ba cheart iad a thuairisciú ina dteannta.

#### ***Bainistiú tionchar, rioscaí agus deiseanna***

#### ***Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann le huisce agus acmhainní muirí a shainaithint agus a mheasúnú***

---

8. Tabharfaidh an gnóthas tuairisc ar an bpróiseas chun tionchair, rioscaí agus deiseanna ábhartha a shainaithint agus soláthróidh sé faisnéis maidir leis an méid seo a leanas:
  - (a) an ndearna an gnóthas a shócmhainní agus a ghníomhaíochtaí a scagadh agus conas a rinne sé scagadh orthu chun na tionchair, na rioscaí agus na deiseanna

iarbhír agus ionchasacha a bhaineann le huisce agus **acmhainní muirí** a shainaithint ina oibríochtaí féin agus **ina shlabhra luacha** réamhtheachtach agus iarteachtach, agus más amhlaidh atá, na **modheolaíochtaí**, na toimhdí agus na huirlisí a úsáideadh sa scagadh;

- (b) cibé ar reáchtáil sé comhairliúcháin, go háirithe, leis na pobail lena mbaineann agus conas a rinne sé amhlaidh<sup>71</sup>.

## Ceanglas maidir le Nochtadh E3- 1 – Beartais a bhaineann le huisce agus acmhainní muirí

---

9. Tabharfaidh an gnóthas tuairisc ar a bheartais arna nglacadh chun bainistiú a dhéanamh ar a thionchair, a rioscaí agus a dheiseanna ábhartha a bhaineann le huisce agus acmhainní muirí<sup>72</sup>.
10. Is é cuspóir an Cheanglais seo maidir le Nochtadh tuiscint a chumasú ar a mhéid atá **beartais** ag an ngnóthas a thugann aghaidh ar shainaithint, measúnú, bainistiú agus/nó **leasú** a dhéanamh ar a **thionchair**, **rioscaí** agus **dreiseanna** a bhaineann le huisce ábhartha agus le hacmhainní muirí.
11. Sa nochtadh a cheanglaítear le mír 9 beidh an fhaisnéis faoi na beartais atá i bhfeidhm ag an ngnóthas chun a thionchair, a rioscaí agus a dheiseanna ábhartha a bhaineann le huisce agus acmhainní muirí a bhainistiú i gcomhréir le Beartais ESRS 2 MDR-P arna nglacadh chun ábhair inbhuanaitheachta ábhair a bhainistiú.
12. Cuirfidh an gnóthas in iúl an dtugann a bheartais aghaidh ar na nithe seo a leanas nuair is ábhartha agus conas a théann siad i ngleic leo:
- (a) bainistiú uisce lena n-áirítear:
- úsáid agus foinsiú uisce agus acmhainní muirí ina chuid oibríochtaí féin;
  - cóireáil uisce mar chéim i dtreo foinsiú níos inbhuanaithe uisce; agus
  - truailliú uisce de dheasca a ghníomhaíochtaí a chosc agus a laghdú.
- (b) dearadh táirgí agus seirbhísí chun aghaidh a thabhairt ar shaincheisteanna a bhaineann leis an uisce agus acmhainní muirí a chaomhnú; agus
- (c) gealltanais chun tomhaltas ábhartha uisce a laghdú i limistéir atá i mbaol uisce ina chuid oibríochtaí féin agus feadh an tslabhra luacha réamhtheachtaigh agus iarteachtach.
13. Má tá ceann amháin ar a laghad de láithreáin an ghnóthais suite i limistéar struis arduisce agus nach bhfuil sé clúdaithe ag polasaí, luafaidh an gnóthas gurb amhlaidh atá agus tabharfaidh sé cúiseanna le gan polasaí den sórt sin a ghlacadh. Féadfaidh an gnóthas tráthchlár a nochtadh ina mbeidh sé d'aidhm aige an beartas sin a ghlacadh.<sup>73</sup>
14. Sonróidh an gnóthas ar ghlac sé beartais nó cleachtas a bhaineann le haigéin agus farraigí inbhuanaithe<sup>74</sup>.

<sup>71</sup> Foinse: Caighdeán Feidhmíochta IFC 6, 2012.

<sup>72</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire breise a bhaineann le drochthionchair phríomha a leagtar amach le táscaire #7 i dTábla II d'Iarscríbhinn I a ghabhann le Rialachán Tarmilgthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Infheistíochtaí i gcuideachtaí nach bhfuil cleachtas aigéan/farraigí inbhuanaithe acu').

<sup>73</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire breise a bhaineann le drochthionchair phríomha mar a leagtar amach le táscaire #8 i dTábla II d'Iarscríbhinn I a ghabhann le Rialachán Tarmilgthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Neamhchosaint ar limistéir ina bhfuil ardstrus maidir le huisce').

<sup>74</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire breise a bhaineann le drochthionchair phríomha a leagtar amach le táscaire #12 i dTábla II d'Iarscríbhinn I a ghabhann le Rialachán Tarmilgthe (AE) 2022/1288 ón gCoimisiún i dtaobh rialacha

### ***Ceanglas maidir le Nochtadh E3-2 – Gníomhaíochtaí agus acmhainní a bhaineann le huisce agus acmhainní muirí***

---

15. **Nochtfaidh an gnóthas na gníomhaíochtaí a dhéanann sé a bhaineann le huisce agus acmhainní muirí agus na hacmhainní a leithdháiltear ar a gcur chun feidhme.**
16. Is é cuspóir an Riachtanais Nochta seo tuiscint a chumasú ar na príomhghníomhaíochtaí a rinneadh agus atá beartaithe chun cuspóirí agus spriocanna beartais a bhaineann le huisce agus acmhainní mara a bhaint amach.
17. Leanfaidh an tuairisc ar na gníomhaíochtaí agus na hacmhainní na prionsabail a shainítear in ESRS 2 MDR-A Gníomhaíochtaí agus acmhainní i ndáil le hábhair ábhartha inbhuanaitheachta. De bhreis ar ESRS 2 MDR-A, féadfaidh an gnóthas a shonrú cén tsraith de ghníomhaíocht san ordlathas maolaithe agus
18. Is féidir acmhainní a leithdháileadh orthu seo a leanas:
  - (a) úsáid uisce agus acmhainní muirí a sheachaint;
  - (b) úsáid uisce agus acmhainní muirí a laghdú, amhail trí bhearta éifeachtúlachta;
  - (c) uisce a aiséileamh agus a athúsáid; nó
  - (d) éiceachóras uisceach agus dobharlaigh a athchóiriú agus a **athghiniúint**.
19. Sonróidh an gnóthas **gníomhaíochtaí** agus acmhainní i ndáil le **limistéir atá faoi riosca uisce**, lena n-áirítear **limistéir ina bhfuil strus mór uisce**.

### **Méadracht agus spriocanna**

### ***Ceanglas maidir le Nochtadh E3- 3 – Spriocanna a bhaineann le huisce agus acmhainní muirí***

---

20. **Nochtfaidh an gnóthas na spriocanna a bhaineann le huisce agus le hacmhainní muirí atá leagtha síos aige.**
21. Is é cuspóir an Cheanglais seo maidir le Nochtadh tuiscint a fháil ar na spriocanna atá glactha ag an ngnóthas chun tacú lena bheartais a bhaineann le huisce agus acmhainní mara agus aghaidh a thabhairt ar thionchair, rioscaí agus deiseanna a bhaineann le huisce ábhartha agus le hacmhainní muirí.
22. Beidh na ceanglais faisnéise a shainítear in ESRS 2 MDR-T Éifeachtacht beartas agus gníomhaíochtaí a rianú trí spriocanna sa tuairisc ar na spriocanna.
23. Léireofar sa nochtadh a cheanglaítear le mír 20 an mbaineann a **spriocanna** leis na nithe seo a leanas agus conas a bhaineann siad leo:
  - (a) bainistiú tionchair ábhartha, rioscaí agus deiseanna a bhaineann le limistéir atá i mbaol uisce, lena n-áirítear feabhas a chur ar cháilíocht an uisce;
  - (b) bainistiú freagrach ar thionchair, rioscaí agus deiseanna acmhainní muirí lena n-áirítear cineál agus cainníocht na dtráchtearraí a bhaineann le hacmhainní muirí (amhail uaigneanna, mianraí domhainfharraige, bia mara) a úsáideann an gnóthas; agus
  - (c) laghdú ar thomhaltas uisce, lena n-áirítear míniú ar an gcaoi a mbaineann na spriocanna sin le limistéir atá i mbaol uisce, lena n-áirítear limistéir ina bhfuil strus ard

---

maidir le nochtadh i dtaca le hinfheistíochtaí inbhuanaithe ('Infheistíochtaí i gcuideachtaí nach bhfuil cleachtais aigéan/farraigí inbhuanaithe acu').

uisce.

24. Chomh maith le ESRS 2 MDR-T, féadfaidh an gnóthas a shonrú ar cuireadh **tairseacha éiceolaíocha** agus leithdháilí eintiteas-sonracha san áireamh agus **spriocanna** á socrú. Má tá, féadfaidh an gnóthas an méid seo a leanas a shonrú:
- (a) na tairseacha éiceolaíocha a sainaitníodh, agus an mhodheolaíocht a úsáideadh chun na tairseacha sin a shainaitint;
  - (b) cé acu atá nó nach bhfuil na tairseacha eintiteas-sonrach agus má tá, conas a cinneadh iad; agus
  - (c) an dóigh a leithdháiltear sa ghnóthas an fhreagracht as tairseacha éiceolaíocha sainaitheanta a urramú.
25. Sonróidh an gnóthas mar chuid den fhaisnéis chomhthéacsúil cé acu atá nó nach bhfuil na **spriocanna** atá leagtha síos agus curtha i láthair aige sainordaitheach (a cheanglaítear leis an reachtaíocht) nó deonach.

### **Ceanglas maidir le Nochtadh E3-4 – Tomhaltas uisce**

---

26. **Nochtfaidh an gnóthas faisnéis maidir le feidhmíocht a thomhaltas uisce i ndáil leis na tionchair, na rioscaí agus na deiseanna ábhartha atá aige.**
27. Is é cuspóir an Cheanglais seo maidir le Nochtadh tuiscint a thabhairt ar ídiú uisce an ghnóthais agus ar aon dul chun cinn atá déanta ag an gnóthas i ndáil lena **spriocanna**.
28. Baineann an nochtadh a cheanglaítear le mír 26 le hoibríochtaí dílse agus áireofar ann:
- (a) tomhaltas iomlán uisce in m<sup>3</sup>;
  - (b) tomhaltas iomlán uisce in m<sup>3</sup> i limistéir atá i mbaol uisce, lena n-áirítear limistéir ina bhfuil strus arduisce;
  - (c) an t-uisce iomlán a athchúrsáiltear agus a athúsáidtear in m<sup>3</sup><sup>75</sup>;
  - (d) an méid iomlán uisce a stóráladh agus athruithe stórais in m<sup>3</sup>; agus
  - (e) aon fhaisnéis chomhthéacsúil is gá maidir le pointí (a) go (d), lena n-áirítear cáilíocht agus cainníocht uisce na n-imchuach uisce, an chaoi ar tiomsaíodh na sonraí, amhail aon chaighdeáin, modheolaíochtaí agus toimhdí a úsáideadh, lena n-áirítear an ndéantar an fhaisnéis a ríomh, a mheas, a shamhaltú, nó a fháil ó thomhais dhíreacha, agus an cur chuige a glacadh chuige sin, amhail aon fhachtóirí eanáilsonracha a úsáid.
29. Soláthróidh an gnóthas faisnéis maidir lena **dhéine uisce: tomhaltas iomlán uisce** ina chuid oibríochtaí féin in m<sup>3</sup> in aghaidh an mhiliúin EUR de ghlanioncam<sup>76</sup>.

### **Ceanglas maidir le Nochtadh E3-5 – Éifeachtaí airgeadais a bhfuil coinne leo ó rioscaí agus deiseanna ábhartha a bhaineann le huisce agus acmhainní muirí**

---

30. **Nochtfaidh an gnóthas na héifeachtaí airgeadais a mheastar a bheidh ag rioscaí agus**

<sup>75</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire breise a bhaineann le drochthionchair phríomha mar a leagtar amach le táscaire #6.2 i dTábla II d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Úsáid agus athchúrsáil uisce', 2. Meánchéatadán ualaithe an uisce arna athchúrsáil agus arna athúsáid ag institiúidí infheistiúcháin).

<sup>76</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 ós rud é go ndíorthaítear é ó tháscaire breise a bhaineann le drochthionchair phríomha mar a leagtar amach le táscaire #6.1 i dTábla II d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Úsáid agus athchúrsáil uisce', 1. An meánmhéid uisce a thomhlaíonn institiúidí infheistiúcháin (i méadair chiúbacha) in aghaidh an mhiliúin EUR d'ioncam institiúidí infheistiúcháin).

deiseanna a bhaineann le huisce ábhartha agus le hacmhainní muirí.

31. ***Tá an fhaisnéis a cheanglaítear le mír 30 sa bhreis ar an bhfaisnéis maidir leis na héifeachtaí airgeadais reatha ar staid airgeadais, ar fheidhmíocht airgeadais agus ar shreafaí airgid an eintitis don tréimhse tuairiscithe a cheanglaítear faoi ESRS 2 SBM-3 mír 48 (d).***
32. Is é cuspóir an Cheanglais seo maidir le Nochtadh ná tuiscint a thabhairt ar na nithe seo a leanas:
  - (a) éifeachtaí airgeadais a bhfuiltear ag súil leo mar gheall ar rioscaí ábhartha a eascraíonn as tionchair agus spleáchais a bhaineann le huisce agus acmhainní muirí agus an tionchar ábhartha a bhíonn ag na rioscaí sin (nó a bhféadfaí a bheith ag súil leis go réasúnach go mbeadh tionchar acu) ar staid airgeadais, ar fheidhmíocht airgeadais agus ar shreafaí airgid an ghnóthais, sa ghearrthearma, sa mheántearma agus san fhadtearma; agus
  - (b) éifeachtaí airgeadais a bhfuiltear ag súil leo mar gheall ar dheiseanna ábhartha a bhaineann le huisce agus acmhainní muirí.
33. Áireofar an méid seo a leanas sa nochtadh:
  - (a) cainníochtú ar na héifeachtaí airgeadais a bhfuiltear ag súil leo i dtéarmaí airgeadaíochta sula mbreithneofar gníomhaíochtaí a bhaineann le huisce agus le hacmhainní muirí nó, i gcás nach féidir é sin a dhéanamh gan costas míchuí ná iarracht mhíchuí, faisnéis cháilíochtúil. Maidir le ***héifeachtaí airgeadais*** a eascraíonn as deiseanna, ní éilítear cainníochtú más é an toradh a bheadh air nochtadh nach gcomhlíonann saintréithe cáilíochtúla na faisnéise (féach ESRS 1 Foscríbhinn B *Saintréithe cáilíochtúla na faisnéise*);
  - (b) tuairisc ar na héifeachtaí a breithníodh, na tionchair agus na spleáchais lena mbaineann siad, agus na tréimhsí ama is dócha a thiocfaidh siad chun cinn; agus
  - (c) na toimhdí criticiúla a úsáidtear chun na héifeachtaí airgeadais a bhfuiltear ag súil leo a chainníochtú, chomh maith le foinsí agus leibhéal éiginnteachta na dtóimhdí sin.

## **Foscríbhinn A: Ceanglais maidir le Cur i bhFeidhm**

Is dlúthchuid de ESRS E3 í an fhoscríbhinn seo. Tacaíonn sí le cur i bhfeidhm na gceanglas maidir le nochtadh a leagtar amach sa chaighdeán seo agus tá an t-údarás céanna aici agus atá ag na codanna eile den Chaighdeán.

### ***ESRS 2 Nochtaí ginearálta***

#### **Bainistiú tionchar, rioscaí agus deiseanna**

#### ***Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann le huisce agus acmhainní muirí a shainaithint agus a mheasúnú***

AR 1. Agus measúnú ábharthachta á dhéanamh aige ar fhothopaicí comhshaoil, déanfaidh an gnóthas measúnú ar ábharthacht an uisce agus na n-acmhainní muirí ina oibríochtaí féin agus ina shlabhra luacha réamhtheachtach agus iartheachach, agus féadfaidh sé na ceithre chéim thíos a mheas, ar a dtugtar cur chuige LEAP freisin:

- (a) Céim 1: an áit ina dtarlaíonn an comhéadan leis an dúlra a aimsiú ina oibríochtaí féin agus feadh an tslabhra luacha;

- (b) Céim 2: meastóireacht a dhéanamh ar na spleáchais agus ar na tionchair;
  - (c) Céim 3: measúnú a dhéanamh ar na **rioscaí** agus na **deiseanna** ábhartha; agus
  - (d) Céim 4: torthaí an mheasúnaithe ábharthachta a ullmhú agus a thuairisciú.
- AR 2. Freagraíonn an measúnú **ábharthachta** do ESRS E3 do na chéad trí chéim de chur chuige seo LEAP, tugann an ceathrú céim aghaidh ar thoradh an phróisis.
- AR 3. Leis na próisis chun measúnú a dhéanamh ar ábharthacht na dtionchar, na rioscaí agus na ndeiseanna, breithneofar na forálacha in ESRS 2 IRO-1 Tuairisc ar na próisis chun tionchair ábhartha, rioscaí agus deiseanna a shainaitheint agus a mheasúnú, agus Ceanglais maidir le Nochtadh IRO-2 in ESRS a chumhdaítear le ráiteas inbhuanaitheachta an ghnóthais.
- AR 4. Áirítear an méid seo a leanas ar na fothopaicí a bhaineann le huisce agus acmhainní muirí a chumhdaítear leis an measúnú ábharthachta:
- (a) uisce, lena gcuimsítear tomhaltas uisce dromchla, screamhuisce, chomh maith le tarraingt siar agus doirteadh uisce; agus
  - (b) acmhainní muirí, lena gcuimsítear eastóscadh agus úsáid acmhainní den sórt sin agus gníomhaíochtaí eacnamaíocha gaolmhara.
- AR 5. I gcéim 1, chun a aimsiú cá bhfuil limistéir atá i mbaol uisce, agus limistéir ina bhfuil comhéadan le hacmhainní muirí a bhféadfadh tionchair ábhartha agus spleáchais a bheith mar thoradh orthu ina oibríochtaí féin agus feadh a shlabhra luacha réamhtheachtaigh agus iartheachtach, féadfaidh an gnóthas an méid seo a leanas a mheas:
- (a) suíomhanna na sócmhainní díreacha agus na n-oibríochtaí díreacha agus na ngníomhaíochtaí réamhtheachtacha agus iartheachacha gaolmhara ar fud an tslabhra luacha;
  - (b) na **suíomhanna** atá suite i **limistéir atá faoi riosca uisce**, lena n-áirítear limistéir struis arduisce; agus
  - (c) na hearnálacha nó na haonaid ghnó atá ag idirghníomhú le huisce nó le hacmhainní muirí sna háiteanna tosaíochta sin.
- AR 6. Breithneoidh an gnóthas abhantracha mar an leibhéal ábhartha chun measúnú a dhéanamh ar shuíomhanna agus déanfaidh sé an cur chuige sin a chomhcheangal le measúnú riosca oibriúcháin ar a shaoráidí agus ar shaoráidí **soláthróirí** a bhfuil tionchair agus rioscaí ábhartha acu.
- AR 7. Breithneoidh an gnóthas na critéir maidir le stádas dobharlach a shainiú i gcomhréir leis na hlarscríbhinní ábhartha a ghabhann le Treoir 2000/60/CE (an Treoir Réime maidir le hUisce) chomh maith leis na treoidhoiciméid a sholáthraítear chun an Treoir Réime maidir le hUisce a chur chun feidhme. Is féidir rochtain a fháil ar an liosta treoidhoiciméad ar leathanach baile Comhshaoil an Choimisiúin Eorpaigh.
- AR 8. I gcéim 2, chun meastóireacht a dhéanamh ar a thionchair agus ar a **spleáchais** do gach suíomh tosaíochta arna shainaitheint faoi AR 5, féadfaidh an gnóthas:
- (a) próisis ghnó agus gníomhaíochtaí as a dtagann tionchair agus spleáchais ar shócmhainní comhshaoil agus ar **sheirbhísí éiceachórais** a shainaitheint;
  - (b) tionchair agus spleáchais a bhaineann le huisce agus le **hacmhainní muirí** ar fud shlabhra luacha an ghnóthais a shainaitheint; agus
  - (c) measúnú a dhéanamh ar a dhéine agus a dhóchúlacha a bheidh na tionchair dhearfacha agus na tionchair dhiúltacha ar uisce agus acmhainní muirí.
- AR 9. Chun **spleáchais** a bhaineann le huisce agus le **hacmhainní muirí** a shainaitheint, féadfaidh an gnóthas brath ar aicmithe idirnáisiúnta amhail an tAicmiú Coiteann Idirnáisiúnta ar Sheirbhísí Éiceachórais (CICES).
- AR 10. Agus a chuid **spleáchais** a bhaineann le **hacmhainní muirí** á sainaitheint aige, breithneoidh an gnóthas an mbraitheann sé ar thráchtarraí tábhachtacha a bhaineann le hacmhainní muirí, lena n-áirítear uaigheanna agus táirgí bia mara ach gan a bheith teoranta dóibh.

AR 11. Sainmhínítear **acmhainní muirí** de réir a n-úsáide ag sochaithe daonna agus ní mór iad a mheas i ndáil leis an mbrú a bhíonn orthu. Cuirtear cuid de na táscairí brú i láthair in ESRS eile, eadhon micreaphlaistigh agus **astaíochtaí** chuig uisce in ESRS E2 agus **dramhaíl** phlaisteach in ESRS E5.

AR 12. Seo a leanas samplaí de **spleáchais acmhainní muirí** a d'fhéadfadh an gnóthas a mheas:

- (a) spleáchais ar éisc agus sliogéisc a shaothraítear ar bhonn tráchtála ina chuid oibríochtaí féin agus ar a shlabhra luacha réamhtheachtach agus iarteachtach; agus
- (b) gníomhaíocht iascaireachta a bhaineann le tráláireacht ghrinnill shoghluaiste, a bhféadfadh tionchar diúltach a bheith aici freisin ar ghrinneall na farraige.

AR 13. I gCéim 3, chun na **rioscaí** agus na **deiseanna** ábhartha a bhaineann leis a mheasúnú bunaithe ar thorthaí Chéim 1 agus Chéim 2, féadfaidh an gnóthas:

- (a) **rioscaí** agus **deiseanna** aistrithe ina oibríochtaí féin agus ina **shlabhra luacha** a shainaithint de réir na gcatagóirí seo a leanas:
  - i. **beartas** agus dlíthiúil: e.g., rialáil nó beartas a thabhairt isteach (e.g., athruithe amhail cosaint mhéadaithe uisce, cáilíocht mhéadaithe rialachán uisce, rialú sreafaí soláthair uisce), rialachas neamhéifeachtach ar dhobharlaigh nó ar **acmhainní muirí**, go háirithe thar theorainneacha (e.g., rialachas trasteorann agus comhar) as a dtagann **díghrádú** uisce nó aigéin, nochtadh do smachtbhannaí agus dlíthíochta (e.g. neamh-urramú ceadanna nó leithdháiltí; faillí maidir le speicis mhuirí atá faoi bhagairt nó marú na speiceas sin), oibleagáidí tuairiscithe feabhsaithe maidir le héiceachórais mhuirí agus seirbhísí gaolmhara;
  - ii. teicneolaíocht: e.g. ionadú táirgí nó seirbhísí ag táirgí nó seirbhísí ar lú a dtionchar ar uisce agus acmhainní muirí, an t- aistriú chuig teicneolaíochtaí atá níos éifeachtúla agus níos glaine (i.e. ar lú a dtionchair ar aigéin agus uisce), teicneolaíochtaí nua faireacháin (e.g. satailíte), ionú an uisce, cosaint ar thuilte;
  - iii. margadh: e.g. soláthar, éileamh agus maoiniú athraitheach, costais luaineacha nó mhéadaithe ar uisce nó acmhainní muirí;
  - iv. clú: e.g. braistintí athraitheacha sochaíocha, custaiméara nó pobail mar thoradh ar thionchar eagraíochta ar uisce agus ar acmhainní muirí; agus
  - v. rannchuidiú le **rioscaí sistéamacha** trína oibríochtaí féin agus trína shlabhra luacha réamhtheachtach agus iarteachtach, lena n-áirítear na rioscaí a bhaineann le cliseadh éiceachórais mhuirí nó na rioscaí nach bhfeidhmíonn córas nádúrtha criticiúil a thuilleadh (e.g. sroictear pointí iompaithe, rioscaí fisiciúla a shuimiú);
- (b) riosca fisiceach a shainaithint lena n-áirítear cainníocht uisce (**ganntanas uisce**, strus uisce), cáilíocht uisce, meath bonneagair nó neamh-infhaighteacht roinnt tráchtarraí a bhaineann le hacmhainní muirí (e.g. tearcghníomhaíocht speiceas áirithe éisc nó orgánach muirí beo eile faoi uisce a dhíolann an gnóthas mar tháirgí) as a dtiocfaidh, mar shampla, nach féidir oibríochtaí a reáchtáil i limistéir gheografacha áirithe;
- (c) deiseanna a shainaithint arna n-aicmiú mar a leanas:
  - i. éifeachtúlacht acmhainne: e.g. aistriú chuig seirbhísí agus próisis atá níos éifeachtúla nach bhfuil an oiread céanna uisce agus acmhainní muirí ag teastáil lena n- aghaidh;
  - ii. margáí: e.g. táirgí agus seirbhísí ó thaobh acmhainní de a fhorbairt, gníomhaíochtaí gnó a éagsúlú;
  - iii. maoiniú: e.g. rochtain ar chistí, bannaí nó iasachtaí glasa;
  - iv. athléimneacht: e.g. éagsúlú acmhainní muirí nó uisce agus gníomhaíochtaí gnó (e.g., aonad gnó nua a chur ar bun maidir le **hathchóiriú éiceachórais**),

infheistíocht a dhéanamh i mbonneagair ghlasa, **réitigh dhúlrbhunaithe**, sásraí **athchúrsála** agus ciorclaíochta a ghlacadh lena laghdaítear na **spleáchais** ar uisce nó ar acmhainní muirí; agus

- v. clú: **rannpháirtíocht dhearfach na bpáirtithe leasmhara** mar thoradh ar sheasamh réamhghníomhach maidir le rioscaí a bhaineann leis an dúlra a bhainistiú (e.g., as a dtiocfaidh stádas comhpháirtíochta tosaíochta).

AR 14. Féadfaidh an gnóthas a bheith ag brath ar bhailiú sonraí príomhúil, tánaisteach nó múnlaithé nó ar chineálacha cur chuige ábhartha eile chun measúnú a dhéanamh ar thionchair ábhartha, **spleáchais**, rioscaí agus deiseanna, lena n-áirítear Moladh 2021/2279 ón gCoimisiún maidir le modhanna an Lorg Comhshaoil a úsáid chun feidhmíocht chomhshaoil saolré táirgí agus eagraíochtaí a thomhas agus a chur in iúl (Iarscríbhinn I — Lorg Comhshaoil Táirgí; Iarscríbhinn III — Lorg Comhshaoil Eagraíochta).

AR 15. Agus faisnéis á soláthar maidir le toradh an mheasúnaithe **ábharthachta**, déanfaidh an gnóthas an méid seo a leanas a mheas:

- (a) liosta de limistéir gheografacha inar saincheist ábhartha é uisce d'oibríochtaí an ghnóthais féin agus dá shlabhra luacha réamhtheachtach agus iarteachtach;
- (b) liosta de thráchtearraí a bhaineann le **hacmhainní muirí** arna n-úsáid ag an ngnóthas agus atá ábhartha do dhea-stádas comhshaoil uiscí mara agus chun acmhainní muirí a chosaint; agus
- (c) liosta de na hearnálacha nó de na codanna a bhaineann le hábhar uisce agus acmhainní muirí, tionchair, rioscaí agus deiseanna.

### **Ceanglas maidir le Nochtadh E3- 1 – Beartais a bhaineann le huisce agus acmhainní muirí**

---

AR 16. Féadfar na **beartais** a dtugtar tuairisc orthu faoin gCeanglas maidir le Nochtadh seo a chomhtháthú i mbeartais chomhshaoil nó inbhuanaitheachta níos leithne lena gcumhdaítear fothopaicí éagsúla.

AR 17. Agus faisnéis á nochtadh aige faoi mhír 9, féadfaidh an gnóthas a nochtadh cé acu a dhéanann nó nach ndéanann a **bheartais** an méid seo a leanas:

- (a) meathlú breise a chosc agus stádas dobharlach agus **éiceachóras** uisceach a chosaint agus a fheabhsú;
- (b) lena gcuirtear úsáid inbhuanaithe uisce chun cinn bunaithe ar chosaint fhadtéarmach na n- acmhainní uisce atá ar fáil;
- (c) lena bhféachtar le feabhas a chur ar an gcomhshaoil uisce agus é a chosaint níos fearr;
- (d) lena gcuirtear dea- stádas comhshaoil uiscí mara chun cinn; agus
- (e) laghdú **aistarraingtí uisce** agus **doirteadh uisce a chur chun cinn**.

AR 18. Féadfaidh an gnóthas faisnéis a nochtadh freisin faoi **bheartais** a dhéanann an méid seo a leanas:

- (a) cur le cáilíocht mhaith éiceolaíoch agus cheimiceach **uisce dromchla** agus le cáilíocht mhaith cheimiceach agus le cainníocht mhaith dobharlach screamhuisce, d'fhonn sláinte an duine, soláthar uisce, **éiceachórais** nádúrtha agus bithéagsúlacht, dea-stádas comhshaoil uiscí mara agus cosaint an bhoinn acmhainní ar a bhfuil gníomhaíochtaí a bhaineann le cúrsaí muirí ag brath a chosaint;
- (b) **tionchair** ábhartha agus **rioscaí** ábhartha a íoslaghdú agus bearta maolaithe a chur chun feidhme arb é is aidhm dóibh luach agus feidhmiúlacht na seirbhísí tosaíochta a choinneáil agus éifeachtúlacht acmhainní ar oibríochtaí dílse a mhéadú; agus
- (c) tionchair ar **phobail dá ndéantar difear** a sheachaint.

## **Ceanglas maidir le Nochtadh E3-2 – Gníomhaíochtaí agus acmhainní a bhaineann le beartais uisce agus acmhainní muirí**

- AR 19. Agus an faisnéis a cheanglaítear faoi mhír 15 á nochtadh aige, breithneoidh an gnóthas na **gníomhaíochtaí**, nó na pleananna gníomhaíochta, lena rannchuideofar le haghaidh a thabhairt ar na tionchair, na rioscaí agus na deiseanna ábhartha arna sainaitheint. Cuireann an Chomhghuaillíocht um Maoirseacht Uisce treoir úsáideach ar fáil.
- AR 20. Ós rud é gur acmhainní comhroinnte iad **acmhainní uisce** agus acmhainní muirí a bhféadfadh **gníomhaíochtaí** comhchoiteanna, nó pleananna gníomhaíochta, a bhfuil baint ag **páirtithe leasmhara** eile leo, féadfaidh an gnóthas faisnéis a sholáthar maidir leis na gníomhaíochtaí comhchoiteanna sonracha sin, lena n-áirítear faisnéis faoi pháirtithe eile (iomaitheoirí, **soláthraithe**, miondíoltóirí, custaiméirí, comhpháirtithe gnó eile, pobail agus údarais áitiúla, gníomhaireachtaí rialtais...) agus faisnéis shonrach faoin tionscadal, faoina rannchuidiú sonracha, faoina urraitheoirí agus faoi rannpháirtithe eile.
- AR 21. Agus faisnéis á soláthar maidir le caiteachais chaipitiúla, féadfaidh an gnóthas breithniú a dhéanamh ar chaiteachas a bhaineann, mar shampla, le hathshlánú draenála uisce stoirme, píblínte, nó innealra a úsáidtear chun táirgí nua ísealúsáide uisce a mhonarú.

## **Méadracht agus spriocanna**

### **Ceanglas maidir le Nochtadh E3-3 – Spriocanna a bhaineann le huisce agus acmhainní muirí**

- AR 22. Má thagraíonn an gnóthas do **thairseacha éiceolaíocha** agus **spriocanna** á socrú aige, féadfaidh sé tagairt a dhéanamh don treoir a sholáthraíonn an Tionscnamh um Spriocanna Eolaíochtabhunaithe don Dúlra (SBTN) ina threoir eatramhach (Treoir Tosaigh do Ghnó, Meán Fómhair 2020). D'fhéadfadh sé tagairt a dhéanamh freisin d'aon treoir eile le modheolaíocht a aithnítear go heolaíoch lena gcumasaítear spriocanna eolaíochtabhunaithe a shocrú trí thairseacha éiceolaíocha agus, más infheidhme, leithdháiltí a bhaineann go sonracha leis an eagraíocht a shainaitheint. Féadfaidh tairseacha éiceolaíocha a bheith áitiúil, náisiúnta agus/nó domhanda.
- AR 23. Féadfaidh an gnóthas **spriocanna** a sholáthar maidir leis an méid seo a leanas:
- (a) laghdú ar **aistarraingtí uisce**; agus
  - (b) **doirteadh uisce** a laghdú.
- AR 24. Má sholáthraíonn an gnóthas **spriocanna** maidir le **haistarraingtí**, féadfar a áireamh ann aistarraingt uisce ó **ithreacha** agus uiscígh thruaillithe, agus uisce a tarraingíodh siar agus a chóireáiltear chun críocha **feabhsúcháin**.
- AR 25. Má sholáthraíonn an gnóthas **spriocanna** maidir le **sceitheadh**, d'fhéadfadh sé go n-áireofaí leis **sceitheadh uisce** chuig **screamhuisce** amhail athinstealladh do uiscígh, nó uisce a fhilleann ar fhoinsé screamhuisce trí shiúdbhealach nó swale.
- AR 26. Féadfaidh na **spriocanna** a oibríochtaí féin agus/nó a slabhra luacha réamhtheachtach agus iartheachtach a chumhdach.
- AR 27. Féadfaidh an gnóthas a shonrú an dtugtar aghaidh sa **sprioc** ar easnaimh a bhaineann leis na critéir rannchuidithe shubstantiúla le haghaidh Acmhainní Uisce agus Muirí mar a shainmhínítear i ngníomhartha tarmiligthe an Choimisiúin arna nglacadh de bhun Airteagal 12(2) de Rialachán (AE) 2020/852. I gcás nach gcomhlíontar na critéir maidir le Dochar Suntasach (DNSH) le haghaidh Acmhainní Uisce agus Mara mar a shainmhínítear i ngníomhartha tarmiligthe arna nglacadh de bhun Airteagal 10(3), Airteagal 11(3), Airteagal 13(2), Airteagal 14(2), agus Airteagal 15(2) de Rialachán (AE) 2020/852, féadfaidh an gnóthas a shonrú an dtugtar aghaidh sa sprioc ar easnaimh a bhaineann leis na critéir

DNSH sin.

### ***Ceanglas maidir le Nochtadh E3-4 – Tomhaltas uisce***

---

- AR 28. Féadfaidh an gnóthas feidhmiú i ***limistéir éagsúla atá faoi riosca uisce***. Agus faisnéis faoi mhír 28 (b) á nochtadh aige, ní chuirfidh an gnóthas an fhaisnéis sin san áireamh ach amháin do na réimsí sin a sainaithníodh mar réimsí ábhartha i gcomhréir le ESRS2 IRO-1 agus ESRS2 SBM-3.
- AR 29. Agus faisnéis chomhthéacsúil á nochtadh maidir le feidhmíocht tomhaltais uisce a cheanglaítear le mír 26, míneoidh an gnóthas na modheolaíochtaí ríomha agus go sonrach an sciar den bheart a fhaightear ó thomhas díreach, ó shampláil agus eachtarshuíomh, nó ó na meastacháin is fearr.
- AR 30. Féadfaidh an gnóthas faisnéis maidir le miondealuithe eile a sholáthar (i.e. in aghaidh earnála nó deighleoige).
- AR 31. Agus an fhaisnéis a cheanglaítear le mír 29 á nochtadh aige, féadfaidh an gnóthas cóimheasa déine breise a sholáthar bunaithe ar ainmneoirí eile.
- AR 32. Féadfaidh an gnóthas faisnéis a sholáthar freisin maidir lena ***aistarraingtí uisce*** agus a ***sceitheadh uisce***.

### ***Ceanglas maidir le Nochtadh E3-5 – Éifeachtaí airgeadais a bhfuil coinne leo ó rioscaí agus deiseanna ábhartha a bhaineann le huisce agus acmhainní muirí***

---

- AR 33. Féadfaidh an gnóthas measúnú a chur san áireamh ar a tháirgí agus a sheirbhísí gaolmhara atá i mbaol sa ghearrthéarma, sa mheántéarma agus san fhadtéarma, ina míneofar an dóigh a sainítear iad, an dóigh a ndéantar meastachán ar mhéideanna airgeadais, agus cé na toimhdí criticiúla a dhéantar.
- AR 34. Féadfaidh méid aonair nó raon a bheith i gcainníochtú na ***n-éifeachtaí airgeadais a bhfuil coinne leo*** i dtéarmaí airgeadaíochta faoi mhír 39(a).

## **ESRS E4** **BITHÉAGSÚLACHT AGUS ÉICEACHÓRAIS**

### **Clár ábhar**

---

#### **Cuspóir**

#### **Idirghníomhaíocht le ESRS eile**

#### **Ceanglais maidir le Nochtadh**

- **ESRS 2** Nochtaí ginearálta

#### **Straitéis**

- **Ceanglas maidir le Nochtadh E4-1** — Plean aistrithe agus breithniú ar bhithéagsúlacht agus éiceachórais sa straitéis agus sa tsamhail ghnó
- **Ceanglas maidir le Nochtadh a bhaineann le ESRS 2 SBM-3** – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó

#### **Bainistiú tionchar, rioscaí agus deiseanna**

- **Ceanglas maidir le Nochtadh a bhaineann le ESRS 2 IRO-1** – Tuirisc ar na próisis chun tionchair, rioscaí agus deiseanna ábhartha a bhaineann leis an mbithéagsúlacht agus éiceachórais a shainaithint agus a mheasúnú
- **Ceanglas maidir le Nochtadh E4-2** – Beartais a bhaineann leis an mbithéagsúlacht

agus le héiceachórais

- Ceanglas maidir le Nochtadh E4-3 – Gníomhaíochtaí agus acmhainní a bhaineann leis an mbithéagsúlacht agus éiceachórais

**Méadracht agus spriocanna**

- Ceanglas maidir le Nochtadh E4-4 – Spriocanna a bhaineann leis an mbithéagsúlacht agus éiceachórais
- Ceanglas maidir le Nochtadh E4-5 – Méadracht tionchair a bhaineann le hathrú bithéagsúlachta agus éiceachórais
- Ceanglas maidir le Nochtadh E4-6 – Éifeachtaí airgeadais a bhfuil coinne leo ó rioscaí agus deiseanna a bhaineann le bithéagsúlacht agus éiceachórais

Foscraibhinn A: Ceanglais maidir le Cur i bhFeidhm

- ERS 2 Nochtaí ginearálta

**Bainistiú tionchar, rioscaí agus deiseanna**

- Ceanglas maidir le Nochtadh E4-1 — Plean aistrithe agus breithniú ar bhithéagsúlacht agus éiceachórais sa straitéis agus sa tsamhail ghnó
- Ceanglais maidir le nochtadh a bhaineann le ERS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann leis an mbithéagsúlacht agus éiceachórais a shainaithint agus a mheasúnú
- Ceanglas maidir le Nochtadh E4-2 – Beartais a bhaineann leis an mbithéagsúlacht agus le héiceachórais
- Ceanglas maidir le Nochtadh E4-3 – Gníomhaíochtaí agus acmhainní a bhaineann leis an mbithéagsúlacht agus éiceachórais

**Méadracht agus spriocanna**

- Ceanglas maidir le Nochtadh E4-4 – Spriocanna a bhaineann leis an mbithéagsúlacht agus éiceachórais
- Ceanglas maidir le Nochtadh E4-5 – Méadracht tionchair a bhaineann le hathrú bithéagsúlachta agus éiceachórais
- Ceanglas maidir le Nochtadh E4-6 – Éifeachtaí airgeadais a bhfuil coinne leo ó rioscaí agus deiseanna a bhaineann le bithéagsúlacht agus éiceachórais

## Cuspóir

---

1. Is é cuspóir an Chaighdeáin seo na Ceanglais maidir le Nochtadh a shonrú a chuirfidh ar a gcumas d'úsáideoirí an ***ráitis inbhuanaitheachta*** na nithe seo a leanas a thuiscint:
  - (a) an chaoi a ndéanann an gnóthas difear don ***bhithéagsúlacht*** agus d' ***éiceachórais***, i dtéarmaí tionchair ábhartha dhearfacha agus dhiúltacha, iarbhír agus ionchasacha, lena n-áirítear a mhéid a chuireann sé le spreagthaí chailliúint agus dhíghrádú na bithéagsúlachta agus an éiceachórais;
  - (b) aon ***ghníomhaíocht*** a rinneadh, agus toradh na gníomhaíochta sin, chun tionchair dhiúltacha ábhartha iarbhír nó fhéideartha a chosc nó a mhaolú agus chun bithéagsúlacht agus éiceachórais a chosaint agus a athbhunú, agus chun aghaidh a thabhairt ar rioscaí agus deiseanna; agus
  - (c) pleananna agus cumas an ghnóthais a straitéis agus a ***shamhail ghnó*** a oiriúnú i gcomhréir leis an méid seo a leanas:
    - i. ***teorainneacha pláinéadacha*** a bhaineann le ***sláine an bhithsféir*** agus le ***hathrú ar an gcóras talún*** a urramú;
    - ii. an fhís de Chreat Domhanda Bithéagsúlachta Kunming-Montreal agus a chuspóirí agus a ***spriocanna*** ábhartha;
    - iii. gnéithe ábhartha de Straitéis Bithéagsúlachta an Aontais do 2030<sup>77</sup>;
    - iv. Treoir 2009/147/CE ó Pharlaimint na hEorpa agus ón gComhairle agus Treoir 92/43/CEE ón gComhairle (an Treoir AE maidir le hÉin agus an Treoir maidir le

<sup>77</sup> Straitéis Bithéagsúlachta an Aontais Eorpaigh go dtí 2030 - An dúlra a thabhairt ar ais inár saol, COM/2020/380 final.

Gnáthóga)<sup>78</sup>; agus

- v. Treoir 2008/56/CE ó Pharlaimint na hEorpa agus ón gComhairle (an Treoir Réime um Straitéis Mhuirí<sup>79</sup>;
- (d) nádúr, cineál agus méid rioscaí, spleáchais agus dheiseanna ábhartha an ghnóthais a bhaineann leis an mbithéagsúlacht agus le héiceachórais, agus an dóigh a mbainistíonn an gnóthas iad; agus
- (e) na **héifeachtaí airgeadais** ar an ngnóthas thar na rioscaí agus na deiseanna ábhartha sa ghearrthéarma, sa mheántéarma agus san fhadtéarma a eascraíonn as tionchair agus as spleáchais an ghnóthais ar bhithéagsúlacht agus ar éiceachórais.
2. Leagtar amach sa Chaighdeán seo Ceanglais maidir le Nochtadh a bhaineann le gaolmhaireacht an ghnóthais le **gnáthóga** talún, **fionnuisce** agus muirí, le **héiceachórais** agus le pobail de speicis ghaolmhara fauna agus flora, lena n-áirítear éagsúlacht laistigh de speicis, idir speicis agus éiceachórais agus a n-idirghaol le **pobail dhúchasacha** agus le pobail eile dá ndéantar difear.
3. Tagraíonn na téarmaí '**bithéagsúlacht**' agus '**éagsúlacht bhithéolaíoch**' don athraitheacht i measc orgánach beo ó gach foinse lena n-áirítear, inter alia, éiceachórais talún, **fionnuisce**, mhuirí agus **éiceachórais** uisceacha eile agus na coimpléisc éiceolaíocha ar cuid díobh iad.

### **Idirghníomhaíocht le ESRS eile**

---

4. Tá '**anbithéagsúlacht** agus **éiceachórais**' nasctha go dlúth le cúrsaí comhshaoil eile. Is iad na nithe is mó a spreagann athrú ar an mbithéagsúlacht agus athrú ar éiceachórais ná an t-athrú aeráide, **truailiú**, athrú ar úsáid talún, athrú ar úsáid **fionnuisce** agus athrú ar úsáid na farraige, saothrú díreach ar orgánaigh agus speiceas coimhthíoch ionrach. Cumhdaítear na spreagthaí sin sa chaighdeán seo, seachas an t-athrú aeráide (a chumhdaítear le ESRS E1) agus truailiú (a chumhdaítear le ESRS E2).
5. Chun tuiscint chuimsitheach a fháil ar **thionchair** ábhartha agus ar **spleáchais** ar an **mbithéagsúlacht** agus ar **éiceachórais**, ba cheart na Ceanglais maidir le Nochtadh ESRS comhshaoil eile a léamh agus a léirmhíniú i gcomhar le ceanglais shonracha maidir le nochtadh den Chaighdeán seo. Is iad seo a leanas na ceanglais ábhartha maidir le nochtadh a chumhdaítear in ESRS comhshaoil eile:
- (a) ESRS E1 **Athrú aeráide**, lena dtugtar aghaidh go háirithe ar **astaíochtaí** GCT agus ar acmhainní fuinnimh (tomhaltas fuinnimh);
- (b) ESRS E2 **Truailiú**, lena dtugtar aghaidh ar **thruailiú** aeir, uisce agus **ithreach**;
- (c) ESRS E3 **Uisce agus acmhainní muirí** lena dtugtar aghaidh go háirithe ar acmhainní uisce (tomhaltas uisce) agus **acmhainní muirí**;
- (d) Le ESRS E5 **Úsáid acmhainní agus an geilleagar ciorclach** tugtar aghaidh go háirithe ar an aistriú ó acmhainní neamh-inathnuaite a eastóscadh agus ar chur chun feidhme cleachtas lena gcuirtear cosc ar ghiniúint **dramhaíola**, lena n-áirítear truailiú a ghintear le dramhaíl.
6. Déanann tionchair an ghnóthais ar an **mbithéagsúlacht** agus ar **éiceachórais** difear do dhaoine agus do phobail. Agus tuairiscí á dhéanamh ar thionchair dhiúltacha ábhartha ar **phobail dá ndéantar difear** de bharr an athraithe ar an mbithéagsúlacht agus ar éiceachórais faoi ESRS E4, breithneoidh an gnóthas ceanglais ESRS S3 **Pobail dá ndéantar**

---

<sup>78</sup>Treoir 2009/147/CE ó Pharlaimint na hEorpa agus ón gComhairle an 30 Samhain 2009 maidir le héin fhiáine a chaomhnú (IO L 20, 26.1.2010, Ich. 7) agus Treoir 92/43/CEE ón gComhairle an 21 Bealtaine 1992 maidir le gnáthóga nádúrtha agus fauna agus flora fiáine a chaomhnú (IO L 206, 22.7.1992, Ich. 7).

<sup>79</sup>Treoir 2008/56/CE ó Pharlaimint na hEorpa agus ón gComhairle an 17 Meitheamh 2008 lena mbunaítear creat do ghníomhaíocht Chomhphobail i réimse an bheartais chomhshaoil mhuirí (An Treoir Réime um Straitéis Mhuirí) (IO L 164, 25.6.2008, Ich. 19).

difear.

7. Ba cheart an Caighdeán sin a léamh i gcomhar le ESRS 1 *Ceanglais ghinearálta* agus ESRS 2 *Nochtaí Ginearálta*.

## **Ceanglais maidir le Nochtadh**

---

### **ESRS 2 Nochtaí ginearálta**

8. Léifear ceanglais na roinne seo i gcomhar leis na nochtaí a cheanglaítear le ESRS 2 *Caibidil 2 Rialachas, Caibidil 3 Straitéis agus Caibidil 4 Bainistiú tionchar, rioscaí agus deiseanna*.
9. Déanfar na nochtaí a thiocfaidh as sin a chur i láthair in éineacht leis na nochtaí a cheanglaítear le ESRS 2, cé is moite de ESRS 2 SBM-3, a bhfuil sé de rogha ag an ngnóthas nochtaí a chur i láthair ina leith in éineacht leis na nochtaí topaicshonracha.
10. Sa bhreis ar na ceanglais in ESRS 2, áirítear sa Chaighdeán seo freisin an Ceanglas maidir le Nochtadh topaicshonrach E4-1 *Plean aistrithe agus breithniú ar bhithéagsúlacht agus éiceachórais sa straitéis agus sa tsamhail ghnó*.

### **Straitéis**

## **Ceanglas maidir le Nochtadh E4-1 — Plean aistrithe agus breithniú ar bhithéagsúlacht agus éiceachórais sa straitéis agus sa tsamhail ghnó**

---

11. **Nochtfaidh an gnóthas conas a eascraíonn tionchar, spleáchais, rioscaí agus deiseanna bithéagsúlachta agus éiceachórais as a straitéis agus a shamhail ghnó agus conas a spreagann siad oiriúnú na straitéise agus na samhla gnó sin.**
12. Is é cuspóir an Cheanglais seo maidir le Nochtadh tuiscint a chumasú ar athléimneacht straitéis agus **shamhail ghnó** an ghnóthais i ndáil le **bithéagsúlacht** agus **éiceachórais**, agus ar chomhoiriúnacht straitéis agus shamhail ghnó an ghnóthais maidir le **spriocanna** ábhartha beartais phoiblí áitiúla, náisiúnta agus domhanda a bhaineann le bithéagsúlacht agus éiceachórais.
13. Tabharfaidh an gnóthas tuairisc ar athléimneacht a straitéise agus a **shamhla gnó** i ndáil le **bithéagsúlacht** agus **éiceachórais**. Ba cheart an fhaisnéis seo a leanas a thabhairt sa tuairisc:
  - (a) measúnú ar athléimneacht na samhla gnó agus na straitéise atá ann faoi láthair i leith rioscaí fisiceacha, aistrithe agus sistéamacha a bhaineann leis an mbithéagsúlacht agus le héiceachórais;
  - (b) raon feidhme na hanailíse athléimneachta i ndáil le hoibríochtaí an ghnóthais féin agus lena shlabhra luacha réamhtheachtach agus iartheachtach agus i ndáil leis na rioscaí a mheastar san anailís sin;
  - (c) na príomhthoimhdí a dhéantar;
  - (d) na tréimhsí ama a úsáidtear;
  - (e) torthaí na hanailíse athléimneachta; agus
  - (f) rannpháirtíocht páirtithe leasmhara, lena n-áirítear, i gcás inarb iomchuí, iad siúd a bhfuil eolas dúchasach agus áitiúil acu.
14. Má dhéanann an gnóthas faisnéis a nochtadh a shonraítear sa cheanglas seo maidir le nochtadh mar chuid den fhaisnéis a cheanglaítear faoi ESRS 2 SBM-3, féadfaidh an gnóthas tagairt a dhéanamh don fhaisnéis atá nochta aige faoi ESRS 2 SBM-3.
15. Féadfaidh an gnóthas a **phlean aistrithe** a nochtadh chun a **shamhail ghnó** agus a straitéis ghnó a fheabhsú agus, ar deireadh thiar, chun iad a ailíniú le fíis Chreat Bithéagsúlachta Domhanda Kunming-Montreal agus a chuspóirí agus spriocanna ábhartha, le Straitéis

Bhithéagsúlachta an Aontais Eorpaigh go dtí 2030, agus chun **teorainneacha pláinéadacha** a bhaineann le sláine an bhithsféir agus le **hathrú ar an gcóras talún** a urramú.

### **Ceanglas maidir le Nochtadh SBM 3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó**

16. Nochtfaidh an gnóthas:

- (a) liosta de **láithreáin** ábhartha ina oibríochtaí féin, lena n-áirítear láithreáin atá faoina rialú oibríochtúil, bunaithe ar thorthaí mhír 17(a). Nochtfaidh an gnóthas na láithreáin sin tríd an méid seo a leanas a dhéanamh:
  - i. na gníomhaíochtaí a dhéanann difear diúltach do **limistéir atá íogair ó thaobh na bithéagsúlachta de**<sup>80</sup> a shonrú;
  - ii. miondealú a sholáthar ar láithreáin de réir na **dtionchar** agus na **spleáchas** a saináithníodh, agus de réir stádas éiceolaíoch na limistéar (ag tagairt do leibhéal sonrach bonnlíne an éiceachórais) ina bhfuil siad lonnaithe; agus
  - iii. na **limistéir atá íogair ó thaobh na bithéagsúlachta de** dá ndéantar difear a shonrú, ionas go mbeidh úsáideoirí in ann an suíomh agus an t-údarás inniúil freagrach a chinneadh maidir leis na gníomhaíochtaí a shonraítear i mír 16(a) i.
- (b) cé acu a saináithníodh nó nár saináithníodh tionchair dhiúltacha ábhartha maidir le **díghrádú talún, fairsingiú fásaigh** nó **séalú ithreach**<sup>81</sup>; agus
- (c) cé acu atá nó nach bhfuil oibríochtaí aige a dhéanann difear do **speicis faoi bhagairt**<sup>82</sup>.

### **Bainistiú tionchar, rioscaí agus deiseanna**

### **Ceanglas maidir le Nochtadh a bhaineann le ESRS 2 IRO-1 – Tuirisc ar na próisis chun tionchair, rioscaí, spleáchais agus deiseanna ábhartha a bhaineann leis an mbithéagsúlacht agus éiceachórais a shainaithint agus a mheasúnú**

17. Tabharfaidh an gnóthas tuairisc ar a phróiseas chun tionchair, rioscaí, spleáchais agus deiseanna ábhartha a shainaithint. Áireofar sa tuairisc ar an bpróiseas cé acu a rinne nó nach ndearna an gnóthas na nithe seo a leanas, agus an dóigh a ndearna sé iad:
- (a) tionchair iarbhír agus fhéideartha ar **bhithéagsúlacht** agus ar **éiceachórais** a shainaithint agus a mheasúnú ag suíomhanna **láithreáin** dhílis agus sa slabhra luacha réamhtheachtach agus iarteachtach, lena n-áirítear na critéir mheasúnaithe a chuirtear i bhfeidhm;
  - (b) **spleáchais** ar bhithéagsúlacht agus ar éiceachórais agus a seirbhísí a shainaithint agus a mheasúnú ag suíomhanna láithreáin dhílis agus sa slabhra luacha

<sup>80</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchair príomha mar a leagtar amach le táscaire #7 i dTábla 1 d'Iarscríbhinn 1 a ghabhann leis an Rialachán Tarmligthe gaolmhar i dtaobh rialacha maidir le nochtadh i dtaca le hinfeistíochtaí inbhuanaithe ('Gníomhaíochtaí a dhéanann difear diúltach do limistéir atá íogair ó thaobh na bithéagsúlachta de').

<sup>81</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchar príomha mar a leagtar amach le táscaire #10 i dTábla 2 d'Iarscríbhinn 1 a ghabhann leis an Rialachán Tarmligthe gaolmhar i dtaobh rialacha maidir le nochtadh i dtaca le hinfeistíochtaí inbhuanaithe ('Díghrádú talún, fairsingiú fásaigh, séalú ithreach').

<sup>82</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchar príomha mar a leagtar amach le táscaire #14 i dTábla 2 d'Iarscríbhinn 1 a ghabhann leis an Rialachán Tarmligthe gaolmhar i dtaobh rialacha maidir le nochtadh i dtaca le hinfeistíochtaí inbhuanaithe ('Speicis nádúrtha agus limistéir faoi chosaint').

réamhtheachtach agus iartheachtach, lena n-áirítear na critéir mheasúnaithe a chuirtear i bhfeidhm, agus, má áirítear sa mheasúnú sin **éicisheirbhísí** a gcuirtear isteach orthu nó ar dócha go gcuirfeadh isteach orthu;

- (c) **rioscaí** agus deiseanna **aistrithe** agus **fisiceacha** a bhaineann leis an mbithéagsúlacht agus le héiceachórais a shainaithe agus a mheasúnú, lena n-áirítear critéir mheasúnaithe arna gcur i bhfeidhm bunaithe ar a thionchair agus ar a spleáchais;
  - (d) **rioscaí sistéamacha** a bhreithniú;
  - (e) comhairliúcháin a dhéanamh leis na **pobail dá ndéantar difear** maidir le measúnuithe inbhuanaitheachta ar acmhainní bitheolaíochta comhroinnte agus **éiceachórais** agus, go háirithe:
    - i. i gcás inar dócha go mbeidh tionchar diúltach ag láithreán, ag táirgeadh nó ag foinsíú **amhábhair** ar an mbithéagsúlacht agus ar éiceachórais, na láithreáin shonracha, an táirgeadh nó an foinsíú amhábhair a shainaithe a bhfuil tionchair dhiúltacha acu, nó a bhféadfadh tionchair dhiúltacha a bheith acu ar phobail dá ndéantar difear;
    - ii. i gcás inar dócha go mbeidh tionchar ann ar phobail dá ndéantar difear, nochtfaidh an gnóthas an chaoi a raibh na pobail sin páirteach sa mheasúnú **ábharthachta**; agus
    - iii. maidir leis na tionchair ar sheirbhísí **éiceachórais** atá ábhartha do phobail dá ndéantar difear ina chuid oibríochtaí féin, léireoidh an gnóthas conas is féidir tionchair dhiúltacha a sheachaint. Má bhíonn na tionchair sin dosheachanta, féadfaidh an gnóthas a phleananna maidir lena n-íoslaghdú a léiriú agus bearta maolaithe a chur chun feidhme a fhéachann le luach agus feidhmiúlacht seirbhísí tosaíochta a choinneáil ar bun.
18. Féadfaidh an gnóthas a nochtadh cé acu a bhain nó nár bhain sé úsáid as **anailís ar chásanna bithéagsúlachta** agus **éiceachórais** agus conas a d'úsáid sé í chun bonn eolais a chur faoi rioscaí agus deiseanna ábhartha a shainaithe agus a mheasúnú thar thréimhsí ama gearrthéarmacha, meántéarmacha agus fadtéarmacha. Más rud é gur bhain an gnóthas úsáid as anailís ar chásanna den sórt sin, féadfaidh sé an fhaisnéis seo a leanas a nochtadh:
- (a) an fáth ar roghnaíodh na **cásanna** breithnithe;
  - (b) an dóigh a dtugtar na cásanna breithnithe cothrom le dáta de réir dálaí a athraíonn agus treochtaí a thagann chun cinn; agus
  - (c) cé acu atá nó nach bhfuil na cásanna bunaithe ar ionchais arna bhfoilsíú ag comhlachtaí údarásacha idir-rialtasacha, amhail an Coinbhinsiún maidir leis an mBithéagsúlacht agus, i gcás inarb ábhartha, trí chomhdhearcadh eolaíoch, amhail an comhdhearcadh arna chur in iúl ag an Ardán Idir-Rialtasach maidir le Beartas Eolaíochta um Sheirbhísí Bithéagsúlachta agus Éiceachórais (IPBES).
19. Nochtfaidh an gnóthas go sonrach:
- (a) cé acu atá nó nach bhfuil **láithreáin** aige atá suite i **limistéir atá íogair ó thaobh na bithéagsúlachta de** nó gar dóibh agus cé acu a bhíonn nó nach mbíonn tionchar diúltach ag gníomhaíochtaí a bhaineann leis na láithreáin sin ar na limistéir sin trí é a bheith mar thoradh ar na gníomhaíochtaí sin go dtagann meath ar **ghnáthóga** nádúrtha agus ar ghnáthóga na speiceas agus go gcuirtear isteach ar speicis ar lena n-aghaidh a ainmníodh **limistéir faoi chosaint**; agus
  - (b) cé acu a thángthas nó nár thángthas ar an gconclúid gur gá bearta maolaithe a bhaineann leis an mbithéagsúlacht a chur chun feidhme, amhail na bearta sin a shainaithear sna nithe seo a leanas: Treoir 2009/147/CE ó Pharlaimint na hEorpa agus ón gComhairle maidir le héin fhiáine a chaomhnú; Treoir 92/43/CEE ón gComhairle maidir le gnáthóga nádúrtha agus fána agus flóra fiáine a chaomhnú; Measúnú ar an Tionchar ar an gComhshaol (MTC) mar a shainmhínítear in Airteagal 1(2), pointe (g), de Threoir 2011/92/AE ó Pharlaimint na hEorpa agus ón

gComhairle<sup>83</sup> maidir le measúnú a dhéanamh ar na héifeachtaí atá ag tionscadail phoiblí agus phríobháideacha áirithe i ndáil leis an gcomhshaol; agus i gcás gníomhaíochtaí atá suite i dtríú tíortha, i gcomhréir le forálacha coibhéiseacha náisiúnta nó le caighdeáin idirnáisiúnta, amhail Caighdeán Feidhmíochta 6 na Corparáide Airgeadais Idirnáisiúnta (IFC): Caomhnú na Bithéagsúlachta agus Bainistíocht Inbhuanaithe na Beo- Acmhainní Nádúrtha.

### **Ceanglas maidir le Nochtadh E4-2 – Beartais a bhaineann leis an mbithéagsúlacht agus éiceachórais**

---

20. Tabharfaidh an gnóthas tuairisc ar na beartais atá glactha aige chun bainistiú a dhéanamh ar a thionchair, a rioscaí, a spleáchais, agus a dheiseanna ábhartha a bhaineann leis an mbithéagsúlacht agus le héiceachórais.
21. Is é cuspóir an Cheanglais seo maidir le Nochtadh tuiscint a chumasú ar a mhéid atá **beartais** ag an ngnóthas a thugann aghaidh ar a **thionchair, spleáchais, rioscaí** agus **deiseanna** ábhartha a bhaineann leis an **mbithéagsúlacht** agus **éiceachórais** a shainiú, a mheasúnú, a bhainistiú agus/nó a **leigheas**.
22. Beidh sa nochtadh a cheanglaítear le mír 20 an fhaisnéis faoi na **beartais** atá i bhfeidhm ag an ngnóthas chun a **thionchair, a rioscaí, a spleáchais** agus a **dheiseanna** ábhartha a bhaineann leis an **mbithéagsúlacht** agus le **héiceachórais** a bhainistiú i gcomhréir le beartais *ESRS 2 MDR-P Beartais arna nglacadh chun ábhair inbhuanaitheachta ábhartha a bhainistiú*.
23. Chomh maith le forálacha ESRS 2 MDR-P, tabharfaidh an gnóthas tuairisc an fíor an méid seo a leanas agus an chaoi a dtarlaíonn an méid seo a leanas maidir lena **bheartais** a bhaineann leis an **mbithéagsúlacht** agus le **héiceachórais**:
  - (a) baineann siad le hábhair a shonraítear in ESRS E4 AR 4;
  - (b) baineann siad leis na tionchair ábhartha atá aige i ndáil leis an mbithéagsúlacht agus éiceachórais;
  - (c) baineann siad le spleáchais ábhartha agus le rioscaí agus deiseanna fisiceacha agus aistrithe ábhartha;
  - (d) tacaíonn siad le hinrianaitheacht táirgí, comhpháirteanna agus amhábhair a bhfuil tionchair ábhartha iarbhir nó fhéideartha acu ar an mbithéagsúlacht agus ar éiceachórais feadh an **tslabhra luacha**;
  - (e) tugann siad aghaidh ar tháirgeadh, foinsiú nó tomhaltas as éiceachórais a bhainistítear chun dálaí bithéagsúlachta a choinneáil ar bun nó a fheabhsú, mar a léirítear le faireachán tráthrialta agus tuairisciú ar stádas bithéagsúlachta agus gnóthachain nó cailleanais bhithéagsúlachta; agus
  - (f) tugann siad aghaidh ar iarmhairtí sóisialta na dtionchar a bhaineann leis an mbithéagsúlacht agus éiceachórais.
24. Nochtfaidh an gnóthas go sonrath cé acu atá nó nach bhfuil na nithe seo a leanas glactha aige:
  - (a) **beartais** cosanta **bithéagsúlachta** agus **éiceachórais** lena gcuimhdeáítear **láithreáin** oibríochtúla atá faoi úinéireacht, léasaithe nó bainistithe i **limistéar atá íogair ó thaobh na bithéagsúlachta de** nó gar do limistéar den chineál sin;
  - (b) cleachtais nó beartais talún / talmhaíochta inbhuanaithe<sup>84</sup>;

<sup>83</sup> Treoir 2011/92/AE ó Pharlaimint na hEorpa agus ón gComhairle an 13 Nollaig 2011 maidir le measúnú a dhéanamh ar éifeachtaí tionscadal poiblí agus príobháideach áirithe ar an gcomhshaol (IO L 26, 28.1.2012, lch. 1).

<sup>84</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE)

- (c) cleachtais nó beartais aigéan / farraigí inbhuanaithe<sup>85</sup>; agus
- (d) beartais chun aghaidh a thabhairt ar **dhífhoraoisiú**<sup>86</sup>.

### ***Ceanglas maidir le Nochtadh E4-3 – Gníomhaíochtaí agus acmhainní a bhaineann leis an mbithéagsúlacht agus éiceachórais***

---

- 25. **Nochtfaidh an gnóthas na gníomhaíochtaí a dhéanann sé a bhaineann leis an mbithéagsúlacht agus éiceachórais agus na hacmhainní a leithdháiltear ar a gcur chun feidhme.**
- 26. Is é is cuspóir don Cheanglas seo maidir le Nochtadh tuiscint a chumasú ar na **príomhghníomhaíochtaí** a rinneadh agus atá beartaithe a chuireann go mór le cuspóirí agus **spriocanna beartais** a bhaineann leis an **mbithéagsúlacht** agus le **héiceachórais** bhaint amach.
- 27. Leanfaidh an tuairisc ar na **príomhghníomhaíochtaí** agus na príomhacmhainní an t-ábhar sainordaitheach a shainítear in ESRS 2 MDR-A *Gníomhaíochtaí agus acmhainní i ndáil le hábhair inbhuanaitheachta ábhartha*.
- 28. Ina theannta sin, déanfaidh an gnóthas an méid seo a leanas:
  - (a) féadfaidh sé an chaoi ar chuir sé an t-ordlathas maolúcháin i bhfeidhm maidir lena ghníomhaíochtaí a nochtadh (seachaint, íoslaghú, athbhunú/athshlánú, agus cúiteamh nó fritháirimh);
  - (b) nochtfaidh sé cé acu a bhain nó nár bhain sé úsáid as fritháirimh **bhithéagsúlachta** ina phleananna gníomhaíochta. Má tá fritháirimh bhithéagsúlachta sna **gníomhaíochtaí**, cuirfidh an gnóthas an fhaisnéis seo a leanas san áireamh:
    - i. aidhm an fhritháirimh agus na heochairtháscairí feidhmíochta a úsáideadh;
    - ii. éifeachtaí maoinithe (costais dhíreacha agus indíreacha) na bhfritháireamh bithéagsúlachta i dtéarmaí airgeadaíochta; agus;
    - iii. tuairisc ar fhritháirimh lena n-áirítear limistéar, cineál, na critéir cháilíochta a cuireadh i bhfeidhm agus na caighdeáin a chomhlíonann na fritháirimh bhithéagsúlachta;
  - (c) tabharfaidh sé tuairisc ar cé acu a chuir nó nár chuir sé san áireamh eolas dúchasach traidisiúnta áitiúil agus réitigh dhúlrahunaithe i ngníomhaíochtaí a bhaineann leis an mbithéagsúlacht agus le **héiceachórais** agus an chaoi ar chuir sé san áireamh iad.

### ***Méadracht agus spriocanna***

### ***Ceanglas maidir le Nochtadh E4-4 – Spriocanna a bhaineann leis an mbithéagsúlacht agus éiceachórais***

---

- 29. **Nochtfaidh an gnóthas na spriocanna atá leagtha síos aige a bhaineann leis an**

2019/2088 toisc go n-eascraíonn sí as táscaire breise a bhaineann le drochthionchar príomha mar a leagtar amach le táscaire #11 i dTábla II d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Infheistíochtaí i gcuideachtaí nach bhfuil cleachtais talún / talmhaíochta inbhuanaithe acu').

<sup>85</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchar príomha mar a leagtar amach le táscaire #12 i dTábla II d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Infheistíochtaí i gcuideachtaí nach bhfuil cleachtais aigéan/farraigí inbhuanaithe acu').

<sup>86</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchar príomha mar a leagtar amach le táscaire #15 i dTábla II d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Dífhoraoisiú').

**mbithéagsúlacht agus leis an éiceachóras.**

30. Is é is cuspóir don Cheanglas seo maidir le Nochtadh tuiscint a thabhairt ar na **spriocanna** atá glactha ag an ngnóthas chun tacú lena **bheartais bhithéagsúlachta** agus **éiceachórais** agus chun aghaidh a thabhairt ar na **tionchair**, na **spleáchais**, na **rioscaí** agus na **deiseanna** ábhartha a bhaineann leis.
31. Cloífidh an tuairisc ar na **spriocanna** leis an ábhar sainordaitheach a shainítear in ESRS 2 MDR-T *Éifeachtacht beartas agus gníomhaíochtaí a rianú trí spriocanna*.
32. Áireofar an fhaisnéis seo a leanas sa nochtadh a cheanglaítear le mír 29:
  - (a) cé acu a cuireadh nó nár cuireadh **tairseacha éiceolaíocha** agus leithdháiltí tionchar ar an ngnóthas i bhfeidhm agus **spriocanna** á socrú. Má cuireadh, sonrúidh an gnóthas an méid seo a leanas:
    - i. na tairseacha éiceolaíocha a sainaitníodh, agus an mhodheolaíocht a úsáideadh chun na tairseacha sin a shainaitint;
    - ii. cé acu atá nó nach bhfuil na tairseacha eintiteas- sonracha agus má tá, conas a cinneadh iad; agus
    - iii. an dóigh a leithdháiltear sa ghnóthas an fhreagracht as tairseacha éiceolaíocha sainaitheanta a urramú;
  - (b) cé acu atá nó nach bhfuil na spriocanna bunaithe ar Chreat Bithéagsúlachta Domhanda Kunming-Montreal, ar ghnéithe ábhartha de Straitéis Bhithéagsúlachta an Aontais Eorpaigh go dtí 2030 agus **bheartais** agus reachtaíocht náisiúnta eile a bhaineann leis an **mbithéagsúlacht** agus leis an **éiceachóras**, agus/nó cé acu atá nó nach bhfuil siad ailínithe leo;
  - (c) an chaoi a mbaineann na spriocanna le tionchair, spleáchais, rioscaí agus deiseanna bithéagsúlachta agus éiceachórais arna sainaitint ag an ngnóthas i ndáil lena oibríochtaí féin agus lena shlabhra luacha réamhtheachtach agus iarteachtach;
  - (d) raon feidhme geografach na spriocanna, más ábhartha;
  - (e) cé acu a d'úsáid nó nár úsáid an gnóthas fritháirimh bhithéagsúlachta agus a spriocanna á socrú; agus
  - (f) cén tsraith den ordlathas maolaithe ar ar féidir an sprioc a leithdháileadh (i.e. seachaint, íoslaghú, athchóiriú agus athshlánú, cúiteamh nó fritháirimh).

**Ceanglas maidir le Nochtadh E4-5 – Méadracht tionchair a bhaineann le hathrú bithéagsúlachta agus éiceachóras**

---

33. **Tuairisceoidh an gnóthas méadracht a bhaineann lena thionchair ábhartha ar bhithéagsúlacht agus ar éiceachórais.**
34. Is é cuspóir an Cheanglais seo maidir le Nochtadh tuiscint ar fheidhmíocht an ghnóthais a chumasú i leith tionchair arna sainaitint mar thionchair ábhartha sa mheasúnú **ábharthachta** ar athrú **bithéagsúlachta** agus **éiceachórais**.
35. Má shainaitint an gnóthas **láithreáin** atá suite i **limistéir atá íogair ó thaobh na bithéagsúlachta de** nó gar dóibh agus a bhfuil tionchar diúltach aige orthu (féach mír 19(a)), nochtfaidh an gnóthas an líon láithreán agus limistéar (i heicteáir) na láithreán atá faoi úinéireacht, faoi léas nó faoi bhainistiú sna limistéir faoi chosaint sin nó sna príomhlimistéir **bhithéagsúlachta** sin nó gar dóibh.
36. Má shainaitint an gnóthas tionchair ábhartha maidir le hathrú ar úsáid talún, nó tionchair ar mhéid agus ar riocht na n- **éiceachóras**, féadfaidh sé a n-úsáid talún a nochtadh freisin bunaithe ar Mheasúnú Saolré.
37. I gcás na bpointí sonraí a shonraítear i míreanna 38 go 41, breithneoidh an gnóthas a chuid oibríochtaí féin.
38. Má tháinig an gnóthas ar an gconclúid go rannchuidíonn sé go díreach leis na **spriocanna**

**tionchair** sin **athrú ar úsáid talún**, athrú ar úsáid **fionnuisce** agus/nó athrú ar úsáid na farraige, déanfaidh sé an mhéadracht ábhartha a thuairisciú. Féadfaidh an gnóthas méadracht a nochtadh lena dtomhaistear na nithe seo a leanas:

- (a) athrú cumhdaigh talún (e.g. **dífhoraoisiú** nó mianadóireacht) le himeacht ama (e.g. 1 bhliain nó 5 bliana);
  - (b) athruithe le himeacht ama (e.g. 1 bhliain nó 5 bliana) i mbainistiú an éiceachórais (e.g., trí bhainistiú talmhaíochta a dhianú, nó trí chleachtais bhainistíochta nó saothrú foraoiseachta níos fearr a chur i bhfeidhm);
  - (c) athruithe ar chumraíocht spásúil an tírdhreacha (e.g. ilroinnt **gnáthóg**, athruithe ar chomhcheangailteacht éiceolaíoch);
  - (d) athruithe ar chomhcheangailteacht struchtúrach éiceolaíoch (e.g. tréscailteacht gnáthóige bunaithe ar ghnéithe fisiceacha agus ar shocruithe paistí gnáthóige); agus
  - (e) an chomhcheangailteacht fheidhmiúil (e.g. cé chomh maith agus a théann géinte nó aonáin trí thalamh, fionnuisce agus muirdhreach).
39. Má tháinig an gnóthas ar an gconclúid go rannchuidíonn sé go díreach le speicis choimhthíocha ionracha a thabhairt isteach de thaisme nó go deonach, féadfaidh an gnóthas an **mhéadracht** a nochtadh a úsáideann sé chun bainistiú a dhéanamh ar chonairí ina dtagann **speicis choimhthíocha ionracha** isteach agus ina leathann siad agus chun bainistiú a dhéanamh na rioscaí a bhaineann le speicis choimhthíocha ionracha a bhainistiú.
40. Má shainaithin an gnóthas tionchair ábhartha a bhaineann le staid na speiceas, féadfaidh an gnóthas **méadracht** a mheasann sé a bheith ábhartha a thuairisciú. Féadfaidh an gnóthas:
- (a) tagairt a dhéanamh do cheanglais ábhartha maidir le nochtadh in ESRS E1, ESRS E2, ESRS E3, agus ESRS E5;
  - (b) méid an daonra, raon laistigh **d'éiceachórais** shonracha chomh maith le riosca díothaithe a chur san áireamh. Tugann na gnéithe sin léargas ar shláinte daonra speicis aonair agus ar a athléimneacht choibhneasta in aghaidh athrú a spreagann an duine agus athrú a tharlaíonn go nádúrtha;
  - (c) méadracht a nochtadh lena dtomhaistear athruithe ar an líon aonán de speiceas laistigh de limistéar sonrach;
  - (d) méadracht ar speicis atá i mbaol a ndíothaithe<sup>87</sup> a nochtadh ar méadracht í lena dtomhaistear:
    - i. stádas bagartha speicis agus conas a d'fhéadfadh gníomhaíochtaí/brúnna difear a dhéanamh don stádas bagartha; nó
    - ii. athruithe ar an **ngnáthóg** ábhartha le haghaidh **speicis faoi bhagairt** mar athróg ionadach ar thionchar an ghnóthais ar riosca díothaithe an daonra áitiúil.
41. Má shainaithin an gnóthas tionchair ábhartha a bhaineann le héiceachórais, féadfaidh sé an méid seo a leanas a nochtadh:
- (a) maidir le fairsinge na n-éiceachóras, **méadracht** lena dtomhaistear cumhdach limistéir éiceachórais ar leith gan gá le cáilíocht an limistéir atá á mheasúnú a chur san áireamh, amhail cumhdach **gnáthóige**. Tá cumhdach foraoise, mar shampla, ina thomhas ar a fairsinge atá cineál áirithe éiceachórais, gan bail an éiceachórais a chur san áireamh (e.g. soláthraítear an t-achar leis gan tuairisc a dhéanamh ar an éagsúlacht speiceas laistigh den fhoraois).
  - (b) maidir le staid na n-éiceachóras:

---

<sup>87</sup>Mar a léirítear i Liosta Dearg IUCN na Speiceas faoi Bhagairt agus sa Liosta Dearg Eorpach arna fhoilsiú ag an gCoimisiún Eorpach.

- i. méadracht lena dtomhaistear cáilíocht na n-éiceachóras i gcoibhneas le staid tagartha réamhchinntithe;
- ii. méadracht lena dtomhaistear speicis éagsúla laistigh d'éiceachóras seachas an líon aonán laistigh de speiceas aonair laistigh d'éiceachóras (mar shampla: táscairí maidir le saibhreas agus flúirse speiceas atá bunaithe go heolaíoch lena dtomhaistear forbairt chomhdhéanamh speiceas (dúchasach) laistigh d'éiceachóras in aghaidh na staid tagartha ag tús na chéad tréimhse tuairiscithe chomh maith leis an staid spriocdhírthe a leagtar amach i gCreat Bithéagsúlachta Domhanda Kunming-Montreal, nó comhiomlánú de stádas caomhantais speiceas más ábhartha); nó
- iii. méadracht a léiríonn comhpháirteanna struchtúracha riochta amhail comhcheangailteacht gnáthóige (i.e. an chaoi a bhfuil gnáthóga nasctha lena chéile).

**Ceanglas maidir le Nochtadh E4-6 – Éifeachtaí airgeadais a bhfuil coinne leo ó rioscaí agus deiseanna ábhartha a bhaineann le bithéagsúlacht agus éiceachóras**

---

42. **Nochtfaidh an gnóthas éifeachtaí airgeadais ionchasacha a bhfuil coinne leo ó rioscaí agus deiseanna ábhartha a bhaineann le bithéagsúlacht agus éiceachóras.**
43. Tá an fhaisnéis a cheanglaítear le mír 42 sa bhreis ar an bhfaisnéis maidir leis na héifeachtaí airgeadais atá ann faoi láthair ar staid airgeadais, ar fheidhmíocht airgeadais agus ar shreafaí airgid an eintitis don tréimhse tuairiscithe a cheanglaítear faoi ESRS 2 SBM-3 mír 48 (d).
44. Is é cuspóir an Cheanglais seo maidir le Nochtadh tuiscint a thabhairt ar na nithe seo a leanas:
- (a) **éifeachtaí airgeadais a bhfuil coinne leo** mar gheall ar rioscaí ábhartha a eascraíonn as tionchair agus **spleáchais** a bhaineann leis an mbithéagsúlacht agus leis an éiceachóras agus an tionchar ábhartha a bhíonn ag na rioscaí sin (nó a bhféadfaí a coinne a bheith leis go réasúnach) ar staid airgeadais, ar fheidhmíocht airgeadais agus ar shreafaí airgid an ghnóthais sa ghearrthéarma, sa mheántéarma agus san fhadtéarma; agus
  - (b) éifeachtaí airgeadais a bhfuil coinne leo mar gheall ar dheiseanna ábhartha a bhaineann leis an mbithéagsúlacht agus leis an éiceachóras.
45. Áireofar an méid seo a leanas sa nochtadh:
- (a) cainníochtú ar na **héifeachtaí airgeadais a bhfuil coinne leo** i dtéarmaí airgeadaíochta sula ndéanfar gníomhaíochtaí a bhaineann leis an **mbithéagsúlacht** agus le **héiceachórais** a mheas nó, i gcás nach féidir é sin a dhéanamh gan costas nó iarracht mhíchuí, faisnéis cháilíochtúil. Maidir le **héifeachtaí airgeadais** a eascraíonn as deiseanna ábhartha, ní éilítear cainníochtú más rud é go mbeadh mar thoradh air nochtadh nach gcomhlíonann saintréithe cáilíochtúla na faisnéise (féach ESRS 1 Foscríbhinn B *Saintréithe cáilíochtúla na faisnéise*). Féadfaidh méid aonair nó raon a bheith i gcainníochtú na n-éifeachtaí airgeadais a bhfuil coinne leo i dtéarmaí airgeadaíochta;
  - (b) tuairisc ar na héifeachtaí a breithníodh, na tionchair agus na **spleáchais** lena mbaineann siad agus na tréimhsí ama inar dócha go dtiocfaidh siad chun cinn; agus
  - (c) na toimhdí criticiúla a úsáidtear chun na héifeachtaí airgeadais a bhfuil coinne leo a chainníochtú chomh maith le foinsí agus leibhéal éiginnteachta na dtoimhdí sin.

**Foscríbhinn A: Ceanglais maidir le Cur i bhFeidhm (AR)**

---

Is dlúthchuid de ESRS E4 í an fhoscúbhinn seo. Tacaíonn sí le cur i bhfeidhm na gceanglas maidir le nochtadh a leagtar amach sa chaighdeán seo agus tá an t-údarás céanna aici agus atá ag na codanna eile den chaighdeán.

## **ESRS 2 Nochtaí ginearálta**

### **Straitéis**

#### **Ceanglas maidir le Nochtadh E4-1 — Plean aistrithe agus breithniú ar bhithéagsúlacht agus éiceachórais sa straitéis agus sa tsamhail ghnó**

---

AR 1. Má nochtann an gnóthas plean aistrithe, féadfaidh sé an méid seo a leanas a dhéanamh:

- (a) míniú a thabhairt ar an gcaoi a ndéanfaidh sé a straitéis agus a **shamhail ghnó** a choigeartú chun feabhas a chur ar na cuspóirí agus **spríocanna** beartais phoiblí ábhartha ar an leibhéal áitiúil, náisiúnta agus domhanda a bhaineann leis an **mbithéagsúlacht** agus **éiceachórais**, agus chun ailíniú a bhaint amach leo, lena n-áirítear fis Chreat Bithéagsúlachta Domhanda Kunming-Montreal agus a chuspóirí agus spríocanna ábhartha, Straitéis Bhithéagsúlachta an Aontais Eorpaigh go dtí 2030, agus Treoir 2009/147/CE agus Treoir 92/43/CEE ón gComhairle (Treoracha an Aontais maidir le hÉin agus Gnáthóga) agus, de réir mar is iomchuí, **teorainneacha pláinéadacha** a bhaineann le sláine an bhithsféir agus le **hathrú ar an gcóras talún**;
- (b) faisnéis maidir lena oibríochtaí féin a chur san áireamh agus míniú a thabhairt freisin ar an gcaoi a bhfuil sé ag freagairt do thionchair ábhartha ina shlabhra luacha réamhtheachtach agus iartheachach arna sainathint ina mheasúnú ábharthachta i gcomhréir le ESRS 2 IRO-1 Tuairisc ar na próisis chun tionchair, rioscaí agus deiseanna ábhartha a shainathint agus a mheasúnú;
- (c) míniú a thabhairt ar an gcaoi a n-dirighníomhaíonn a straitéis lena phlean aistrithe;
- (d) míniú a thabhairt ar an gcaoi a gcuireann sé le haghaidh a thabhairt ar spreagthaí tionchair ar an mbithéagsúlacht agus ar an éiceachóras, agus míniú a thabhairt ar na gníomhaíochtaí maolúcháin a d'fhéadfadh a bheith aige de réir an ordlathais maolúcháin agus ar na príomhspleáchais conaire agus na sócmhainní agus na hacmhainní gaibhnithe (e.g. plandaí, amhábhair) a bhaineann le hathrú ar an mbithéagsúlacht agus ar éiceachórais;
- (e) a infheistíochtaí agus a chistiú lena dtacaítear le cur chun feidhme a phlean aistrithe a mhíniú agus a chainníochtú, le tagairt do phríomhtháscairí feidhmíochta CapEx atá ailínithe le tacsanomaíocht, agus i gcás inarb ábhartha pleananna CapEx, a nochtann an gnóthas i gcomhréir le Rialachán Tarmiligthe (AE) 2021/2178 ón gCoimisiún;
- (f) má tá gníomhaíochtaí eacnamaíocha aige a chumhdaítear le rialacháin tharmiligthe maidir leis an mbithéagsúlacht faoin Rialachán maidir le Tacsanomaíocht, míniú a thabhairt maidir le haon chuspóir nó aon phlean (CapEX, pleananna CapEX) atá aige chun a ghníomhaíochtaí eacnamaíocha (ioncam, CapEX) a ailíniú leis na critéir a bunaíodh sna rialacháin tarmiligthe sin;
- (g) míniú a thabhairt ar an gcaoi a n-úsáidtear fritháirimh bhithéagsúlachta mar chuid den phlean aistrithe, agus má úsáidtear iad, i gcás ina bhfuil sé beartaithe na fritháirimh a úsáid, méid na húsáide i ndáil leis an bplean aistrithe foriomlán, agus cé acu a rinneadh nó nach ndearnadh an t-ordlathas maolúcháin a mheas;
- (h) míniú a thabhairt ar an gcaoi a mbainistítear an próiseas chun an plean aistrithe a chur chun feidhme agus a thabhairt cothrom le dáta;
- (i) míniú a thabhairt ar an gcaoi a ndéanann sé dul chun cinn a thomhas, is é sin an mhéadracht agus na modheolaíochtaí a úsáideann sé chun na críche sin a léiriú;
- (j) a léiriú cé acu a rinne nó nach ndearna na comhlachtaí riaracháin, bainistíochta agus maoirseachta formheas ar an bplean aistrithe; agus

- (k) na dúshláin agus na teorainneacha atá ann faoi láthair chun plean a dhréachtú maidir le réimsí a bhfuil tionchar mór acu a léiriú agus an chaoi a bhfuil an chuideachta ag tabhairt aghaidh ar na dúshláin sin.
- AR 2. Má nochtar plean aistrithe, féadfaidh an gnóthas, mar shampla, tagairt a dhéanamh do na **spriocanna** seo a leanas ó Straitéis Bhithéagsúlachta an Aontais Eorpaigh go dtí 2030:
- (a) Tá an meath ar phailneoirí aisiompaithe.
  - (b) Tá laghdú 50 % tagtha ar úsáid lotnaidicídí ceimiceacha agus ar an riosca a bhaineann leo, agus tá laghdú 50 % tagtha ar úsáid lotnaidicídí níos guaisí.
  - (c) Tá 25 % ar a laghad de thalamh talmhaíochta faoi bhainistíocht feirmeoireachta orgánaí, agus tá méadú mór tagtha ar ráta úsáide cleachtas agrai- éiceolaíoch.
  - (d) Tá 3 bhiliún crann breise curtha san Aontas, agus lánurraim tugtha do phrionsabail éiceolaíocha.
  - (e) Dul chun cinn mór maidir le **láithreáin** ina bhfuil **ithir** éillithe a **leigheas**.
  - (f) Tá 25 000 km ar a laghad d'aibhneacha saorchúrsála athchóirithe.
  - (g) Tá laghdú 50 % tagtha ar chaillteanais cothaitheach ó leasacháin, a bhfuil laghdú 20 % ar a laghad ar úsáid leasachán mar thoradh air.
  - (h) Tá laghdú suntasach tagtha ar thionchair dhiúltacha ar speicis agus gnáthóga fógaire, lena n-áirítear ar ghrinneall na farraige trí ghníomhaíochtaí iascaireachta agus eastósctha, sa chaoi go bhfuil dea- stádas comhshaoil bainte amach.
- AR 3. Má nochtar plean aistrithe, féadfaidh an gnóthas tagairt a dhéanamh freisin do na Spriocanna Forbartha Inbhuanaithe (SDG), go háirithe:
- (a) SDG 2 - Díothú an ocrais, slándáil bia agus cothú feabhsaithe a bhaint amach agus talmhaíocht inbhuanaithe a chur chun cinn;
  - (b) SDG 6 - Rochtain ar uisce agus ar shláintíocht a áirithiú do gach duine;
  - (c) SDG 14 - Na haigéin, na farraigí agus **acmhainní muirí** a chaomhnú agus a úsáid ar shlí inbhuanaithe ar mhaithe le forbairt inbhuanaithe; agus
  - (d) SDG 15 — Úsáid inbhuanaithe **éiceachóras** talún a chosaint, a athbhunú agus a chur chun cinn, foraoisí a bhainistiú ar bhealach inbhuanaithe, chun **gaineamhlú** a chomhrac, chun **díghrádú talún** a stopadh agus a aisiompú, agus chun **cailliúint na bithéagsúlachta** a stopadh.

### **Bainistiú tionchar, rioscaí agus deiseanna**

#### **Ceanglais maidir le nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann leis an mbithéagsúlacht agus éiceachórais a shainiú agus a mheasúnú**

- AR 4. Áirítear an méid seo a leanas i dtaobh an ghnóthais sa mheasúnú **ábharthachta** faoi ESRS E4:
- (a) a rannchuidiú le **spregthaí tionchair** dhírigh ar **cailliúint na bithéagsúlachta**<sup>88</sup>:
    - i. athrú aeráide;
    - ii. **athrú ar thalamhúsáid** (e.g., saorgú talún), athrú ar úsáid **uisce úir** agus athrú ar úsáid na farraige;
    - iii. saothrú díreach;

<sup>88</sup> Is faoi ESRS E1 Athrú Aeráide agus truailliú faoi ESRS E2 Truailliú atá an spreagadh díreach athrú aeráide le tuairisciú.

- iv. **speicis choimhthíocha ionracha;**
  - v. **truailiú;** agus
  - vi. nithe eile.
- (b) **tionchair** ar staid na speiceas (i.e. daonra na speiceas, riosca díothaithe domhanda speiceas);
  - (c) tionchair ar mhéid agus ar bhail na n- **éiceachóras** lena n-áirítear trí **dhíghrádú talún, fairsingiú fásaigh** agus **séalú ithreach**); agus
  - (d) tionchair agus **spleáchais** ar **éicisheirbhísí**.
- AR 5. Agus measúnú á dhéanamh ar **ábharthacht tionchar, spleáchais, rioscaí** agus deiseanna, breithneoidh an gnóthas na forálacha in ESRS 2 IRO-1 agus ESRS 1 Caibidil 3 **Ábharthacht dhúbailte mar bhonn le nochtaí inbhuanaitheachta** agus tabharfaidh sé tuairisc ar a bhreithnithe.
- AR 6. Déanfaidh an gnóthas measúnú ar ábharthacht na bithéagsúlachta agus na n-éiceachóras ina oibríochtaí féin agus ina **shlabhra luacha** réamhtheachtach agus iartheachtach, agus féadfaidh sé a mheasúnú **ábharthachta** a dhéanamh i gcomhréir leis na chéad trí chéim de chur chuige LEAP: Aimsiú (mír AR 7), Meastóireacht (mír AR 8) agus Measúnú (mír AR 9).
- AR 7. Baineann Céim 1 le logánú **láithreán** ábhartha maidir lena idirphlé leis an **mbithéagsúlacht** agus le **héiceachórais**. Chun na láithreáin ábhartha sin a shainaitheint, féadfaidh an gnóthas an méid seo a leanas a dhéanamh:
- (a) liosta a fhorbairt de shuíomhanna na sócmhainní díreacha agus na n-oibríochtaí díreacha agus de **shlabhra luacha** réamhtheachtach agus iartheachtach gaolmhar atá ábhartha do ghníomhaíochtaí gnó na ngnóthas. Ina theannta sin, féadfaidh an gnóthas faisnéis a sholáthar maidir le láithreáin ar fógraíodh go foirmiúil go ndéanfar oibríochtaí orthu amach anseo;
  - (b) na bithóim agus na héiceachórais a bhfuil idirphlé aige leo a liostú, bunaithe ar liosta na suíomhanna a shainaitheintear faoi mhír AR 7(a);
  - (c) sláine agus tábhacht reatha na bithéagsúlachta agus an éiceachórais ag gach suíomh a shainaitheint agus an fhaisnéis a sholáthraítear i míreanna 16 agus 17 á cur san áireamh;
  - (d) liosta a fhorbairt de shuíomhanna ina bhfuil an gnóthas ag idirphlé le suíomhanna i **limistéir atá íogair ó thaobh na bithéagsúlachta de** nó gar dóibh, agus an fhaisnéis a chuirtear ar fáil i míreanna 16 agus 17 á cur san áireamh; agus
  - (e) na hearnálacha, na haonaid ghnó, na slabhraí luacha nó na haicmí sócmhainní a théann i gcomhéadan leis an mbithéagsúlacht agus le héiceachórais sna láithreáin ábhartha sin a shainaitheint. In ionad an idirphlé sin a shainaitheint in aghaidh an láithreáin, féadfaidh an gnóthas rogha a dhéanamh iad a shainaitheint in aghaidh an **amhábhair** a sholáthraítear nó a dhíoltar de réir meáchain i dtionnaí, má tá níos mó trédhearcachta ag baint leis an gcleachtas sin.
- AR 8. I gCéim 2, chun meastóireacht a dhéanamh ar na tionchair agus ar **spleáchais** iarbhir nó fhéideartha ar **bhithéagsúlacht** agus ar **éiceachórais** do **láithreáin** ábhartha, féadfaidh an gnóthas an méid seo a leanas a dhéanamh:
- (a) próisis agus gníomhaíochtaí gnó a théann i gcomhéadan leis an mbithéagsúlacht agus le héiceachórais a shainaitheint;
  - (b) tionchair agus spleáchais iarbhir agus ionchasacha a shainaitheint;
  - (c) léiriú a thabhairt ar mhéid, ar scála, ar mhinicíocht agus ar thráthchlár na dtionchar ar an mbithéagsúlacht agus ar éiceachórais agus na nochtaí faoi mhíreanna 16 agus 17 á gcur san áireamh. Thairis sin, féadfaidh an gnóthas na nithe seo a leanas a nochtadh:
    - i. an céatadán de shaoráidí a **sholáthróirí** atá lonnaithe i limistéir atá i mbaol

riosca (le **speicis faoi bhagairt** ar Liosta Dearg IUCN na Speiceas faoi Bhagairt, an Treoir maidir le hÉin agus Gnáthóga nó liosta náisiúnta de speicis faoi bhagairt, nó i Limistéir faoi Chosaint atá aitheanta go hoifigiúil, Líonra Natura 2000 de limistéir faoi chosaint agus Príomhlímistéir Bhithéagsúlachta);

- ii. an céatadán dá chaiteachas soláthair ó sholáthróirí a bhfuil saoráidí acu atá lonnaithe i limistéir atá i mbaol riosca (le speicis faoi bhagairt ar Liosta Dearg IUCN na Speiceas faoi Bhagairt, an Treoir maidir le hÉin agus Gnáthóga nó liosta náisiúnta de speicis faoi bhagairt, nó i Limistéir faoi Chosaint atá aitheanta go hoifigiúil, Líonra Natura 2000 de limistéir faoi chosaint agus Príomhlímistéir Bhithéagsúlachta); agus
- (d) léiriú a thabhairt ar mhéid agus scála na spleáchas ar an mbithéagsúlacht agus ar éiceachórais, lena n-áirítear ar amhábhair, ar **acmhainní nádúrtha** agus ar **éicisheirbhísí**. Féadfaidh an gnóthas dul i muinín na n- aicmithe idirnáisiúnta amhail an tAicmiú Idirnáisiúnta Coiteann ar Éicisheirbhísí (CICES).

AR 9. I gCéim 3, chun na **rioscaí** agus na **deiseanna** ábhartha a bhaineann leis a mheasúnú bunaithe ar thorthaí Chéim 1 agus Chéim 2, féadfaidh an gnóthas na catagóirí seo a leanas a mheas:

(a) **rioscaí fisiceacha:**

- i. géar-rioscaí (e.g., tubaistí nádúrtha atá níos measa mar gheall ar chailteanas cosanta cósta ó **éiceachórais**, rud a bhfuil costais damáiste stoirme do bhonneagar cósta, galair nó lotnaidí a dhéanann difear don speiceas nó don chineál bairr a bhfuil an gnóthas ag brath air, go háirithe i gcás nach ann d'aon éagsúlacht ghéiniteach nó i gcás éagsúlacht íseal ghéiniteach, cailteanas speiceas agus **díghrádúéiceachórais**); agus
- ii. rioscaí ainsealacha (e.g. cailteanas táirgeachta barr mar gheall ar laghdú ar sheirbhísí pailnithe, méadú ar ghanntanas na bpríomh-ionchur nádúrtha nó táirgeadh athraitheach na bpríomh-ionchur nádúrtha, díghrádú éiceachórais mar gheall ar oibríochtaí as a n-eascaíonn, mar shampla, creimeadh cósta agus ilroinnt foraoise, aigéadú na n-aigéan, cailteanas talún do **fhairsingiú fásaigh** agus **díghrádú ithreach** agus cailteanas torthúlachta ithreach, cailteanas speiceas dá bharr sin).

(b) **rioscaí aistrithe**, lena n-áirítear:

- i. **beartas** agus dlíthiúil: e.g. rialáil nó beartas a thabhairt isteach (e.g. athruithe amhail cosaint talún mhéadaithe); neamhchosaint ar smachtbhannaí agus dlíthíocht (e.g. doirteadh eiseilteach truaillitheach a dhéanann dochar do shláinte an duine agus do shláinte an éiceachórais; nó sárú ar chearta, ceadanna nó leithdháiltí a bhaineann leis an mbithéagsúlacht; nó faillí i ndáil le **speicis faoi bhagairt** nó marú na speiceas sin); oibleagáidí tuairiscithe feabhsaithe maidir leis an mbithéagsúlacht, éiceachórais agus seirbhísí gaolmhara;
- ii. teicneolaíocht: e.g. táirgí nó seirbhísí a ionadú le táirgí nó seirbhísí ag a bhfuil tionchar níos ísle ar bhithéagsúlacht nó spleáchas níos ísle ar éicisheirbhísí, easpa rochtana ar shonraí nó rochtain ar shonraí ar cháilíocht íseal a chuireann bac ar mheasúnuithe a bhaineann leis an mbithéagsúlacht, aistriú chuig teicneolaíochtaí níos éifeachtúla agus níos glaine (i.e. a bhfuil tionchair níos ísle acu ar an mbithéagsúlacht), teicneolaíochtaí nua faireacháin (e.g. satailít), ceanglais maidir le teicneolaíochtaí áirithe a úsáid (e.g. barra atá frithsheasmhach ó thaobh na haeráide de, pailneoirí meicniúla, íonú uisce, cosaint in aghaidh tuilte);
- iii. margadh: e.g., soláthar, éileamh agus maoiniú athraitheach, luaineacht nó costais mhéadaithe amhábhair (e.g., ionchur atá dian ó thaobh na bithéagsúlachta de a bhfuil ardú tagtha ar a phraghas mar gheall ar **dhíghrádú éiceachórais**);

- iv. clú: e.g., braistintí athraitheacha sochaíocha, custaiméara nó pobail mar thoradh ar ról eagraíochta i gcailliúint bithéagsúlachta, sárú ar chearta a bhaineann leis an dúlra trí oibríochtaí, clúdach diúltach sna meáin mar gheall ar thionchair ar speicis chriticiúla agus/nó éiceachórais, coinbhleachtaí sóisialta a bhaineann leis an mbithéagsúlacht i dtaca le speicis atá i mbaol, limistéir faoi chosaint, acmhainní nó **truailiú**.

(c) **rioscaí sistéamacha**, lena n-áirítear:

- i. rioscaí a bhaineann le cliseadh éiceachórais nach bhfuil córas nádúrtha criticiúil ag feidhmiú a thuilleadh, e.g., baintear pointí iompaithe amach agus cliseann ar éiceachórais rud a bhfuil cailteanas fhorleathana gheografacha nó earnála mar thoradh air (rioscaí fisiceacha a shuimeáil);
- ii. riosca comhiomlánaithe a bhaineann le tionchair bhunúsacha **chailiúint na bithéagsúlachta** go leibhéil aistrithe agus riosca fisiceach ar fud earnáil amháin nó níos mó i bpunann (corparáideach nó airgeadais); agus
- iii. rioscaí tógálachta ina bhfuil an baol go dtógfaidh an córas eacnamaíoch ina iomláine na deacrachtaí airgeadais atá ag corparáidí nó institiúidí airgeadais áirithe a bhaineann le gan cuntas a choinneáil ar an neamhchosaint ar rioscaí bithéagsúlachta.

(d) deiseanna, lena n-áirítear, mar shampla:

- i. catagóirí feidhmíochta gnó: éifeachtúlacht acmhainne; táirgí agus seirbhísí; margaí; sreabhadh caipitil agus maoiniú; caipiteal clú; agus
- ii. catagóirí feidhmíochta inbhuanaitheachta: cosaint, athbhunú agus **athghiniúint** éiceachórais; úsáid inbhuanaithe a bhaint as acmhainní nádúrtha.

**Faisnéis a chur i láthair:**

AR 10. Féadfaidh an gnóthas na táblaí thíos a chur san áireamh chun a mheasúnú **ábharthachta** ar **láithreáin** ábhartha a shainaitheann faoi mhír AR 7 a éascú:

Éiciseirbhís...	Spleáchais iarbhir nó ionchasacha	
...	Athrú feidhmiúlachta	Cailteanas airgeadais
...	Teoranta, measartha nó suntasach	Teoranta, measartha nó suntasach
...	...	...

Suíomh láithreáin	Speicis faoi bhagairt, limistéir faoi chosaint, príomhlimistéir bhithéagsúlachta	Tionchair iarbhir nó ionchasacha			
		Minicíocht an tarlaithe	Luas an tionchair	Déine an tionchair	Acmhainneacht a mhaolaithe
...	...				

...	...	Ard, meánach, íseal	<1 bhliain nó 1–3 bliana nó >3 bli ana	Ard, meánac h, íseal	Ard, meánach, íseal
...	...	...	...	...	...

Maidir le AR 7(e), féadfaidh an gnóthas breithniú a dhéanamh ar úsáid a bhaint as an tábla thíos:

Cá dtáirgtear na hamhábhair nó cá bhfuil a bhfoinse?	Dearbhmeáchan na n- amhábhair (agus an céatadán de mheáchan na n- amhábhair)
I limistéir ina bhfuil speicis atá liostaithe ar Liosta Dearg IUCN na Speiceas faoi Bhagairt, sna Treoracha maidir le hÉin agus maidir le Gnáthóga nó ar liostaí náisiúnta de speicis faoi bhagairt	...
I limistéir faoi chosaint a aithnítear go hoifigiúil	...
I bPríomhlimistéir Bhithéagsúlachta eile	...

### **Ceanglas maidir le Nochtadh E4-2 – Beartais a bhaineann leis an mbithéagsúlacht agus éiceachórais**

- AR 11. Féadfar na **beartais** a dtugtar tuairisc orthu faoin gCeanglas seo maidir le Nochtadh a chomhtháthú i mbeartais chomhshaoil nó inbhuanaitheachta níos leithne lena gcumhdaítear fothopaicí éagsúla.
- AR 12. Féadfaidh an gnóthas faisnéis a sholáthar freisin faoin gcaoi a dtagraíonn an beartas do tháirgeadh, d'fhoinsíú nó do thomhaltas amhábhair, agus go háirithe an chaoi a ndéanann sé an méid seo a leanas:
- teorainn a chur le soláthar ó sholáthróirí nach féidir leo a léiriú nach bhfuil siad ag cur le damáiste suntasach do limistéir faoi chosaint nó do phríomhlimistéir **bhithéagsúlachta** (e.g., trí dheimhniú);
  - tagairt a dhéanamh do chaighdeáin aitheanta nó do dheimhnithe tríú páirtí a ndéanann rialtóirí formhaoirseacht orthu; agus
  - aghaidh a thabhairt ar amhábhair a thagann ó **éiceachórais** a ndearnadh bainistiú orthu chun dálaí bithéagsúlachta a chothabháil nó a fheabhsú, mar a léirítear le faireachán tráthrialta agus tuairisciú ar stádas bithéagsúlachta agus gnóthachain nó cailleanais.
- AR 13. Féadfaidh an gnóthas naisc agus ailíniú le spriocanna agus comhaontuithe domhanda eile a nochtadh amhail SDGanna (spriocanna forbartha inbhuanaithe) 2, 6, 14 agus 15 nó aon choinbhinsiún domhanda seanbhunaithe eile a bhaineann le bithéagsúlacht agus éiceachórais.
- AR 14. Agus **beartais** a bhaineann le hiarmhairtí sóisialta **spleáchas** agus **tionchar** a bhaineann leis an **mbithéagsúlacht** agus le **héiceachórais** á nochtadh faoi 23 (f), féadfaidh an gnóthas tagairt a dhéanamh go háirithe do Phrótaicál Nagoya agus don Choinbhinsiún maidir leis an mBithéagsúlacht (CBD).
- AR 15. Agus faisnéis á nochtadh ag an ngnóthas maidir le cé acu a thugann nó nach dtugann a bheartais aghaidh ar iarmhairtí sóisialta na dtionchar a bhaineann leis an mbithéagsúlacht

agus le héiceachórais faoi mhír 23(f), agus an dóigh a dtugann siad aghaidh orthu, féadfaidh sé faisnéis a sholáthar i ndáil leis an méid seo a leanas:

- (a) comhroinnt chothrom agus chomhionann na sochar a eascraíonn as úsáid acmhainní géiniteacha; agus
- (b) an **toiliú saor, roimh ré agus feasach** le haghaidh rochtain ar acmhainní géiniteacha.

AR 16. Féadfaidh an gnóthas míniú a thabhairt freisin ar an gcaoi a gcuireann a bheartas ar a chumas dó an méid seo a leanas a dhéanamh:

- (a) tionchair dhiúltacha ar an **mbithéagsúlacht** agus ar **éiceachórais** a sheachaint ina oibríochtaí féin agus sa **slabhra luacha** gaolmhar réamhtheachtach agus iarteachtach;
- (b) na tionchair dhiúltacha ar an mbithéagsúlacht agus ar éiceachórais nach féidir a sheachaint ina oibríochtaí agus ar fud an tslabhra luacha réamhtheachtaigh agus iarteachtaigh a laghdú agus a íoslaghdú;
- (c) éiceachórais dhíghrádaithe a athchóiriú agus a athshlánú nó éiceachórais ghlanta a athchóiriú tar éis dóibh a bheith nochtta do thionchair nach féidir a sheachaint agus/nó a íoslaghdú go hiomlán; agus
- (d) an méid a chuireann sé le spreagthaí ábhartha **chailiúint na bithéagsúlachta** a mhaolú.

AR 17. Agus a **bheartais** á nochtadh ag an ngnóthas, má tá tagairt á déanamh aige do chaighdeáin iompair tríú páirtí, féadfaidh an gnóthas a nochtadh an fíor an méid seo a leanas maidir leis an gcaighdeán a úsáideadh:

- (a) tá sé oibiachtúil agus inghnóthaithe bunaithe ar chur chuige eolaíoch i leith saincheisteanna a shainnithint, agus tá sé réalaíoch maidir le measúnú a dhéanamh ar conas is féidir aghaidh a thabhairt ar na saincheisteanna sin ar an talamh in imthosca praiticiúla éagsúla;
- (b) déantar é a fhorbairt nó a chothabháil trí phróiseas comhairliúcháin leanúnaigh le páirtithe leasmhara le hionchur cothrom ó gach grúpa páirtithe leasmhara ábhartha, lena n-áirítear táirgeoirí, trádálaithe, próiseálaithe, airgeadaí, daoine agus pobail áitiúla, pobail dhúchasacha, agus eagraíochtaí sochaí sibhialta a dhéanann ionadaíocht ar leasanna tomhaltóirí, comhshaoil agus sóisialta, gan aon ghrúpa údarás míchuí ná cumhacht chrosta a bheith acu ar an ábhar;
- (c) spreagann sé cur chuige céim ar chéim agus feabhas leanúnach, sa chaighdeán agus i gcur i bhfeidhm cleachtas bainistíochta níos fearr araon, agus is gá spriocanna fóinteacha agus garspriocanna sonracha a bhunú chun dul chun cinn a léiriú i gcomhréir le prionsabail agus critéir le himeacht ama;
- (d) tá sé infhíoraithe trí chomhlachtaí deimhniúcháin nó fíoraithe neamhspleácha, a bhfuil nósanna imeachta measúnaithe sainithe agus diana acu lena seachnaítear coinbhleachtaí leasa, agus a chomhlíonann treoraíocht ISO maidir le nósanna imeachta creidiúnaithe agus fíoraithe nó Airteagal 5(2) de Rialachán (CE) Uimh. 765/2008; agus
- (e) comhlíonann sé Cód Dea- Chleachtas ISEAL.

### **Ceanglas maidir le Nochtadh E4-3 – Gníomhaíochtaí agus acmhainní a bhaineann leis an mbithéagsúlacht agus éiceachórais**

AR 18. Féadfaidh an gnóthas méideanna suntasacha airgeadaíochta CapEx agus OpEx is gá chun na gníomhaíochtaí a rinneadh nó atá beartaithe a chur chun feidhme a nascadh leis an méid seo a leanas:

- (a) na míreanna líne ábhartha nó na nótaí ábhartha sna ráitis airgeadais;
- (b) na heochairtháscairí feidhmíochta a cheanglaítear faoi Airteagal 8 de Rialachán (AE) 2020/852 agus faoi Rialachán Tarmilgthe (AE) 2021/2178 ón gCoimisiún; agus

- (c) más infheidhme, an plean CapEx a cheanglaítear le Rialachán Tarmligthe (AE) 2021/2178 ón gCoimisiún.

AR 19. Féadfaidh an gnóthas a nochtadh cé acu a chuireann nó nach gcuireann sé plean gníomhaíochta ‘seachanta’ san áireamh, rud a chuireann cosc ar ghníomhaíochtaí díobhálacha sula ndéantar iad. Is minic a bhíonn cinneadh i gceist le seachaint imeacht ón gconair forbartha tionscadail ‘gnó mar is gnách’. Is sampla de sheachaint é an lorg bithéagsúlachta agus éiceachórais atá ag tionscadal a athrú chun scriosadh gnáthóige nádúrtha ar an láithreán a sheachaint agus/nó limistéir curtha i leataobh a bhunú a bhfuil luachanna bithéagsúlachta tosaíochta iontu agus ina gcaomhnófar na luachanna sin. Ar a laghad, ba cheart seachaint a chur san áireamh i gcás ina bhfuil luachanna a bhaineann leis an mbithéagsúlacht agus leis an éiceachóras i gceann de na catagóirí seo a leanas: go bhfuil siad an-leochaileach agus nach féidir iad a fháil ar ais, gur ábhar imní ar leith do pháirtithe leasmhara iad, nó go bhfuil údar le cur chuige faichilleach mar gheall ar éiginnteacht faoin measúnú tionchair nó faoi éifeachtúlacht na mbeart bainistíochta. Sainmhínítear na trí phríomhchineál seachanta anseo thíos:

- (a) seachaint trí roghnú láithreáin (An tionscadal iomlán a lonnú i bhfad ó limistéir a aithnítear ó thaobh luachanna tábhachtacha bithéagsúlachta de);
- (b) seachaint trí dheardh tionscadail (An bonneagar a chumrú chun limistéir ag an láithreán tionscadail a bhfuil luachanna tábhachtacha bithéagsúlachta acu a chaomhnú); agus
- (c) seachaint trí sceidealú (Gníomhaíochtaí tionscadail a uainiú sa chaoi go gcuirfeadh patrúin iompraíochta speiceas (e.g., pórú, imirce) nó feidhmeanna éiceachórais (e.g., dinimicí abhann) san áireamh).

AR 20. Maidir le **príomhghníomhaíochtaí**, féadfaidh an gnóthas an méid seo a leanas a nochtadh:

- (a) liosta de na **príomhpháirtithe leasmhara** lena mbaineann (e.g. iomaitheoirí, soláthróirí, miondíoltóirí, comhpháirtithe gnó eile, pobail agus údarais dá ndéantar difear, gníomhaireachtaí rialtais) agus an chaoi a bhfuil siad rannpháirteach, ina luaitear príomhpháirtithe leasmhara a mbíonn tionchar diúltach nó dearfach ag gníomhaíochtaí orthu agus an tionchar a bhíonn acu orthu, lena n-áirítear tionchair nó sochair a chruthaítear do phobail, d’fheirmeoirí beaga, do **phobail dhúchasacha** nó do dhaoine eile atá i staideanna leochaileacha dá ndéantar difear;
- (b) i gcás inarb infheidhme, míniú ar an ngá atá le comhairliúcháin iomchuí agus ar an ngá atá le cinntí na bpobal dá ndéantar difear a urramú;
- (c) measúnú gearr ar cé acu a d’fhéadfadh nó nach bhféadfadh na príomhghníomhaíochtaí tionchair shuntasacha dhiúltacha inbhuanaitheachta a spreagadh;
- (d) míniú ar cé acu atá an príomhghníomhaíocht beartaithe mar thionscnamh aon uaire nó mar chleachtas sistéamach;
- (e) míniú i dtaobh cé acu an é an gnóthas amháin a chuireann an plean príomhghníomhaíochta i gcrích, agus úsáid á baint as acmhainní an ghnóthais, nó an cuid de thionscnamh níos leithne é a gcuireann an gnóthas go mór leis. Más cuid de thionscnamh níos leithne é an plean príomhghníomhaíochta, féadfaidh an gnóthas tuilleadh faisnéise a sholáthar faoin tionscadal, faoina urraitheoirí agus faoi rannpháirtithe eile;
- (f) tuairisc ar an gcaoi a chuireann sé le hathrú ar fud an chórais, go háirithe chun na nithe a spreagann athrú ar an mbithéagsúlacht agus ar éiceachórais a athrú, e.g., trí thosca teicneolaíochta, eacnamaíochta, institiúideacha agus sóisialta agus athruithe ar bhunluachanna agus ar bhuniompar;

AR 21. I gcomhthéacs an Cheanglais seo maidir le Nochtadh, tagraíonn ‘eolas dúchasach traidisiúnta áitiúil’ do na tuiscintí, na scileanna agus na fealsúnachtaí a d’fhorbair sochaithe a bhfuil stair fhada acu d’idirghníomhaíochta lena dtimpeallacht nádúrtha. Maidir le pobail tuaithe agus **pobail dhúchasacha**, cuireann eolas áitiúil bonn eolais faoin gcinnteoireacht i

dtaobh gnéithe bunúsacha den saol laethúil.

### **Méadracht agus spriocanna**

#### **Ceanglas maidir le Nochtadh E4-4 – Spriocanna a bhaineann leis an mbithéagsúlacht agus éiceachórais**

AR 22. Féadfaidh an gnóthas a shonrú cé acu a thugtar nó nach dtugtar aghaidh sa **sprioc** ar easnaimh a bhaineann leis na critéir Rannchuidithe Shubstaintiúla le haghaidh Bithéagsúlachta mar a shainmhínítear sna gníomhartha tarmligthe arna nglacadh de bhun Airteagal 15(2) de Rialachán (AE) 2020/852. I gcás nach gcomhlíontar na critéir ‘Gan Dochar Suntasach a Dhéanamh’ (DNSH) maidir leis an mBithéagsúlacht mar a shainmhínítear i ngníomhartha tarmligthe arna nglacadh de bhun Airteagal 10(3), Airteagal 11(3), Airteagal 12(2), Airteagal 13(2), agus Airteagal 14(2) de Rialachán (AE) 2020/852, féadfaidh an gnóthas a shonrú cé acu a thugtar nó nach dtugtar aghaidh sa sprioc ar easnaimh a bhaineann leis na critéir DNSH sin.

AR 23. Agus an fhaisnéis a cheanglaítear faoi mhír 29 á nochtadh chun **spriocanna** a shocrú, breithneoidh an gnóthas an gá atá le toiliú feasach agus toilteanach ó phobail áitiúla agus ó **phobail dhúchasacha**, an gá atá le comhairliúcháin iomchuí agus an gá atá le cinntí na bpobal sin a urramú.

AR 24. Féadfar na **spriocanna** a bhaineann le tionchair ábhartha a chur i láthair i dtábla mar a léirítear thíos:

An cineál sprice de réir an ordlathais maolaithe	Luach bonnlíne agus bonnbhliain	Spriocluach agus raon feidhme geografach			Beartas nó reachtaíocht nasctha más ábhartha
		2025	2030	Suas le 2050	
Seachaint					
Ioslaghdú					
Athshlánú agus athchóiriú					
Cúiteamh nó fritháirimh					

AR 25. Maidir leis na **spriocanna** a bhaineann leis na hábhair inbhuanaitheachta a d’fhéadfadh a bheith ábhartha a liostaítear i mír AR 4 den Chaighdeán seo, féadfar iad a chur i láthair i dtábla mar a léirítear thíos:

An cineál sprice de réir an ábhair inbhuanaitheachta	Luach bonnlíne agus bonnbhliain	Spriocluach agus raon feidhme geografach			Beartas nó reachtaíocht nasctha más ábhartha
		2025	2030	Suas le 2050	

AR 26. Féadfar **spriocanna** intomhaiste a bhaineann leis an **mbithéagsúlacht** agus le **héiceachórais** a chur in iúl mar a leanas:

- méid agus suíomh na limistéar **gnáthóige** uile a chosnaítear nó a athbhunaítear, bíodís á rialú go díreach nó go hindíreach ag an ngnóthas, agus bíodh rath an bhirt athbhunaithe formheasta ag gairmithe seachtracha neamhspleácha nó ná bíodh;
- dromchlaí athchruthaithe (timpeallachtaí ina gcuirtear tionscnaimh bhainistíochta chun feidhme chun gnáthóg a chruthú ar **láithreán** nach raibh sé ann ar dtús); nó
- an líon tionscadal/láithreán nó an céatadán díobh ar cuireadh feabhas ar a sláine

éiceolaíoch (e.g. suiteáil bealaí éisc, conairí fiadhúlra).

### **Ceanglas maidir le Nochtadh E4-5 – Méadracht tionchair a bhaineann le hathrú bithéagsúlachta agus éiceachóras**

---

AR 27. Agus an fhaisnéis a cheanglaítear faoin gCeanglas seo maidir le Nochtadh á hullmhú ag an ngnóthas, déanfaidh sé an méid seo a leanas a mheas agus féadfaidh sé tuairisc a thabhairt air:

- (a) na modheolaíochtaí agus an mhéadracht a úsáideadh agus míniú ar an bhfáth a roghnaítear na modheolaíochtaí agus an mhéadracht sin, chomh maith lena dtoimhdí, a dteorainneacha agus a neamhchinnteachtaí, agus aon athrú ar mhodheolaíochtaí a rinneadh le himeacht ama agus an fáth ar tharla siad;
- (b) raon feidhme na méadrachta agus na modheolaíochtaí, mar shampla:
  - i. gnóthas, **láithreán**, branda, tráchtearra, aonad gnó corparáideach, gníomhaíocht;
  - ii. gnéithe (mar a leagtar amach i mír AR 4) a chumhdaítear.
- (c) comhpháirteanna **bithéagsúlachta** na méadrachta: sonrach don speiceas, sonrach don éiceachóras;
- (d) na limistéir gheografacha a chumhdaítear leis an modheolaíocht agus míniú ar an bhfáth ar fágadh aon limistéar geografach ábhartha ar lár;
- (e) an dóigh a gcomhtháthaíonn an mhéadracht **tairseacha éiceolaíocha** (e.g., **sláine an bhithsféir** agus **athrú ar an gcóras talún, teorainneacha pláinéadacha**) agus leithdháiltí;
- (f) minicíocht an fhaireacháin, na príomh-mhéadrachtaí a bhfuil faireachán á dhéanamh orthu, agus an coinníoll/luach bonnlíne agus an bhliain/tréimhse bhonnlíne, chomh maith leis an tréimhse thagartha;
- (g) cé acu a bhraitheann an mhéadracht sin ar shonraí príomhúla, ar shonraí tánaisteacha, ar shonraí samhaltaithe nó ar bhreithiúnas saineolaí, nó ar mheascán díobh sin;
- (h) léiriú maidir leis an ngníomhaíocht a ndéantar tomhas agus faireachán uirthi trí bhíthin na méadrachta agus an chaoi a mbaineann siad le baint amach na **spríocanna**;
- (i) cé acu sainordaitheach (ceanglaítear le reachtaíocht í) nó deonach atá méadracht. Má tá sí sainordaitheach, féadfaidh an gnóthas an reachtaíocht ábhartha a shonrú; má tá sí deonach, féadfaidh an gnóthas tagairt a dhéanamh d'aon chaighdeán deonach nó d'aon nós imeachta deonach a úsáideadh; agus
- (j) cé acu atá nó nach bhfuil an mhéadracht bunaithe ar ionchais nó moltaí maidir le treoirlínte, **beartais**, reachtaíocht nó comhaontuithe ábhartha agus údarásacha ar leibhéal náisiúnta, ar leibhéal an Aontais nó ar leibhéal idir-rialtasach, amhail an Coinbhinsiún maidir leis an mBithéagsúlacht (CBD) nó IPBES, nó an gcomhfhreagraíonn an mhéadracht dóibh sin.

AR 28. Nochtfaidh an gnóthas **méadracht** atá infhíoraithe agus atá láidir go teicniúil agus ó thaobh na heolaíochta de, i bhfianaise na n-amscálaí agus na limistéar geografach iomchuí, agus féadfaidh sé an chaoi a gcomhfhreagraíonn a mhéadracht roghnaithe do na critéir sin a nochtadh. Chun a áirithiú go bhfuil an mhéadracht ábhartha, ba cheart gaol soiléir a bheith idir an táscaire agus cuspóir an tomhais. Ba cheart neamhchinnteachtaí a laghdú a mhéid is féidir. Ba cheart d'eagraíochtaí seanbhunaithe tacú leis na sonraí nó leis na sásraí a úsáidtear agus ba cheart iad a thabhairt cothrom le dáta le himeacht ama. Is féidir sonraí samhaltaithe láidre agus breithiúnas saineolaí a úsáid i gcás ina bhfuil bearnaí sna sonraí. Beidh an mhodheolaíocht mionsonraithe go leor chun gur féidir comparáid fhóinteach a dhéanamh idir tionchair agus gníomhaíochtaí maolúcháin le himeacht ama. Ní mór próisis bailithe faisnéise agus sainmhínte a chur i bhfeidhm go córasach. Fágann sé sin gur féidir athbhreithniú fóinteach a dhéanamh ar fheidhmíocht an ghnóthais le himeacht ama agus

cuidíonn sé le comparáid inmheánach agus piaraí a dhéanamh.

- AR 29. Má chomhfhreagraíonn méadracht do sprioc, beidh bonnlíne an dá cheann ailínithe. Is cuid riachtanach den mhórphróiseas bainistithe bithéagsúlachta agus **éiceachóras** í an bhonnlíne **bhithéagsúlachta**. Tá gá leis an mbonnlíne chun bonn eolais a chur faoi mheasúnú tionchair agus pleanáil bainistíochta, chomh maith le faireachán agus bainistíú oiriúnaitheach.
- AR 30. Féadfar modheolaíochtaí atá ann chun sonraí a bhailiú agus chun tionchair na ngnóthas ar **bhithéagsúlacht** agus ar **éiceachórais** a thomhas a dheighilt i dtrí chatagóir mar a leanas:
- (a) sonraí príomhúla: sonraí arna mbailiú *in situ* ag úsáid suirbhéanna ar an talamh;
  - (b) sonraí tánaisteacha: lena n-áirítear sraitheanna sonraí geospásúla atá forleagtha le sonraí suímh geografacha gníomhaíochtaí gnó.
    - i. Ar leibhéal na speiceas, is féidir sraitheanna sonraí ar raonta speiceas éagsúil a úsáid chun na speicis a d'fhéadfadh a bheith i láthair ag suíomhanna éagsúla a thuar. Áirítear leis sin **láithreáin** oibriúcháin agus suíomhanna foinsithe. Beidh leibhéal éagsúla cruinnis ag sraitheanna éagsúla raon, ag brath ar thosca áirithe (e.g., an ndearnadh scagadh ar na raonta speiceas bunaithe ar infhaighteacht **gnáthóige**). Faisnéis maidir le stádas bagartha na speiceas, agus maidir leis na gníomhaíochtaí atá ina mbagairt orthu, is féidir léi sin léiriú a thabhairt ar an mbealach dóchúil a bhféadfadh gníomhaíochtaí gnó a bheith ag rannchuidiú le treochtaí pobal speiceas agus stádas a mbagartha.
    - ii. Ar leibhéal an éiceachórais, is féidir sraitheanna sonraí lena léirítear an t-athrú ar mhéid agus riocht na n-éiceachóras a chur i bhfeidhm, lena n-áirítear leibhéal **ilroinnte** agus comhcheangailteachta **gnáthóige**.
  - (c) sonraí samhaltaithe maidir le staid na bithéagsúlachta: Cineálacha cur chuige bunaithe ar shamhail, úsáidtear go coitianta iad chun táscairí leibhéal éiceachórais a thomhas (e.g. fairsinge, bail, nó feidhm). Cainníochtaítear le samhlacha conas a dhéanann méid brúnna éagsúla difear do staid na bithéagsúlachta. Tagraítear dóibh sin mar ghaolmhaireachtaí brú- staid agus tá siad bunaithe ar shonraí atá nasctha go domhanda. Cuirtear torthaí samhaltaithe i bhfeidhm go háitiúil chun meastachán a dhéanamh ar an gcaoi a dtiocfaidh athruithe ar riocht an éiceachórais de bharr brúnna ar leibhéal gnóthais. Is iondúil go mbíonn trí phríomhthréith ag spreagadh tionchair: méid (e.g., méid an éilleáin, déine an torainn), méid spásúil (e.g., achar talún éillithe) agus méid ama (fad marthanachta éilleáin).
- AR 31. Maidir le measúnú saolré ar úsáid talún, féadfaidh an gnóthas tagairt a dhéanamh do na 'Táscairí comhshaoil a bhaineann le húsáid talún le haghaidh Measúnú Saolré' ón Airmheán Comhpháirteach Taighde.
- AR 32. Maidir le speicis choimhthíocha ionracha a thabhairt isteach, féadfaidh an gnóthas na conairí agus an líon **speiceas coimhthíoch ionrach** agus méid an dromchla a chumhdaítear le speicis choimhthíocha ionracha a nochtadh.
- AR 33. Maidir le méadracht maidir le méid agus riocht na **n-éiceachóras**, is féidir treoraíocht úsáideach a fháil in obair Chóras na gCuntas Eacnamaíoch Comhshaoil de na Náisiúin Aontaithe - Cuntasaíocht Éiceachórais (UN SEEA EA).
- AR 34. Féadfaidh an gnóthas nochtadh a dhéanamh in aonaid limistéir (e.g., m<sup>2</sup> nó ha) ar úsáid talún trí úsáid a bhaint as treoraíocht arna soláthar ag an Scéim um Bainistíocht agus Iniúchadh Comhshaoil (EMAS)<sup>89</sup>:
- (a) úsáid iomlán talún;
  - (b) an t-achar iomlán atá séalaithe;

<sup>89</sup> Mar a moladh le Rialachán (AE) 2018/2026 ón gCoimisiún an 19 Nollaig 2018 lena leasaítear larscríbhinn IV a ghabhann le Rialachán (CE) Uimh. 1221/2009 ó Pharlaimint na hEorpa agus ón gComhairle maidir le rannpháirtíocht shaorálach eagraíochtaí i scéim Chomhphobail um bainistíocht agus iniúchadh comhshaoil (EMAS) (IO L 325, 20.12.2018, lch. 18).

- (c) an t- achar iomlán atá dírithe ar an dúlra ar an **láthair**, agus
- (d) an t- achar iomlán atá dírithe ar an dúlra lasmuigh den láthair.

AR 35. Féadfaidh an gnóthas, mar shampla, athrú ar chumhdach talún a nochtadh, is é sin léiriú fisiceach ar na spreagthaí ‘modhnú gnáthóige’ agus ‘gníomhaíochtaí tionsclaíocha agus tí’, i.e. athrú de dhéantús an duine nó athrú nádúrtha ar airíonna fisiceacha dhromchla an domhain ag suíomh sonrath.

AR 36. Is gnáth-athróg é cumhdach talún ar féidir é a mheasúnú le sonraí fhaire na cruinne.

AR 37. Agus tuairisciú á dhéanamh ar thionchair ábhartha a bhaineann leis na **héiceachórais**, féadfaidh an gnóthas, sa bhreis ar mhéid agus riocht na n-éiceachóras, feidhmiú na n-éiceachóras a chur san áireamh freisin tríd an méid seo a leanas a úsáid:

- (a) méadracht lena dtomhaistear próiseas nó feidhm a chuireann an t-éiceachóras i gcrích, nó lena léirítear cumas an éiceachórais tabhairt faoin bpróiseas sonrath sin nó faoin bhfeidhm shonrath sin: e.g. glantáirgiúlacht phríomhúil, arb é atá ann tomhas ar tháirgiúlacht plandaí bunaithe ar an ráta ag a stóráilann plandaí fuinneamh agus ar an ráta ag a gcuirtear ar fáil do speicis eile san éiceachóras é. Is croíphróiseas é a tharlaíonn chun go bhfeidhmeoidh éiceachórais. Tá baint aige le roinnt mhaith tosca, amhail éagsúlacht speiceas, ach ní thomhaistear na tosca sin go díreach leis; nó
- (b) Méadracht lena dtomhaistear athruithe ar dhaonra speicis a shaináithnítear go heolaíoch mar speiceas atá faoi bhagairt.

AR 38. Ar leibhéal an éiceachórais, féadfar sraitheanna sonraí lena léirítear an t-athrú ar mhéid agus riocht na **n-éiceachóras** a chur i bhfeidhm, lena n-áirítear leibhéil **ilroinnte** agus comhcheangailteachta **gnáthóige**.

### **Ceanglas maidir le Nochtadh E4-6 – Éifeachtaí airgeadais a bhfuil coinne leo ó rioscaí agus deiseanna ábhartha a bhaineann le bithéagsúlacht agus éiceachóras**

AR 39. Féadfaidh an gnóthas measúnú a chur san áireamh ar a tháirgí agus a sheirbhísí gaolmhara atá i mbaol sa ghearrthéarma, sa mheántéarma agus san fhadtéarma, ina míneofar an dóigh a sainítear iad, an dóigh a ndéantar meastachán ar mhéideanna airgeadais, agus cé na toimhdí criticiúla a dhéantar.

AR 40. Féadfaidh méid aonair nó raon a bheith i gcainníochtú na **n-éifeachtaí airgeadais a bhfuil coinne leo** i dtéarmaí airgeadaíochta faoi mhír 45(a).

## **ESRS E5** **ÚSÁID ACMHAINNÍ AGUS AN GEILLEAGAR CIORCLACH**

### **Clár ábhar**

---

#### **Cuspóir**

**Idirghníomhaíochtaí le ESRS eile**

**Ceanglais maidir le Nochtadh**

- **ESRS 2 Nochtaí ginearálta**

#### **Bainistiú tionchar, rioscaí agus deiseanna**

- **Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann le húsáid acmhainní agus leis an ngeilleagar ciorclach a shaináithint agus a mheasúnú**
- **Ceanglas maidir le Nochtadh E5-1 – Beartais a bhaineann le húsáid acmhainní agus leis an ngeilleagar ciorclach**
- **Ceanglas maidir le Nochtadh E5-2 – Gníomhaíochtaí agus acmhainní a bhaineann**

le húsáid acmhainní agus leis an ngeilleagar ciorclach

**Méadracht agus spriocanna**

- Ceanglas maidir le Nochtadh E5-3 – Spriocanna a bhaineann le húsáid acmhainní agus leis an ngeilleagar ciorclach
- Ceanglas maidir le Nochtadh E5-4 – Insreafaí acmhainní
- Ceanglas maidir le Nochtadh E5-5 – Eis-sreafaí acmhainní
- Ceanglas maidir le Nochtadh E5-6 – Éifeachtaí airgeadais a bhfuil coinne leo ó thionchair, rioscaí agus deiseanna a bhaineann le húsáid acmhainní agus leis an ngeilleagar ciorclach

Foscraibhinn A: Ceanglais maidir le Cur i bhFeidhm (AR)

– ESRS 2 Nochtaí ginearálta

**Bainistiú tionchar, rioscaí agus deiseanna**

- Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann le húsáid acmhainní agus leis an ngeilleagar ciorclach a shainaithint agus a mheasúnú
- Ceanglas maidir le Nochtadh E5-1 – Beartaí a bhaineann le húsáid acmhainní agus leis an ngeilleagar ciorclach
- Ceanglas maidir le Nochtadh E5-2 – Gníomhaíochtaí agus acmhainní i ndáil le húsáid acmhainní agus leis an ngeilleagar ciorclach

**Méadracht agus spriocanna**

- Ceanglas maidir le Nochtadh E5-3 – Spriocanna a bhaineann le húsáid acmhainní agus leis an ngeilleagar ciorclach
- Ceanglas maidir le Nochtadh E5-4 – Insreafaí acmhainní
- Ceanglas maidir le Nochtadh E5-5 – Eis-sreafaí acmhainní
- Ceanglas maidir le Nochtadh E5-6 – Éifeachtaí airgeadais a bhfuil coinne leo ó rioscaí agus deiseanna a bhaineann le húsáid acmhainní agus leis an ngeilleagar ciorclach

## Cuspóir

---

1. Is é cuspóir an Chaighdeáin seo na Ceanglais maidir le Nochtadh a shonrú a chuirfidh ar a gcumas d'úsáideoirí an ***ráitis inbhuanaitheachta*** na nithe seo a leanas a thuiscint:
  - (a) an chaoi a ndéanann an gnóthas difear d'úsáid acmhainní, lena n-áirítear éifeachtúlacht acmhainní, ídiú acmhainní agus foinsiú agus úsáid inbhuanaithe acmhainní inathnuaite a sheachaint (dá dtagraítear sa Chaighdeán seo mar 'úsáid acmhainní agus an geilleagar ciorclach') i dtéarmaí na ***dtionchar*** ábhartha idir dhearfach agus diúltach, idir iarbhir agus fhéideartha;
  - (b) aon ***ghníomhaíocht*** a dhéantar, agus toradh na ngníomhaíochtaí sin, chun tionchair dhiúltacha iarbhir nó fhéideartha a eascraíonn as úsáid acmhainní a chosc nó a mhaolú, lena n-áirítear a bhearta chun cabhrú lena fhás eacnamaíoch a dhíchúpláil ó úsáid ábhar, agus chun aghaidh a thabhairt ar rioscaí agus deiseanna;
  - (c) pleananna agus acmhainneacht an ghnóthais a straitéis agus a ***shamhail ghnó*** a oiriúnú i gcomhréir le ***prionsabail an gheilleagair chiorclaigh*** lena n-áirítear ***dramhail*** a íoslaghú, luach táirgí, ábhar agus acmhainní eile a choinneáil ag an luach is airde, ach gan bheith teoranta don mhéid sin, agus feabhas a chur ar a n-úsáid éifeachtúil i dtáirgeadh agus i dtomhaltas;
  - (d) nádúr, cineál agus méid rioscaí agus dheiseanna ábhartha an ghnóthais a bhaineann le tionchair agus ***spleáchais*** an ghnóthais, a eascraíonn as úsáid acmhainní agus as an ngeilleagar ciorclach, agus an chaoi a mbainistíonn an gnóthas iad; agus
  - (e) na ***héifeachtaí airgeadais*** ar an gnóthas a bhaineann le rioscaí agus deiseanna ábhartha sa ghearrthéarma, sa mheántéarma agus san fhadtéarma a eascraíonn as tionchair agus as spleáchais an ghnóthais ar úsáid acmhainní agus ar an ngeilleagar ciorclach.
2. Leagtar amach sa Chaighdeán seo na Ceanglais maidir le Nochtadh a bhaineann le 'húsáid

acmhainní' agus 'geilleagar ciorclach' agus go háirithe maidir leis an méid seo a leanas:

- (a) **insreafaí acmhainní** lena n-áirítear ciorclaíocht insreafaí acmhainní ábhartha, agus acmhainní inathnuaite agus neamh-inathnuaite á gcur san áireamh; agus
  - (b) **eis-sreafaí acmhainní** lena n-áirítear faisnéis maidir le táirgí agus ábhair; agus
  - (c) **dramhaíl**.
3. Ciallaíonn **geilleagar ciorclach** córas eacnamaíoch ina ndéantar luach na dtáirgí, na n-ábhar agus na n-acmhainní eile sa gheilleagar a chothabháil chomh fada agus is féidir, feabhas a chur ar a n-úsáid éifeachtúil sa táirgeadh agus sa tomhaltas, agus an tionchar atá ag a n-úsáid ar an gcomhshaoil a laghdú ar an gcaoi sin, **dramhaíl** a íoslaghú agus scaoileadh **substaintí** guaiseacha i ngach céim dá saolré a íoslaghú, lena n-áirítear trí **ord na réiteach dramhaíola** a chur i bhfeidhm. Is é an sprioc luach na n-acmhainní, na dtáirgí agus na n-ábhar teicniúil agus bitheolaíoch, a uasmhéadú agus a chothabháil trí chóras a chruthú lena bhféadfar **marthanacht**, úsáid optamach nó athúsáid, athríochtú, athmhonarú, **athchúrsáil** agus timthriall cothaitheach a bhaint amach.
4. Leis an gCaighdeán seo, cuirtear le creataí agus **beartaí** reachtacha ábhartha de chuid an Aontais lena n-áirítear Plean Gníomhaíochta an Aontais Eorpaigh don Gheilleagar Ciorclach, Treoir 2008/98/CE ó Pharlaimint na hEorpa agus ón gComhairle<sup>90</sup> (an Treoir Réime Dramhaíola) agus an straitéis thionsclaíoch don Eoraip.
5. Chun meastóireacht a dhéanamh ar an aistriú ó ghnó mar is gnách, rud a chiallaíonn geilleagar ina mbaintear acmhainní finideacha chun táirgí a dhéanamh a úsáidtear agus a chaitear amach ansin ('táirgeadh líneach'), chuig córas eacnamaíoch ciorclach, braitheann an Caighdeán seo ar na sreafaí fisiceacha acmhainní, ábhar agus táirgí a úsáideann agus a ghineann an gnóthas a shainithint trí Cheanglas maidir le Nochtadh E5-4 **Insreafaí acmhainní** agus trí Cheanglas maidir le Nochtadh E5-5 **Eis-sreafaí acmhainní**.

### Idirghníomhaíochtaí le ESRS eile

6. Tá úsáid acmhainní ina spreagadh mór do thionchair chomhshaoil eile amháil an t-athrú aeráide, **truailliú**, uisce agus **acmhainní muirí** agus bithéagsúlacht. Is córas é **geilleagar ciorclach** a bhfuil claonadh ann úsáid inbhuanaithe a bhaint as acmhainní i dtaca le heastóscadh, próiseáil, táirgeadh, tomhaltas agus bainistiú **dramhaíola**. Baineann sochair chomhshaoil iomadúla leis an gcóras sin, go háirithe an laghdú ar thomhaltas ábhair agus fuinnimh agus laghdú ar **astaíochtaí** san aer (astaíochtaí gás ceaptha teasa nó truailliú eile), teorainn a chur le **haistarraingtí** agus **sceitheadh uisce** agus **athghiniúint** an dúlra lena gcuirtear teorainn leis an tionchar ar an mbithéagsúlacht.
7. Chun forléargas cuimsitheach a sholáthar maidir le cúrsaí comhshaoil eile a d'fhéadfadh a bheith ábhartha maidir le húsáid acmhainní agus maidir leis an ngeilleagar ciorclach, cumhdaítear ceanglais ábhartha maidir le nochtadh in ESRS comhshaoil eile mar a leanas:
- (a) ESRS E1 **Athrú aeráide**, lena dtugtar aghaidh, go háirithe, ar **astaíochtaí** GCT agus ar acmhainní fuinnimh (tomhaltas fuinnimh);
  - (b) ESRS E2 **Truailliú**, lena dtugtar aghaidh, go háirithe, ar astaíochtaí san uisce, san aer agus san **ithir** chomh maith le **substaintí ar údar imní iad**;
  - (c) ESRS E3 **Uisce agus acmhainní muirí**, lena dtugtar aghaidh, go háirithe, ar acmhainní uisce (tomhaltas uisce) agus acmhainní muirí; agus
  - (d) ESRS E4 **Bithéagsúlacht agus éiceachórais**, lena dtugtar aghaidh, go háirithe, ar éiceachórais, speicis agus amhábhair.
8. Is féidir le tionchair an ghnóthais a bhaineann le húsáid acmhainní agus leis an ngeilleagar ciorclach, go háirithe na tionchair a bhaineann le **dramhaíl**, difear a dhéanamh do dhaoine agus do phobail. Cumhdaítear in ESRS S3 **Pobail dá ndéantar difear** tionchair dhiúltacha

<sup>90</sup>Treoir 2008/98/CE ó Pharlaimint na hEorpa agus ón gComhairle an 19 Samhain 2008 maidir le dramhaíl agus lena n-aisghairtear Treoracha áirithe (IO L 312, 22.11.2008, lch. 3).

ábhartha ar **phobail dá ndéantar difear** de bharr úsáid acmhainní agus an **gheilleagair chiorclaigh** atá inchurtha i leith an ghnóthais. Téann úsáid éifeachtúil chiorclach acmhainní chun tairbhe an iomaíochais agus na folláine eacnamaíche freisin

9. Ba cheart an Caighdeán sin a léamh i gcomhar le ESRS 1 *Ceanglais ghinearálta* agus ESRS 2 *Nochtaí Ginearálta*.

## Ceanglais maidir le Nochtadh

---

### ESRS 2 Nochtaí ginearálta

10. Ba cheart ceanglais na roinne seo a léamh i gcomhar leis na nochtaí a cheanglaítear le ESRS 2 caibidil 4 *Bainistiú tionchar, rioscaí agus deiseanna* agus ba cheart iad a thuairisciú ina dteannta.

### Bainistiú tionchar, rioscaí agus deiseanna

#### **Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann le húsáid acmhainní agus leis an ngeilleagar ciorclach a shainaithint agus a mheasúnú**

---

11. Tabharfaidh an gnóthas tuairisc ar an bpróiseas chun **tionchair, rioscaí** agus **deiseanna** ábhartha a bhaineann le húsáid acmhainní agus leis an ngeilleagar ciorclach a shainaithint, go háirithe maidir le **hinsreafaí acmhainní, eis-sreafaí acmhainní** agus **dramhaíl**, agus soláthróidh sé faisnéis maidir leis an méid seo a leanas:
- (a) cé acu a rinne nó nach ndearna an gnóthas scagadh ar a shócmhainní agus ar a ghníomhaíochtaí chun a **thionchair, rioscaí** agus **deiseanna** iarbhír agus féideartha ina oibríochtaí féin agus ina shlabhra luacha réamhtheachtach agus iartheachtach a shainaithint, agus más amhlaidh a rinne, na modheolaíochtaí, na toimhdí agus na huirlisí a úsáideadh sa scagadh;
  - (b) cé acu a réachtáil nó nár réachtáil an gnóthas comhairliúcháin, go háirithe, leis na pobail dá ndéantar difear, agus an dóigh ar réachtáil sé iad.

#### **Ceanglas maidir le Nochtadh E5-1 – Beartais a bhaineann le húsáid acmhainní agus leis an ngeilleagar ciorclach**

---

12. Tabharfaidh an gnóthas tuairisc ar na beartais atá glactha aige chun bainistiú a dhéanamh ar a **thionchair, a rioscaí, a spleáchais, agus a dheiseanna** ábhartha a bhaineann le húsáid acmhainní agus leis an ngeilleagar ciorclach.
13. Is é cuspóir an Cheanglais seo maidir le Nochtadh tuiscint a chumasú ar a mhéid atá **beartais** ag an ngnóthas a thugann aghaidh ar a **thionchair, rioscaí** agus **deiseanna** ábhartha a bhaineann le húsáid acmhainní agus an **geilleagar ciorclach** a shainaithint, a mheasúnú, a bhainistiú agus/nó a **leigheas**.
14. Beidh sa nochtheadh a cheanglaítear le mír 12 an fhaisnéis faoi na **beartais** atá i bhfeidhm ag an ngnóthas chun a **thionchair, a rioscaí, agus a dheiseanna** ábhartha a bhaineann le **húsáid acmhainní** agus leis an ngeilleagar ciorclach a bhainistiú i gcomhréir le *ESRS 2 MDR-P Beartais arna nglacadh chun ábhair inbhuanaitheachta ábhartha a bhainistiú*.
15. San achoimre, cuirfidh an gnóthas in iúl cé acu a thugann nó nach dtugann a bheartais aghaidh ar na nithe seo a leanas nuair is ábhartha agus an dóigh a dtéann siad i ngleic leo:
- (a) aistriú ó úsáid acmhainní íona, lena n-áirítear méaduithe coibhneasta ar úsáid acmhainní tánaisteacha (athchúrsáilte);
  - (b) foinsiú inbhuanaithe agus úsáid acmhainní inathnuaite.
16. Tabharfaidh beartais aghaidh ar thionchair, rioscaí agus deiseanna ábhartha ina oibríochtaí

féin agus feadh a shlabhra luacha réamhtheachtaigh agus iartheachtaigh.

### ***Ceanglas maidir le Nochtadh E5-2 – Gníomhaíochtaí agus acmhainní a bhaineann le húsáid acmhainní agus leis an ngeilleagar ciorclach***

---

17. **Nochtfaidh an gnóthas na gníomhaíochtaí a dhéanann sé a bhaineann le húsáid acmhainní agus leis an ngeilleagar ciorclach agus na hacmhainní a leithdháiltear ar a gcur chun feidhme.**
18. Is é is cuspóir don Cheanglas seo maidir le Nochtadh tuiscint a chumasú ar na **príomhghníomhaíochtaí** a rinneadh agus atá beartaithe chun cuspóirí agus **spríocanna beartais** a bhaineann le húsáid acmhainní agus leis an ngeilleagar ciorclach a bhaint amach.
19. Maidir leis an tuairisc ar na **gníomhaíochtaí** agus na hacmhainní a leithdháiltear a bhaineann le húsáid acmhainní agus leis an ngeilleagar ciorclach, cloífidh sí leis na prionsabail a shainítear in ESRS 2 MDR-A *Gníomhaíochtaí agus acmhainní i ndáil le hábhair inbhuanaitheachta ábhartha*.
20. Chomh maith le ESRS 2 MDR-A, féadfaidh an gnóthas a shonrú cé acu a chumhdaítear nó nach gcumhdaítear an méid seo a leanas le gníomhaíocht agus le hacmhainní agus an dóigh a gcumhdaítear iad:
  - (a) leibhéal níos airde éifeachtúlachta acmhainní in úsáid ábhar teicniúil agus bitheolaíoch agus uisce, go háirithe i ndáil le hamhábhair chriticiúla agus tearcithir mar a liostaítear sa Chóras Faisnéise Amhábhair;
  - (b) rátaí úsáide níos airde d'amhábhair thánaisteacha (ábhair athchúrsáilte);
  - (c) cur i bhfeidhm an dearaidh chiorclaigh, as a dtiocfaidh marthanacht mhéadaithe agus optamú úsáid táirgí, agus rátaí níos airde i dtaca leis an méid seo a leanas: Athúsáid, Deisiú, Athriochtú, Athmhonarú, Athrú Cuspóra agus Athchúrsáil.
  - (d) cleachtas ghnó chiorclacha a chur i bhfeidhm amhail (i) **gníomhaíochtaí** coinneála luacha (cothabháil, deisiú, athriochtú, athmhonarú, saothrú le haghaidh comhpháirteanna, uasghrádú agus lóistíocht droim ar ais, córais lúbiata, miondól athlámhe), (ii) gníomhaíochtaí uasmhéadaithe luacha (córais seirbhísí táirgí, samhlacha gnó an gheilleagair chomhoibríoch agus chomhroinnte), (iii) gníomhaíochtaí deireadh ré (**athchúrsáil**, uaschúrsáil, freagracht leathnaithe táirgeora), agus (iv) gníomhaíochtaí éifeachtúlachta córas (siombóis thionsclaíoch);
  - (e) gníomhaíochtaí arna ndéanamh chun giniúint **dramhaíola** i slabhra luacha réamhtheachtach agus iartheachtach an ghnóthais a chosc; agus
  - (f) **bainistiú dramhaíola** a optamú i gcomhréir le **hord na réiteach dramhaíola**.

### **Méadracht agus spríocanna**

### ***Ceanglas maidir le Nochtadh E5-3 – Spríocanna a bhaineann le húsáid acmhainní agus leis an ngeilleagar ciorclach***

---

21. **Nochtfaidh an gnóthas na spríocanna atá leagtha síos aige a bhaineann le húsáid acmhainní agus leis an ngeilleagar ciorclach.**
22. Is é is cuspóir don Cheanglas seo maidir le Nochtadh tuiscint a thabhairt ar na **spríocanna** atá glactha ag an ngnóthas chun tacú lena **bheartas** maidir le húsáid acmhainní agus an **geilleagar ciorclach** agus chun aghaidh a thabhairt ar na tionchair, rioscaí agus deiseanna ábhartha a bhaineann leis.
23. Beidh na ceanglais faisnéise a shainítear in ESRS 2 MDR-T *Éifeachtacht beartas agus gníomhaíochtaí a rianú trí spríocanna* sa tuairisc ar na **spríocanna**.
24. Léireofar sa nochtadh a cheanglaítear le mír 21 cé acu a bhaineann nó nach mbaineann -

agus conas a bhaineann - **spríocanna** an ghnóthais le **hinsreafaí acmhainní** agus **eis-sreafaí acmhainní**, lena n-áirítear **dramhaíl** agus táirgí agus ábhair, agus, go sonrath leis an méid seo a leanas:

- (a) dearadh táirgí ciorclacha a mhéadú (lena n-áirítear, mar shampla, dearadh le haghaidh marthanachta, díchoimeála, indeisitheachta, in-athchúrsáilteachta etc.);
  - (b) an méadú ar an **ráta úsáide ábhair chiorclaigh**;
  - (c) íoslaghdú an óghábhair;
  - (d) foinsiú inbhuanaithe agus úsáid (i gcomhréir le prionsabal na húsáide cascáidí) acmhainní inathnuaite;
  - (e) an **bainistiú dramhaíola**, lena n-áirítear ullmhú le haghaidh cóireáil chuí; agus
  - (f) ábhair eile a bhaineann le húsáid acmhainní nó leis an ngeilleagar ciorclach.
25. Sonróidh an gnóthas cén tsraith d'**ord na réiteach dramhaíola** lena mbaineann an spríoc.
26. Chomh maith le ESRS 2 MDR-T, féadfaidh an gnóthas a shonrú cé acu a cuireadh nó nár cuireadh **tairseacha éiceolaíocha** agus leithdháiltí eintiteas-sonracha san áireamh agus **spríocanna** á socrú. Má cuireadh, féadfaidh an gnóthas an méid seo a leanas a shonrú:
- (a) na tairseacha éiceolaíocha a saináithníodh, agus an mhodheolaíocht a úsáideadh chun na tairseacha sin a shaináithint;
  - (b) cé acu atá nó nach bhfuil na tairseacha eintiteas-sonracha agus má tá, conas a cinneadh iad; agus
  - (c) an dóigh a leithdháiltear sa ghnóthas an fhreagracht as tairseacha éiceolaíocha sainaitheanta a urramú.
27. Sonróidh an gnóthas mar chuid den fhaisnéis chomhthéacsúil cé acu atá nó nach bhfuil na **spríocanna** atá leagtha síos agus curtha i láthair aige sainordaitheach (ceanglaítear le reachtaíocht iad) nó deonach.

### **Ceanglas maidir le Nochtadh E5-4 – Insreafaí acmhainní**

---

28. **Nochtfaidh an gnóthas faisnéis maidir lena insreafaí acmhainní a bhaineann leis na tionchair, na rioscaí agus na deiseanna ábhartha atá aige.**
29. Is é is cuspóir don Cheanglas seo maidir le Nochtadh tuiscint a thabhairt ar úsáid acmhainní in oibríochtaí an ghnóthais féin agus ina shlabhra luacha réamhtheachtach.
30. Áireofar sa nochtadh a cheanglaítear le mír 28 tuairisc ar a **insreafaí acmhainní** i gcás inarb ábhartha: táirgí (lena n-áirítear **pacáistíú**) agus ábhair (lena sonraítear amhábhair chriticiúla agus tearcithir), uisce agus réadmhaoin, gléasra agus trealamh a úsáidtear in oibríochtaí an ghnóthais féin agus feadh a shlabhra luacha réamhtheachtaigh.
31. Nuair a mheasann gnóthas gur ábhar inbhuanaitheachta ábhartha é insreafaí acmhainní, nochtfaidh sé an fhaisnéis seo a leanas faoi na hábhair a úsáidtear chun táirgí agus seirbhísí an ghnóthais a mhonarú le linn na tréimhse tuairiscithe, i dtioná nó i gcileagraim:
- (a) meáchan foriomlán na dtáirgí agus na n-ábhar teicniúil agus bitheolaíoch a úsáidtear le linn na tréimhse tuairiscithe;
  - (b) céatadán na n-ábhar bitheolaíoch (agus na mbithbhreoslaí a úsáidtear chun críocha neamhfhuinnimh) a úsáidtear chun táirgí agus seirbhísí an ghnóthais a mhonarú (lena n-áirítear **pacáistíocht**) a fhoinsítear go hinbhuanaithe, leis an bhfaisnéis faoin scéim deimhniúcháin a úsáidtear agus faoi chur i bhfeidhm prionsabal na húsáide cascáidí; agus
  - (c) meáchan, i ndearbhluach agus i gcéatadán, comhpháirteanna tánaisteacha athúsáidte nó athchúrsáilte, táirgí idirmheánacha tánaisteacha agus ábhair thánaisteacha a úsáidtear chun táirgí agus seirbhísí an ghnóthais a mhonarú (lena

n-áirítear pacáistíocht).

32. Soláthróidh an gnóthas faisnéis maidir leis na modheolaíochtaí a úsáidtear chun na sonraí a ríomh. Sonróidh sé an bhfaightear na sonraí ó thomhas díreach nó ó mheastacháin, agus nochtfaidh sé na príomhthoimhdí a úsáidtear.

### **Ceanglas maidir le Nochtadh E5-5 – Eis-sreafaí acmhainní**

---

33. **Nochtfaidh an gnóthas faisnéis maidir lena eis-sreafaí acmhainní, lena n-áirítear dramhaíl, a bhaineann leis na tionchair, na rioscaí agus na deiseanna ábhartha atá aige.**
34. Is é cuspóir an Cheanglais seo maidir le Nochtadh tuiscint a thabhairt ar na nithe seo a leanas:
- (a) an chaoi a rannchuidíonn an gnóthas leis an **ngeilleagar ciorclach** trí i) táirgí agus ábhair a dhearadh i gcomhréir le **prionsabail an gheilleagair chiorclaigh** agus ii) a mhéid a dhéantar táirgí, ábhair agus próiseáil **dramhaíola** a athchúrsáil sa chleachtas tar éis na chéad úsáide a mhéadú nó a uasmhéadú; agus
  - (b) straitéis laghdaithe dramhaíola agus **bainistithe dramhaíola** an ghnóthais, a mhéid is eol don ghnóthas conas a bhainistítear a dhramhaíl réamhthomhaltais ina chuid gníomhaíochtaí féin.

#### **Táirgí agus ábhair**

35. Soláthróidh an gnóthas tuairisc ar na príomhtháirgí agus ar na príomhábhair a thagann as próiseas táirgthe an ghnóthais agus a dheartar de réir prionsabail chiorclacha, lena n-áirítear **marthanacht**, in-athúsáidteacht, indeisitheacht, díchóimeáil, athmhonarú, athríochtú, **athchúrsáil**, ath-imshruthú tríd an mbith-thriall, nó optamú úsáid an táirge nó an ábhair trí shamhlacha gnó ciorclacha eile.
36. Nochtfaidh gnóthais a bhfuil eis-sreafaí ábhartha acu an méid seo a leanas:
- (a) **Marthanacht** ionchasach na dtáirgí a chuireann an gnóthas ar an margadh, i ndáil leis an meán tionscail do gach grúpa táirgí;
  - (b) Na táirgí indeisitheachta, agus úsáid á baint as córas rátála bunaithe, i gcás inar féidir;
  - (c) Rátaí an ábhair in-athchúrsáilte i dtáirgí agus ina **bpacáistíocht**.

#### **Dramhaíl**

37. Nochtfaidh an gnóthas an fhaisnéis seo a leanas maidir lena mhéid iomlán **dramhaíola** óna oibríochtaí féin, i dtوناí nó i gcileagraim:
- (a) méid iomlán na dramhaíola a ghintear;
  - (b) an méid iomlán de réir meáchain atreoraíodh ó dhiúscairt, le miondealú idir **dramhaíl ghuaiseach** agus dramhaíl neamhghuaiseach agus miondealú de réir na gcineálacha oibríochta **aisghabhála** seo a leanas:
    - i. ullmhú le haghaidh athúsáide;
    - ii. **athchúrsáil**; agus
    - iii. oibríochtaí aisghabhála eile.
  - (c) an méid de réir meáchain atá dírithe ar dhiúscairt de réir cineál cóireála dramhaíola agus an méid iomlán ina n-áirítear na trí chineál, le miondealú idir **dramhaíl ghuaiseach** agus dramhaíl neamhghuaiseach. Is iad na cineálacha cóireála dramhaíola atá le nochtadh:
    - i. **loscadh dramhaíola**;

- ii. líonadh talún; agus
  - iii. oibríochtaí diúscartha eile;
- (d) méid iomlán agus céatadán na dramhaíola neamh-athchúrsáilte<sup>91</sup>.
38. Agus comhdhéanamh na **dramhaíola** á nochtadh ag an ngnóthas, sonrúidh sé an méid seo a leanas:
- (a) na sruthanna dramhaíola is ábhartha dá earnáil nó dá ghníomhaíochtaí (e.g. fuíoll don ghnóthas in earnáil na mianadóireachta, dramhaíl leictreonach don ghnóthas in earnáil na ríomhtháirgí **tomhaltóra**, nó dramhaíl bhia don ghnóthas in earnáil na talmhaíochta nó in earnáil an fháilteachais); agus;
  - (b) na hábhair atá sa dramhaíl (e.g. bithmhais, miotail, mianraí neamh-mhíotalacha, plaistic, teicstílí, amhábhair chriticiúla agus tearcithir).
39. Nochtfaidh an gnóthas freisin méid iomlán na **dramhaíola guaisí** agus na dramhaíola radaighníomhaí arna nginiúint ag an ngnóthas, i gcás ina sainmhínítear dramhaíl radaighníomhach in Airteagal 3(7) de Threoir 2011/70/Euratom ón gComhairle<sup>92</sup>.
40. Soláthrúidh an gnóthas faisnéis chomhthéacsúil maidir leis na modheolaíochtaí a úsáidtear chun na sonraí a ríomh agus go háirithe na critéir agus na toimhdí a úsáidtear chun táirgí atá deartha de réir prionsabail chiorclacha faoi mhír 35 a chinneadh agus a aicmiú. Sonróidh sé an bhfaightear na sonraí ó thomhas díreach nó ó mheastacháin; agus nochtfaidh sé na príomhthoimhdí a úsáidtear.

### **Ceanglas maidir le Nochtadh E5-6 – Éifeachtaí airgeadais a bhfuil coinne leo ó rioscaí agus deiseanna ábhartha a bhaineann le húsáid acmhainní agus an geilleagar ciorclach**

41. **Nochtfaidh an gnóthas na héifeachtaí airgeadais a bhfuil coinne leo a bheidh ag rioscaí agus deiseanna ábhartha a eascraíonn as tionchair a bhaineann le húsáid acmhainní agus leis an ngeilleagar ciorclach.**
42. Tá an fhaisnéis a cheanglaítear le mír 41 sa bhreis ar an bhfaisnéis maidir leis na héifeachtaí airgeadais atá ann faoi láthair ar staid airgeadais, ar fheidhmíocht airgeadais agus ar shreafaí airgid an eintitis don tréimhse tuairiscithe a cheanglaítear faoi ESRS 2 SBM-3 mír 48 (d). Is é cuspóir an Cheanglais seo maidir le Nochtadh tuiscint a thabhairt ar na nithe seo a leanas:
- (a) **éifeachtaí airgeadais a bhfuil coinne leo** mar gheall ar **rioscaí** ábhartha a eascraíonn as tionchair agus **spleáchais** a bhaineann le húsáid acmhainní agus leis an **ngeilleagar ciorclach** agus an tionchar ábhartha a bhíonn ag na rioscaí sin nó an tionchar ábhartha a bhféadfaí coinne réasúnach a bheith leis go mbeadh ag na rioscaí sin ar staid airgeadais, ar fheidhmíocht airgeadais agus ar shreafaí airgid an ghnóthais sa ghearrthéarma, sa mheántéarma agus san fhadtéarma; agus
  - (b) éifeachtaí airgeadais a bhfuil coinne leo mar gheall ar dheiseanna ábhartha a bhaineann le húsáid acmhainní agus leis an ngeilleagar ciorclach.
43. Áireofar an méid seo a leanas sa nochtadh:

<sup>91</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchair phríomha mar a leagtar amach le táscaire #13 i dTábla II d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Cóimheas dramhaíola neamh-athchúrsáilte').

<sup>92</sup> Treoir 2011/70/Euratom ón gComhairle an 19 Iúil 2011 lena mbunaítear creat Comhphobail maidir le bainistiú freagrach agus sábháilte ar bhreosla spionta agus ar dhramhaíl radaighníomhach (IO L 199, 2.8.2011, lch. 48). Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire sainordaitheach a bhaineann le drochthionchair phríomha mar a leagtar amach le táscaire #9 i dTábla I d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('dtaca le hinfeistíochtaí inbhuanaithe ('Cóimheas idir dramhaíl ghuaiseach agus dramhaíl radaighníomhach').

- (a) cainníochtú ar na **héifeachtaí airgeadais a bhfuil coinne leo** i dtéarmaí airgeadaíochta sula ndéanfar gníomhaíochtaí a bhaineann le húsáid acmhainní agus leis an ngeilleagar ciorclach a mheas nó, i gcás nach féidir é sin a dhéanamh gan costas nó iarracht mhíchuí, faisnéis cháilíochtúil. Maidir le **héifeachtaí airgeadais** a eascraíonn as deiseanna ábhartha, ní éilítear cainníochtú más rud é go mbeadh mar thoradh air nochtadh nach gcomhlíonann saintréithe cáilíochtúla na faisnéise (féach ESRS 1 Foscríbhinn B *Saintréithe cáilíochtúla na faisnéise*);
- (b) tuairisc ar na héifeachtaí a breithníodh, na tionchair agus na spleáchais lena mbaineann siad agus na tréimhsí ama inar dócha go dtiocfaidh siad chun cinn;
- (c) na toimhdí criticiúla a úsáidtear chun na **héifeachtaí airgeadais a bhfuil coinne leo** a chainníochtú, chomh maith le foinsí agus leibhéal éiginnteachta na dtoimhdí sin.

## **Foscríbhinn A: Ceanglais maidir le Cur i bhFeidhm (AR)**

---

Is dlúthchuid de ESRS E5 í an fhoscríbhinn seo. Tacaíonn sí le cur i bhfeidhm na gceanglas maidir le nochtadh a leagtar amach sa chaighdeán seo agus tá an t-údarás céanna aici agus atá ag na codanna eile den chaighdeán.

### **ESRS 2 Nochtaí ginearálta**

#### **Bainistiú tionchar, rioscaí agus deiseanna**

#### ***Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a bhaineann le húsáid acmhainní agus leis an ngeilleagar ciorclach a shainithint agus a mheasúnú***

---

- AR 1. Agus measúnú **ábharthachta** á dhéanamh ag an ngnóthas ar fhothopaicí comhshaoil, déanfaidh an gnóthas measúnú ar ábharthacht úsáid acmhainní agus an gheilleagair chiorclaigh ina oibríochtaí féin agus ina shlabhra luacha réamhtheachtach agus iartheachtach, agus féadfaidh sé na ceithre chéim thíos a mheas, ar a dtugtar cur chuige LEAP freisin:
- (a) Céim 1: an áit a dtarlaíonn an comhéadan leis an dúlra a aimsiú in oibríochtaí dílse an ghnóthais agus feadh a shlabhra luacha réamhtheachtaigh agus iartheachtaigh;
  - (b) Céim 2: meastóireacht a dhéanamh ar na **spleáchais** agus ar na tionchair;
  - (c) Céim 3: measúnú a dhéanamh ar na rioscaí agus na deiseanna ábhartha;
  - (d) Céim 4: torthaí an mheasúnaithe ábharthachta a ullmhú agus a thuairisciú.
- AR 2. Maidir le ESRS E5, braitheann céimeanna 1 agus 2 go príomha ar na measúnuithe **ábharthachta** a dhéantar faoi ESRS E1 (lena n-áirítear tomhaltas fuinnimh), ESRS E2 (truailliú), ESRS E3 (acmhainní muirí, tomhaltas uisce) agus ESRS E4 (bithéagsúlacht, éiceachórais, amhábhair). Go deimhin, tá sé d'aidhm ag an **ngeilleagar ciorclach** ar deireadh an tionchar atá ag úsáid táirgí, ábhar agus acmhainní eile ar an gcomhshaoil a laghdú, **dramhail** agus scaoileadh **substaintí** guaiseacha a íoslaghdú agus, dá bhrí sin, tionchair ar an dúlra a laghdú. Leis an gCeanglas seo maidir le Cur i bhFeidhm díritear go príomha ar an tríú céim den chur chuige LEAP seo, agus tugtar aghaidh sa cheathrú céim ar thoradh an phróisis.
- AR 3. Sa phróiseas chun measúnú a dhéanamh ar **ábharthacht** na **dtionchar**, na **spleáchas**, na **rioscaí** agus na **ndeiseanna**, breithneofar na forálacha in ESRS 2 IRO-1 *Tuairisc ar na próisis chun tionchair, rioscaí agus deiseanna ábhartha a shainithint agus a mheasúnú* agus IRO-2 *Ceanglais maidir le Nochtadh in ESRS a chumhdaítear le ráiteas inbhuanaitheachta an ghnóthais*.
- AR 4. Áirítear an méid seo a leanas leis na fothopaicí a bhaineann le húsáid acmhainní agus leis an **ngeilleagar ciorclach** a chumhdaítear leis an measúnú **ábharthachta**:

- (a) **insreafaí acmhainní** lena n-áirítear ciorclaíocht insreafaí acmhainní ábhartha, agus optamú úsáide acmhainní, déine ábhar agus táirgí agus acmhainní inathnuaite agus neamh-inathnuaite á gcur san áireamh;
- (b) **eis- sreafaí acmhainní** a bhaineann le táirgí agus seirbhísí; agus
- (c) **dramháil**, lena n-áirítear **dramháil ghuaiseach** agus **bainistiú dramhaíola** neamhghuaisí.

AR 5. I gCéim 3, chun na **rioscaí** agus na **deiseanna** ábhartha a bhaineann leis a mheasúnú bunaithe ar thorthaí Chéim 1 agus Chéim 2, féadfaidh an gnóthas an méid seo a leanas a dhéanamh:

- (a) **rioscaí** agus deiseanna **aistrithe** a shainithint ina oibríochtaí féin agus ina **shlabhra luacha** réamhtheachtach agus iartheachach, lena n-áirítear an riosca fanacht i gcás 'gnó mar is gnách':
  - i. **beartas** agus dlí, e.g. toirmisc ar acmhainní neamh-inathnuaite a eastóscadh agus a úsáid, rialacháin maidir le cóireáil **dramhaíola**;
  - ii. teicneolaíocht, e.g. teicneolaíochtaí nua a thabhairt isteach sa mhargadh chun úsáid táirgí agus ábhar atá ann cheana a ionadú;
  - iii. an margadh, e.g., soláthar, éileamh agus maoiniú a athrú;
  - iv. clú, e.g. braistintí sochaíocha, custaiméirí nó pobail a athrú.
- (b) **rioscaí fisiceacha** a shainithint lena n-áirítear ídiú stoic agus úsáid acmhainní inathnuaite íona agus neamhíona, agus acmhainní neamh-inathnuaite;
- (c) deiseanna a shainithint arna n-aicmiú mar a leanas:
  - i. éifeachtúlacht acmhainne: e.g., aistriú chuig seirbhísí agus próisis níos éifeachtúla a éilíonn níos lú acmhainní, éicidhearthóireacht le haghaidh **fad saoil**, deisiú, athúsáid, athchúrsáil, fotháirgí, córais aisghlactha, gníomhaíocht díchúplála ó eastóscadh ábhar, úsáid ábhair chiorclaigh a ghéarú, córas a chruthú lena gcumasaítear dí-ábharú (e.g. digitiú, rátaí úsáide a fheabhsú, meáchan a laghdú); cleachtais chun a áirithiú go ndéanfar táirgí agus ábhair a bhailiú, a shórtáil, agus a athúsáid, a dheisiú, a athriochtú, a athmhonarú;
  - ii. margaí: e.g., éileamh ar tháirgí agus ar sheirbhísí nach bhfuil chomh dian ó thaobh acmhainní de, agus samhlacha nua tomhaltais amhail táirge mar sheirbhís, íoc in aghaidh na húsáide, comhroinnt, léasú;
  - iii. maoiniú: e.g. rochtain ar chistí, bannaí nó iasachtaí glasa;
  - iv. athléimneacht: e.g. éagsúlú acmhainní agus gníomhaíochtaí gnó (e.g., tús a chur le haonad gnó nua chun ábhair nua a athchúrsáil), infheistiú i mbonneagair ghlasa, sásraí **athchúrsála** agus ciorclaíochta a ghlacadh lena laghdaítear na **spleáchais**, cumas an ghnóthais stoic agus sreafaí acmhainní a choimirciú amach anseo; agus
  - v. clú.

AR 6. Féadfaidh an gnóthas na modheolaíochtaí seo a leanas a bhreithniú chun measúnú a dhéanamh ar **a thionchair**, **a rioscaí** agus **a dheiseanna** i dtaca lena oibríochtaí dílse agus feadh a **shlabhra luacha** réamhtheachtaigh agus iartheachtaigh:

- (a) Moladh ón gCoimisiún 2021/2279 maidir le modhanna an Loirg Comhshaoil a úsáid chun feidhmíocht chomhshaoil táirgí agus eagraíochtaí ar feadh a saolré a thomhas agus a chur in iúl (Iarscríbhinn I – Lorg Comhshaoil Táirge; Iarscríbhinn III — Lorg Comhshaoil Eagraíochta); agus
- (b) Anailís ar Shreabhadh Ábhar (MFA) ón nGníomhaireacht Eorpach Comhshaoil.

AR 7. Agus faisnéis á soláthar maidir le toradh an mheasúnaithe **ábharthachta**, déanfaidh an gnóthas an méid seo a leanas a mheas:

- (a) liosta d'aonaid ghnó a bhaineann le tionchair, rioscaí agus deiseanna ábhartha a

bhaineann le húsáid acmhainní agus leis an geilleagar ciorclach i gcomhthéacs tháirgí agus sheirbhísí an ghnóthais agus an **dramháil** a ghineann sé;

- (b) liosta de na hacmhainní ábhartha a úsáideann an gnóthas agus iad in ord tosaíochta;
- (c) na tionchair agus rioscaí ábhartha a bhaineann lena bheith ag fanacht i gcás gnó mar is gnách;
- (d) na deiseanna ábhartha a bhaineann le geilleagar ciorclach;
- (e) na tionchair agus na rioscaí ábhartha a bhaineann le haistriú chuig geilleagar ciorclach; agus
- (f) céimeanna an **tslabhra luacha** ina bhfuil úsáid acmhainní, rioscaí agus tionchair dhiúltacha comhchruinnithe.

### **Ceanglas maidir le Nochtadh E5-1 – Beartais a bhaineann le húsáid acmhainní agus leis an ngeilleagar ciorclach**

---

- AR 8. Féadfar na beartais a dtugtar tuairisc orthu faoin gCeanglas seo maidir le Nochtadh a chomhtháthú i mbeartais chomhshaoil nó inbhuanaitheachta níos leithne lena gcumhdaítear fothopaicí éagsúla.
- AR 9. Agus faisnéis maidir lena bheartais á soláthar aige, breithneoidh an gnóthas cé acu agus conas a thugann nó nach dtugann a bheartais aghaidh ar na nithe seo a leanas:
- (a) **ord na réiteach dramhaíola:** (a) cosc; (b) ullmhú le haghaidh athúsáide; (c) **athchúrsáil**; (d) **aisghabháil** eile, e.g. aisghabháil fuinnimh; agus (e) diúscairt. Sa chomhthéacs sin, ní féidir a mheas gur aisghabháil í an chóireáil **dramhaíola**;
  - (b) tosaíocht a thabhairt don dramháil a sheachaint nó a íoslaghdú (Athúsáid, Deisiú, Athriochtú, Athmhonarú agus Athrú cuspóra) thar chóireáil dramhaíola (Athchúrsáil). Ba cheart coincheapa na héicidhearthóireachta<sup>93</sup>, na dramhaíola mar acmhainn nó mar dhramháil iarthomhaltais (ag deireadh saolré táirgí tomhaltais) a chur san áireamh freisin.
- AR 10. Agus a chuid beartas á sainiú, féadfaidh an gnóthas breithniú a dhéanamh ar an bPáipéar maidir le 'Córas catagóirithe don gheilleagar ciorclach', ina dtugtar tuairisc ar shamhlacha deartha agus táirgthe ciorclacha, samhlacha úsáide ciorclacha, samhlacha téarnaimh luacha chiorclaigh agus tacaíocht chiorclach de réir phrionsabail na naoi straitéis nó bprionsabal 'R' de chuid an **gheilleagair chiorclaigh**: diúltú, athmhachnamh, laghdú, athúsáid, deisiú, athriochtú, athmhonarú, athrú cuspóra agus athchúrsáil.

### **Ceanglas maidir le Nochtadh E5-2 – Gníomhaíochtaí agus acmhainní i ndáil le húsáid acmhainní agus leis an ngeilleagar ciorclach**

---

- AR 11. Agus faisnéis á soláthar faoi mhír 17 agus de bhrí go ndéantar acmhainní a chomhroinnt agus go bhféadfadh gníomhaíochtaí comhchoiteanna a bheith ag teastáil i straitéisí **geilleagair chiorclaigh**, féadfaidh an gnóthas na **gníomhaíochtaí** a rinneadh chun dul i ngleic lena **shlabhra luacha** réamhtheachtach agus iartheachtach agus/nó lena líonra áitiúil a shonrú maidir le comhar nó tionscnaimh a fhorbairt lena méadaítear ciorclaíocht táirgí agus ábhar.
- AR 12. Go háirithe, féadfaidh an gnóthas an méid seo a leanas a shonrú:
- (a) an chaoi a gcuireann sé leis an ngeilleagar ciorclach, lena n-áirítear mar shampla córais chliste bailithe **dramhaíola**;

---

<sup>93</sup> De réir mar a leagtar síos le Treoir 2009/125/CE ó Pharlaimint na hEorpa agus ón gComhairle an 21 Deireadh Fómhair 2009 lena mbunaítear creat chun na ceanglais éicidhearthóireachta do tháirgí a bhaineann le fuinneamh a shocrú (IO L 285, 31.10.2009, lch. 10).

- (b) na **páirtithe leasmhara** eile a bhfuil baint acu leis na **gníomhaíochtaí** comhchoiteanna: iomaitheoirí, **soláthróirí**, miondíoltóirí, custaiméirí, comhpháirtithe gnó eile, pobail agus údarás áitiúla, gníomhaireachtaí rialtais;
- (c) tuairisc ar eagrúchán an chomhair nó an tionscnaimh, lena n-áirítear rannchuidiú sonrath an ghnóthais agus ról na bpáirtithe leasmhara éagsúla sa tionscadal.

AR 13. Féadfaidh na **gníomhaíochtaí** oibríochtaí dílse an ghnóthais agus/nó a shlabhra luacha réamhtheachtach agus iartheachtach a chumhdach.

### **Méadracht agus spriocanna**

#### **Ceanglas maidir le Nochtadh E5-3 – Spriocanna a bhaineann le húsáid acmhainní agus leis an ngeilleagar ciorclach**

---

- AR 14. Má thagraíonn an gnóthas do **thairseacha éiceolaíocha** chun **spriocanna** a leagan síos, féadfaidh sé tagairt a dhéanamh don treoraíocht arna soláthar ag an Tionscnamh um Spriocanna Eolaíochtabhunaithe don Dúlra (SBTN) ina threoraíocht eatramhach (Treoraíocht Tosaigh do Ghnó, Meán Fómhair 2020) nó d'aon treoraíocht eile le modheolaíocht a aithnítear go heolaíoch lena féidir spriocanna eolaíochtabhunaithe a leagan síos trí thairseacha éiceolaíocha agus, más infheidhme, leithdháiltí a bhaineann go sonrath leis an eagraíocht, a shainnaint. Féadfaidh tairseacha éiceolaíocha a bheith áitiúil, náisiúnta agus/nó domhanda.
- AR 15. Agus faisnéis maidir le **spriocanna** á soláthar ag an ngnóthas, tabharfaidh sé tosaíocht do spriocanna de luach absalóideach.
- AR 16. Agus **spriocanna** faisnéise á soláthar de réir mhír 24, déanfaidh an gnóthas breithniú ar chéim an táirgthe, ar chéim na húsáide, agus ar dheireadh ré fheidhmeach táirgí agus ábhar.
- AR 17. Agus faisnéis á soláthar maidir le **spriocanna** a bhaineann le **hamhábhar** inathnuaite íon faoi mhír 24(c), breithneoidh an gnóthas an chaoi a bhféadfadh tionchar a bheith ag na spriocanna sin ar **chailiúint bithéagsúlachta**, i bhfianaise ESRS E4 freisin.
- AR 18. Féadfaidh an gnóthas **spriocanna** eile a nochtadh faoi mhír 24(f) lena n-áirítear i ndáil le foinsiú inbhuanaithe. Má nochtann sé amhlaidh, míneoidh an gnóthas an sainmhíniú ar fhoinsiú inbhuanaithe atá glactha aige agus an chaoi a mbaineann sé leis an gcuspóir a leagtar amach i mír 22.
- AR 19. Féadfaidh na **spriocanna** oibríochtaí dílse an ghnóthais agus/nó a shlabhra luacha réamhtheachtach agus iartheachtach a chumhdach.
- AR 20. Féadfaidh an gnóthas a shonrú cé acu a thugtar nó nach dtugtar aghaidh sa sprioc ar easnaimh a bhaineann leis na critéir Rannchuidithe Shubstantiúla le haghaidh Geilleagar Ciorclach mar a shainmhínítear sna gníomhartha tarmiligthe arna nglacadh de bhun Airteagal 13(2) de Rialachán (AE) 2020/852. I gcás nach gcomhlíontar na critéir 'Gan Dochar Suntasach a Dhéanamh' (DNSH) maidir leis an nGeilleagar Ciorclach mar a shainmhínítear i ngníomhartha tarmiligthe arna nglacadh de bhun Airteagal 10(3), Airteagal 11(3), Airteagal 12(2), Airteagal 14(2), agus Airteagal 15(2) de Rialachán (AE) 2020/852, féadfaidh an gnóthas a shonrú cé acu a thugtar nó nach dtugtar aghaidh sa sprioc ar easnaimh a bhaineann leis na critéir DNSH sin.

#### **Ceanglas maidir le Nochtadh E5-4 – Insreafaí acmhainní**

---

- AR 21. Féadfaidh **insreafaí acmhainní** na catagóirí seo a leanas a chumhdach: Trealamh TF, teicstíil, troscán, foirgnimh, innealra trom, innealra meánmheáchain, innealra éadrom, iompar trom, iompar meánmheáchain, iompar éadrom agus trealamh stórasaithe. Maidir le hábhair, áirítear le táscairí insreafa acmhainní amhábhair, **ábhair phróisis ghaolmhara**, agus earraí nó páirteanna leathmhonaraithe.
- AR 22. Nuair atá an gnóthas faoi réir mhír 31, féadfaidh sé trédhearcacht a sholáthar freisin maidir leis na hábhair a fhoinsítear ó **fhotháirgí/sruth dramhaíola** (e.g., fuíollghearrthóga ábhair nach raibh i dtáirge roimhe sin).

- AR 23. Is ionann ainmneoir tháscaire an chéatadáin a cheanglaítear faoi mhíreanna 31(b) agus 31(c) agus meáchan foriomlán na n-ábhar a úsáideadh le linn na tréimhse tuairiscithe.
- AR 24. Na sonraí úsáide a thuiriscítear, tabharfaidh siad léiriú ar an ábhar ina staid bhunaidh, agus ní chuirfear i láthair iad agus tuilleadh ionramhála déanta orthu, amhail iad a thuirisciú mar ‘mheáchan tirim’.
- AR 25. I gcásanna ina bhfuil forluí idir catagóirí athúsáide, athchúrsáilte, sonrúidh an gnóthas conas a seachnaíodh comhaireamh dúbailte agus na roghanna a rinneadh.

### ***Ceanglas maidir le Nochtadh E5-5 – Eis-sreafaí acmhainní***

---

- AR 26. Tagraíonn faisnéis faoi tháirgí agus faoi ábhair atá le soláthar faoi mhír 35 do na hábhair agus na táirgí uile a thagann as próiseas táirgeachta an ghnóthais agus a chuireann cuideachta ar an margadh (lena n-áirítear **pacáistíocht**).
- AR 27. Agus an ráta á thiomsú, úsáidfidh an gnóthas mar ainmneoir meáchan foriomlán na n-ábhar a úsáideadh le linn na tréimhse tuairiscithe.
- AR 28. Féadfaidh an gnóthas a rannpháirtíocht i **mbainistiú dramhaíola** táirge deireadh ré a nochtadh, mar shampla trí scéimeanna freagrachta leathnaithe táirgeora nó córais aisghlactha.
- AR 29. Tuigtear gur **dramhaíl ghuaiseach** nó dramhaíl neamhghuaiseach an cineál **dramhaíola**. Féadfar roinnt dramhaíl shonrach, amhail dramhaíl radaighníomhach, a chur i láthair mar chineál ar leithligh freisin.
- AR 30. Agus na sruthanna **dramhaíola** atá ábhartha dá eárnálacha nó dá ghníomhaíochtaí á mbreithniú ag an ngnóthas, féadfaidh sé liosta na dtuairiscí dramhaíola ón gCatalóg Dramhaíola Eorpach a mheas.
- AR 31. Tá samplaí de chineálacha eile oibríochtaí **aisghabhála** faoi mhír 37(b)iii le fáil in Iarscríbhinn II a ghabhann le Treoir 2008/98/CE (an Treoir Réime Dramhaíola).
- AR 32. Tá samplaí de chineálacha eile oibríochtaí diúscartha faoi mhír 37(c)iii le fáil in Iarscríbhinn I a ghabhann le Treoir 2008/98/CE (an Treoir Réime Dramhaíola).
- AR 33. Agus faisnéis chomhthéacsúil á soláthar faoi mhír 40, féadfaidh an gnóthas an méid seo a leanas a dhéanamh:
- (a) míniú a thabhairt ar na cúiseanna atá le meáchain arda **dramhaíola** atá dírithe ar dhiúscairt (e.g. rialacháin áitiúla lena dtoirmiscear cineálacha sonracha dramhaíola a chur i líonadh talún);
  - (b) tuairisc a thabhairt ar chleachtais eárnála, ar chaighdeáin eárnála nó ar rialacháin sheachtracha lena sainordaítear oibríocht diúscartha shonrach; agus
  - (c) a shonrú cé acu a samhaltáíodh na sonraí nó a fuarthas ó thomhais dhíreacha iad, amhail nótaí maidir le haistriú dramhaíola ó bhailitheoirí dramhaíola faoi chonradh.

### ***Ceanglas maidir le Nochtadh E5-6 – Éifeachtaí airgeadais a bhfuil coinne leo ó rioscaí agus deiseanna ábhartha a bhaineann le húsáid acmhainní agus an geilleagar ciorclach***

---

- AR 34. Agus faisnéis á soláthar aige faoi mhír 42(b), féadfaidh an gnóthas léiriú agus tuairisc a thabhairt ar an gcaoi a bhfuil sé beartaithe aige coinneáil luacha a neartú.
- AR 35. Féadfaidh an gnóthas measúnú a chur san áireamh ar a tháirgí agus a sheirbhísí gaolmhara atá i mbaol sa ghearrthéarma, sa mheántéarma agus san fhadtéarma, ina míneofar an dóigh a sainítear iad, an dóigh a ndéantar meastachán ar mhéideanna airgeadais, agus cé na toimhdí criticiúla a dhéantar.
- AR 36. Féadfaidh raon a bheith i gcainníochtú na **n-éifeachtaí airgeadais a bhfuil coinne leo** i dtéarmaí airgeadaíochta faoi mhír 43(a).

## ESRS S1 LUCHT SAOTHAIR DÍLIS

### Clár ábhar

---

#### Cuspóir

Idirghníomhaíocht le ESRS eile

Ceanglais maidir le nochtadh

- ESRS 2 Nochtaí ginearálta

#### Straitéis

- o Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara
- o Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó

#### Bainistiú tionchar, rioscaí agus deiseanna

- o Ceanglas maidir le Nochtadh S1-1 – Beartais a bhaineann le lucht saothair dílis
- o Ceanglas maidir le Nochtadh S1-2 – Próisis rannpháirtíochta le hoibrithe dílse agus ionadaithe oibrithe maidir le tionchair
- o Ceanglas maidir le Nochtadh S1-3 – Próisis chun tionchair dhiúltacha a leigheas agus bealaí ar féidir le hoibrithe dílse ábhair inní a chur in iúl
- o Ceanglas maidir le Nochtadh S1-4 – Gníomhaíocht a dhéanamh maidir le tionchair ábhartha ar lucht saothair dílis, agus cineálacha cur chuige chun rioscaí ábhartha a mhaolú agus deiseanna ábhartha a shaothrú, ar rioscaí agus deiseanna iad a bhaineann le lucht saothair dílis, agus éifeachtacht na gníomhaíochtaí sin

#### Méadracht agus spriocanna

- o Ceanglas maidir le Nochtadh S1-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú
- o Ceanglas maidir le Nochtadh S1-6 – Saintréithe fhostaithe an ghnóthais
- o Ceanglas maidir le Nochtadh S1-7 – Saintréithe oibrithe neamhfhostaithe i lucht saothair dílis an ghnóthais
- o Ceanglas maidir le Nochtadh S1-8 – Cumhdach cómhargála agus idirphlé sóisialta
- o Ceanglas maidir le Nochtadh S1-9 – Méadracht éagsúlachta
- o Ceanglas maidir le Nochtadh S1-10 – Pá leordhóthanach
- o Ceanglas maidir le Nochtadh S1-11 – Cosaint shóisialta
- o Ceanglas maidir le Nochtadh S1-12 – Daoine faoi mhíchumas
- o Ceanglas maidir le Nochtadh S1-13 – Méadracht oiliúna agus forbartha scileanna
  
- o Ceanglas maidir le Nochtadh S1-14 – Méadracht sláinte agus sábháilteachta
- o Ceanglas maidir le Nochtadh S1-15 – Méadracht maidir le cothromaíocht oibre is saoil
- o Ceanglas maidir le Nochtadh S1-16 – Méadracht cúitimh (bearna phá agus cúiteamh iomlán)
- o Ceanglas maidir le Nochtadh S1-17 – Teagmhais, gearáin agus tionchair dhiana ar chearta an duine

Foscúbhinn A: Ceanglais maidir le Cur i bhFeidhm (AR)

- Cuspóir
- ESRS 2 Nochtaí Ginearálta

#### Straitéis

- o Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara
- o Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó

#### Bainistiú tionchar, rioscaí agus deiseanna

- Ceanglas maidir le Nochtadh S1-1 – Beartais a bhaineann le lucht saothair dílis
- Ceanglas maidir le Nochtadh S1-2 – Próisis rannpháirtíochta le hoibrithe dílse agus ionadaithe oibrithe maidir le tionchair
- Ceanglas maidir le Nochtadh S1-3 – Próisis chun tionchair dhiúltacha a leigheas agus bealaí ar féidir le hoibrithe dílse ábhair imní a chur in iúl
- Ceanglas maidir le Nochtadh S1-4 – Gníomhaíocht a dhéanamh maidir le tionchair ábhartha, agus cineálacha cur chuige chun rioscaí ábhartha a mhaolú agus deiseanna ábhartha a shaothrú, ar rioscaí agus deiseanna iad a bhaineann leis an lucht saothair dílis, agus éifeachtacht na ngníomhaíochtaí agus na gcur chuige sin

#### Méadracht agus spriocanna

- Ceanglas maidir le Nochtadh S1-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus spriocanna a bhaineann le rioscaí agus deiseanna
- Ceanglas maidir le Nochtadh S1-6 – Saintréithe Fhostaithe an Ghnóthais
- Ceanglas maidir le Nochtadh S1-7 – Saintréithe oibrithe neamhfhostaithe i lucht saothair dílis an ghnóthais
- Ceanglas maidir le Nochtadh S1-8 – Cumhdach cómhargála agus idirphlé sóisialta
- Ceanglas maidir le Nochtadh S1-9 – Méadracht éagsúlachta
- Ceanglas maidir le Nochtadh S1-10 – Pá Leordhóthanach
- Ceanglas maidir le Nochtadh S1-11 – Cosaint shóisialta
- Ceanglas maidir le Nochtadh S1-12 – Daoine faoi mhíchumas
- Ceanglas maidir le Nochtadh S1-13 – Méadracht Oiliúna agus Forbartha Scileanna
- Ceanglas maidir le Nochtadh S1-14 – Méadracht sláinte agus sábháilteachta
- Ceanglas maidir le Nochtadh S1-15 – Cothromaíocht oibre is saoil
- Ceanglas maidir le Nochtadh S1-16 – Méadracht luacha saothair (bearna phá agus luach saothair iomlán)
- Ceanglas maidir le Nochtadh S1-17 – Teagmhais, gearáin agus tionchair dhiana ar chearta an duine

Foscraibhinn A.1: Ceanglais maidir le Cur i bhFeidhm le haghaidh nochtáí a bhaineann le ESRS 2

Foscraibhinn A.2: Ceanglais maidir le Cur i bhFeidhm le haghaidh ESRS S1-1 Polasaithe a bhaineann le lucht saothair dílis

Foscraibhinn A.3: Ceanglas maidir le Cur i bhFeidhm le haghaidh ESRS S1-4 – Gníomhaíocht a dhéanamh maidir le tionchair ábhartha ar lucht saothair dílis, agus cineálacha cur chuige chun rioscaí ábhartha a mhaolú agus deiseanna ábhartha a shaothrú, ar rioscaí agus deiseanna iad a bhaineann le lucht saothair dílis, agus éifeachtacht na ngníomhaíochtaí sin

Foscraibhinn A.4: Ceanglas maidir le Cur i bhFeidhm le haghaidh ESRS S1-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú

## Cuspóir

1. Is é cuspóir an Chaighdeáin seo ceanglais maidir le nochtadh a shonrú lena gcuirfear ar a gcumas d'úsáideoirí an **ráitis inbhuanaitheachta tionchair** ábhartha an ghnóthais ar a **lucht saothair dílis** a thuiscint, chomh maith le **rioscaí** agus **deiseanna** ábhartha gaolmhara, lena n-áirítear:
  - (a) an dóigh a ndéanann an gnóthas difear dá **lucht saothair dílis**, i dtéarmaí na dtionchar ábhartha – idir dhearfach agus diúltach, idir iarbhír agus fhéideartha – atá aige;
  - (b) aon **ghníomhaíocht** a dhéantar, agus toradh na ngníomhaíochtaí sin, chun tionchair dhiúltacha iarbhír nó fhéideartha a chosc, a mhaolú nó a leigheas, agus chun aghaidh a thabhairt ar rioscaí agus deiseanna;
  - (c) nádúr, cineál agus méid rioscaí agus dheiseanna ábhartha an ghnóthais a bhaineann lena thionchair agus lena **spleáchais** ar a lucht saothair dílis, agus an chaoi a

mbainistíonn an gnóthas iad; agus

- (d) na **héifeachtaí airgeadais** ar an ngnóthas a bhaineann le rioscaí agus deiseanna ábhartha sa ghearrthéarma, sa mheántéarma agus san fhadtéarma a eascraíonn as tionchair agus as spleáchais an ghnóthais ar a lucht saothair dílis.
2. Chun an cuspóir a bhaint amach, leis an gCaighdeán seo éilítear míniú ar an gcur chuige ginearálta a ghlacann an gnóthas chun aon **tionchar** ábhartha iarbhír agus féideartha ar a **lucht saothair dílis** a shainaitheint agus a bhainistiú i ndáil leis na tosca nó ábhair shóisialta seo a leanas, lena n-áirítear cinn a bhaineann le cearta an duine:
- (a) dálaí oibre, lena n- áirítear:
- i. fostaíocht shlán;
  - ii. am oibre;
  - iii. **pá leordhóthanach**;
  - iv. **idirphlé sóisialta**;
  - v. saoirse comhlachais, comhairlí oibreacha a bheith ann agus cearta oibríthe maidir le faisnéis, comhairliúchán agus rannpháirtíocht;
  - vi. **cómhargáil**, lena n- áirítear an ráta lucht saothair an ghnóthais atá cumhdaithe ag comhaontuithe comhchoiteanna;
  - vii. cothromaíocht oibre agus saoil; agus
  - viii. sláinte agus sábháilteacht.
- (b) **cóir chomhionann** agus **comhionannas deiseanna** do chách, lena n-áirítear:
- i. comhionannas inscne agus **pá** comhionann as obair ar comhionann a luach;
  - ii. **oiliúint** agus **forbairt** scileanna;
  - iii. fostaíocht agus cuimsiú **daoine faoi mhíchumas**;
  - iv. bearta in aghaidh foréigin agus **ciaptha** san ionad oibre; agus
  - v. éagsúlacht.
- (c) cearta eile a bhaineann leis an obair, lena n-áirítear na cearta sin a bhaineann leis an méid seo a leanas:
- i. saothar leanaí;
  - ii. **saothar éignithe**;
  - iii. tithíocht leordhóthanach; agus
  - iv. príobháideachtas.
3. Éilítear leis an gCaighdeán seo freisin míniú ar conas is féidir le **tionchair** den sórt sin, chomh maith le **spleáchais** an ghnóthais ar a **lucht saothair dílis**, **rioscaí** nó **deiseanna** ábhartha a chruthú don ghnóthas. Mar shampla, maidir le comhionannas deiseanna, is féidir le **hidirdhealú** i bhfruilíú agus in ardú céime na mban rochtain an ghnóthais ar lucht saothair cáilithe a laghdú agus dochar a dhéanamh dá chlú. Os a choinne sin, d'fhéadfadh tionchair dhearfacha a bheith ag beartais chun ionadaíocht ban a mhéadú sa lucht saothair agus in ardleibhéil bhainistíochta, amhail an líon lucht saothair cáilithe a mhéadú agus feabhas a chur ar chlú an ghnóthais.
4. Cumhdaíonn an Caighdeán seo **lucht saothair dílis** an ghnóthais, a thuigtear go n-áirítear leis daoine atá i gcaidreamh fostaíochta leis an ngnóthas ('**fostaithe**') agus **oibríthe neamhfhostaithe** ar daoine iad a bhfuil conarthaí acu leis an ngnóthas chun saothar a sholáthar ('daoine féinfhostaithe') nó daoine a sholáthraíonn gnóthais atá ag gabháil go príomha do 'ghníomhaíochtaí fostaíochta' (Cód NACE N78). Féach Ceanglas 3 maidir le Cur i bhFeidhm le haghaidh samplaí de dhaoine a thagann faoi lucht saothair dílis. Ní dhéanfaidh an fhaisnéis a cheanglaítear a nochtadh maidir le hoibríthe neamhfhostaithe difear dá stádas

de bhun an dlí saothair is infheidhme.

5. Ní chumhdaítear leis an gCaighdeán seo oibrithe i **slabhra luacha** réamhtheachtach nó iartheachtach an ghnóthais; cumhdaítear na catagóirí oibrithe sin in ESRS S2 *Oibrithe sa slabhra luacha*.
6. Leis an gCaighdeán, ceanglaítear ar ghnóthais tuairisc a thabhairt ar a **lucht saothair dílis**, lena n-áirítear príomh-shaintréithe na **bhfostaithe** agus na **n-oibrithe neamhfhostaithe** atá ina gcuid de. Tugann an cur síos seo tuiscint **d'úsáideoirí** ar struchtúr **lucht saothair dhílis** an ghnóthais agus cabhraíonn sé le faisnéis a chuirtear ar fáil trí nochtaí eile a chur i gcomhthéacs.
7. Is é cuspóir an Chaighdeáin freisin a chur ar a gcumas **d'úsáideoirí** tuiscint a fháil ar a mhéid atá an gnóthas ailínithe le hionstraimí agus coinbhinsiúin idirnáisiúnta agus Eorpacha maidir le cearta an duine nó a mhéid a chomhlíonann sé iad, lena n-áirítear an Bille Idirnáisiúnta um Chearta an Duine, Prionsabail Threoracha na Náisiún Aontaithe maidir le Gnó agus Cearta an Duine agus Treoirínte ECFE maidir le Fiontair Ilnáisiúnta, Dearbhú na hEagraíochta Idirnáisiúnta Saothair maidir le Prionsabail Bhunúsacha agus Cearta Bunúsacha san Obair agus coinbhinsiúin bhunúsacha ILO, Coinbhinsiún na Náisiún Aontaithe ar Dhaoine faoi Mhíchumas, an Coinbhinsiún Eorpach um Chearta an Duine, Cairt Shóisialta na hEorpa athbhreithnithe, Cairt um Chearta Bunúsacha an Aontais Eorpaigh, tosaíochtaí **beartais** an Aontais mar a leagtar amach i gColún Eorpach na gCearta Sóisialta, agus reachtaíocht an Aontais, lena n-áirítear acquis dhlí saothair an Aontais Eorpaigh.

## **Idirghníomhaíocht le ESRS eile**

---

8. Léifear an Caighdeán sin i gcomhar le ESRS 1 *Prionsabail ghinearálta* agus ESRS 2 *Ceanglais ghinearálta*.
9. Léifear an Caighdeán seo i gcomhar le ESRS S2 *Oibrithe sa slabhra luacha*, ESRS S3 *Pobail dá ndéantar difear* agus ESRS S4 *Tomhaltóirí agus úsáideoirí deiridh*.
10. Beidh an tuairisciú faoin gCaighdeán seo comhsheasmhach, comhleanúnach agus, i gcás inarb ábhartha, nasctha go soiléir le tuairisciú ar **lucht saothair dílis** an ghnóthais faoi ESRS S2, chun tuairisciú éifeachtach a áirithiú.

## **Ceanglais maidir le nochtadh**

### **ESRS 2 Nochtaí ginearálta**

11. Ba cheart ceanglais na roinne seo a léamh i gcomhar leis na nochtaí a cheanglaítear le ESRS 2 maidir le Straitéis (SBM). Déanfar na nochtaí a thioctaidh as sin a chur i láthair in éineacht leis na nochtaí a cheanglaítear le ESRS 2, cé is moite de ESRS 2 SBM-3, a bhfuil sé de rogha ag an ngnóthas nochtaí a chur i láthair ina leith in éineacht leis an nochtadh topaicshonrach.

### **Straitéis**

### **Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara**

---

12. Agus é ag freagairt do ESRS 2 SBM-2, nochtfaidh an gnóthas conas a bheidh leasanna, tuairimí agus cearta daoine ina lucht saothair dílis, lena n-áirítear urraim do chearta an duine, mar bhonn eolais dá straitéis agus dá **shamhail ghnó**. Is grúpa tábhachtach **páirtithe leasmhara** dá ndéantar difear é **lucht saothair dílis** an ghnóthais.

### **Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó**

---

13. Agus an gnóthas ag freagairt do ESRS 2 SBM-3 mír 48, nochtfaidh sé an méid seo a leanas:

- (a) maidir leis na **tionchair** iarbhir agus fhéideartha ar a **lucht saothair dílis**, mar a shainithnítear in ESRS 2 IRO-1 *Tuairisc ar na próisis chun tionchair, rioscaí agus deiseanna ábhartha a shainithint agus a mheasúnú*, cé acu is fíor nó nach fíor an méid seo a leanas, agus conas atá sé sin amhlaidh: (i) gur de thionscnamh straitéis agus **shamhlacha gnó** an ghnóthais iad nó go bhfuil baint acu leo, agus (ii) go gcuireann siad bonn eolais faoi straitéis agus faoi shamhail ghnó an ghnóthais agus go rannchuidíonn siad lena n-oiriúnú; agus
- (b) an gaol idir na **rioscaí** agus na **deiseanna** ábhartha a bhaineann leis a eascraíonn as tionchair agus as **spleáchais** ar a lucht saothair dílis agus as a straitéis agus a shamhail ghnó.
14. Agus ceanglais mhír 48 á gcomhlíonadh ag an ngnóthas, nochtfaidh sé cé acu atá nó nach bhfuil gach duine ina **lucht saothair dílis**, a bhféadfadh an gnóthas tionchar ábhartha a imirt air, san áireamh i raon feidhme a nochtfaidh ESRS 2. Áirítear leis na **tionchair** ábhartha sin tionchair dhiúltacha a bhaineann le hoibríochtaí an ghnóthais féin agus lena **shlabhra luacha**, lena n-áirítear trína tháirgí agus trína sheirbhísí, agus trína ghaolmhaireachtaí gnó chomh maith. Thairis sin, nochtfaidh an gnóthas an fhaisnéis seo a leanas:
- (a) tuairisc ghairid ar na cineálacha fostaithe agus **oibríthe neamhfhostaithe** ina lucht saothair dílis faoi réir tionchar ábhartha de bharr a oibríochtaí, agus sonraigh cé acu **fostaithe**, daoine féinfhostaithe, nó daoine arna soláthar ag gnóthais tríú páirtí atá ag gabháil go príomha do ghníomhaíochtaí fostaíochta iad;
- (b) i gcás tionchair dhiúltacha ábhartha, cé acu atá siad (i) forleathan nó sistéamach i gcomhthéacsanna ina n-oibríonn an gnóthas (mar shampla, **saothar leanaí** nó saothar **éignithe** nó saothar éigeantach i dtíortha nó i réigiúin shonracha lasmuigh den Aontas Eorpach), nó (ii) a bhaineann siad le **teagmhais** aonair (mar shampla, tionóisc thionsclaíoch nó doirteadh ola);
- (c) i gcás tionchair dhearfacha ábhartha, tuairisc ghairid ar na gníomhaíochtaí a mbíonn tionchair dhearfacha acu, na cineálacha fostaithe agus oibríthe neamhfhostaithe ina lucht saothair dílis a ndéantar difear dearfach dóibh nó a bhféadfaí difear dearfach a dhéanamh dóibh; féadfaidh an gnóthas a nochtadh freisin an dtarlaíonn na tionchair dhearfacha i dtíortha sonracha nó i réigiúin shonracha;
- (d) aon **riosca** agus **deis** ábhartha don ghnóthas a eascraíonn as tionchair agus as **spleáchais** ar a lucht saothair dílis;
- (e) aon tionchar ábhartha ar a **lucht saothair dílis** a d'fhéadfadh teacht as **pleananna aistríthe** chun tionchair dhiúltacha ar an gcomhshaol a laghdú agus oibríochtaí atá níos glaise agus atá neodrach ó thaobh na haeráide de a bhaint amach, lena n-áirítear faisnéis faoi na tionchair ar a lucht saothair dílis de bharr phleananna agus **ghníomhaíochtaí** an ghnóthais chun **astaíochtaí** carbóin a laghdú i gcomhréir le comhaontuithe idirnáisiúnta. Ar thionchair, rioscaí agus deiseanna áirítear athstruchtúrú agus caillteanas fostaíochta chomh maith le deiseanna a eascraíonn as cruthú post agus athsciliú nó uas- sciliú;
- (f) oibríochtaí atá go mór i mbaol ó thaobh **teagmhais saothair éignithe** nó éigeantaigh de<sup>94</sup> i dtéarmaí:
- i. an cineál oibríochta (amhail monarcha mhonaraíochta); nó
  - ii. tíortha nó limistéir gheografacha ina bhfuil oibríochtaí a mheastar a bheith i mbaol;
- (g) oibríochtaí atá go mór i mbaol ó thaobh teagmhais **saothair leanaí**<sup>95</sup> de i dtéarmaí:

<sup>94</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscairí breise a bhaineann le drochthionchair príomha mar a leagtar amach le táscaire #13 i dTábla III d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Oibríochtaí agus soláthróirí atá go mór i mbaol ó thaobh teagmhais saothair éignithe nó éigeantaigh de').

<sup>95</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE)

- i. an cineál oibríochta (amhail monarcha mhonaraíochta); nó
  - ii. tíortha nó limistéir gheografacha ina bhfuil oibríochtaí a mheastar a bheith i mbaol.
15. Agus tuairisc á tabhairt aige ar na príomhchineálacha daoine ina **lucht saothair dílis** dá ndéantar difear diúltach nó dá bhféadfaí difear diúltach a dhéanamh, bunaithe ar an measúnú **ábharthachta** a leagtar amach in ESRS 2 IRO 1, nochtfaidh an gnóthas cé acu a d'fhorbair nó nár fhorbair sé tuiscint agus conas a d'fhorbair sé tuiscint ar an gcaoi a bhféadfadh daoine a bhfuil tréithe ar leith acu, iad siúd atá ag obair i gcomhthéacsanna ar leith, nó na daoine sin atá i mbun gníomhaíochtaí ar leith a bheith níos mó i mbaol díobhála.
16. Nochtfaidh an gnóthas cé na **rioscaí** agus na **deiseanna** ábhartha a bhaineann leis, más ann dóibh, a eascraíonn as **tionchair** agus as **spleáchais** ar dhaoine ina **lucht saothair dílis** a bhaineann le grúpaí sonracha daoine (mar shampla, aoisghrúpaí áirithe, nó daoine atá ag obair i monarcha nó i dtír áirithe) seachas lena lucht saothair dílis uile (mar shampla, gearradh **pá** ginearálta, nó **oiliúint** a thairgtear do gach duine ina lucht saothair dílis).

### **Bainistiú tionchar, rioscaí agus deiseanna**

#### **Ceanglas maidir le Nochtadh S1-1 – Beartais a bhaineann le lucht saothair dílis**

17. Tabharfaidh an gnóthas tuairisc ar a bheartais arna nglacadh chun a thionchair ábhartha ar a lucht saothair dílis a bhainistiú, chomh maith le rioscaí agus deiseanna ábhartha gaolmhara.
18. Is é is cuspóir don Cheanglas seo maidir le Nochtadh tuiscint a chumasú ar a mhéid atá **beartais** ag an ngnóthas lena dtugtar aghaidh ar shainaithint, ar mheasúnú, ar bhainistiú agus/nó ar **leigheas** na **dtionchar** ábhartha ar **lucht saothair dílis** an ghnóthais go sonracha, chomh maith le beartais lena gcumhdaítear tionchair, **rioscaí** agus **deiseanna** ábhartha a bhaineann lena lucht saothair dílis.
19. Beidh sa nochtadh a cheanglaítear le mír 17 an fhaisnéis faoi **bheartais** an ghnóthais chun a **thionchair**, a **rioscaí**, agus a **dheiseanna** ábhartha a bhaineann lena **lucht saothair dílis** agus leis an ngeilleagar ciorclach a bhainistiú i gcomhréir le ESRS 2 MDR-P **Beartais arna nglacadh chun ábhair inbhuanaitheachta ábhartha a bhainistiú**). Ina theannta sin, sonródh an gnóthas an gcumhdaítear leis na beartais sin grúpaí sonracha laistigh dá lucht saothair dílis nó a lucht saothair dílis uile.
20. Tabharfaidh an gnóthas tuairisc ar a ghealltanais **bheartais** maidir le cearta an duine<sup>96</sup> atá ábhartha dá **lucht saothair dílis**, lena n-áirítear na próisis agus na sásraí sin chun faireachán a dhéanamh ar chomhlíonadh Phrionsabail Threoracha na Náisiún Aontaithe maidir le Gnó agus Cearta an Duine, Dearbhú na hEagraíochta Idirnáisiúnta Saothair (EIS) maidir le Prionsabail Bhunúsacha agus Cearta Bunúsacha san Obair agus Treoirilínte ECFE maidir le Fiontair Ilnáisiúnta<sup>97</sup>. Díreoidh sé, ina nochtadh, ar na hábhair sin atá ábhartha i ndáil leis an méid seo a leanas, chomh maith lena chur chuige ginearálta maidir leis an méid seo a leanas:
- (a) urraim do chearta daonna, lena n-áirítear cearta oibrithe bunúsacha, daoine ina lucht saothair dílis;

2019/2088 toisc go n-eascraíonn sí as táscairí breise a bhaineann le drochthionchair phríomha mar a leagtar amach le táscaire #12 i dTábla III d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Oibríochtaí agus soláthróirí atá go mór i mbaol ó thaobh teagmhais saothair leanaí de').

<sup>96</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchair phríomha mar a leagtar amach le táscaire #9 i dTábla III d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Easpa beartais ar chearta an duine').

<sup>97</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire sainordaitheach a bhaineann le drochthionchair phríomha mar a leagtar amach le táscaire #11 i dTábla I d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe.

- (b) rannpháirtíocht le daoine ina **lucht saothair dílis**; agus
  - (c) bearta chun **leigheas** ar thionchair ar chearta an duine a chur ar fáil agus/nó a chumasú.
21. Nochtfaidh an gnóthas cé acu atá nó nach bhfuil a chuid beartas maidir lena lucht saothair dílis ailínithe le hionstraimí ábhartha a aithnítear go hidirnáisiúnta, lena n-áirítear Prionsabail Threoracha na Náisiún Aontaithe maidir le Gnó agus Cearta an Duine, agus conas atá siad ailínithe leis na hionstraimí sin<sup>98</sup>.
  22. Luafaidh an gnóthas cé acu a thugann nó nach dtugann a bheartais i ndáil lena **lucht saothair dílis** aghaidh go sainráite ar gháinneáil ar dhaoine<sup>99</sup>, ar **shaothar éignithe** nó ar shaothar éigeantach agus ar **shaothar leanaí**.
  23. Luafaidh an gnóthas cé acu atá nó nach bhfuil **beartas** coiscithe tionóiscí tionsclaíochta nó córas bainistíochta aige<sup>100</sup>.
  24. Nochtfaidh an gnóthas:
    - (a) cé acu atá nó nach bhfuil beartais shonracha aige atá dírithe ar idirdhealú a dhíothú, lena n-áirítear **ciapadh**, **comhionannas deiseanna** a chur chun cinn agus bealaí eile chun an éagsúlacht agus an cuimsiú a chur chun cinn;
    - (b) c acu a chumhdaítear nó nach gcumhdaítear na forais **idirdhealaithe** seo a leanas go sonrach sa **bheartas**: bunadh ciníoch agus eitneach, dath, gnéas, gnéaschlaonadh, féiniúlacht inscne, míchumas, aois, reiligiún, tuairim pholaitiúil, bunadh náisiúnta nó bunadh sóisialta, nó cineálacha eile idirdhealaithe a chumhdaítear le rialachán de chuid an Aontais agus leis an dlí náisiúnta;
    - (c) cé acu atá nó nach bhfuil gealltanais shonracha **bheartais** ag an ngnóthas a bhaineann le cuimsiú nó le gníomhaíocht dhearfach do dhaoine ó ghrúpaí atá i mbaol ar leith ó thaobh leochaileachta ina **lucht saothair dílis** agus, má tá, cad iad na gealltanais sin; agus
    - (d) cé acu a chuirtear nó nach gcuirtear na beartais sin chun feidhme agus conas a chuirtear chun feidhme iad trí nósanna imeachta sonracha chun a áirithiú go ndéanfar **idirdhealú** a chosc, a mhaolú agus go ngníomhófar dá réir a luaithe a bhraitear é, agus chun an éagsúlacht agus an cuimsiú a chur chun cinn i gcoitinne.

### **Ceanglas maidir le Nochtadh S1-2 – Próisis rannpháirtíochta le lucht saothair dílis agus ionadaithe oibrithe maidir le tionchair**

25. **Nochtfaidh an gnóthas a phróisis ghinearálta chun dul i dteagmháil le daoine ina lucht saothair dílis agus le hionadaithe oibrithe faoi na tionchair iarbhír agus fhéideartha ar a lucht saothair dílis.**
26. Is é is cuspóir don Cheanglas seo maidir le Nochtadh tuiscint a chumasú ar an gcaoi a n-oibríonn an gnóthas, mar chuid dá phróiseas leanúnach díchill chuif, le daoine ina **lucht saothair dílis** agus le **hionadaithe oibrithe** faoi **thionchair** ábhartha, iarbhír agus fhéideartha, dhearfacha agus/nó dhiúltacha a dhéanann difear dóibh nó ar dócha go

<sup>98</sup> Tacaíonn an fhaisnéis sin le riachtanais riarthóirí tagarmharcanna tosca ESG a nochtadh faoi réir Rialachán (AE) 2020/1816 mar a leagtar amach le táscaire 'Neamhchosaint na punainne tagarmhairc ar chuideachtaí nach bhfuil beartais díchill chuif acu maidir le saincheisteanna a dtugtar aghaidh orthu i gCoinbhinsiún bhunúsacha na hEagraíochta Idirnáisiúnta Saothair 1 go 8' i roinn 1 agus 2 d'Iarscríbhinn II.

<sup>99</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire breise a bhaineann le drochthionchair príomha mar a leagtar amach le táscaire #11 i dTábla III d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Easpa próiseas agus beart chun gáinneáil ar dhaoine a chosc').

<sup>100</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire breise a bhaineann le drochthionchar príomha mar a leagtar amach le táscaire #1 i dTábla III d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Infeistíochtaí i gcuideachtaí nach bhfuil beartais acu chun tionóiscí tionsclaíochta a chosc').

ndéanfaidh siad difear dóibh, agus cé acu a chuirtear nó nach gcuirtear peirspictíochtaí a lucht saothair dhílis san áireamh i bpróisis chinnteoireachta an ghnóthais agus an chaoi a gcuirtear san áireamh iad.

27. Nochtfaidh an gnóthas cé acu atá nó nach bhfuil peirspictíochtaí a **lucht saothair dhílis** ina mbonn eolais dá chinntí nó dá ghníomhaíochtaí atá dírithe ar na **tionchair** iarbhir agus fhéideartha ar a lucht saothair dílis a bhainistiú agus an chaoi a gcuireann na peirspictíochtaí sin bonn eolais faoi na cinntí nó na gníomhaíochtaí sin. Áireofar leis sin, i gcás inarb ábhartha, míniú ar an méid seo a leanas:
- (a) cé acu a dhéantar nó nach ndéantar teagmháil dhíreach le lucht saothair dílis an ghnóthais nó le hionadaithe na n-oibríthe;
  - (b) an chéim (na céimeanna) ag a dtarlaíonn an rannpháirtíocht, an cineál rannpháirtíochta agus minicíocht na rannpháirtíochta;
  - (c) an fheidhm agus an ról is sinsearaí sa ghnóthas ag a bhfuil freagracht oibríochtúil as a áirithiú go dtarlaíonn an rannpháirtíocht sin agus go dtugann na torthaí bonn eolais do chur chuige an ghnóthais;
  - (d) i gcás inarb infheidhme, Creat-Chomhaontú Domhanda nó comhaontuithe eile atá ag an ngnóthas le **hionadaithe na n-oibríthe** a bhaineann le cearta daonna a **lucht saothair dhílis** a urramú, lena n-áirítear míniú ar an gcaoi a gcuireann an comhaontú ar a chumas don ghnóthas léargas a fháil ar pheirspictíochtaí a lucht saothair dhílis; agus
  - (e) i gcás inarb infheidhme, an chaoi a ndéanann an gnóthas measúnú ar éifeachtacht a rannpháirtíochta lena lucht saothair dílis, lena n-áirítear, i gcás inarb ábhartha, aon chomhaontú nó aon toradh atá mar thoradh uirthi.
28. I gcás inarb infheidhme, nochtfaidh an gnóthas na bearta a dhéanann sé chun léargas a fháil ar pheirspictíochtaí na ndaoine ina **lucht saothair dílis** a d'fhéadfadh a bheith an-leochaileach do thionchair agus/nó a d'fhéadfadh a bheith imeallaithe (mar shampla, mná, imircigh, daoine faoi mhíchumas).
29. Mura féidir leis an ngnóthas an fhaisnéis a cheanglaítear thuas a nochtadh toisc nár ghlac sé próiseas ginearálta chun rannpháirtíocht a dhéanamh lena **lucht saothair dílis**, nochtfaidh sé gurb amhlaidh an cás. Féadfaidh sé tráthchlár a nochtadh faoina bhfuil sé ag féachaint le próiseas den sórt sin a bheith i bhfeidhm.

### **Ceanglas maidir le Nochtadh S1-3 – Próisis chun tionchair dhiúltacha a leigheas agus bealaí ar féidir le lucht saothair dílis ábhair imní a chur in iúl**

30. Tabharfaidh an gnóthas tuairisc ar na próisis atá i bhfeidhm aige chun foráil a dhéanamh maidir leis na tionchair dhiúltacha ar dhaoine ina lucht saothair dílis a bhfuil baint ag an ngnóthas leo a leigheas nó chun comhoibriú d'fhonn na tionchair sin a leigheas, chomh maith leis na bealaí atá ar fáil dá lucht saothair dílis chun ábhair imní a ardú chun go dtabharfaí aghaidh orthu.
31. Is é is cuspóir don Cheanglas seo maidir le Nochtadh tuiscint a chumasú ar na modhanna foirmiúla trínar féidir le **lucht saothair dílis** an ghnóthais a n-ábhair imní agus a riachtanais a chur in iúl go díreach don ghnóthas agus/nó trína dtacaíonn an gnóthas le hinfhaighteacht bealaí den sórt sin (mar shampla, **sásraí casaoide**) san ionad oibre, agus ar an gcaoi a ndéantar obair leantach leis na daoine lena mbaineann maidir leis na saincheistanna a ardaíodh, agus éifeachtacht na mbealaí sin.
32. Tabharfaidh an gnóthas tuairisc ar na próisis atá i bhfeidhm chun na hábhair a shainítear i mír 2 de roinn an Chuspóra a chumhdach tríd an bhfaisnéis seo a leanas a nochtadh:
- (a) a chur chuige ginearálta agus a phróisis maidir le **réiteach** a sholáthar nó rannchuidiú leis i gcás inarb é ba chúis le **tionchar** diúltach ábhartha ar dhaoine ina **lucht saothair dílis** nó i gcás inarb rannchuidigh sé leis an tionchar sin, lena n-áirítear cé acu a mheasann nó nach measann an gnóthas go bhfuil an **réiteach** a chuirtear ar fáil éifeachtach agus an chaoi a measann sé amhlaidh;

- (b) aon bhealach sonrath atá i bhfeidhm aige chun go gcuirfidh a **lucht saothair dílis** a n-ábhair imní nó a riachtanais in iúl go díreach don ghnóthas agus chun go dtabharfar aghaidh orthu, lena n-áirítear cé acu an é an gnóthas féin a bhunaíonn iad agus/nó an trí rannpháirtíocht i sásraí tríú páirtí a bhunaítear iad;
  - (c) cé acu atá nó nach bhfuil **sásra** láimhseála **casaoide**/gearán ag an ngnóthas a bhaineann le cúrsaí fostaithe<sup>101</sup>; agus
  - (d) na próisis trína dtacaíonn an gnóthas le hinfhaighteacht bealaí den sórt sin in ionad oibre a lucht saothair dhílis; agus
  - (e) an chaoi a ndéanann sé rianú agus faireachán ar shaincheisteanna a tarraingíodh aníos agus ar tugadh aghaidh orthu, agus an chaoi a n-áiríonn sé éifeachtacht na mbealaí, lena n-áirítear trí rannpháirtíocht **páirtithe leasmhara** arb iad na **húsáideoirí** beartaithe iad.
33. Nochtfaidh an gnóthas cé acu a dhéanann nó nach ndéanann sé measúnú go bhfuil daoine ina **lucht saothair dílis** ar an eolas faoi na struchtúir nó na próisis sin, agus go bhfuil muinín acu astu, mar bhealach chun a n-ábhair imní nó a riachtanais a chur in iúl agus chun go dtabharfar aghaidh orthu, agus an chaoi a ndéanann sé an measúnú sin. Ina theannta sin, nochtfaidh an gnóthas cé acu atá nó nach bhfuil beartais i bhfeidhm aige chun na daoine aonair a úsáideann iad, lena n-áirítear ionadaithe oibrithe, a chosaint ar fhrithheart. Má nochtadh an fhaisnéis sin i gcomhréir le ESRS G1-1, féadfaidh an gnóthas tagairt a dhéanamh don fhaisnéis sin.
34. Mura féidir leis an ngnóthas an fhaisnéis a cheanglaítear thuas a nochtadh toisc nár ghlac sé bealach chun ábhair imní a chur in iúl agus/nó toisc nach dtacaíonn sé le bealach den sórt sin a bheith ar fáil san ionad oibre dá lucht saothair dílis, nochtfaidh sé gurb amhlaidh an cás. Féadfaidh sé tráthchlár a nochtadh faoina bhfuil sé ag féachaint le bealach den sórt sin a bheith i bhfeidhm.

***Ceanglas maidir le Nochtadh S1-4 – Gníomhaíocht a dhéanamh maidir le tionchair ábhartha ar lucht saothair dílis, agus cineálacha cur chuige chun rioscaí ábhartha a bhainistiú agus deiseanna ábhartha a shaothrú, ar rioscaí agus deiseanna iad a bhaineann le lucht saothair dílis, agus éifeachtacht na ngníomhaíochtaí sin***

35. **Nochtfaidh an gnóthas an chaoi a ndéanann sé gníomhaíocht chun aghaidh a thabhairt ar thionchair dhiúltacha agus dhearfacha ábhartha, agus chun rioscaí ábhartha a bhainistiú agus deiseanna ábhartha a shaothrú a bhaineann lena lucht saothair dílis, agus éifeachtacht na ngníomhaíochtaí sin.**
36. Tá dhá chuspóir ag an gCeanglas seo maidir le Nochtadh. Ar an gcéad dul síos, tá sé de chuspóir aige tuiscint a chumasú ar aon **ghníomhaíocht** agus tionscnamh trína bhféachann an gnóthas leis an méid seo a leanas a dhéanamh:
- (a) **tionchair** dhiúltacha ábhartha ar a **lucht saothair dílis** a chosc, a mhaolú agus a leigheas; agus/nó
  - (b) tionchair dhearfacha ábhartha a bhaint amach dá lucht saothair dílis.
- Ar an dara dul síos, tá sé de chuspóir aige tuiscint a chumasú ar na bealaí ina bhfuil aghaidh á tabhairt ag an ngnóthas ar na **rioscaí** ábhartha agus ina bhfuil sé ag saothrú na **ndeiseanna** ábhartha a bhaineann lena lucht saothair dílis.
37. Soláthróidh an gnóthas tuairisc achomair ar na pleananna gníomhaíochta agus ar na hacmhainní chun a **tionchair**, a **rioscaí** agus a **dheiseanna** ábhartha a bhainistiú a bhaineann lena **lucht saothair dílis** i gcomhréir le ESRS 2 MDR-A **Gníomhaíochtaí agus acmhainní i ndáil le hábhair inbhuanaitheachta ábhartha**.

<sup>101</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire breise a bhaineann le drochthionchair phríomha mar a leagtar amach le táscaire #5 i dTábla III d'Iarscríbhinn I a ghabhann le Rialachán Tarmhligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Easpa sásraí láimhseála casaoide/gearán a bhaineann le hábhair fostaithe).

38. Maidir leis na **tionchair** ábhartha a bhaineann lena **lucht saothair dílis**, tabharfaidh an gnóthas tuairisc ar an méid seo a leanas:
- gníomhaíochtaí** a rinneadh, atá beartaithe nó atá ar bun chun tionchair dhiúltacha ábhartha ar a lucht saothair dílis a chosc nó a mhaolú;
  - cé acu a rinne nó nach ndearna sé gníomh chun **leigheas** a sholáthar nó a chumasú i ndáil le hiarmhairt iarbhir ábhartha, agus an chaoi a ndearna sé é sin;
  - aon ghníomhaíocht nó tionscnamh breise atá i bhfeidhm aige a bhfuil sé de phríomhchuspóir acu tionchar dearfach a imirt ar a lucht saothair dílis; agus
  - an dóigh a ndéanann sé rianú agus measúnú ar éifeachtacht na ngníomhaíochtaí agus na dtionscnamh sin maidir le torthaí a bhaint amach dá lucht saothair dílis.
39. Maidir le mír 36, tabharfaidh an gnóthas tuairisc ar na próisis trína sainaitníonn sé cén ghníomhaíocht is gá agus is iomchuí mar fhreagairt ar **thionchar** diúltach iarbhir nó féideartha ar a **lucht saothair dílis**.
40. I ndáil le **rioscaí** agus **deiseanna** ábhartha, tabharfaidh an gnóthas tuairisc ar an méid seo a leanas:
- an ghníomhaíocht atá beartaithe nó atá ar bun chun rioscaí ábhartha a mhaolú don ghnóthas a eascraíonn as a tionchair agus a **spleáchais** ar a **lucht saothair dílis** agus an chaoi a rianaíonn sé éifeachtacht sa chleachtas; agus
  - an ghníomhaíocht atá beartaithe nó atá ar siúl chun deiseanna ábhartha a shaothrú don ghnóthas i ndáil lena lucht saothair dílis.
41. Nochtfaidh an gnóthas cé acu a áirithíonn nó nach áirithíonn sé agus conas a áirithíonn sé nach bhfuil a chleachtas féin ina gcúis le tionchair dhiúltacha ábhartha ar a **lucht saothair dílis** nó nach gcuireann siad leo, lena n-áirítear, i gcás inarb ábhartha, a chleachtas i ndáil le soláthar, díolacháin agus úsáid sonraí. D'fhéadfaí a áireamh leis sin nochtadh a dhéanamh ar an gcur chuige a ghlactar nuair a thagann teannas chun cinn idir tionchair dhiúltacha ábhartha a chosc nó a mhaolú agus brúnna gnó eile.
42. Agus an fhaisnéis a cheanglaítear faoi mhír 40 á nochtadh ag an ngnóthas, breithneoidh sé ESRS 2 MDR-T *Éifeachtacht beartas agus gníomhaíochtaí a rianú trí spriocanna* má dhéanann sé meastóireacht ar éifeachtacht gníomhaíochta trí sprioc a leagan síos.
43. Nochtfaidh an gnóthas cé na hacmhainní a leithdháiltear ar bhainistiú a thionchar ábhartha, mar aon le faisnéis a chuireann ar a gcumas **d'úsáideoirí** tuiscint a fháil ar an gcaoi a mbainistítear na tionchair ábhartha.

### **Méadracht agus spriocanna**

#### ***Ceanglas maidir le Nochtadh S1-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú***

44. Nochtfaidh an gnóthas na spriocanna atá faoi cheangal ama agus dírithe ar thorthaí a d'fhéadfadh a bheith socraithe aige agus a bhaineann leis an méid seo a leanas:
- tionchair dhiúltacha ar a lucht saothair dílis a laghdú; agus/nó**
  - tionchair dhearfacha ar a lucht saothair dílis a chur chun cinn; agus/nó**
  - bainistíocht a dhéanamh ar rioscaí agus deiseanna ábhartha a bhaineann lena lucht saothair dílis.**
45. Is é cuspóir an Cheanglais seo maidir le Nochtadh tuiscint a chumasú ar a mhéid atá **spriocanna** atá dírithe ar thorthaí á n-úsáid ag an ngnóthas chun a dhul chun cinn a spreagadh agus a thomhas maidir le haghaidh a thabhairt ar a **thionchair** dhiúltacha ábhartha agus/nó tionchair dhearfacha ar a **lucht saothair dílis** a chur chun cinn, agus/nó **rioscaí** agus **deiseanna** ábhartha a bhaineann lena lucht saothair dílis a bhainistiú.

46. Beidh na ceanglais faisnéise a shainítear in ESRS 2 MDR-T sa tuairisc achomair ar na **spriocanna** a socraíodh chun a **thionchair**, a **rioscaí** agus a **dheiseanna** ábhartha a bhaineann le **lucht saothair dílis** an ghnóthais a bhainistiú.
47. Nochtfaidh an gnóthas an próiseas chun na **spriocanna** a shocrú, lena n-áirítear cé acu a bhí nó nach raibh an gnóthas ag plé go díreach lena **lucht saothair dílis** nó le hionadaithe na n-oibríthe agus conas a rinne sé é sin i dtaca leis na nithe seo a leanas:
- (a) aon sprioc den sórt sin a leagan síos;
  - (b) feidhmíocht an ghnóthais ina gcoinne a rianú; agus
  - (c) aon cheacht nó aon fheabhsú de thoradh fheidhmíocht an ghnóthais a shainioint.

### **Ceanglas maidir le Nochtadh S1-6 – Saintréithe fhostaithe an ghnóthais**

48. **Tabharfaidh an gnóthas tuairisc ar phríomh- shaintréithe na bhfostaithe ina lucht saothair dílis.**
49. Is é cuspóir an Cheanglais seo maidir le Nochtadh léargas a thabhairt ar chur chuige an ghnóthais i leith fostaíochta, lena n-áirítear raon feidhme agus cineál na **dtionchar** a eascraíonn as a chleachtas fostaíochta, faisnéis chomhthéacsúil a sholáthar a chuideoidh le tuiscint a fháil ar an bhfaisnéis a thuairiscítear i nochtaí eile, agus a bheith mar bhonn le ríomh na **méadrachta** cainníochtúla atá le nochtadh faoi cheanglais eile maidir le nochtadh sa Chaighdeán seo.
50. I dteannta na faisnéise a cheanglaítear le mír 40(a)iii de ESRS 2 *Nochtaí Ginearálta*, nochtfaidh an gnóthas an méid seo a leanas:
- (a) an líon iomlán **fostaithe** de réir an lín daoine aonair, agus na miondealuithe de réir inscne agus de réir tíre i gcás tíortha ina bhfuil 50 fostaí nó níos mó ag an ghnóthas a sheasann do 10 % ar a laghad dá líon iomlán fostaithe;
  - (b) an líon iomlán de na daoine seo a leanas de réir an lín daoine aonair nó de réir choibhéis lánaimseartha (FTE):
    - i. fostaithe buana, agus miondealú de réir inscne;
    - ii. fostaithe sealadacha, agus miondealú de réir inscne; agus
    - iii. fostaithe a bhfuil uaireanta neamhráthaithe acu, agus miondealú de réir inscne.
  - (c) an líon iomlán fostaithe a d'fhág an gnóthas le linn na tréimhse tuairiscithe agus ráta láimhdeachais na bhfostaithe sa tréimhse tuairiscithe.
  - (d) tuairisc ar na modheolaíochtaí agus na toimhdí a úsáidtear chun na sonraí a thiomsú, lena n- áirítear cé acu a thuairiscítear nó nach dtuairiscítear na figiúirí:
    - i. de réir an lín fostaithe aonair nó de réir choibhéis lánaimseartha (FTE) (lena n- áirítear míniú ar conas a shainmhínítear FTE); agus
    - ii. ag deireadh na tréimhse tuairiscithe, mar mheánfhigiúr le haghaidh na tréimhse tuairiscithe, nó ag úsáid modheolaíocht eile.
  - (e) i gcás inarb infheidhme, faisnéis chomhthéacsúil a sholáthar is gá chun na sonraí a thuiscint (mar shampla, chun luaineachtaí sa líon fostaithe le linn na tréimhse tuairiscithe a thuiscint); agus
  - (f) crostagairt don fhaisnéis a thuairiscítear faoi (a) thuas leis an bhfigiúr is ionadaíche sna ráitis airgeadais.
51. Maidir leis an bhfaisnéis a shonraítear i bpointe (b) de mhír 50, féadfaidh an gnóthas an miondealú de réir réigiúin a nochtadh freisin.
52. Féadfaidh an gnóthas an fhaisnéis seo a leanas a nochtadh trí líon daoine aonair nó a choibhéis lánaimseartha (FTE):
- (a) **fostaithe** lánaimseartha, agus miondealuithe de réir inscne agus réigiúin; agus

- (b) fostaithe páirtaimseartha, agus miondealuithe de réir inscne agus réigiúin.

### **Ceanglas maidir le Nochtadh S1-7 – Saintréithe oibríthe neamhfhostaithe i lucht saothair dílis an ghnóthais**

---

53. **Tabharfaidh an gnóthas tuairisc ar phríomh- shaintréithe na n-oibríthe neamhfhostaithe ina lucht saothair dílis.**
54. Is é cuspóir an Cheanglais seo maidir le Nochtadh léargas a thabhairt ar chur chuige an ghnóthais i leith fostaíochta, lena n-áirítear raon feidhme agus cineál na **dtionchar** a eascraíonn as a chleachtas fostaíochta, faisnéis chomhthéacsúil a sholáthar a chuideoidh le tuiscint a fháil ar an bhfaisnéis a thuiriscítear i nochtaí eile, agus a bheith mar bhonn le ríomh na **méadrachta** cainníochtúla atá le nochtadh faoi cheanglais eile maidir le nochtadh sa Chaighdeán seo. Chomh maith leis sin, is féidir tuiscint a fháil uaidh ar an méid a bhraitheann an gnóthas ar **oibríthe neamhfhostaithe** mar chuid dá lucht saothair.
55. Sa nochtadh a cheanglaítear le mír 53 áireofar an méid seo a leanas:
- (a) nochtadh maidir leis an líon iomlán **oibríthe neamhfhostaithe i lucht saothair dílis** an ghnóthais, i.e., daoine a bhfuil conarthaí acu leis an ngnóthas chun saothar a sholáthar ('daoine féinfhostaithe') nó daoine arna soláthar ag gnóthais atá ag gabháil go príomha do 'ghníomhaíochtaí fostaíochta' (Cód NACE N78).
- (b) míniú ar na modheolaíochtaí agus na toimhdí a úsáidtear chun na sonraí a thiomsú, lena n-áirítear cé acu a thuiriscítear nó nach dtuiriscítear an líon oibríthe neamhfhostaithe:
- i. de réir an lín fostaithe aonair nó de réir coibhéis lánaimseartha (FTE) (lena n-áirítear míniú ar conas a shainmhínítear FTE); agus
- ii. ag deireadh na tréimhse tuairiscithe, mar mheánfhigiúr le haghaidh na tréimhse tuairiscithe, nó ag úsáid modheolaíocht eile.
- (c) i gcás inarb infheidhme, faisnéis chomhthéacsúil a sholáthar is gá chun na sonraí a thuiscint (mar shampla, luaineachtaí móra sa líon oibríthe neamhfhostaithe i **lucht saothair dílis** an ghnóthais le linn na tréimhse tuairiscithe agus idir an tréimhse tuairiscithe atá ann faoi láthair agus an tréimhse tuairiscithe roimhe sin).
56. Maidir leis an bhfaisnéis a shonraítear i bpointe (a) de mhír 55, féadfaidh an gnóthas na cineálacha is coitianta **oibríthe neamhfhostaithe** a nochtadh (mar shampla, daoine féinfhostaithe, daoine arna soláthar ag gnóthais atá ag gabháil go príomha do ghníomhaíochtaí fostaíochta, agus cineálacha eile atá ábhartha don ghnóthas), a gcaidreamh leis an ngnóthas, agus an cineál oibre a dhéanann siad.
57. I gcás nach bhfuil sonraí ar fáil, déanfaidh an gnóthas meastachán ar an líon agus luafaidh sé go ndearna sé amhlaidh. Nuair a dhéanann an gnóthas meastachán, tabharfaidh sé tuairisc ar an mbonn atá le hullmhú an mheastacháin sin.

### **Ceanglas maidir le Nochtadh S1-8 – Cumhdach cómhargála agus idirphlé sóisialta**

---

58. **Nochtfaidh an gnóthas faisnéis a mhéid a dhéanann comhaontuithe cómhargála coinníollacha oibre agus téarmaí fostaíochta a chuid fostaithe a chinneadh nó a mhéid a imríonn siad tionchar orthu agus a mhéid a dhéantar ionadaíocht ar a chuid fostaithe san idirphlé sóisialta sa Limistéar Eorpach Eacnamaíoch (LEE) ar leibhéal na bunaíochta agus ar an leibhéal Eorpach.**
59. Is é is cuspóir don Cheanglas seo maidir le Nochtadh tuiscint a chumasú ar chumhdach comhaontuithe **cómhargála** agus **idirphlé sóisialta d'fhostaithe** dílse an ghnóthais.
60. Nochtfaidh an gnóthas:
- (a) céatadán iomlán a **fhostaithe** a chumhdaítear le comhaontuithe **cómhargála**;
- (b) in LEE, cé acu atá nó nach bhfuil comhaontú cómhargála amháin nó níos mó aige agus, má tá, céatadán foriomlán a chuid fostaithe a chumhdaítear leis an

gcomhaontú/leis na comhaontuithe sin do gach tír ina bhfuil fostaíocht shuntasach aici, a shainmhínítear mar 50 fostaí ar a laghad de réir an lín daoine aonair a sheasann do 10 % ar a laghad dá líon iomlán fostaithe; agus

- (c) lasmuigh de LEE, an céatadán dá fhostaithe dílse atá cumhdaithe ag comhaontuithe cómhargála de réir réigiúin.
61. I gcás **fostaithe** nach gcumhdaítear le comhaontuithe **cómhargála**, féadfaidh an gnóthas a nochtadh cé acu a chinneann nó nach gcinneann sé a ndálaí oibre agus a dtéarmaí fostaíochta bunaithe ar chomhaontuithe cómhargála lena gcumhdaítear a fhostaithe eile nó bunaithe ar chomhaontuithe cómhargála ó ghnóthais eile.
62. Féadfaidh an gnóthas a nochtadh a mhéid a chinneann comhaontuithe **cómhargála** dálaí oibre agus téarmaí fostaíochta **oibríthe neamhfhostaithe** ina **lucht saothair dílis**, nó a mhéid a n-imríonn siad tionchar orthu, lena n-áirítear meastachán ar an ráta cumhdaigh.
63. Nochtfaidh an gnóthas an fhaisnéis seo a leanas i ndáil le **hidirphlé sóisialta**:
- (a) céatadán domhanda na **bhfostaithe** atá cumhdaithe ag ionadaithe oibríthe, arna dtuairisciú ar leibhéal na tíre do gach tír LEE ina bhfuil fostaíocht shuntasach ag an ngnóthas; agus
- (b) aon chomhaontú a bheith ann lena chuid fostaithe maidir le hionadaíocht ó Chomhairle Oibreacha Eorpacha (EWC), Comhairle Oibreacha Societas Europaea (SE), nó Comhairle Oibreacha Societas Cooperativa Europaea (SCE).

#### **Ceanglas maidir le Nochtadh S1-9 – Méadracht éagsúlachta**

---

64. **Nochtfaidh an gnóthas an dáileadh inscne i measc na hardbhainistíochta agus an dáileadh aoise i measc a fhostaithe.**
65. Is é cuspóir an Cheanglais seo maidir le Nochtadh tuiscint a chumasú ar éagsúlacht inscne ar leibhéal ardbhainistíochta agus ar dháileadh aoise a chuid **fostaithe**.
66. Nochtfaidh an gnóthas:
- (a) an dáileadh inscne de réir lín agus céatadán ar leibhéal na hardbhainistíochta; agus
- (b) an dáileadh **fostaithe** de réir aoisghrúpa: faoi bhun 30 bliain d'aois; 30–50 bliain d'aois; os cionn 50 bliain d'aois.

#### **Ceanglas maidir le Nochtadh S1-10 – Pá leordhóthanach**

---

67. **Nochtfaidh an gnóthas cé acu a íoctar nó nach n-íoctar pá leordhóthanach lena chuid fostaithe, agus mura n-íoctar pá leordhóthanach leo uile, na tíortha agus céatadán na bhfostaithe lena mbaineann.**
68. Is é cuspóir an Cheanglais seo maidir le Nochtadh tuiscint a chumasú ar cé acu a íoctar nó nach n-íoctar **pá leordhóthanach** le **fostaithe** uile an ghnóthais, i gcomhréir leis na tagarmharcanna is infheidhme.
69. Nochtfaidh an gnóthas cé acu a íoctar nó nach n-íoctar **pá leordhóthanach** lena **fhostaithe** go léir, i gcomhréir leis na tagarmharcanna is infheidhme. Má íoctar, is leor an méid sin a lua chun an ceanglas seo maidir le nochtadh a chomhlíonadh agus ní bheidh gá le tuilleadh faisnéise.
70. Mura n-íoctar **pá leordhóthanach** lena **fhostaithe** uile i gcomhréir leis na tagarmharcanna is infheidhme, nochtfaidh an gnóthas cé na tíortha ina dtuilleann fostaithe méid atá faoi bhun an tagarmhairc pá leordhóthanaigh is infheidhme agus céatadán na bhfostaithe a thuilleann faoi bhun an tagarmhairc pá leordhóthanaigh is infheidhme do gach ceann de na tíortha sin.
71. Féadfaidh an gnóthas an fhaisnéis a nochtadh freisin a shonraítear sa cheanglas seo maidir le nochtadh i ndáil le **hoibríthe neamhfhostaithe** ina lucht saothair.

#### **Ceanglas maidir le Nochtadh S1-11 – Cosaint shóisialta**

---

72. **Nochtfaidh an gnóthas cé acu atá nó nach bhfuil a chuid fostaithe cumhdaithe ag cosaint shóisialta in aghaidh cailteanas ioncaim mar gheall ar mhórtéagmhais saoil, agus, mura bhfuil, na tíortha nach bhfuil siad cosanta iontu.**
73. Is é cuspóir an Cheanglais seo maidir le Nochtadh ná tuiscint a chumasú ar cé acu atá nó nach bhfuil **fostaithe** an ghnóthais cumhdaithe ag **cosaint shóisialta** in aghaidh cailteanas ioncaim mar gheall ar mhórtéagmhais saoil, agus, mura bhfuil, na tíortha nach bhfuil siad cosanta iontu.
74. Nochtfaidh an gnóthas cé acu atá nó nach bhfuil a chuid **fostaithe** uile cumhdaithe ag **cosaint shóisialta**, trí chlár phoiblí nó trí shochair arna dtairiscint ag an ngnóthas, in aghaidh cailteanas ioncaim mar gheall ar aon cheann de na mórtéagmhais saoil seo a leanas:
- (a) breoiteacht;
  - (b) dífhostaíocht a thosaíonn agus an t- oibrí dílis ag obair don ghnóthas;
  - (c) díobháil fostaíochta agus míchumas a fuarthas;
  - (d) saoire thuismitheoireachta; agus
  - (e) dul ar scor.
- Má tá, is leor an méid sin a lua chun an ceanglas seo maidir le nochtadh a chomhlíonadh agus ní bheidh gá le tuilleadh faisnéise.
75. Mura gcumhdaítear a chuid **fostaithe** uile le **cosaint shóisialta** i gcomhréir le mír 72, nochtfaidh an gnóthas freisin na tíortha nach bhfuil cosaint shóisialta ag fostaithe iontu maidir le ceann amháin nó níos mó de na cineálacha teagmhas a liostaítear i mír 72 agus, i gcás gach ceann de na tíortha sin, nochtfaidh sé na cineálacha fostaithe nach bhfuil cosaint shóisialta acu maidir le gach mórtéagmhais saoil is infheidhme.
76. Féadfaidh an gnóthas an fhaisnéis a nochtadh freisin a shonraítear sa cheanglas seo maidir le nochtadh i ndáil le **hoibríthe neamhfhostaithe** ina lucht saothair.

### **Ceanglas maidir le Nochtadh S1-12 – Daoine faoi mhíchumas**

77. **Nochtfaidh an gnóthas céatadán a fhostaithe féin atá faoi mhíchumas.**
78. Is é cuspóir an Cheanglais seo maidir le Nochtadh tuiscint a chumasú ar a mhéid a áirítear **daoine faoi mhíchumas** i measc **fhostaithe** an ghnóthais.
79. Nochtfaidh an gnóthas céatadán na **ndaoinne faoi mhíchumas** i measc a chuid **fostaithe** faoi réir srianta dlíthiúla ar bhailiú sonraí.
80. Féadfaidh an gnóthas céatadán na **bhfostaithe** faoi mhíchumas a nochtadh agus miondealú a thabhairt de réir inscne.

### **Ceanglas maidir le Nochtadh S1-13 – Méadracht oiliúna agus forbartha scileanna**

81. **Nochtfaidh an gnóthas a mhéid a sholáthraítear oiliúint agus forbairt scileanna dá fhostaithe.**
82. Is é cuspóir an Cheanglais seo maidir le Nochtadh tuiscint a chumasú ar na gníomhaíochtaí **oiliúna** agus **forbartha** scileanna a tairgeadh **d'fhostaithe**, laistigh de chomhthéacs an fháis ghairmiúil leanúnaigh, chun scileanna fostaithe a uasghrádú agus chun infhostaitheacht leanúnach a éascú.
83. Sa nochtadh a cheanglaítear le mír 81 áireofar an méid seo a leanas:
- (a) céatadán na **bhfostaithe** a ghlac páirt in athbhreithnithe rialta feidhmíochta agus **forbartha** gairme; déanfar an fhaisnéis sin a mhiondealú de réir inscne;
  - (b) mheánlíon na n-uaireanta oiliúna in aghaidh an fhostaí agus de réir inscne.

84. Féadfaidh an gnóthas miondealuithe a nochtadh de réir catagóir fostaithe maidir le céatadán na bhfostaithe a ghlac páirt i bhforbairt rialta feidhmíochta agus ghairme agus maidir le meánlíon na n-uaireanta oiliúna in aghaidh an fhostaí.
85. Féadfaidh an gnóthas an fhaisnéis a nochtadh freisin a shonraítear sa cheanglas seo maidir le nochtadh i ndáil le **hoibrithe neamhfhostaithe** ina lucht saothair.

### **Ceanglas maidir le Nochtadh S1-14 – Méadracht sláinte agus sábháilteachta**

86. **Nochtfaidh an gnóthas faisnéis faoin méid a chumhdaítear a lucht saothair dílis lena chóras bainistithe sláinte agus sábháilteachta agus faoi líon na dteagmhas a bhaineann le gortuithe, drochshláinte agus básanna a bhaineann leis an obair ina lucht saothair féin. Ina theannta sin, nochtfaidh sé an líon básanna de dheasca gortuithe a bhaineann leis an obair agus drochshláinte a bhaineann leis an obair i measc oibrithe eile a oibríonn ar láithreáin an ghnóthais.**
87. Is é is cuspóir don Cheanglas seo maidir le Nochtadh é a bheith indéanta tuiscint a fháil ar chumhdach, cáilíocht agus feidhmíocht an chórais bainistithe sláinte agus sábháilteachta arna bhunú chun **gortuithe a bhaineann leis an obair** a chosc.
88. Áireofar sa nochtadh a cheanglaítear le mír 86 an fhaisnéis seo a leanas, i gcás inarb infheidhme, arna miondealú idir **fostaithe** agus **oibrithe neamhfhostaithe** i lucht saothair dílis an ghnóthais:
- céatadán na ndaoine ina lucht saothair dílis atá cumhdaithe ag córas bainistithe sláinte agus sábháilteachta an ghnóthais bunaithe ar cheanglais dlí agus/nó caighdeáin nó treoirlínte aitheanta;
  - an líon básanna<sup>102</sup> de dheasca **gortuithe a bhaineann leis an obair** agus **drochshláinte a bhaineann leis an obair**;
  - an líon agus an ráta tionóiscí intaifeadta a bhaineann leis an obair;
  - maidir le fostaithe an ghnóthais, an líon cásanna **drochshláinte intaifeadta a bhaineann leis an obair**, faoi réir srianta dlíthiúla ar bhailiú sonraí; agus
  - maidir le fostaithe an ghnóthais, an líon laethanta a cailleadh de dheasca gortuithe a bhaineann leis an obair agus básanna ó thionóiscí a bhaineann leis an obair, ó dhrochshláinte a bhaineann leis an obair agus ó bhásanna de dheasca drochshláinte<sup>103</sup>.
- Déanfar an fhaisnéis maidir le (b) a thuairisciú freisin d'oibrithe eile atá ag obair ar **láithreáin** an ghnóthais, amhail **oibrithe sa slabhra luacha** má tá siad ag obair ar láithreáin an ghnóthais.
89. Féadfaidh an gnóthas an fhaisnéis a shonraítear i bpointí (d) agus (e) de mhír 88 a nochtadh freisin maidir le **hoibrithe neamhfhostaithe**.
90. Ina theannta sin, féadfaidh an gnóthas an fhaisnéis bhreise seo a leanas maidir le cumhdach sláinte agus sábháilteachta a áireamh freisin: céatadán a chuid oibrithe dílse a chumhdaítear

<sup>102</sup> Tacaíonn an fhaisnéis sin le riachtanais faisnéise riarthóirí tagarmharcanna tosa ESG a nochtadh faoi réir Rialachán (AE) 2020/1816 mar a leagtar amach le táscaire 'Meánchóimheas ualaithe timpistí, díobhálacha, básanna' i roinn 1 agus 2 d'larscríbhinn II. Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire breise a bhaineann le drochthionchair phríomha a leagtar amach le táscaire #2 i dTábla III d'larscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaca le rialacha maidir le nochtadh i dtaobh infheistíochtaí inbhuanaithe ('An ráta timpistí') agus riarthóirí tagarmharcanna chun tosa ESG a nochtadh faoi réir Rialachán (AE) 2020/1816 mar a leagtar amach le táscaire 'Meánchóimheas ualaithe timpistí, díobhálacha, básanna' i roinn 1 agus 2 d'larscríbhinn II.

<sup>103</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire breise a bhaineann le drochthionchair phríomha mar a leagtar amach le táscaire #3 i dTábla III d'larscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('An líon laethanta a cailleadh de dheasca díobhálacha, timpistí, básanna nó tinnis').

le córas bainistithe sláinte agus sábháilteachta atá bunaithe ar cheanglais dhlíthiúla agus/nó ar chaighdeán nó ar threoirlínte aitheanta agus a ndearnadh iniúchadh inmheánach air agus/nó a ndearna páirtí seachtrach iniúchadh nó deimhniú air.

### **Ceanglas maidir le Nochtadh S1-15 – Méadracht maidir le cothromaíocht oibre is saoil**

---

91. **Nochtfaidh an gnóthas a mhéid atá fostaithe i dteideal saoire a bhaineann leis an teaghlach agus í a úsáid.**
92. Is é cuspóir an Cheanglais seo maidir le Nochtadh tuiscint a thabhairt ar an teidlíocht agus ar na cleachtais iarbhir i measc na **bhfostaithe** saoire a bhaineann leis an teaghlach a thógáil ar bhealach atá cothrom ó thaobh inscne de, ós rud é go bhfuil sé ar cheann de ghnéithe na cothromaíochta oibre is saoil.
93. Sa nochtadh a cheanglaítear le mír 91 áireofar an méid seo a leanas:
  - (a) céatadán na **bhfostaithe** atá i dteideal saoire a bhaineann leis an teaghlach a thógáil; agus
  - (b) céatadán na bhfostaithe atá ina theideal sin a thóg saoire a bhaineann leis an teaghlach, agus miondealú de réir inscne.
94. Má tá **fostaithe** uile an ghnóthais i dteideal saoire a bhaineann leis an teaghlach tríd an mbeartas sóisialta agus/nó trí chomhaontuithe **cómhargála**, is leor é sin a nochtadh chun ceanglas mhír 93a a chomhlíonadh.

### **Ceanglas maidir le Nochtadh S1-16 – Méadracht luacha saothair (bearna phá agus luach saothair iomlán)**

---

95. **Nochtfaidh an gnóthas céatadán na bearna pá idir a fhostaithe bainearna agus fireanna agus an cóimheas idir luach saothair an duine aonair is airde a íoctar agus an luach saothair airmheánach dá fhostaithe.**
96. Tá dhá chuspóir ag an gCeanglas seo maidir le Nochtadh: chun tuiscint a thabhairt ar mhéid aon bhearna sa **phá** idir mná agus fir i measc **fhostaithe** an ghnóthais; agus léargas a thabhairt ar leibhéal an neamh-chomhionannais luacha saothair laistigh den ghnóthas agus cé acu atá nó nach bhfuil éagothromaíochtaí móra pá ann.
97. Sa nochtadh a cheanglaítear le mír 95 áireofar an méid seo a leanas:
  - (a) an bhearna **phá** idir na hinscní, arna sainmhíniú mar an difríocht idir na meánleibhéil phá idir fostaithe bainearna agus fostaithe fireanna, arna sloinneadh mar chéatadán de mheánleibhéal pá na bhfostaithe fireanna<sup>104</sup>;
  - (b) cóimheas **luacha saothair iomlán bhliantúil** an duine aonair is airde a íoctar leis an luach saothair iomlán airmheánach bliantúil do gach **fostaí** (gan an duine aonair is airde pá a áireamh)<sup>105</sup>; agus
  - (c) i gcás inarb infheidhme, aon fhaisnéis chomhthéacsúil is gá chun na sonraí agus an chaoi ar tiomsaíodh na sonraí agus aon athrú eile ar na sonraí foluiteacha atá le breithniú a thuiscint.

---

<sup>104</sup> Tacaíonn an fhaisnéis seo leis na riachtanais faisnéise seo a leanas: rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire sainordaitheach a bhaineann le drochthionchair phríomha mar a leagtar amach le táscaire #12 i dTábla I d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Bearna phá neamhchoigeartaithe idir na hinscní'); agus riarthóirí tagarmharcanna chun tosca ESG a nochtadh faoi réir Rialachán (AE) 2020/1816 mar a leagtar amach le táscaire 'Meán ualaithe na bearna pá idir na hinscní' i roinn 1 agus 2 d'Iarscríbhinn II.

<sup>105</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchair phríomha mar a leagtar amach le táscaire #8 i dTábla III d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Cóimheas pá POF iomarcach').

98. Féadfaidh an gnóthas miondealú a nochtadh ar an mbearna phá idir na hinscní mar a shainmhínítear i mír 97(a) de réir catagóir fostaí agus/nó de réir tíre/dheighilte. Féadfaidh an gnóthas an bhearna phá idir na hinscní idir fostaíthe a nochtadh de réir catagóirí fostaíthe arna miondealú de réir an ghnáth-bhuntuarastail agus de réir comhpháirteanna comhlántacha nó athraitheacha.
99. Maidir le mír 97 (b), féadfaidh an gnóthas an figiúr sin arna choigeartú le haghaidh difríochtaí cumhachta ceannaigh idir tíortha a thuairisciú, agus sa chás sin tuairisceoidh sé an mhodheolaíocht a úsáideadh don ríomh.

### **Ceanglas maidir le Nochtadh S1-17 – Teagmhais, gearáin agus tionchair dhiana ar chearta an duine**

100. **Nochtfaidh an gnóthas líon na dteagmhas agus/nó na ngearán a bhaineann leis an obair agus na n-iarmaidí tromchúiseacha ar chearta an duine laistigh dá lucht saothair féin, agus aon fhíneálacha ábhartha, smachtbhannaí nó cúiteamh don tréimhse tuairiscithe.**
101. Is é cuspóir an Cheanglais maidir le Nochtadh ná tuiscint a thabhairt ar a mhéid a théann **teagmhais a bhaineann leis an obair** agus cásanna tromchúiseacha de **thionchair** ar chearta an duine i bhfeidhm ar a **lucht saothair dílis**.
102. Áireofar sa nochtadh a cheanglaítear le mír 100, faoi réir na rialachán príobháideachais ábhartha, teagmhais idirdhealaithe a bhaineann leis an obair ar fhorais inscne, tionscnaimh chiníoch nó eitnigh, náisiúntachta, reiligiúin nó creidimh, míchumais, aoise, gnéaschlaonta, nó cineálacha ábhartha eile idirdhealaithe a bhaineann le geallsealbhoirí inmheánacha agus/nó seachtracha thar oibríochtaí sa tréimhse tuairiscithe. Áirítear leis sin teagmhais ciaptha mar chineál sonrath idirdhealaithe.
103. Nochtfaidh an gnóthas:
- an líon iomlán **teagmhais idirdhealaithe**, lena n-áirítear **ciapadh**, a tuairiscíodh sa tréimhse tuairiscithe<sup>106</sup>;
  - líon na ngearán a chomhdaítear trí bhealaí do dhaoine i bhfórsa saothair an ghnóthais féin chun ábhair imní a ardú (lena n-áirítear sásraí casaoide) agus, i gcás inarb infheidhme, chuig Pointí Teagmhála Náisiúnta d'Fhiontair Ilnáisiúnta ECFE a bhaineann leis na hábhair a shainítear i mír 2 den Chaighdeán seo, cé is moite díobh siúd a tuairiscíodh cheana in (a) thuas;
  - méid iomlán na bhfíneálacha, na bpionós, agus an chúitimh i leith damáistí mar thoradh ar na teagmhais agus ar na gearáin a nochtar thuas, agus réiteach idir na méideanna airgeadaíochta sin a nochtar leis an méid is ábhartha a chuirtear i láthair sna ráitis airgeadais; agus
  - i gcás inarb infheidhme, faisnéis chomhthéacsúil is gá chun na sonraí agus an chaoi ar tiomsaíodh na sonraí sin a thuiscint.
104. Nochtfaidh an gnóthas an fhaisnéis seo a leanas maidir le cásanna sainaitheanta de theagmhais thromchúiseacha maidir le cearta an duine (e.g. saothar éigeantais, gáinneáil ar dhaoine nó saothar leanaí):
- líon na dteagmhais tromchúiseach maidir le cearta an duine a bhaineann le lucht saothair an ghnóthais sa tréimhse tuairiscithe, lena n-áirítear léiriú ar líon na dteagmhais sin nach n-urramaítear Prionsabail Threoracha na Náisiún Aontaithe maidir le Gnó agus Cearta an Duine, Dearbhú EIS maidir le Prionsabail Bhunúsacha agus Cearta Bunúsacha ag an Obair nó Treoirínte ECFE d'Fhiontair Ilnáisiúnta. Murar

<sup>106</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchair phríomha mar a leagtar amach le táscaire #7 i dTábla III d'Iarscríbhinn I a ghabhann le Rialachán Tarmilgthe (AE) 2022/1288 ón gCoimisiún i dtuairiscíocht maidir le nochtadh i dtaca le hinneistíochtaí inbhuanaithe ('Teagmhais idirdhealaithe').

tharla aon teagmhas den sórt sin, luafaidh an gnóthas é sin<sup>107</sup>; agus

- (b) méid iomlán na bhfíneálacha, na b pionós agus an chúitimh i leith damáistí i leith na dteagmhas a thuairiscítear in (a) thuas, agus réiteach na méideanna airgeadaíochta a nochtar sa mhéid is ábhartha sna ráitis airgeadais.

## Foscúbhinn A: Ceanglais maidir le Cur i bhFeidhm (AR)

---

Is dlúthchuid de ESRS S1 *Lucht saothair dhílis* í an fhoscúbhinn seo. Tacaíonn sí le cur i bhfeidhm na gceanglas maidir le nochtadh a leagtar amach sa chaighdeán seo agus tá an t-údarás céanna aici agus atá ag na codanna eile den Chaighdeán seo.

### Cuspóir

---

- AR 1. I dteannta na saincheisteanna a liostaítear i mír 2, féadfaidh an gnóthas breithniú a dhéanamh freisin ar fhaisnéis a nochtadh faoi shaincheisteanna eile atá ábhartha maidir le tionchar ábhartha ar feadh tréimhse níos giorra ama, mar shampla tionscnaimh maidir le sláinte agus sábháilteacht a ***lucht saothair dhílis*** le linn paindéime.
- AR 2. Níl sé i gceist leis an bhforléargas ar chúrsaí sóisialta i mír 2 a thabhairt le tuiscint gur cheart tuairisc a thabhairt ar na saincheisteanna uile sin i ngach Ceanglas maidir le Nochtadh sa Chaighdeán seo. Ina ionad sin, soláthraíonn siad liosta d'ábhair a dhíorthaítear ó na ceanglais tuairiscithe inbhuanaitheachta a leagtar amach i dTreoir 2013/34/AE a bhreithneoidh an gnóthas le haghaidh mheasúnú ***ábharthachta*** ESRS 2 a bhaineann lena ***lucht saothair dhílis*** agus, de réir mar is iomchuí, tuairisceoidh siad mar ***thionchair, rioscaí*** agus ***deiseanna*** ábhartha iad laistigh de raon feidhme an Chaighdeáin seo.
- AR 3. Seo a leanas samplaí de dhaoine a thagann faoi raon feidhme '***Lucht saothair dhílis***':
- (a) Seo a leanas samplaí de chonraitheoirí (daoine féinfhostaithe) i ***lucht saothair dhílis*** an ghnóthais:
- Conraitheoirí arna bhfostú ag an ngnóthas chun obair a dhéanamh, ar obair í a dhéanfadh ***fostaí*** ina mhalairt de chás
  - Conraitheoirí arna bhfostú ag an ngnóthas chun obair a dhéanamh in áit phoiblí (e.g. ar bhóthar, ar an tsráid).
  - Conraitheoirí arna bhfostú ag an ngnóthas chun an obair/an tseirbhís a dhéanamh go díreach in áit oibre chliant an ghnóthais.
- (b) Is samplaí de dhaoine atá fostaithe ag tríú páirtí atá i mbun 'gníomhaíochtaí fostaíochta' iad daoine a dhéanann an obair chéanna a dhéanann fostaithe, amhail:
- daoine a dhéanann ionadaíocht d'fhostaithe atá as láthair go sealadach (mar gheall ar bhreitheacht, saoire, saoire thuismitheoireachta, etc.);
  - daoine a dhéanann obair sa bhreis ar ghnáthfhostaithe;
  - daoine a sheoltar go sealadach ó Bhallstát eile den Aontas Eorpach chun dul ag obair don ghnóthas ('oibríthe ar postú').

---

<sup>107</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire sainordaitheach breise a bhaineann le drochthionchair príomha mar a leagtar amach le táscaire #10 i dTábla I d'Iarscríbhinn I agus le táscaire #14 i dTábla III d'Iarscríbhinn I a ghabhann le Rialachán Tamligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Sáruithe ar phrionsabail Chomhshocrú Domhanda na Náisiún Aontaithe agus Treoirínte ECFE le haghaidh Fiontair Innáisiúnta' agus 'An líon cásanna sainaitheanta de shaincheisteanna agus teagmhais mhóra maidir le cearta an duine'); agus riachtanais faisnéise riarthóirí tagarmharcanna chun tosca ESG a nochtadh faoi réir Rialachán (AE) 2020/1816 mar a leagtar amach le táscaire 'An líon comhpháirteanna tagarmhairc atá faoi réir sáruithe sóisialta (dearbhuimhir agus coibhneasta arna roinnt ar gach comhpháirt tagarmharcanna), dá dtagraítear i gconarthaí agus coinbhinsiúin idirnáisiúnta, i bprionsabail na Náisiún Aontaithe agus, i gcás inarb infheidhme, sa dlí náisiúnta' i ranna 1 agus 2 d'Iarscríbhinn II.

## **ESRS 2 Nochtaí Ginearálta**

### **Straitéis**

#### **Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara**

---

- AR 4. Le ESRS 2 SBM-2 ceanglaítear ar an ngnóthas tuiscint a chur ar fáil cé acu a mheasann sé nó nach measann sé go bhféadfadh ról a bheith ag a straitéis agus a **shamhail ghnó** maidir le **tionchair** shuntasacha ábhartha ar a **lucht saothair dílis** a chruthú, a ghéarú nó a mhaolú, agus ar an gcaoi a ndéanann siad é sin, agus cé acu atá nó nach bhfuil an tsamhail ghnó agus an straitéis oiriúnaithe chun aghaidh a thabhairt ar thionchair ábhartha den sórt sin agus ar an gcaoi a bhfuil siad oiriúnaithe.
- AR 5. Cé go bhféadfadh sé nach bhfuil **lucht saothair dílis** an ghnóthais ag déanamh rannpháirtíochta leis an ngnóthas ar leibhéal a straitéise nó a **shamhla ghnó**, is féidir lena dtuairimí bonn eolais a chur faoi mheasúnú an ghnóthais ar a straitéis agus ar a shamhail ghnó. Breithneoidh an gnóthas tuairimí ionadaithe na n-oibrithe nuair is infheidhme chun an nochtadh sin a chomhlíonadh.

#### **Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó**

---

- AR 6. Is féidir le **tionchair** ar **lucht saothair dílis** an ghnóthais teacht as a straitéis nó as a **shamhail ghnó** ar bhealaí éagsúla. Mar shampla, d'fhéadfadh tionchair a bheith ag baint le tairiscint luacha an ghnóthais (amhail táirgí nó seirbhísí ar an gcostas is ísle a sholáthar, nó seachadadh ardluais, ar bhealaí a chuireann brú ar chearta saothair ina chuid oibríochtaí féin), nó a struchtúr costais agus an tsamhail ioncaim (amhail riosca fardail a aistriú chuig soláthróirí, a bhfuil éifeachtaí iarmhartacha aige ar chearta saothair na ndaoine a oibríonn dóibh).
- AR 7. Is féidir leis na tionchair ar **lucht saothair dílis** an ghnóthais a eascraíonn as an straitéis nó as an **tsamhail ghnó rioscaí** ábhartha a chruthú don ghnóthas freisin. Mar shampla, tagann rioscaí chun cinn má tá roinnt daoine sa lucht saothair i mbaol **saothar éignithe**, agus má tá táirgí á n-allmhairiú ag an ngnóthas isteach i dtíortha ina gceadaítear faoin dlí earraí allmhairithe a bhfuil amhras fúthu go ndearnadh iad le saothar éignithe a choigistiú. D'fhéadfadh sampla de dheiseanna don ghnóthas teacht as deiseanna a chur ar fáil don lucht saothair amhail cruthú post agus uas-sciliú i gcomhthéacs 'aistriú cóir'. Sampla eile, i gcomhthéacs paidéime nó géarchéim sláinte thromchúiseach eile, baineann sé leis an ngnóthas a d'fhéadfadh a bheith ag brath ar shaothar teagmhasach gan mórán rochtana nó gan rochtain ar bith ar chúram breoiteachta agus ar shochair sláinte a bhféadfadh rioscaí tromchúiseacha a bheith rompu ó thaobh leanúnachas oibríochtúil agus gnó de toisc nach bhfuil aon rogha ag oibrithe ach leanúint de bheith ag obair agus iad tinn, rud a chuirfeadh le leathadh an ghalair agus a d'fhéadfadh cliseadh mór sa **slabhra soláthair** a spreagadh. Tá méadú ag teacht freisin ar na rioscaí clú agus na rioscaí deiseanna gnó a bhaineann le dúshaothrú oibrithe ar bheagán oiliúna agus ar phá íseal i dtaca le limistéir gheografach a aimsiú ina bhfuil íoschosaintí dóibh agus tá frithfhreagairt meáin anois ann agus tá rogha na **dtomhaltóirí** ag bogadh i dtreo earraí a bhfuil bunús níos eiticiúla leo nó atá níos inbhuanaithe.
- AR 8. Maidir le samplaí de shaintréithe áirithe daoine i **lucht saothair dílis** an ghnóthais a d'fhéadfadh an gnóthas a mheas agus é ag freagairt do mhír 15, baineann siad le daoine óga a d'fhéadfadh a bheith níos soghabhálaí i leith **tionchair** ar a bhforbairt fhisiciúil agus mheabhrach, nó le mná i gcomhthéacs inar gnáthchleachtas é idirdhealú a dhéanamh ar mhná i dtéarmaí agus i ndálaí oibre, nó le himircigh i gcomhthéacs ina ndéantar droch-rialú ar an margadh soláthair saothair agus inar gnáthchleachtas é táillí earcaíochta a ghearradh ar oibrithe. I gcás roinnt daoine sa lucht saothair, d'fhéadfadh an cineál gníomhaíochta is cuid dhílis den obair a gceanglaítear orthu a dhéanamh iad a chur i mbaol (mar shampla,

daoine a gceanglaítear orthu ceimiceáin a láimhseáil nó trealamh áirithe a oibriú, nó fostaithe ar phá íseal a bhfuil conarthaí ‘gan íosmhéid uaireanta’ acu).

- AR 9. Maidir le mír 16, d’fhéadfadh **rioscaí** ábhartha teacht chun cinn freisin mar gheall ar **spleáchas** an ghnóthais ar a **lucht saothair dílis** i gcás ina bhféadfadh **iarhairtí airgeadais** a bheith mar thoradh ar theagmhais a bhfuil dóchúlacht íseal ach ardtionchar ag baint leo; mar shampla, i gcás ina mbíonn tionchar tromchúiseach ar an tsláinte ag paidéim dhomhanda ar lucht saothair an ghnóthais, rud a chuireann isteach go mór ar tháirgeadh agus ar dháileadh. I measc na samplaí eile de riosca a bhaineann le spleáchas an ghnóthais ar a lucht saothair tá ganntanas oibrithe oilte nó cinntí polaitiúla nó reachtaíocht a dhéanann difear dá oibríochtaí féin agus dá lucht saothair féin.

### **Bainistiú tionchar, rioscaí agus deiseanna**

#### **Ceanglas maidir le Nochtadh S1-1 – Beartais a bhaineann le lucht saothair dílis**

- AR 10. Breithneoidh an gnóthas an soláthraíonn mínithe ar athruithe suntasacha ar na beartais a glacadh le linn na bliana tuairiscithe (mar shampla, ionchais nua d’fhochuideachtaí eachtracha, cuir chuige nua nó cur chuige breise maidir le dícheall cuí agus leigheas) faisnéis chomhthéacsúil d’úsáideoirí agus féadfaidh sé mínithe den sórt sin a nochtadh. Áirítear leis sin beartais agus gealltanais an ghnóthais na **rioscaí** agus na **tionchair** dhiúltacha ar dhaoine ina **lucht saothair dílis** a chosc nó a mhaolú maidir le **hastáochtaí** carbóin a laghdú agus aistriú chuig oibríochtaí atá níos glaise agus atá neodrach ó thaobh na haeráide de chomh maith le **deiseanna** a chur ar fáil don lucht saothair amhail cruthú post agus uas-sciliú, lena n-áirítear gealltanais fhollasacha maidir le ‘haistriú cóir’.
- AR 11. Féadfaidh an **beartas** a bheith i bhfoirm beartais neamhspleách maidir le lucht saothair dílis an ghnóthais nó féadfar é a áireamh i ndoiciméad níos leithne amhail cód eitice nó beartas inbhuanaitheachta ginearálta a nocht an gnóthas cheana mar chuid de ESRS eile. Sna cásanna sin, tabharfaidh an gnóthas crostagairt chruinn chun na gnéithe den bheartas a chomhlíonann ceanglais an Cheanglais seo maidir le Nochtadh a shainaitheint.
- AR 12. Agus ailíniú a chuid beartas le Prionsabail Threoracha na Náisiún Aontaithe maidir le Gnó agus Cearta an Duine á nochtadh aige, measfaidh an gnóthas go dtagraíonn na Prionsabail Threoracha don Bhille Idirnáisiúnta um Chearta an Duine, arb é atá ann Dearbhú Uilechoiteann Chearta an Duine agus an dá Chúnant lena gcuirtear chun feidhme é, chomh maith le Dearbhú na hEagraíochta Idirnáisiúnta Saothair maidir le Cearta Bunúsacha agus Prionsabail Bhunúsacha san Obair agus na croíchoinbhinsiúin atá ina mbonn leis, agus féadfaidh sé a ailíniú leis na hionstraimí sin a thuiriscíú.
- AR 13. Agus míniú á thabhairt ar an gcaoi a bhfuil beartais sheachtracha leabaithe, féadfaidh an gnóthas, mar shampla, beartais inmheánacha maidir le foinsiú freagrach a chur san áireamh, agus ailíniú le beartais eile atá ábhartha d’oibrithe dílse, mar shampla, maidir le saothar éignithe. Maidir le cóid iompair do sholáthraithe a d’fhéadfadh a bheith ag an ngnóthas, léireofar ann an bhfuil forálacha iontu lena dtugtar aghaidh ar shábháilteacht oibrithe, obair fhorbhásach (i.e., úsáid oibrithe ar chonarthaí gearrthéarmacha nó ar chonarthaí uaireanta teoranta, oibrithe atá fostaithe trí thríú páirtithe, fochonraitheoireacht do thríú páirtithe nó úsáid oibrithe neamhfhoirmiúla), gáinneáil ar dhaoine, úsáid saothair éigeantais nó saothair leanaí, agus cé acu atá nó nach bhfuil na forálacha sin i gcomhréir go hiomlán le caighdeáin na hEagraíochta Idirnáisiúnta Saothair is infheidhme.
- AR 14. Féadfaidh an gnóthas léiriú a thabhairt ar na cineálacha cumarsáide maidir lena bheartais leis na daoine aonair sin, leis an ngrúpa daoine aonair nó leis na heintitis sin a bhfuil siad ábhartha ina leith, toisc go bhfuiltear ag súil go gcuirfidh siad chun feidhme iad (mar shampla, **fostaithe**, conraitheoirí agus **soláthróirí** an ghnóthais), nó toisc go bhfuil leas díreach acu ina gcur chun feidhme (mar shampla, daoine ina **lucht saothair dílis**, infheisteoirí). Féadfaidh sé uirlisí agus bealaí cumarsáide a nochtadh (mar shampla, fógraí, nuachtlitracha, suíomhanna gréasáin tiomnaithe, na meáin shóisialta, idirghníomhaíochtaí aghaidh ar aghaidh, ionadaithe oibrithe), arb é is aidhm dóibh a áirithiú go bhfuil an **beartas** inrochtana agus go dtuigeann lucht féachana éagsúil na himpleachtaí a bhaineann leis. Féadfaidh an gnóthas míniú a thabhairt freisin ar an gcaoi a n-aithníonn sé bacainní a

d'fhéadfadh a bheith ann maidir le scaipeadh, agus ar an gcaoi a gcuireann sé deireadh leo, amhail trí aistriúchán go teangacha ábhartha nó trí úsáid a bhaint as léirithe grafacha.

- AR 15. Tarlaíonn **idirdhealú** i bhfostaíocht agus i ngairm bheatha nuair a chaitear le duine ar bhealach éagsúil nó ar bhealach nach bhfuil chomh fabhrach céanna mar gheall ar shaintréithe nach mbaineann le fiúntas ná le bunriachtanais an phoist. Is minic a shainítear na saintréithe sin i ndlíthe náisiúnta. Chomh maith leis na forais a luaitear sa Cheanglas maidir le Nochtadh, breithneoidh an gnóthas forais eile idirdhealaithe a thoirmisctear faoin reachtaíocht náisiúnta.
- AR 16. D'fhéadfadh **idirdhealú** teacht chun cinn i réimse gníomhaíochtaí a bhaineann leis an obair. Áirítear orthu sin rochtain ar fhostaíocht, gairmeacha faoi leith, oiliúint agus gairmthreoir agus slándáil shóisialta. Thairis sin, is féidir go mbeidh sé le sonrú i dtéarmaí agus coinníollacha fostaíochta, amhail: earcaíocht, luach saothair, uaireanta oibre agus sosa, laethanta saoire le pá, cosaint mháithreachais, slándáil tréimhse oifige, sannadh tascanna oibre, measúnú feidhmíochta agus dul chun cinn, deiseanna oiliúna, ionchais maidir le hardú céime, sláinte agus sábháilteacht gairme, foirceannadh fostaíochta. Féadfaidh an gnóthas aghaidh a thabhairt ar na réimsí sin go sonrach nuair a nochtfaidh sé a bheartais agus a nósanna imeachta foluiteacha chun an ceanglas maidir le nochtadh a chomhlíonadh.
- AR 17. Féadfaidh an gnóthas a nochtadh cé acu is fíor nó nach fíor an méid seo a leanas:
- tá beartais agus nósanna imeachta aige a fhágann go bhfuil cáilíochtaí, scileanna agus taithí mar bhonn le hearcaíocht, socrúchán, **oiliúint** agus dul chun cinn ar gach leibhéal, agus san am céanna, cuireann sé san áireamh go bhfuil sé níos deacra do dhaoine áirithe seachas a chéile na cáilíochtaí, na scileanna agus an taithí sin a fháil;
  - sannann sé freagracht ar an leibhéal ardbhainistíochta as **cóir chomhionann** agus as **deiseanna** san fhostaíocht, eisíonn sé beartais agus nósanna imeachta soiléire ar fud na cuideachta chun cleachtais chomhionanna fostaíochta a threorú, agus chun dul chun cinn a nascadh le feidhmíocht inmhianaithe sa réimse sin;
  - cuireann sé oiliúint foirne ar fáil maidir le beartais agus cleachtais neamh-**idirdhealaithe**, agus béim ar leith á leagan ar an meánbhainistíocht agus ar an ardbhainistíocht chun feasacht a mhúscailt agus aghaidh a thabhairt ar straitéisí réitigh chun idirdhealú sistéamach agus idirdhealú teagmhasach a chosc agus chun aghaidh a thabhairt air;
  - déanann sé coigeartuithe ar an timpeallacht fhisiciúil chun sláinte agus sábháilteacht a áirithiú d'oibrithe, do chustaiméirí agus do chuirteoirí eile faoi mhíchumas;
  - déanann sé meastóireacht ar cé acu a saináithníodh nó nár sainmhíníodh riachtanais an phoist ar bhealach a d'fhéadfadh grúpaí áirithe a chur faoi mhíbhuntáiste córasach;
  - coimeádann sé taifid atá cothrom le dáta maidir le hearcaíocht, oiliúint agus ardú céime lena dtugtar léargas trédhearcach ar dheiseanna **d'fhostaithe** agus ar a ndul chun cinn laistigh den ghnóthas;
  - cuireann sé nósanna imeachta casaoide ar bun chun aghaidh a thabhairt ar ghearáin, chun achomhairc a láimhseáil agus chun ceart cúitimh a sholáthar d'fhostaithe (go háirithe i gcomhthéacs na caibidlíochta agus comhaontuithe cómhargála) nuair a aithnítear idirdhealú, agus tá sé airdeallach ar struchtúir fhoirmiúla agus ar shaincheisteanna cultúrtha neamhfoirmiúla a d'fhéadfadh cosc a chur ar fhostaithe ábhair imní agus casaoídí a ardú; agus
  - tá cláir aige chun rochtain ar **fhorbairt** scileanna a chur chun cinn.

### **Ceanglas maidir le Nochtadh S1-2 – Próisis rannpháirtíochta le lucht saothair dílis agus ionadaithe oibríthe maidir le tionchair**

- AR 18. Nuair a thugtar tuairisc ar an bhfeidhm nó ar an ról ar a bhfuil freagracht oibríochtúil as an rannpháirtíocht sin agus/nó as an gcuntasacht deiridh sin, féadfaidh an gnóthas a nochtadh an ról tiomnaithe nó feidhm thiomnaithe é sin nó cuid de ról nó feidhm níos leithne, agus cé acu ar tairgeadh nó nár tairgeadh aon ghníomhaíocht fothaithe acmhainneachta chun tacú leis an bhfoireann chun dul i mbun rannpháirtíochta. Mura féidir leis post nó feidhm den sórt

sin a shainaithe, féadfaidh sé a rá gurb amhlaidh atá. D'fhéadfaí an nochtadh sin a chomhlíonadh freisin trí thagairt a dhéanamh d'fhaisnéis arna nochtadh de réir ESRS 2 GOV-1 *Ról na gcomhlachtaí riaracháin, bainistíochta agus maoirseachta*.

AR 19. Agus na nochtaí a dtugtar tuairisc orthu i mír 27 b) agus c) á n- ullmhú aige, féadfar na léirithe seo a leanas a bhreithniú:

- (a) samplaí de chéimeanna ina dtarlaíonn rannpháirtíocht ná i) an cur chuige maidir le maolú a chinneadh agus ii) meastóireacht a dhéanamh ar éifeachtacht an mhaolaithe;
- (b) i gcás an chineáil rannpháirtíochta, d'fhéadfadh rannpháirtíocht, comhairliúchán agus/nó faisnéis a bheith ann;
- (c) i gcás mhinicíocht na rannpháirtíochta, féadfar faisnéis a sholáthar maidir le cé acu a dhéantar nó nach ndéantar rannpháirtíocht ar bhonn tráthrialta, ag pointí áirithe i dtionscadal nó i bpróiseas gnó, (mar shampla, nuair a thosaíonn séasúr nua buainte nó nuair a osclaítear líne tháirgthe nua), agus cé acu mar fhreagairt ar cheanglais dlí agus/nó mar fhreagairt ar iarrataí ó **pháirtithe leasmhara** a dhéantar í agus cé acu a chomhtháthaítear nó nach gcomhtháthaítear toradh na rannpháirtíochta i bpróisis chinnteoireachta an ghnóthais; agus
- (d) maidir leis an ról a bhfuil freagracht oibríochtúil ag baint leis, cé acu a éilíonn nó nach éilíonn an gnóthas ar bhaill foirne ábhartha scileanna áirithe a bheith acu, nó cé acu a chuireann nó nach gcuireann sé **oiliúint** nó fothú acmhainneachta ar fáil do bhaill foirne ábhartha chun dul i mbun rannpháirtíochta.

AR 20. Feidhmíonn Creat- Chomhaontuithe Domhanda (GFAnna) chun gaolmhaireacht leanúnach a bhunú idir fiontar ilnáisiúnta agus Cónaidhm Dhomhanda Ceardchumann chun a áirithiú go gcloífidh an gnóthas leis na caighdeáin chéanna i ngach tír ina n- oibríonn sé.

AR 21. Chun léiriú a thabhairt ar an gcaoi a ndearna a lucht saothair féin cinntí nó gníomhaíochtaí sonracha a threorú, féadfaidh an gnóthas samplaí a sholáthar ón tréimhse tuairiscithe reatha.

AR 22. I gcás ina bhfuil comhaontuithe ag an ngnóthas le ceardchumainn náisiúnta, Eorpacha nó idirnáisiúnta nó le comhairlí oibre a bhaineann le cearta daoine a lucht saothair féin, is féidir é sin a nochtadh chun léiriú a thabhairt ar an gcaoi a gcuireann an comhaontú ar chumas an ghnóthais léargas a fháil ar pheirspictíochtaí na ndaoine sin.

AR 23. I gcás inar féidir, féadfaidh an gnóthas samplaí a nochtadh ón tréimhse tuairiscithe chun léiriú a thabhairt ar an gcaoi ar chuir peirspictíochtaí a lucht saothair féin agus ionadaithe oibrithe cinntí sonracha nó gníomhaíochtaí sonracha an ghnóthais ar an eolas.

AR 24. Breithneoidh an gnóthas na gnéithe seo a leanas agus an Ceanglas maidir le Nochtadh seo á chomhlíonadh aige:

- (a) An cineál rannpháirtíochta (mar shampla, faisnéis, comhairliúchán nó rannpháirtíocht) agus a mhinicíocht (mar shampla, leanúnach, ráithiúil, bliantúil);
- (b) conas a dhéantar aiseolas a thaifeadadh agus a chomhtháthú sa chinnteoireacht, agus conas a chuirtear daoine sa lucht saothair ar an eolas faoin gcaoi a raibh tionchar ag a n-aiseolas ar chinntí;
- (c) an dtarlaíonn gníomhaíochtaí rannpháirtíochta ar an leibhéal eagraíochtúil nó ar leibhéal níos ísle, amhail ar leibhéal an tsuímh nó ar leibhéal an tionscadail, agus sa chás deireanach sin, an chaoi a ndéantar faisnéis ó ghníomhaíochtaí rannpháirtíochta a lárú;
- (d) na hacmhainní (mar shampla, acmhainní airgeadais nó daonna) a leithdháiltear ar rannpháirtíocht; agus
- (e) an chaoi a n-oibríonn sé le daoine ina lucht saothair agus le hionadaithe na n-oibrithe maidir leis na tionchair ar a lucht saothair féin a d'fhéadfadh eascairt as astaíochtaí carbóin a laghdú agus as aistriú chuig oibríochtaí atá níos glaise agus atá neodrach ó thaobh na haeráide de, go háirithe athstruchtúrú, cailteanas nó cruthú fostaíochta, oiliúint agus uas-sciliú/athsciliú, cothromas inscne agus sóisialta, agus sláinte agus sábháilteacht.

- AR 25. Féadfaidh an gnóthas an fhaisnéis seo a leanas a nochtadh freisin i ndáil le mír 24 maidir le héagsúlacht:
- (a) an chaoi a ndéanann sé rannpháirtíocht le daoine atá i mbaol nó le daoine atá i staideanna leochaileacha (mar shampla cé acu a ghlacann nó nach nglacann sé cuir chuige ar leith agus cé acu a thugann nó nach dtugann sé aird ar leith ar bhacainní a d'fhéadfadh a bheith ann);
  - (b) conas a chuireann sé san áireamh bacainní féideartha ar rannpháirtíocht le daoine ina lucht saothair (mar shampla, difríochtaí teanga agus cultúrtha, míchothromaíochtaí inscne agus cumhachta, deighiltí laistigh de phobal nó de ghrúpa);
  - (c) conas a chuireann sé faisnéis ar fáil do dhaoine ina lucht saothair atá intuigthe agus inrochtana trí chainéil chumarsáide iomchuí;
  - (d) aon leasanna coinbhleachta a tháinig chun cinn i measc a lucht saothair agus conas a réitigh an gnóthas na leasanna coinbhleachta sin; agus
  - (e) an chaoi a bhféachann sé le hurraim a thabhairt do chearta daonna na ngeallsealbhóirí uile a bhí rannpháirteach, mar shampla, a gcearta chun príobháideachais, chun saoirse tuairimí a nochtadh, agus chun comhthionóil shíochánta agus chun agóid a dhéanamh.
- AR 26. Féadfaidh an gnóthas faisnéis a thuairisciú freisin faoi éifeachtacht na bpróiseas chun dul i dteagmháil lena fhórsa saothair féin ó thréimhsí tuairiscithe roimhe seo. Tá feidhm aige sin i gcásanna ina ndearna an gnóthas measúnú ar éifeachtacht na bpróiseas sin nó inar fhoghlaim sé ceachtanna uathu le linn na tréimhse tuairiscithe reatha. Is féidir a áireamh ar na próisis a úsáidtear chun éifeachtacht a rianú iniúchóireacht nó fíorú inmheánach nó seachtrach, measúnuithe tionchair, córais tomhais, aiseolas ó pháirtithe leasmhara, sásraí casaoide, rátálacha feidhmíochta seachtraí, agus tagarmharcáil.

### ***Ceanglas maidir le Nochtadh S1-3 – Próisis chun tionchair dhiúltacha a leigheas agus bealaí ar féidir le hoibrithe dílse ábhair inní a chur in iúl***

- AR 27. Agus na ceanglais a leagtar amach sna critéir nochtá maidir le Ceanglais maidir le Nochtadh ESRS S1-3 á gcomhlíonadh, féadfaidh an gnóthas a bheith á threorú ag inneachar Phrionsabail Threoracha na Náisiún Aontaithe maidir le Gnó agus Cearta an Duine agus ag Treoir Díchill Chuí ECFE maidir le hIompar Gnó Freagrach atá dírithe ar shásraí feabhsúcháin agus casaoide.
- AR 28. I measc na mbealaí chun ábhair inní nó riachtanais a ardú tá sásraí casaoide, beolinte, ceardchumainn (áit a bhfuil cónascadh á dhéanamh ar dhaoine sa lucht saothair), comhairlí oibre, próisis idirphlé nó modhanna eile trínar féidir le lucht saothair an ghnóthais féin nó ionadaithe na n-oibrithe inní a chur in iúl maidir le tionchair nó riachtanais ar mhaith leo go dtabharfadh an gnóthas aghaidh orthu a mhíniú. D'fhéadfaí a áireamh leis sin an dá bhealach a sholáthraíonn an gnóthas go díreach agus bealaí arna soláthar ag na heintitis ina bhfuil a lucht saothair féin ag obair, chomh maith le haon sásraí eile a d'fhéadfadh gnóthas a úsáid chun léargas a fháil ar bhainistiú na dtionchar ar a lucht saothair féin, amhail iniúchtaí comhlíontachta. I gcás ina bhfuil an gnóthas ag brath, chun an ceanglas sin a fhreagairt, ar fhaisnéis arna soláthar ag a **chaidrimh ghnó** maidir le bealaí den sórt sin a bheith ann, agus ar an bhfaisnéis sin amháin, féadfaidh sé é sin a shonrú.
- AR 29. D'fhéadfaí a áireamh ar shásraí tríú páirtí iad siúd arna n-oibriú ag an rialtas, ag eagraíochtaí neamhrialtasacha (ENRanna), ag comhlachais tionscail agus ag tionscnaimh chomhoibríochá eile. Féadfaidh an gnóthas a nochtadh an bhfuil siad sin inrochtana ag a lucht saothair uile féin (nó ag ionadaithe oibrithe nó, má tá siad as láthair, ag daoine aonair nó ag eagraíochtaí atá ag gníomhú thar a gceann nó atá in ann, ar bhealach eile, a bheith ar an eolas faoi thionchair dhiúltacha).
- AR 30. Déanfaidh an gnóthas breithniú i dtaobh an bhfuil daoine ina lucht saothair féin a bhféadfaí difear a dhéanamh dóibh agus a n-ionadaithe oibrithe in ann rochtain a fháil ar bhealaí ar leibhéal an ghnóthais a bhfuil siad fostaithe aige, nó ar conradh chun obair a dhéanamh dó, i ndáil le gach tionchar ábhartha agus conas a bheidh siad in ann dul i mbun oibre. D'fhéadfadh beolinte, ceardchumainn (áit a bhfuil cónascadh ag daoine sa lucht saothair) nó

comhairlí oibreacha, nó sásraí casaoide eile arna n-oibriú ag an ngnóthas ábhartha nó ag tríú páirtí, a bheith ar na bealaí ábhartha.

- AR 31. Agus míniú á thabhairt ar cibé an eol nó nach eol don ghnóthas go bhfuil daoine ina lucht saothair féin ar an eolas faoi aon cheann de na bealaí sin agus go bhfuil muinín acu astu, féadfaidh an gnóthas sonraí ábhartha agus iontaofa a chur ar fáil maidir le héifeachtacht na mbealaí sin ó thaobh na ndaoine lena mbaineann de. Ar shamplaí d'fhoinsí faisnéise tá suirbhéanna ar dhaoine i lucht saothair an ghnóthais a bhfuil úsáid bainte acu as bealaí den sórt sin agus a leibhéil sástachta leis an bpróiseas agus leis na torthaí.
- AR 32. Agus cur síos á dhéanamh aige ar éifeachtacht na mbealaí le haghaidh a lucht saothair féin agus ionadaithe na n-oibríthe chun ábhair inní a chur in iúl, féadfaidh na ceisteanna seo a leanas a bheith mar threoir ag an ngnóthas, bunaithe ar na "critéir éifeachtúlachta le haghaidh sásraí casaoide neamhbhreithiúnacha", mar a leagtar amach i bPrionsabail Threoracha na Náisiún Aontaithe maidir le Gnó agus Cearta an Duine, go háirithe prionsabail 31. Féadfar na breithnithe seo thíos a chur i bhfeidhm maidir le bealaí aonair nó córas comhchoiteann bealaí:
- (a) an bhfuil dlisteanacht ag na bealaí trí chuntasacht iomchuí a sholáthar as a n- iompar cóir agus trí mhuintín na bpáirtithe leasmhara a chothú?
  - (b) an eol do na **páirtithe leasmhara** na bealaí a bheith ann agus an bhfuil rochtain acu orthu?
  - (c) an bhfuil nósanna imeachta soiléire agus aitheanta ag baint leis na bealaí, mar aon le tráthchláir tháscacha?
  - (d) an áirithítear leis na bealaí go bhfuil rochtain réasúnach ag **páirtithe leasmhara** ar fhoinsí faisnéise, comhairle agus saineolais?
  - (e) an soláthraíonn na bealaí trédhearcacht trí fhaisnéis leordhóthanach a sholáthar do ghearánaigh agus, i gcás inarb infheidhme, chun aon leas poiblí atá i gceist a chomhlíonadh araon?
  - (f) an bhfuil na torthaí a bhaintear amach trí na bealaí i gcomhréir le cearta an duine a aithnítear go hidirnáisiúnta?
  - (g) an sainaitníonn an gnóthas léargais ó na bealaí a thacaíonn le foghlaim leanúnach chun feabhas a chur ar na bealaí agus chun tionchair amach anseo a chosc?
  - (h) an ndíríonn an gnóthas ar an idirphlé le gearánaigh mar an modh chun teacht ar réitigh chomhaontaithe, seachas a bheith ag féachaint leis an toradh a chinneadh go haontaobhach?

***Ceanglas maidir le Nochtadh S1-4 – Gníomhaíocht a dhéanamh maidir le tionchair ábhartha, agus cineálacha cur chuige chun rioscaí ábhartha a mhaolú agus deiseanna ábhartha a shaothrú, ar rioscaí agus deiseanna iad a bhaineann leis an lucht saothair dílis, agus éifeachtacht na ngníomhaíochtaí agus na gcur chuige sin***

AR 33. D'fhéadfadh sé go dtógfaidh sé am chun tuiscint a fháil ar **thionchair** dhiúltacha agus ar an dóigh a bhféadfadh an gnóthas a bheith bainteach leo trína **lucht saothair dílis**, agus chun freagairtí iomchuí a shainaithint agus a chur i bhfeidhm). Dá bhrí sin, féadfaidh an gnóthas na nithe seo a leanas a nochtadh:

- (a) na cineálacha cur chuige ginearálta agus sonracha atá aige chun aghaidh a thabhairt ar thionchair dhiúltacha ábhartha;
- (b) na tionscnaimh atá aige arb é is aidhm dóibh rannchuidiú le tionchair dhearfacha ábhartha breise;
- (c) an méid dul chun cinn atá déanta aige ina iarrachtaí le linn na tréimhse tuairiscithe; agus
- (d) na haidhmeanna atá aige maidir le feabhsú leanúnach.

AR 34. Is féidir gníomhaíochtaí iomchuí éagsúla a bheith ann ag brath ar an ngnóthas féin a bheith ina chúis nó ag rannchuidiú le **tionchar** ábhartha, nó baint a bheith aige leis toisc go bhfuil

an tionchar nasctha go díreach lena oibríochtaí, lena tháirgí nó lena sheirbhísí trí ghaolmhaireacht ghnó.

- AR 35. Ós rud é go bhféadfadh tionchair dhiúltacha ábhartha a rinne difear dá lucht saothair féin a tharla le linn na tréimhse tuairiscithe a bheith nasctha freisin le heintitis nó le hoibríochtaí eile nach bhfuil smacht díreach aige orthu, féadfaidh an gnóthas a nochtadh an bhféachann sé lena ghíaráil a úsáid ina chaidreamh gnó chun na tionchair sin a bhainistiú agus an chaoi a bhféachann sé lena ghíaráil a úsáid. D'fhéadfaí a áireamh leis sin gearáil tráchtála a úsáid (mar shampla, ceanglais chonartha a fhorfheidhmiú le caidreamh gnó nó dreasachtaí a chur chun feidhme), cineálacha eile gearála laistigh den chaidreamh (amhail oiliúint nó fothú acmhainneachta maidir le cearta oibríthe a chur ar fáil d'eintitis a bhfuil caidreamh gnó ag an ngnóthas leo) nó gearáil chomhoibríoch le piaraí nó le gníomhaithe eile (amhail tionscnaimh atá dírithe ar earcaíocht fhreagrach nó a áirithiú go bhfaigheann oibríthe pá leordhóthanach).
- AR 36. Nuair a nochtfaidh an gnóthas a rannpháirtíocht i dtionscnamh tionscail nó il-gheallsealbhóra mar chuid dá ghníomhaíochtaí chun aghaidh a thabhairt ar thionchair dhiúltacha ábhartha, féadfaidh an gnóthas a nochtadh conas atá an tionscnamh, agus a rannpháirtíocht féin, dírithe ar aghaidh a thabhairt ar an tionchar ábhartha lena mbaineann. Féadfaidh sé tuairisciú faoi ESRS S1-5 ar na **spriocanna** ábhartha arna leagan síos ag an tionscnamh agus ar an dul chun cinn i dtreo na spriocanna sin.
- AR 37. Agus nochtadh á dhéanamh aige an ndéanann an gnóthas na tionchair iarbhír agus fhéideartha ar a lucht saothair féin a mheas agus conas a mheasann sé iad i gcinntí chun deireadh a chur le caidreamh gnó agus i dtaobh an bhféachann sé le dul i ngleic le haon tionchair dhiúltacha a d'fhéadfadh a bheith mar thoradh ar fhoirceannadh, agus conas a fhéachtar leis, féadfar samplaí a chur san áireamh sa ghnóthas.
- AR 38. Is féidir a áireamh ar na próisis a úsáidtear chun éifeachtacht na ngníomhaíochtaí a rianú iniúchóireacht nó fíorú inmheánach nó seachtrach, imeachtaí cúirte agus/nó cinntí gaolmhara cúirte, measúnuithe tionchair, córais tomhais, aiseolas ó pháirtithe leasmhara, sásraí casaoide, rátálacha feidhmíochta seachtraí, agus tagarmharcáil.
- AR 39. Is é is aidhm don tuairisciú ar éifeachtacht tuiscint a fháil ar na naisc idir gníomhaíochtaí a dhéanann gnóthas agus bainistiú éifeachtach a dhéanamh ar thionchair. Áirítear san fhaisnéis bhreise a fhéadfaidh an gnóthas a sholáthar sonraí lena léirítear laghdú ar líon na dteagmhas a sainaitníodh.
- AR 40. Maidir le tionscnaimh nó próisis a bhfuil sé mar phríomhaidhm acu tionchair dhearfacha a chur ar fáil do dhaoine i bhfórsa saothair an ghnóthais féin atá bunaithe ar a riachtanais, agus maidir le dul chun cinn i gcur chun feidhme na dtionscnamh nó na bpróiseas sin, féadfaidh an gnóthas an méid seo a leanas a nochtadh:
- (a) faisnéis faoi cé acu atá nó nach bhfuil ról ag daoine ina lucht saothair féin agus ag ionadaithe oibríthe i gcinntí maidir le ceapadh agus cur chun feidhme na gclár nó na bpróiseas sin; agus
  - (b) faisnéis maidir leis na torthaí dearfacha a bheartaítear leis na cláir nó na próisis sin nó atá bainte amach acu le haghaidh lucht saothair dílis an ghnóthais.
- AR 41. Féadfaidh an gnóthas a mhíniú cé acu atá nó nach bhfuil aon tionscnamh den sórt sin ceaptha tacú freisin le ceann amháin nó níos mó de na Spriocanna Forbartha Inbhuanaithe a bhaint amach. Mar shampla, d'fhéadfadh gnóthas a gheallann SDG 8 “fás eacnamaíoch marthanach, cuimsitheach agus inbhuanaithe, fostaíocht iomlán tháirgiúil agus obair chuibhiúil do chách a chur chun cinn” a bheith ag obair go gníomhach chun deireadh a chur le saothar éigeantais nó saothar éigeantach nó chun tacú le leibhéil níos airde táirgiúlachta maidir le gníomhaíochtaí i dtíortha i mbéal forbartha trí uasghrádú teicneolaíoch agus oiliúint a chur ar shaothar áitiúil, rud a rachaidh chun tairbhe do na daoine sonracha ina lucht saothair féin a bhfuil na gníomhaíochtaí dírithe orthu, agus dá bpobail áitiúla freisin.
- AR 42. Agus na torthaí dearfacha atá beartaithe nó bainte amach ag a chuid gníomhaíochtaí do lucht saothair an ghnóthais féin á nochtadh, tá idirdhealú le déanamh idir fianaise gur tharla gníomhaíochtaí áirithe (mar shampla, go bhfuil oiliúint litearthachta airgeadais faighte ag x líon daoine) ó fhianaise ar thorthaí iarbhír do na daoine lena mbaineann (mar shampla, go dtuairiscíonn x daoine go bhfuil siad in ann a bpá agus a mbuiséid teaghlaigh a bhainistiú

níos fearr).

- AR 43. Má tá bearta déanta ag an ngnóthas chun maolú a dhéanamh ar na tionchair dhiúltacha ar a lucht saothair féin a eascraíonn as an aistriú chuig geilleagar atá níos glaise agus atá neodrach ó thaobh na haeráide de, amhail oiliúint agus athsciliú, ráthaíochtaí fostaíochta, agus i gcás laghdú nó ollfhostú, bearta amhail comhairleoireacht post, cóitseáil, socrúcháin laistigh de chuideachta agus pleananna luathscoir, nochtfaidh an gnóthas na bearta sin. Áirítear orthu sin bearta chun an rialachán i réim a chomhlíonadh. D'fhéadfadh an gnóthas aird a tharraingt ar fhorbairtí seachtracha atá ann faoi láthair agus/nó a bhfuiltear ag súil leo, ar forbairtí iad a mbíonn tionchar acu ar cé acu a éiríonn nó nach dtagann rioscaí as spleáchais. Áirítear leis sin breithniú ar thionchair a d'fhéadfadh eascairt as an aistriú chuig oibríochtaí níos glaise agus níos aeráidneodraí.
- AR 44. Agus na rioscaí agus na deiseanna ábhartha a bhaineann lena thionchair nó lena spleáchais ar a lucht saothair féin á nochtadh aige, féadfaidh an gnóthas an méid seo a leanas a mheas:
- (a) D'fhéadfaí a áireamh ar na rioscaí a bhaineann le tionchair an ghnóthais ar a lucht saothair féin an nochtadh do chlú nó nochtadh dlíthiúil i gcás ina bhfaightear amach go bhfuil daoine i lucht saothair an ghnóthais faoi réir saothar éigeantais nó saothar leanaí;
  - (b) féadfar a áireamh ar na rioscaí a bhaineann le spleáchais an ghnóthais ar a lucht saothair féin cur isteach ar oibríochtaí gnó i gcás ina bhfuil láimhdeachas suntasach fostaíthe nó easpa scileanna/forbairt oiliúna ag bagairt ar ghnó an ghnóthais; agus
  - (c) i measc na ndeiseanna a bhaineann le tionchair an ghnóthais ar a lucht saothair féin, d'fhéadfaí difreáil sa mhargadh agus achomharc níos fearr ó chustaiméirí ó phá agus coinníollacha cuibhiúla a ráthú do neamhfhostaithe a áireamh.
- AR 45. Agus míniú á thabhairt an dtagann rioscaí as spleáchais, cuirfidh an gnóthas forbairtí seachtracha san áireamh.
- AR 46. Agus beartais, gníomhaíochtaí agus acmhainní agus spriocanna a bhaineann le bainistiú rioscaí agus deiseanna ábhartha á nochtadh aige, i gcásanna ina n-eascraíonn rioscaí agus deiseanna as tionchar ábhartha, féadfaidh an gnóthas crostagairt a dhéanamh dá nochtuithe maidir le beartais, gníomhaíochtaí agus acmhainní agus spriocanna i ndáil leis an tionchar sin.
- AR 47. Déanfaidh an gnóthas breithniú i dtaobh an gcomhtháthófar a phróiseas nó a phróisis chun rioscaí ábhartha a bhaineann leis an lucht saothair féin a bhainistiú agus conas a dhéanfar iad a chomhtháthú sa phróiseas nó sna próisis bainistithe riosca atá aige cheana.
- AR 48. Agus na hacmhainní a leithdháiltear ar bhainistiú tionchar ábhartha á nochtadh aige, féadfaidh an gnóthas a mhíniú cé na feidhmeanna inmheánacha atá bainteach le bainistiú na dtionchar agus cé na cineálacha gníomhaíochta a dhéanann siad chun aghaidh a thabhairt ar thionchair dhiúltacha agus tionchair dhearfacha a chur chun cinn.

### **Méadracht agus spriocanna**

#### ***Ceanglas maidir le Nochtadh S1-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus spriocanna a bhaineann le rioscaí agus deiseanna***

---

- AR 49. Agus faisnéis faoi **spriocanna** á nochtadh aige i gcomhréir le mír 46, féadfaidh an gnóthas an méid seo a leanas a nochtadh:
- (a) na torthaí a bheartaítear a bhaint amach i saol líon áirithe daoine ina **lucht saothair féin**;
  - (b) cobhsaíocht na **spriocanna** le himeacht ama i dtéarmaí sainmhínithe agus modheolaíochtaí chun inchoimparáideacht thar thréimhse ama a chumasú; agus/nó
  - (c) na caighdeáin nó na gealltanais a bhfuil na spriocanna bunaithe orthu (mar shampla

cóid iompair, beartais foinsithe, creataí domhanda nó cóid tionscail).

- AR 50. D'fhéadfadh **spriocanna** a bhaineann le **rioscaí** agus **deiseanna** a bheith mar an gcéanna le spriocanna a bhaineann le **tionchair** ábhartha nó d'fhéadfaidís a bheith éagsúil leo. Mar shampla, d'fhéadfadh sprioc chun **pá leordhóthanach** a bhaint amach d'**oibrithe nach fostaithe** iad an tionchar ar na daoine sin a laghdú agus na rioscaí gaolmhara a laghdú ó thaobh cháilíocht agus iontaofacht a n-aschuir de.
- AR 51. Féadfaidh an gnóthas idirdhealú a dhéanamh freisin idir **spriocanna** gearrthéarmacha, meántéarmacha agus fadtéarmacha lena gcumhdaítear an gealltanais **beartais** céanna. Mar shampla, d'fhéadfadh sé go mbeadh sprioc fadtéarmach ag an ngnóthas laghdú 80 % ar **theagmhais** sláinte agus sábháilteachta a dhéanann difear thiománaithe seachadta a bhaint amach faoi 2030 agus sprioc gearrthéarmach na huairéanta **ragoibre** a dhéanann tiománaithe seachadta a laghdú x% agus a n-ioncam á choinneáil mar an gcéanna san am céanna faoi 2024.
- AR 52. Agus **sprioc** á modhnú nó á hionadú ag an ngnóthas sa tréimhse tuairiscithe, féadfaidh an gnóthas an t-athrú a mhíniú ach crostagairt a dhéanamh d'athruithe móra ar an **tsamhail ghnó** nó d'athruithe níos leithne ar an gcaighdeán nó ar an reachtaíocht a bhfuil glacadh leo as a ndíorthaítear an sprioc chun faisnéis chomhthéacsúil a sholáthar, de réir ESRS 2 BP-2 *Nochtaí i ndáil le himthosca sonracha*.

### **Ceanglas maidir le Nochtadh S1-6 – Saintréithe Fhostaithe an Ghnóthais**

- AR 53. Cumhdaítear leis an gCeanglas seo maidir le Nochtadh na **fostaithe** uile a dhéanann obair d'aon cheann d'eintitis an ghnóthais a áirítear ina thuairisciú inbhuanaitheachta.
- AR 54. Trí mhiondealú a chur ar fáil d'fhostaithe de réir tíre, tugtar léargas ar dháileadh na gníomhaíochta ar fud na dtíortha. Tá an líon fostaithe i ngach tír ina phríomhspreagadh freisin do mhórán cearta faisnéise, comhairliúcháin agus rannpháirtíochta d'oibrithe agus ionadaithe oibrithe, in acquis dhlí saothair an Aontais (mar shampla, Treoir 2009/38/CE ó Pharlaimint na hEorpa agus ón gComhairle <sup>108</sup> 'an Treoir maidir le Comhairle Oibreacha Eorpacha' agus Treoir /2002/14/CE ó Pharlaimint na hEorpa agus ón gComhairle<sup>109</sup> 'an Treoir Faisnéise agus Comhairliúcháin' agus sa dlí náisiúnta (mar shampla, cearta chun comhairle fostaithe a bhunú nó ionadaíocht fostaithe ar leibhéal an bhoird a bheith acu). Faightear léargas ar ionadaíocht inscne ar fud an ghnóthais ach miondealú ar fhostaithe de réir inscne agus cineál caidrimh fostaíochta a sholáthar. Ina theannta sin, faightear léargas ar éagsúlachtaí réigiúnacha ach miondealú ar fhostaithe de réir réigiúin a sholáthar. Is féidir le réigiún tagairt a dhéanamh do thír nó do shuíomhanna geografacha eile, amhail réigiún laistigh de thír nó réigiún domhanda.
- AR 55. Déanfaidh an gnóthas na nochtaí a iarrtar a nochtadh sna formáidí tábla seo a leanas:

Tábla 1: Teimpléad chun faisnéis maidir leis an líon fostaithe aonair a chur i láthair de réir inscne

Inscne	An líon fostaithe (an líon daoine aonair)
Fireann	
Baineann	

<sup>108</sup> Treoir 2009/38/CE ó Pharlaimint na hEorpa agus ón gComhairle an 6 Bealtaine 2009 maidir le Comhairle Oibreacha Eorpacha a bhunú nó níos imeachta i ngnóthais ar leibhéal an Chomhphobail agus i ngrúpaí gnóthas ar leibhéal an Chomhphobail chun fostaithe a chur ar an eolas agus dul i gcomhairle leo (IO L 122, 16.5.2009, lch. 28).

<sup>109</sup> Treoir 2002/14/CE ó Pharlaimint na hEorpa agus ón gComhairle an 11 Márta 2002 lena mbunaítear creat ginearálta chun fostaithe sa Chomhphobal Eorpach a chur ar an eolas agus chun dul i gcomhairle leo - Dearbhú comhpháirteach ó Pharlaimint na hEorpa, ón gComhairle agus ón gCoimisiún maidir le hionadaíocht fostaithe (IO L 80, 23.3.2002, lch. 29).

Eile	
Níor tuairiscíodh	
Iomlán Fostaithe	

I roinnt Ballstát, is féidir le daoine iad féin a chlárú go dleathach mar dhaoine a bhfuil tríú hinscne acu, inscne atá neodrach go minic, agus a aicmítear mar 'eile' sa tábla thuas. Más rud é, áfach, go bhfuil an gnóthas ag nochtadh sonraí faoi **fhostaithe** i gcás nach féidir sin a dhéanamh, féadfaidh sé é sin a mhíniú agus a léiriú nach bhfuil an chatagóir 'eile' infheidhme.

Tábla 2: Teimpléad chun an líon fostaithe a chur i láthair i dtíortha ina bhfuil 50 fostaí ar a laghad ag an ngnóthas a sheasann do 10 % ar a laghad dá líon iomlán fostaithe.

Tír	An líon fostaithe (an líon daoine aonair)
Tír A	
Tír B	
Tír C	
Tír D	

Tábla 3: Teimpléad chun faisnéis maidir le fostaithe a chur i láthair de réir cineál conartha, arna miondealú de réir inscne (líon daoine aonair nó FTE) (déantar tuairiscíú ar fhostaithe lánaimseartha agus páirtaimseartha ar bhonn deonach)

[Tréimhse tuairiscithe]				
BAINEANN	FIREANN	EILE*	GAN NOCHTADH	IOMLÁN
<b>An líon fostaithe (an líon daoine / FTE)</b>				
<b>An líon fostaithe buana (an líon daoine / FTE)</b>				
<b>An líon fostaithe sealadacha (an líon daoine / FTE)</b>				
<b>An líon fostaithe a bhfuil uaireanta neamhráthaithe acu (an líon daoine / FTE)</b>				
<b>An líon fostaithe lánaimseartha (an líon daoine / FTE)</b>				
<b>An líon fostaithe páirtaimseartha (an líon daoine / FTE)</b>				

\* Inscne mar atá sonraithe ag na fostaithe iad féin.

Tábla 4: Teimpléad chun faisnéis maidir le fostaithe a chur i láthair de réir cineál conartha, arna miondealú de réir réigiúin (líon daoine aonair nó FTE) (déantar tuairiscíú ar fhostaithe lánaimseartha agus páirtaimseartha go saorálach)

[Tréimhse tuairiscithe]		
RÉIGIÚN A	RÉIGIÚN B	IOMLÁN
<b>An líon fostaithe (an líon daoine / FTE)</b>		
<b>An líon fostaithe buana (an líon daoine / FTE)</b>		
<b>An líon fostaithe sealadacha (an líon daoine / FTE)</b>		

<b>An líon fostaithe a bhfuil uaireanta neamhráthaithe acu (an líon daoine / FTE)</b>		
<b>An líon fostaithe lánaimseartha (an líon daoine / FTE)</b>		
<b>An líon fostaithe páirtaimseartha (an líon daoine / FTE)</b>		

AR 56. Tá na sainmhínte ar **fhostaithe** buana, sealadacha, uaireanta neamhráthaithe, lánaimseartha, agus páirtaimseartha éagsúil ó tír go tír. Má tá fostaithe ag an ngnóthas i níos mó ná tír amháin, úsáidfidh sé na sainmhínte de réir dhlíthe náisiúnta na dtíortha ina bhfuil na fostaithe bunaithe chun sonraí ar leibhéal tíre a ríomh. Déanfar na sonraí ar leibhéal tíre a shuimiú ansin chun na figiúirí iomlána a ríomh, agus neamhshuim á déanamh d'aon difríocht idir sainmhínte dlíthiúla náisiúnta. Tá fostaithe a bhfuil uaireanta neamhráthaithe acu fostaithe ag an ngnóthas gan ráthaíocht maidir le líon íosta uaireanta oibre nó líon seasta uaireanta oibre. D'fhéadfadh sé go mbeadh ar an bhfostaí é féin a chur ar fáil le haghaidh oibre de réir mar is gá, ach níl oibleagáid chonartha ar an ngnóthas líon íosta nó líon seasta uaireanta oibre a thairiscint don fhostaí in aghaidh an lae, in aghaidh na seachtaine nó in aghaidh na míosa. Samplaí a thagann faoin gcatagóir sin is ea oibríthe ócáideacha, fostaithe a bhfuil conarthaí gan íosmhéid uaireanta acu agus fostaithe ar glao- dhualgas.

AR 57. Le nochtadh líon na **bhfostaithe** ag deireadh na tréimhse tuairiscithe, soláthraítear faisnéis don phointe ama sin, gan luaineachtaí a ghabháil le linn na tréimhse tuairiscithe. Trí na huimhreacha sin a nochtadh mar mheáin thar an tréimhse tuairiscithe, cuirtear san áireamh luaineachtaí le linn na tréimhse tuairiscithe.

AR 58. Ní dócha gur leor astu féin sonraí cainníochtúla, amhail an líon **fostaithe** sealadacha nó páirtaimseartha. D'fhéadfadh cion mór fostaithe sealadacha nó páirtaimseartha a léiriú go bhfuil easpa slándála fostaíochta ag fostaithe, ach d'fhéadfadh sé a léiriú chomh maith céanna go bhfuil solúbthacht san áit oibre i gcás ina gcuirtear an cineál fostaíochta sin ar fáil mar rogha dheonach. Ar an ábhar sin, ceanglaítear ar an ngnóthas faisnéis chomhthéacsúil a nochtadh chun cabhrú le **húsáideoirí** faisnéise na sonraí a léirmhíniú. Féadann an gnóthas na cúiseanna atá le fostaíocht shealadach a mhíniú. Sampla de mhíniú den sórt sin is ea earcaíocht fostaithe chun obair a dhéanamh ar thionscadal nó imeacht sealadach nó séasúrach. Sampla eile is ea an cleachtas caighdeánach a bhaineann le conradh sealadach (sé mhí, mar shampla) a thairiscint d'fhostaithe nua sula ndéantar fostaíocht bhuan a thairiscint. Féadfaidh an gnóthas míniú a thabhairt freisin ar na cúiseanna atá le fostaíocht faoi uaireanta nach bhfuil ráthaithe.

AR 59. Chun láimhdeachas na bhfostaithe féin a ríomh, ríomhfaidh an gnóthas comhiomlán líon na **bhfostaithe** a fhágann go deonach nó mar gheall ar dhífhostú, scor, nó bás i seirbhís. Úsáidfidh an gnóthas an figiúr sin mar an t- uimhreoír sa ráta athraithe fostaithe agus féadfaidh sé an t- ainmneoir a úsáidtear chun an ráta sin a ríomh a chinneadh agus tuairisc a thabhairt ar a mhodheolaíocht.

AR 60. I gcás nach mbeidh sonraí ar fáil le haghaidh faisnéis mhionsonraithe, úsáidfidh an gnóthas meastachán ar an líon fostaithe nó ar a gcóimheasa, i gcomhréir le ESRS 1, agus sainithneoidh sé go soiléir an áit a bhfuil meastachán á n- úsáid.

### **Ceanglas maidir le Nochtadh S1-7 – Saintréithe oibríthe neamhfhostaithe i lucht saothair dílis an ghnóthais**

AR 61. Leis an gCeanglas seo maidir le Nochtadh tugtar léargas ar chur chuige an ghnóthais i leith fostaíochta, agus ar raon feidhme agus cineál na dtionchar a eascraíonn as a chleachtais fostaíochta. Soláthraítear faisnéis chomhthéacsúil leis freisin a chabhraíonn le tuiscint a fháil ar an bhfaisnéis a thuairiscítear i nochtaí eile. Cumhdaítear leis an nochtadh sin conraitheoirí aonair a sholáthraíonn saothar don ghnóthas ('daoine féinfhostaithe') agus

oibríthe arna soláthar ag gnóthais atá ag gabháil go príomha do 'ghníomhaíochtaí fostaíochta' (Cód NACE N78). Más **fostaithe** iad na daoine go léir a dhéanann obair don ghnóthas agus mura bhfuil aon duine ina lucht saothair ag an ngnóthas nach fostaithe iad, níl an Ceanglas seo maidir le Nochtadh ábhartha don ghnóthas; dá ainneoin sin, féadfaidh an ghnóthas an fíoras sin a lua agus an fhaisnéis a cheanglaítear le Ceanglas maidir le Nochtadh S1-6 á nochtadh aige mar fhaisnéis chomhthéacsúil mar d'fhéadfadh an fhaisnéis sin a bheith ábhartha **d'úsáideoirí an Ráitis Inbhuanaitheachta**.

- AR 62. Seo a leanas samplaí de chonraitheoirí (daoine féinfhostaithe) i **lucht saothair dílis** an ghnóthais: conraitheoirí arna bhfostú ag an ngnóthas chun obair a dhéanamh, ar obair í a dhéanfadh fostaí ina mhalairt de chás; conraitheoirí arna bhfostú ag an ngnóthas chun obair a dhéanamh in áit phoiblí (ar bhóthar, ar an tsráid, mar shampla); agus conraitheoirí arna bhfostú ag an ngnóthas chun an obair/an tseirbhís a dhéanamh go díreach in áit oibre chliant na heagraíochta. Áirítear na daoine seo a leanas i ndaoine atá fostaithe ag tríú páirtí atá i mbun 'ghníomhaíochtaí fostaíochta' agus a bhfuil a gcuid oibre faoi stiúir an ghnóthais: daoine a dhéanann an obair chéanna a dhéanann **fostaithe**, amhail daoine a dhéanann ionadaíocht d'fhostaithe atá as láthair go sealadach (de bharr breoiteachta, saoire, saoire thuismitheoireachta, etc.); daoine a dhéanann obair rialta ag an **láithreán** céanna le fostaithe; agus oibríthe a sheoltar go sealadach ó Bhallstát eile den Aontas Eorpach chun dul ag obair don ghnóthas ('oibríthe ar postú'). Seo a leanas samplaí **d'oibríthe sa slabhra luacha** (agus, dá bhrí sin, d'oibríthe nach bhfuil i lucht saothair dílis an ghnóthais agus a thuiriscítear faoi raon feidhme ESRS S2): oibríthe do **sholáthróir** a bhfuil conradh aige leis an ngnóthas a oibríonn ar áitreabh an tsoláthróra agus modhanna oibre an tsoláthróra á n-úsáid acu; oibríthe d'eintiteas 'iartheachtach' a cheannaíonn earraí nó seirbhísí ón ngnóthas; agus oibríthe soláthróra trealaimh don ghnóthas a dhéanann cothabháil rialta ar threalamh an tsoláthróra (mar shampla, gléas fótachóipeála) mar a shonraítear sa chonradh idir an soláthróir trealaimh agus an ghnóthas, in áit oibre amháin nó níos mó d'áiteanna oibre an ghnóthais.
- AR 63. Mura féidir leis an ngnóthas figiúirí beachta a thuirisciú, úsáidfidh sé meastacháin de réir na bhforálacha in ESRS 1 chun an líon daoine ina **lucht saothair dílis** nach **fostaithe** iad a nochtadh don deichniúr is gaire nó, i gcás ina bhfuil an líon daoine ina lucht saothair dílis nach fostaithe iad níos mó ná 1,000, don 100 is gaire, agus míneoidh sé é sin. Ina theannta sin, sainaitheoidh sé go soiléir cén fhaisnéis a dhíorthaítear ó shonraí iarbhir agus ó mheastacháin.
- AR 64. Le nochtadh líon na ndaoine i **lucht saothair dílis** an ghnóthais nach **fostaithe** iad ag deireadh na tréimhse tuairiscithe, soláthraítear faisnéis maidir leis an bpointe ama sin gan luaineachtaí a ghabháil le linn na tréimhse tuairiscithe. Agus an uimhir sin á nochtadh mar mheán le linn na tréimhse tuairiscithe, déantar luaineachtaí le linn na tréimhse tuairiscithe a mheas agus is féidir faisnéis níos léargais agus níos ábhartha a sholáthar d'úsáideoirí.
- AR 65. Leis an bhfaisnéis a nochtann an ghnóthas, is féidir le húsáideoirí tuiscint a fháil ar an gcaoi a n-athraíonn líon na neamhfhostaithe i lucht saothair an ghnóthais féin le linn na tréimhse tuairiscithe nó i gcomparáid leis an tréimhse tuairiscithe roimhe sin (i.e., ar tháinig méadú nó laghdú ar líon na ndaoine). Féadfaidh an ghnóthas na cúiseanna leis na luaineachtaí a nochtadh freisin. Mar shampla, d'fhéadfadh méadú ar an líon oibríthe neamhfhostaithe le linn na tréimhse tuairiscithe a bheith mar thoradh ar theagmhas séasúrach. Os a choinne sin, d'fhéadfadh laghdú ar an líon oibríthe neamhfhostaithe i gcomparáid leis an tréimhse tuairiscithe roimhe sin a bheith mar thoradh ar thionscadal sealadach a bheith curtha i gcrích. Má nochtann an ghnóthas luaineachtaí, míneoidh sé freisin na critéir a úsáidtear chun a chinneadh cé na luaineachtaí a nochtann sé. Mura bhfuil aon luaineacht shuntasach sa líon oibríthe neamhfhostaithe le linn na tréimhse tuairiscithe nó idir an tréimhse tuairiscithe atá ann faoi láthair agus an tréimhse tuairiscithe roimhe sin, féadfaidh an ghnóthas an fhaisnéis sin a nochtadh.

## **Ceanglas maidir le Nochtadh S1-8 – Cumhdach cómhargála agus idirphlé sóisialta**

### **Cumhdach cómhargála**

- AR 66. Déantar céatadán na bhfostaithe a chumhdaítear le comhaontuithe cómhargála a ríomh trí úsáid a bhaint as an bhfoirmle seo a leanas:

An líon fostaithe

AR 67. Is iad na fostaithe i bhfórsa saothair an ghnóthais féin atá cumhdaithe ag comhaontuithe cómhargála na daoine aonair sin a bhfuil oibleagáid ar an ngnóthas an comhaontú a chur i bhfeidhm ina leith. Ciallaíonn sé sin, mura gcumhdaítear aon duine de na fostaithe le comhaontú cómhargála, is é nialas an céatadán a thuiriscítear. Ní gá fostaí i bhfórsa saothair an ghnóthais féin atá cumhdaithe ag níos mó ná comhaontú cómhargála amháin a áireamh ach uair amháin.

AR 68. Níl an riachtanas seo dírithe ar chéatadán na bhfostaithe a ndéanann comhairle oibreacha nó a bhaineann le ceardchumann ionadaíocht orthu a fháil, rud a d'fhéadfadh a bheith difriúil. Is féidir le céatadán na bhfostaithe a chumhdaítear le comhaontuithe cómhargála a bheith níos airde ná céatadán na bhfostaithe a bhfuil aontacht acu nuair a bhíonn feidhm ag na comhaontuithe cómhargála maidir le comhaltaí de chuid an Aontais agus maidir le comhaltaí nach comhaltaí den Aontas iad araon. De rogha air sin, is féidir go mbeidh an céatadán fostaithe a chumhdaítear le comhaontuithe cómhargála níos ísle ná an céatadán fostaithe atá i gceardchumann. D'fhéadfadh sé gurb amhlaidh sin i gcás nach bhfuil aon chomhaontú cómhargála ar fáil nó i gcás nach gcumhdaítear leis na comhaontuithe cómhargála na fostaithe uile atá i gceardchumann.

Idirphlé Sóisialta

AR 69. Chun an fhaisnéis a cheanglaítear le mír 63(a) a ríomh, sonrúidh an gnóthas cé na tíortha de chuid an Limistéir Eorpaigh Eacnamaíoch (LEE) ina bhfuil fostaíocht shuntasach aige (i.e. 50 fostaí ar a laghad a sheasann do 10 % ar a laghad dá fhostaithe iomlána). I gcás na dtíortha sin, tuairisceoidh sí céatadán na bhfostaithe sa tír sin atá fostaithe i mbunaíochtaí ina ndéanann ionadaithe oibríthe ionadaíocht ar fhostaithe. Sainmhínítear bunaíocht mar aon áit oibríochtaí ina ndéanann an gnóthas gníomhaíocht eacnamaíoch, nach bhfuil neamhbhuan, le modhanna daonna agus earraí. I measc na samplaí tá: monarcha, brainse de shreangshiopa miondíola, nó ceanncheathrú gnóthais. I gcás tíortha nach bhfuil ach bunaíocht amháin iontu, is é 100 % nó 0 % an céatadán a thuirisceofar.

An líon fostaithe

AR 70. Déanfar an fhaisnéis a cheanglaítear leis an gCeanglas seo maidir le Nochtadh a thuirisciú mar a leanas

Tábla 1: Teimpléad tuairiscithe le haghaidh cumhdach cómhargála agus idirphlé sóisialta

	Cumhdach na Cómhargála		Idirphlé sóisialta
Ráta Cumhdaigh	Fostaithe – LEE (i gcás tíortha ina bhfuil > 50 fostaí a sheasann do > 10 % den líon iomlán fostaithe)	Fostaithe – Neamh-LEE (meastachán le haghaidh réigiúin ina bhfuil > 50 fostaí a	Ionadaíocht san áit oibre (LEE amháin) (i gcás tíortha ina bhfuil > 50 fostaí a

		sheasann do > 10 % den líon iomlán fostaithe)	sheasann do > 10 % den líon iomlán fostaithe)
0- 19 %		Réigiún A	
20- 39 %	Tír A	Réigiún B	
40- 59 %	Tír B		Tír A
60-79 %			Tír B
80- 100 %			

### **Ceanglas maidir le Nochtadh S1-9 – Méadracht éagsúlachta**

AR 71. Agus an nochtadh maidir le hinscne ar an ardleibhéal bainistíochta á ullmhú aige, úsáidfidh an gnóthas an sainmhíniú ar ardleibhéal bainistíochta mar choincheap a chuimsíonn leibhéal amháin agus dhá leibhéal faoi bhun na gcomhlachtaí riaracháin agus maoirseachta ach amháin má sainmhíníodh an coincheap sin cheana in oibríochtaí an ghnóthais agus mura dtagann sé leis an tuairisc ar tugadh roimhe seo air. Más amhlaidh sin, féadann an gnóthas a shainmhíniú féin ar ardleibhéal bainistíochta a úsáid agus an méid sin mar aon lena shainmhíniú féin a nochtadh.

### **Ceanglas maidir le Nochtadh S1-10 – Pá Leordhóthanach**

AR 72. Ríomhfar an **pá** is ísle don chatagóir **pá** is ísle, gan intéirnígh agus printísigh a áireamh. Tá sé sin le bheith bunaithe ar an mbunphá móide aon íocaíocht sheasta bhreise atá ráthaithe do gach **fostaí**. Déanfar an pá is ísle a bhreithniú ar leithligh le haghaidh gach tíre ina bhfuil oibríochtaí ag an ngnóthas, ach amháin lasmuigh de LEE i gcás ina sainmhínítear an pá íosta nó an pá leordhóthanach ábhartha ar leibhéal fonáisiúnta.

AR 73. An tagarmharc **pá leordhóthanach** a úsáidtear chun comparáid a dhéanamh leis an bpá is ísle, ní bheidh sé níos ísle ná:

- (a) in LEE: an pá íosta a shocraítear i gcomhréir le Treoir (AE) 2022/2041 ó Pharlaimint na hEorpa agus ón gComhairle<sup>110</sup> maidir le pá íosta leordhóthanach san Aontas Eorpach. Sa tréimhse go dtí go dtiocfaidh Treoir (AE) 2022/2041 i bhfeidhm, i gcás nach mbeidh aon phá íosta is infheidhme arna chinneadh le reachtaíocht ná le cómhargáil i dtír LEE, úsáidfidh an gnóthas tagarmharc pá leordhóthanach nach bhfuil níos ísle ná an pá íosta i dtír chomharsanachta a bhfuil stádas socheacnamaíoch comhchosúil aici nó nach bhfuil níos ísle ná norm idirnáisiúnta a luaitear go coitianta amhail 60 % de phá airmheánach na tíre agus 50 % den mheán-ollphá.
- (b) lasmuigh de LEE:
  - i. an leibhéal pá arna bhunú in aon reachtaíocht idirnáisiúnta, náisiúnta nó fonáisiúnta, noirm oifigiúla nó comhaontuithe comhchoiteanna atá ann cheana, bunaithe ar mheasúnú ar leibhéal pá is gá le haghaidh caighdeán sásúil maireachtála;
  - ii. murab ann d'aon cheann de na hionstraimí a shainnítear in (i), aon phá íosta náisiúnta nó fonáisiúnta arna bhunú le reachtaíocht nó le **cómhargáil**; nó
  - iii. murab ann d'aon cheann de na hionstraimí a shainnítear in (i) nó (ii), aon

<sup>110</sup> Treoir (AE) 2022/2041 ó Pharlaimint na hEorpa agus ón gComhairle an 19 Deireadh Fómhair 2022 maidir le pá íosta leordhóthanach san Aontas Eorpach (IO L 275, 25.10.2022, lch. 33).

tagarmharc a chomhlíonann na critéir a leagtar amach leis an Tionscnamh Trádála Inbhuanaithe (IDH) (*'Treochlár maidir le hÍosphá Maireachtála — Ardán chun Íosphá Maireachtála a Dheimhniú i Slabhraí Soláthair'*), lena n-áirítear tagarmharcanna is infheidhme atá ailínithe le modheolaíocht Anker, nó a sholáthraíonn an Fhondúireacht Táscairí Pá nó an Líonra um Pá Cóir, ar choinníoll go n-áirithítear tosaíocht na cómhargála chun téarmaí agus coinníollacha fostaíochta a shuí.

AR 74. I dTreoir (AE) 2022/2041 maidir le pá íosta leordhóthanach san Aontas Eorpach, tagraítear do na luachanna tagartha táscacha a úsáidtear go coitianta ar an leibhéal idirnáisiúnta amhail 60 % den ollphá airmheánach agus 50 % den mheán-ollphá, agus/nó luachanna tagartha táscacha a úsáidtear ar an leibhéal náisiúnta. Sonraí maidir leis na luachanna táscacha 60 % den ollphá airmheánach náisiúnta nó 50 % den mheán-ollphá náisiúnta, is féidir iad a fháil ón Suirbhé Eorpach ar an bhFórsa Saothair.

### ***Ceanglas maidir le Nochtadh S1-11 – Cosaint shóisialta***

---

AR 75. Tagraíonn ***cosaint shóisialta*** do na bearta uile lena dtugtar rochtain ar chúram sláinte agus ar thacaíocht ioncaim i gcásanna ina dtarlaíonn teagmhais dhúshlánach saoil amhail cailliúint poist, a bheith breoite agus cúram leighis a bheith de dhíth ar dhuine, leanbh a shaolú agus leanbh a thógáil, dul ar scor agus pinsean a bheith de dhíth ar dhuine.

### ***Ceanglas maidir le Nochtadh S1-12 – Daoine faoi mhíchumas***

---

AR 76. Agus an fhaisnéis a cheanglaítear i mír 77 maidir le ***daoine faoi mhíchumas*** á nochtadh ag an ngnóthas, soláthróidh sé aon fhaisnéis chomhthéacsúil is gá chun na sonraí a thuiscint agus chun an chaoi ar tiomsaíodh na sonraí (modheolaíocht) a thuiscint. Faisnéis maidir leis an tionchar atá ag sainmhíniú dlíthiúla éagsúla ar dhaoine faoi mhíchumas sna tíortha éagsúla ina bhfuil oibríochtaí ag an ngnóthas, mar shampla.

### ***Ceanglas maidir le Nochtadh S1-13 – Méadracht Oiliúna agus Forbartha Scileanna***

---

AR 77. Sainmhíniítear athbhreithniú tráthrialta ar fheidhmíocht mar athbhreithniú bunaithe ar chritéir atá ar eolas ag an bhfostaí agus ag a oifigeach uachtarach nó ag a hoifigeach uachtarach agus a dhéantar uair sa bhliain ar a laghad, agus fios a bheith ag an bhfostaí go bhfuil an t-athbhreithniú á dhéanamh. Is féidir a áireamh san athbhreithniú meastóireacht ag an oibrí uachtarach díreach, piaraí, nó réimse níos leithne d'fhostaithe. Is féidir go mbeidh an roinn acmhainní daonna páirteach san athbhreithniú freisin. D'fhonn an fhaisnéis a cheanglaítear le mír 83 (a) a nochtadh, úsáidfidh an gnóthas figiúirí líon na bhfostaithe dá bhforáiltear i gCeanglas um Nochtadh ESRS S1-6 san ainmneoir chun na nithe seo a leanas a ríomh:

- (a) an líon athbhreithnithe feidhmíochta/an cion díobh de réir an fhostaí; agus
- (b) an líon athbhreithnithe i gcomhréir leis an líon athbhreithnithe atá comhaontaithe ag an mbainistíocht.

AR 78. Chun an meán a cheanglaítear de réir mhír 83 (b) a nochtadh, déanfaidh an gnóthas an ríomh seo a leanas: líon iomlán na n-uaireanta oiliúna a thairgtear d'fhostaithe agus a chuir siad i gcrích in aghaidh na catagóire inscne roinnte ar líon iomlán na bhfostaithe in aghaidh na catagóire inscne. Maidir leis an meánfhiúir oiliúna iomlán agus an meánfhiúir de réir inscne, is iad na figiúirí faoin líon daoine aonair a thuairiscítear i gCeanglas maidir le Nochtadh ESRS S1-6 a úsáidfeadh i gcás fostaíocht iomlán agus fostaíocht de réir inscne.

AR 79. Is éard atá i gcatagóirí fostaithe miondealú ar fhostaithe de réir leibhéal (amhail an bhainistíocht shinsearach, an mheánbhainistíocht) nó de réir feidhme (amhail teicniúil, riaracháin, táirgeadh). Díorthaítear an fhaisnéis sin ó chóras acmhainní daonna an ghnóthais féin. Agus an lucht saothair á aicmiú, saineoidh an gnóthas catagóirí fostaithe réasúnta agus fiúntacha a chuirfidh ar chumas úsáideoirí na faisnéise tuiscint a fháil ar bhearta feidhmíochta éagsúla idir na catagóirí. Féadfaidh an gnóthas catagóir a thíolacadh

d'fhostaithe feidhmiúcháin agus d'fhostaithe neamhfheidhmiúcháin.

### **Ceanglas maidir le Nochtadh S1-14 – Méadracht sláinte agus sábháilteachta**

- AR 80. Maidir le mír 88 (a), nochtfar an céatadán dá lucht saothair féin atá cumhdaithe ag córas bainistíochta sláinte agus sábháilteachta an ghnóthais ar bhonn comhaireamh cinn seachas ar bhonn coibhéise lánaimseartha.
- AR 81. Maidir le mír 90, nuair a bhí córas bainistíochta sláinte agus sábháilteachta an ghnóthais, nó codanna áirithe de, faoi réir iniúchadh inmheánach nó deimhniú seachtrach, féadfaidh an gnóthas an fíoras sin, nó easpa an fhórais sin, agus na bunchaighdeáin d'iniúchtaí/deimhnithe den sórt sin, de réir mar is infheidhme, a lua.
- AR 82. Féadfar básanna a thuairisciú ar leithligh dóibh sin a eascraíonn as **gortuithe a bhaineann leis an obair** agus iad sin a eascraíonn as **drochshláinte a bhaineann leis an obair**.

Treoraíocht maidir le 'a bhaineann leis an obair'

- AR 83. Eascraíonn **gortuithe a bhaineann leis an obair** agus **drochshláinte a bhaineann leis an obair** as neamhchosaint ar ghuaiseacha san obair. Dá ainneoin sin, is féidir le cineálacha eile **teagmhas** tarlú nach bhfuil baint acu leis an obair féin. Mar shampla, ní mheastar go ginearálta go mbaineann na teagmhais seo a leanas leis an obair, mura sonraítear a mhalairt sa reachtaíocht náisiúnta is infheidhme:
- (a) buaileann taom croí duine sa lucht saothair agus é ag obair, ar taom croí é nach bhfuil baint aige leis an obair;
  - (b) go ndéantar duine sa lucht saothair atá ag tiomáint chuig an obair nó ón obair a ghortú i dtionóisc ghluaisistéin (nuair nach cuid den obair an tiomáint agus i gcás nár eagraigh an gnóthas an t-iompar); agus
  - (c) tá urghabháil ag an obair ag duine sa lucht saothair le titimeas nach bhfuil baint aige leis an obair.
- AR 84. Maidir le taisteal chun críocha oibre, baineann díobhála agus drochshláinte a tharlaíonn le linn do dhuine a bheith ag taisteal leis an obair más rud é, tráth an ghortaithe nó na drochshláinte, go raibh an duine ag gabháil do ghníomhaíochtaí oibre "ar mhaithe leis an bhfostóir". Áirítear ar shamplaí de na gníomhaíochtaí sin taisteal chuig agus ó theagmhálaithe custaiméara; bheith i mbun tascanna oibre; agus bheith ag cur siamsaíocht ar fáil nó siamsaíocht a bheith á cur ar fáil dó chun gnó a idirbheartú, a phlé nó a chur chun cinn (le treoir ón bhfostóir). Más é an gnóthas atá freagrach as an gcomaitéireacht iompair, tharla teagmhais le linn na comaitéireachta a mheastar a bheith bainteach leis an obair. Mar sin féin, féadfar teagmhais a thagann chun cinn le linn taistil, lasmuigh de fhreagracht an ghnóthais (i.e. comaitéireacht rialta chuig an obair agus ón obair), a thuairisciú ar leithligh ar choinníoll go bhfuil sonraí den sórt sin ar fáil ar fud an ghnóthais.
- AR 85. Maidir le hobair ón mbaile, tá gaol oibre idir gortuithe agus drochshláinte a tharlaíonn nuair a bhíonn obair á déanamh ón mbaile, má tharlaíonn an gortú nó an drochshláinte le linn don duine a bheith ag obair ón mbaile; agus go bhfuil an gortú nó an drochshláinte bainteach go díreach le feidhmíocht na hoibre seachas an timpeallacht nó an suíomh baile ginearálta.
- AR 86. Maidir le meabhairghalar, meastar go mbaineann sé leis an obair, más rud é gur thug an duine lena mbaineann fógra dó go deonach agus go dtacaíonn tuairim ó ghairmí ceadúnaithe cúraim sláinte a bhfuil oiliúint agus taithí chuí aige nó aici léi; agus má deir tuairim den sórt sin go bhfuil an tinneas a bhaineann leis an obair.
- AR 87. Maidir le saincheisteanna sláinte a eascraíonn, mar shampla, as caitheamh tobac, mí-úsáid drugaí agus alcóil, neamhghníomhaíocht fhisiciúil, aistí bia míshláintiúla, agus tosca síceasóisialta nach mbaineann leis an obair, ní mheastar go bhfuil siad bainteach leis an obair.
- AR 88. Ní mheastar go bhfuil galair cheirde ina **ngortuithe a bhaineann leis an obair** ach cumhdaítear iad faoi **drochshláinte a bhaineann leis an obair**.

Treoir maidir le ráta na ngortuithe a bhaineann leis an obair a ríomh

- AR 89. Agus ráta na ngortuithe a bhaineann leis an obair á ríomh, roinnfidh an gnóthas líon na gcásanna faoi seach ar líon iomlán na n-uaireanta an chloig a d'oibrigh daoine ina lucht saothair féin agus iolraithe faoi 1,000,000. Dá réir sin, léiríonn na rátaí sin an líon cásanna faoi seach in aghaidh an mhiliúin uaireanta an chloig oibrithe. Léiríonn ráta bunaithe ar 1,000,000 uair an chloig oibrithe líon na ngortuithe a bhaineann leis an obair in aghaidh gach 500 duine lánaimseartha sa lucht saothair thar thréimhse ama bliana. Chun críocha inchomparáideachta, úsáidfear ráta atá bunaithe ar 1,000,000 uair an chloig oibrithe freisin do ghnóthais a bhfuil níos lú ná 500 duine sa lucht saothair.
- AR 90. Murar féidir leis an ngnóthas an líon uaireanta an chloig a oibrítear a ríomh go díreach, féadfaidh sé é sin a mheas ar bhonn na ngnáthuaireanta nó na n-uaireanta an chloig caighdeánacha oibre, ag tabhairt san áireamh teidlíochtaí tréimhsí saoire íochta ón obair (mar shampla, saoire íochta, saoire bhreioiteachta íochta, saoire phoiblí) agus é sin a mhíniú ina nochtáí.
- AR 91. Áireoidh gnóthas básanna de thoradh gortú a bhaineann leis an obair i ríomh an líon agus an ráta gortuithe intaifeadta a bhaineann leis an obair.

Treoraíocht maidir le drochshláinte intaifeadta a bhaineann leis an obair

- AR 92. Is féidir a áireamh ar dhrochshláinte a bhaineann leis an obair fadhbanna sláinte géara, athfhillteacha agus ainsealacha a tharlaíonn nó a éiríonn níos measa de bharr coinníollacha nó cleachtas oibre. Áirítear orthu sin neamhoird mhatánchnámharlaigh, galair chraicinn agus riospráide, ailsí urchóideacha, galair de bharr oibreáin fhisiceacha (mar shampla, cailteanas éisteachta de dheasca torainn, galair de bharr tonnchrith), agus galair mheabhreacha (mar shampla, imní, neamhord struis iar-thrámach). Chun críoch na nochtáí a cheanglaítear, déanfaidh an gnóthas, ar a laghad, a áireamh ina nochtadh na cásanna sin a dtugtar breac- chuntas orthu i Liosta ILO na nGalar Gairme.
- AR 93. I gcomhthéacs an Chaighdeáin seo, cumhdaítear neamhoird mhatánchnámharlaigh a bhaineann leis an obair faoi dhrochshláinte a bhaineann leis an obair (agus ní gortuithe).
- AR 94. Baineann na cásanna atá le nochtadh i mír 88(d) le cásanna drochshláinte a bhaineann leis an obair a cuireadh in iúl don ghnóthas nó a shainaithin an gnóthas trí fhaireachas leighis, le linn na tréimhse tuairiscithe. D'fhéadfaí fógra a thabhairt don ghnóthas faoi chásanna drochshláinte a bhaineann leis an obair trí thuairiscí ó dhaoine lena mbaineann, ó ghníomhaireachtaí cúitimh, nó ó ghairmithe cúraim sláinte. D'fhéadfaí a áireamh sa nochtadh cásanna drochshláinte a bhaineann leis an obair a braitheadh le linn na tréimhse tuairiscithe i measc daoine a bhí i bhfórsa saothair an ghnóthais roimhe sin.

Treoraíocht maidir leis an líon laethanta cailte

- AR 95. Comhairfidh an gnóthas an líon laethanta a cailleadh sa chaoi is go n-áireofar an chéad lá iomlán agus an lá deireanach neamhláithreachta. Ba cheart laethanta féilire a mheas chun an ríomh a dhéanamh, dá bhrí sin, áireofar na laethanta nach bhfuil an duine aonair lena mbaineann sceidealta le haghaidh oibre (mar shampla, laethanta deireadh seachtaine, laethanta saoire poiblí) mar laethanta cailte.

### ***Ceanglas maidir le Nochtadh S1-15 – Cothromaíocht oibre is saoil***

- AR 96. Áirítear le saoire a bhaineann leis an teaghlach saoire mháithreachais, saoire atharthachta, saoire thuismitheoireachta, agus saoire cúramóirí atá ar fáil faoin dlí náisiúnta nó faoi chomhaontuithe cómhargála. Chun críoch an Chaighdeáin seo, sainmhínítear na coincheapa sin mar a leanas:
- saoire mháithreachais (ar a dtugtar saoire toirchis freisin): saoire neamhláithreachta cosaint fostaíochta le haghaidh ban fostaithe go díreach timpeall ar am breith linbh (nó, i roinnt tíortha, uchtáil);
  - saoire atharthachta: saoire ón obair d'aithreacha nó, i gcás ina n-aithnítear í faoin dlí náisiúnta agus a mhéid a aithnítear í, saoire do dhara tuismitheoirí coibhéiseacha,

tráth breithe nó uchtála linbh, chun cúram a sholáthar;

- (c) saoire tuismitheora: saoire ón obair do thuismitheoirí ar an bhforas gur rugadh nó gur uchtáíodh leanbh chun aire a thabhairt don leanbh sin, mar atá sainmhíniú ag gach Ballstát;
- (d) saoire cúramóra ón obair: saoire le haghaidh oibríthe chun cúram pearsanta a sholáthar do dhuine gaolta, nó duine a chónaíonn sa teaghlach céanna, óna dteastaíonn cúram nó tacaíocht shuntasach ar chúis leighis thromchúiseacha, mar a shainmhíníonn gach Ballstát.

AR 97. Maidir le mír 93 (a), is iad na fostaithe atá i dteideal saoire a bhaineann leis an teaghlach iad siúd atá cumhdaithe ag rialacháin, beartais eagraíochtúla, comhaontuithe, conarthaí nó comhaontuithe cómhargála ina bhfuil teidlíochtaí saoire a bhaineann leis an teaghlach agus a thuairiscigh a dteidlíocht i leith an ghnóthais nó an ghnóthais agus go bhfuil a dteidlíocht chun an ghnóthais nó an ghnóthais ar an eolas faoin teidlíocht.

### ***Ceanglas maidir le Nochtadh S1-16 – Méadracht luacha saothair (bearna phá agus luach saothair iomlán)***

---

#### Bearna phá

AR 98. Nuair a bheidh an fhaisnéis a cheanglaítear faoi mhír 97 (a) le haghaidh na bearna pá idir a fhostaithe baineanna agus fostaithe fireanna (ar a dtugtar “an bearna phá idir na hinscní”) á tiomsú ag an ngnóthas, úsáidfídh sé an mhodheolaíocht seo a leanas:

- (a) leibhéal comhlán pá na bhfostaithe go léir in aghaidh na huairé a chur san áireamh; agus
- (b) an fhoirmle seo a leanas a chur i bhfeidhm chun an bearna phá idir na hinscní a ríomh:

(Meánleibhéal ollphá in aghaidh na huairé d’fhostaithe fireanna – meánleibhéal ollphá in aghaidh na huairé d’fhostaithe baineanna)

x 100

---

Meánleibhéal ollphá in aghaidh na huairé d’fhostaithe fireanna

AR 99. Agus an fhaisnéis a cheanglaítear faoi mhír 97 (a) á nochtadh aige, soláthróidh an gnóthas aon fhaisnéis chomhthéacsúil is gá chun na sonraí a thuiscint agus conas a tiomsaíodh na sonraí (modheolaíocht). Faisnéis maidir leis an tionchar a bhíonn ag tosca oibiachtúla amhail an cineál oibre agus tír na fostaíochta ar an mbearna phá idir na hinscní.

AR 100. Tuairisceofar tomhas bearna phá idir na hinscní an ghnóthais le haghaidh na tréimhse tuairiscithe reatha agus, má thuairiscítear é i dtuarascálacha inbhuanaitheachta roimhe sin, le haghaidh an dá thréimhse tuairiscithe roimhe sin.

#### Cóimheas luacha saothair iomlán

AR 101. Agus an fhaisnéis a cheanglaítear le mír 97 (b) á tiomsú aige, déanfaidh an gnóthas an méid seo a leanas:

- (a) na **fostaithe** uile a chur san áireamh;
- (b) an méid ar fad a leanas, ag brath ar bheartais luach saothair an ghnóthais, a bhreith:
  - i. tuarastal bunúsach, arb é an tsuim é de chúiteamh airgid ráthaithe, gearrthéarmach, agus neamh- inathraithe;
  - ii. sochair in airgead tirim, arb é sin suim an bhuntuarastail agus na liúntas airgid thirim, bónais, coimisiúin, comhroinnt brabúis airgid, agus cineálacha eile focaíochtaí airgid inathraithe;
  - iii. sochair chomhchineáil, amhail gluaisteáin, árachas sláinte príobháideach,

árachas saoil, cláir folláine; agus

- iv. luach saothair díreach, arb é atá ann suim na sochar in airgead tirim, sochair chomhchineáil agus luach cóir iomlán na ndreasachtaí fadtéarmacha bliantúla (mar shampla, dámhachtainí stoc-roghanna, scaireanna nó aonaid stoic shrianta, scaireanna nó aonaid stoic feidhmíochta, scaireanna stoic phantom, cearta luachmheasa stoic, agus dámhachtainí airgid fadtéarmacha).
- (c) an fhoirmle seo a leanas a chur i bhfeidhm maidir leis an gcóimheas **luach saothair iomlán bliantúil**:

Luach saothair iomlán bliantúil don duine aonair is airde fócaíocht de chuid an ghnóthais

---

Luach saothair iomlán bliantúil an fhostaí airmheánaigh (gan an duine aonair is airde fócaíocht san áireamh)

AR 102. Chun an fhaisnéis chomhthéacsúil a léiriú, féadfaidh an gnóthas míniú a thabhairt chun na sonraí agus an chaoi ar cuireadh na sonraí i dtoll a cheile a thuiscint (modheolaíocht). D'fhéadfadh sé nach leor sonraí cainníochtúla, amhail cóimheas luach saothair iomlán bliantúil, as a stuaim féin chun difríocht pá agus a thiománaithe a thuiscint. Mar shampla, d'fhéadfadh tionchar a bheith ag méid an ghnóthais (mar shampla, ioncam, líon na bhfostaithe), a earnáil, a straitéis fostaíochta (mar shampla, spleáchas ar oibríthe seachfhoinisithe nó fostaíthe páirtaimseartha, leibhéal ard uathoibríthe) nó luaineacht airgeadra ar chóimheasa pá.

### **Ceanglas maidir le Nochtadh S1-17 – Teagmhais, gearáin agus tionchair dhiana ar chearta an duine**

---

AR 103. De bhreis ar an bhfaisnéis a cheanglaítear le míreanna 103 agus 104, féadfaidh an gnóthas stádas **teagmhas** agus/nó gearán agus gníomhaíochtaí a rinneadh maidir leis an méid seo a leanas a nochtadh:

- (a) teagmhais arna n- athbhreithniú ag an ngnóthas;
- (b) pleananna leighis a bheith á gcur chun feidhme;
- (c) pleananna leighis a cuireadh chun feidhme, agus torthaí arna n- athbhreithniú trí phróisis athbhreithnithe bainistíochta inmheánacha; agus
- (d) teagmhais nach bhfuil faoi réir gníomhaíochta a thuilleadh.

AR 104. Má thiomsaíonn an gnóthas an fhaisnéis a bhfuil tuairisc uirthi in AR 105, breithneoidh sé an méid seo a leanas:

- (a) ní bhíonn **teagmhas** faoi réir gníomhaíochta a thuilleadh má réitítear é, má chuirtear an cás i gcrích, nó mura gceanglaítear ar an ngnóthas gníomhaíocht bhreise a dhéanamh. Mar shampla, d'fhéadfaí a áireamh le teagmhas nach bhfuil tuilleadh gníomhaíochta ag teastáil ina leith cásanna a aistarraingítear nó i gcás nach ann a thuilleadh do na himthosca bunúsacha a bhí mar chúis leis an teagmhas;
- (b) tá gníomhaíocht feabhais dírithe i dtreo an té a dhéanann an ciapadh líomhnaithe agus an t-íospartach líomhnaithe. D'fhéadfadh sé go n-áireofaí ar ghníomhaíocht feabhais i leith an íospartaigh a speansas a íoc le haghaidh seisiúin chomhairleoireachta, am saor íochta a thairiscint don íospartach, laethanta breoiteachta/laethanta saoire a thairiscint don íospartach arís más rud é gur thabhaigh an t-íospartach aon speansais mar gheall ar an gciapadh (amhail laethanta breoiteachta nó laethanta saoire a úsáid); agus

- (c) féadfar a áireamh ar ghníomhaíocht feabhais i dtreo an té a dhéanann an ciapadh rabhadh ó bhéal agus/nó i scríbhinn a thabhairt don té a dhéanann an ciapadh, comhairleoireacht frithchiaptha a shainordú nó an té a dhéanann an ciapadh a chur chuig seimineár iomchuí, **oiliúint** feasachta ar chiapadh agus oiliúint coisc. D'fhéadfadh fionraí gan phá a bheith ina rogha freisin. Má gearradh pionós ar an duine a bhfuil an ciapadh curtha ina leith cheana ach nach stopann a c(h)iapadh, d'fhéadfadh sé go mbeadh gá le pionós níos tromchúisí.

AR 105.Áirítear ar theagmhais thromchúiseacha maidir le cearta an duine cásanna dlí, gearáin fhoirmiúla tríd an ngnóthas nó sásraí gearáin tríú páirtí, líomhaintí tromchúiseacha i dtuarascálacha poiblí nó sna meáin, i gcás ina bhfuil siad nasctha le lucht saothair an ghnóthais féin, agus nach ndéanann an gnóthas na teagmhais a dhíospóid, chomh maith le haon mhórtionchair eile a bhfuil an gnóthas ar an eolas fúthu.

AR 106.De bhreis ar an bhfaisnéis a cheanglaítear le mír 104 thuas, féadfaidh an gnóthas an líon teagmhas tromchúiseach maidir le cearta an duine a nochtadh i gcás ina raibh ról ag an gnóthas **réiteach** a fháil dóibh siúd dá ndearnadh difear le linn na tréimhse tuairiscithe.

## Foscscríbhinn A.1: Ceanglais maidir le Cur i bhFeidhm le haghaidh nochtáí a bhaineann le ESRS 2

Is dlúthchuid de ESRS S1 *Lucht saothair dílis* í an fhoscscríbhinn seo. Tacaíonn sí le cur i bhfeidhm na gceanglas maidir le nochtadh ó ESRS 2 a leagtar amach sa chaighdeán seo agus tá an t-údarás céanna aici agus atá ag na codanna eile den chaighdeán. Tugtar ann liosta neamhuileghabhálach de na fachtóirí a bheidh le meas ag an ngnóthas agus ESRS 2 SBM-2 agus ESRS 2 SBM-3 á gcomhlíonadh aige. Ní thugtar sainmhínithe ar na téarmaí a luaitear thíos san fhoscscríbhinn seo. Is féidir teacht ar gach téarma sainmhínithe in larscríbhinn II: Acrainmneacha agus Gluais na dTéarmaí.

Cúrsaí sóisialta agus cúrsaí a bhaineann le cearta an duine	Liosta neamhchuisitheach tosa le breith agus Measúnú Ábharthachta á dhéanamh
<b>Fostaíocht shlán</b>	% d'fhostaithe a bhfuil conarthaí sealadacha acu, cóimheas idir oibríthe neamhfhostaithe agus fostaithe, cosaint shóisialta
<b>Am oibre</b>	% d'fhostaithe a bhfuil conarthaí páirtaimseartha nó conarthaí gan íosmhéid uaireanta acu, sástacht fostaí leis an am oibre
<b>Pá leordhóthanach</b>	Sainmhínithe dlíthiúla AE, náisiúnta nó áitiúla ar phá leordhóthanach, pá cóir, agus pá íosta
<b>Idirphlé sóisialta / comhairlí oibre a bheith ann / cearta oibríthe maidir le faisnéis, comhairliúchán agus rannpháirtíocht</b>	Méid na hionadaíochta ionad oibre, trasteorann agus ar leibhéal boird trí cheardchumann agus/nó comhairlí oibreacha
<b>Saoirse comhlachais/Cómhargáil lena n-áirítear an ráta den lucht saothair atá cumhdaithe ag comhaontuithe comhchoiteanna</b>	% de lucht saothair dílis cumhdaithe ag comhaontuithe cómhargála, stadanna oibre
<b>Cothromaíocht oibre is saoil</b>	Saoire a bhaineann leis an obair, uaireanta oibre solúbtha, rochtain ar chúram leanaí

<b>Sláinte agus sábháilteacht</b>	Cumhdach ag an gcóras S&S, ráta básanna, timpistí neamh- mharfacha, drochshláinte a bhaineann leis an obair, laethanta oibre cailte
<b>Comhionannas inscne agus pá comhionann as obair ar comhionann a luach</b>	% de mhná in ardbhainistíocht agus sa lucht saothair, bearna phá fireann- baineann
<b>Oiliúint agus forbairt scileanna</b>	Méid agus dáileadh oiliúna, % d'fhostaithe le feidhmíocht tráthrialta agus athbhreithnithe forbartha
<b>Daoine faoi mhíchumas a fhostú agus a chuimsiú</b>	% de bhearta fostaíochta agus inrochtaineachta d'fhostaithe faoi mhíchumas
<b>Bearta in aghaidh foréigin agus ciaptha i saol na hoibre</b>	Leitheadúlacht foréigin agus ciaptha
<b>Éagsúlacht</b>	Ionadaíocht na mban agus / nó grúpaí eitneacha nó mionlaigh sa lucht saothair dílis. Dáileadh aoise sa lucht saothair dílis. Céatadán daoine faoi mhíchumas laistigh den lucht saothair dílis.
<b>Saothar leanaí</b>	Cineál oibríochtaí agus limistéir gheografacha i mbaol saothar leanaí
<b>Saothar éignithe</b>	Cineál oibríochtaí agus limistéir gheografacha i mbaol saothar éignithe

## Foscraibhinn A.2: Ceanglais maidir le Cur i bhFeidhm le haghaidh ESRS S1-1 Polasaithe a bhaineann le lucht saothair dílis

Is dlúthchuid de ESRS S1 *Lucht saothair dílis* í an fhoscraibhinn seo agus tá an t- údarás céanna aici agus atá ag na codanna eile den Chaighdeán seo. Tacaíonn sí le cur i bhfeidhm na gceanglas maidir le Ceanglas maidir le Nochtadh ESRS S1-1 maidir le cúrsaí sóisialta agus cúrsaí a bhaineann le cearta an duine le samplaí de nochtaí.

<b>Cúrsaí sóisialta agus cúrsaí a bhaineann le cearta an duine</b>	<b>Samplaí de bheartais:</b>
<b>Fostaíocht shlán</b>	Níl beartas um scaoileadh chun bealaigh, teorainneacha ar chonarthaí sealadacha a athnuachan, soláthar cosanta sóisialta ón bhfostóir i gcás ina bhfuil soláthar stáit easnamhach ann
<b>Am oibre</b>	Teorainneacha ar ragobair, sealanna fada agus scoilte, agus obair oíche agus obair ag an deireadh seachtaine, sceidealú leordhóthanach na n-agaí tionscanta
<b>Pá leordhóthanach</b>	Beartas chun a áirithiú go bhfaigheann gach duine sa lucht saothair dílis pá leordhóthanach

<b>Idirphlé sóisialta / comhairlí oibre a bheith ann / cearta oibríthe maidir le faisnéis, comhairliúchán agus rannpháirtíocht</b>	Beartas chun institiúidí don idirphlé sóisialta a spreagadh, faisnéis agus comhairliúchán rialta le hionadaithe oibríthe, comhairliúchán sula sroictear cinntí críochnaitheacha ar shaincheisteanna a bhaineann le fostaíocht
<b>Saoirse comhlachais/Cómhargáil lena n- áirítear an ráta oibríthe atá cumhdaithe ag comhaontuithe comhchoiteanna</b>	Gan cur isteach ar fhoirmiú agus earcaíocht na gceardchumann (lena n-áirítear rochtain na gceardchumann ar ghnóthais), margáil de mheon macánta, am saor leordhóthanach d'ionadaithe na n-oibríthe chun a ndualgais, a saoráidí agus a gcosaint ar dhífhostú a dhéanamh d'ionadaithe oibríthe, gan aon idirdhealú a dhéanamh ar chomhaltaí na gceardchumann ná ar ionadaithe na n-oibríthe
<b>Cothromaíocht oibre is saoil</b>	Saoire teaghlaigh, am solúbtha oibre, rochtain ar áiseanna cúraim lae a chur ar fáil do gach fostaí
<b>Sláinte agus sábháilteacht</b>	Clúdach de gach lucht saothair féin i gcóras bainistíochta H&S
<b>Comhionannas inscne agus pá comhionann as obair ar comhionann a luach</b>	Beartas le haghaidh comhionannas inscne agus pá comhionann ar obair chomhionann
<b>Oiliúint agus forbairt scileanna</b>	Beartas chun scileanna agus ionchais ghairme a bhreisiú d'fhostaithe
<b>Daoine faoi mhíchumas a fhostú agus a chuimsiú</b>	Beartas chun áiteanna oibre a dhéanamh inrochtana do dhaoine faoi mhíchumas
<b>Bearta in aghaidh foréigin agus ciaptha i saol na hoibre</b>	Beartas neamhfhulaingthe ar fhoréigean agus ciapadh ag an áit oibre
<b>Éagsúlacht</b>	Beartas cuimsitheachta (i.e. éagsúlacht eitneach nó grúpaí mionlaigh) agus gníomhaíocht dhearfach.
<b>Saothar leanaí</b>	Beartas chun, i gcás ina dtarlaíonn saothar leanaí, a shainaithint cá dtarlaíonn nochtadh le hoibríthe óga ar obair ghuaiseach agus an riosca noхта a chosc
<b>Saothar éignithe</b>	Beartas chun a shainaithint cá dtarlaíonn saothar éignithe agus baol saothar éignithe a laghdú

**Foscúbhinn A.3: Ceanglas maidir le Cur i bhFeidhm le haghaidh ESRS S1-4 – Gníomhaíocht a dhéanamh maidir le tionchair ábhartha ar lucht saothair dílis, agus cineálacha cur chuige chun rioscaí ábhartha a mhaolú agus deiseanna ábhartha a shaothrú, ar rioscaí agus deiseanna iad a bhaineann le lucht saothair dílis, agus éifeachtacht na ngníomhaíochtaí sin**

Is dlúthchuid de ESRS S1 *Lucht saothair dílis* í an fhoscúbhinn seo agus tá an t- údarás céanna aici agus atá ag na codanna eile den Chaighdeán seo. Tacaíonn sí le cur i bhfeidhm na gceanglas maidir le Ceanglas maidir le Nochtadh ESRS S1-4 maidir le cúrsaí sóisialta agus cúrsaí a bhaineann le cearta an duine le samplaí de noхтаí:

<b>Cúrsaí sóisialta agus cúrsaí a bhaineann le cearta an duine</b>	<b>Samplaí de ghníomhaíochtaí:</b>
<b>Fostaíocht shlán</b>	Conartha buana a thairiscint d'fhostaithe a bhfuil conarthaí sealadach acu, pleananna a chur chun feidhme don chosaint shóisialta i gcás ina bhfuil soláthar stáit easnamhach
<b>Am oibre</b>	Sealobair a rothlú, síneadh a chur le fógra sceidealaithe, ragobair iomarcach a laghdú
<b>Pá leordhóthanach</b>	Caibidlíocht ar phá cóir i gcomhaontuithe cómhargála, fíorú go n- íocann gníomhaireachtaí fostaíochta pá cóir
<b>Idirphlé sóisialta / comhairlí oibre a bheith ann / cearta oibríthe maidir le faisnéis, comhairliúchán agus rannpháirtíocht</b>	Leathnú saincheisteanna inbhuanaitheachta a ndéileáiltear leo san idirphlé sóisialta, méadú ar an líon cruinnithe, méadú ar acmhainní le haghaidh comhairlí oibreacha
<b>Saoirse comhlachais/Cómhargáil lena n- áirítear an ráta oibríthe atá cumhdaithe ag comhaontuithe comhchoiteanna</b>	Leathnú saincheisteanna inbhuanaitheachta a ndéileáiltear leo i gcómhargáil, méadú ar acmhainní le haghaidh ionadaithe oibríthe
<b>Cothromaíocht oibre is saoil</b>	Incháilitheacht do shaoire teaghlaigh agus socruithe am solúbtha oibre a leathnú, soláthar cúram lae a mhéadú
<b>Sláinte agus sábháilteacht</b>	Oiliúint um shláinte agus sábháilteacht a mhéadú, infheistíocht i dtrealamh níos sábháilte
<b>Comhionannas inscne agus pá comhionann as obair ar comhionann a luach</b>	Earcaíocht dhíríthe agus ardú céime a thabhairt do mhná, laghdú ar an mbearna phá trí chomhaontuithe cómhargála a idirbheartú
<b>Oiliúint agus forbairt scileanna</b>	Iniúchtaí scileanna, oiliúint chun bearnaí a líonadh
<b>Daoine faoi mhíchumas a fhostú agus a chuimsiú</b>	Bearta inrochtaineachta a mhéadú
<b>Bearta in aghaidh foréigin agus ciaptha i saol na hoibre</b>	Sásraí gearáin a fheabhsú, smachtbhannaí in aghaidh foréigin agus ciaptha a mhéadú, oiliúint um chosc a chur ar fáil don bhainistíocht
<b>Éagsúlacht</b>	Oiliúint um éagsúlacht agus cuimsiú (lena n- áirítear breithnithe eitneachais), earcú spriocdhíríthe ar ghrúpaí tearcionadaithe
<b>Saothar leanaí</b>	Bearta um fhíorú aoise, comhpháirtíochtaí le heagraíochtaí chun deireadh a chur le saothar leanaí, bearta in aghaidh na gcineálacha is measa den saothar leanaí
<b>Saothar éignithe</b>	Bearta lena n- áirithítear toiliú don fhostaíocht gan pionós a bhagairt, conarthaí i dteanga shothuigthe, sairse chun deireadh a chur le fostaíocht gan phionós, níor cheart go ndéanfaí oibleagáid de shaothar i mbearta smachta, toiliú saor ar ragobair, sairse gluaiseachta (lena n- áirítear chun an áit oibre a fhágáil), déileáil chóir d'oibríthe imirceacha, faireachán ar

	ghníomhaireachtaí fostaíochta.
--	--------------------------------

**Foscúbhinn A.4: Ceanglas maidir le Cur i bhFeidhm le haghaidh ESRS S1-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú**

Is dlúthchuid de ESRS S1 *Lucht saothair dílis* í an fhoscúbhinn seo agus tá an t- údarás céanna aici agus atá ag na codanna eile den Chaighdeán seo. Tacaíonn sí le cur i bhfeidhm na gceanglas maidir le Ceanglas maidir le Nochtadh ESRS S1-5 maidir le cúrsaí sóisialta agus cúrsaí a bhaineann le cearta an duine le samplaí de nochtáí:

<b>Cúrsaí sóisialta agus cúrsaí a bhaineann le cearta an duine</b>	<b>Samplaí de spriocanna:</b>
<b>Fostaíocht shlán</b>	An % den lucht saothair a bhfuil conarthaí fostaíochta acu a mhéadú (go háirithe conarthaí buana) agus cosaint shóisialta
<b>Am oibre</b>	An % den lucht saothair a bhfuil socrúithe am solúbtha oibre acu
<b>Pá leordhóthanach</b>	A chinntiú go bhfaigheann gach duine ina lucht saothair féin pá leordhóthanach
<b>Idirphlé sóisialta / comhairlí oibre a bheith ann / cearta oibríthe maidir le faisnéis, comhairliúchán agus rannpháirtíocht</b>	An t- idirphlé sóisialta a shíneadh chuig tuilleadh bunaíochtaí agus/nó tíortha
<b>Saoirse comhlachais/Cómhargáil lena n- áirítear an ráta oibríthe atá cumhdaithe ag comhaontuithe comhchoiteanna</b>	An % den lucht saothair féin a chumhdaítear leis an gcómhargáil a mhéadú, comhaontuithe cómhargála a chaibidlíú maidir le saincheisteanna inbhuanaitheachta
<b>Cothromaíocht oibre is saoil</b>	Bearta oibre is saoil a leathnú chuig % níos mó den lucht saothair féin
<b>Sláinte agus sábháilteacht</b>	An ráta gortuithe agus am oibre a chailltear de bharr gortuithe a laghdú
<b>Comhionannas inscne agus pá comhionann as obair ar comhionann a luach</b>	An % de mhná sa lucht saothair agus in ardbhainistíocht a mhéadú, an bhearna phá fireann- baineann a laghdú
<b>Oiliúint agus forbairt scileanna</b>	An % d'fhostaithe a mhéadú a fhaigheann oiliúint agus athbhreithnithe rialta um forbairt scileanna
<b>Daoine faoi mhíchumas a fhostú agus a chuimsiú</b>	An % daoine faoi mhíchumas sa lucht saothair dílis a mhéadú
<b>Bearta in aghaidh foréigin agus ciaptha san ionad oibre</b>	Bearta a shíneadh chuig gach ionad oibre
<b>Éagsúlacht</b>	An % daoine i ngrúpaí tearcionadaithe sa lucht saothair dílis agus san

	ardbhainistíocht a mhéadú
Saothar leanaí	Síneadh a chur le bearta chun nochtadh daoine óga ar obair ghuaiseacha a chosc chuig % níos mó d'oibríochtaí
Saothar éignithe	Bearta chun saothar éignithe a chosc a leathnú chun níos mó oibríochtaí a chumhdach

## ESRS S2

### OIBRITHE SA SLABHRA LUACHA

#### Clár ábhar

---

##### Cuspóir

Idirghníomhaíocht le ESRS eile

Ceanglais maidir le Nochtadh

- ESRS 2 Nochtaí ginearálta

##### Straitéis

- o Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara
- o Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó

##### Bainistiú tionchar, rioscaí agus deiseanna

- o Ceanglas maidir le Nochtadh S2- 1 – Beartais a bhaineann le hoibrithe slabhra luacha
- o Ceanglas maidir le Nochtadh S2-2 – Próisis rannpháirtíochta le hoibrithe slabhra luacha maidir le tionchair
- o Ceanglas maidir le Nochtadh S2-3 – Próisis chun tionchair dhiúltacha a leigheas agus bealaí ar féidir le hoibrithe slabhra luacha ábhair inní a chur in iúl
- o Ceanglas maidir le Nochtadh S2-4 – Gníomhaíocht a dhéanamh maidir le tionchair ábhartha ar oibrithe slabhra luacha, agus cineálacha cur chuige chun rioscaí ábhartha a bhainistiú agus deiseanna ábhartha a shaothrú, ar rioscaí agus deiseanna iad a bhaineann le oibrithe slabhra luacha, agus éifeachtacht na ngníomhaíochtaí sin

##### Méadracht agus spriocanna

- o Ceanglas maidir le Nochtadh S2-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú

Foscraibhinn A: Ceanglais maidir le Cur i bhFeidhm (AR)

- Cuspóir

- ESRS 2 Nochtaí ginearálta

##### Straitéis

- o Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara
- o Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó

##### Bainistiú tionchar, rioscaí agus deiseanna

- o Ceanglas maidir le Nochtadh S2- 1 – Beartais a bhaineann le hoibrithe slabhra luacha
- o Ceanglas maidir le Nochtadh S2-2 – Próisis rannpháirtíochta le hoibrithe slabhra luacha maidir le tionchair
- o Ceanglas maidir le Nochtadh S2-3 – Próisis chun tionchair dhiúltacha a leigheas

- agus bealaí ar féidir le hoibrithe slabhra luacha ábhair imní a chur in iúl
- Ceanglas maidir le Nochtadh S2-4 – Gníomhaíocht a dhéanamh maidir le tionchair ábhartha, agus cineálacha cur chuige chun rioscaí ábhartha a mhaolú agus deiseanna ábhartha a shaothrú, ar rioscaí agus deiseanna iad a bhaineann le hoibrithe slabhra luacha, agus éifeachtacht na ngníomhaíochtaí agus na gcur chuige sin

#### **Méadracht agus spriocanna**

- Ceanglas maidir le Nochtadh S2-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú

## **Cuspóir**

---

1. Is é is cuspóir don Chaighdeán seo ceanglais maidir le nochtadh a shonrú lena gcuirfear ar a gcumas **d'úsáideoirí** an **ráitis inbhuanaitheachta** tuiscint a fháil ar **thionchair** ábhartha ar **oibrithe sa slabhra luacha** a bhfuil baint acu le hoibríochtaí dílse agus slabhra luacha an ghnóthais, lena n-áirítear trína tháirgí nó trína sheirbhísí, agus trína chaidrimh ghnó, agus na rioscaí agus na deiseanna ábhartha gaolmhara a bhaineann leis, lena n-áirítear:
  - (a) conas a dhéanann an gnóthas difear dá oibrithe ina shlabhra luacha, i dtéarmaí na dtionchar ábhartha – idir dhearfach agus diúltach, idir iarbhir agus fhéideartha – atá aige;
  - (b) aon **ghníomhaíocht** a dhéantar, agus toradh na ngníomhaíochtaí sin, chun tionchair dhiúltacha iarbhir nó fhéideartha a chosc, a mhaolú nó a leigheas, agus chun aghaidh a thabhairt ar rioscaí agus deiseanna;
  - (c) nádúr, cineál agus méid rioscaí agus dheiseanna ábhartha an ghnóthais, lena n-áirítear iad siúd a bhaineann lena thionchair agus lena **spleáchais** ar oibrithe sa slabhra luacha, agus an chaoi a mbainistíonn an gnóthas iad; agus
  - (d) na **héifeachtaí airgeadais** ar an gnóthas a bhaineann le rioscaí agus deiseanna ábhartha sa ghearrthéarma, sa mheántéarma agus san fhadtéarma, lena n-áirítear iad siúd a eascraíonn as tionchair agus as spleáchais an ghnóthais ar oibrithe sa slabhra luacha.
2. Chun an cuspóir a bhaint amach, éilíonn an Caighdeán seo míniú ar an gcur chuige ginearálta a ghlacann an gnóthas chun aon **tionchar** ábhartha iarbhir agus féideartha ar oibrithe sa **slabhra luacha** a shainaithint agus a bhainistiú i ndáil leis an méid seo a leanas:
  - (a) dálaí oibre (mar shampla, fostaíocht shlán, am oibre, **pá leordhóthanach**, **idirphlé sóisialta**, sairse comhlachais, lena n-áirítear comhairlí fostaithe a bheith ann, **cómhargáil**, **cothromaíocht oibre is saoil** agus sláinte agus sábháilteacht);
  - (b) **cóir chomhionann** agus **deiseanna** comhionanna do chách (mar shampla, comhionannas inscne agus **pá** comhionann as obair ar comhionann a luach, **oilíúint** agus **forbairt** scileanna, fostaíocht agus cuimsiú **daoine faoi mhíchumas**, bearta in aghaidh foréigin agus **ciaptha** san áit oibre, agus éagsúlacht);
  - (c) cearta eile a bhaineann leis an obair (mar shampla, **saothar leanaí**, **saothar éiginthe**, tithíocht leordhóthanach, uisce agus sláintíocht agus príobháideachtas).
3. Éilítear leis an gCaighdeán seo freisin míniú ar an gcaoi ar féidir le tionchair den sórt sin, chomh maith le **spleáchais** an ghnóthais ar **oibrithe sa slabhra luacha**, rioscaí nó deiseanna ábhartha a chruthú don ghnóthas. Mar shampla, d'fhéadfadh tionchair dhiúltacha ar oibrithe slabhra luacha cur isteach ar oibríochtaí an ghnóthais (trí chustaiméirí ag diúltú a tháirgí a cheannach nó gníomhaireachtaí stáit ag gaibhniú a earraí) agus dochar a dhéanamh dá cháil. Os a choinne sin, le hurraim do chearta oibrithe agus do chlár thacaíochta ghníomhacha (mar shampla trí thionscnaimh litearthachta airgeadais), is féidir deiseanna gnó a chruthú, amhail soláthar níos iontaofa nó leathnú ar an mbonn **tomhaltóirí** a bheidh ann amach anseo.
4. Cumhdaítear leis an gCaighdeán seo na hoibrithe uile i **slabhra luacha** réamhtheachtach

agus iarteachtach an ghnóthais a bhfuil tionchar ábhartha ag an ngnóthas orthu nó ar féidir tionchar ábhartha a bheith ag an ngnóthas orthu, lena n-áirítear tionchair a bhaineann le hoibríochtaí dílse agus le slabhra luacha an ghnóthais, lena n-áirítear trína tháirgí nó trína sheirbhísí, agus trína chaidrimh ghnó. Áirítear leis sin na hoibrithe uile nach bhfuil san áireamh i raon feidhme 'lucht saothair dílis' ('lucht saothair dílis' lena n-áirítear **fostaithe**, conraitheoirí aonair, i.e. oibrithe féinfhostaithe, agus oibrithe arna soláthar ag gnóthais tríú páirtí atá ag gabháil go príomha do 'ghníomhaíochtaí fostaíochta'). Tá **lucht saothair dílis** cumhdaithe in ESRS S1 *Lucht saothair dílis*. Féach AR 3 le haghaidh samplaí dá bhfuil san áireamh i raon feidhme an Chaighdeáin seo.

## **Idirghníomhaíocht le ESRS eile**

---

5. Tá feidhm ag an gCaighdeán seo nuair a shainaithnítear **tionchair** ábhartha ar **oibrithe sa slabhra luacha** agus/nó **rioscaí** agus **deiseanna** ábhartha a bhaineann le **hoibrithe sa slabhra luacha** tríd an bpróiseas measúnaithe **ábharthachta** a leagtar amach in ESRS 2 *Nochtaí ginearálta*.
6. Léifear an Caighdeán seo i gcomhar le ESRS 1 *Ceanglais ghinearálta*, agus ESRS 2, chomh maith le ESRS S1, ESRS S3 *Pobail dá ndéantar difear* agus ESRS S4 *Tomhaltóirí agus úsáideoirí deiridh*.
7. Beidh an tuairisciú faoin gCaighdeán seo comhsheasmhach, comhleanúnach agus, i gcás inarb ábhartha, nasctha go soiléir le tuairisciú ar **lucht saothair dílis** an ghnóthais faoi ESRS S1, chun tuairisciú éifeachtach a áirithiú.

## **Ceanglais maidir le Nochtadh**

---

### **ESRS 2 Nochtaí ginearálta**

8. Ba cheart ceanglais na roinne seo a léamh i gcomhar leis na nochtaí a cheanglaítear le ESRS 2 maidir le Straitéis (SBM). Déanfar na nochtaí a thiocfaidh as sin a chur i láthair in éineacht leis na nochtaí a cheanglaítear le ESRS 2, cé is moite de SBM-3 *Tionchair, rioscaí agus deiseanna ábhartha agus a n-idirghníomhaíocht le straitéis agus samhail ghnó*, a bhfuil sé de rogha ag an ngnóthas nochtaí a chur i láthair ina leith in éineacht leis an nochtadh topaicshonrach.

### **Straitéis**

### **Ceanglas maidir le Nochtadh a bhaineann le ESRS 2 SBM-2 Leasanna agus tuairimí páirtithe leasmhara**

---

9. Agus an gnóthas ag freagairt do ESRS 2 SBM-2 mír 43, nochtfaidh sé conas a d'fhéadfadh tionchar ábhartha a bheith ag an ngnóthas ar leasanna, tuairimí agus cearta a **oibrithe sa slabhra luacha**, lena n-áirítear urraim dá gcearta daonna, agus bonn eolais a chur faoina straitéis agus a shamhail ghnó. Is grúpa tábhachtach **páirtithe leasmhara** dá ndéantar difear iad oibrithe sa slabhra luacha.

### **Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n-idirghníomhaíocht le straitéis agus samhail ghnó**

---

10. Agus an gnóthas ag freagairt do ESRS 2 SBM-3 mír 48, nochtfaidh sé an méid seo a leanas:
  - (a) maidir leis na tionchair iarbhír agus fhéideartha ar **oibrithe sa slabhra luacha**, mar a shainaithnítear in ESRS 2 IRO-1 *Tuairisc ar na próisis chun tionchair, rioscaí agus deiseanna ábhartha a shainaithint agus a mheasúnú*, cé acu is fíor nó nach fíor an méid seo a leanas, agus conas atá sé sin amhlaidh: (i) gur de thionscnamh straitéis agus shamhlacha gnó an ghnóthais iad nó go bhfuil baint acu leo, agus (ii) go gcuireann siad bonn eolais faoi straitéis agus faoi shamhail ghnó an ghnóthais agus go rannchuidíonn siad lena n-oiriúnú; agus
  - (b) ar thaobh amháin, an gaol idir na rioscaí agus na deiseanna ábhartha a eascraíonn as tionchair agus as **spleáchais** ar oibrithe sa **slabhra luacha**, agus ar an taobh eile,

a straitéis agus a shamhail ghnó.

11. Agus ceanglais mhír ESRS 2 SBM-3 mír 48 á gcomhlíonadh aige, nochtfaidh an gnóthas cé acu atá nó nach bhfuil na **hoibrithe** uile **sa slabhra luacha** ar dócha go mbeidh tionchar ábhartha ag an ngnóthas orthu, lena n-áirítear tionchair a bhaineann le hoibríochtaí dílse agus slabhra luacha an ghnóthais, lena n-áirítear trína tháirgí nó trína sheirbhísí, agus trína chaidrimh ghnó, san áireamh i raon feidhme a nochtfaidh faoi ESRS 2. Thairis sin, nochtfaidh an gnóthas an fhaisnéis seo a leanas:

- (a) tuairisc ghairid ar na cineálacha oibríthe sa slabhra luacha a bhféadfadh tionchar ábhartha a bheith ag an ngnóthas orthu, lena n-áirítear tionchair a bhaineann le hoibríochtaí dílse agus le slabhra luacha an ghnóthais, lena n-áirítear trína tháirgí nó trína sheirbhísí, agus trína chaidrimh ghnó, agus a shonrú an:
  - i. oibríthe atá ag obair ar **láithreán** an ghnóthais iad ach nach cuid dá **lucht saothair dílis** iad, i.e. nach oibríthe féinfhostaithe iad ná oibríthe arna soláthar ag gnóthais tríú páirtí atá ag gabháil go príomha do ghníomhaíochtaí fostaíochta (a chumhdaítear le ESRS S1);
  - ii. ar fostaithe iad atá ag obair d'eintitis i slabhra luacha réamhtheachtach an ghnóthais (e.g., iad sin atá páirteach in eastóscadh miotal nó mianraí nó i mbuaint tráchtearraí, i scagadh, monaraíocht nó foirmeacha eile próiseála);
  - iii. ar fostaithe iad atá ag obair d'eintitis i slabhra luacha iarteachtach an ghnóthais (e.g., iad sin atá páirteach i ngníomhaíochtaí lóistíochta nó saincheadúnaithe, miondíoltóirí);
  - iv. ar fostaithe iad atá ag obair in oibríochtaí comhfhiontair nó meán sainchuspóireacha lena mbaineann an gnóthas tuairiscithe;
  - v. oibríthe (laistigh de na catagóirí roimhe seo nó sa bhreis air sin) atá an-leochaileach maidir le tionchair dhiúltacha bíodh sin mar gheall ar a saintréithe bunúsacha nó mar gheall ar an gcomhthéacs ar leith, amhail ceardchumannaithe, oibríthe imirceacha, oibríthe baile, mná nó oibríthe óga.
- (b) aon limistéar geografach, ar leibhéal na tíre nó ar leibhéal eile, nó tráchtearraí a bhfuil riosca suntasach ann maidir le **saothar leanaí**, nó **saothar éignithe** nó saothar éigeantach ina leith, i measc oibríthe i slabhra luacha an ghnóthais<sup>111</sup>;
- (c) i gcás tionchair dhiúltacha ábhartha, bíodh siad (i) forleathan nó sistéamach i gcomhthéacsanna ina n-oibríonn an gnóthas nó ina bhfuil foinsiú nó **caidrimh ghnó** eile ag an ngnóthas (e.g. **saothar leanaí** nó **saothar éignithe**, go háirithe **slabhraí soláthair** tráchtearraí i dtíortha nó i réigiúin shonracha), nó (ii) a bhaineann le **teagmhais** aonair (e.g. tionóisc thionsclaíochta nó doirteadh ola) nó le caidrimh ghnó shonracha. Áirítear leis sin breithniú ar thionchair ar **oibríthe slabhra luacha** a d'fhéadfadh eascairt as an aistriú chuig oibríochtaí níos glaise agus chuig oibríochtaí aeráidneodracha. I measc na dtionchar a d'fhéadfadh a bheith ann tá tionchair a bhaineann le nuálaíocht agus athstruchtúrú, mianaigh a dhúnadh, mianadóireacht mhéadaithe ar mhianraí atá ag teastáil don aistriú chuig geilleagar inbhuanaithe, agus táirgeadh painéal gréine;
- (d) i gcás tionchair dhearfacha ábhartha, tuairisc ghairid ar na gníomhaíochtaí a mbíonn tionchar dearfach acu (e.g., cleachtas cheannaigh nuashonraithe, fothú acmhainneachta d'oibríthe sa slabhra soláthair), lena n-áirítear deiseanna a chur ar fáil don lucht saothair amhail cruthú post agus uas-sciliú i gcomhthéacs 'aistriú cóir', agus na cineálacha oibríthe sa slabhra luacha a ndéantar difear dearfach dóibh nó a

<sup>111</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscairí breise a bhaineann le drochthionchair príomha mar a leagtar amach le táscairí uimhir 12 agus uimhir 13 i dTábla III d'Iarscríbhinn I a ghabhann le Rialachán Tarmilgthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Oibríochtaí agus soláthróirí atá go mór i mbaol ó thaobh teagmhais saothair leanaí de' agus 'Oibríochtaí agus soláthróirí atá go mór i mbaol ó thaobh teagmhais saothair éignithe nó éigeantaigh de').

bhféadfaí difear dearfach a dhéanamh dóibh; féadfaidh an gnóthas a nochtadh freisin an dtarlaíonn na tionchair dhearfacha i dtíortha sonracha nó i réigiúin shonracha; agus

- (e) aon riosca agus deis ábhartha don ghnóthas a eascraíonn as tionchair agus as **spleáchais** ar oibrithe sa slabhra luacha.
12. Agus cur síos á dhéanamh aige ar na príomhchineálacha **oibrithe sa slabhra luacha** a ndéantar difear diúltach dóibh nó a bhféadfaí difear diúltach a dhéanamh dóibh, bunaithe ar an measúnú **ábharthachta** a leagtar amach in ESRS 2 IRO-1, nochtfaidh an gnóthas cé acu a d'fhorbair nó nár fhorbair sé tuiscint agus an chaoi ar fhorbair sé tuiscint ar conas a d'fhéadfadh oibrithe a bhfuil saintréithe ar leith acu, iad siúd atá ag obair i gcomhthéacsanna ar leith, nó iad siúd a thugann faoi ghníomhaíochtaí ar leith, a bheith i mbaol níos mó díobhála.
13. Nochtfaidh an gnóthas cé na **rioscaí** agus na **deiseanna** ábhartha dá chuid a eascraíonn as **tionchair** agus as **spleáchais** ar a **oibrithe sa slabhra luacha**, más ann dóibh, a bhaineann le grúpaí sonracha oibrithe sa slabhra luacha (mar shampla, aoisghrúpaí áirithe, oibrithe i monarcha nó i dtír ar leith) seachas le hoibrithe uile an tslabhra luacha.

### **Bainistiú tionchar, rioscaí agus deiseanna**

#### **Ceanglas maidir le Nochtadh S2-1 – Beartais a bhaineann le hoibrithe slabhra luacha**

14. Tabharfaidh an gnóthas tuairisc ar a bheartais arna nglacadh chun a thionchair ábhartha ar oibrithe sa slabhra luacha a bhainistiú, chomh maith le rioscaí agus deiseanna ábhartha gaolmhara.
15. Is é is cuspóir don Cheanglas seo maidir le Nochtadh tuiscint a chumasú ar a mhéid atá **beartais** ag an ngnóthas lena dtugtar aghaidh ar **thionchair** ábhartha ar **oibrithe sa slabhra luacha** go sonracha a shaináithint, a mheasúnú, a bhainistiú agus/nó a **leigheas**, chomh maith le beartais lena gcumhdaítear **rioscaí** nó **deiseanna** ábhartha a bhaineann le hoibrithe sa slabhra luacha.
16. Beidh sa nochtadh a cheanglaítear le mír 14 an fhaisnéis faoi bheartais an ghnóthais chun a thionchair, a rioscaí agus a dheiseanna ábhartha a bhaineann le **hoibrithe sa slabhra luacha** a bhainistiú i gcomhréir le ESRS 2 MDR-P *Beartais arna nglacadh chun ábhair inbhuanaitheachta ábhartha a bhainistiú*. Ina theannta sin, sonródh an gnóthas an gcumhdaítear leis na beartais sin grúpaí sonracha **oibrithe sa slabhra luacha** nó na hoibrithe uile sa slabhra luacha.
17. Tabharfaidh an gnóthas tuairisc ar a ghealltanais **bheartais** maidir le cearta an duine<sup>112</sup> atá ábhartha **d'oibrithe sa slabhra luacha**, lena n-áirítear na próisis agus na sásraí sin chun faireachán a dhéanamh ar chomhlíonadh Phrionsabail Threoracha na Náisiún Aontaithe maidir le Gnó agus Cearta an Duine, Dearbhú na hEagraíochta Idirnáisiúnta Saothair (EIS) maidir le Prionsabail Bhunúsacha agus Cearta Bunúsacha san Obair nó Treoirínte ECFE maidir le Fiontair Innáisiúnta<sup>113</sup>. Díreoidh sé, ina nochtadh, ar na hábhair sin atá ábhartha i ndáil leis an méid seo a leanas, chomh maith lena chur chuige ginearálta maidir leis an méid seo a leanas:
- (a) urraim do chearta an duine, lena n- áirítear cearta saothair oibrithe;
- (b) rannpháirtíocht le hoibrithe slabhra luacha; agus

<sup>112</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchair phríomha mar a leagtar amach le táscaire #9 i dTábla III d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Easpa beartais ar chearta an duine').

<sup>113</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire sainordaitheach a bhaineann le drochthionchair phríomha mar a leagtar amach le táscaire #11 i dTábla I d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Easpa próiseas agus sásraí comhlíontachta chun faireachán a dhéanamh ar chomhlíonadh phrionsabail Chomhshocrú Domhanda na Náisiún Aontaithe agus Treoirínte ECFE maidir le Fiontair Innáisiúnta').

- (c) bearta chun **leigheas** ar thionchair ar chearta an duine a chur ar fáil agus/nó a chumasú.
18. Luafaidh an gnóthas cé acu a thugann nó nach dtugann a bheartais i ndáil le **hoibrithe sa slabhra luacha** aghaidh go sainráite ar gháinneáil ar dhaoine<sup>114</sup>, ar shaothar éignithe nó ar shaothar éigeantach agus ar **shaothar leanaí**. Luafaidh sé freisin cé acu atá nó nach bhfuil cód iompair **soláthróra**<sup>115</sup> ag an ngnóthas.
19. Nochtfaidh an gnóthas cé acu atá nó nach bhfuil a chuid beartas maidir le **hoibrithe sa slabhra luacha** ailínithe le hionstraimí a aithnítear go hidirnáisiúnta agus atá ábhartha d'oibrithe slabhra luacha, lena n-áirítear Prionsabail Threoracha na Náisiún Aontaithe (NA) maidir le Gnó agus Cearta an Duine, agus conas atá siad ailínithe leis na hionstraimí sin<sup>116</sup>. Nochtfaidh an gnóthas freisin a mhéid a tuairiscíodh cásanna nach n-urramaítear Prionsabail Threoracha na Náisiún Aontaithe maidir le Gnó agus Cearta an Duine, Dearbhú EIS maidir le Prionsabail Bhunúsacha agus Cearta Bunúsacha ag an Obair nó Treoirlínte ECFE d'Fhiontair Ilnáisiúnta lena mbaineann oibrithe sa slabhra luacha ina slabhra luacha réamhtheachtach agus iartheachtach agus, más infheidhme, léiriú ar chineál na gcásanna sin<sup>117</sup>.

### **Ceanglas maidir le Nochtadh S2-2 – Próisis rannpháirtíochta le hoibrithe slabhra luacha maidir le tionchair**

20. Nochtfaidh an gnóthas a phróisis ghinearálta chun rannpháirtíocht a dhéanamh le hoibrithe sa slabhra luacha agus lena n-ionadaithe faoi na tionchair iarbhir agus na tionchair a d'fhéadfadh a bheith acu orthu.
21. Is é is cuspóir don Cheanglas maidir le Nochtadh seo tuiscint a chumasú i dtaobh cé acu a bhíonn nó nach mbíonn an gnóthas ag déanamh rannpháirtíocht, mar chuid dá phróiseas leanúnach díchill chuí, le **hoibrithe sa slabhra luacha** agus lena n-ionadaithe dlísteana, nó le **hionadaithe inchreidte**, agus ar an gcaoi a mbíonn a ndéanann sé sin, maidir le tionchair ábhartha iarbhir agus fhéideartha dhearfacha agus/nó dhiúltacha a dhéanann difear dóibh nó ar dócha go ndéanfaidh siad difear dóibh, agus cé acu a chuirtear nó nach gcuirtear peirspictíochtaí oibrithe slabhra luacha san áireamh i bpróisis chinnteoireachta an ghnóthais agus conas a chuirfead san áireamh iad.
22. Nochtfaidh an gnóthas cé acu a dhéanann nó nach ndéanann peirspictíochtaí ó na **hoibrithe sa slabhra luacha** eolas dá chinntí nó dá ghníomhaíochtaí arb é is aidhm dóibh na tionchair iarbhir agus fhéideartha ar oibrithe sa slabhra luacha a bhainistiú agus nochtfaidh sé conas a dhéantar sin. Áireofar leis sin, i gcás inarb ábhartha, míniú ar an méid seo a leanas:
- (a) cé acu a dhéantar nó nach ndéantar rannpháirtíocht go díreach le hoibrithe sa slabhra

<sup>114</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire breise a bhaineann le drochthionchair phríomha mar a leagtar amach le táscaire #11 i dTábla III d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Easpa próiseas agus beart chun gáinneáil ar dhaoine a chosc').

<sup>115</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire breise a bhaineann le drochthionchair phríomha mar a leagtar amach le táscaire #4 i dTábla III d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Easpa cóid iompair soláthróra').

<sup>116</sup> Tacaíonn an fhaisnéis sin le riachtanais riarthóirí tagarmharcanna tosca ESG a nochtadh faoi réir Rialachán (AE) 2020/1816 mar a leagtar amach le táscaire 'Neamhchosaint na punainne tagarmhairc ar chuideachtaí nach bhfuil beartais díchill chuí acu maidir le saincheisteanna a dtugtar aghaidh orthu i gCoinbhinsiún bhunúsacha na hEagraíochta Idirnáisiúnta Saothair 1 go 8' i ranna 1 agus 2 d'Iarscríbhinn II.

<sup>117</sup> Tacaíonn an fhaisnéis seo le riachtanais faisnéise na ndaoine seo a leanas: rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire sainordaitheach a bhaineann le drochthionchair phríomha mar a leagtar amach le táscaire #10 i dTábla I d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe; agus riarthóirí tagarmharcanna chun tosca ESG a nochtadh faoi réir Rialachán (AE) 2020/1816 mar a leagtar amach le táscairí 'An líon comhpháirteanna tagarmhairc atá faoi réir sárúithe sóisialta (dearbhuimhir agus coibhneasta arna roinnt ar gach comhpháirt tagarmharcanna), dá dtagraítear i gconarthaí agus coinbhinsiúin idirnáisiúnta, i bprionsabail na Náisiún Aontaithe agus, i gcás inarb infheidhme, sa dlí náisiúnta' agus 'Neamhchosaint na punainne tagarmhairc ar chuideachtaí nach bhfuil beartais díchill chuí acu maidir le saincheisteanna a dtugtar aghaidh orthu i gCoinbhinsiún bhunúsacha na hEagraíochta Idirnáisiúnta Saothair 1 go 8' i ranna 1 agus 2 d'Iarscríbhinn II.

luacha nó lena **n-ionadaithe dlisteanacha**, nó le **hionadaithe inchreidte** a bhfuil léargas acu ar a staid;

- (b) an chéim (na céimeanna) ag a dtarlaíonn an rannpháirtíocht, an cineál rannpháirtíochta agus minicíocht na rannpháirtíochta;
  - (c) an fheidhm agus an ról is sinsearaí sa ghnóthas ag a bhfuil freagracht oibríochtúil as a áirithiú go dtarlaíonn an rannpháirtíocht sin, agus go dtugann na torthaí bonn eolais do chur chuige an ghnóthais;
  - (d) i gcás inarb infheidhme, Creat-Chomhaontuithe Domhanda nó le haghaidh comhaontuithe atá ag an ngnóthas le cónaidhmeanna ceardchumann domhanda a bhaineann le hurraim do chearta an duine oibrithe sa slabhra luacha, lena n-áirítear a gceart cómhargála, agus lena n-áirítear míniú ar an gcaoi a chuirtear ar a chumas don ghnóthas léargas a fháil ar pheirspictíochtaí na n-oibrithe sin leis an gcomhaontú; agus
  - (e) i gcás inarb infheidhme, conas a dhéanann an gnóthas measúnú ar éifeachtacht a rannpháirtíochta le hoibrithe sa slabhra luacha, lena n- áirítear, i gcás inarb ábhartha, aon chomhaontú nó aon toradh a leanann aisti.
23. I gcás inarb infheidhme, nochtfaidh an gnóthas na bearta a dhéanann sé chun léargas a fháil ar dhearthaí oibrithe a bhféadfadh leochaileacht ar leith do thionchair a bheith ag baint leo agus/nó oibrithe a d'fhéadfadh a bheith imeallaithe (oibrithe bainearna, oibrithe imirceacha, oibrithe faoi mhíchumas, mar shampla).
24. Mura féidir leis an ngnóthas an fhaisnéis a cheanglaítear thuas a nochtadh toisc nár ghlac sé próiseas ginearálta chun rannpháirtíocht a dhéanamh le hoibrithe sa slabhra luacha, nochtfaidh sé gurb amhlaidh an cás. Féadfaidh sé tráthchlár a nochtadh faoina bhfuil sé ag féachaint le próiseas den sórt sin a bheith i bhfeidhm.

### ***Ceanglas maidir le Nochtadh S2-3 – Próisis chun tionchair dhiúltacha a leigheas agus bealaí ar féidir le hoibrithe slabhra luacha ábhair inní a chur in iúl***

---

25. **Tabharfaidh an gnóthas tuairisc ar na próisis atá i bhfeidhm aige chun foráil a dhéanamh maidir leis na tionchair dhiúltacha ar oibrithe sa slabhra luacha a bhfuil baint ag an ngnóthas leo a fheabhsú nó chun comhoibriú d'fhonn na tionchair sin a fheabhsú, chomh maith leis na bealaí atá ar fáil d'oibrithe sa slabhra luacha chun ábhair inní a tharraingt suas agus chun aghaidh a thabhairt orthu.**
26. Is é is cuspóir don Cheanglas maidir le Nochtadh seo tuiscint a chumasú ar na modhanna foirmiúla trínar féidir le **hoibrithe sa slabhra luacha** a n-ínní agus a riachtanais a chur in iúl go díreach don ghnóthas agus/nó trína dtacaíonn an gnóthas le hinfhaighteacht bealaí den sórt sin (mar shampla, **sásraí casaoidé**) in ionad oibre oibrithe sa slabhra luacha, conas a dhéantar obair leantach leis na hoibrithe sin maidir leis na saincheisteanna a tarraingíodh suas, agus éifeachtacht na mbealaí sin.
27. Tabharfaidh an gnóthas tuairisc ar an méid seo a leanas:
- (a) a chur chuige ginearálta agus a phróisis maidir le **leigheas** a sholáthar nó rannchuidiú leis i gcás ina raibh tionchar diúltach ábhartha ar **oibrithe sa slabhra luacha** mar thoradh air nó inar rannchuidigh sé leis, lena n-áirítear cé acu a dhéanann nó nach ndéanann an gnóthas measúnú go bhfuil an leigheas atá á sholáthar éifeachtach agus conas a dhéanann sé an measúnú sin;
  - (b) aon bhealach sonrath atá i bhfeidhm aige chun go gcuirfidh oibrithe an tslabhra luacha a n- ábhair inní nó a riachtanais in iúl go díreach don ghnóthas agus chun go dtabharfar aghaidh orthu, lena n- áirítear cé acu an é an gnóthas féin a bhunaíonn iad agus/nó an sásraí trú páirtí iad;
  - (c) na próisis trína dtacaíonn sé le bealaí den sórt sin a bheith ar fáil in ionad oibre oibrithe sa slabhra luacha nó lena n-éilíonn sé é sin; agus
  - (d) an chaoi a rianaítear agus a ndéanann sé faireachán ar shaincheisteanna a

tharraingítear suas agus a dtugtar aghaidh orthu, agus conas a áirithíonn sé éifeachtacht na mbealaí, é san áireamh trí rannpháirtíocht **páirtithe leasmhara** arb iad na **húsáideoirí** beartaithe iad.

28. Nochtfaidh an gnóthas cé acu a dhéanann nó nach ndéanann sé measúnú go bhfuil **oibríthe sa slabhra luacha** ar an eolas faoi na struchtúir nó na próisis sin agus go bhfuil muinín acu astu mar bhealach chun a n-ábhair imní nó a riachtanais a chur in iúl le go dtabharfar aghaidh orthu, agus conas a dhéanann sé an measúnú sin. Ina theannta sin, nochtfaidh an gnóthas an bhfuil beartais i bhfeidhm aige maidir le daoine aonair a úsáideann iad a chosaint ar fhrithbheart. Má nochtadh an fhaisnéis sin i gcomhréir le ESRS G1-1, féadfaidh an gnóthas tagairt a dhéanamh don fhaisnéis sin.
29. Mura féidir leis an ngnóthas an fhaisnéis a cheanglaítear thuas a nochtadh toisc nár ghlac sé bealach chun ábhair imní a chur in iúl agus/nó toisc nach dtacaíonn sé le bealach den sórt sin a bheith ar fáil san ionad oibre dá **oibríthe slabhra luacha**, nochtfaidh sé gurb amhlaidh an cás. Féadfaidh sé tráthchlár a nochtadh faoina bhfuil sé ag féachaint le bealach nó próisis den sórt sin a bheith i bhfeidhm.

**Ceanglas maidir le Nochtadh S2-4 – Gníomhaíocht a dhéanamh maidir le tionchair ábhartha ar oibríthe slabhra luacha, agus cineálacha cur chuige chun rioscaí ábhartha a bhainistiú agus deiseanna ábhartha a shaothrú, ar rioscaí agus deiseanna iad a bhaineann le oibríthe slabhra luacha, agus éifeachtacht na ngníomhaíochtaí sin**

---

30. Nochtfaidh an gnóthas conas a dhéanann sé beart chun aghaidh a thabhairt ar thionchair ábhartha ar oibríthe sa slabhra luacha, agus chun rioscaí ábhartha a bhainistiú agus deiseanna ábhartha a shaothrú a bhaineann le hoibríthe sa slabhra luacha agus le héifeachtacht na ngníomhaíochtaí sin.
31. Tá dhá chuspóir ag an gCeanglas seo maidir le Nochtadh. Ar an gcéad dul síos, beifear in ann tuiscint a fháil ar aon ghníomhaíochtaí nó tionscnaimh trína bhféachann an gnóthas leis an méid seo a leanas a dhéanamh:
- (a) na **tionchair** dhiúltacha ábhartha ar **oibríthe sa slabhra luacha** a chosc, a mhaolú agus a **leigheas**; agus/nó
  - (b) tionchair dhearfacha ábhartha a bhaint amach d'oibríthe sa slabhra luacha.

Ar an dara dul síos, beifear in ann tuiscint a fháil ar na bealaí ina bhfuil an gnóthas ag dul i ngleic leis na **rioscaí** ábhartha agus ag saothrú na **ndeiseanna** ábhartha a bhaineann le **hoibríthe sa slabhra luacha**.

Soláthróidh an gnóthas tuairisc achomair ar na pleananna gníomhaíochta agus ar na hacmhainní chun a thionchair, a rioscaí agus a dheiseanna ábhartha a bhaineann le hoibríthe sa **slabhra soláthair** a bhainistiú de réir ESRS 2 MDR-A **Gníomhaíochtaí agus acmhainní i ndáil le hábhair inbhuanaitheachta**.

32. I ndáil le **tionchair** ábhartha, tabharfaidh an gnóthas tuairisc ar an méid seo a leanas:
- (a) gníomhaíochtaí a rinneadh, atá beartaithe nó atá ar bun chun tionchair dhiúltacha ábhartha ar **oibríthe sa slabhra soláthair** a chosc nó a mhaolú;
  - (b) cé acu a rinne nó nach ndearna sé gníomh chun **leigheas** a sholáthar nó a chumasú i ndáil le hiarmhairt iarbhír ábhartha, agus an chaoi a ndearna sé é sin;
  - (c) aon **ghníomhaíocht** nó tionscnamh breise atá i bhfeidhm aige a bhfuil sé de phríomhchuspóir aici/aige tionchar dearfach a imirt ar oibríthe sa slabhra luacha; agus
  - (d) conas a rianaíonn agus a ndéanann sé measúnú ar éifeachtacht na **ngníomhaíochtaí** agus na dtionscnaimh sin maidir le torthaí beartaithe a bhaint amach d'oibríthe sa slabhra luacha.
33. I ndáil le mír 30, tabharfaidh an gnóthas tuairisc ar an méid seo a leanas:

- (a) na próisis trína sainaitnítear an ghníomhaíocht is gá agus is iomchuí mar fhreagairt ar thionchar diúltach iarbhir nó féideartha ar leith ar ***oibrithe sa slabhra luacha***;
  - (b) a chur chuige maidir le gníomhaíocht a dhéanamh i ndáil le tionchair dhiúltacha ábhartha shonracha ar oibrithe sa slabhra luacha, lena n-áirítear aon gníomhaíocht i ndáil lena cheannacháin féin nó le cleachtais inmheánacha eile, chomh maith le fothú acmhainneachta nó cineálacha eile rannpháirtíochta le heintitis sa slabhra luacha, nó cineálacha gníomhaíochta comhoibríche le piaraí sa tionscal nó le páirtithe ábhartha eile; agus
  - (c) conas a áiríthíonn sé go bhfuil próisis chun ***leigheas*** a sholáthar nó a chumasú i gcás tionchair dhiúltacha ábhartha ar fáil agus éifeachtach ina gcur chun feidhme agus ina dtorthaí.
34. I ndáil le rioscaí agus deiseanna ábhartha, tabharfaidh an gnóthas tuairisc ar an méid seo a leanas:
- (a) an ghníomhaíocht atá beartaithe nó atá ar bun chun rioscaí ábhartha a mhaolú don ghnóthas a eascraíonn as a thionchair agus a ***spleáchais*** ar ***oibrithe sa slabhra luacha*** agus conas a rianaíonn sé éifeachtacht sa chleachtas; agus
  - (b) cén gníomhaíocht atá beartaithe nó ar siúl chun deiseanna ábhartha a shaothrú don ghnóthas i ndáil lena oibrithe slabhra luacha.
35. Nochtfaidh an gnóthas cé acu a dhéanann nó nach ndéanann sé bearta, agus conas a dhéanann sé beart, chun nach mbeidh sé ina chúis le tionchair dhiúltacha ábhartha ar oibrithe ***sa slabhra luacha*** nó nach rannchuideoidh sé leis sin trína chleachtais féin, é san áireamh, i gcás inarb ábhartha, i ndáil le soláthar, díolacháin agus úsáid sonraí. D'fhéadfaí a áireamh leis sin nochtadh a dhéanamh ar an gcur chuige a ghlactar nuair a thagann teannas chun cinn idir tionchair dhiúltacha ábhartha a chosc nó a mhaolú agus brúnna gnó eile.
36. Nochtfaidh an gnóthas freisin cé acu ar tuairiscíodh nó nár tuairiscíodh saincheisteanna tromchúiseacha maidir le cearta an duine agus ***teagmhais*** thromchúiseacha a bhaineann lena ***shlabhra luacha*** réamhtheachtach agus iarteachtach agus, más infheidhme, nochtfaidh sé iad sin<sup>118</sup>.
37. Agus an fhaisnéis a cheanglaítear faoi mhír 32 (c) á nochtadh ag an ngnóthas, breithneoidh an gnóthas ESRS 2 (féach ESRS 2 MDR-T Éifeachtacht beartas agus ***gníomhaíochtaí*** a rianú trí ***spríocanna***) má dhéanann sé meastóireacht ar éifeachtacht gníomhaíochta trí sprioc a leagan síos.
38. Nochtfaidh an gnóthas cad iad na hacmhainní a leithdháiltear ar bhainistiú a thionchar ábhartha, mar aon le faisnéis a chuireann ar a gcumas ***d'úsáideoirí*** tuiscint a fháil ar an gcaoi a mbainistítear na tionchair ábhartha.

### **Méadracht agus spríocanna**

#### ***Ceanglas maidir le Nochtadh S2-5 – Spríocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú***

39. **Nochtfaidh an gnóthas na spríocanna atá faoi cheangal ama agus dírithe ar thorthaí a d'fhéadfadh a bheith socraithe aige agus a bhaineann leis an méid seo a leanas:**
- (a) **tionchair dhiúltacha ar oibrithe slabhra luacha a laghdú; agus/nó**

<sup>118</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann leis na drochthionchair phríomha mar a leagtar amach le táscaire #14 i dTábla III d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('An líon cásanna sainaitheanta de shaincheisteanna agus de teagmhais thromchúiseacha maidir le cearta an duine').

- (b) tionchair dhearfacha ar oibrithe slabhra luacha a chur ar aghaidh; agus/nó
- (c) bainistíocht a dhéanamh ar rioscaí agus deiseanna ábhartha a bhaineann le hoibrithe slabhra luacha.

40. Is é is cuspóir don Cheanglas maidir le Nochtadh seo tuiscint a chumasú ar a mhéid atá **spriocanna** atá faoi cheangal ama agus dírithe ar thorthaí á n-úsáid ag an ngnóthas chun a dhul chun cinn a spreagadh agus a thomhas maidir le haghaidh a thabhairt ar thionchair dhiúltacha ábhartha, agus/nó tionchair dhearfacha ar oibrithe sa **slabhra luacha** a chur chun cinn, agus/nó rioscaí agus deiseanna ábhartha a bhaineann le hoibrithe sa slabhra luacha a bhainistiú.
41. Beidh na ceanglais faisnéise a shainítear in ESRS 2 MDR-T sa tuairisc achoimre ar na **spriocanna** chun na tionchair ábhartha, na rioscaí agus na deiseanna a bhaineann le **hoibrithe sa slabhra luacha** a bhainistiú.
42. Nochtfaidh an gnóthas an próiseas chun na **spriocanna** a shocrú, lena n-áirítear cé acu atá nó nach bhfuil an gnóthas ag déanamh rannpháirtíocht go díreach le hoibrithe sa slabhra luacha, lena n-ionadaithe dlisteanacha, nó le **hionadaigh inchreidte** a bhfuil léargas acu ar a staid sna nithe seo a leanas agus conas a dhéanann sé sin:
- (a) aon sprioc den sórt sin a leagan síos;
  - (b) feidhmíocht an ghnóthais ina gcoinne a rianú; agus
  - (c) aon cheacht nó aon fheabhsú de thoradh fheidhmíocht an ghnóthais a shainaitint.

## Foscibhinn A: Ceanglais maidir le Cur i bhFeidhm

Tá an t-aguisín seo ina dhlúthchuid de ESRS S2 *Oibrithe sa slabhra luacha*. Tacaíonn sé le cur i bhfeidhm na gceanglais maidir le nochtadh a leagtar amach sa chaighdeán seo agus tá an t-údarás céanna aige agus atá ag na codanna eile de ESRS S2.

## Cuspóir

- AR 1. Sa bhreis ar na saincheisteanna a liostaítear i mír 2, féadfaidh an gnóthas breithniú a dhéanamh freisin ar fhaisnéis a nochtadh faoi shaincheisteanna eile atá ábhartha do thionchar ábhartha ar feadh tréimhse ama níos giorra, mar shampla tionscnaimh maidir le sláinte agus sábháilteacht **oibrithe sa slabhra luacha** le linn paidéime.
- AR 2. Níl sé i gceist leis an bhforléargas ar chúrsaí sóisialta agus ar chúrsaí a bhaineann le cearta an duine dá bhforáiltear i mír 2 a thabhairt le tuiscint gur cheart na saincheisteanna sin go léir a nochtadh i ngach Ceanglas maidir le Nochtadh sa Chaighdeán sin. Ina ionad sin, cuirtear liosta ar fáil leis de na hábhair a bhreithneoidh an gnóthas ina mheasúnú **ábharthachta** (tagairt do ESRS 1 chaibidil 3 *Ábharthacht dhúbailte mar bhonn ag nochtaí inbhuanaitheachta* agus ESRS 2 IRO-1) a bhaineann le **hoibrithe sa slabhra luacha** agus, de réir mar is iomchuí, a nochtfaidh sé mar thionchair, rioscaí agus deiseanna ábhartha laistigh de raon feidhme an Chaighdeáin seo.
- AR 3. Seo a leanas samplaí d'oibrithe a thagann faoi raon feidhme an Chaighdeáin seo:
- (a) oibrithe de sheirbhísí seachfhoinsithe ag obair in ionad oibre an ghnóthais (e.g., lónadóireacht tríú páirtí nó oibrithe slándála);
  - (b) oibrithe **soláthróra** a bhfuil conradh acu leis an ngnóthas a oibríonn ar áitreabh an tsoláthróra agus modhanna oibre an tsoláthróra á n-úsáid acu;
  - (c) oibrithe d'eintiteas 'iartheachtach' a cheannaíonn earraí nó seirbhísí ón ngnóthas;
  - (d) oibrithe soláthróra trealaimh don ghnóthas a dhéanann, in áit oibre arna rialú ag an ngnóthas, cothabáil thráthrialta ar threalamh an tsoláthróra (e.g., gléas fótachóipeála) mar a shonraítear sa chonradh idir an soláthróir trealaimh agus an gnóthas; agus

- (e) oibrithe níos doimhne sa **slabhra soláthair** atá ag eastóscadh tráchtearraí a phróiseáiltear ina dhiaidh sin ina gcomhpháirteanna a théann i dtáirgí an ghnóthais.

## ESRS 2 Nochtaí ginearálta

### Straitéis

#### **Ceanglas maidir le Nochtadh a bhaineann le ESRS 2 SBM-2 Leasanna agus tuairimí páirtithe leasmhara**

- AR 4. Le Ceanglas maidir le Nochtadh ESRS 2 SBM-2 ceanglaítear ar an ngnóthas tuiscint a thabhairt maidir le cé acu a chuireann sé nó nach gcuireann sé san áireamh an ról a d'fhéadfadh a bheith ag a straitéis agus a **shamhail ghnó** maidir le **tionchair** mhóra ábhartha ar oibrithe sa **slabhra luacha** a chruthú, a ghéarú nó a mhaolú, agus ar conas a chuirtear sin san áireamh, agus maidir le cé acu a oiriúnaítear nó nach n-oiriúnaítear an tsamhail ghnó agus an straitéis ghnó chun aghaidh a thabhairt ar thionchair ábhartha den sórt sin, agus conas a dhéantar sin.
- AR 5. Cé go bhféadfadh sé nach bhfuil oibrithe sa **slabhra luacha** ag déanamh rannpháirtíocht leis an ngnóthas ar leibhéal a straitéise nó a shamhla ghnó, is féidir leis a dtuairimí eolas a dhéanamh do mheasúnú an ghnóthais ar a straitéis agus a shamhail ghnó. Féadfaidh an gnóthas tuairimí na n-oibrithe sa slabhra luacha agus ionadaithe na n-oibrithe sa slabhra luacha a nochtadh.

#### **Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó**

- AR 6. Is féidir le **tionchair** ar oibrithe sa **slabhra luacha** teacht as straitéis nó **samhail ghnó** an ghnóthais ar bhealaí éagsúla. Mar shampla, d'fhéadfadh tionchair a bheith bainteach le tairiscint luacha an ghnóthais (amhail táirgí nó seirbhísí ar an gcostas is ísle a sholáthar, nó seachadadh ardluais, ar bhealaí a chuireann brú ar chearta saothair sna slabhraí luacha réamhtheachtacha agus iartheachtacha), a **shlabhra luacha** (amhail a bheith ag brath ar thráchtearraí bunáitíochta doiléire, gan infheictheacht ar na tionchair ar oibrithe), nó a struchtúr costais agus an tsamhail ioncaim (e.g. riosca fardail a aistriú chuig soláthróirí, le héifeachtaí iarmhartacha ar chearta saothair a n-oibrithe).
- AR 7. Is féidir le tionchair ar oibrithe sa **slabhra luacha** de thionscnamh na straitéise nó na **samhla gnó rioscaí** ábhartha a chruthú don ghnóthas freisin. Mar shampla, i gcomhthéacs paidéime nó géarghéarchéime sláinte eile, d'fhéadfadh rioscaí tromchúiseacha oibríochtúla agus leanúnachais gnó a bheith i ndán do ghnóthais a bhraitheann ar shaothar teagmhasach gan mórán rochtana ar chúram breoiteachta agus ar shochair sláinte toisc nach bhfuil aon rogha ag oibrithe ach leanúint de bheith ag obair agus iad breoite, rud a chuirfeadh le leathadh an ghalair agus le cliseadh mór sa **slabhra soláthair**. Sampla eile is ea an cás ina gcruthaítear rioscaí oibríocháin trí earraí a dhíol ar na praghsanna is saoire do chustaiméirí toisc go bhféadfadh **soláthróirí** atá faoi bhrú as cuimse maidir le praghsanna táirgeadh a ligean ar fochonradh, rud a d'fhéadfadh cáilíocht níos ísle, agus slabhra soláthair níos faide, nach bhfuil chomh trédhearcach ná chomh hinrialaithe céanna teacht as. Tá méadú ag teacht freisin ar na rioscaí clú agus na rioscaí deiseanna gnó a bhaineann le dúshaothrú oibrithe ar bheagán oiliúna agus ar phá íseal i dtaca le limistéir gheografach a aimsiú ina bhfuil íoschosaintí dóibh agus tá frithfhreagairt meáin anois ann agus tá rogha na **dtomhaltóirí** ag bogadh i dtreo earraí a bhfuil bunús níos eiticiúla leo nó atá níos inbhuanaithe.
- AR 8. Maidir le samplaí de shaintréithe áirithe **oibrithe sa slabhra luacha** a d'fhéadfadh an gnóthas a chur san áireamh agus iad ag freagairt do mhír 12, baineann siad le hoibrithe óga a d'fhéadfadh a bheith níos soghabhálaí i leith **tionchair** ar a bhforbairt fhisiceach agus mheabhrach, nó le hoibrithe ban i gcomhthéacs ina ndéantar idirdhealú rialta ar mhná i dtéarmaí agus i gcoinníollacha na hoibre, nó le hoibrithe imirceacha i gcomhthéacs nach ndéantar rialáil go dona ar mhargadh an tsoláthair saothair agus ina ngearrtar táillí

earcaíochta ar oibrithe go tráthrialta. I gcás roinnt oibrithe, d'fhéadfadh an cineál gníomhaíochta is cuid dhílis den obair a gceanglaítear orthu a dhéanamh iad a chur i mbaol (e.g. oibrithe a gceanglaítear orthu ceimiceáin a láimhseáil nó trealamh áirithe a oibriú, nó oibrithe ar phá íseal a bhfuil conarthaí 'gan íosmhéid uaireanta' acu).

- AR 9. Maidir le mír 13, d'fhéadfadh rioscaí ábhartha teacht chun cinn freisin mar gheall ar spleáchas an ghnóthais ar **oibrithe sa slabhra luacha** i gcás ina spreagfadh teagmhas a bhfuil dóchúlacht íseal ann go dtarlóidh sé ach a mbeadh ardtionchar aige **éifeachtaí airgeadais**; i gcás ina n- imreoidh paindéim dhomhanda, mar shampla, tionchair shláinte thromchúiseacha ar oibrithe ag gach céim den slabhra luacha as a leanann suaití móra ar tháirgeadh agus dáileadh. I measc na samplaí eile de riosca a bhaineann le spleáchas an ghnóthais ar oibrithe sa slabhra luacha tá ganntanas oibrithe oilte nó cinntí polaitiúla nó reachtaíochta a dhéanann difear d'oibrithe sa slabhra luacha atá ag obair do sholáthraithe lóistíochta. Mar shampla, má tá oibrithe áirithe i slabhra luacha an ghnóthais i mbaol **saothar éignithe**, agus má tá táirgí á n-allmhairiú ag an ngnóthas isteach i dtíortha ina gceadaítear faoin dlí earraí allmhairithe a bhfuil amhras fúthu go ndearnadh iad le saothar éigeantais a choigistiú.

### **Bainistiú tionchar, rioscaí agus deiseanna**

#### **Ceanglas maidir le Nochtadh S2- 1 – Beartais a bhaineann le hoibrithe slabhra luacha**

- AR 10. Má tá na beartais teoranta do **lucht saothair dílis an ghnóthais** agus mura gcumhdaíonn siad oibrithe in eintitis agus caidrimh réamhtheachtacha agus iarteachtacha, nochtfar iad faoi ESRS S1 agus ní i ndáil leis an gceanglas sin.
- AR 11. Má áirítear faisnéis atá ábhartha d'oibrithe sa slabhra luacha sna nochtaí faoi ESRS S1, is féidir tagairt a dhéanamh dó sin anseo; comhlíonfar ansin nochtaí maidir leis na gnéithe eile faoin gCeanglas maidir leis an Nochtadh sin.
- AR 12. Féadfaidh an gnóthas mínithe a nochtadh maidir le hathruithe móra ar na beartais a glacadh le linn na bliana tuairiscithe (e.g. ionchais nua do **sholáthraithe**, cuir chuige nua nó cuir chuige bhreise maidir le dícheall cuí agus leigheas).
- AR 13. Féadfaidh an **beartas** a bheith i bhfoirm beartais aonair maidir le hoibrithe sa **slabhra luacha** nó féadfar é a áireamh i ndoiciméad níos leithne amhail cód eitice nó beartas inbhuanaitheachta ginearálta a nocht an gnóthas cheana mar chuid de ESRS eile. Sna cásanna sin, tabharfaidh an gnóthas crostagairt chruinn chun na gnéithe den bheartas a chomhlíonann ceanglais an Cheanglais seo maidir le Nochtadh a shainaitheint.
- AR 14. Agus ailíniú a chuid beartas le Prionsabail Threoracha na Náisiún Aontaithe maidir le Gnó agus Cearta an Duine á nochtadh aige, measfaidh an gnóthas go dtagraíonn na Prionsabail Threoracha don Bhille Idirnáisiúnta um Chearta, arb é atá ann Dearbhú Uilechoiteann Chearta an Duine agus an dá Chúnant lena gcuirtear chun feidhme é, chomh maith le Dearbhú na hEagraíochta Idirnáisiúnta Saothair maidir le Cearta Bunúsacha agus Prionsabail Bhunúsacha san Obair agus na croíchoinbhinsiúin atá ina mbonn leis, agus féadfaidh sé a ailíniú leis na hionstraimí sin a nochtadh.
- AR 15. Agus an chaoi a bhfuil beartais sheachtracha leabaithe á nochtadh aige, féadfaidh an gnóthas, mar shampla, beartais inmheánacha maidir le foinsiú freagrach a chur san áireamh, agus ailíniú le beartais eile atá ábhartha d'oibrithe sa **slabhra luacha**, mar shampla, maidir le saothar éignithe. Maidir leis na cóid **soláthróra** a d'fhéadfadh a bheith ag an ngnóthas, léireofar san achoimre cé acu atá nó nach bhfuil forálacha iontu lena dtugtar aghaidh ar shábháilteacht oibrithe, obair fhorbhásach (mar shampla, úsáid oibrithe ar chonarthaí gearrthéarmacha nó ar chonarthaí uaireanta teoranta, oibrithe atá fostaithe trí thríú páirtithe, fochonraitheoireacht do thríú páirtithe nó úsáid oibrithe neamhfoirmiúla), gáinneáil ar dhaoine, úsáid saothair éignithe nó saothair leanaí, agus cé acu atá nó nach bhfuil na forálacha sin i gcomhréir go hiomlán le caighdeáin na hEagraíochta Idirnáisiúnta Saothair is infheidhme.

AR 16. Féadfaidh an gnóthas léiriú a thabhairt ar na cineálacha cumarsáide maidir lena bheartais leis na daoine aonair sin, leis an ngrúpa daoine aonair sin nó leis na heintitis sin a bhfuil siad ábhartha ina leith, toisc go bhfuil coinne leis go gcuirfidh siad chun feidhme iad (mar shampla, **fostaithe**, conraitheoirí agus **soláthróirí** an ghnóthais), nó toisc go bhfuil leas díreach acu ina gcur chun feidhme (mar shampla, oibrithe dílse, infheisteoirí). Féadfaidh sé uirlisí agus bealaí cumarsáide a nochtadh (mar shampla, fógráin, nuachtlitreacha, suíomhanna gréasáin tiomnaithe, na meáin shóisialta, idirghníomhaíochtaí aghaidh ar aghaidh, ionadaithe oibrithe), arb é is aidhm dóibh a áirithiú go bhfuil an **beartas** inrochtana agus go dtuigeann lucht féachana éagsúil na himpleachtaí a bhaineann leis. Féadfaidh an gnóthas míniú a thabhairt freisin ar an gcaoi a n-aithníonn sé bacainní a d'fhéadfadh a bheith ann maidir le scaipeadh, agus ar an gcaoi a gcuireann sé deireadh leo, amhail trí aistriúchán go teangacha ábhartha nó trí úsáid a bhaint as léirithe grafacha.

### ***Ceanglas maidir le Nochtadh S2-2 – Próisis rannpháirtíochta le hoibrithe slabhra luacha maidir le tionchair***

---

AR 17. Nuair a thugtar tuairisc ar an bhfeidhm nó ar an ról ag a bhfuil freagracht oibríochtúil as an rannpháirtíocht sin agus/nó cuntasacht deiridh, féadfaidh an gnóthas a nochtadh an ról tiomnaithe nó feidhm thiomnaithe é sin nó cuid de ról nó feidhm níos leithne, agus cé acu a cuireadh nó nár cuireadh aon ghníomhaíocht fothaithe acmhainneachta ar fáil d'fhonn tacú leis an bhfoireann chun dul i mbun rannpháirtíochta. Mura féidir leis post nó feidhm den sórt sin a aithint, féadfaidh sé a rá gurb amhlaidh atá. D'fhéadfaí an nochtadh sin a chomhlíonadh freisin trí thagairt a dhéanamh d'fhaisnéis arna nochtadh de réir ESRS 2 GOV-1 *Ról na gcomhlachtaí riaracháin, bainistíochta agus maoirseachta*.

AR 18. Agus na nochtaí a dtugtar tuairisc orthu i mír 22 b) agus c) á n- ullmhú aige, féadfar na léirithe seo a leanas a bhreithniú:

- (a) is samplaí de chéimeanna ina dtarlaíonn rannpháirtíocht iad i) an cur chuige maidir le maolú a chinneadh agus ii) meastóireacht a dhéanamh ar éifeachtacht an mhaolaithe;
- (b) i gcás an chineáil rannpháirtíochta, d'fhéadfadh rannpháirtíocht, comhairliúchán agus/nó faisnéis a bheith ann;
- (c) i gcás mhinicíocht na rannpháirtíochta, féadfar faisnéis a sholáthar maidir le cé acu a dhéantar nó nach ndéantar rannpháirtíocht ar bhonn tráthrialta, ag pointí áirithe i dtionscadal nó i bpróiseas gnó, nuair a thosaíonn séasúr nua buainte, mar shampla, nó nuair a osclaítear líne nua táirgeachta, agus cé acu mar fhreagairt ar cheanglais dlí agus/nó mar fhreagairt ar iarrataí ó pháirtithe leasmhara a dhéantar í agus cé acu a chomhtháthaítear nó nach gcomhtháthaítear toradh na rannpháirtíochta i bpróisis chinnteoireachta an ghnóthais; agus
- (d) maidir leis an ról ag a bhfuil freagracht oibríochtúil, cé acu a éilíonn nó nach n-éilíonn an gnóthas ar bhaill foirne ábhartha scileanna áirithe a bheith acu, nó cé acu a chuireann nó nach soláthraíonn sé **oiliúint** nó fothú acmhainneachta do bhaill foirne ábhartha chun dul i mbun rannpháirtíochta.

AR 19. Feidhmíonn Creat- Chomhaontuithe Domhanda (GFAnna) chun gaolmhaireacht leanúnach a bhunú idir fiontar ilnáisiúnta agus Cónaidhm Dhomhanda Ceardchumann chun a áirithiú go gcloifidh an gnóthas leis na caighdeáin chéanna i ngach tír ina n- oibríonn sé.

AR 20. Chun an chaoi ar thug dearcthaí oibrithe **slabhra luacha** bonn eolais do chinntí nó gníomhaíochtaí sonracha an ghnóthais a léiriú, féadfaidh an gnóthas samplaí ón tréimhse tuairiscithe atá ann faoi láthair a sholáthar.

### ***Ceanglas maidir le Nochtadh S2-3 – Próisis chun tionchair dhiúltacha a leigheas agus bealaí ar féidir le hoibrithe slabhra luacha ábhair inní a chur in iúl***

---

AR 21. Agus na ceanglais a leagtar amach i gCeanglas maidir le Nochtadh ESRS S2-3 á gcomhlíonadh, féadfaidh an gnóthas a bheith á threorú ag ábhar Phrionsabail Threoracha

na Náisiún Aontaithe maidir le Gnó agus Cearta an Duine agus ag Treoirínte ECFE d'Fhiontair Innáisiúnta atá dírithe ar **shásraí feabhsúcháin** agus **casaoide**.

- AR 22. I measc na mbealaí chun ábhair imní nó riachtanais a chur in iúl tá **sásraí casaoide**, beolínite, ceardchumainn (ina bhfuil oibrithe aontaithe), próisis idirphlé nó modhanna eile trínar féidir le hoibrithe sa **slabhra luacha** nó a **n-ionadaithe dlisteanacha** ábhair imní a léiriú faoi thionchair nó na riachtanais a mhíniú ar mhaith leo go dtabharfadh an gnóthas aghaidh orthu. D'fhéadfaí a áireamh leis sin an dá bhealach a sholáthraíonn an gnóthas go díreach agus na bealaí a sholáthraíonn na heintitis ina bhfuil na hoibrithe sa slabhra luacha ag obair, sa bhreis ar aon sásra eile a d'fhéadfadh an gnóthas a úsáid chun léargas a fháil ar bhainistiú na dtionchar ar oibrithe, amhail iniúchtaí comhlíontachta. I gcás ina bhfuil an gnóthas ag brath, chun an ceanglas sin a fhreagairt, ar fhaisnéis arna soláthar ag a **chaidrimh ghnó** maidir le bealaí den sórt sin a bheith ann, agus ar an bhfaisnéis sin amháin, féadfaidh sé é sin a shonrú.
- AR 23. Chun léargas níos fearr a thabhairt ar an bhfaisnéis a chumhdaítear sa Cheanglas maidir le Nochtadh ESRS S2-3, féadfaidh an gnóthas míniú a thabhairt i dtaobh cé acu atá nó nach bhfuil oibrithe sa **slabhra luacha** a bhféadfaí difear a dhéanamh dóibh in ann bealaí a rochtain ar leibhéal an ghnóthais a bhfuil siad fostaithe aige, nó ar conradh chun obair a dhéanamh dó, agus conas atá siad in ann sin a dhéanamh, i ndáil le gach tionchar ábhartha.
- AR 24. D'fhéadfaí a áireamh ar shásraí tríú páirtí iad siúd arna n- oibriú ag an rialtas, eagraíochtaí neamhrialtasacha (ENRanna), comhlachais tionscail agus tionscnaimh chomhoibriúcha eile. Féadfaidh an gnóthas a nochtadh cé acu atá nó nach bhfuil siad sin inrochtana do gach oibrí a bhféadfadh tionchar ábhartha a bheith ag an ngnóthas air nó a bhfuil tionchar ábhartha aige air nó do dhaoine aonair nó eagraíochtaí atá ag gníomhú thar a gceann nó atá in ann, ar bhealach eile, a bheith ar an eolas faoi thionchair dhiúltacha.
- AR 25. I ndáil le daoine aonair a úsáideann na sásraí a chosaint in aghaidh frithbhirt, féadfaidh an gnóthas tuairisc a thabhairt ar cé acu a chaitheann nó nach gcaitheann sé le casaoidí faoi rúndacht agus i ndáil le cearta chun príobháideachais agus leis an gceart go ndéanfaí sonraí pearsanta a chosaint; agus cé acu a ligeann nó nach ligeann na meicníochtaí d'oibrithe iad a úsáid gan ainm (mar shampla, trí ionadaíocht tríú páirtí).
- AR 26. Agus nochtadh á dhéanamh ag an ngnóthas maidir le cé acu atá nó nach bhfuil a fhios ag an ngnóthas go bhfuil oibrithe sa **slabhra luacha** ar an eolas faoi aon cheann de na bealaí sin agus go bhfuil muinín acu astu, féadfaidh an gnóthas sonraí ábhartha agus iontaofa a sholáthar maidir le héifeachtacht na mbealaí sin ó thaobh na n-oibrithe sa slabhra luacha iad féin. Ar shamplaí d'fhoinsí faisnéise tá suirbhéanna ar oibrithe a bhfuil úsáid bainte acu as bealaí den sórt sin agus a leibhéil sástachta leis an bpróiseas agus leis na torthaí.
- AR 27. Agus tuairisc á thabhairt ar éifeachtacht na mbealaí d'oibrithe sa **slabhra luacha** chun ábhair imní a chur in iúl, féadfaidh na ceisteanna seo a leanas a bheith ina dtreoir don ghnóthas, bunaithe ar na 'critéir éifeachtúlachta le haghaidh **sásraí casaoide** neamhbhreithiúnacha', mar a leagtar amach i bPrionsabail Threoracha na Náisiún Aontaithe maidir le Gnó agus Cearta an Duine, go háirithe Prionsabal 31. Féadfar na breithnithe seo thíos a chur i bhfeidhm maidir le bealaí aonair nó córas comhchoiteann bealaí:
- (a) an bhfuil dlisteanacht ag na bealaí trí chuntasacht iomchuí a sholáthar as a n- iompar cóir agus trí mhuinín na bpáirtithe leasmhara a chothú?
  - (b) an eol do na **páirtithe leasmhara** na bealaí a bheith ann agus an bhfuil rochtain acu orthu?
  - (c) an bhfuil nósanna imeachta soiléire agus aitheanta ag baint leis na bealaí, mar aon le tráthchláir tháscacha?
  - (d) an áirithítear leis na bealaí go bhfuil rochtain réasúnach ag **páirtithe leasmhara** ar fhoinsí faisnéise, comhairle agus saineolais?
  - (e) an soláthraíonn na bealaí trédhearcacht trí fhaisnéis leordhóthanach a sholáthar do ghearánaigh agus, i gcás inarb infheidhme, chun aon leas poiblí atá i gceist a chomhlíonadh araon?

- (f) an bhfuil na torthaí a bhaintear amach trí na bealaí i gcomhréir le cearta an duine a aithnítear go hidirnáisiúnta?
- (g) an sainaitníonn an gnóthas léargais ó na bealaí a thacaíonn le foghlaim leanúnach chun feabhas a chur ar na bealaí agus chun tionchair amach anseo a chosc?
- (h) an ndíríonn an gnóthas ar an idirphlé le gearánaigh mar an modh chun teacht ar réitigh chomhaontaithe, seachas a bheith ag féachaint leis an toradh a chinneadh go haontaobhach?

**Ceanglas maidir le Nochtadh S2-4 – Gníomhaíocht a dhéanamh maidir le tionchair ábhartha ar oibríthe slabhra luacha, agus cineálacha cur chuige chun rioscaí ábhartha a bhainistiú agus deiseanna ábhartha a shaothrú, ar rioscaí agus deiseanna iad a bhaineann le oibríthe slabhra luacha, agus éifeachtacht na ngníomhaíochtaí sin**

AR 28. D'fhéadfadh sé go dtógfaidh sé am tuiscint a fháil ar thionchair dhiúltacha agus conas a d'fhéadfadh an gnóthas a bheith bainteach leo trína shlabhra luacha, agus chun freagairtí iomchuí a shainaitheint agus a chur i bhfeidhm. Dá bhrí sin, breithneoidh an gnóthas na nithe seo a leanas:

- (a) na cineálacha cur chuige ginearálta agus sonracha atá aige chun aghaidh a thabhairt ar thionchair dhiúltacha ábhartha;
- (b) na tionscnaimh atá aige arb é is aidhm dóibh rannchuidiú le tionchair dhearfacha ábhartha breise;
- (c) an méid dul chun cinn atá déanta aige ina iarrachtaí le linn na tréimhse tuairiscithe; agus
- (d) na haidhmeanna atá aige maidir le feabhsú leanúnach.

AR 29. Is féidir gníomhaíochtaí iomchuí éagsúla a bheith ann ag brath ar an ngnóthas féin a bheith ina chúis nó ag rannchuidiú le tionchar ábhartha nó cé acu atá nó nach bhfuil an tionchar ábhartha nasctha go díreach lena oibríochtaí, lena tháirgí nó lena sheirbhísí féin trí chaidreamh gnó.

AR 30. Ós rud é go bhféadfadh tionchair dhiúltacha ábhartha a dhéanann difear d'oibríthe sa **slabhra luacha** a tháinig chun cinn le linn na tréimhse tuairiscithe a bheith bainteach freisin le heintitis nó le hoibríochtaí nach bhfuil smacht díreach ag an ngnóthas orthu, féadfaidh sé a nochtadh cé acu a fhéachann nó nach bhféachann sé lena ghíaráil ina **chaidreamh gnó** a úsáid chun na tionchair sin a bhainistiú agus conas a fhéachann sé leis sin a dhéanamh. D'fhéadfaí a áireamh leis sin **giaráil tráchtála** a úsáid (mar shampla, ceanglais chonartha a fhorfheidhmiú trí chaidrimh ghnó nó dreasachtaí a chur chun feidhme), cineálacha eile gearála laistigh den chaidreamh (amhail **oilúint** nó fothú acmhainneachta maidir le cearta oibríthe a sholáthar d'eintitis a bhfuil caidreamh gnó ag an ngnóthas leo) nó gearáil chomhoibríoch le piaraí nó le gníomhaithe eile (amhail tionscnaimh atá dírithe ar earcaíocht fhreagrach nó ar a áirithiú go bhfaigheann oibríthe **pá leordhóthanach**).

AR 31. Nuair a nochtfaidh an gnóthas a rannpháirtíocht i dtionscnamh tionscail nó i dtionscnamh ina bhfuil an iliomad páirtithe leasmhara mar chuid dá **ghníomhaíochtaí** chun aghaidh a thabhairt ar thionchair dhiúltacha ábhartha, féadfaidh an gnóthas a nochtadh conas atá an tionscnamh, agus a rannpháirtíocht féin, dírithe ar aghaidh a thabhairt ar an tionchar ábhartha lena mbaineann. Féadfaidh sé na **spríocanna** ábhartha a leagtar síos leis an tionscnamh a nochtadh faoi ESRS S2-5, chomh maith leis an dul chun cinn atá déanta ina leith.

AR 32. Agus nochtadh á dhéanamh ag an ngnóthas maidir le cé acu a dhéanann nó nach ndéanann sé breithniú ar thionchair iarbhír agus fhéideartha ar oibríthe sa **slabhra luacha** i gcinntí chun **caidrimh ghnó** a fhoirceannadh agus conas a dhéanann an gnóthas an breithniú sin, agus cé acu a fhéachann sé nó nach bhféachann sé le dul i ngleic le haon

tionchar diúltach a d'fhéadfadh a bheith ina thoradh ar fhoirceannadh, agus conas a fhéachann sé leis sin a dhéanamh, féadfaidh an gnóthas samplaí a chur san áireamh.

- AR 33. Agus é á nochtadh ag an ngnóthas conas a rianaíonn sé éifeachtacht a **ghníomhaíochtaí** chun tionchair ábhartha a bhainistiú le linn na tréimhse tuairiscithe, féadfaidh an gnóthas aon cheacht a foghlaimíodh ó na tréimhsí tuairiscithe roimhe sin agus ó na tréimhsí tuairiscithe reatha a nochtadh.
- AR 34. Is féidir a áireamh ar na próisis a úsáidtear chun éifeachtacht na **ngníomhaíochtaí** a rianú iniúchóireacht nó fíorú inmheánach nó seachtrach, imeachtaí cúirte agus/nó cinntí cúirte gaolmhara, measúnuithe tionchair, córais tomhais, aiseolas ó pháirtithe leasmhara, **sásraí casaoid**, rátálacha feidhmíochta seachtracha, agus tagarmharcáil.
- AR 35. Is é is aidhm don tuairisciú ar éifeachtacht tuiscint a fháil ar na naisc idir **gníomhaíochtaí** a dhéanann an gnóthas agus bainistiú éifeachtach a dhéanamh ar thionchair. Mar shampla, chun éifeachtacht a **ghníomhaíochtaí** a léiriú chun tacú lena **sholáthróirí** a ndálaí oibre a fheabhsú, féadfaidh an gnóthas aiseolas ó shuirbhéanna a nochtadh ó oibríthe na soláthróirí a léiríonn go bhfuil feabhas tagtha ar dhálaí oibre ón uair a thosaigh an gnóthas ag obair leis na soláthróirí sin. Áirítear san fhaisnéis bhreise a fhéadfaidh an gnóthas a sholáthar sonraí lena léirítear laghdú ar líon na **dteagmh**as a sainaitníodh trí iniúchtaí neamhspleácha, mar shampla.
- AR 36. Maidir le tionscnaimh nó próisis atá i bhfeidhm ag an ngnóthas atá bunaithe ar riachtanais na n-oibríthe dá ndéantar difear agus maidir le dul chun cinn i gcur chun feidhme na dtionscnamh nó na bpróiseas sin, féadfaidh an gnóthas an méid seo a leanas a nochtadh:
- (a) faisnéis maidir le cé acu atá nó nach bhfuil ról ag oibríthe sa **slabhra luacha** agus ag **ionadaithe dlisteanacha** nó ag a **n-ionadaithe inchreidte** i gcinntí maidir le ceapadh agus cur chun feidhme na gclár nó na bpróiseas sin agus faisnéis faoin gcaoi a bhfuil ról acu; agus
  - (b) faisnéis maidir leis na torthaí dearfacha a bheartaítear leis na tionscnaimh nó na próisis sin nó atá bainte amach acu le haghaidh oibríthe slabhra luacha na dtionscnamh nó na bpróiseas sin.
- AR 37. Féadfaidh an gnóthas a nochtadh cé acu atá nó nach bhfuil tionscnaimh nó próisis a bhfuil sé mar phríomhaidhm acu tionchair dhearfacha a bhaint amach d'oibríthe sa **slabhra luacha** ceaptha freisin chun tacú le ceann amháin nó níos mó de Spriocanna Forbartha Inbhuanaithe (SDGanna) na Náisiún Aontaithe a bhaint amach. Mar shampla, trí ghealltanas a thabhairt SDG 8 de chuid na Náisiún Aontaithe a chur chun cinn maidir le 'fás eacnamaíoch marthanach, cuimsitheach agus inbhuanaithe agus lánfhostaíocht tháirgiúil agus obair chuibhiúil a chur chun cinn do chách' d'fhéadfadh sé go mbeadh fothú acmhainneachta á sholáthar ag an ngnóthas do shealbhóirí beaga ina **shlabhra soláthair**, rud a d'fhágfadh go dtiocfadh méadú ar a n-ioncam; nó d'fhéadfadh sé a bheith ag tacú le **hoiliúint** chun cion na mban atá in ann poist seachadta a ghlacadh ina shlabhra luacha iarteachtach a mhéadú.
- AR 38. Agus torthaí dearfacha atá beartaithe nó bainte amach ag a **ghníomhaíochtaí** d'oibríthe sa **slabhra luacha** á nochtadh ag an ngnóthas, ní mór idirdhealú a dhéanamh idir fianaise gur tharla gníomhaíochtaí áirithe (e.g. go bhfuil **oiliúint** litearthachta airgeadais faighte ag an líon oibríthe x) agus fianaise ar thorthaí iarbhír d'oibríthe (e.g. go dtuairiscíonn an líon oibríthe x go bhfuil siad in ann a mbuiséad teaghlaigh a bhainistiú níos fearr chun a spriocanna coigiltis a bhaint amach).
- AR 39. Agus nochtadh á dhéanamh ag an ngnóthas maidir le cé acu atá nó nach bhfuil ról ag tionscnaimh nó ag próisis maidir le tionchair dhiúltacha ábhartha a mhaolú freisin, féadfaidh an gnóthas e.g. cláir a mheas arb é is aidhm dóibh litearthacht airgeadais oibríthe ban a chur chun cinn, ar cláir iad a bhfuair níos mó ban ardú céime mar gheall orthu chomh maith le tuairiscí ar **ghnéaschiapadh** laghdaithe san ionad oibre.
- AR 40. Agus na rioscaí agus na deiseanna ábhartha a bhaineann le tionchair nó le **spleáchais** an ghnóthais ar oibríthe sa **slabhra luacha** á nochtadh ag an ngnóthas, féadfaidh sé an méid seo a leanas a mheas:
- (a) féadfar a áireamh ar na rioscaí a bhaineann le tionchair an ghnóthais ar oibríthe sa

slabhra luacha an nochtadh clú nó nochtadh dlíthiúil i gcás ina gcinntear go bhfuil oibríthe sa slabhra luacha faoi réir **saothar éignithe** nó **saothar leanaí**;

- (b) féadfar a áireamh ar na rioscaí a bhaineann le spleáchais an ghnóthais ar oibríthe sa slabhra luacha cur isteach ar oibríochtaí gnó i gcás ina ndúntar codanna móra dá **shlabhra soláthair** nó dá líonra dáileacháin de dheasca paindéime;
- (c) féadfar a áireamh ar na deiseanna a bhaineann le tionchair an ghnóthais ar oibríthe sa slabhra luacha idirdhealú margaidh agus breis tarraingteachta do chustaiméirí mar gheall ar **phá** cuibhiúil agus coinníollacha cuibhiúla a ráthú d'oibríthe neamhfhostaithe; agus
- (d) d'fhéadfaí a áireamh ar dheiseanna gnó a bhaineann le spleáchais an ghnóthais ar oibríthe slabhra luacha soláthar inbhuanaithe tráchtarra a bhaint amach sa todhchaí trína áirithiú gur féidir le feirmeoirí beaga dóthain a thuilleamh lena chur ina luí ar na glúnta amach romhainn leanúint ar aghaidh ag feirmeoireacht an bhairr sin.

AR 41. Agus nochtadh á dhéanamh ag an gnóthas cé acu a n-athraíonn nó nach n-athraíonn **spleáchais** ina rioscaí, déanfaidh sé forbairtí seachtracha a mheas.

AR 42. Agus beartais, **gníomhaíochtaí** agus acmhainní agus **spríocanna** a bhaineann le bainistiú rioscaí agus **deiseanna** ábhartha á nochtadh aige, i gcásanna ina n-eascaíonn rioscaí agus deiseanna as **tionchar** ábhartha, féadfaidh an gnóthas crostagairt a dhéanamh dá nochtaí maidir le beartais, gníomhaíocht agus acmhainní agus spríocanna i ndáil leis an tionchar sin.

AR 43. Déanfaidh an gnóthas a mheas cé acu a chomhtháthaítear nó nach gcomhtháthaítear a phróisis chun rioscaí ábhartha a bhaineann le hoibríthe sa **slabhra luacha** a bhainistiú ina phróisis bainistíochta riosca atá ann cheana agus conas a dhéantar sin.

AR 44. Agus na hacmhainní a leithdháiltear ar bhainistiú tionchar ábhartha á nochtadh aige, féadfaidh an gnóthas a nochtadh cé na feidhmeanna inmheánacha atá bainteach le bainistiú na dtionchar agus cé na cineálacha gníomhaíochta a dhéanann siad chun aghaidh a thabhairt ar thionchair dhiúltacha agus tionchair dhearfacha a chur chun cinn.

### **Méadracht agus spríocanna**

#### **Ceanglas maidir le Nochtadh S2-5 – Spríocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú**

AR 45. Agus faisnéis maidir le **spríocanna** á nochtadh ag an ngnóthas i gcomhréir le mír 39, féadfaidh sé an méid seo a leanas a nochtadh:

- (a) na torthaí beartaithe atá le baint amach le linn saol oibríthe **an tslabhra luacha**, agus na torthaí sin a bheith chomh sonrath agus is féidir;
- (b) cobhsaíocht na spríocanna le himeacht ama i dtéarmaí sainmhínithe agus modheolaíochtaí chun inchomparáideacht le himeacht ama a chumasú;
- (c) na caighdeáin nó na gealltanais ar a bhfuil na spríocanna bunaithe (mar shampla cóid iompair, beartais foinsithe, creataí domhanda nó cóid tionscail).

AR 46. D'fhéadfadh **spríocanna** a bhaineann le **rioscaí** agus **deiseanna** ábhartha a bheith mar an gcéanna le spríocanna a bhaineann le **tionchair** ábhartha nó éagsúil leo. Mar shampla, d'fhéadfadh spríoc chun **pá** maireachtála a bhaint amach d'oibríthe sa **slabhra soláthair** an tionchar ar na hoibríthe sin a laghdú agus na rioscaí gaolmhara a laghdú ó thaobh cháilíocht agus iontaofacht an tsoláthair de.

AR 47. Féadfaidh an gnóthas idirdhealú a dhéanamh freisin idir **spríocanna** gearrthéarmacha, meántéarmacha agus fadtéarmacha lena gcumhdaítear an gealltanais **beartais** céanna. Mar shampla, d'fhéadfadh sé go mbeadh spríoc fhadtéarmach ag an ngnóthas laghdú 80 % ar **theagmhais** sláinte agus sábháilteachta a dhéanann difear d'oibríthe **soláthróra** ar leith a bhaint amach faoi 2030 agus spríoc gearrthéarmach na huaireanta **ragoibre** a

dhéanann tiománaithe seachadta dó a laghdú x% agus an tráth céanna a n-ioncam á choinneáil ar bun faoi 2024.

- AR 48. Agus **sprioc** á modhnú nó á hionadú ag an ngnóthas sa tréimhse tuairiscithe, féadfaidh an gnóthas an t-athrú a mhíniú ach crostagairt a dhéanamh d'athruithe móra ar an **tsamhail ghnó** nó d'athruithe níos leithne ar an gcaighdeán nó ar an reachtaíocht a bhfuil glacadh leo as a ndíorthaítear an sprioc chun faisnéis chomhthéacsúil a sholáthar, de réir ESRS 2 BP-2 Nochtaí i ndáil le himthosca sonracha.

## ESRS S3 POBAIL DÁ NDÉANTAR DIFEAR

### Clár ábhar

---

#### Cuspóir

#### Idirghníomhaíocht le ESRS eile

#### Ceanglais maidir le Nochtadh

- ESRS 2 Nochtaí ginearálta

#### Straitéis

- o Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara
- o Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó

#### Bainistiú tionchar, rioscaí agus deiseanna

- o Ceanglas maidir le Nochtadh S3-1 – Beartais a bhaineann le pobail dá ndéantar difear
- o Ceanglas maidir le Nochtadh S3-2 – Próisis rannpháirtíochta le pobail dá ndéantar difear maidir le tionchair
- o Ceanglas maidir le Nochtadh S3-3 – Próisis chun tionchair dhiúltacha a leigheas agus bealaí ar féidir le pobail dá ndéantar difear ábhair imní a chur in iúl
- o Ceanglas maidir le Nochtadh S3-4 – Gníomhaíocht a dhéanamh maidir le tionchair ábhartha ar phobail dá ndéantar difear, agus cineálacha cur chuige chun rioscaí ábhartha a bhainistiú agus deiseanna ábhartha a shaothrú, ar rioscaí agus deiseanna iad a bhaineann le pobail dá ndéantar difear, agus éifeachtacht na ngníomhaíochtaí sin

#### Méadracht agus spriocanna

- o Ceanglas maidir le Nochtadh S3-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú

#### Foscraibhinn A: Ceanglais maidir le Cur i bhFeidhm

- Cuspóir
- ESRS 2 Nochtaí Ginearálta

#### Straitéis

- o Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara
- o Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó

#### Bainistiú tionchar, rioscaí agus deiseanna

- o Ceanglas maidir le Nochtadh S3-1 – Beartais a bhaineann le pobail dá ndéantar difear
- o Ceanglas maidir le Nochtadh S3-2 – Próisis rannpháirtíochta le pobail dá ndéantar difear maidir le tionchair
- o Ceanglas maidir le Nochtadh S3-3 – Próisis chun tionchair dhiúltacha a leigheas agus bealaí ar féidir le pobail dá ndéantar difear ábhair imní a chur in iúl
- o Ceanglas maidir le Nochtadh S3-4 – Gníomhaíocht a dhéanamh maidir le

tionchair ábhartha, agus cineálacha cur chuige chun rioscaí ábhartha a mhaolú agus deiseanna ábhartha a shaothrú, ar rioscaí agus deiseanna iad a bhaineann le pobail dá ndéantar difear, agus éifeachtacht na ngníomhaíochtaí agus na gcur chuige sin

**Méadracht agus spriocanna**

- Ceanglas maidir le Nochtadh S3-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú

## Cuspóir

---

1. Is é is cuspóir don Chaighdeán seo ceanglais maidir le nochtadh a shonrú, ar ceanglais iad lena gcuirfear ar a gcumas **d'úsáideoirí an ráitis inbhuanaitheachta** tionchair ábhartha ar na **pobail dá ndéantar difear** a bhfuil baint acu le hoibríochtaí an ghnóthais féin agus leis an slabhra luacha a thuiscint, lena n-áirítear trína tháirgí nó trína sheirbhísí, agus trína **caidrimh ghnó**, agus na rioscaí agus deiseanna ábhartha gaolmhara a bhaineann leo, lena n-áirítear an méid seo a leanas:
  - (a) an chaoi a ndéanann an gnóthas difear do phobail, sna limistéir is dóichí tionchair a bheith orthu agus ar dóichí na tionchair sin a bheith dian, ó thaobh tionchair dhearfacha agus dhiúltacha ábhartha iarbhír nó ionchasacha;
  - (b) aon **ghníomhaíochtaí** a rinneadh, agus toradh na ngníomhaíochtaí sin, chun tionchair dhiúltacha iarbhír nó fhéideartha a chosc, a mhaolú nó a leigheas, agus chun aghaidh a thabhairt ar rioscaí agus deiseanna;
  - (c) nádúr, cineál agus méid rioscaí agus dheiseanna ábhartha an ghnóthais a bhaineann lena thionchair agus lena **spleáchais** ar **phobail dá ndéantar difear**, agus conas a bhainistíonn an gnóthas iad; agus
  - (d) na **héifeachtaí airgeadais** ar an ngnóthas a bhaineann le rioscaí agus na deiseanna ábhartha thar na sa ghearrthéarma, sa mheántéarma agus san fhadtéarma a eascraíonn as tionchair agus as spleáchais an ghnóthais ar phobail dá ndéantar difear.
2. Chun an cuspóir a bhaint amach, leis an gCaighdeán seo éilítear míniú ar an gcur chuige ginearálta a ghlacann an gnóthas chun aon tionchar ábhartha iarbhír agus féideartha ar **phobail dá ndéantar difear** a shainaithint agus a bhainistiú i ndáil leis an méid seo a leanas:
  - (a) cearta eacnamaíocha, sóisialta agus cultúrtha pobal (mar shampla, tithíocht leordhóthanach, bia, uisce agus sláintíocht leordhóthanach, tionchair a bhaineann le talamh agus slándáil);
  - (b) cearta sibhialta agus polaitiúla pobal (mar shampla, saoirse chun tuairimí a nochtadh, saoirse comhthionóil, tionchair ar chosantóirí chearta an duine); agus
  - (c) cearta ar leith na **bpobal dúchasach** (mar shampla, toiliú saor, roimh ré agus feasach, féinchinntiúchán, cearta cultúrtha).
3. Ceanglaítear leis an gCaighdeán seo freisin míniú a thabhairt ar an gcaoi a bhféadfadh tionchair den sórt sin, chomh maith le **spleáchais** an ghnóthais ar phobail dá ndéantar difear, rioscaí nó deiseanna ábhartha a chruthú don ghnóthas. Mar shampla, d'fhéadfadh caidrimh dhiúltacha le **pobail dá ndéantar difear** cur isteach ar oibríochtaí an ghnóthais féin nó dochar a dhéanamh dá chlú, agus is féidir le caidrimh chuiditheacha tairbhí gnó a thabhairt, amhail oibríochtaí cobhsaí agus saor ó choinbheacht agus éascaíocht níos fearr maidir le hearcú go háitiúil.

## Idirghníomhaíocht le ESRS eile

---

4. Tá feidhm ag an gcaighdeán sin nuair a shainaithnítear tionchair ábhartha ar **na pobail dá ndéantar difear** agus/nó rioscaí agus deiseanna ábhartha maidir leo tríd an bpróiseas measúnaithe **ábharthachta** a leagtar amach in ESRS 2 Nochtaí Ginearálta.

5. Léifear an Caighdeán seo i gcomhar le ESRS 1 *Ceanglais Ghinearálta*, agus ESRS 2, chomh maith le ESRS S1 *Lucht saothair dílis*, ESRS S2 *Oibrithe sa slabhra luacha* agus ESRS S4 *Tomhaltóirí agus úsáideoirí deiridh*.

## Ceanglais maidir le Nochtadh

---

### **ESRS 2 Nochtaí ginearálta**

6. Ba cheart ceanglais na roinne seo a léamh i gcomhar leis na nochtaí a cheanglaítear le ESRS 2 maidir le Straitéis (SBM). Déanfar na nochtaí a thiocfaidh as sin a chur i láthair in éineacht leis na nochtaí a cheanglaítear le ESRS 2, cé is moite de SBM-3 *Tionchair, rioscaí agus deiseanna ábhartha agus a n-idirghníomhaíocht le straitéis agus samhail ghnó*, a bhfuil sé de rogha ag an ngnóthas nochtaí a chur i láthair ina leith in éineacht leis an nochtadh topaicshonrach.

### **Straitéis**

### **Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara**

---

7. Agus é ag freagairt do ESRS 2 SBM-2, mír 43, nochtfaidh an gnóthas conas a bheidh tuairimí, leasanna agus cearta na **pobal dá ndéantar difear**, lena n-áirítear urraim do chearta an duine (agus a gcearta mar **phobail dhúchasacha**, i gcás inarb infheidhme), ina mbonn eolais dá straitéis agus dá shamhail ghnó. Is grúpa tábhachtach **páirtithe leasmhara** dá ndéantar difear iad **na pobail dá ndéantar difear**.

### **Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n-idirghníomhaíocht le straitéis agus samhail ghnó**

---

8. Agus an gnóthas ag freagairt do ESRS 2 SBM-3 mír 48, nochtfaidh sé an méid seo a leanas:
- (a) maidir leis na tionchair iarbhír agus fhéideartha ar **phobail dá ndéantar difear**, mar a shainaithnítear in ESRS 2 IRO-1 *Tuairisc ar na próisis chun tionchair, rioscaí agus deiseanna ábhartha a shainaithint agus a mheasúnú*, cé acu is fíor nó nach fíor an méid seo a leanas, agus conas atá sé sin amhlaidh: (i) gur de thionscnamh straitéis agus shamhlacha gnó an ghnóthais iad nó go bhfuil baint acu leo, agus (ii) go bhfuil siad ina a mbonn eolais chun straitéis agus samhail ghnó an ghnóthais a oiriúnú agus go rannchuidíonn leis an gcéanna; agus
  - (b) an gaol idir na rioscaí agus na deiseanna ábhartha a bhaineann leis a eascraíonn as tionchair agus as **spleáchais** ar phobail dá ndéantar difear agus as a straitéis agus a shamhail ghnó.
9. Agus ceanglais mhír 48 á gcomhlíonadh aige, nochtfaidh an gnóthas cé acu atá nó nach bhfuil **na pobail uile dá ndéantar difear** ar dócha go mbeidh tionchar ábhartha ag an ngnóthas orthu, lena n-áirítear tionchair a bhaineann le hoibríochtaí dílse an ghnóthais agus **slabhra luacha** an ghnóthais, lena n-áirítear trína tháirgí nó trína sheirbhísí, agus trína **chaidrimh ghnó** freisin, san áireamh i raon feidhme a nochta faoi ESRS 2. Thairis sin, nochtfaidh an gnóthas an fhaisnéis seo a leanas:
- (a) tuairisc ghearr ar na cineálacha pobal atá faoi réir tionchair ábhartha de dhroim a oibríochtaí dílse nó trína shlabhra luacha réamhtheachtach agus iartheachtach, agus sonrúidh sé cé acu:
    - i. pobail atá ina gcónaí nó ag obair timpeall **limistéir** oibriúcháin, monarchana, saoráidí nó oibríochtaí fisiceacha eile an ghnóthais, nó pobail níos iargúlta a ndéanann gníomhaíochtaí ag na láithreáin sin difear dóibh (mar shampla mar gheall ar **thruailliú** uisce iartheachtach);
    - ii. pobail feadh shlabhra luacha an ghnóthais (mar shampla, iad siúd a ndéanann

oibríochtaí saoráidí **soláthróirí** nó gníomhaíochtaí na soláthraithe lóistíochta nó dáileacháin difear dóibh);

iii. pobail ag críochphointe amháin nó ag an dá chríochphointe den slabhra luacha (mar shampla, ag pointe eastósctha miotal nó mianraí nó ag pointe buainte tráchtearraí, nó pobail timpeall ar láithreáin **dramhaíola** nó **athchúrsála**);

iv. **pobail dhúchasacha**.

(b) i gcás iarmhairtí diúltacha ábhartha, bídís (i) forleathan nó sistéamach i gcomhthéacsanna ina n-oibríonn nó ina bhfuil foinsíú nó caidrimh ghnó eile ag an ngnóthas (mar shampla, pobail imeallaithe atá thíos leis an tionchar ar a sláinte agus ar a gcáilíocht saoil i limistéar ina bhfuil ardtionsclú), nó (ii) bainteach le **teagmhais** aonair in oibríochtaí an ghnóthais féin (e.g. doirteadh **dramhaíola** tocsaineach a dhéanann difear do rochtain an phobail ar uisce óil glan) nó i gcaidreamh gnó ar leith (e.g. agóid shíochánta a dhéanann pobail i gcoinne oibríochtaí gnó ar thug seirbhísí slándála an ghnóthais freagairt foréigineach dóibh ina leith). Áirítear leis sin breithniú ar thionchair ar phobail dá ndéantar difear a d'fhéadfadh eascairt as an aistriú chuig oibríochtaí níos glaise agus níos aeráidneodraí. I measc na dtionchar a d'fhéadfadh a bheith ann tá tionchair a bhaineann le nuálaíocht agus athstruchtúrú, mianaigh a dhúnadh, mianadóireacht mhéadaithe ar mhianraí atá ag teastáil chun aistriú chuig geilleagar inbhuanaithe agus táirgeadh painéal gréine;

(c) i gcás tionchair dhearfacha ábhartha, tuairisc ghairid ar na gníomhaíochtaí a mbíonn tionchar dearfach acu (mar shampla, fothú acmhainneachta chun tacú le níos mó agus cineálacha nua slite beatha áitiúla) agus ar na cineálacha pobal dá ndéantar difear dearfach nó a bhféadfaí difear dearfach a dhéanamh dóibh; féadfaidh an gnóthas a nochtadh freisin an dtarlaíonn na tionchair dhearfacha i dtíortha sonracha nó i réigiúin shonracha; agus

(d) aon rioscaí agus deiseanna ábhartha don ghnólacht a eascraíonn as tionchair agus as **spleáchais** ar na pobail dá ndéantar difear.

10. Agus tuairisc á thabhairt aige ar na príomhchineálacha pobal a ndearnadh difear diúltach dóibh nó a d'fhéadfaí difear diúltach a dhéanamh dóibh, bunaithe ar an measúnú **ábharthachta** a leagtar amach sa Cheanglas um Nochtadh ESRS 2 IRO-1, nochtfaidh an gnóthas cé acu a d'fhorbair nó nár fhorbair sé tuiscint ar an gcaoi a bhfuil **pobail dá ndéantar difear** a bhfuil saintréithe ar leith acu nó orthu siúd a bhfuil cónaí orthu i gcomhthéacsanna ar leith, nó na pobail sin a thugann faoi ghníomhaíochtaí áirithe, i mbaol níos mó díobhála agus conas a d'fhorbair sé an tuiscint sin.

11. Nochtfaidh an gnóthas cé na rioscaí agus na deiseanna ábhartha, más ann dóibh, a eascraíonn as tionchair agus as **spleáchais** ar phobail dá ndéantar difear, a bhaineann le grúpaí sonracha de **phobail dá ndéantar difear** seachas leis na pobail uile dá ndéantar difear.

### **Bainistiú tionchar, rioscaí agus deiseanna**

#### **Ceanglas maidir le Nochtadh S3-1 – Beartais a bhaineann le pobail dá ndéantar difear**

12. **Tabharfaidh an gnóthas tuairisc ar a bheartais arna nglacadh chun a thionchair ábhartha ar phobail dá ndéantar difear a bhainistiú, chomh maith le rioscaí agus deiseanna ábhartha gaolmhara.**

13. Is é is cuspóir don Cheanglas maidir le Nochtadh seo tuiscint a chumasú ar a mhéid atá beartais ag an ngnóthas lena dtugtar aghaidh ar shainnithint, ar mheasúnú, ar bhainistiú agus/nó ar **fheabhsú** na dtionchar ábhartha ar **phobail dá ndéantar difear** go sonracha, chomh maith le beartais lena gcumhdaítear rioscaí nó deiseanna ábhartha a bhaineann le pobail dá ndéantar difear.

14. Beidh sa nochtadh a cheanglaítear le mír 12 an fhaisnéis faoi bheartais an ghnóthais chun a

thionchair, a rioscaí agus a dheiseanna ábhartha a bhainistiú a bhaineann le **pobail dá ndéantar difear** i gcomhréir le ESRS 2 MDR-P *Beartais arna nglacadh chun ábhair inbhuanaitheachta ábhartha a bhainistiú*. Ina theannta sin, sonrúidh an gnóthas an gcumhdaítear leis na beartais sin pobail shonracha dá ndéantar difear nó a pobail uile dá ndéantar difear.

15. Nochtfaidh an gnóthas aon fhorálacha **beartais** ar leith chun tionchair ar **phobail dhúchasacha** a chosc agus chun aghaidh a thabhairt orthu.
16. Tabharfaidh an gnóthas tuairisc ar a ghealltanais <sup>119</sup> maidir le cearta an duine atá ábhartha do na pobail dá ndéantar difear, lena n-áirítear na próisis agus na sásraí sin chun faireachán a dhéanamh ar chomhlíonadh Phrionsabail Threoracha na Náisiún Aontaithe maidir le Gnó agus Cearta an Duine, Dearbhú EIS maidir le Prionsabail Bhunúsacha agus Cearta Bunúsacha ag an Obair nó Treoirlínte ECFE d'Fhiontair Ilnáisiúnta. Ina nochtadh, díreoidh sé ar na hábhair sin atá ábhartha i ndáil leis an méid seo a leanas<sup>120</sup>, chomh maith lena chur chuige ginearálta maidir leis an méid seo a leanas:
  - (a) urraim do chearta daonna pobal, agus **pobal dúchasach** go sonrach;
  - (b) rannpháirtíocht le pobail dá ndéantar difear; agus
  - (c) bearta chun **leigheas** ar thionchair ar chearta an duine a chur ar fáil agus/nó a chumasú.
17. Nochtfaidh an gnóthas cé acu atá nó nach bhfuil a chuid beartas maidir le **pobail dá ndéantar difear** ailínithe le caighdeáin a aithnítear go hidirnáisiúnta agus atá ábhartha do phobail agus do **phobail dhúchasacha** go sonrach, lena n-áirítear Prionsabail Threoracha na Náisiún Aontaithe (NA) maidir le Gnó agus Cearta an Duine. Nochtfaidh an gnóthas freisin a mhéid a tuairiscíodh cásanna nach n-urramaítear Prionsabail Threoracha na Náisiún Aontaithe maidir le Gnó agus Cearta an Duine, Dearbhú EIS maidir le Prionsabail Bhunúsacha agus Cearta Bunúsacha ag an Obair nó Treoirlínte ECFE d'Fhiontair Ilnáisiúnta, ar cásanna iad a bhfuil baint acu le pobail dá ndéantar difear, ina oibríochtaí féin nó ina **shlabhra luacha** réamhtheachtach agus iartheachtach agus, más infheidhme, léiriú ar chineál na gcásanna sin<sup>121</sup>.
18. Féadfaidh an **beartas** a bheith i bhfoirm beartais aonair maidir le pobail nó a bheith san áireamh i ndoiciméad níos leithne amhail cód eitice nó beartas inbhuanaitheachta ginearálta a nocht an gnóthas cheana féin mar chuid de ESRS eile. Sna cásanna sin, tabharfaidh an gnóthas crostagairt chruinn chun na gnéithe den bheartas a chomhlíonann ceanglais an Cheanglais seo maidir le Nochtadh a shainiú.

<sup>119</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire breise a bhaineann le drochthionchair phríomha mar a leagtar amach le táscaire #9 i dTábla III d'Iarscríbhinn I a ghabhann le Rialachán Tarmilgthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Easpa beartais um chearta an duine').

<sup>120</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 mar gur eascair sí as táscaire sainordaitheach a bhaineann le drochthionchair phríomha mar a leagtar amach le táscaire #11 i dTábla I d'Iarscríbhinn I a ghabhann leis an Rialachán Tarmilgthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Easpa próiseas agus sásraí comhlíontachta chun faireachán a dhéanamh ar chomhlíonadh phrionsabail Chomhshocrú Domhanda na Náisiún Aontaithe agus Threoirlínte ECFE maidir le Fiontair Ilnáisiúnta').

<sup>121</sup> Tacaíonn an fhaisnéis sin le riachtanais faisnéise na ngrúpaí seo a leanas: rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sé as táscaire sainordaitheach a bhaineann le drochthionchair phríomha mar a leagtar amach le táscaire #10 i dTábla I d'Iarscríbhinn I a ghabhann le Rialachán Tarmilgthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Sárúithe ar phrionsabail Chomhshocrú Domhanda na Náisiún Aontaithe agus ar Threoirlínte na hEagraíochta um Chomhar agus Forbairt Eacnamaíochta (ECFE) maidir le Fiontair Ilnáisiúnta'); agus riarthóirí tagarmharcanna chun tosca ESG a nochtadh faoi réir Rialachán (AE) 2020/1816 mar a leagtar amach le táscaire 'An líon comhpháirteanna tagarmhairc atá faoi réir sárúithe sóisialta (dearbhuimhir agus coibhneasta arna roinnt ar gach comhpháirt tagarmharcanna), dá dtagraítear i gconarthaí agus coinbhinsiúin idirnáisiúnta, i bprionsabail na Náisiún Aontaithe agus, i gcás inarb infheidhme, sa dlí náisiúnta' i ranna 1 agus 2 d'Iarscríbhinn II.

### **Ceanglas maidir le Nochtadh S3-2 – Próisis rannpháirtíochta le pobail dá ndéantar difear maidir le tionchair**

---

19. **Nochtfaidh an gnóthas a phróisis ghinearálta chun rannpháirtíocht a dhéanamh leis na pobail dá ndéantar difear agus lena n-ionadaithe maidir leis an tionchar iarbhír agus leis an tionchar a d'fhéadfadh a bheith acu orthu.**
20. Is é is cuspóir don Cheanglas maidir le Nochtadh seo tuiscint a chumasú i dtaobh cé acu a bhíonn nó nach mbíonn an gnóthas ag déanamh rannpháirtíocht, mar chuid dá phróiseas leanúnach díchill chuí, lena n-ionadaithe dlisteanacha, nó le **hionadaithe inchreidte**, agus conas a dhéanann sé sin, maidir le tionchair ábhartha iarbhír agus fhéideartha dhearfacha agus/nó dhiúltacha a dhéanann difear dóibh nó ar dócha go ndéanfaidh siad difear dóibh, agus cé acu a chuirtear nó nach gcuirtear dearchtaí **na bpobal a ndéantar difear dóibh** san áireamh i bpróisis chinnteoireachta an ghnóthais, agus conas a chuirtear san áireamh iad.
21. Nochtfaidh an gnóthas cé acu a dhéanann nó nach ndéanann peirspictíochtaí **na bpobal dá ndéantar difear** eolas dá chinntí nó dá ghníomhaíochtaí atá dírithe ar thionchair iarbhír agus fhéideartha ar phobail a bhainistiú, agus conas a dhéanann sé sin. Áireofar leis sin, i gcás inarb ábhartha, míniú ar an méid seo a leanas:
  - (a) cé acu a dhéantar nó nach ndéantar teagmháil go díreach leis na pobail dá ndéantar difear nó lena **n-ionadaithe dlisteanacha**, nó le **hionadaithe inchreidte** a bhfuil léargas acu ar a gcás;
  - (b) an chéim (na céimeanna) ag a dtarlaíonn an rannpháirtíocht, an cineál rannpháirtíochta agus minicíocht na rannpháirtíochta;
  - (c) an fheidhm agus an ról is sinsearaí sa ghnóthas ag a bhfuil freagracht oibríochtúil as a áirithiú go dtarlaíonn an rannpháirtíocht sin agus go dtugann na torthaí bonn eolais do chur chuige an ghnóthais;
  - (d) i gcás inarb infheidhme, conas a dhéanann gnóthas measúnú ar éifeachtacht a rannpháirtíochta le pobail dá ndéantar difear lena n- áirítear, i gcás inarb ábhartha, aon chomhaontú nó aon toradh a leanann aisti.
22. I gcás inarb infheidhme, nochtfaidh an gnóthas na bearta a dhéanfaidh sé chun léargas a fháil ar pheirspictíochtaí **na bpobal dá ndéantar difear** a d'fhéadfadh a bheith an-leochaileach ó thaobh tionchair agus/nó imeallaithe de, agus faoi dhearcadh grúpaí sonracha laistigh de na pobail dá ndéantar difear, amhail mná agus cailíní.
23. I gcás inar **pobail dhúchasacha** iad **na pobail dá ndéantar difear**, nochtfaidh an gnóthas freisin conas a chuireann sé san áireamh a gcearta ar leith agus áiritheoidh sé go n-urramófar a gcearta ar leith ina chur chuige maidir le **rannpháirtíocht na bpáirtithe leasmhara**, lena n-áirítear an ceart atá acu chun **toiliú saor, roimh ré agus feasach** maidir leis an méid seo a leanas: (i) a maoin chultúrtha, intleachtúil, reiligiúnach agus spioradálta; (ii) gníomhaíochtaí a dhéanann difear dá dtailte agus dá gcriche; agus (iii) bearta reachtacha nó riaracháin a dhéanann difear dóibh. Go háirithe, i gcás ina ndéantar rannpháirtíocht le pobail dhúchasacha, nochtfaidh an gnóthas freisin cé acu a fuarthas nó nach bhfuarthas comhairle ó **phobail dhúchasacha** maidir le mód agus paraiméadair na rannpháirtíochta agus conas a rinneadh sin (fad agus a bhí clár oibre, cineál, agus tráthúlacht na rannpháirtíochta á ndearadh, cuir i gcás).
24. Mura féidir leis an ngnóthas an fhaisnéis a cheanglaítear thuas a nochtadh toisc nár ghlac sé próiseas ginearálta chun rannpháirtíocht a dhéanamh le pobail dá ndéantar difear, nochtfaidh sé gurb amhlaidh an cás. Féadfaidh sé tráthchlár a nochtadh faoina bhfuil sé ag féachaint le próiseas den sórt sin a bheith i bhfeidhm.

### **Ceanglas maidir le Nochtadh S3-3 – Próisis chun tionchair dhiúltacha a leigheas agus bealaí ar féidir le pobail dá ndéantar difear ábhair imní a chur in iúl**

---

25. **Tabharfaidh an gnóthas tuairisc ar na próisis atá i bhfeidhm aige chun foráil a dhéanamh maidir leis na tionchair dhiúltacha a bhfuil baint ag an ngnóthas leo a**

**fheabhsú nó chun comhoibriú lena leigheas, chomh maith leis na bealaí atá ar fáil do phobail dá ndéantar difear chun ábhair inní a chur in iúl agus chun aghaidh a thabhairt orthu.**

26. Is é is cuspóir don Cheanglas maidir le Nochtadh seo tuiscint a chumasú ar na modhanna foirmiúla trínar féidir le **pobail dá ndéantar difear** a n-inní agus a riachtanais a chur in iúl go díreach don ghnóthas, agus/nó trína dtacaíonn an gnóthas le hinfhaighteacht bealaí den sórt sin (mar shampla, **meicníochtaí casaoid**) trína chaidrimh ghnó, conas a dhéantar obair leantach leis na pobail sin maidir leis na saincheistanna a tarraingíodh suas, agus éifeachtacht na mbealaí sin.
27. Tabharfaidh an gnóthas tuairisc ar an méid seo a leanas:
- (a) a chur chuige ginearálta maidir le **leigheas** agus na próisis atá aige chun leigheas a sholáthar nó chun rannchuidiú leis i gcás inar shainnithin sé go raibh **tionchar** diúltach ábhartha ar phobail dá ndéantar difear mar thoradh air nó gur rannchuidigh sé leis an tionchar sin, lena n-áirítear cé acu a dhéanann nó nach ndéanann an gnóthas measúnú go bhfuil an leigheas a chuirtear ar fáil éifeachtach, agus conas a dhéanann sé an measúnú sin;
  - (b) aon bhealach sonrath atá i bhfeidhm aige chun go gcuirfidh pobail dá ndéantar difear a n-ábhair inní nó a riachtanais in iúl go díreach don ghnóthas agus chun go dtabharfar aghaidh orthu, lena n-áirítear cé acu an é an gnóthas féin a bhunaíonn iad agus/nó an trí rannpháirtíocht i sásraí tríú páirtí a bhunaítear iad;
  - (c) a phróisis trína dtacaíonn an gnóthas le hinfhaighteacht bealaí den sórt sin trína chaidrimh ghnó; agus
  - (d) an chaoi a rianaítear agus a ndéanann sé faireachán ar shaincheistanna a tarraingíodh suas agus ar tugadh aghaidh orthu, agus conas a áiríthíonn sé éifeachtacht na mbealaí, é san áireamh trí rannpháirtíocht **páirtithe leasmhara** arb iad na húsáideoirí beartaithe iad.
28. Nochtfaidh an gnóthas cé acu a dhéanann nó nach ndéanann measúnú sé go bhfuil **na pobail dá ndéantar difear** ar an eolas faoi na struchtúir nó na próisis sin agus go bhfuil muintín acu astu mar bhealach chun a n-ábhair inní nó a riachtanais a chur in iúl agus le go dtabharfar aghaidh orthu, agus conas a dhéanann sé an measúnú sin. Ina theannta sin, nochtfaidh an gnóthas an bhfuil beartais i bhfeidhm aige maidir le daoine aonair a úsáideann iad a chosaint ar fhrithbheart. Má nochtadh an fhaisnéis sin i gcomhréir le ESRS G1-1, féadfaidh an gnóthas tagairt a dhéanamh don fhaisnéis sin.
29. Mura féidir leis an ngnóthas an fhaisnéis a cheanglaítear thuas a nochtadh toisc nár ghlac sé bealach chun ábhair inní a chur in iúl agus/nó toisc nach dtacaíonn sé le bealach den sórt sin a bheith ar fáil lena ghaolmhaireachtaí gnó, nochtfaidh sé gurb amhlaidh an cás. Féadfaidh sé tráthchlár a nochtadh faoina bhfuil sé ag féachaint le bealach nó próisis den sórt sin a bheith i bhfeidhm.

***Ceanglas maidir le Nochtadh S3-4 – Gníomhaíocht a dhéanamh maidir le tionchair ábhartha ar phobail dá ndéantar difear, agus cineálacha cur chuige chun rioscaí ábhartha a bhainistiú agus deiseanna ábhartha a shaothrú, ar rioscaí agus deiseanna iad a bhaineann le pobail dá ndéantar difear, agus éifeachtacht na ngníomhaíochtaí sin***

---

30. Nochtfaidh an gnóthas conas a dhéanann sé beart chun aghaidh a thabhairt ar thionchair ábhartha ar phobail dá ndéantar difear, agus chun rioscaí ábhartha a bhainistiú agus deiseanna ábhartha a shaothrú a bhaineann le pobail dá ndéantar difear agus éifeachtacht na ngníomhaíochtaí sin.
31. Tá dhá chuspóir ag an gCeanglas seo maidir le Nochtadh. Ar an gcéad dul síos, tá sé chun tuiscint a thabhairt ar aon **ghníomhaíochtaí** agus tionscnaimh trína bhféachann an gnóthas leis an méid seo a leanas a dhéanamh:
- (a) na **tionchair** dhiúltacha ábhartha ar na pobail dá ndéantar difear a chosc, a mhaolú

agus a leigheas; agus/nó

- (b) tionchair dhearfacha ábhartha a bhaint amach do na pobail dá ndéantar difear.

Ar an dara dul síos, beifear in ann tuiscint a fháil ar na bealaí ina bhfuil an gnóthas ag dul i ngleic leis na **rioscaí** ábhartha agus ag saothrú na ndeiseanna ábhartha a bhaineann leis na pobail dá ndéantar difear.

Soláthróidh an gnóthas tuairisc achomair ar na pleananna gníomhaíochta agus ar na hacmhainní chun a thionchair, a rioscaí agus a dheiseanna ábhartha a bhaineann leis na pobail a ndéantar difear dóibh a bhainistiú de réir ESRS 2 MDR-A *Gníomhaíochtaí agus acmhainní i ndáil le hábhair inbhuanaitheachta*.

32. I ndáil le tionchair ábhartha, tabharfaidh an gnóthas tuairisc ar an méid seo a leanas:
- (a) gníomhaíochtaí a rinneadh, atá beartaithe nó atá ar bun chun tionchair dhiúltacha ábhartha ar phobail dá ndéantar difear a chosc nó a mhaolú;
  - (b) cé acu a rinne nó nach ndearna sé gníomh chun **leigheas** a sholáthar nó a chumasú i ndáil le hiarmhairt iarbhir ábhartha, agus an chaoi a ndearna sé é sin;
  - (c) aon **ghníomhaíochtaí** nó tionscnaimh breise atá i bhfeidhm aige a bhfuil sé de phríomhchuspóir acu tionchar dearfach a imirt ar phobail dá ndéantar difear; agus
  - (d) an dóigh a ndéanann sé rianú agus measúnú ar éifeachtacht na **ngníomhaíochtaí** agus na dtionscnamh sin maidir le torthaí a bhaint amach do na pobail dá ndéantar difear.
33. I ndáil le mír 29, tabharfaidh an gnóthas tuairisc ar an méid seo a leanas:
- (a) na próisis trína sainaithníonn sé cén ghníomhaíocht is gá agus is iomchuí mar fhreagairt ar thionchar diúltach iarbhir nó féideartha ar phobail dá ndéantar difear;
  - (b) a chur chuige maidir le gníomhaíocht a dhéanamh i ndáil le tionchair dhiúltacha ábhartha shonracha ar phobail, lena n-áirítear aon ghníomhaíocht i ndáil lena chleachtais féin maidir le talamh a fháil, pleanáil agus tógáil, oibriú nó cleachtais dúnta, chomh maith le cé acu a bheidh nó nach mbeidh gá le gníomhaíocht níos leithne nó le gníomhaíocht chomhoibritheach le páirtithe ábhartha eile; agus
  - (c) conas a áiríthíonn sé go bhfuil próisis chun **leigheas** a sholáthar nó a chumasú i gcás tionchair dhiúltacha ábhartha ar fáil agus éifeachtach ina gcur chun feidhme agus ina dtorthaí.
34. I ndáil le rioscaí agus deiseanna ábhartha, tabharfaidh an gnóthas tuairisc ar an méid seo a leanas:
- (a) an ghníomhaíocht atá beartaithe nó atá ar bun chun rioscaí ábhartha a mhaolú don ghnóthas a eascraíonn as a thionchair agus a **spleáchais** ar **phobail dá ndéantar difear** agus conas a rianaíonn sé éifeachtacht sa chleachtas; agus
  - (b) cén ghníomhaíocht atá beartaithe nó ar siúl chun deiseanna ábhartha a shaothrú don ghnóthas i ndáil le pobail dá ndéantar difear.
35. Nochtfaidh an gnóthas cé acu a dhéanann nó nach ndéanann sé beart, agus conas a dhéanann sé beart, chun nach mbeidh sé ina chúis le tionchair dhiúltacha ábhartha ar **na pobail dá ndéantar difear** nó nach rannchuideoidh sé leis sin trína chleachtais féin, é san áireamh, i gcás inarb ábhartha, i ndáil le pleanáil, fáil agus saothrú talún, maoiniú, eastóscadh nó táirgeadh amhábhair, úsáid acmhainní nádúrtha, agus bainistiú na dtionchar ar an gcomhshaol. D'fhéadfaí a áireamh leis sin nochtadh a dhéanamh ar an gcur chuige a ghlactar nuair a thagann teannas chun cinn idir tionchair dhiúltacha ábhartha a chosc nó a mhaolú agus brúnna gnó eile.
36. Nochtfaidh an gnóthas freisin ar tuairiscíodh saincheisteanna tromchúiseacha maidir le cearta an duine agus **teagmhais** thromchúiseacha a bhaineann le **phobail dá ndéantar**

**difear** agus, más infheidhme, nochtfaidh sé iad sin<sup>122</sup>.

37. Agus an fhaisnéis a cheanglaítear faoi mhír 31 (c) á nochtadh ag an ngnóthas, breithneoidh an gnóthas ESRS 2 MDR-T *Éifeachtacht beartas agus gníomhaíochtaí a rianú trí spriocanna* má dhéanann sé meastóireacht ar éifeachtacht gníomhaíochta trí sprioc a leagan síos.
38. Nochtfaidh an gnóthas cad iad na hacmhainní a leithdháiltear ar bhainistiú a thionchar ábhartha, mar aon le faisnéis a chuireann ar a gcumas **d'úsáideoirí** tuiscint a fháil ar an gcaoi a mbainistítear na tionchair ábhartha.

### **Méadracht agus spriocanna**

#### ***Ceanglas maidir le Nochtadh S3-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú***

39. **Nochtfaidh an gnóthas na spriocanna atá faoi cheangal ama agus dírithe ar thorthaí a d'fhéadfadh a bheith socraithe aige agus a bhaineann leis an méid seo a leanas:**
  - (a) **tionchair dhiúltacha ar phobail dá ndéantar difear a laghdú; agus/nó**
  - (b) **tionchair dhearfacha ar phobail dá ndéantar difear a chur chun cinn; agus/nó**
  - (c) **bainistíocht a dhéanamh ar rioscaí agus deiseanna ábhartha a bhaineann le pobail dá ndéantar difear.**
40. Is é is cuspóir don Cheanglas maidir le Nochtadh seo tuiscint a chumasú ar a mhéid atá an gnóthas ag úsáid **spriocanna** atá faoi cheangal ama agus dírithe ar thorthaí chun a dhul chun cinn a spreagadh agus a thomhas maidir le dul i ngleic le tionchair dhiúltacha ábhartha, agus/nó tionchair dhearfacha ar na pobail dá ndéantar difear a chur chun cinn, agus/nó rioscaí agus deiseanna ábhartha a bhaineann leis na pobail dá ndéantar difear a bhainistiú.
41. Beidh na ceanglais faisnéise a shainmhínítear in ESRS 2 MDR-T sa tuairisc achoimre ar na **spriocanna** chun na tionchair, na rioscaí agus na deiseanna ábhartha a bhaineann leis **na pobail dá ndéantar difear** a bhainistiú.
42. Nochtfaidh an gnóthas an próiseas chun na **spriocanna** a shocrú, lena n-áirítear cé acu atá nó nach raibh an gnóthas ag déanamh rannpháirtíocht go díreach le pobail dá ndéantar difear, lena n-ionadaithe dlisteanacha, nó le **hionadaithe inchreidte** a bhfuil léargas acu ar a staid sna nithe seo a leanas agus conas a rinne sé sin:
  - (a) aon sprioc den sórt sin a leagan síos;
  - (b) feidhmíocht an ghnóthais ina gcoinne a rianú; agus
  - (c) aon cheacht nó aon fheabhsú de thoradh fheidhmíocht an ghnóthais a shainaitheint.

### **Foscscríbhinn A: Ceanglais maidir le Cur i bhFeidhm**

Is dlúthchuid de ESRS S3 *Na pobail dá ndéantar difear* í an fhoscscríbhinn seo. Tacaíonn sí le cur i bhfeidhm na gceanglais maidir le nochtadh a leagtar amach sa chaighdeán seo agus tá an t-údarás céanna aici agus atá ag na codanna eile den chaighdeán.

### **Cuspóir**

<sup>122</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascaíonn sí as táscaire breise a bhaineann leis na drochthionchair phríomha mar a leagtar amach le táscaire #14 i dTábla III d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('An líon cásanna sainaitheanta de shaincheisteanna agus de teagmhais thromchúiseacha maidir le cearta an duine').

- AR 1. Níl sé i gceist leis an bhforléargas ar chúrsaí sóisialta agus ar chúrsaí a bhaineann le cearta an duine dá bhforáiltear i mír 2 a thabhairt le tuiscint gur cheart na saincheisteanna sin go léir a nochtadh i ngach Ceanglas maidir le Nochtadh sa Chaighdeán sin. Ina ionad sin, cuirtear liosta ar fáil leis de na hábhair a ndéanfaidh an gnóthas breithniú orthu ina mheasúnú **ábharthachta** (tagairt do ESRS 1 chaibidil 3 **Ábharthacht dhúbailte mar bhonn ag nochtaí inbhuanaitheachta** agus ESRS 2 IRO-1) a bhaineann le **pobail dá ndéantar difear** agus, de réir mar is iomchuí, a nochtfaidh sé mar thionchair, rioscaí agus deiseanna ábhartha laistigh de raon feidhme an Chaighdeáin seo.
- AR 2. I dteannta na saincheisteanna a liostaítear i mír 2, féadfaidh an gnóthas breithniú a dhéanamh freisin ar fhaisnéis a nochtadh faoi shaincheisteanna eile atá ábhartha do thionchar ábhartha ar feadh tréimhse níos giorra ama, mar shampla tionscnaimh maidir leis an tionchar ar phobail a bhaineann le hoibríochtaí an ghnóthais de dheasca dálaí aimsire foircneacha agus tobanna.

## ESRS 2 Nochtaí Ginearálta

### Straitéis

#### ***Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara***

- AR 3. Le Ceanglas maidir le Nochtadh ESRS 2 SBM-2 ceanglaítear ar an ngnóthas tuiscint a thabhairt maidir le cé acu a dhéanann nó nach ndéanann sé breithniú ar an ról a d'fhéadfadh a bheith ag a straitéis agus a **shamhail ghnó** maidir le **tionchair** ábhartha mhóra ar **phobail dá ndéantar difear** a chruthú, a ghéarú nó a mhaolú, , agus conas a dhéanann sé breithniú air sin agus ar cé acu a dhéantar nó nach ndéantar an tsamhail ghnó agus an straitéis a oiriúnú chun aghaidh a thabhairt ar thionchair ábhartha den sórt sin agus conas a dhéantar sin.
- AR 4. Cé go bhféadfadh sé nach bhfuil na pobail dá ndéantar difear ag déanamh rannpháirtíocht leis an ngnóthas ar leibhéal a straitéise nó a **samhla ghnó**, is féidir eolas a dhéanamh do mheasúnú an ghnóthais ar a straitéis agus a shamhail ghnó lena dtuairimí. Féadfaidh an gnóthas tuairimí na bpobal dá ndéantar difear agus ionadaithe na bpobal dá ndéantar difear a nochtadh.

#### ***Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó***

- AR 5. Is féidir le **tionchair** ar **phobail dá ndéantar difear** teacht as straitéis nó **samhail ghnó** an ghnóthais ar bhealaí éagsúla. Mar shampla, d'fhéadfadh tionchair a bheith bainteach le tairiscint luacha an ghnóthais (amhail tionscadail a thógáil nó a thosú agus amlínte i gceist dóibh nach dtugann dóthain ama chun dul i gcomhairle le grúpaí a ndéanann na tionscadail difear dóibh), a **shlabhra luacha** (mar shampla, **úsáid talún** i dtíortha ina gconspóidtear úinéireacht go minic nó ina bhfuil taifid neamhiontaofa nó nach dtugtar aitheantas d'úsáideoirí talún amhail **pobail dhúchasacha**), nó a struchtúr costais agus an tsamhail ioncaim (amhail straitéisí ionsaitheacha chun cánachas a íoslaghdú, go háirithe maidir le hoibríochtaí i dtíortha atá i mbéal forbartha).
- AR 6. D'fhéadfadh rioscaí ábhartha don ghnóthas a bheith ina dtoradh ar na tionchair ar phobail dá ndéantar difear de thionscnamh na straitéise nó na samhla ghnó. Mar shampla, i gcás ina bhfuil sé i gceist le straitéis an ghnóthais bogadh i dtreo geografaiócht lena mbaineann riosca níos airde chun tráchtarraí áirithe a shaothrú, agus má chuireann na pobail dá ndéantar difear in aghaidh a láithreachta nó a chleachtas áitiúla, d'fhéadfadh sé sin moilleanna forleathana agus costasacha a chruthú, agus tionchar a imirt ar chumas an ghnóthais lamháltais nó ceadanna talún a fháil amach anseo. Ar an gcaoi chéanna, má bhíonn samhail ghnó an ghnóthais ag brath ar dian-eastóscadh uisce ina phlandaí, sa mhéid go ndéanann sé sin difear do rochtain na bpobal ar uisce le haghaidh tomhaltais, sláinteachais agus slite beatha, d'fhéadfadh baghcait, gearáin agus cásanna dlí a bheith ina dtoradh air sin.

- AR 7. Maidir le samplaí de shaintréithe áirithe **na bpobal dá ndéantar difear** a d'fhéadfadh an gnóthas a chur san áireamh agus é ag freagairt do mhír 10, pobal dá ndéantar difear atá scoite amach go fisiceach nó go heacnamaíoch agus atá soghabhálach i leith galair a thabharfaí isteach nó a bhfuil rochtain theoranta aige ar sheirbhísí sóisialta agus, dá bhrí sin, atá ag brath ar bhonneagar arna bhunú ag an ngnóthas. D'fhéadfadh sin a bheith amhlaidh i gcás ina gceannaíonn an gnóthas talamh a oibríonn mná ach ina ndéantar fócaíochtaí do na fir mar chinn teaghlaigh agus breis díchumhachtaithe a dhéanamh ar mhná sa phobal dá bharr. D'fhéadfadh sé a bheith amhlaidh freisin toisc go bhfuil an pobal dúchasach, agus go bhféachann a bhaill le cearta cultúrtha nó eacnamaíocha a fheidhmiú ar an talamh atá faoi úinéireacht nó in úsáid ag an ngnóthas – nó ag ceann de na heintitis a bhfuil caidreamh gnó aige leis – i gcomhthéacs nach bhfuil a gcearta á gcosaint ag an stát. Ina theannta sin, déanfaidh an gnóthas a mheas an bhforluíonn saintréithe éagsúla. Mar shampla, d'fhéadfadh saintréithe amhail eitneacht, stádas socheacnamaíoch, stádas imirceach agus inscne rioscaí forluiteacha díobhála a chruthú do phobail áirithe dá ndéantar difear, nó do chodanna ar leith de na pobail sin dá ndéantar difear, ós rud é gur minic a bhíonn pobail dá ndéantar difear ilchineálach ó thaobh cineáil de.
- AR 8. Maidir le mír 11, d'fhéadfadh rioscaí ábhartha teacht chun cinn freisin mar gheall ar spleáchas an ghnóthais ar **phobail dá ndéantar difear** i gcás ina spreagfadh teagmhas a bhfuil dóchúlacht íseal ann go dtarlódh sé ach a mbeadh ardtionchar aige **éifeachtaí airgeadais**; mar shampla, i gcás ina dtarlaíonn timpiste thionsclaíoch a bhaineann le hoibríochtaí an ghnóthais, as a leanann díobháil thromchúiseach do phobail dá ndéantar difear, mar thoradh ar thubaiste nádúrtha.

### **Bainistiú tionchar, rioscaí agus deiseanna**

#### **Ceanglas maidir le Nochtadh S3-1 – Beartais a bhaineann le pobail dá ndéantar difear**

- AR 9. Áireofar sa tuairisc an fhaisnéis bhunriachtanach is gá chun ionadaíocht dhílis na mbeartas i ndáil leis **na pobail dá ndéantar difear** a áirithiú agus, dá bhrí sin, breithneoidh an gnóthas mínithe ar athruithe móra ar na beartais a glacadh le linn na bliana tuairiscithe (mar shampla, cuir chuige nua nó cuir chuige bhreise maidir le rannpháirtíocht, dícheall cuí agus leigheas).
- AR 10. Agus ailíniú a bheartas le Prionsabail Theoracha na Náisiún Aontaithe maidir le Gnó agus Cearta an Duine á nochtadh ag an ngnóthas, measfaidh sé go dtagraíonn na Prionsabail Theoracha don Bhille Idirnáisiúnta um Chearta, arb é atá ann Dearbhú Uilechoiteann Chearta an Duine agus an dá Chúnant lena gcuirtear chun feidhme é, chomh maith le Dearbhú na Náisiún Aontaithe maidir le Cearta na bPobal Dúchasach, Coinbhinsiún na hEagraíochta Idirnáisiúnta Saothair maidir le Pobail Dhúchasacha agus Threibheacha (EIS Uimh. 169) agus na croíchoinbhinsiúin a thacaíonn leis, agus féadfaidh sé a ailíniú leis na hionstraimí sin a nochtadh.
- AR 11. Féadfaidh an gnóthas léiriú a thabhairt ar na cineálacha cumarsáide maidir lena bheartais leis na daoine aonair sin, leis an ngrúpa daoine aonair sin nó leis na heintitis sin a bhfuil siad ábhartha ina leith, toisc go bhfuil coinne leis go gcuirfidh siad chun feidhme iad (mar shampla, **fostaithe**, conraitheoirí agus **soláthróirí** an ghnóthais), nó toisc go bhfuil leas díreach acu ina gcur chun feidhme (mar shampla, oibríthe dílse, infheisteoirí). Féadfaidh sé uirlisí agus bealaí cumarsáide a nochtadh (mar shampla, fógráin, nuachtlitreacha, suíomhanna gréasáin tiomnaithe, na meáin shóisialta, idirghníomhaíochtaí aghaidh ar aghaidh, ionadaithe oibríthe), arb é is aidhm dóibh a áirithiú go bhfuil an **beartas** inrochtana agus go dtuigeann lucht féachana éagsúil na himpleachtaí a bhaineann leis. Féadfaidh an gnóthas míniú a thabhairt freisin ar an gcaoi a n-aithníonn sé bacainní a d'fhéadfadh a bheith ann maidir le scaipeadh, agus ar an gcaoi a gcuireann sé deireadh leo, amhail trí aistriúchán go teangacha ábhartha nó trí úsáid a bhaint as léirithe grafacha.
- AR 12. Agus saincheisteanna tromchúiseacha maidir le cearta an duine agus **teagmhais** thromchúiseacha a bhaineann le pobail dá ndéantar difear á nochtadh ag an ngnóthas, breithneoidh sé aon díospóid dlíthiúil a bhaineann le cearta talún agus le **toiliú saor, roimh ré agus feasach ó phobail dhúchasacha**.

### **Ceanglas maidir le Nochtadh S3-2 – Próisis rannpháirtíochta le pobail dá ndéantar difear maidir le tionchair**

---

- AR 13. Féadfar a áireamh sna mínithe ar an gcaoi a gcuireann an gnóthas san áireamh agus ar an gcaoi a n-áiríonn sé urraim do cheart na bpobal dúchasach chun **toiliú saor, roimh ré agus feasach** faisnéis faoi phróisis chun dul i gcomhairle le pobail dhúchasacha chun an toiliú sin a fháil. Breithneoidh an gnóthas conas a áirítear sa chomhairliúchán caibidlíocht de mheon macánta leis na **pobail dhúchasacha** dá ndéantar difear chun a dtoiliú saor, roimh ré agus feasach a fháil i gcás ina ndéanann an gnóthas difear do na tailte, na críocha nó na hacmhainní ar leis na pobail dhúchasacha iad de ghnáth, a áitíonn siad nó a úsáideann siad ar shlí eile; nó pobail dhúchasacha a athlonnú amach as tailte nó críocha atá faoi réir úinéireachta traidisiúnta nó atá in úsáid nó faoi áitíocht de réir gnáis; nó difear dá maoin chultúrtha, intleachtúil, reiligiúnach agus spioradálta.
- AR 14. Nuair a thugtar tuairisc ar an bhfeidhm nó ar an ról ag a bhfuil freagracht oibríochtúil as an rannpháirtíocht sin agus/nó as an gcuntasacht deiridh sin, féadfaidh an gnóthas a nochtadh an ról tiomnaithe nó feidhm thiomnaithe é sin nó cuid de ról nó feidhm níos leithne, agus cé acu ar tairgeadh nó nár tairgeadh aon ghníomhaíochtaí fothaithe acmhainneachta chun tacú leis an bhfoireann chun dul i mbun rannpháirtíochta. Mura féidir leis post nó feidhm den sórt sin a aithint, féadfaidh sé a rá gurb amhlaidh atá. D'fhéadfaí an nochtadh sin a chomhlíonadh freisin trí thagairt a dhéanamh d'fhaisnéis arna nochtadh de réir ESRS 2 GOV-1 *Ról na gcomhlachtaí riaracháin, bainistíochta agus maoirseachta*.
- AR 15. Agus na nochtaí a dtugtar tuairisc orthu i mír 20 b) agus c) á n- ullmhú, féadfar na léirithe seo a leanas a bhreithniú:
- amplaí de chéimeanna ina dtarlaíonn rannpháirtíocht ná i) an cur chuige maidir le maolú a chinneadh agus ii) meastóireacht a dhéanamh ar éifeachtacht an mhaolaithe;
  - i gcás an chineáil rannpháirtíochta, d'fhéadfadh rannpháirtíocht, comhairliúchán agus/nó faisnéis a bheith ann;
  - i gcás mhinicíocht na rannpháirtíochta, féadfar faisnéis a sholáthar maidir le cé acu a dhéantar nó nach ndéantar rannpháirtíocht ar bhonn tráthrialta, ag pointí áirithe i dtionscadal nó i bpróiseas gnó; agus
  - maidir leis an ról ag a bhfuil freagracht oibríochtúil, cé acu a éilíonn nó nach n-éilíonn an gnóthas ar bhaill foirne ábhartha scileanna áirithe a bheith acu, nó cé acu a chuireann nó nach gcuireann sé **oiliúint** nó fothú acmhainneachta ar fáil do bhaill foirne ábhartha chun dul i mbun rannpháirtíochta. I gcás tionchair ábhartha, rioscaí agus deiseanna a bhaineann le **pobail dhúchasacha**, áirítear leis sin oiliúint ar chearta na ndaoine dúchasacha, lena n-áirítear toiliú saor, roimh ré agus feasach.
- AR 16. Chun an chaoi ar thug dearthaí pobal bonn eolais do chinntí nó gníomhaíochtaí sonracha an ghnóthais a léiriú, féadfaidh an gnóthas samplaí ón tréimhse tuairiscithe reatha a sholáthar.

### **Ceanglas maidir le Nochtadh S3-3 – Próisis chun tionchair dhiúltacha a leigheas agus bealaí ar féidir le pobail dá ndéantar difear ábhair imní a chur in iúl**

---

- AR 17. Agus na ceanglais a leagtar amach i gCeanglas um Nochtadh ESRS S3-3 á gcomhlíonadh, féadfaidh an gnóthas a bheith á threorú ag ábhar Phrionsabail Threoracha na Náisiún Aontaithe maidir le Gnó agus Cearta an Duine agus ag Treoirínte ECFE d'Fhiontair Ilnáisiúnta atá dírithe ar shásraí feabhsúcháin agus casaoide.
- AR 18. I measc na mbealaí chun ábhair imní nó riachtanais a chur in iúl, áirítear sásraí casaoide, beolíní, próisis idirphlé nó modhanna eile trínar féidir leis na pobail lena mbaineann nó lena n-ionadaithe dlísteanacha ábhair imní a léiriú faoi thionchair nó na riachtanais ar mhaith leo go dtabharfadh an gnóthas aghaidh orthu a mhíniú. D'fhéadfaí a áireamh orthu sin bealaí a sholáthraíonn an gnóthas go díreach agus tá siad le tuairisciú i dteannta aon sásra eile a fhéadfaidh an gnóthas a úsáid chun léargas a fháil ar bhainistiú na dtionchar ar thomhaltóirí agus/nó úsáideoirí deiridh, amhail iniúchtaí comhlíontachta. I gcás ina bhfuil an gnóthas ag

brath, chun an ceanglas sin a fhreagairt, ar fhaisnéis arna soláthar ag a **chaidrimh ghnó** maidir le bealaí den sórt sin a bheith ann, agus ar an bhfaisnéis sin amháin, féadfaidh sé é sin a shonrú.

- AR 19. Chun léargas níos fearr a thabhairt ar an bhfaisnéis a chumhdaítear in ESRS S3-3, féadfaidh an gnóthas a mhíniú cé acu atá nó nach bhfuil pobail a bhféadfaí difear a dhéanamh dóibh in ann bealaí a rochtain ar leibhéal an ghnóthais a ndéanann sé difear dóibh, agus conas atá siad in ann sin a dhéanamh, i ndáil le gach tionchar ábhartha. I measc na n-léargais ábhartha tá faisnéis maidir le cé acu is féidir nó nach féidir le pobail a ndéantar difear dóibh bealaí a rochtain i dteanga a thuigeann siad, agus an ndeachthas i gcomhairle leo i ndearadh na mbealaí sin.
- AR 20. D'fhéadfaí a áireamh ar shásraí tríú páirtí iad siúd arna n- oibriú ag an rialtas, eagraíochtaí neamhrialtasacha (ENRanna), comhlachais tionscail agus tionscnaimh chomhoibríocha eile. Féadfaidh an gnóthas a nochtadh an bhfuil siad seo inrochtana ag gach pobal dá ndéantar difear a bhféadfadh tionchar ábhartha a bheith ag an ngnóthas orthu, nó ag daoine aonair nó eagraíochtaí atá ag gníomhú thar a gceann nó atá in ann, ar shlí eile, a bheith ar an eolas faoi thionchair dhiúltacha.
- AR 21. I ndáil le cosaint daoine aonair a úsáideann na sásraí in aghaidh frithbheartaíochta, féadfaidh an gnóthas tuairisc a thabhairt ar cé acu a chaitheann nó nach gcaitheann sé le casaoidí faoi rúndacht agus i ndáil le cearta chun príobháideachais agus leis an gceart go ndéanfaí sonraí pearsanta a chosaint; agus cibé acu is féidir nó nach féidir na sásraí a úsáid gan ainm (mar shampla, trí ionadaíocht ó thríú páirtí).
- AR 22. Agus próisis á nochtadh a bhaineann le **leigheas** a chur ar fáil agus a chumasú do **phobail dhúchasacha**, áirítear san fhaisnéis ábhartha cé acu a rinne nó nach ndearna an gnóthas breithniú ar a nósanna, a dtraidisiúin, a rialacha agus a gcórais dlí agus conas rinne sé sin.
- AR 23. Agus nochtadh á dhéanamh maidir le cé acu atá nó nach bhfuil a fhios ag an ngnóthas go bhfuil **na pobail dá ndéantar difear** ar an eolas faoi aon cheann de na bealaí sin agus go bhfuil muinín acu astu, agus maidir le conas atá a fhios ag an ngnóthas sin, féadfaidh sé sonraí ábhartha agus iontaofa a sholáthar maidir le héifeachtacht na mbealaí sin ó dhearcadh na bpobal féin dá ndéantar difear. Ar shamplaí d'fhoinsí faisnéise tá suirbhéanna ar mhuintir na bpobal a bhfuil úsáid bainte acu as bealaí den sórt sin agus a leibhéal shástachta leis an bpróiseas agus leis na torthaí.
- AR 24. Agus cur síos á dhéanamh ar éifeachtacht na mbealaí do na pobail a ndéantar difear dóibh chun ábhair imní a ardú, féadfaidh na ceisteanna seo a leanas a bheith mar threoir ag an ngnóthas, bunaithe ar na "critéir éifeachtúlachta le haghaidh sásraí casaoide neamhbhreithiúnacha", mar a leagtar amach i bPrionsabail Threoracha na Náisiún Aontaithe maidir le Gnó agus Cearta an Duine, go háirithe Prionsabal 31. Féadfar na cúinsí thíos a chur i bhfeidhm ar bhonn cainéal aonair nó ar an gcomhchóras cainéal:
- (a) an bhfuil dlísteacht ag na bealaí trí chuntasacht iomchuí a sholáthar as a n- iompar cóir agus trí mhuintir na bpáirtithe leasmhara a chothú?
  - (b) an eol do na páirtithe leasmhara na bealaí a bheith ann agus an bhfuil rochtain acu orthu?
  - (c) an bhfuil nósanna imeachta soiléire aitheanta ag na bealaí, an bhfuil tráthchláir socraithe acu agus soiléireacht faoi próisis?
  - (d) an áirítear leis na bealaí go mbeidh rochtain réasúnach ar fhoinsí faisnéise, comhairle agus saineolais?
  - (e) an soláthraíonn na bealaí trédhearcacht trí fhaisnéis leordhóthanach a sholáthar do ghearánaigh agus, i gcás inarb infheidhme, chun aon leas poiblí atá i gceist a chomhlíonadh araon?
  - (f) an bhfuil na torthaí a bhaintear amach trí na bealaí i gcomhréir le cearta an duine a aithnítear go hidirnáisiúnta?
  - (g) an sainaitníonn an gnóthas léargais ó na bealaí a thacaíonn le foghlaim leanúnach chun feabhas a chur ar na bealaí agus chun tionchair amach anseo a chosc?
  - (h) an ndíríonn an gnóthas ar an idirphlé le gearánaigh mar an modh chun teacht ar

réitigh chomhaontaithe, seachas a bheith ag féachaint leis an toradh a chinneadh go haontaobhach?

**Ceanglas maidir le Nochtadh S3-4 – Gníomhaíocht a dhéanamh maidir le tionchair ábhartha ar phobail dá ndéantar difear, agus cineálacha cur chuige chun rioscaí ábhartha a bhainistiú agus deiseanna ábhartha a shaothrú, ar rioscaí agus deiseanna iad a bhaineann le pobail dá ndéantar difear, agus éifeachtacht na ngníomhaíochtaí sin**

---

- AR 25. D'fhéadfadh sé go dtógfaidh sé am tuiscint a fháil ar thionchair dhiúltacha agus conas a d'fhéadfadh an gnóthas a bheith bainteach leo trína shlabhra luacha, agus chun freagairtí iomchuí a shainiú agus a chur i bhfeidhm. Dá bhrí sin, breithneoidh an gnóthas na nithe seo a leanas:
- (a) na cineálacha cur chuige ginearálta agus sonracha atá aige chun aghaidh a thabhairt ar thionchair dhiúltacha ábhartha;
  - (b) a infheistíocht shóisialta nó cláir forbartha eile atá dírithe ar rannchuidiú le tionchair dhearfacha ábhartha bhreise;
  - (c) an méid dul chun cinn atá déanta aige ina iarrachtaí le linn na tréimhse tuairiscithe; agus
  - (d) na haidhmeanna atá aige maidir le feabhsú leanúnach.
- AR 26. Is féidir gníomhaíochtaí iomchuí éagsúla a bheith ann ag brath ar an ngnóthas féin a bheith ina chúis nó ag rannchuidiú le tionchar ábhartha, nó cé acu atá nó nach bhfuil an tionchar ábhartha nasctha go díreach lena oibríochtaí, lena tháirgí nó lena sheirbhísí trí ghaolmhaireacht ghnó.
- AR 27. Ós rud é go bhféadfadh tionchair dhiúltacha ábhartha a dhéanann difear do phobail a tháinig chun cinn le linn na tréimhse tuairiscithe a a bheith bainteach freisin le heintitis nó le hoibríochtaí nach bhfuil smacht díreach ag an ngnóthas orthu, féadfaidh an gnóthas a nochtadh cé acu a fhéachann nó nach bhféachann sé lena ghíaráil a úsáid ina **chaidrimh** ghnó chun na tionchair sin a bhainistiú agus conas a fhéachann sé leis sin a dhéanamh. D'fhéadfaí a áireamh leis sin gearáil tráchtála a úsáid (mar shampla, ceanglais chonartha a fhorfheidhmiú le caidreamh gnó nó dreasachtaí a chur chun feidhme), cineálacha eile gearála laistigh den chaidreamh (amhail oiliúint nó fothú acmhainneachta maidir le cearta na bpobal dúchasach a chur ar fáil d'eintitis a bhfuil caidreamh gnó ag an ngnóthas leo) nó gearáil chomhoibríoch le piaraí nó le gníomhaithe eile (amhail tionscnaimh a bhfuil sé mar aidhm leo tionchair a bhaineann le slándáil ar phobail a íoslaghdú nó páirt a ghlacadh i gcomhpháirtíochtaí comhphobail cuideachtaí).
- AR 28. D'fhéadfadh tionchair ar phobail eascairt as ábhair chomhshaoil a nochtann an gnóthas faoi ESRS E1 go E5. Ar shamplaí tá:
- (a) ESRS E1 *Athrú aeráide*: Chun pleananna maolaithe don athrú aeráide a chur chun feidhme, féadfar a cheangal ar an ngnóthas infheistíocht a dhéanamh i dtionscadail fuinnimh in-athnuaite a d'fhéadfadh difear a dhéanamh do thailte, do chríocha agus d'acmhainní nádúrtha na bpobal dúchasach. Mura dtéann an gnóthas i gcomhairle leis na pobail dhúchasacha atá buailte, d'fhéadfadh tionchar diúltach a bheith aige ar chearta na bpobal lena mbaineann toiliú saor, feasach agus roimh ré a fháil;
  - (b) ESRS E2 *Truailliú*: D'fhéadfadh tionchar diúltach a bheith ag an ngnóthas ar phobail atá faoi thionchar diúltach toisc nach gcosnódh sé iad ar thruailliú ó shaoráid táirgthe ar leith is cúis le saincheisteanna a bhaineann leis an tsláinte;
  - (c) ESRS E3 *Uisce agus foinsí muirí*: D'fhéadfadh tionchar diúltach a bheith ag an ngnóthas ar rochtain ar uisce óil glan na bpobal agus uisce á tharraingt siar acu i limistéir ina bhfuil uisce faoi strus;

- (d) ESRs E4 Bithéagsúlacht agus éiceachórais: D'fhéadfadh tionchar diúltach a bheith ag an ngnóthas ar shlí bheatha na bhfeirmeoirí áitiúla trí oibríochtaí a dhéanann ithir a éilliú. I measc na samplaí eile tá séalú talún trí bhonneagar nua a thógáil, lena féidir deireadh a chur le speicis phlandaí atá ríthábhachtach do bhithéagsúlacht áitiúil, mar shampla, nó chun uisce a scagadh do phobail; nó tabhairt isteach speiceas ionrach (cibé acu plandaí nó ainmhithe) a d'fhéadfadh tionchar a imirt ar éiceachórais agus dochar a dhéanamh dá éis sin;
- (e) ESRS E5 *Úsáid Acmhainní agus an Geilleagar Ciorclach*: D'fhéadfadh tionchar diúltach a bheith ag an ngnóthas ar shaol na bpobal trí dhul i bhfeidhm ar a sláinte trí mhíbhainistiú dramhaíola guaisí.

I gcás ina dtugtar aghaidh ar an gceangal idir tionchair ar an gcomhshaol agus pobail áitiúla sna nochtáil laistigh de Cheanglais maidir le Nochtadh ESRS E1-E5, féadfaidh an gnóthas crostagairt a dhéanamh dóibh sin agus nochtáil den sórt sin a shainathint go soiléir.

- AR 29. Nuair a nochtfaidh an gnóthas a rannpháirtíocht i dtionscnamh tionscail nó i dtionscnamh ina bhfuil an iliomad páirtithe leasmhara mar chuid dá **ghníomhaíochtaí** chun aghaidh a thabhairt ar thionchair dhiúltacha ábhartha, féadfaidh an gnóthas a nochtadh conas atá an tionscnamh, agus a rannpháirtíocht féin, dírithe ar aghaidh a thabhairt ar an tionchar ábhartha lena mbaineann. Féadfaidh sé na **spriocanna** ábhartha a leagtar síos leis an tionscnamh a nochtadh faoi ESRS S3-5, chomh maith leis an dul chun cinn atá déanta ina leith.
- AR 30. Agus nochtadh á dhéanamh ag an ngnóthas maidir le cé acu a dhéanann sé nó nach ndéanann sé na tionchair iarbhír agus fhéideartha ar **phobail dá ndéantar difear** a mheas i gcinntí chun deireadh a chur le **caidrimh ghnó**, agus conas a dhéanann sé sin a mheas, agus cé acu a fhéachann nó nach bhféachann sé le dul i ngleic le haon tionchair dhiúltacha a d'fhéadfadh a bheith ina dtoradh ar fhoirceannadh, agus conas a fhéachann sé leis sin a dhéanamh, féadfaidh an gnóthas samplaí a chur san áireamh.
- AR 31. Agus é á nochtadh ag an ngnóthas conas a rianaíonn sé éifeachtacht na **ghníomhaíochtaí** chun tionchair ábhartha a bhainistiú le linn na tréimhse tuairiscithe, féadfaidh an gnóthas aon cheacht a foghlaimíodh ó na tréimhsí tuairiscithe roimhe sin agus ó na tréimhsí tuairiscithe reatha a nochtadh.
- AR 32. Is féidir a áireamh ar na próisis a úsáidtear chun éifeachtacht na **ghníomhaíochtaí** a rianú iniúchóireacht nó fíorú inmheánach nó seachtrach, imeachtaí cúirte agus/nó cinntí cúirte gaolmhara, measúnuithe tionchair, córais tomhais, aiseolas ó pháirtithe leasmhara, **sásraí casaoid**, rátálacha feidhmíochta seachtracha, agus tagarmharcáil.
- AR 33. Is é is aidhm don tuairisciú ar éifeachtacht tuiscint a fháil ar na naisc idir **ghníomhaíochtaí** a dhéanann an gnóthas agus bainistiú éifeachtach a dhéanamh ar thionchair.
- AR 34. Maidir le tionscnaimh nó próisis a bhfuil sé mar phríomhaidhm acu tionchair dhearfacha a chur ar fáil do phobail dá ndéantar difear atá bunaithe ar riachtanais na bpobal dá ndéantar difear, agus maidir leis an dul chun cinn i gcur chun feidhme na dtionscnamh nó na bpróiseas sin, féadfaidh an gnóthas an méid seo a leanas a nochtadh:
  - (a) faisnéis faoi cé acu atá nó nach bhfuil ról ag pobail agus ionadaithe dlisteanacha nó ag a n-ionadaithe inchreidte i gcinntí maidir le dearadh agus cur chun feidhme na n-infheistíochtaí nó na gclár sin agus an chaoi a bhfuil ról acu; agus
  - (b) faisnéis faoi na torthaí dearfacha a bhí beartaithe nó a bhain amach do na pobail a ndearnadh difear dóibh de bharr na n-infheistíochtaí nó na gclár sin.
  - (c) míniú ar neas-raon feidhme na **bpobal dá ndéantar difear** a chumhdaítear leis na cláir infheistíochta sóisialta nó **forbartha** a bhfuil tuairisc orthu, agus, i gcás inarb infheidhme, an réasúnaíocht is bun le leis an gcúis ar roghnaíodh pobail áirithe do chur chun feidhme cláir infheistíochta sóisialta nó forbartha ar leith.
- AR 35. Féadfaidh an gnóthas a nochtadh an bhfuil aon tionscnaimh nó próisis a bhfuil sé mar phríomhaidhm acu tionchair dhearfacha a bhaint amach do phobail a ndéantar difear dóibh ceaptha freisin chun tacú le ceann amháin nó níos mó de Spriocanna Forbartha Inbhuanaithe (SDGanna) na Náisiún Aontaithe a bhaint amach. Mar shampla, trí ghealltanais

a thabhairt SDG 5 na Náisiún Aontaithe a chur chun cinn chun “comhionannas inscne a bhaint amach agus mná agus cailíní uile a chumhachtú”, d’fhéadfadh sé go mbeadh bearta machnamhacha á ndéanamh ag an ngnóthas chun mná a áireamh sa phróiseas comhairliúcháin le pobal atá thíos leis chun caighdeán maidir le rannpháirtíocht éifeachtach geallsealbhóirí a chomhlíonadh, rud a d’fhéadfadh cabhrú le mná a chumhachtú sa phróiseas féin, ach ina saol laethúil freisin.

- AR 36. Agus torthaí dearfacha atá beartaithe nó bainte amach do **na pobail dá ndéantar difear** a bhí lena ghníomhaíochtaí á nochtadh ag an ngnóthas, ní mór idirdhealú a dhéanamh idir fianaise gur tharla gníomhaíochtaí áirithe (mar shampla, gur cuireadh **oiliúint** ar fáil don líon ban den phobal x maidir le conas a bheith ina **soláthróirí** áitiúla don ghnóthas) agus fianaise ar thorthaí iarbhir do **phobail dá ndéantar difear** (mar shampla, go bhfuil gnólachtaí beaga curtha ar bun ag an líon den phobal ar mná iad x agus go ndearnadh a gconradh leis an ngnóthas a athnuachan bliain ar bhliain).
- AR 37. Agus nochtadh á dhéanamh ag an ngnóthas maidir le cé acu atá nó nach bhfuil ról ag tionscnaimh nó próisis maidir le tionchair dhiúltacha ábhartha a mhaolú freisin, féadfaidh an gnóthas, mar shampla, breithniú a dhéanamh ar chláir arb é is aidhm dóibh feabhas a chur ar bhonneagar áitiúil máguaird oibríochtaí gnóthais, amhail feabhsuithe ar bhóithre, rud as a n-eascaíonn laghdú ar líon na dtionóiscí tromchúiseacha tráchta a bhfuil baill den phobal páirteach iontu.
- AR 38. Agus na rioscaí agus na deiseanna ábhartha a bhaineann le tionchair nó le **spleáchais** an ghnóthais ar phobail dá ndéantar difear á nochtadh, féadfaidh an gnóthas an méid seo a leanas a mheas:
- D’fhéadfadh sé go n-áireofaí ar na rioscaí a bhaineann le tionchair an ghnóthais ar na pobail a ndéantar difear dóibh nochtadh do chúlú nó nochtadh dlíthiúil, chomh maith le rioscaí oibríochtúla, i gcás ina ndéanann pobail a ndearnadh difear dóibh agóid in aghaidh athlonnaithe nó cailteanas rochtana ar thailte, rud a d’fhágfadh moilleanna costasacha, baghcatanna, nó cásanna dlí;
  - féadfar a áireamh ar na rioscaí a bhaineann le spleáchais an ghnóthais ar phobail dá ndéantar difear cur isteach ar oibríochtaí gnó i gcás ina gcinneann pobail dhúchasacha a dtoiliú le tionscadal ar a dtailte a tharraingt siar, ag cur iallach ar an ngnóthas an tionscadal a mhodhnú nó a thréigean go suntasach;
  - i measc na ndeiseanna gnó a bhaineann le tionchair an ghnóthais ar na pobail a ndéantar difear dóibh, d’fhéadfaí tionscadail a mhaoiniú ar bhealach níos éasca agus a bheith ina chomhpháirtí rogha do phobail, do rialtais agus do gnólachtaí eile; agus
  - i measc na ndeiseanna a bhaineann le spleáchais an ghnóthais ar phobail atá buailte, d’fhéadfaí caidrimh dhearfacha a fhorbairt idir an gnóthas agus pobail dhúchasacha a chuireann ar chumas tionscadal atá ann cheana leathnú le tacaíocht láidir.
- AR 39. Agus an fhaisnéis in AR 41 á nochtadh aige, féadfaidh an gnóthas mínithe ar rioscaí agus deiseanna a eascraíonn as tionchair chomhshaoil nó as spleáchais a mheas (féach ar AR 31 le haghaidh tuilleadh sonraí), lena n-áirítear tionchair ghaolmhara ar chearta an duine (nó ar an tionchar sóisialta). Ar shamplaí tá rioscaí clú a eascraíonn as an tionchar a bhíonn ag sceitheadh truailithe neamhbhainistithe ar shláinte na bpobal; nó éifeachtaí airgeadais agóidí a d’fhéadfadh cur isteach ar ghníomhaíochtaí gnóthais nó cur isteach orthu, mar shampla, mar fhreagairt ar oibríochtaí i limistéir ina bhfuil béim ar uisce a d’fhéadfadh tionchar a imirt ar shaol na bpobal atá buailte.
- AR 40. Agus nochtadh á dhéanamh ag an gnóthas cé acu a n-athraíonn nó nach n-athraíonn **spleáchais** ina rioscaí, déanfaidh sé forbairtí seachtracha a mheas.
- AR 41. Agus beartais, gníomhaíocht agus acmhainní agus **spriocanna** a bhaineann le bainistiú rioscaí agus deiseanna ábhartha á nochtadh ag an ngnóthas, i gcásanna ina n-eascaíonn rioscaí agus deiseanna as tionchar ábhartha, féadfaidh an gnóthas crostagairt a dhéanamh dá nochtuithe maidir le beartais, gníomhaíochtaí agus acmhainní agus spriocanna i ndáil leis an tionchar sin.
- AR 42. Déanfaidh an gnóthas breithniú i dtaobh cé acu atá nó nach bhfuil a phróisis chun rioscaí ábhartha a bhaineann le **pobail dá ndéantar difear** a bhainistiú comhtháite ina phróisis

bainistithe riosca atá ann cheana, agus conas atá siad comhtháite iontu.

AR 43. Agus na hacmhainní a leithdháiltear ar bhainistiú tionchar ábhartha á nochtadh aige, féadfaidh an gnóthas a nochtadh cé na feidhmeanna inmheánacha atá bainteach le bainistiú na dtionchar agus cé na cineálacha gníomhaíochta a dhéanann siad chun aghaidh a thabhairt ar thionchair dhiúltacha agus tionchair dhearfacha a chur chun cinn.

### **Méadracht agus spriocanna**

#### ***Ceanglas maidir le Nochtadh S3-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú***

---

AR 44. Agus faisnéis maidir le **spriocanna** á nochtadh ag an ngnóthas i gcomhréir le mír 38, féadfaidh sé an méid seo a leanas a nochtadh:

- (a) na torthaí beartaithe atá le baint amach le linn saolré na bpobal dá ndéantar difear, ar an mbealach is sonraí agus is féidir;
- (b) cobhsaíocht na **spriocanna** le himeacht ama i dtéarmaí sainmhínithe agus modheolaíochtaí chun inchomparáideacht a chumasú le himeacht ama;
- (c) na caighdeáin nó na gealltanais a bhfuil na spriocanna bunaithe orthu (mar shampla cóid iompair, beartais foinsithe, creataí domhanda nó cóid tionscail).

AR 45. D'fhéadfadh **spriocanna** a bhaineann le **rioscaí** agus **deiseanna** ábhartha a bheith mar an gcéanna le spriocanna a bhaineann le **tionchair** ábhartha nó éagsúil leo. Mar shampla, dá mbeadh sprioc ann slite beatha na bpobal lena mbaineann a athbhunú go hiomlán tar éis an athlonnaithe, d'fhéadfaí an tionchar ar na pobail sin a laghdú agus rioscaí gaolmhara amhail agóidí pobail a laghdú.

AR 46. Féadfaidh an gnóthas idirdhealú a dhéanamh freisin idir **spriocanna** gearrthéarmacha, meántéarmacha agus fadtéarmacha lena gcumhdaítear an gealltanais **beartais** céanna. Mar shampla, d'fhéadfadh sé go mbeadh sé mar phríomhchuspóir ag an ngnóthas baill den phobal a fhostú ag láithreán mianadóireachta áitiúil, agus é mar sprioc fhadtéarmach aige foireann a chur ar fáil 100 % go háitiúil faoi 2025, agus é mar chuspóir gearrthéarmach x faoin gcéad d'fhostaithe áitiúla a chur leis gach bliain suas go dtí 2025.

AR 47. Agus sprioc á modhnú nó á hionadú ag an ngnóthas sa tréimhse tuairiscithe, féadfaidh an gnóthas an t-athrú a mhíniú ach é a nascadh le hathruithe móra ar an tsamhail ghnó nó le hathruithe níos leithne ar an gcaighdeán nó ar an reachtaíocht a bhfuil glacadh leo as a ndíorthaítear an sprioc chun faisnéis chomhthéacsúil a sholáthar, de réir ESRS 2 BP-2 Nochtaí i ndáil le himthosca sonracha.

## **ESRS S4**

### **TOMHALTÓIRÍ AGUS ÚSÁIDEOIRÍ DEIRIDH**

#### **Clár ábhar**

---

##### **Cuspóir**

##### **Idirghníomhaíocht le ESRS eile**

##### **Ceanglais maidir le Nochtadh**

- **ESRS 2 Nochtaí Ginearálta**

##### **Straitéis**

- **Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara**
- **Ceanglas maidir le Nochtadh a bhaineann le ESRS 2 SBM-3 – Tionchair, rioscaí**

agus deiseanna ábhartha agus a n- idirghníomhaíocht le straitéis agus samhail ghnó

**Bainistiú tionchar, rioscaí agus deiseanna**

- Ceanglas maidir le Nochtadh S4-1 – Beartais a bhaineann le tomhaltóirí agus úsáideoirí deiridh
- Ceanglas maidir le Nochtadh S4-2 – Próisis rannpháirtíochta le tomhaltóirí agus úsáideoirí deiridh maidir le tionchair
- Ceanglas maidir le Nochtadh S4-3 – Próisis chun tionchair dhiúltacha a leigheas agus bealaí ar féidir le tomhaltóirí agus úsáideoirí deiridh ábhair inní a chur in iúl
- Ceanglas maidir le Nochtadh S4-4 – Gníomhaíocht a dhéanamh maidir le tionchair ábhartha ar thomhaltóirí agus úsáideoirí deiridh, agus cineálacha cur chuige chun rioscaí ábhartha a bhainistiú agus deiseanna ábhartha a shaothrú, ar rioscaí agus deiseanna iad a bhaineann le tomhaltóirí agus úsáideoirí deiridh, agus éifeachtacht na ngníomhaíochtaí agus na gcur chuige sin

**Méadracht agus spriocanna**

- Ceanglas maidir le Nochtadh S4-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú

Foscraibhinn A: Ceanglais maidir le Cur i bhFeidhm

- Cuspóir
- ESRS 2 Nochtaí ginearálta

**Straitéis**

- Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara
- Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó

**Bainistiú tionchar, rioscaí agus deiseanna**

- Ceanglas maidir le Nochtadh S4-1 – Beartais a bhaineann le tomhaltóirí agus úsáideoirí deiridh
- Ceanglas maidir le Nochtadh S4-2 – Próisis rannpháirtíochta le tomhaltóirí agus úsáideoirí deiridh maidir le tionchair
- Ceanglas maidir le Nochtadh S4-3 – Próisis chun tionchair dhiúltacha a leigheas agus bealaí ar féidir le tomhaltóirí agus úsáideoirí deiridh ábhair inní a chur in iúl
- Ceanglas maidir le Nochtadh S4-4 – Gníomhaíocht a dhéanamh maidir le tionchair ábhartha, agus cineálacha cur chuige chun rioscaí ábhartha a mhaolú agus deiseanna ábhartha a shaothrú, ar rioscaí agus deiseanna iad a bhaineann le tomhaltóirí agus úsáideoirí deiridh, agus éifeachtacht na ngníomhaíochtaí agus na gcur chuige sin

**Méadracht agus spriocanna**

- Ceanglas maidir le Nochtadh S4-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú

## Cuspóir

1. Is é is cuspóir don Chaighdeán seo ceanglais maidir le nochtadh a shonrú, ar ceanglais iad lena gcuirfear ar a gcumas **d'úsáideoirí an ráitis inbhuanaitheachta** tionchair ábhartha ar **thomhaltóirí** agus **úsáideoirí deiridh** a bhfuil baint acu le hoibríochtaí an ghnóthais féin agus leis an slabhra luacha a thuiscint, lena n-áirítear trína tháirgí nó trína sheirbhísí, agus trína **chaidrimh ghnó**, agus na rioscaí agus deiseanna ábhartha gaolmhara a bhaineann leo, lena n-áirítear an méid seo a leanas:
  - (a) an chaoi a ndéanann an gnóthas difear do thomhaltóirí agus/nó d'úsáideoirí deiridh a

tháirgí agus/nó a sheirbhísí (dá dtagraítear sa Chaighdeán seo mar ‘tomhaltóirí agus úsáideoirí deiridh’), ó thaobh tionchair dhearfacha agus dhiúltacha ábhartha iarbhir nó ionchasacha;

- (b) aon **ghníomhaíochtaí** a rinneadh, agus toradh na ngníomhaíochtaí sin, chun tionchair dhiúltacha iarbhir nó fhéideartha a chosc, a mhaolú nó a leigheas, agus chun aghaidh a thabhairt ar rioscaí agus deiseanna;
  - (c) nádúr, cineál agus méid rioscaí agus deiseanna ábhartha an ghnóthais a bhaineann lena thionchair agus lena **spleáchais** ar thomhaltóirí agus ar úsáideoirí deiridh, agus conas a bhainistíonn an gnóthas na rioscaí agus na deiseanna sin; agus
  - (d) na **héifeachtaí airgeadais** ar an ngnóthas a bhaineann le rioscaí agus na deiseanna ábhartha thar na sa ghearrthéarma, sa mheántéarma agus san fhadtéarma a eascraíonn as tionchair agus as spleáchais an ghnóthais ar thomhaltóirí agus/nó ar úsáideoirí deiridh.
2. Chun an cuspóir a bhaint amach, leis an gCaighdeán seo éilítear míniú ar an gcur chuige ginearálta a ghlacann an gnóthas chun aon tionchar ábhartha iarbhir agus féideartha ar **thomhaltóirí** agus/nó ar **úsáideoirí deiridh** a bhaineann lena tháirgí agus/nó lena sheirbhísí a shainiú agus a bhainistiú i ndáil leis an méid seo a leanas:
- (a) tionchair a bhaineann le faisnéis ar thomhaltóirí agus/nó ar úsáideoirí deiridh (mar shampla, príobháideacht, saoirse chun tuairimí a nochtadh agus rochtain ar fhaisnéis (cáilíocht));
  - (b) sábháilteacht phearsanta tomhaltóirí agus/nó úsáideoirí deiridh (sláinte agus sábháilteacht, slándáil duine agus cosaint leanaí, mar shampla);
  - (c) cuimsiú sóisialta tomhaltóirí agus/nó úsáideoirí deiridh (mar shampla, neamhidirdhealú, rochtain ar tháirgí agus ar sheirbhísí agus cleachtais mhargaíochta fhreagracha).
3. Ceanglaítear leis an gCaighdeán seo freisin míniú a thabhairt ar an gcaoi ar féidir le tionchair den sórt sin, chomh maith le spleáchais an ghnóthais ar thomhaltóirí agus/nó ar úsáideoirí deiridh, rioscaí nó deiseanna ábhartha a chruthú don ghnóthas. Mar shampla, is féidir le tionchair dhiúltacha ar chúl tháirgí agus/nó sheirbhísí an ghnóthais dochar a dhéanamh dá fheidhmíocht ghnó, agus d’fhéadfadh tairbhí gnó a bheith mar thoradh ar iontaobh as táirgí agus/nó seirbhísí, amhail díolacháin mhéadaithe nó leathnú an bhoinn tomhaltóirí a bheidh ann amach anseo.
4. Ní thagann úsáid neamhdhleathach nó mí-úsáid táirgí agus seirbhísí an ghnóthais a dhéanann **tomhaltóirí** agus **úsáideoirí deiridh** faoi raon feidhme an chaighdeáin seo.

## Idirghníomhaíocht le ESRS eile

---

5. Tá feidhm ag an gcaighdeán sin nuair a shainiúnaítear **tionchair** ábhartha ar thomhaltóirí agus/nó úsáideoirí deiridh agus/nó **rioscaí** agus **deiseanna** ábhartha maidir leo tríd an bpróiseas measúnaithe **ábharthachta** a leagtar amach in ESRS 2 *Nochtuithe ginearálta*.
6. Léifear an Caighdeán seo i gcomhar le ceanglais ghinearálta ESRS 1, agus ESRS 2, chomh maith le lucht saothair ESRS S1 Féin, Oibríthe ESRS S2 sa slabhra luacha agus pobail a bhfuil éifeacht orthu ESRS S3.

## Ceanglais maidir le Nochtadh

---

### ESRS 2 Nochtaí Ginearálta

7. Ba cheart ceanglais na roinne seo a léamh i gcomhar leis na nochtaí a cheanglaítear le ESRS 2 maidir le Straitéis (SBM). Déanfar na nochtaí a thiocfaidh as sin a chur i láthair in éineacht leis na nochtaí a cheanglaítear le ESRS 2, cé is moite de SBM-3 *Tionchair, rioscaí agus deiseanna ábhartha agus a n-idirghníomhaíocht le straitéis agus samhail ghnó*, a bhfuil sé de rogha ag an ngnóthas nochtaí a chur i láthair ina leith in éineacht leis an nochtadh

topaicshonrach.

### **Straitéis**

#### ***Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara***

---

8. Agus é ag freagairt do ESRS 2 SBM-2, mír 43, nochtfaidh an gnóthas conas a dhéanfaidh leasanna, tuairimí agus cearta a thomhaltóirí agus/nó úsáideoirí deiridh, lena n-áirítear urraim do chearta an duine, a straitéis agus a shamhail ghnó a chur ar an eolas. Is grúpa tábhachtach páirtithe leasmhara lena mbaineann iad tomhaltóirí agus/nó úsáideoirí deiridh.

#### ***Ceanglas maidir le Nochtadh a bhaineann le ESRS 2 SBM-3 – Tionchair, rioscaí agus deiseanna ábhartha agus a n- idirghníomhaíocht le straitéis agus samhail ghnó***

---

9. Agus an gnóthas ag freagairt do ESRS 2 SBM-3 mír 48, nochtfaidh sé an méid seo a leanas:
- (a) maidir leis na **tionchair** iarbhir agus fhéideartha ar **thomhaltóirí** agus/nó **úsáideoirí deiridh** mar a saináithníodh sna Ceanglais maidir le Nochtadh ESRS 2 IRO-1 *Tuairisc ar na próisis chun tionchair, rioscaí agus deiseanna ábhartha a shaináithint agus a mheasúnú*, cé acu is fíor nó nach fíor an méid seo a leanas, agus conas atá sé sin amhlaidh: (i) gur de thionscnamh straitéis agusshamlacha gnó an ghnóthais iad nó go bhfuil baint acu leo, agus (ii) straitéis agus samhail ghnó an ghnóthais a chur ar an eolas agus rannchuidiú lena oiriúnú, agus
  - (b) an gaol idir na rioscaí agus na deiseanna ábhartha a bhaineann leis a eascraíonn as tionchair agus as spleáchais ar thomhaltóirí agus/nó ar úsáideoirí deiridh agus as a straitéis agus a shamhail ghnó.
10. Agus ceanglais mhír 48 á gcomhlíonadh aige, nochtfaidh an gnóthas an bhfuil na tomhaltóirí agus/nó na húsáideoirí deiridh uile ar dócha go mbeidh tionchar ábhartha ag an ngnóthas orthu, lena n-áirítear tionchair a bhaineann le hoibríochtaí an ghnóthais féin agus leis an slabhra luacha, lena n-áirítear trína tháirgí nó trína sheirbhísí, agus trína chaidreamh gnó, san áireamh i raon feidhme a nochtfaidh faoi ESRS 2. Thairis sin, nochtfaidh an gnóthas an fhaisnéis seo a leanas:
- (a) tuairisc ghearr ar na cineálacha tomhaltóirí agus/nó úsáideoirí deiridh atá faoi réir tionchair ábhartha de dhroim a oibríochtaí dílse nó trína shlabhra luacha, agus sonrúidh sé cé acu:
    - i. tomhaltóirí agus/nó úsáideoirí deiridh táirgí atá díobhálach do dhaoine go bunúsach agus/nó a mhéadaíonn rioscaí maidir le galar ainsealach;
    - ii. tomhaltóirí agus/nó úsáideoirí deiridh seirbhísí a d'fhéadfadh tionchar diúltach a imirt ar a gcearta chun príobháideachais, chun a sonraí pearsanta a chosaint, chun saoirse chun tuairimí a nochtadh agus chun neamh-idirdhealaithe;
    - iii. tomhaltóirí agus/nó úsáideoirí deiridh a bhraitheann ar fhaisnéis chruinn agus inrochtana maidir le táirgí nó seirbhísí, amhail lámhleabhair agus lipéid táirgí, le nach mbainfidh siad úsáid as táirge nó seirbhís ar bhealach a d'fhéadfadh a bheith díobhálach;
    - iv. tomhaltóirí agus/nó úsáideoirí deiridh atá leochaileach go háirithe maidir le tionchair sláinte nó phríobháideachais, nó tionchair a bheadh ag straitéisí margaíochta, amhail leanaí nó daoine atá leochaileach ó thaobh airgeadais de;
  - (b) i gcás tionchair dhiúltacha ábhartha, cibé an bhfuil siad (i) forleathan nó sistéamach i gcomhthéacsanna ina ndíolann nó ina soláthraíonn an gnóthas a tháirgí nó a sheirbhísí (mar shampla, faireachas stáit a dhéanann difear do phríobháideacht úsáideoirí seirbhíse), nó (ii) a bhaineann le teagmhais aonair (mar shampla, fabht atá nasctha le táirge ar leith) nó le caidrimh ghnó shonracha (mar shampla, úsáideann comhpháirtí gnó margaíocht a dhíríonn go míchuí ar thomhaltóirí óga);

- (c) i gcás tionchair dhearfacha ábhartha, tuairisc ghairid ar na gníomhaíochtaí a mbíonn tionchar dearfach acu (mar shampla, dearadh táirgí a fheabhsaíonn a inrochtaineacht do dhaoine faoi mhíchumas) agus ar na cineálacha tomhaltóirí agus/nó úsáideoirí deiridh a ndéantar difear dearfach dóibh nó a bhféadfaí difear dearfach a dhéanamh dóibh; féadfaidh an gnóthas a nochtadh freisin an dtarlaíonn na tionchair dhearfacha i dtíortha sonracha nó i réigiúin shonracha; agus
  - (d) aon riosca agus deis ábhartha don gnólacht a eascraíonn as tionchair agus spleáchais ar thomhaltóirí agus/nó úsáideoirí deiridh.
11. Agus cur síos á dhéanamh aige ar na príomhchineálacha tomhaltóirí agus/nó úsáideoirí deiridh a bhfuil nó a bhféadfaí tionchar diúltach a imirt orthu, bunaithe ar an measúnú ábharthachta a leagtar amach in ESRS 2 IRO-1, nochtfaidh an gnóthas cibé ar fhorbair sé tuiscint agus conas a d'fhorbair sé tuiscint ar conas a d'fhéadfadh tomhaltóirí agus/nó úsáideoirí deiridh a bhfuil saintréithe ar leith acu, nó iad siúd a úsáideann táirgí nó seirbhísí áirithe, a bheith i mbaol níos mó díobhála agus conas a d'fhorbair sé í.
  12. Nochtfaidh an gnóthas cé na rioscaí agus na deiseanna ábhartha a bhaineann leis, más ann dóibh, a eascraíonn as tionchair agus as spleáchais ar thomhaltóirí agus/nó ar úsáideoirí deiridh, a bhaineann le grúpaí sonracha tomhaltóirí agus/nó úsáideoirí deiridh (mar shampla, aoisghrúpaí áirithe) seachas le gach tomhaltóir agus/nó úsáideoir deiridh.

### **Bainistiú tionchar, rioscaí agus deiseanna**

#### **Ceanglas maidir le Nochtadh S4-1 – Beartais a bhaineann le tomhaltóirí agus úsáideoirí deiridh**

13. Tabharfaidh an gnóthas tuairisc ar a bheartais arna nglacadh chun bainistiú a dhéanamh ar a thionchair ábhartha a tháirgí agus/nó a sheirbhísí ar thomhaltóirí agus ar úsáideoirí deiridh, chomh maith le rioscaí agus deiseanna ábhartha gaolmhara.
14. Is é is cuspóir don Cheanglas maidir le Nochtadh seo tuiscint a chumasú ar a mhéid atá beartais ag an ngnóthas lena dtugtar aghaidh ar shainathint, measúnú, bainistiú agus/nó **feabhsú** na **dtionchar** ábhartha ar **thomhaltóirí** agus/nó ar **úsáideoirí deiridh** go sonrach, chomh maith le beartais lena gcumhdaítear rioscaí nó deiseanna ábhartha a bhaineann le tomhaltóirí agus/nó le húsáideoirí deiridh.
15. Beidh sa nochtadh a cheanglaítear le mír 13 an fhaisnéis faoi bheartais an ghnóthais chun a thionchair ábhartha, a rioscaí agus a dheiseanna a bhaineann le tomhaltóirí agus/nó le húsáideoirí deiridh a bhainistiú i gcomhréir le Beartais ESRS 2 MDR-P arna nglacadh chun ábhair inbhuanaitheachta ábhartha a bhainistiú. Ina theannta sin, sonródh an gnóthas cé acu grúpaí sonracha nó na tomhaltóirí agus/nó úsáideoirí deiridh uile a chumhdaítear leis na beartais sin.
16. Tabharfaidh an gnóthas tuairisc ar a ghealltanais<sup>123</sup> bheartais maidir le cearta an duine atá ábhartha do thomhaltóirí agus/nó d'úsáideoirí deiridh, lena n-áirítear na próisis agus na sásraí sin chun faireachán a dhéanamh ar chomhlíonadh Phrionsabail Threoracha na Náisiún Aontaithe maidir le Gnó agus Cearta an Duine, Dearbhú EIS maidir le Prionsabail Bhunúsacha agus Cearta Bunúsacha ag an Obair nó Treoirlínte ECFE d'Fhiontair Innáisiúnta. Díreoidh sé, ina nochtadh, ar na hábhair sin atá ábhartha i ndáil leis an méid seo a leanas, chomh maith lena chur chuige ginearálta maidir leis an méid seo a leanas<sup>124</sup>:

<sup>123</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann le drochthionchair phríomha mar a leagtar amach le táscaire #9 i dTábla III d'larscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe ('Easpa beartais um chearta an duine').

<sup>124</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 mar gur eascair sí as táscaire sainordaitheach a bhaineann le drochthionchair phríomha mar a leagtar amach le

- (a) cosaint agus urramú do chearta daonna tomhaltóirí agus/nó úsáideoirí deiridh;
  - (b) rannpháirtíocht le tomhaltóirí agus/nó úsáideoirí deiridh; agus
  - (c) bearta chun **leigheas** ar thionchair ar chearta an duine a chur ar fáil agus/nó a chumasú.
17. Nochtfaidh an gnóthas an bhfuil a bheartais maidir le tomhaltóirí agus/nó úsáideoirí deiridh ailínithe agus conas atá siad ailínithe le hionstraimí a aithnítear go hidirnáisiúnta agus atá ábhartha do thomhaltóirí agus/nó d'úsáideoirí deiridh, lena n-áirítear Prionsabail Threoracha na Náisiún Aontaithe (NA) maidir le Gnó agus Cearta an Duine. Nochtfaidh an gnóthas freisin a mhéid a tuairiscíodh cásanna nach n-urramaítear Prionsabail Threoracha na Náisiún Aontaithe maidir le Gnó agus Cearta an Duine, Dearbhú EIS maidir le Prionsabail Bhunúsacha agus Cearta Bunúsacha ag an Obair nó Treoirínte ECFE d'Fhiontair Innáisiúnta a bhfuil baint ag tomhaltóirí agus/nó úsáideoirí deiridh leo ina shlabhra luacha iarteachtach agus, más infheidhme, léiriú ar chineál na gcásanna sin<sup>125</sup>.

### **Ceanglas maidir le Nochtadh S4-2 – Próisis rannpháirtíochta le tomhaltóirí agus úsáideoirí deiridh maidir le tionchair**

18. Nochtfaidh an gnóthas a phróisis ghinearálta chun teagmháil a dhéanamh le tomhaltóirí agus le húsáideoirí deiridh agus lena n-ionadaithe faoi na tionchair iarbhir agus na tionchair a d'fhéadfadh a bheith acu orthu.
19. Is é is cuspóir don Cheanglas maidir le Nochtadh seo tuiscint a chumasú maidir le cé acu a dhéanann nó nach ndéanann an gnóthas rannpháirtíocht, mar chuid dá phróiseas leanúnach díchill chuí, le **tomhaltóirí** agus/nó le **húsáideoirí deiridh**, lena n-ionadaithe dlísteanacha, nó le **hionadaithe inchreidte**, agus conas a dhéanann sé sin, maidir le tionchair ábhartha iarbhir agus fhéideartha dhearfacha agus/nó dhiúltacha a dhéanann difear dóibh nó ar dócha go ndéanfaidh siad difear dóibh, agus cé acu a chuirtear nó nach gcuirtear peirspictíochtaí tomhaltóirí agus/nó úsáideoirí deiridh san áireamh i bpróisis chinnteoireachta an ghnóthais agus conas a dhéantar sin.
20. Nochtfaidh an gnóthas cibé acu a bheidh nó nach mbeidh peirspictíochtaí na dtomhaltóirí agus/nó na n-úsáideoirí deiridh mar bhonn eolais dá chinntí nó dá ghníomhaíochtaí arb é is aidhm dóibh tionchair iarbhir agus fhéideartha ar thomhaltóirí agus/nó ar úsáideoirí deiridh a bhainistiú agus nochtfaidh sé conas iad. Áireofar leis sin, i gcás inarb ábhartha, míniú ar an méid seo a leanas:
- (a) cé acu a dhéantar nó nach ndéantar rannpháirtíocht go díreach le tomhaltóirí a ndearnadh difear dóibh/úsáideoirí deiridh, nó lena **n-ionadaithe dlísteanacha**, nó le **hionadaithe inchreidte** a bhfuil léargas acu ar a staid;
  - (b) an chéim (na céimeanna) ag a dtarlaíonn an rannpháirtíocht, an cineál rannpháirtíochta agus minicíocht na rannpháirtíochta;
  - (c) an fheidhm agus an ról is sinsearaí sa ghnóthas ag a bhfuil freagracht oibríochtuil as a áirithiú go dtarlaíonn an rannpháirtíocht sin agus go dtugann na torthaí bonn eolais do chur chuige an ghnóthais; agus
  - (d) i gcás inarb infheidhme, conas a dhéanann an gnóthas measúnú ar éifeachtacht a

táscaire #11 i dTábla I d'larscríbhinn I a ghabhann leis an Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfeistíochtaí inbhuanaithe.

<sup>125</sup> Tacaíonn an fhaisnéis sin le riachtanais faisnéise na ngrúpaí seo a leanas: rannpháirtithe sa mhargadh airgeadais atá faoi réir Rialachán (AE) 2019/2088 toisc go ndíorthaítear é ó tháscaire éigeantach a bhaineann le drochthionchair phríomha mar a leagtar amach le táscaire #10 i dTábla I d'larscríbhinn I a ghabhann le Rialachán Tarmligthe (AE) 2022/1288 ón gCoimisiún a mhéid a bhaineann le rialacha nochtadh i ndáil le hinfeistíochtaí inbhuanaithe ("Forluithe phrionsabail Chomhshocrú Domhanda na Náisiún Aontaithe agus Treoirínte na hEagraíochta um Chomhar agus Forbairt Eacnamaíochta (ECFE) d'Fhiontair Innáisiúnta"); agus riarthóirí tagarmharcanna chun tosca ESG a nochtadh faoi réir Rialachán (AE) 2020/1816 mar a leagtar amach le táscaire 'An líon comhpháirteanna tagarmhairc atá faoi réir sárúithe sóisialta (dearbhuimhir agus coibhneasta arna roinnt ar gach comhpháirt tagarmharcanna), dá dtagraítear i gconarthaí agus coinbhinsiúin idirnáisiúnta, i bprionsabail na Náisiún Aontaithe agus, i gcás inarb infheidhme, sa dlí náisiúnta' i ranna 1 agus 2 d'larscríbhinn II.

rannpháirtíochta le tomhaltóirí agus/nó le húsáideoirí deiridh, agus, i gcás inarb ábhartha, ar aon chomhaontuithe nó torthaí a eascraíonn as an rannpháirtíocht sin.

21. I gcás inarb infheidhme, nochtfaidh an gnóthas na bearta a dhéanfaidh sé chun léargas a fháil ar pheirspictíochtaí na dtomhaltóirí agus/nó na n-úsáideoirí deiridh a d'fhéadfadh a bheith an-leochaileach i leith tionchair agus/nó imeallaithe (mar shampla, daoine faoi mhíchumas, leanaí, etc.).
22. Mura féidir leis an ngnóthas an fhaisnéis a cheanglaítear thuas a nochtadh toisc nár ghlac sé próiseas ginearálta chun rannpháirtíocht a dhéanamh le **tomhaltóirí** agus/nó **úsáideoirí deiridh**, nochtfaidh sé gurb amhlaidh an cás. Féadfaidh sé tráthchlár a nochtadh faoina bhfuil sé ag féachaint le próiseas den sórt sin a bheith i bhfeidhm.

### **Ceanglas maidir le Nochtadh S4-3 – Próisis chun tionchair dhiúltacha a leigheas agus bealaí ar féidir le tomhaltóirí agus úsáideoirí deiridh ábhair inní a chur in iúl**

23. Tabharfaidh an gnóthas tuairisc ar na próisis atá i bhfeidhm aige chun foráil a dhéanamh maidir leis na tionchair dhiúltacha ar thomhaltóirí agus ar úsáideoirí deiridh a bhfuil baint ag an ngnóthas leo a fheabhsú nó chun comhoibriú lena leigheas, chomh maith leis na bealaí atá ar fáil do thomhaltóirí agus d'úsáideoirí deiridh chun ábhair inní a ardú agus tabharfar aghaidh orthu.
24. Is é is cuspóir don Cheanglas maidir le Nochtadh seo tuiscint a chumasú ar na modhanna foirmiúla trínar féidir le **tomhaltóirí** agus/nó **úsáideoirí deiridh** a n-ímní agus a riachtanais a chur in iúl go díreach don ghnóthas, agus/nó trína dtacaíonn an gnóthas le hinfhaighteacht bealaí den sórt sin (mar shampla, **sásraí casaoide**) trína chaidreamh gnó, conas a dhéantar obair leantach leis na tomhaltóirí agus/nó leis na húsáideoirí deiridh sin maidir leis na saincheisteanna a tarraingíodh suas, agus éifeachtacht na mbealaí sin.
25. Tabharfaidh an gnóthas tuairisc ar an méid seo a leanas:
  - (a) a chur chuige ginearálta maidir le leigheas agus na próisis atá aige chun leigheas a sholáthar nó rannchuidiú leis i gcás inar shaináithin sé gur chúis é le tionchar diúltach ábhartha ar thomhaltóirí agus/nó ar úsáideoirí deiridh nó gur rannchuidigh sé leis an tionchar sin, lena n-áirítear an measann an gnóthas go bhfuil an leigheas a cuireadh ar fáil éifeachtach agus conas a mheasann sé é;
  - (b) aon bhealach sonrath atá i bhfeidhm aige chun go gcuirfidh tomhaltóirí agus/nó úsáideoirí deiridh a n-ábhair inní nó a riachtanais in iúl go díreach don ghnóthas agus chun go dtabharfar aghaidh orthu, lena n-áirítear cé acu a bhunaíonn nó nach mbunaíonn an gnóthas féin iad agus/nó a bhunaítear nó nach mbunaítear trí rannpháirtíocht i sásraí tríú páirtí iad;
  - (c) na próisis trína dtacaíonn nó trína n-éilíonn an gnóthas infhaighteacht na mbealaí sin trína chaidrimh ghnó; agus
  - (d) an chaoi a rianaítear agus a ndéanann sé faireachán ar shaincheisteanna a tarraingíodh suas agus ar tugadh aghaidh orthu, agus conas a áiríthíonn sé éifeachtacht na mbealaí, é san áireamh trí rannpháirtíocht **páirtithe leasmhara** arb iad na húsáideoirí beartaithe iad.
26. Nochtfaidh an gnóthas cibé acu a mheasann sé, agus conas a mheasann sé, go bhfuil tomhaltóirí agus/nó úsáideoirí deiridh ar an eolas faoi na struchtúir nó na próisis sin agus go bhfuil muinín acu astu mar bhealach chun a n-ábhair inní nó a riachtanais a ardú agus tabharfaidh sé aghaidh orthu. Ina theannta sin, nochtfaidh an gnóthas an bhfuil beartais i bhfeidhm aige chun daoine aonair a chosaint ar fhrithbheart nuair a úsáideann siad struchtúir nó próisis den sórt sin. Má nochtadh an fhaisnéis sin i gcomhréir le ESRG G1-1, féadfaidh an gnóthas tagairt a dhéanamh don fhaisnéis sin.
27. Mura féidir leis an ngnóthas an fhaisnéis a cheanglaítear thuas a nochtadh toisc nár ghlac sé bealach chun ábhair inní a chur in iúl agus/nó toisc nach dtacaíonn sé le sásraí a bheith ar fáil lena ghaolmhaireachtaí gnó, nochtfaidh sé gurb amhlaidh an cás. Féadfaidh sé tráthchlár a nochtadh faoina bhfuil sé ag féachaint le bealach nó próisis den sórt sin a bheith i

bhfeidhm.

***Ceanglas maidir le Nochtadh S4-4 – Gníomhaíocht a dhéanamh maidir le tionchair ábhartha ar thomhaltóirí agus úsáideoirí deiridh, agus cineálacha cur chuige chun rioscaí ábhartha a mhaolú agus deiseanna ábhartha a shaothrú, ar rioscaí agus deiseanna iad a bhaineann le tomhaltóirí agus úsáideoirí deiridh, agus éifeachtacht na ngníomhaíochtaí agus na gcur chuige sin***

---

28. Nochtfaidh an gnóthas conas a dhéanann sé beart chun aghaidh a thabhairt ar thionchair ábhartha ar thomhaltóirí agus ar úsáideoirí deiridh, agus chun rioscaí ábhartha a bhainistiú agus deiseanna ábhartha a shaothrú a bhaineann le tomhaltóirí agus úsáideoirí deiridh, agus éifeachtacht na ngníomhaíochtaí sin.
29. Tá dhá chuspóir ag an gCeanglas seo maidir le Nochtadh. Ar an gcéad dul síos, tá sé chun tuiscint a thabhairt ar aon **ghníomhaíochtaí** agus tionscnaimh trína bhféachann an gnóthas leis an méid seo a leanas a dhéanamh:
- (a) na tionchair dhiúltacha ábhartha ar thomhaltóirí agus/nó ar úsáideoirí deiridh a chosc, a mhaolú agus a leigheas, agus/nó
  - (b) tionchair dhearfacha ábhartha a bhaint amach do thomhaltóirí agus/nó d'úsáideoirí deiridh.

Ar an dara dul síos, beifear in ann tuiscint a fháil ar na bealaí ina bhfuil an gnóthas ag dul i ngleic leis na rioscaí ábhartha agus na deiseanna ábhartha a bhaineann le tomhaltóirí agus/nó le húsáideoirí deiridh a shaothrú.

30. Soláthróidh an gnóthas tuairisc achomair ar na pleananna gníomhaíochta agus ar na hacmhainní chun a thionchair, a rioscaí agus a dheiseanna ábhartha a bhaineann le **tomhaltóirí** agus le **húsáideoirí deiridh** a bhainistiú de réir ESRS 2 MDR-A *Gníomhaíochtaí agus acmhainní i ndáil le hábhair inbhuanaitheachta*.
31. I ndáil le tionchair ábhartha, tabharfaidh an gnóthas tuairisc ar an méid seo a leanas:
- (a) gníomhaíochtaí a rinneadh, atá beartaithe nó atá ar bun chun tionchair dhiúltacha ábhartha ar thomhaltóirí agus/nó ar úsáideoirí deiridh a chosc, a mhaolú nó a leigheas;
  - (b) cé acu a rinne nó nach ndearna sé gníomh chun **leigheas** a sholáthar nó a chumasú i ndáil le hiarmhairt iarbhir ábhartha, agus an chaoi a ndearna sé é sin;
  - (c) aon ghníomhaíochtaí nó tionscnaimh bhreise atá i bhfeidhm aige agus é mar phríomhchuspóir acu rannchuidiú go dearfach le torthaí sóisialta feabhsaithe do thomhaltóirí agus/nó d'úsáideoirí deiridh; agus
  - (d) conas a rianaíonn agus a ndéanann sé measúnú ar éifeachtacht na ngníomhaíochtaí agus na dtionscnamh sin maidir leis na torthaí atá beartaithe a bhaint amach do thomhaltóirí agus/nó d'úsáideoirí deiridh.
32. I ndáil le mír 28, tabharfaidh an gnóthas tuairisc ar an méid seo a leanas:
- (a) na próisis trína sainaithear an ghníomhaíocht is gá agus is iomchuí mar fhreagairt ar thionchar diúltach iarbhir nó féideartha ar leith ar thomhaltóirí agus/nó ar úsáideoirí deiridh;
  - (b) a cineálacha cur chuige maidir le gníomhaíocht a dhéanamh i ndáil le tionchair dhiúltacha ábhartha shonracha ar thomhaltóirí agus/nó ar úsáideoirí deiridh, lena n-áirítear aon ghníomhaíocht i ndáil lena chleachtas féin maidir le dearadh, margaíocht nó díolachán táirgí, chomh maith le cibé an mbeidh gá le gníomhaíocht níos leithne nó gníomhaíocht chomhoibríoch le páirtithe ábhartha eile; agus
  - (c) conas a áiríthíonn sé go bhfuil próisis chun **leigheas** a sholáthar nó a chumasú i gcás tionchair dhiúltacha ábhartha ar fáil agus éifeachtach ina gcur chun feidhme agus ina dtorthaí.

33. I ndáil le rioscaí agus deiseanna ábhartha, tabharfaidh an gnóthas tuairisc ar an méid seo a leanas:
- (a) cén ghníomhaíocht atá beartaithe nó atá ar bun chun rioscaí ábhartha don ghnóthas a mhaolú a eascraíonn as a thionchair agus a spleáchas ar thomhaltóirí agus/nó ar úsáideoirí deiridh agus conas a rianaíonn sé éifeachtacht sa chleachtas; agus
  - (b) cén ghníomhaíocht atá beartaithe nó ar siúl chun deiseanna ábhartha a shaothrú don ghnóthas i ndáil le tomhaltóirí agus/nó úsáideoirí deiridh.
34. Nochtfaidh an gnóthas cé acu a dhéanann nó nach ndéanann sé beart, agus conas a dhéanann sé beart, chun nach mbeidh sé ina chúis le tionchair dhiúltacha ábhartha ar **thomhaltóirí** agus/nó ar **úsáideoirí deiridh** nó nach rannchuideoidh sé leis sin leo trína chleachtais féin, é san áireamh, i gcás inarb ábhartha, i ndáil le margaiocht, díolacháin agus úsáid sonraí, nó nach gcuirfidh sé leis na tionchair sin. D'fhéadfaí a áireamh leis sin nochtadh a dhéanamh ar an gcur chuige a ghlactar nuair a thagann teannas chun cinn idir tionchair dhiúltacha ábhartha a chosc nó a mhaolú agus brúnna gnó eile.
35. Agus an nochtadh sin á ullmhú, déanfaidh an gnóthas a mheas ar tuairiscíodh saincheisteanna tromchúiseacha maidir le cearta an duine agus teagmhais thromchúiseacha a bhaineann lena thomhaltóirí agus/nó lena úsáideoirí deiridh agus, más infheidhme, nochtfaidh sé iad sin<sup>126</sup>.
36. I gcás ina ndéanfaidh an gnóthas meastóireacht ar éifeachtacht gníomhaíochta trí sprioc a leagan síos, agus an fhaisnéis a cheanglaítear faoi mhír 32 (c) á nochtadh ag an ngnóthas, breithneoidh an gnóthas ESRS 2 MDR-T *Éifeachtacht beartas agus gníomhaíochtaí a rianú trí spriocanna*.
37. Nochtfaidh an gnóthas cad iad na hacmhainní a leithdháiltear ar bhainistiú a thionchair ábhartha mar aon le faisnéis a chuireann ar chumas úsáideoirí tuiscint a fháil ar an gcaoi a mbainistítear na tionchair ábhartha.

### **Méadracht agus spriocanna**

#### ***Ceanglas maidir le Nochtadh S4-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú***

38. Nochtfaidh an gnóthas na spriocanna atá faoi cheangal ama agus dírithe ar thorthaí a d'fhéadfadh a bheith socraithe aige agus a bhaineann leis an méid seo a leanas:
- (a) **tionchair dhiúltacha ar thomhaltóirí agus/nó úsáideoirí deiridh a laghdú; agus/nó**
  - (b) **tionchair dhearfacha ar thomhaltóirí agus/nó úsáideoirí deiridh a chur chun cinn; agus/nó**
  - (c) **bainistíocht a dhéanamh ar rioscaí agus deiseanna ábhartha a bhaineann le tomhaltóirí agus/nó úsáideoirí deiridh.**
39. Is é is cuspóir don Cheanglas maidir le Nochtadh seo tuiscint a chumasú ar a mhéid atá **spriocanna** atá faoi cheangal ama agus dírithe ar thorthaí á n-úsáid ag an ngnóthas chun a dhul chun cinn a spreagadh agus a thomhas maidir le haghaidh a thabhairt ar tionchair dhiúltacha ábhartha, agus/nó tionchair dhearfacha ar **thomhaltóirí** agus/nó **úsáideoirí deiridh** a chur chun cinn, agus/nó rioscaí agus deiseanna ábhartha a bhaineann le tomhaltóirí agus/nó **úsáideoirí deiridh** a bhainistiú.

<sup>126</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 toisc go n-eascraíonn sí as táscaire breise a bhaineann leis na drochtionchair phríomha mar a leagtar amach le táscaire #14 i dTábla III d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('An líon cásanna sainaitheanta de shaincheisteanna agus de teagmhais thromchúiseacha maidir le cearta an duine').

40. Beidh na ceanglais faisnéise a shainmhínítear in ESRS 2 MDR-T sa tuairisc achoimre ar na spriocanna chun na tionchair ábhartha, na rioscaí agus na deiseanna a bhaineann le tomhaltóirí agus/nó le húsáideoirí deiridh a bhainistiú.
41. Nochtfaidh an gnóthas an próiseas chun na **spriocanna** a shocrú, lena n-áirítear an ndearna an gnóthas rannpháirtíocht go díreach le **tomhaltóirí** agus/nó le **húsáideoirí deiridh**, lena n-ionadaithe dlisteanacha, nó le **hionadaithe inchreidte** a bhfuil léargas acu ar a staid sna nithe seo a leanas, agus nochtfaidh sé conas a ndearna sé é sin:
- (a) aon sprioc den sórt sin a leagan síos;
  - (b) feidhmíocht an ghnóthais ina gcoinne a rianú; agus
  - (c) aon cheacht nó aon fheabhsú de thoradh fheidhmíocht an ghnóthais a shainaitint, más ann dóibh.

## **Foscúbhinn A: Ceanglais maidir le Cur i bhFeidhm**

---

Tá an t-aguisín seo ina dhlúthchuid de ESRS S4 *Tomhaltóirí agus úsáideoirí deiridh*. Tacaíonn sí le cur i bhfeidhm na gceanglas a leagtar amach sa chaighdeán seo agus tá an t-údarás céanna aici agus atá ag na codanna eile den chaighdeán.

### **Cuspóir**

---

- AR 1. Féadfaidh an gnóthas aird a tharraingt ar shaincheisteanna speisialta atá ábhartha do thionchar ábhartha ar feadh tréimhse níos giorra, mar shampla tionscnaimh maidir le sláinte agus sábháilteacht tomhaltóirí agus/nó úsáideoirí deiridh i ndáil le héilliú táirge nó sárú tromchúiseach príobháideachais mar gheall ar sceitheadh ollmhór sonraí.
- AR 2. Níl sé i gceist leis an bhforléargas ar chúrsaí sóisialta agus ar chúrsaí a bhaineann le cearta an duine dá bhforáiltear i mír 2 a thabhairt le tuiscint gur cheart na saincheisteanna sin go léir a nochtadh i ngach Ceanglas maidir le Nochtadh sa Chaighdeán sin. Ina ionad sin, cuirtear liosta ar fáil leis de na hábhair a bhreithneoidh an gnóthas ina mheasúnú **ábharthachta** (tagairt do ESRS 1 chaibidil 3 *Ábharthacht dhúbailte mar bhonn ag nochtáil inbhuanaitheachta* agus ESRS 2 IRO-1) a bhaineann le **tomhaltóirí** agus/nó le **húsáideoirí deiridh** agus, ina dhiaidh sin, a nochtfaidh sé mar thionchair, rioscaí agus deiseanna ábhartha laistigh de raon feidhme an Chaighdeáin seo.

## **ESRS 2 Nochtaí ginearálta**

### **Straitéis**

#### **Ceanglas maidir le Nochtadh a bhaineann le ESRS 2 SBM-2 – Leasanna agus tuairimí páirtithe leasmhara**

---

- AR 3. Le ESRSanna 2 SBM-2 ceanglaítear ar an ngnóthas tuiscint a thabhairt i dtaobh an bhfuil ról ag a straitéis agus a shamhail ghnó maidir le tionchair shuntasacha ábhartha ar thomhaltóirí agus/nó ar úsáideoirí deiridh a chruthú, a ghéarú nó a mhaolú (nó, os a choinne sin), agus ar an gcaoi a ndéantar, agus ar an gcaoi a ndéantar, an tsamhail ghnó agus an straitéis a oiriúnú chun aghaidh a thabhairt ar thionchair ábhartha den sórt sin.
- AR 4. Cé go bhféadfadh sé nach bhfuil tomhaltóirí agus/nó úsáideoirí deiridh ag plé leis an ngnóthas ar leibhéal a straitéise nó a shamhail ghnó, is féidir a dtuairimí a chur in iúl do mheasúnú an ghnóthais ar a straitéis agus a shamhail ghnó. Féadfaidh an gnóthas tuairimí na dtomhaltóirí agus/nó na n-ionadaithe dlisteanacha (iarbhír nó ionchasacha) a ndearnadh difear ábhartha dóibh nó tuairimí **ionadaithe dlisteanacha** na n-ionadaithe **inchreidte a bhfuil** léargas acu ar a gcás a nochtadh.

#### **Ceanglas maidir le Nochtadh a bhaineann le ESRS 2 SBM-3 – Tionchair, rioscaí**

## **agus deiseanna ábhartha agus a n- idirghníomhaíocht le straitéis agus samhail ghnó**

---

- AR 5. Is féidir le tionchair ar thomhaltóirí agus/nó ar úsáideoirí deiridh teacht as samhail ghnó nó straitéis ghnó an ghnóthais ar bhealaí éagsúla. Mar shampla, d'fhéadfadh baint a bheith ag tionchair le tairiscint luacha an ghnóthais (mar shampla, soláthar d'ardáin ar líne a bhfuil acmhainneacht acu le haghaidh díobháil ar líne agus as líne), a shlabhra luacha (mar shampla, luas maidir le táirgí nó seirbhísí a fhorbairt, nó tionscadail a sheachadadh, lena ngabhann rioscaí don tsláinte agus don tsábháilteacht), nó a struchtúr costais agus an tsamhail ioncaim (mar shampla, dreasachtaí a chuireann tomhaltóirí i mbaol a uasmhéadú).
- AR 6. Is féidir le tionchair ar thomhaltóirí agus/nó ar úsáideoirí deiridh de thionscnamh na straitéise nó na samhla gnó rioscaí ábhartha a chruthú don ghnóthas freisin. Mar shampla, má tá samhail ghnó an ghnóthais bunaithe ar spreagadh a thabhairt dá fhórsa díolacháin chun méideanna móra táirge nó seirbhíse a dhíol (mar shampla cártaí creidmheasa nó leigheas pian) ar luas, agus go ndéantar dochar mór do thomhaltóirí mar thoradh air sin, d'fhéadfadh sé go mbeadh cásanna dlí agus damáiste do chlú i ndán don ghnóthas a dhéanadh difear dá ghnó agus dá chreidiúnacht amach anseo.
- AR 7. I measc na samplaí de shaintréithe áirithe tomhaltóirí agus/nó úsáideoirí deiridh a d'fhéadfadh an gnóthas a chur san áireamh agus é ag freagairt do mhír 11 tá tomhaltóirí óga agus/nó úsáideoirí deiridh a d'fhéadfadh a bheith níos so-ghabhálaí i leith tionchar ar a bhforbairt fhisiciúil agus mheabhrach, nó nach bhfuil litearthacht airgeadais acu agus a d'fhéadfadh a bheith níos so-ghabhálaí i leith díolacháin dhúshaothraithe nó cleachtais mhargafochta. D'fhéadfadh mná a bheith san áireamh iontu freisin i gcomhthéacs ina ndéantar idirdhealú rialta ar mhná maidir lena rochtain ar sheirbhísí áirithe nó maidir le táirgí áirithe a mhargú.
- AR 8. Maidir le mír 12, d'fhéadfadh **rioscaí** teacht chun cinn mar gheall ar spleáchas an ghnóthais ar **thomhaltóirí** agus/nó ar **úsáideoirí deiridh** i gcás ina spreagadh teagmhas a bhfuil dóchúlacht íseal ann go dtarlóidh sé ach a mbeadh ardtionchar aige **éifeachtaí airgeadais**, mar shampla, i gcás ina mbeadh tionchar tromchúiseach ag paidéim dhomhanda ar shlite beatha tomhaltóirí áirithe, rud a d'fhéadfadh athruithe móra a dhéanamh ar phatrúin tomhaltais.

## **Bainistiú tionchar, rioscaí agus deiseanna**

### **Ceanglas maidir le Nochtadh S4-1 – Beartais a bhaineann le tomhaltóirí agus úsáideoirí deiridh**

---

- AR 9. Áireofar sa tuairisc an fhaisnéis bhunriachtanach is gá chun ionadaíocht dhílis na mbeartas maidir le tomhaltóirí agus úsáideoirí deiridh a áirithiú, agus dá bhrí sin, breithneoidh an gnóthas mínithe ar athruithe suntasacha ar na beartais arna nglacadh le linn na bliana tuairiscithe (mar shampla, ionchais nua do chustaiméirí gnó, cuir chuige nua nó cur chuige breise maidir le dícheall cuí agus leigheas).
- AR 10. Féadfaidh an **beartas** a bheith i bhfoirm beartais neamhspleách maidir le **tomhaltóirí** agus/nó **úsáideoirí deiridh** nó féadfar é a áireamh i ndoiciméad níos leithne amhail cód eitice nó beartas inbhuanaitheachta ginearálta a nocht an gnóthas cheana mar chuid de ESRS eile. Sna cásanna sin, tabharfaidh an gnóthas crostagairt chruinn chun na gnéithe den bheartas a chomhlíonann ceanglais an Cheanglais seo maidir le Nochtadh a shainiú.
- AR 11. Agus a bheartais á nochtadh aige i gcomhréir le Prionsabail Threoracha na Náisiún Aontaithe maidir le Gnó agus Cearta an Duine, breithneoidh an gnóthas go dtagraíonn na Prionsabail Threoracha don Bhille Idirnáisiúnta um Chearta an Duine, arb é atá ann Dearbhú Uilechoiteann Chearta an Duine agus an dá Chúnant lena gcuirtear chun feidhme é, agus féadfaidh sé a ailíniú leis na hionstraimí sin a nochtadh.
- AR 12. Agus an chaoi a bhfuil beartais sheachtracha aghaidhe leabaithe á nochtadh ag an gnóthas, féadfaidh sé, mar shampla, breithniú a dhéanamh ar bheartais díolacháin agus

dáileacháin inmheánacha agus ailíniú le beartais eile atá ábhartha do **thomhaltóirí** agus/nó **d'úsáideoirí deiridh**. Breithneoidh an gnóthas freisin na beartais atá aige chun fírinneacht agus úsáideacht na faisnéise arna soláthar do thomhaltóirí agus/nó d'úsáideoirí deiridh ionchasacha agus iarbhir a chosaint, roimh dhíolachán agus i ndiaidh díolacháin araon.

AR 13. Féadfaidh an gnóthas léiriú a thabhairt ar na cineálacha cumarsáide maidir lena bheartais leis na daoine aonair sin, leis an ngrúpa daoine aonair sin nó leis na heintitis sin a bhfuil siad ábhartha ina leith, toisc go bhfuil coinne leis go gcuirfidh siad chun feidhme iad (mar shampla, **fostaithe**, conraitheoirí agus **soláthróirí** an ghnóthais), nó toisc go bhfuil leas díreach acu ina gcur chun feidhme (mar shampla, oibríthe dílse, infheisteoirí). Féadfaidh sé uirlisí agus bealaí cumarsáide a nochtadh (mar shampla, fógráin, nuachtlitreacha, suíomhanna gréasáin tiomnaithe, na meáin shóisialta, idirghníomhaíochtaí aghaidh ar aghaidh, ionadaithe oibríthe), arb é is aidhm dóibh a áirithiú go bhfuil an **beartas** inrochtana agus go dtuigeann lucht féachana éagsúil na himpleachtaí a bhaineann leis. Féadfaidh an gnóthas míniú a thabhairt freisin ar an gcaoi a n-aithníonn sé bacainní a d'fhéadfadh a bheith ann maidir le scaipeadh, agus ar an gcaoi a gcuireann sé deireadh leo, amhail trí aistriúchán go teangacha ábhartha nó trí úsáid a bhaint as léirithe grafacha.

### ***Ceanglas maidir le Nochtadh S4-2 – Próisis rannpháirtíochta le tomhaltóirí agus úsáideoirí deiridh maidir le tionchair***

---

AR 14. D'fhéadfaí comhlachtaí náisiúnta cosanta tomhaltóirí do roinnt tomhaltóirí a áireamh in ionadaithe inchreidte a bhfuil eolas acu ar leasanna, ar thaithí nó ar pheirspictíochtaí tomhaltóirí agus úsáideoirí deiridh.

AR 15. Nuair a thugtar tuairisc ar an bhfeidhm nó ar an ról ag a bhfuil freagracht oibríochtúil as an rannpháirtíocht sin agus/nó as an gcuntasacht deiridh sin, féadfaidh an gnóthas a nochtadh an ról tiomnaithe nó feidhm thiomnaithe é sin nó cuid de ról nó feidhm níos leithne, agus cé acu ar tairgeadh nó nár tairgeadh aon ghníomhaíochtaí fothaithe acmhainneachta chun tacú leis an bhfoireann chun dul i mbun rannpháirtíochta. Mura féidir leis post nó feidhm den sórt sin a aithint, féadfaidh sé a rá gurb amhlaidh atá. D'fhéadfaí an nochtadh sin a chomhlíonadh freisin trí thagairt a dhéanamh d'fhaisnéis arna nochtadh de réir ESRS 2 GOV-1 *Ról na gcomhlachtaí riaracháin, bainistíochta agus maoirseachta*.

AR 16. Agus na nochtaí a dtugtar tuairisc orthu i mír 20 b) agus c) á n- ullmhú, féadfar na léirithe seo a leanas a bhreithniú:

- (a) i gcás na céime (na gcéimeanna) ag a dtarlaíonn an rannpháirtíocht, d'fhéadfadh cinneadh cineálacha cur chuige maolaithe nó meastóireacht ar a n- éifeachtacht a bheith ina samplaí díobh;
- (b) i gcás an chineáil rannpháirtíochta, d'fhéadfadh rannpháirtíocht, comhairliúchán agus/nó faisnéis a bheith ann;
- (c) i gcás mhinicíocht na rannpháirtíochta, féadfar faisnéis a sholáthar maidir le cé acu a dhéantar nó nach ndéantar rannpháirtíocht ar bhonn tráthrialta, ag pointí áirithe i dtionscadal nó i bpróiseas gnó, chomh maith le cé acu mar fhreagairt ar cheanglais dlí agus/nó mar fhreagairt ar iarrataí ó pháirtithe leasmhara a dhéantar í agus cé acu a chomhtháthaítear nó nach gcomhtháthaítear toradh na rannpháirtíochta i bpróisis chinnteoireachta an ghnóthais; agus
- (d) maidir leis an ról ag a bhfuil freagracht oibríochtúil, cé acu a éilíonn nó nach n-éilíonn an gnóthas ar bhaill foirne ábhartha scileanna áirithe a bheith acu, nó cé acu a chuireann nó nach gcuireann sé **oilíuint** nó fothú acmhainneachta ar fáil do bhaill foirne ábhartha chun dul i mbun rannpháirtíochta.

AR 17. Chun an chaoi ar thug dearcthaí **tomhaltóirí** agus/nó **úsáideoirí deiridh** bonn eolais do chinntí nó gníomhaíochtaí sonracha an ghnóthais a léiriú, féadfaidh an gnóthas samplaí ón tréimhse tuairiscithe atá ann faoi láthair a sholáthar.

### ***Ceanglas maidir le Nochtadh S4-3 – Próisis chun tionchair dhiúltacha a leigheas agus bealaí ar féidir le tomhaltóirí agus úsáideoirí deiridh ábhair inní a chur in iúl***

- AR 18. Agus na ceanglais a leagtar amach sna critéir maidir le nochtadh in ESRS S4-3 á gcomhlíonadh ag an ngnóthas, féadfaidh an gnóthas a bheith á threorú ag inneachar Phrionsabail Threoracha na Náisiún Aontaithe maidir le Gnó agus Cearta an Duine agus ag Treoirínte ECFE d'Fhiontair Innáisiúnta atá dírithe ar **leigheas** agus **sásraí casaoide**.
- AR 19. I measc na mbealaí chun ábhair inní nó riachtanais a ardú, áirítear sásraí casaoide, beolínthe, próisis idirphlé nó modhanna eile trínar féidir le tomhaltóirí agus/nó úsáideoirí deiridh nó a n-ionadaithe dlisteanacha ábhair inní a léiriú faoi thionchair nó faoi riachtanais ar mhaith leo go dtabharfadh an gnóthas aghaidh orthu. D'fhéadfaí a áireamh orthu sin bealaí a sholáthraíonn an gnóthas go díreach agus tá siad le tuairisciú i dteannta aon sásra eile a fhéadfaidh an gnóthas a úsáid chun léargas a fháil ar bhainistiú na dtionchar ar thomhaltóirí agus/nó úsáideoirí deiridh, amhail iniúchtaí comhlíontachta. I gcás ina bhfuil an gnóthas ag brath, chun an ceanglas sin a fhreagairt, ar fhaisnéis arna soláthar ag a **chaidrimh ghnó** maidir le bealaí den sórt sin a bheith ann, agus ar an bhfaisnéis sin amháin, féadfaidh sé é sin a shonrú.
- AR 20. Chun léargas níos fearr a thabhairt ar an bhfaisnéis a chumhdaítear in ESRS S4-3, féadfaidh an gnóthas léargas a thabhairt ar cé acu atá nó nach bhfuil **tomhaltóirí** agus/nó **úsáideoirí deiridh** a bhféadfaí difear a dhéanamh dóibh in ann bealaí a rochtain ar leibhéal an ghnóthais a ndéanann sé difear dóibh, agus conas atá siad in ann sin a dhéanamh, i ndáil le gach tionchar ábhartha.
- AR 21. D'fhéadfaí a áireamh ar shásraí tríú páirtí iad siúd arna n- oibriú ag an rialtas, eagraíochtaí neamhrialtasacha (ENRanna), comhlachais tionscail agus tionscnaimh chomhoibriocha eile. Maidir le raon feidhme na sásraí sin, féadfaidh an gnóthas a nochtadh an bhfuil siad sin inrochtana do na tomhaltóirí agus/nó na húsáideoirí deiridh go léir a bhféadfadh an gnóthas, nó daoine aonair nó eagraíochtaí atá ag gníomhú thar a gceann nó atá in ann, ar bhealach eile, a bheith ar an eolas faoi thionchair dhiúltacha, agus trína bhféadfaidh tomhaltóirí agus/nó úsáideoirí deiridh (nó daoine aonair nó eagraíochtaí atá ag gníomhú thar a gceann nó atá in ann ar bhealach eile a bheith ar an eolas faoi thionchair dhiúltacha), gearáin nó ábhair inní a bhaineann le gníomhaíochtaí an ghnóthais féin a dhéanamh.
- AR 22. I ndáil le daoine aonair a úsáideann na sásraí a chosaint in aghaidh frithbhirt, féadfaidh an gnóthas tuairisc a thabhairt ar cé acu a chaitheann nó nach gcaitheann sé le casaoidí faoi rúndacht agus i ndáil le cearta chun príobháideachais agus leis an gceart go ndéanfaí sonraí pearsanta a chosaint; agus an ligeann siad do thomhaltóirí agus/nó d'úsáideoirí deiridh iad a úsáid gan ainm (mar shampla, trí ionadaíocht ó thríú páirtí).
- AR 23. Agus nochtadh á dhéanamh aige an bhfuil a fhios ag an ngnóthas go bhfuil tomhaltóirí agus/nó úsáideoirí deiridh ar an eolas faoi aon cheann de na bealaí sin agus conas a bhfuil muinín acu astu, féadfaidh an gnóthas sonraí ábhartha agus iontaofa a sholáthar maidir le héifeachtacht na mbealaí sin ó thaobh na dtomhaltóirí agus/nó na n-úsáideoirí deiridh féin de. Ar shamplaí d'fhoinsí faisnéise tá suirbhéanna ar thomhaltóirí agus/nó úsáideoirí deiridh a bhfuil úsáid bainte acu as bealaí den sórt sin agus a leibhéal shástachta leis an bpróiseas agus leis na torthaí. Chun léiriú a thabhairt ar an méid úsáide ar baineadh as bealaí den sórt sin, féadfaidh an gnóthas an líon gearán a fuarthas ó thomhaltóirí agus/nó úsáideoirí deiridh le linn na tréimhse tuairiscithe a nochtadh.
- AR 24. Agus cur síos á dhéanamh ar éifeachtacht na mbealaí atá ag tomhaltóirí agus/nó ag úsáideoirí deiridh chun ábhair inní a léiriú, féadfaidh na ceisteanna seo a leanas a bheith mar threoir ag an ngnóthas, bunaithe ar na "critéir éifeachtúlachta le haghaidh sásraí casaoide neamhbhreithiúnacha", mar a leagtar amach i bPrionsabail Threoracha na Náisiún Aontaithe maidir le Gnó agus Cearta an Duine. Féadfar na cúinsí thíos a chur i bhfeidhm ar bhonn cainéal aonair nó ar an gcomhchóras cainéal:
- an bhfuil dlisteanacht ag na bealaí trí chuntasacht iomchuí a sholáthar as a n- iompar cóir agus trí mhuinín na bpáirtithe leasmhara a chothú?
  - an eol do na **páirtithe leasmhara** na bealaí a bheith ann agus an bhfuil rochtain acu orthu?
  - an bhfuil nósanna imeachta soiléire aitheanta ag na bealaí, an bhfuil tráthchláir socraithe acu agus soiléireacht faoi próisis?

- (d) an áirithítear leis na bealaí go mbeidh rochtain réasúnach ar fhoinsí faisnéise, comhairle agus saineolais?
- (e) an soláthraíonn na bealaí trédhearcacht trí fhaisnéis leordhóthanach a sholáthar do ghearánaigh agus, i gcás inarb infheidhme, chun aon leas poiblí atá i gceist a chomhlíonadh araon?
- (f) an bhfuil na torthaí a bhaintear amach leis na bealaí i gcomhréir le cearta an duine a aithnítear go hidirnáisiúnta?
- (g) an sainaitníonn an gnóthas léargais ó na bealaí a thacaíonn le foghlaim leanúnach chun feabhas a chur ar na bealaí agus chun tionchair amach anseo a chosc?
- (h) an ndíríonn an gnóthas ar an idirphlé le gearánaigh mar an modh chun teacht ar réitigh chomhaontaithe, seachas a bheith ag féachaint leis an toradh a chinneadh go haontaobhach?

Chun tuilleadh faisnéise a fháil, féach Prionsabal 31 de Phrionsabail Threoracha na Náisiún Aontaithe maidir le Gnó agus Cearta an Duine.

***Ceanglas maidir le Nochtadh S4-4 – Gníomhaíocht a dhéanamh maidir le tionchair ábhartha ar thomhaltóirí agus úsáideoirí deiridh, agus cineálacha cur chuige chun rioscaí ábhartha a mhaolú agus deiseanna ábhartha a shaothrú, ar rioscaí agus deiseanna iad a bhaineann le tomhaltóirí agus úsáideoirí deiridh, agus éifeachtacht na gníomhaíochtaí agus na gcur chuige sin***

- AR 25. D'fhéadfadh sé go dtógfaidh sé am tuiscint a fháil ar thionchair dhiúltacha agus conas a d'fhéadfadh an gnóthas a bheith bainteach leo trína shlabhra luacha iarteachtach, agus chun freagairtí iomchuí a shainaithint agus a chur i bhfeidhm). Dá bhrí sin, breithneoidh an gnóthas na nithe seo a leanas:
- (a) Na cineálacha cur chuige ginearálta agus sonracha atá aige chun aghaidh a thabhairt ar thionchair dhiúltacha ábhartha;
  - (b) na tionscnaimh atá aige arb é is aidhm dóibh rannchuidiú le tionchair dhearfacha ábhartha breise;
  - (c) an méid dul chun cinn atá déanta aige ina iarrachtaí le linn na tréimhse tuairiscithe; agus
  - (d) na haidhmeanna atá aige maidir le feabhsú leanúnach.
- AR 26. Is féidir gníomhaíochtaí iomchuí éagsúla a bheith ann ag brath ar an ngnóthas féin a bheith ina chúis nó ag rannchuidiú le tionchar ábhartha, nó cé acu atá nó nach bhfuil an tionchar ábhartha nasctha go díreach lena oibríochtaí, lena tháirgí nó lena sheirbhísí trí ghaolmhaireacht ghnó.
- AR 27. Ós rud é go bhféadfadh tionchair dhiúltacha ábhartha a dhéanann difear do thomhaltóirí agus/nó d'úsáideoirí deiridh a tharla le linn na tréimhse tuairiscithe a bheith nasctha freisin le heintitis nó le hoibríochtaí nach bhfuil smacht díreach aige orthu, féadfaidh an gnóthas a nochtadh an bhféachann sé le gearáil a úsáid le caidrimh ghnó ábhartha chun na tionchair sin a bhainistiú agus conas a dhéanann sé iarracht í a úsáid. D'fhéadfaí a áireamh leis sin gearáil tráchtála a úsáid (mar shampla, ceanglais chonarhacha a fhorfheidhmiú le caidreamh gnó nó dreasachtaí cur chun feidhme), cineálacha eile gearála laistigh den chaidreamh (amhail oiliúint nó forbairt acmhainní a chur ar fáil maidir le húsáid cheart táirgí nó cleachtais díola chuí do chaidreamh gnó) nó gearáil chomhoibríoch le piaraí nó le gníomhaithe eile (amhail tionscnaimh atá dírithe ar shábháilteacht fhreagrach margaíochta nó táirgí).
- AR 28. Nuair a nochtfaidh an gnóthas a rannpháirtíocht i dtionscnamh tionscail nó i dtionscnamh ina bhfuil an iliomad páirtithe leasmhara mar chuid dá **ghníomhaíochtaí** chun aghaidh a thabhairt ar thionchair dhiúltacha ábhartha, féadfaidh an gnóthas a nochtadh conas atá an tionscnamh, agus a rannpháirtíocht féin, dírithe ar aghaidh a thabhairt ar an tionchar ábhartha lena mbaineann. Féadfaidh sé na **spriocanna** ábhartha a leagtar síos leis an tionscnamh a nochtadh faoi ESRS S4-5, chomh maith leis an dul chun cinn atá déanta ina

leith.

- AR 29. Agus nochtadh á dhéanamh ag an ngnóthas maidir le cé acu a dhéanann nó nach ndéanann sé breithniú ar iarmhairtí iarbhir agus féideartha ar **thomhaltóirí** agus/nó ar **úsáideoirí deiridh** i gcinntí chun **caidrimh ghnó** a fhoirceannadh, agus conas a dhéanann sé sin, agus cé acu a fhéachann nó nach bhféachann sé le dul i ngleic le haon tionchair dhiúltacha a d'fhéadfadh a bheith ina dtoradh ar fhoirceannadh, agus conas a fhéachann sé leis sin a dhéanamh, féadfaidh an gnóthas samplaí a chur san áireamh.
- AR 30. Agus é á nochtadh ag an ngnóthas conas a rianaíonn sé éifeachtacht na **ngníomhaíochtaí** chun tionchair ábhartha a bhainistiú le linn na tréimhse tuairiscithe, féadfaidh an gnóthas aon cheacht a foghlaimíodh ó na tréimhsí tuairiscithe roimhe sin agus ó na tréimhsí tuairiscithe reatha a nochtadh.
- AR 31. Is féidir a áireamh ar na próisis a úsáidtear chun éifeachtacht na **ngníomhaíochtaí** a rianú iniúchóireacht nó fíorú inmheánach nó seachtrach, imeachtaí cúirte agus/nó cinntí cúirte gaolmhara, measúnuithe tionchair, córais tomhais, aiseolas ó pháirtithe leasmhara, **sásraí casaoide**, rátálacha feidhmíochta seachtracha, agus tagarmharcáil.
- AR 32. Is é is aidhm don tuairisciú ar éifeachtacht tuiscint a fháil ar na naisc idir **gníomhaíochtaí** a dhéanann an gnóthas agus bainistiú éifeachtach a dhéanamh ar thionchair.
- AR 33. Maidir le tionscnaimh nó próisis atá i bhfeidhm ag an ngnóthas agus atá bunaithe ar riachtanais na dtomhaltóirí agus/nó na n-úsáideoirí deiridh a ndéantar difear dóibh agus leibhéal a gcur chun feidhme, féadfaidh an gnóthas an méid seo a leanas a nochtadh:
- (a) faisnéis faoi cé acu atá nó nach bhfuil ról ag tomhaltóirí agus/nó úsáideoirí deiridh agus ionadaithe dlisteanacha nó ag a n-ionadaithe inchreidte i gcinntí maidir le ceapadh agus cur chun feidhme na gclár nó na bpróiseas sin agus faoin gcaoi a bhfuil ról acu; agus
  - (b) faisnéis maidir leis na torthaí dearfacha a bheartaítear leis na cláir nó na próisis sin nó atá bainte amach acu le haghaidh tomhaltóirí agus/nó úsáideoirí deiridh na gclár nó na bpróiseas sin.
- AR 34. Féadfaidh an gnóthas a nochtadh an bhfuil aon tionscnaimh nó próisis arb é a bpríomhaidhm tionchair dhearfacha a bhaint amach do thomhaltóirí agus/nó d'úsáideoirí deiridh ceaptha freisin chun tacú le ceann amháin nó níos mó de Spriocanna Forbartha Inbhuanaithe (SDGanna) na Náisiún Aontaithe a bhaint amach. Mar shampla, trí ghealltanas a thabhairt SDG 3 de chuid na Náisiún Aontaithe a chur chun cinn chun "Beatha shláintiúil a áirithiú agus folláine a chur chun cinn do chách ag gach aois" d'fhéadfadh an gnóthas a bheith ag obair go gníomhach chun a tháirgí a dhéanamh níos lú suimitheach agus díobhálach do shláinte fhisiciúil agus shíceolaíoch.
- AR 35. Agus na torthaí dearfacha atá beartaithe do **thomhaltóirí** agus/nó **d'úsáideoirí deiridh** a bhuí lena **ngníomhaíochtaí** á nochtadh ag an ngnóthas, ní mór idirdhealú a dhéanamh idir fianaise gur tharla gníomhaíochtaí áirithe (mar shampla, go bhfuair an líon tomhaltóirí x faisnéis faoi nósanna iteacháin sláintiúla) agus fianaise ar thorthaí iarbhir do thomhaltóirí agus/nó d'úsáideoirí deiridh (mar shampla, gur ghlac an líon tomhaltóirí x nósanna iteacháin níos sláintiúla).
- AR 36. Agus nochtadh á dhéanamh ag an ngnóthas maidir le cé acu atá nó nach bhfuil ról ag tionscnaimh nó ag próisis maidir le tionchair dhiúltacha ábhartha a mhaolú freisin, féadfaidh an gnóthas, mar shampla, cláir a mheas arb é is aidhm dóibh tacú leis an bhfeasacht mhéadaithe ar an riosca a bhaineann le camscéimeanna ar líne, rud as a n-eascraíonn laghdú ar líon na gcásanna ina dtarlaíonn sáruithe ar phríobháideachas sonraí **d'úsáideoirí deiridh**.
- AR 37. Agus na rioscaí agus na deiseanna ábhartha a bhaineann le tionchair nó spleáchais an ghnóthais ar thomhaltóirí agus/nó ar úsáideoirí deiridh á nochtadh ag an ngnóthas, féadfaidh sé an méid seo a leanas a mheas:
- (a) D'fhéadfadh nochtadh clú nó dlíthiúil a bheith ar na rioscaí a bhaineann le tionchair an ghnóthais ar thomhaltóirí agus/nó ar úsáideoirí deiridh i gcás ina n-eascraíonn gortuithe nó básanna as táirgí drochdeartha nó lochtacha;

- (b) D'fhéadfaí a áireamh ar na rioscaí a bhaineann le spleáchais an ghnóthais ar thomhaltóirí agus/nó ar úsáideoirí deiridh cailliúint leanúnachais gnó i gcás ina bhfágann géarchéim eacnamaíoch nach féidir le tomhaltóirí táirgí nó seirbhísí áirithe a sholáthar;
- (c) d'fhéadfaí a áireamh ar dheiseanna gnó a bhaineann le tionchair an ghnóthais ar thomhaltóirí agus/nó úsáideoirí deiridh difreálú margaidh agus mealltacht custaiméirí a bheith níos mó mar gheall ar tháirgí sábháilte nó seirbhísí lena n-urramaítear príobháideachas a thairiscint; agus
- (d) i measc na ndeiseanna gnó a bhaineann le spleáchais an ghnóthais ar thomhaltóirí agus/nó ar úsáideoirí deiridh, d'fhéadfaí bonn tomhaltóirí dílis don todhchaí a bhaint amach trína áirithiú, mar shampla, go n-urramaítear daoine LGBTQI agus nach n-eisiann cleachtais díola an ghnóthais daoine den sórt sin ó na táirgí nó ó na seirbhísí a thairgeann sé.

AR 38. Agus nochtadh á dhéanamh ag an gnóthas cé acu a n-athraíonn nó nach n-athraíonn **spleáchais** ina rioscaí, déanfaidh sé forbairtí seachtracha a mheas.

AR 39. Agus beartais, gníomhaíocht agus acmhainní agus **spriocanna** a bhaineann le bainistiú rioscaí agus deiseanna ábhartha á nochtadh ag an ngnóthas, i gcásanna ina n-eascaíonn rioscaí agus deiseanna as tionchar ábhartha, féadfaidh an gnóthas crostagairt a dhéanamh dá nochtuithe maidir le beartais, gníomhaíocht agus acmhainní agus spriocanna i ndáil leis an tionchar sin.

AR 40. Cuirfidh an gnóthas san áireamh a mhéid a chomhtháthaítear a phróisis chun rioscaí ábhartha a bhaineann le tomhaltóirí agus/nó le húsáideoirí deiridh a bhainistiú sna próisis bainistithe riosca atá ann cheana agus conas a dhéantar iad a bhainistiú.

AR 41. Agus na hacmhainní a leithdháiltear ar bhainistiú tionchar ábhartha á nochtadh aige, féadfaidh an gnóthas a nochtadh cé na feidhmeanna inmheánacha atá bainteach le bainistiú na dtionchar agus cé na cineálacha gníomhaíochta a dhéanann siad chun aghaidh a thabhairt ar thionchair dhiúltacha agus tionchair dhearfacha a chur chun cinn.

### **Méadracht agus spriocanna**

#### ***Ceanglas maidir le Nochtadh S4-5 – Spriocanna a bhaineann le tionchair dhiúltacha ábhartha a bhainistiú, tionchair dhearfacha a chur chun cinn, agus rioscaí agus deiseanna ábhartha a bhainistiú***

AR 42. Agus **spriocanna** maidir le **tomhaltóirí** agus/nó **úsáideoirí deiridh** á nochtadh ag an ngnóthas, is féidir leis an ngnóthas an méid seo a leanas a nochtadh:

- (a) na torthaí beartaithe atá le baint amach i saolta tomhaltóirí agus/nó úsáideoirí deiridh, ar an mbealach is sonraí agus is féidir;
- (b) cobhsaíocht na spriocanna le himeacht ama i dtéarmaí sainmhínithe agus modheolaíochtaí chun inchomparáideacht a chumasú; agus/nó
- (c) tá na caighdeáin tagartha nó na gealltanais ar a bhfuil na spriocanna bunaithe le sainiú go soiléir sa tuairisciú (mar shampla cóid iompair, beartais foinsithe, creataí domhanda nó cóid tionscail).

AR 43. D'fhéadfadh spriocanna a bhaineann le rioscaí agus deiseanna ábhartha a bheith mar an gcéanna nó éagsúil le spriocanna atá ceangailte le tionchair ábhartha. Mar shampla, dá mbeadh sprioc ann chun rochtain chomhionann ar mhaoiniú a áirithiú do thomhaltóirí nach ndéantar freastal ceart orthu, d'fhéadfaí na tionchair idirdhealaithe ar na tomhaltóirí sin a laghdú agus líon custaiméirí an ghnóthais a mhéadú.

AR 44. Féadfaidh an gnóthas idirdhealú a dhéanamh freisin idir **spriocanna** gearrthéarmacha, meántéarmacha agus fadtéarmacha lena gcumhdaítear an gealltanais **beartais** céanna. D'fhéadfadh a bheith mar phríomhchuspóir ag gnóthas a sheirbhísí ar líne a dhéanamh inrochtana do dhaoine faoi mhíchumas, a bheith mar sprioc fhadtéarmach aige go mbeadh 100 % dá sheirbhísí oiriúnaithe aige faoi 2025 agus mar chuspóir gearrthéarmach aige go

gcuirfí x faoin gcéad de ghnéithe inrochtana leo gach bliain go dtí 2025, mar shampla.

AR 45. Agus sprioc á modhnú nó á hionadú ag an ngnóthas sa tréimhse tuairiscithe, féadfaidh an gnóthas an t-athrú a mhíniú ach crostagairt a dhéanamh d'athruithe móra ar an tsamhail ghnó nó d'athruithe níos leithne ar an gcaighdeán nó ar an reachtaíocht a bhfuil glacadh leis as a ndíorthaítear an sprioc chun faisnéis chomhthéacsúil a sholáthar de réir ESRS 2 BP-2 Nochtaí i ndáil le himthosca sonracha.

## **ESRS G1** **IOMPAR GNÓ**

### **Clár ábhar**

---

#### **Cuspóir**

**Idirghníomhaíocht le ESRS eile**

**Ceanglais maidir le Nochtadh**

- **ESRS 2 Nochtaí ginearálta**

#### **Rialachas**

- **Ceanglas maidir le Nochtadh a bhaineann le ESRS 2 GOV-1 – Ról na gcomhlachtaí riaracháin, maoirseachta agus bainistíochta**

#### **Bainistiú tionchar, rioscaí agus deiseanna**

- **Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a shainithint agus a mheasúnú**
- **Nochtadh Riachtanas G1-1 — Cultúr corparáideach agus b Beartais sheoladh gnó agus cultúr corparáideach**
- **Ceanglas maidir le Nochtadh G1-2 – Bainistiú caidreamh le soláthróirí**
- **Ceanglas maidir le Nochtadh G1-3 – Éilliú agus breabaireacht a chosc agus a bhrath**

#### **Méadracht agus spriocanna**

- **Ceanglas maidir le Nochtadh G1-4 – Teagmhais dheimhnithe éillithe nó bhreabaireachta**
- **Ceanglas maidir le Nochtadh G1-5 – Gníomhaíochtaí tionchair pholaitiúil agus brústocaireachta**
- **Ceanglas maidir le Nochtadh G1-6 – Cleachtais íocaíochta**

**Foscibhinn A: Ceanglais maidir le Cur i bhFeidhm**

#### **Bainistiú tionchar, rioscaí agus deiseanna**

- **Ceanglas maidir le Nochtadh G1-1 – Cultúr corparáideach agus beartais maidir le hiompar gnó**
- **Ceanglas maidir le Nochtadh G1-2 – Bainistiú caidreamh le soláthróirí**
- **Ceanglas maidir le Nochtadh G1-3 – Éilliú agus breabaireacht a chosc agus a bhrath**

#### **Méadracht agus spriocanna**

- **Ceanglas maidir le Nochtadh G1-5 – Gníomhaíochtaí tionchair pholaitiúil agus brústocaireachta**
- **Ceanglas maidir le Nochtadh G1-6 – Cleachtais íocaíochta**

### **Cuspóir**

---

1. Is é is cuspóir don Chaighdeán seo ceanglais maidir le nochtadh a shonrú lena gcuirfear ar a gcumas d'úsáideoirí **ráitis inbhuanaitheachta** an ghnóthais straitéis agus cur chuige, próisis agus nósanna imeachta an ghnóthais a thuiscint chomh maith lena fheidhmíocht i ndáil le hiompar gnó.

2. Dírítear sa Chaighdeán seo ar na nithe seo a leanas, dá dtagraítear i dteannta a chéile sa Chaighdeán seo mar 'iompar gnó nó ábhair iompair gnó':
  - (a) eitic ghnó agus **cultúr corparáideach**, lena n-áirítear frithéilliú agus frith**bhreabaireacht**, cosaint sceithirí eolais, agus leas ainmhithe;
  - (b) bainistiú caidreamh le soláthróirí, lena n-áirítear cleachtais íocaíochta, go háirithe maidir le híocaíocht dhéanach le gnóthais bheaga agus mheánmhéide.
  - (c) gníomhaíochtaí agus gealltanais an ghnóthais a bhaineann lena thionchar polaitiúil a fheidhmiú, lena n-áirítear a **ghníomhaíochtaí brústocaireachta**;

### **Idirghníomhaíocht le ESRS eile**

---

3. Léifear ábhar an Chaighdeán seo maidir le nochtaí ginearálta chomh maith le bainistiú tionchair, riosca agus deiseanna agus méadrachtaí agus spriocanna i gcomhar le prionsabail ghinearálta ESRS 1 agus ceanglais ghinearálta ESRS 2 faoi seach.

### **Ceanglais maidir le Nochtadh**

---

#### **ESRS 2 Nochtaí ginearálta**

4. Ba cheart ceanglais na roinne seo a léamh i gcomhar leis na nochtaí a cheanglaítear le ESRS 2 maidir le Rialachas (GOV), Straitéis (SBM) agus Bainistíocht ar thionchair, ar rioscaí agus ar dheiseanna (IRO) agus ba cheart iad a thuairisciú ina dteannta.

#### **Rialachas**

#### ***Ceanglas maidir le Nochtadh a bhaineann le ESRS 2 GOV-1 – Ról na gcomhlachtaí riaracháin, bainistíochta agus maoirseachta***

---

5. Agus faisnéis á nochtadh ag an ngnóthas faoi ról na **gcomhlachtaí riaracháin, bainistíochta agus maoirseachta**, déanfaidh an gnóthas na gnéithe seo a leanas a chumhdach:
  - (a) ról na **gcomhlachtaí riaracháin, bainistíochta agus maoirseachta** a bhaineann le hiompar gnó; agus
  - (b) saineolas na gcomhlachtaí riaracháin, bainistíochta agus maoirseachta maidir le hábhair iompair gnó.

#### **Bainistiú tionchar, rioscaí agus deiseanna**

#### ***Ceanglas maidir le Nochtadh a bhaineann le ESRS 2 IRO-1 – Tuairisc ar na próisis chun tionchair, rioscaí agus deiseanna ábhartha a shainaithint agus a mheasúnú***

---

6. Nuair a bheidh cur síos á dhéanamh ar an bpróiseas chun tionchair, rioscaí agus deiseanna ábhartha a shainaithint i ndáil le cúrsaí iompair gnó, nochtfaidh an gnóthas na critéir ábhartha uile a úsáideadh sa phróiseas, lena n-áirítear suíomh, gníomhaíocht, earnáil agus struchtúr an idirbhirt.

#### ***Ceanglas maidir le Nochtadh G1-1 — Beartais iompair gnó agus cultúr corparáideach***

---

7. **Nochtfaidh an gnóthas a bheartais maidir le nithe a sheoltar gnó agus conas a chothaíonn sé a chultúr corparáideach.**
8. Is é is cuspóir don Cheanglas maidir le Nochtadh seo tuiscint a chumasú ar a mhéid atá beartais ag an ngnóthas lena dtugtar aghaidh ar shainaithint, ar mheasúnú, ar bhainistiú agus/nó ar fheabhsú a **thionchar**, a **rioscaí** agus a **dheiseanna** ábhartha a bhaineann le hábhair iompair gnó. Tá sé mar aidhm aige freisin tuiscint a thabhairt ar chur chuige an ghnóthais i leith cultúr corparáideach.
9. Áireofar sna nochtaí a cheanglaítear faoi mhír 7 conas a dhéanfaidh an gnóthas a chultúr

corparáideach a bhunú, a fhorbairt, a chur chun cinn agus a mheasúnú.

10. Cumhdóidh na nochtuithe i mír 7 na gnéithe seo a leanas a bhaineann le beartais an ghnóthais maidir le cúrsaí iompair gnó:
- (a) tuairisc ar na sásraí chun ábhair imní maidir le hiompar neamhdhleathach nó iompar neamhdhleathach a shainaithint, a thuairisciú agus a imscrúdú i gcontráthacht lena chód iompair nó le rialacha inmheánacha comhchosúla; agus an bhfreastalaíonn sé ar thuairisciú ó gheallsealbhóirí inmheánacha agus/nó seachtracha;
  - (b) i gcás nach bhfuil aon bheartais ag an ngnóthas maidir le frithéilliú nó frithbhreabaireacht i gcomhréir le Coinbhinsiún na Náisiún Aontaithe in aghaidh an Éillithe<sup>127</sup>, luafaidh sé an méid sin agus an bhfuil sé beartaithe aige iad a chur chun feidhme agus an tráthchlár don chur chun feidhme;
  - (c) conas a chosnaíonn an gnóthas sceithirí, lena n-áirítear:
    - i. mionsonraí maidir le bealaí tuairiscithe inmheánacha do sceithirí a bhunú, lena n-áirítear an soláthraíonn an gnóthas faisnéis agus oiliúint dá oibrithe féin agus faisnéis faoi ainmniú agus oiliúint na mball foirne a fhaigheann tuarascálacha; agus
    - ii. bearta chun cosaint a thabhairt i gcoinne frithbhirt a oibrithe féin ar sceithirí iad i gcomhréir leis an dlí is infheidhme lena dtrasuitear Treoir (AE) 2019/1937 ó Pharlaimint na hEorpa agus ón gComhairle<sup>128</sup>;
  - (d) i gcás nach bhfuil aon bheartais ag an ngnóthas maidir le cosaint sceithirí<sup>129</sup>, luafaidh sé an méid sin agus an bhfuil sé beartaithe aige iad a chur chun feidhme agus an tráthchlár don chur chun feidhme;
  - (e) lasmuigh de na nósanna imeachta chun obair leantach a dhéanamh ar thuarascálacha ó sceithirí i gcomhréir leis an dlí is infheidhme lena dtrasuitear Treoir (AE) 2019/1937, an bhfuil nósanna imeachta ag an ngnóthas chun imscrúdú a dhéanamh ar theagmhais iompair gnó, lena n-áirítear teagmhais éillithe agus breabaireachta, go pras, go neamhspleách agus go hoibiachtúil;
  - (f) i gcás inarb infheidhme, cé acu atá nó nach bhfuil beartais maidir le leas ainmhithe i bhfeidhm ag an ngnóthas;
  - (g) beartas an ghnóthais maidir le hoiliúint laistigh den eagraíocht maidir le hiompar gnó, lena n-áirítear spriocphobal, minicíocht agus doimhneacht an chumhdaigh; agus
  - (h) na feidhmeanna laistigh den ghnóthas is mó atá i mbaol maidir le héilliú agus breabaireacht.
11. Gnóthais atá faoi réir ceanglais dhlíthiúla faoin dlí náisiúnta lena dtrasuitear Treoir (AE) 2019/1937, nó faoi réir ceanglais dhlíthiúla choibhéiseacha maidir le cosaint sceithirí, féadfaidh siad an nochtadh a shonraítear i mír 10 (d) a chomhlíonadh trína lua go bhfuil siad faoi réir na gceanglas dlí sin.

## ***Ceanglas maidir le Nochtadh G1-2 – Bainistiú caidreamh le soláthróirí***

### **12. Soláthróidh an gnóthas faisnéis maidir le bainistíocht a chaidreamh lena sholáthróirí**

<sup>127</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 mar go n-eascaíonn sí as táscaire breise a bhaineann le drochtthionchair phríomha mar a leagtar amach le táscaire #15 i dTábla III d'Iarscríbhinn I a ghabhann le Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Easpa beartas frithéillithe agus frithbhreabaireachta').

<sup>128</sup> Treoir (AE) 2019/1937 ó Pharlaimint na hEorpa agus ón gComhairle an 23 Deireadh Fómhair 2019 maidir le cosaint do dhaoine a thuairiscíonn sárúithe ar dhlí an Aontais (IO L 305, 26.11.2019, lch. 17).

<sup>129</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 mar gur eascair sí as táscaire breise a bhaineann le drochtthionchar príomha mar a leagtar amach le táscaire #6 i dTábla III d'Iarscríbhinn I a ghabhann leis an Rialachán Tarmligthe (AE) 2022/1288 ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Cosaint neamhleor do sceithirí eolais').

**agus maidir leis na tionchair atá aige ar a shlabhra soláthair.**

13. Is é is cuspóir don Cheanglas maidir le Nochtadh seo tuiscint a thabhairt ar bhainistiú an ghnóthais ar a phróiseas soláthair, lena n-áirítear iompar cothrom le **soláthróirí**.
14. Soláthróidh an gnóthas tuairisc ar a bheartas chun íocaíochtaí déanacha a chosc, go háirithe d'fhiontair bheaga agus mheánmhéide.
15. Áireofar an faisnéis seo a leanas sa nochtadh a cheanglaítear faoi mhír 12:
  - (a) cur chuige an ghnóthais i leith a chaidrimh lena sholáthraithe, agus rioscaí don ghnóthas a bhaineann lena shlabhra soláthair agus tionchair ar ábhair inbhuanaitheachta á gcur san áireamh; agus
  - (b) cé acu a chuireann nó nach gcuireann sé critéir shóisialta agus chomhshaoil san áireamh maidir le roghnú a sholáthraithe agus conas a chuireann sé san áireamh iad.

**Ceanglas maidir le Nochtadh G1-3 – Éilliú agus breabaireacht a chosc agus a bhrath**

16. **Soláthróidh an gnóthas faisnéis maidir leis an gcóras atá aige chun teagmhais a bhaineann le héilliú agus breabaireacht a chosc agus a bhrath, a imscrúdú agus chun freagairt ar líomhaintí maidir leis na teagmhais sin, lena n-áirítear an oiliúint ghaolmhar.**
17. Is é is cuspóir don Cheanglas maidir le Nochtadh seo trédhearcacht a sholáthar maidir le príomhnósanna imeachta an ghnóthais chun líomhaintí faoi éilliú agus breabaireacht a chosc, a bhrath agus aghaidh a thabhairt orthu. Áirítear leis sin an oiliúint a chuirtear ar fáil d'oibríthe féin agus/nó faisnéis a chuirtear ar fáil go himmhéanach nó do sholáthraithe.
18. Áireofar an faisnéis seo a leanas sa nochtadh a cheanglaítear faoi mhír 16:
  - (a) tuairisc ar na nósanna imeachta atá i bhfeidhm chun líomhaintí nó teagmhais éillithe agus breabaireachta a chosc, a bhrath agus aghaidh a thabhairt orthu;
  - (b) cé acu atá nó nach bhfuil na himscrúdaitheoirí nó an coiste imscrúdúcháin ar leithligh ón slabhra bainistíochta atá páirteach san ábhar; agus
  - (c) an próiseas, más ann dó, chun torthaí a thuairisciú do na comhlachtaí riaracháin, bainistíochta agus maoirseachta.
19. I gcás nach mbeidh aon nós imeachta den sórt sin i bhfeidhm ag an ngnóthas, nochtfaidh sé an méid sin agus, i gcás inarb infheidhme, na pleananna atá aige chun na nósanna imeachta sin a ghlacadh.
20. Áireofar sna nochtaí a cheanglaítear le mír 16 faisnéis faoin gcaoi a gcuireann an gnóthas a bheartais in iúl dóibh siúd a bhfuil siad ábhartha dóibh chun a áirithiú go bhfuil rochtain ar an mbeartas agus go dtuigeann siad na himpleachtaí a bhaineann leis.
21. Áireofar sa nochtadh a cheanglaítear le mír 16 faisnéis faoin méid seo a leanas maidir le hoiliúint:
  - (a) cineál, raon feidhme agus doimhneacht na gclár oiliúna frith-éillithe agus frithbhreabaireachta arna dtairiscint nó arna gceangal ag an ngnóthas;
  - (b) céatadán na bhfeidhmeanna i mbaol a chumhdaítear le cláir oiliúna; agus
  - (c) a mhéid a thugtar oiliúint do chomhaltaí na gcomhlachtaí riaracháin, bainistíochta agus maoirseachta.

**Méadracht agus spriocanna**

**Ceanglas maidir le Nochtadh G1-4 – Teagmhais éillithe nó bhreabaireachta**

22. **Soláthróidh an gnóthas faisnéis faoi theagmhais éillithe nó breabaireachta le linn na**

### **tréimhse tuairiscithe.**

23. Is é is cuspóir don Cheanglas maidir le Nochtadh seo trédhearcacht a sholáthar maidir leis na teagmhais a bhaineann le **héilliú** nó **breabaireacht** le linn na tréimhse tuairiscithe agus na torthaí gaolmhara.
24. Nochtfaidh an gnóthas:
- (a) an líon ciontuithithe agus an líon fineálacha i leith sárú ar dhlíthe frithéillithe agus frithbhreabaireachta<sup>130</sup>; agus
  - (b) aon ghníomhaíochtaí a rinneadh chun aghaidh a thabhairt ar shárúithe i nósanna imeachta agus i gcaighdeáin frithéillithe agus frithbhreabaireachta<sup>131</sup>.
25. Féadfaidh an gnóthas an méid seo a leanas a nochtadh:
- (a) líon agus cineál iomlán na dteagmhais éillithe nó breabaireachta deimhnithe;
  - (b) líon na dteagmhais deimhnithe inar dífhostaíodh oibríthe dílse nó inar smachtaíodh iad i gcás éillithe nó teagmhais a bhaineann le breabaireacht;
  - (c) líon na dteagmhais deimhnithe a bhaineann le conarthaí le comhpháirtithe gnó a foirceannadh nó nár athnuadh mar gheall ar shárúithe a bhaineann le héilliú nó breabaireacht; agus
  - (d) sonraí na gcásanna dlí poiblí maidir le héilliú nó breabaireacht a tugadh i gcoinne an ghnóthais agus a oibríthe féin le linn na tréimhse tuairiscithe agus torthaí na gcásanna sin. Áirítear leis sin cásanna a tionscnaíodh sna blianta roimhe sin nuair nár bunaíodh an toradh ach amháin sa tréimhse tuairiscithe reatha.
26. Ní áireofar sna nochtaí is gá teagmhais a bhaineann le gníomhaithe ina shlabhra luacha ach amháin i gcás ina bhfuil baint dhíreach ag an ngnóthas nó ag a fhostaithe leis.

### **Ceanglas maidir le Nochtadh G1-5 – Gníomhaíochtaí tionchair pholaitiúil agus brústocaireachta**

27. **Soláthróidh an gnóthas faisnéis maidir leis na gníomhaíochtaí agus na gealltanais a bhaineann lena thionchar polaitiúil a fheidhmiú, lena n-áirítear a ghníomhaíochtaí brústocaireachta a bhaineann lena thionchair, rioscaí agus deiseanna ábhartha.**
28. Is é is cuspóir don Cheanglas maidir le Nochtadh seo trédhearcacht a sholáthar maidir le gníomhaíochtaí agus gealltanais an ghnóthais a bhaineann lena thionchar polaitiúil a fheidhmiú lena ngabhann rannchuidithe polaitiúla, lena n-áirítear cineálacha agus cuspóir na **gníomhaíochtaí brústocaireachta**.
29. Áireofar an méid seo a leanas sa nochtadh a cheanglaítear le mír 27:
- (a) más infheidhme, an t-ionadaí/na hionadaithe atá freagrach sna comhlachtaí riaracháin, bainistíochta agus maoirseachta as maoirseacht a dhéanamh ar na gníomhaíochtaí sin;
  - (b) le haghaidh ranníocaíochtaí airgeadais nó ranníocaíochtaí polaitiúla comhchineáil:
    - i. luach airgeadúil iomlán ranníocaíochtaí airgeadais agus polaitiúla comhchineáil a

<sup>130</sup> Tacaíonn an fhaisnéis sin le riachtanais faisnéise na ngrúpaí seo a leanas: rannpháirtithe sa mhargadh airgeadais atá faoi réir Rialachán (AE) 2019/2088 toisc go ndíorthaítear é ó tháscaire breise a bhaineann le drochthionchair phríomha a leagtar amach i dtáscaire #17 de Thábla III d'Iarscríbhinn I a ghabhann le Rialachán Tarmiligthe (AE) 2022/1288 ón gCoimisiún a mhéid a bhaineann le rialacha maidir le nochtaí maidir le hinfheistíochtaí inbhuanaithe ("Líon na gciontuithithe agus méid na bhfineálacha as sárú ar dhlíthe frithéillithe agus frithbhreabaireachta"); agus riarthóirí tagarmharcanna chun tosa ESG atá faoi réir Rialachán (AE) 2020/1816 a nochtadh mar a leagtar amach sa táscaire 'Nuamaigh ciontuithithe agus méid na bhfineálacha i leith sárúithe ar dhlíthe frithéillithe agus frithbhreabaireachta' i ranna 1 agus 2 d'Iarscríbhinn II.

<sup>131</sup> Tacaíonn an fhaisnéis sin le riachtanais faisnéise rannpháirtithe sa mhargadh airgeadais atá faoi réir Rialachán (AE) 2019/2088 mar gur eascair sí as táscaire breise a bhaineann le drochthionchair príomha mar a leagtar amach i dtáscaire #16 de Thábla III d'Iarscríbhinn I a ghabhann le Rialachán Tarmiligthe 2022/1288 (AE) ón gCoimisiún i dtaobh rialacha maidir le nochtadh i dtaca le hinfheistíochtaí inbhuanaithe ('Cásanna nach ndearnadh gníomhaíocht leormhaith iontu chun aghaidh a thabhairt ar shárúithe ar chaighdeáin frithéillithe agus frithbhreabaireachta').

dhéanann an gnóthas go díreach agus go hindíreach, arna gcomhiomlánú de réir tíre nó limistéar geografach i gcás inarb ábhartha, chomh maith leis an gcineál faighteora/tairbhí; agus

- ii. i gcás inarb iomchuí, conas a mheastar luach airgeadúil ranníocaíochtaí comhchineáil.
  - (c) na príomhábhair a chumhdaítear lena ghníomhaíochtaí brústocaireachta agus príomhsheasaimh an ghnóthais ina leith sin go hachomair. Áireofar leis sin mínithe ar an gcaoi a n-idirghníomhaíonn sé sin lena thionchair, rioscaí agus deiseanna ábhartha arna sainaithint ina mheasúnú ábharthachta de réir ESRS 2; agus
  - (d) má tá an gnóthas cláraithe i gClár Trédhearcachta an Aontais Eorpaigh nó i gclár trédhearcachta coibhéiseach i mBallstát, ainm aon chlár den sórt sin agus a uimhir aitheantais sa chlár.
30. Áireofar sa nochtadh freisin faisnéis faoi cheapadh aon chomhaltaí de na comhlachtaí riaracháin, bainistíochta agus maoirseachta a raibh post inchomparáide acu sa riarachán poiblí (lena n-áirítear rialtóirí) le linn an dá bhliain roimh an gceapachán sin sa tréimhse tuairiscithe reatha.

### ***Ceanglas maidir le Nochtadh G1-6 – Cleachtais íocaíochta***

---

31. **Soláthróidh an gnóthas faisnéis faoina chleachtais íocaíochta, go háirithe maidir le híocaíochtaí déanacha le fiontair bheaga agus mheánmhéide (FBManna).**
32. Is é is cuspóir don Cheanglas maidir le Nochtadh seo léargas a thabhairt ar na téarmaí íocaíochta conarthacha agus ar a fheidhmíocht maidir le híocaíocht, go háirithe maidir leis an tionchar a bhíonn acu sin ar FBManna agus go háirithe maidir le híocaíochtaí déanacha le FBManna.
33. Áireofar an méid seo a leanas sa nochtadh faoi mhír 31:
- (a) an meánfhad ama a thógann sé ar an ngnóthas sonrasc a íoc ón dáta a thosaítear ag ríomh an téarma íocaíochta chonarthaigh nó reachtúil, i líon laethanta;
  - (b) tuairisc ar théarmaí caighdeánacha íocaíochta an ghnóthais i líon na laethanta de réir phríomhchatagóir soláthróirí agus céatadán a íocaíochtaí ailínithe leis na téarmaí caighdeánacha sin;
  - (c) líon na n-imeachtaí dlíthiúla atá fós gan íoc faoi láthair le haghaidh íocaíochtaí déanacha; agus
  - (d) an fhaisnéis chomhlántach is gá chun comhthéacs leordhóthanach a sholáthar. Má bhain an gnóthas úsáid as sampláil ionadaíoch chun an fhaisnéis a cheanglaítear faoi phointe (a) a ríomh, luafaidh sé an fforas sin agus tabharfaidh sé tuairisc ghairid ar an modheolaíocht a úsáideadh.

### ***Foscúbhinn A: Ceanglais maidir le Cur i bhFeidhm***

---

Is dlúthchuid de ESRS G1 *Iompar gnó* í an fhoscúbhinn seo. Tacaíonn sí le cur i bhfeidhm na gceanglas maidir le nochtadh a leagtar amach sa chaighdeán seo agus tá an t-údarás céanna aici agus atá ag na codanna eile den Chaighdeán.

### ***Bainistiú tionchar, rioscaí agus deiseanna***

### ***Ceanglas maidir le Nochtadh G1-1 – Beartais iompair gnó agus cultúr corparáideach***

- AR 1. Féadfaidh an gnóthas na gnéithe seo a leanas a chur san áireamh agus a nochtadh faoi mhír 7 á chinneadh aige:
- (a) na gnéithe den chultúr corparáideach a chuirtear san áireamh agus a phléann na comhlachtaí riaracháin, bainistíochta agus maoirseachta agus a mhinice a chuirtear san áireamh iad;
  - (b) na príomhthéamaí a chuirtear chun cinn agus a chuirtear in iúl mar chuid den chultúr corparáideach;
  - (c) an chaoi a dtugann comhaltaí chomhlachtaí riaracháin, bainistíochta agus maoirseachta an ghnóthais treoir chun cultúr corparáideach a chur chun cinn; agus
  - (d) dreasachtaí nó uirlisí sonracha dá oibrithe dílse chun a chultúr corparáideach a chothú agus a spreagadh.

### ***Ceanglas maidir le Nochtadh G1-2 – Bainistiú caidreamh le soláthróirí***

- AR 2. Chun críocha an chaighdeáin seo, d'fhéadfadh an méid seo a leanas a bheith san áireamh i mbainistiú an chaidrimh le soláthraithe an ghnóthais:
- (a) an chaoi a dtacaíonn cleachtais an ghnóthais, lena n-áirítear gníomhaíochtaí chun tionchair shuaitheadh ar a shlabhra soláthair a sheachaint nó a íoslaghdú, lena straitéis agus le bainistiú riosca;
  - (b) lucht saothair soláthair/soláthair an ghnóthais a oiliúint maidir le rannpháirtíocht agus idirphlé le soláthróirí chomh maith le dreasachtaí a lucht saothair soláthair lena n-áirítear an mbaineann na dreasachtaí sin le fachtóirí praghais, cáilíochta nó inbhuanaitheachta;
  - (c) scagadh agus meastóireacht ar fheidhmíocht shóisialta agus chomhshaoil soláthróirí;
  - (d) soláthróirí bunaithe go háitiúil a chuimsiú ina shlabhra soláthair agus/nó soláthróirí a bhfuil deimhniúchán acu;
  - (e) conas a dhéileálann cleachtais an ghnóthais le soláthraithe leochaileacha;
  - (f) spriocanna agus gníomhaíochtaí an ghnóthais maidir le caidreamh le soláthróirí a chur in iúl agus a bhainistiú; agus
  - (g) conas a dhéantar meastóireacht ar thorthaí na gcleachtas sin, lena n-áirítear cuairteanna, iniúchtaí nó suirbhéanna ar sholáthróirí.
- AR 3. Áirítear le 'soláthraithe leochaileacha' soláthróirí atá neamhchosanta ar rioscaí suntasacha eacnamaíocha, comhshaoil agus/nó sóisialta.

### ***Ceanglas maidir le Nochtadh G1-3 – Éilliú agus breabaireacht a chosc agus a bhrath***

- AR 4. Ciallaíonn 'feidhmeanna faoi riosca' na feidhmeanna sin a mheastar a bheith i mbaol éillithe agus breabaireachta mar thoradh ar a chúraimí agus a fhreagrachtaí.
- AR 5. Féadfar a áireamh i nochtuithe sonraí faoi na measúnuithe riosca agus/nó mapáil, chomh maith le cláir faireacháin agus/nó nósanna imeachta rialaithe inmheánaigh arna ndéanamh ag an gnóthas chun éilliú agus breabaireacht a bhrath.
- AR 6. D'fhéadfadh beartais an ghnóthais maidir le héilliú agus breabaireacht a bheith ábhartha do ghrúpaí sonracha daoine, toisc go bhfuiltear ag súil go gcuirfidh siad chun feidhme iad (mar shampla, fostaithe, conraitheoirí agus soláthróirí an ghnóthais), nó toisc go bhfuil leas díreach acu ina gcur chun feidhme (mar shampla oibrithe slabhra luacha, infheisteoirí). Féadfaidh an gnóthas na huirlisí agus na bealaí cumarsáide a nochtadh (e.g. fógráin, nuachtlitreacha, suíomhanna gréasáin tiomnaithe, na meáin shóisialta, idirghníomhaíochtaí aghaidh ar aghaidh, ceardchumann agus/nó ionadaithe oibrithe) chun beartais a chur in iúl do ghrúpaí den sórt sin. D'fhéadfaí a áireamh leis sin freisin bacainní féideartha ar

scaipeadh a shainnithint agus/nó a bhaint, amhail trí aistriúchán go teangacha ábhartha nó trí léirithe grafacha a úsáid.

- AR 7. Féadfaidh an gnóthas anailís ar a ghníomhaíochtaí oiliúna a nochtadh, mar shampla, an réigiún oiliúna nó catagóir **lucht saothair an ghnóthais féin** i gcás ina bhfuil éagsúlachtaí móra idir a chlár bunaithe ar fhachtóirí den sórt sin agus go mbeadh an fhaisnéis sin úsáideach d'úsáideoirí.
- AR 8. Féadfaidh an gnóthas an fhaisnéis is gá maidir le hoiliúint a chur i láthair tríd an tábla seo a leanas a úsáid:

**Sampla léiritheach d'oiliúint frithéillithe agus frithbhreabaireachta**

*Le linn na bliana airgeadais 20XY, sholáthair ABC oiliúint ar a bheartas dá oibríthe dílse a raibh feidhmeanna i mbaol á ndéanamh acu (féach nóta x). Tá an oiliúint éigeantach d'oibríthe a dhéanann na feidhmeanna sin atá i mbaol, ach chuir ABC an oiliúint ar fáil ar bhonn saorálach d'oibríthe dílse eile. Is mar a leanas mionsonraí a oiliúna le linn na bliana:*

	<b>Feidhmeanna i mbaol</b>	<b>Bainisteoirí</b>	<b>AMSB<sup>132</sup></b>	<b>Oibríthe eile eile</b>
<b>Cumhdach oiliúna</b>				
<i>Iomlán</i>	20 000	200	16	70 000
<i>An líon iomlán a oileadh</i>	19 500	150	8	5 000
<b>Modh agus fad na hoiliúna</b>				
<i>Oiliúint sa seomra ranga</i>	5 uair an chloig			
<i>Oiliúint ríomhbhunaithe</i>	1 uair an chloig	2 uair an chloig	1 uair an chloig	
<i>Oiliúint dheonach ríomhbhunaithe</i>				1 uair an chloig
<b>Minicíocht</b>				
<i>A mhínic atá gá le hoiliúint</i>	Go bliantúil	Go bliantúil	Go leathbhliantúil	-
<b>Ábhair a chumhdaítear</b>				
<i>Sainmhíniú ar éilliú</i>	X	X	X	X
<i>Beartas</i>	X	X	X	X
<i>Nósanna imeachta um amhras/brath</i>	X	X		
<i>Etc.</i>	X			

**Méadracht agus spriocanna**

**Ceanglas maidir le Nochtadh G1-5 – Gníomhaíochtaí tionchair pholaitiúil agus brústocaireachta**

- AR 9. Chun críocha an Chaighdeáin seo, ciallaíonn 'rannfocaíocht pholaitiúil' tacaíocht airgeadais

<sup>132</sup> Comhlachtaí riaracháin, bainistíochta agus maoirseachta.

nó tacaíocht chomhchineáil a sholáthraítear go díreach do pháirtithe polaitiúla, dá n-ionadaithe tofa nó do dhaoine atá ag lorg oifige polaitiúla. D'fhéadfadh tabhartais, iasachtaí, urraíocht, réamhíocaíochtaí le haghaidh seirbhísí, nó ceannach ticéad le haghaidh imeachtaí tiomsaithe airgid agus cleachtais chomhchosúla eile a bheith i gceist le ranníocaíochtaí airgeadais. Is féidir a áireamh ar ranníocaíochtaí comhchineáil fógraíocht, úsáid saoráidí, dearadh agus priontáil, deonú trealamh, ballraíocht ar bhord, fostaíocht nó obair chomhairleoireachta a sholáthar do pholaitheoirí tofa nó d'iarrthóirí ar oifig pholaitiúil.

- AR 10. Tagraíonn 'ranníocaíocht pholaitiúil indíreach' do na ranníocaíochtaí polaitiúla sin a dhéantar trí bhíthin eagraíocht is idirghabhálaí amhail brústocaire nó carthanacht, nó tacaíocht a thugtar d'eagraíocht amhail meitheal mhachnaimh nó comhlachas trádála atá nasctha le páirtithe nó cúiseanna polaitiúla áirithe nó a thacaíonn leo.
- AR 11. Agus 'suíomh inchomparáide' á chinneadh sa chaighdeán seo aige, breithneoidh an gnóthas tosca éagsúla, lena n-áirítear an leibhéal freagrachta agus raon feidhme na gníomhaíochtaí a dhéantar.
- AR 12. Féadfaidh an gnóthas an fhaisnéis seo a leanas a sholáthar maidir lena ranníocaíochtaí airgeadais nó comhchineáil i ndáil lena chostais stocaireachta:
- (a) méid airgeadaíochta iomlán na gcostas inmheánach agus seachtrach sin; agus
  - (b) an méid iomlán a íoctar as ballraíocht i gcomhlachais stocaireachta.
- AR 13. Má tá oibleagáid dhlíthiúil ar an gnóthas a bheith ina chomhalta de chomhlachas tráchtála nó d'eagraíocht eile a dhéanann ionadaíocht ar a leasanna, féadfaidh sé a nochtadh gurb amhlaidh atá.
- AR 14. Agus an ceanglas i mír 29(c) á chomhlíonadh aige, breithneoidh an gnóthas an t-ailíniú idir a ráitis phoiblí maidir lena thionchair, rioscaí agus deiseanna ábhartha agus a gníomhaíochtaí brústocaireachta.
- AR 15. Sampla den chuma a d'fhéadfadh a bheith ar nochtuithe den sórt sin:

***Sampla léiritheach de rannpháirtíocht pholaitiúil (lena n-áirítear gníomhaíochtaí stocaireachta)***

*Le linn na bliana airgeadais 20XY bhí baint ag ABC le gníomhaíochtaí a bhaineann leis an rialachán XXX atá beartaithe, rud a d'fhéadfadh tionchar diúltach suntasach a imirt ar a shamhail ghnó dá gcuirfí chun feidhme é san fhormáid reatha. Cé go measann ABC go mbeidh roinnt feabhsuithe ar an gcóras rialála ann, amhail xxx, de bharr an rialacháin bheartaithe, is mó na costais a bheidh ag xxx ná na tairbhí, dar leis, san fhormáid ina bhfuil sé faoi láthair. Leanann ABC agus a phiaraí de bheith ag obair le XXX (an rialtóir) chun feabhas a chur ar an gcothroimaíocht sin.*

*Thacaigh ABC freisin leis an bpáirtí polaitiúil QRP i dTír X agus páirtí EFG i dTír Y mar an dá... Tá ABC cláraithe ina chlár trédhearcachta áitiúil, i.e. XYZ, agus is é 987234 a uimhir chlárúcháin.*

*Méideanna i mílte €*

	2023	2022 [le deimhniú ]
<i>Maoiniú polaitiúil a soláthraíodh</i>	100	
<i>Maoiniú do QRP</i>	75	
<i>Maoiniú do EFG</i>	25	
	<b>100</b>	

***Ceanglas maidir le Nochtadh G1-6 – Cleachtais íocaíochta***

- AR 16. I gcásanna áirithe, d'fhéadfadh difríocht mhór a bheith idir téarmaí caighdeánacha íocaíochta conarthacha an ghnóthais, ag brath ar an tír nó ar an gcineál **soláthróra**. I

gcásanna den sórt sin, d'fhéadfadh faisnéis faoi na téarmaí caighdeánacha de réir príomhchatagóirí soláthraithe nó tíre nó réigiúin gheografaigh a bheith ina samplaí d'fhaisnéis chomhthéacsúil bhreise chun na nochtuithe i mír 33(b) a mhíniú.

AR 17. Sampla den chuma a d'fhéadfadh a bheith ar an gcur síos ar nochtadh caighdeánach téarma conartha i mír 33(b):

*Is ionann téarmaí focaíochta conartha caighdeánacha ABC agus focaíocht ar shonrasc a fháil do mhórdhíoltóirí a chuimsíonn thart ar 80 % dá shonraisc bhliantúla de réir luacha. Íocann sé as seirbhísí a fhaightear laistigh de 30 lá ón sonrasc a fháil, ar cás é a chuimsíonn thart ar 5 % dá shonraisc bhliantúla. Íoctar an chuid eile dá shonraisc laistigh de 60 lá tar éis iad a fháil, ach amháin na cinn sin i dtír X a íoctar laistigh de 90 lá tar éis iad a fháil i gcomhréir le caighdeán an mhargaidh.*